

গল্পগুচ্ছ

দ্বিতীয় খণ্ড

শ্রীরবীন্দ্রনাথ ঠাকুর



বিশ্বভারতী-গ্রন্থালয়
২১৭, কর্ণওয়ালিস্ ষ্ট্রীট, কলিকাতা

K. L. M. Cal.
Rs. 70-00

বিষয়ভিত্তিক-প্রবন্ধ


প্রকাশক—শ্রীজগদানন্দ রায়

২১৭, কর্ণওয়ালিস্ স্ট্রীট, কলিকাতা

Rare Book

SHELF LISTED

মূল্য ১।।০ দেড় টাকা মাত্র



প্রিন্টার—শ্রীরামরঞ্জন মুখোপাধ্যায়

পলাশ্বর প্রিন্টিং ওয়ার্কস্ লিমিটেড,

১২৪/২১১নং বাণিকতলা স্ট্রীট, কলিকাতা।

সূচীপত্র

বিষয়	পৃষ্ঠা
১। অনধিকার প্রবেশ	৩৩৩
২। মেঘ ও রৌদ্র	৩৪০
৩। প্রায়শ্চিত্ত	৩৭১
৪। বিচারক	৩৮৭
৫। নিশীথে	৩৯৬
৬। আপদ	৪১১
৭। দিদি	৪২৪
৮। শুভদৃষ্টি	৪৩৭
৯। মানভঞ্জন	৪৪৪
১০। ঠাকুর্দা	৪৫৭
১১। প্রতিহিংসা	৪৬৯
১২। ক্ষুধিত পাষণ	৪৮৬
১৩। অতিথি	৫০১
১৪। হুঁরাশা	৫২২
১৫। পুত্রবন্ধ্য	৫৩৮
১৬। ডিটেক্টিভ্	৫৪৩
১৭। অধ্যাপক	৫৫৪
১৮। রাজচাঁকা	৫৭৭
১৯। মণিহারী	৫৯১

ବିଷୟ	ପୃଷ୍ଠା
୨୦ । ଦୃଷ୍ଟିଦାନ	୬୧୦
୨୧ । ଉଚ୍ଚାର	୬୩୫
୨୨ । ହର୍ଷଭୁକ୍ତି	୬୩୭
୨୩ । ଫେଣ	୬୪୫
୨୪ । ମଦର ଅନ୍ତର	୬୫୧
୨୫ । ନଈନୀଡ଼ି	୬୫୫
୨୬ । ଦର୍ପହରଣ	୧୨୦
୨୭ । ସାଧ୍ୟାଦାନ	୧୩୨

গল্পগুচ্ছ



অনধিকার প্রবেশ

একদা প্রাতঃকালে পথের ধারে দাঁড়াইয়া এক বালক আর এক বালকের সহিত একটি অসমসাহসিক অমুঠান সম্মুখে বাজি রাখিয়াছিল। ঠাকুরবাড়ির মাধবী-বিতান হইতে ফুল তুলিয়া আনিতে পারিবে কি না ইহাই লইয়া তর্ক। একটি বালক বলিল, “পারিব,” আর একটি বালক বলিল, “কখনই পারিবে না।”

কাজটি শুনিতে সহজ অথচ করিতে কেন সহজ নহে তাহার বুভুক্ষু আর একটু বিস্তারিত করিয়া বলা আবশ্যক।

পরলোকগত মাধবচন্দ্র তর্কবাচস্পতির বিধবা জী জন্মকালী দেবী এই রাধানাথ জীউর মন্দিরের অধিকারিণী। অধ্যাপক মহাশয় টোলে যে তর্ক-বাচস্পতি উপাধি প্রাপ্ত হইয়াছিলেন পত্নীর নিকটে একদিনের জগ্গণ সে উপাধি সপ্ৰমাণ করিতে পারেন নাই। কোনো কোনো পণ্ডিতের মতে উপাধির

সার্থকতা ঘটয়াছিল, কারণ, তর্ক এবং বাক্য সমস্তই তাঁহার পক্ষীর অংশে পড়িয়াছিল, তিনি পতিরূপে তাহার সম্পূর্ণ ফলভোগ করিয়াছিলেন।

সত্যের অনুরোধে বলিতে হইবে জয়কালী অধিক কথা কহিতেন না—কিন্তু অনেক সময় দুটি কথায়, এমন কি, নীরবে অতি বড় প্রবল মুখবেগও বন্ধ করিয়া দিতে পারিতেন।

জয়কালী দীর্ঘাকার, দৃঢ়শরীর, তীক্ষ্ণনাসা, প্রথরবুদ্ধি জ্বীলোক। তাঁহার স্বামী বর্তমানে তাঁহাদের দেবোত্তর সম্পত্তি নষ্ট হইবার জো হইয়াছিল। বিধবা তাহার সমস্ত বাকি বকেয়া আদায়, সামা সরহদ্দ স্থির এবং বহুকালের বেদখল উদ্ধার করিয়া সমস্ত পরিকার করিয়াছিলেন। তাঁহার প্রাণ্য হইতে কেহ তাঁহাকে এক কড়ি বঞ্চিত করিতে পারিত না।

এই জ্বীলোকটির প্রকৃতির মধ্যে বহুল পরিমাণে পুরুষের অংশ থাকাতে তাঁহার ষথার্থ সঙ্গী কেহ ছিল না। জ্বীলোকেরা তাঁহাকে ভয় করিত। পরনিদ্রা, ছোট কথা বা নাকীকান্না তাঁহার অসহ্য ছিল। পুরুষেরাও তাঁহাকে ভয় করিত; কারণ, পল্লীবাসী ভদ্রপুরুষদের চণ্ডীমণ্ডপগত অগাধ আলমুখে তিনি এক প্রকার নীরব ঘৃণাপূর্ণ তীক্ষ্ণ কটাক্ষের দ্বারা দিক্কার করিয়া যাইতে পারিতেন যাহা তাহাদের স্থূল জড়জ্ব ভেদ করিয়াও অন্তরে প্রবেশ করিত।

প্রবলরূপে ঘৃণা করিবার এবং সে ঘৃণা প্রবলরূপে প্রকাশ করিবার অসাধারণ ক্ষমতা এই গৌড়া বিধবাটির ছিল। বিচারে যাহাকে অপরাধী করিতেন তাহাকে তিনি কথায় এবং বিনা কথায়, ভাবে এবং ভঙ্গীতে একেবারে দম্ভ করিয়া যাইতে পারিতেন।

পল্লীর সমস্ত ক্রিয়াকর্মে বিপদে সম্পদে তাঁহার নিরলস হস্ত ছিল। সর্বত্রই তিনি নিজের একটি গৌরবের স্থান বিনা চেষ্টায় অতি সহজেই অধিকার করিয়া লইতেন। যেখানে তিনি উপস্থিত থাকিতেন সেখানে তিনিই যে, সকলের প্রধানপদে, সে সম্বন্ধে তাঁহার নিজের অথবা উপস্থিত কোনো ব্যক্তির মনে কিছুমাত্র সন্দেহ থাকিত না।

রোগীর সেবায় তিনি সিদ্ধহস্ত ছিলেন, কিন্তু রোগী তাঁহাকে যমের মত ভয় করিত। পথ্য বা নিয়মের লেশমাত্র লঙ্ঘন হইলে তাঁহার ক্রোধানল রোগের তাপ অপেক্ষা রোগীকে অধিক উত্তপ্ত করিয়া তুলিত।

এই দীর্ঘাকার কঠিন বিধবাটি বিধাতার কঠোর নিয়মদণ্ডের স্তম্ভ পল্লীর মস্তকের উপর উদ্ভূত ছিলেন ; কেহ তাঁহাকে ভালবাসিতে অথবা অবহেলা করিতে সাহস করিত না। পল্লীর সকলের সঙ্গেই তাঁহার যোগ ছিল অথচ তাঁহার মত অত্যন্ত একাকিনী কেহ ছিল না।

বিধবা নিঃসন্তান ছিলেন। পিতৃমাতৃহীন দুইটি ভ্রাতুষ্পুত্র তাঁহার গৃহে মানুষ হইত। পুরুষ অভিভাবক অভাবে তাহাদের যে কোনো প্রকার শাসন ছিল না এবং স্নেহাঙ্ক পিসিমার আদরে তাহারা যে নষ্ট হইয়া যাইতেছিল এমন কথা কেহ বলিতে পারিত না। তাহাদের মধ্যে বড়টির বয়স আঠারো হইয়াছিল। মাঝে মাঝে তাহার বিবাহের প্রস্তাবও আসিত এবং পরিণয়বন্ধন সম্বন্ধে বালকটির চিন্তাও উদাসীন ছিল না। কিন্তু পিসিমা তাহার সেই সুখবাসনায় একদিনের জ্ঞাও প্রশ্রয় দেন নাই। অগ্র জীলোকের স্তম্ভ কিশোর নবদম্পতির নব প্রেমোদগমদৃগ্ধ তাঁহার কল্পনায় অত্যন্ত উপভোগ্য মনোরম বলিয়া প্রতীত হইত না। বরং তাঁহার ভ্রাতুষ্পুত্র বিবাহ করিয়া অগ্র ভদ্র গৃহস্থের স্তম্ভ অলসভাবে বসিয়া পল্লীর আদরে প্রতিদিন ক্ষীণ হইতে থাকিবে এ সম্ভাবনা তাঁহার নিকট নিরতিশয় হয় বলিয়া প্রতীত হইত। তিনি কঠিন ভাবে বলিতেন, পুণিন আগে উপার্জন করিতে আরম্ভ করুক তার পরে বধু ঘরে আনিবে। পিসিমার মুখের সেই কঠোর বাক্যে প্রতিবেশিনীদের হৃদয় বিদীর্ণ হইয়া যাইত।

ঠাকুরবাড়িটি জয়কালীর সর্বাপেক্ষা যত্নের ধন ছিল। ঠাকুরের শয়ন বসন আনাহারের তিলমাত্র ত্রুটি হইতে পারিত না। পূজক ব্রাহ্মণ দুটি দেবতার অপেক্ষা এই একটি মানবীকে অনেক বেশি ভয় করিত। পূর্বে এক সময় ছিল যখন দেবতার বরাদ্দ দেবতা পুরা পাইতেন না। কারণ, পূজক ঠাকুরের আর একটি পূজার প্রতিমা গোপন মন্দিরে ছিল। তাহার নাম ছিল নিস্তারিণী। গোপনে স্তুত হৃদ্ধ ছানা ময়দার নৈবেদ্য স্বর্গে মরকে ভাগাভাগি হইয়া যাইত। কিন্তু আজকাল জয়কালীর শাসনে পূজার ষোল আনা অংশই ঠাকুরের ভোগে আসিতেছে, উপদেবতাগণকে অগ্র জীবিকার অগ্র উপায় অন্বেষণ করিতে হইয়াছে।

বিধবার যত্নে ঠাকুরবাড়ির প্রাঙ্গণটি পরিষ্কার তক্তক্ত করিতেছে—

কোথাও একটি তৃণমাত্র নাই। একপার্শ্বে মঞ্চ অবলম্বন করিয়া মাধবীলতা উঠিয়াছে, তাহার শুষ্কপত্র পড়িবারাত্র জয়কালী তাহা তুলিয়া লইয়া বাহিরে ফেলিয়া দেন। ঠাকুরবাড়িতে পারিপাট্য পরিচ্ছন্নতা ও পবিত্রতার কিছুমাত্র ব্যাঘাত হইলে বিধবা তাহা সহ্য করিতে পারিতেন না। পাড়ার ছেলেরা পূর্বে লুকোচুরি খেলা উপলক্ষে এই প্রাঙ্গণের প্রান্তে আসিয়া আশ্রয় গ্রহণ করিত এবং মধ্যে মধ্যে পাড়ার ছাগশিশু আসিয়া মাধবীলতার বক্ষাংশ কিছু কিছু ভক্ষণ করিয়া যাইত। এখন আর সে সুযোগ নাই। পর্বকাল ব্যতীত অত্র দিনে ছেলেরা প্রাঙ্গণে প্রবেশ করিতে পাইত না এবং ক্ষুধাতুর ছাগশিশুকে দণ্ডাঘাত খাইয়াই ঘারের নিকট হইতে তারস্বরে আপন অঙ্গ-জননৌকে আহ্বান করিতে করিতে ফিরিতে হইত।

অনাচারী ব্যক্তি পরমাশ্রয় হইলেও দেবালয়ের প্রাঙ্গণে প্রবেশ করিতে পাইত না। জয়কালীর একটি যবনকরপক-কুঙ্কটমাংসলোলুপ ভগিনীপতি আশ্রয়সন্দর্শন উপলক্ষে গ্রামে উপস্থিত হইয়া মন্দির-অঙ্গনে প্রবেশ করিবার উপক্রম করিয়াছিলেন, জয়কালী তাহাতে দ্বিগত ও তীব্র আপত্তি প্রকাশ করিতে সহোদরা ভগিনীর সহিত তাঁহার বিচ্ছেদ সম্ভাবনা ঘটাইয়াছিল। এই দেবালয় সম্বন্ধে বিধবার এতই অতিরিক্ত অনাবশ্যক সতর্কতা ছিল যে, সাধারণের নিকট তাহা অনেকটা বাতুলতারূপে প্রতীয়মান হইত।

জয়কালী আর সর্বত্রই কঠিন উন্নত স্বতন্ত্র, কেবল এই মন্দিরের সম্মুখে তিনি পরিপূর্ণভাবে আত্মসমর্পণ করিয়াছিলেন। এই বিগ্রহটির নিকট তিনি একান্তরূপে জননী, পত্নী, দাসী—ইহার কাছে তিনি সতর্ক, স্নেহমল, স্নানর এবং সম্পূর্ণ অবনত। এই প্রস্তরের মন্দির এবং প্রস্তরের মূর্তিটি তাঁহার নিগূঢ় নারীস্বভাবের একমাত্র চরিতার্থতার বিষয় ছিল। ইহাই তাঁহার স্বামী পুত্র, তাঁহার সমস্ত সংসার।

ইহা হইতেই পাঠকেরা বুঝিবেন যে, যে বালকটি মন্দির-প্রাঙ্গণ হইতে মাধবীমঞ্জরী আহরণ করিবার প্রতিজ্ঞা করিয়াছিল তাহার সাহসের সীমা ছিল না। সে জয়কালীর কনিষ্ঠ ভ্রাতৃপুত্র নলিন। সে তাহার পিসিমাকে ভালো করিয়াই জানিত তথাপি তাহার দুর্দান্ত প্রকৃতি শাসনের বশ হয় নাই। যেখানে বিপদ সেখানেই তাহার একটা আকর্ষণ ছিল, এবং যেখানে শাসন

সেখানেই লজ্জন করিবার জন্ত তাহার চিত্ত চঞ্চল হইয়া থাকিত। জনশ্রুতি আছে বাল্যকালে তাহার পিসিমার স্বভাবটিও এইরূপ ছিল।

জয়কালী তখন মাতৃস্নেহমিশ্রিত ভক্তির সহিত ঠাকুরের দিকে দৃষ্টি নিবদ্ধ করিয়া দালানে বসিয়া একমনে মালা জপিতেছিলেন।

বালকটি নিঃশব্দপদে পশ্চাৎ হইতে আসিয়া মাধবীতলায় দাঁড়াইল। দেখিল, নিম্নশাখার ফুলগুলি পূজার জন্ত নিঃশেষিত হইয়াছে। তখন অতি ধীরে ধীরে সাবধানে মঞ্চে আরোহণ করিল। উচ্চশাখায় ছুটি একটি বিকচোন্মুখ কুঁড়ি দেখিয়া যেমন সে শরীর এবং বাহু প্রসারিত করিয়া তুলিতে যাইবে অমনি সেই প্রবল চেষ্টার ভরে জীর্ণ মঞ্চ সশব্দে ভাঙিয়া পড়িল। আশ্রিত লতা এবং বালক একত্রে ভূমিসাৎ হইল।

জয়কালী তাড়াতাড়ি ছুটিয়া আসিয়া তাহার ভ্রাতৃপুত্রটির কীৰ্ত্তি দেখিলেন সবলে বাহু ধরিয়া তাহাকে মাটি হইতে তুলিলেন। আঘাত তাহার বথেষ্ট লাগিয়াছিল—কিন্তু সে আঘাতকে শাস্তি বলা যায় না, কারণ, তাহা অজ্ঞান জড়ের আঘাত। সেই জন্ত পতিত বালকের ব্যথিত দেহে জয়কালীর সজ্ঞান শাস্তি মুহূৰ্হু সবলে বর্ষিত হইতে লাগিল। বালক একবিন্দু অশ্রুপাত না করিয়া নীরবে সহ্য করিল। তখন তাহার পিসিমা তাহাকে টানিয়া লইয়া ঘরের মধ্যে রুদ্ধ করিলেন। তাহার সেদিনকার বৈকালিক আহার নিষিদ্ধ হইল।

আহার বন্ধ হইল শুনিয়া দাসী মোক্ষদা কাতরকণ্ঠে ছলছলনেজে বালককে ক্ষমা করিতে অনুনয় করিল। জয়কালীর হৃদয় গলিল না। ঠাকুরাণীর অজ্ঞাতসারে গোপনে ক্ষুধিত বালককে কেহ যে খাওয়া দিবে বাড়িতে এমন দুঃসাহসিক কেহ ছিল না।

বিধবা মঞ্চসংস্কারের জন্ত লোক ডাকিতে পাঠাইয়া পুনর্বার মালাহন্তে দালানে আসিয়া বসিলেন। মোক্ষদা কিছুক্ষণ পরে সভয়ে নিকটে আসিয়া কহিল, “ঠাকুরমা, কাকাবাবু ক্ষুধায় কাঁদিতেছেন তাঁহাকে কিছু দুধ আনিয়া দিব কি?”

জয়কালী অবিচলিত মুখে কহিলেন, “না।” মোক্ষদা ফিরিয়া গেল। অদূরবর্তী কুটারের গৃহ হইতে নলিনের করুণ ক্রন্দন ক্রমে ক্রোধের গর্জনে

পরিণত হইয়া উঠিল—অবশেষে অনেকক্ষণ পরে তাহার কাতরতার শ্রান্ত উচ্ছ্বাস থাকিয়া থাকিয়া জপ-নিরতা পিসিমার কানে আসিয়া ধ্বনিত হইতে লাগিল।

নলিনের আন্তরিক যখন পরিশ্রান্ত ও মৌনপ্রায় হইয়া আসিয়াছে এমন সময় আর একটি জীবের ভীত কাতরধ্বনি নিকটে ধ্বনিত হইতে লাগিল এবং সেই সঙ্গে ধাবমান মনুষ্যের দূরবর্তী চীৎকারশব্দ মিশ্রিত হইয়া মন্দিরের সম্মুখস্থ পথে একটা তুমুল কলরব উথিত হইল।

সহসা প্রাক্‌গণের মধ্যে একটা পদশব্দ শোনা গেল। জয়কালী পশ্চাতে ফিরিয়া দেখিলেন ভূপর্যাস্ত মাধবীলতা আন্দোলিত হইতেছে।

সরোষকণ্ঠে ডাকিলেন, “নলিন !”

কেহ উত্তর দিল না। বুঝিলেন অবাধ্য নলিন বন্দিশালা হইতে কোনোক্রমে পলায়ন করিয়া পুনরায় তাঁহাকে রাগাইতে আসিয়াছে !

তখন অত্যন্ত কঠিনভাবে অধরের উপরে ওষ্ঠ চাপিয়া বিধবা প্রাক্‌গণে নামিয়া আসিলেন।

লতাকুঞ্জের নিকট পুনরায় ডাকিলেন—নলিন !

উত্তর পাইলেন না। শাখা তুলিয়া দেখিলেন, একটা অত্যন্ত মলিন শূকর প্রাণভয়ে ঘন পল্লবের মধ্যে আশ্রয় লইয়াছে।

যে লতাবিতান এই ইষ্টক প্রাচীরের মধ্যে বৃন্দাবিপিনের সংক্ষিপ্ত প্রতিক্রম ; বাহার বিকসিত কুমুমমঞ্জরীর সৌরভ গোপবৃন্দের সুগন্ধি নিখাস স্মরণ করাইয়া দেয় এবং কালিন্দীতীরবর্তী সুখবিহারের সৌন্দর্য্যস্থল জাগ্রত করিয়া তোলে—বিধবার সেই প্রাণাধিক যত্নের সুপবিত্র নন্দনভূমিতে অকস্মাৎ এই বীভৎস ব্যাপার ঘটিল।

পূজারি ব্রাহ্মণ লাঠিহস্তে তাড়া করিয়া আসিল।

জয়কালী তৎক্ষণাৎ নামিয়া আসিয়া তাহাকে নিষেধ করিলেন এবং দ্রুতবেগে ভিতর হইতে মন্দিরের দ্বার রুদ্ধ করিয়া দিলেন।

অনতিকাল পরেই সুরাপানে উন্মত্ত ডোমের দল মন্দিরের দ্বারে উপস্থিত হইয়া তাহাদের বলির পণ্ডর জহ্ন চীৎকার করিতে লাগিল।

জয়কালী রুদ্ধদ্বারের পশ্চাতে দাঁড়াইয়া কহিলেন, যা বেটারা ফিরে যা ! আমার মন্দির অপবিত্র করিসনে।

ডোমের দল ফিরিয়া গেল। জয়কালী ঠাকুরাণী যে তাঁহার রাখানার্থ জীউর মন্দিরের মধ্যে অশুচি জন্তুকে আশ্রয় দিবেন ইহা তাহারা প্রায় প্রত্যক্ষ দেখিয়াও বিশ্বাস করিতে পারিল না।

এই সামান্য ঘটনায় নিখিল জগতের সর্বজীবের মহাদেবতা পরম প্রসন্ন হইলেন কিন্তু ক্ষুদ্র পল্লীর সমাজনামধারী অতি ক্ষুদ্র দেবতাটি নিরাতশয় সংকুচ হইয়া উঠিল।

(শ্রাবণ, ১৩৩২)



মেঘ ও রোদ্র

প্রথম পরিচ্ছেদ

পূর্বদিনে বৃষ্টি হইয়া গিয়াছে। আজ ক্রান্তবর্ষণ প্রাতঃকালে ম্লান রোদ্র ও খণ্ড মেঘে মিলিয়া পরিপকপ্রায় আউশ ধানের ক্ষেত্রের উপর পর্যায়ক্রমে আপন স্তনীর্ষ তুলি ব্লাইয়া যাইতেছিল; সুবিস্তৃত গ্রাম চিত্রপট একবার আলোকের স্পর্শে উজ্জ্বল পাণ্ডুবর্ণ ধারণ করিতেছিল আবার পরক্ষণেই ছায়া-প্রলেপে গাঢ় শিথুতায় অঙ্কিত হইতেছিল।

যখন সমস্ত আকাশ-রঙ্গভূমিতে মেঘ এবং রোদ্র, দুইটি মাত্র অভিনেতা, আপন আপন অংশ অভিনয় করিতেছিল, তখন নিম্নে সংসার-রঙ্গভূমিতে কত স্থানে কত অভিনয় চলিতেছিল তাহার আর সংখ্যা নাই।

আমরা যেখানে একটি ক্ষুদ্র জীবননাট্যের পট উত্তোলন করিলাম সেখানে গ্রামে পথের ধারে একটি বাড়ী দেখা যাইতেছে। বাহিরে একটি মাত্র ঘর পাকা, এবং সেই ঘরের দুই পার্শ্ব দিয়া জীর্ণপ্রায় ইষ্টকের প্রাচীর গুটিকতক মাটির ঘর ঘেষ্টন করিয়া আছে। পথ হইতে গরাদের জানুলা দিয়া দেখা যাইতেছে একটি বুঝা পুরুষ খালি গায়ে তক্তপোষে বসিয়া বামহস্তে ক্ষণে ক্ষণে তালপাতার পাখা লইয়া গ্রীষ্ম এবং মশক দূর করিবার চেষ্টা করিতেছেন এবং দক্ষিণ হস্তে বই লইয়া পাঠে নিবিষ্ট আছেন।

বাহিরের গ্রামের পথে একটি ডুরে-কাপড়-পরা বালিকা আঁচলে গুটিকতক

কালো জাম লইয়া একে একে নিঃশেষ করিতে করিতে উক্ত গরাদে-দেওয়া জান্নার সম্মুখ দিগ্না বারম্বার যাতায়াত করিতেছিল। মুখের ভাবে স্পষ্ট বোঝা যাইতেছিল ভিতরে যে মানুষটি তক্তপোষে বসিয়া বই পড়িতেছে তাহার সহিত বালিকার ঘনিষ্ঠ পরিচয় আছে—এবং কোনোমতে সে তাহার মনোযোগ আকর্ষণপূর্বক তাহাকে নীরবে অবজ্ঞাভরে জানাইয়া যাইতে চাহে যে, সম্ভ্রান্তি কালো জাম খাইতে আমি অত্যন্ত ব্যস্ত আছি, তোমাকে আমি গ্রাহ্যমাত্র করি না।

হুঁত্যাগক্রমে, ঘরের ভিতরকার অধ্যয়নশীল পুরুষটি চক্ষে কম দেখেন, দূর হইতে বালিকার নীরব উপেক্ষা তাঁহাকে স্পর্শ করিতে পারে না। বালিকাও তাহা জানিত, সুতরাং অনেকক্ষণ নিষ্ফল আনাগোনার পর নীরব উপেক্ষার পরিবর্তে কালো জামের আঁটি ব্যবহার করিতে হইল। অন্ধের নিকটে অভিমানের বিপুলতা রক্ষা করা এতই দুঃসহ।

যখন ক্ষণে ক্ষণে দুই চারিটা কঠিন আঁটি যেন দৈবক্রমে বিক্ষিপ্ত হইয়া কাঠের দরজার উপর ঠক্ করিয়া উঠিল তখন পাঠরত পুরুষটি মাথা তুলিয়া চাহিয়া দেখিল। মায়াবিনী বালিকা তাহা জানিতে পারিয়া দ্বিগুণ নিবিষ্টভাবে অঞ্চল হইতে দংশনযোগ্য সূপক কালোজাম নির্বাচন করিতে প্রবৃত্ত হইল। পুরুষটি ক্রকুঙ্কিত করিয়া বিশেষ চেষ্টাসহকারে নিরীক্ষণপূর্বক বালিকাকে চিনিতে পারিল এবং বই রাখিয়া জান্নার কাছে উঠিয়া দাঁড়াইয়া হান্তমুখে ডাকিল—গিরিবালা!

গিরিবালা অবিচলিত ভাবে নিজের অঞ্চলের মধ্যে জামপরীক্ষাকার্য্যে সম্পূর্ণ অভিনিবিষ্ট থাকিয়া মুহূর্তমানে আপন মনে এক এক পা করিয়া চলিতে লাগিল।

তখন ক্ষীণদৃষ্টি যুবা পুরুষের বুঝিতে বাকী রহিল না যে, কোনো একটি অজ্ঞানকৃত অপরাধের দণ্ডবিধান হইতেছে। তাড়াতাড়ি বাহিরে আসিয়া কহিলেন—“কই, আজ আমাকে জাম দিলে না?” গিরিবালা সে কথা কানে না আনিয়া বহু অশ্বেষণ ও পরীক্ষায় একটা জাম মনোনীত করিয়া অত্যন্ত নিশ্চিতমনে খাইতে আরম্ভ করিল।

এই জামগুলি গিরিবালাদের বাগানের জাম এবং যুবা পুরুষের দৈনিক বরাদ্দ। কি জানি, সে কথা কিছুতেই আজ গিরিবালায় স্মরণ হইল না তাহার

ব্যবহারে প্রকাশ পাইল যে এগুলি সে একমাত্র নিজের জন্তই আহরণ করিয়াছে। কিন্তু নিজের বাগান হইতে ফল পাড়িয়া পরের দরজার সম্মুখে আসিয়া ঘটা করিয়া থাইবার কি অর্থ পরিষ্কার বুঝা গেল না। তখন পুরুষটি কাছে আসিয়া তাহার হাত ধরিল। গিরিবালা প্রথমটা আঁকিয়া ঝাঁকিয়া হাত ছাড়াইয়া চলিয়া যাইবার চেষ্টা করিল, তাহার পরে সহসা অশ্রুজলে ভাসিয়া কাদিয়া উঠিল, এবং আঁচলের জাম ভুতলে ছড়াইয়া ফেলিয়া দিয়া ছুটিয়া চলিয়া গেল।

সকালবেলাকার চঞ্চল রৌদ্র এবং চঞ্চল মেঘ বৈকালে শান্ত ও শান্ত ভাব ধারণ করিয়াছে;—শুভ্র ক্ষীত মেঘ আকাশের প্রান্তভাগে স্তূপাকার হইয়া পড়িয়া আছে এবং অপরাহ্নের অবসন্নপ্রায় আলোক গাছের পাতায় পুঙ্খবিলীর্ণ জলে এবং বর্ষাপাত প্রকৃতির প্রত্যেক অঙ্গে প্রত্যঙ্গে বিক্ৰমিক করিতেছে। আবার সেই বালিকাটিকে সেই গরাদের জানলার সম্মুখে দেখা যাইতেছে এবং ঘরের মধ্যে সেই যুবা পুরুষটি বসিয়া আছে। প্রভেদের মধ্যে এ বেলা বালিকার অঞ্চলে জাম নাই এবং যুবকের হস্তেও বই নাই। তদপেক্ষা গুরুতর এবং নিগূঢ় প্রভেদও কিছু কিছু ছিল।

এবেলাও বালিকা কি বিশেষ আবশ্যকে সেই বিশেষ স্থানে আসিয়া ইতস্তত করিতেছে বলা কঠিন। আর যাহাই আবশ্যক থাকে ঘরের ভিতরকার মানুষটির সহিত আলাপ করিবার যে আবশ্যক আছে ইহা কোনো মতেই বালিকার ব্যবহারে প্রকাশ পায় না। বরঞ্চ বোধ হইল সে দেখিতে আসিয়াছে সকাল বেলায় যে জামশুলা ফেলিয়া গেছে বিকাল বেলায় তাহার কোনোটার অঙ্কুর বাহির হইতেছে কি না।

কিন্তু অঙ্কুর না বাহির হইবার অত্যাশ্চর্য কারণের মধ্যে একটি গুরুতর কারণ এই ছিল যে, ফলগুলি সম্প্রতি যুবকের সম্মুখে তন্তুপোষের উপরে রাশিকৃত ছিল; এবং বালিকা যখন ক্রমে ক্রমে অবনত হইয়া কোনো একটা অনির্দিষ্ট কাল্পনিক পদার্থের অতুসন্ধানে নিযুক্ত ছিল তখন যুবক মনের হস্ত গোপন করিয়া অত্যন্ত গম্ভীর-ভাবে একটি একটি জাম নির্বাচন করিয়া সমস্ত আহাণ করিতে-ছিল। অবশেষে যখন ছটো একটা আঁট দৈবক্রমে বালিকার পায়ের কাছে, এমন কি, পায়ের উপরে আসিয়া পড়িল তখন গিরিবালা বৃষিতে পারিল যুবক বালিকার অভিমানের প্রতিশোধ লইতেছে। কিন্তু এই কি উচিত! যখন

সে আপনার ক্ষুদ্র হৃদয়টুকুর সমস্ত গৰ্ব বিসর্জন দিয়া আত্মসমর্পণ করিবার অবসর খুঁজিতেছে তখন কি তাহার সেই অত্যন্ত দুঃখ পথে বাধা দেওয়া নিষ্ঠুরতা নহে। ধরা দিতে আসিয়াছে এই কথাটা ধরা পড়িয়া বালিকা যখন ক্রমশ আরক্তিম হইয়া পলায়নের পথ অনুসন্ধান করিতে লাগিল তখন যুবক বাহিরে আসিয়া তাহার হাত ধরিল।

সকালবেলাকার মত এবেলাও বালিকা আঁকিয়া বাঁকিয়া হাত ছাড়াইয়া পলাইবার বহু চেষ্টা করিল—কিন্তু কাঁদিল না। বরঞ্চ রক্তবর্ণ হইয়া ঘাড় বাঁকাইয়া উৎপীড়নকারীর পৃষ্ঠদেশে মুখ লুকাইয়া প্রচুর পরিমাণে হাসিতে লাগিল এবং যেন কেবলমাত্র বাহ্য আকর্ষণে নীত হইয়া পরাভূত বন্দীভাবে লোহগরাদেবেষ্টিত কারাগারের মধ্যে প্রবেশ করিল।

আকাশে মেঘ-রোদ্দ্রের খেলা যেমন সামান্য, ধরাপ্রান্তে এই ছুটি প্রাণীর খেলাও তেমনি সামান্য তেমনি ক্ষণস্থায়ী। আবার, আকাশে মেঘ-রোদ্দ্রের খেলা যেমন সামান্য নহে এবং খেলা নহে কিন্তু খেলার মত দেখিতে মাত্র, তেমনি এই ছুটি অখ্যাতনামা মনুষ্যের একটি কন্দুহীন বর্ষাদিনের ক্ষুদ্র ইতিহাস সংসারের শত শত ঘটনার মধ্যে তুচ্ছ বলিয়া প্রতীয়মান হইতে পারে কিন্তু ইহা তুচ্ছ নহে। যে বৃদ্ধ বিরাট অদৃষ্ট অবিচলিত গভীর মুখে অনন্তকাল ধরিয়া যুগের সহিত যুগান্তর গাঁথিয়া তুলিতেছে সেই বৃদ্ধই বালিকার এই সকাল বিকালের তুচ্ছ হাসিকান্নার মধ্যে জীবনব্যাপী সুখ দুঃখের বীজ অঙ্কুরিত করিয়া তুলিতেছিল। তথাপি বালিকার এই অকারণ অভিমান বড়ই অর্থহীন বলিয়া বোধ হইল। কেবল দর্শকের কাছে নহে, এই ক্ষুদ্র নাট্যের প্রধান পাত্র উক্ত যুবকের নিকটেও। এ বালিকা কেন যে এক দিন বা রাগ করে এক দিন বা অপরিমিত স্নেহ প্রকাশ করিতে থাকে—কোনো দিন বা দৈনিক বরাদ্দ বাড়াইয়া দেয়, কোনো দিন বা দৈনিক বরাদ্দ একেবারেই বন্ধ করে তাহার কারণ খুঁজিয়া পাওয়া সহজ নহে। এক এক দিন সে যেন তাহার সমস্ত কলন্য ভাবনা এবং নৈপুণ্য একত্র করিয়া যুবকের সন্তোষসাধনে প্রবৃত্ত হয়, আবার এক এক দিন তাহার সমস্ত ক্ষুদ্র শক্তি তাহার সমস্ত কাঠিন্য একত্র সংহত করিয়া তাঁহাকে আঘাত করিতে চেষ্টা করে। বেদনা দিতে না পারিলে তাহার কাঠিন্য বিগুণ বাড়িয়া উঠে; ক্লতকার্য্য হইলে সে কাঠিন্য

অনুতাপের অশ্রুজলে শতধা বিগলিত হইয়া অজস্র স্নেহ ধারায় প্রবাহিত হইতে থাকে।

এই তুচ্ছ মেঘরোদ্র-খেলার প্রথম তুচ্ছ ইতিহাস পরপরিচ্ছেদে সংক্ষেপে বিবৃত করা যাইতেছে।

দ্বিতীয় পরিচ্ছেদ

গ্রামের মধ্যে আর সকলেই দলাদলি, চক্রান্ত, ইক্ষুর চাষ, মিথ্যা মকদ্দমা এবং পাটের কারবার লইয়া থাকিত, ভাবের আলোচনা এবং সাহিত্যচর্চা করিত কেবল শশিভূষণ এবং গিরিবালা।

ইহাতে কাহারো ঔৎসুক্য বা উৎকণ্ঠার কোনো বিষয় নাই। কারণ গিরিবারার বয়স দশ এবং শশিভূষণ একটি সত্ত্ববিকশিত এম-এ, বি-এল। উভয়ে প্রতিবেশী মাত্র।

গিরিবারার পিতা হরকুমার এককালে নিজগ্রামের পত্তনীদার ছিলেন। এখন দুরবস্থায় পড়িয়া সমস্ত বিক্রয় করিয়া তাঁহাদের বিদেশী জমিদারের নায়েবী পদ গ্রহণ করিয়াছেন। যে পরগণায় তাঁহাদের বাস সেই পরগণারই নায়েবী স্ত্রীরাং তাঁহাকে জন্মস্থান হইতে নড়িতে হয় না।

শশিভূষণ এম-এ পাশ করিয়া আইন পরীক্ষায় উত্তীর্ণ হইয়াছেন কিন্তু কিছুতেই কোনো কৰ্মে ভিড়িলেন না। লোকের সঙ্গে মেশা বা সভাস্থলে ছুটো কথা বলা সেও তাঁহার দ্বারা হইয়া উঠে না। চোখে কম দেখেন বলিয়া চেনা লোককে চিনিতে পারেন না এবং সেই কারণেই ক্রুদ্ধিত করিয়া দৃষ্টিপাত করিতে হয়, লোকে সেটাকে ঔদ্ধত্য বলিয়া বিবেচনা করে।

কলিকাতায় জনসমুদ্রের মধ্যে আপন মনে একলা থাকা শোভা পায় কিন্তু পল্লীগ্রামে সেটা বিশেষ স্পর্দ্ধার মত দেখিতে হয়। শশিভূষণের বাপ যখন বিস্তর চেষ্টায় পরাস্ত হইয়া অবশেষে তাঁহার অকৰ্ম্মণ্য পুত্রটিকে পল্লীতে তাঁহাদের সামান্য বিষয়রক্ষাকার্য্যে নিয়োগ করিলেন তখন শশিভূষণকে পল্লীবাসীদের নিকট হইতে বিস্তর উৎপীড়ন উপহাস এবং লাঞ্ছনা সহিতে হইয়াছিল। লাঞ্ছনার আরও একটা কারণ ছিল; শাস্তিপ্রিয় শশিভূষণ বিবাহ করিতে সম্মত ছিলেন না—

কল্পাদায়গ্রস্ত পিতামাতাগণ তাঁহার এই অনিচ্ছাকে হৃৎসহ অহঙ্কার জ্ঞান করিয়া কিছুতেই ক্ষমা করিতে পারিতেন না।

শশিভূষণের উপর যতই উপদ্রব হইতে লাগিল শশিভূষণ ততই আপন বিবরের মধ্যে অদৃষ্ট হইতে লাগিলেন। একটি কোণের ঘরে তক্তপোষের উপর কতকগুলি বাঁধানো ইংরাজি বই লইয়া বসিয়া থাকিতেন—যখন যেটা ইচ্ছা হইত পাঠ করিতেন, এই তো ছিল তাঁহার কাজ, বিষয় কি করিয়া রক্ষা হইত তাহা বিষয়ই জানে।

এবং পূর্বেই আভাসে বলা গিয়াছে মাঝুঘের মধ্যে তাঁহার সম্পর্ক ছিল কেবল গিরিবালা সহিত।

গিরিবালা ভাইরা ইস্কুলে যাইত এবং ফিরিয়া আসিয়া মূঢ় ভগ্নীটিকে কোনো দিন জিজ্ঞাসা করিত পৃথিবীর আকার কিরূপ, কোনো দিন বা প্রশ্ন করিত সূর্য্য বড় না পৃথিবী বড়, সে যখন ভুল বলিত তখন তাহার প্রতি বিপুল অবজ্ঞা দেখাইয়া ভ্রম গংশোধন করিত। সূর্য্য পৃথিবী অপেক্ষা বৃহৎ এ মতটা যদি গিরিবালা নিকট প্রমাণাভাবে অসিদ্ধ বলিয়া বোধ হইত এবং সেই সন্দেহ যদি সে সাহস করিয়া প্রকাশ করিত, তবে তাহার ভাইরা তাহাকে দ্বিগুণ উপেক্ষা-ভরে কহিত “ইস্! আমাদের বইয়ে লেখা আছে আর তুই—”

ছাপার বইয়ে এমন কথা লেখা আছে শুনিয়া গিরিবালা সম্পূর্ণ নিরুত্তর হইয়া যাইত, দ্বিতীয় আর কোনো প্রমাণ তাহার নিকট আবশ্যক বোধ হইত না।

কিন্তু তাহার মনে মনে বড় ইচ্ছা করিত সেও দাদাদের মত বই লইয়া পড়ে। কোনো কোনো দিন সে আপন ঘরে বসিয়া কোনো একটা বই খুলিয়া বিড় বিড় করিয়া পড়ার ভান করিত এবং অনর্গল পাতা উন্টাইয়া যাইত। ছাপার কালো কালো ছোট ছোট অপরিচিত অক্ষরগুলি কি যেন এক মহারহস্যশালার সিংহদ্বারে দলে দলে সার বাধিয়া স্বকের উপরে ইকার ঐকারের রেফ উঁচাইয়া পাহারা দিত, গিরিবালা কোনো প্রশ্নের কোনই উত্তর করিত না। কথামালা তাহার ব্যাক্ত শৃংগল অস্বগদভের একটি কথাও কোঁতুলকাতর বালিকার নিকট ফাঁস করিত না এবং আধ্যানমঞ্জরী তাহার সমস্ত আধ্যানগুলি লইয়া মৌনব্রতের মত নীরবে চাতিয়া থাকিত।

গিরিবালা তাহার ভাইদের নিকট পড়া শিখিবার প্রস্তাব করিয়াছিল কিন্তু

তাহার ভাইয়া সে কথার কর্ণপাতমাত্র করে নাই। একমাত্র শশিভূষণ তাহার সহায় ছিল।

গিরিবালার নিকট কথামালা এবং আখ্যানমঞ্জরী যেমন দুর্ভেদ্য রহস্যপূর্ণ ছিল শশিভূষণও প্রথম প্রথম অনেকটা সেইরূপ ছিল। লোহার গরাদে দেওয়া রাস্তার ধারের ছোট বসিবার ঘরটিতে যুবক একাকী তত্ত্বপোষের উপর পুস্তকে পরিবৃত হইয়া বসিয়া থাকিত ; গিরিবালা গরাদে ধরিয়া বাহিরে দাঁড়াইয়া অবাক হইয়া এই নতপৃষ্ঠ পাঠ-নিবিষ্ট অঙ্গুত লোকটিকে নিরীক্ষণ করিয়া দেখিত, পুস্তকের সংখ্যা তুলনা করিয়া মনে মনে স্থির করিত শশিভূষণ তাহার ভাইদের অপেক্ষা অনেক বেশি বিদ্বান। তদপেক্ষা বিস্ময়জনক ব্যাপার তাহার নিকট আর কিছুই ছিল না। কথামালা প্রভৃতি পৃথিবীর প্রধান প্রধান পাঠ্যপুস্তকগুলি শশিভূষণ যে নিঃশেষপূর্বক পাঠ করিয়া ফেলিয়াছে এ বিষয়ে তাহার সন্দেহ মাত্র ছিল না। এইজন্য, শশিভূষণ যখন পুস্তকের পাত ওন্টাইত সে স্থিরভাবে দাঁড়াইয়া তাহার জ্ঞানের অবধি নির্ণয় করিতে পারিত না।

অবশেষে এই বিস্ময়ময় বালিকাটি ক্ষীণদৃষ্টি শশিভূষণেরও মনোযোগ আকর্ষণ করিল। শশিভূষণ একদিন একটা বাক্সকে বাঁধানো বই খুলিয়া বলিল—গিরিবালা ছবি দেখ'বি আয়। গিরিবালা তৎক্ষণাৎ দৌড়িয়া পলাইয়া গেল।

কিন্তু পরদিন সে পুনর্বার ডুরে কাপড় পড়িয়া সেই গরাদের বাহিরে দাঁড়াইয়া সেইরূপ গভীর মৌন মনোযোগের সহিত শশিভূষণের অধ্যয়ন-কার্য্য নিরীক্ষণ করিয়া দেখিতে লাগিল। শশিভূষণ সে দিন ডাকিল এবং সেদিনও সেই বেণী ছলাইয়া উরুখাসে ছুটিয়া পালাইল।

এইরূপে তাহাদের পরিচয়ের সূত্রপাত হইয়া ক্রমে কখন ঘনিষ্ঠতর হইয়া উঠিল এবং কখন যে বালিকা গরাদের বাহির হইতে শশিভূষণের ঘরের মধ্যে প্রবেশ করিল, তাহার তত্ত্বপোষের উপর বাঁধানো পুস্তক-স্তূপের মধ্যে স্থান পাইল, ঠিক সে তারিখটা নির্ণয় করিয়া দিতে ঐতিহাসিক গবেষণার আবশ্যক।

শশিভূষণের নিকট গিরিবালার লেখাপড়ার চর্চ্চা আরম্ভ হইল। শুনিয়া সকলে হাসিবেন, এই মাষ্টারটি তাহার ক্ষুদ্র ছাত্রকে কেবল যে অক্ষর, বানান এবং ব্যাকরণ শিখাইত তাহা নহে—অনেক বড় বড় কাব্য তর্জমা করিয়া শুনাইত এবং তাহার মতামত জিজ্ঞাসা করিত। বালিকা কি বুঝিত তাহা

অন্তর্যামীই জানেন, কিন্তু তাহার ভালো লাগিত তাহাতে সন্দেহ নাই। সে বোঝা না বোঝায় মিশাইয়া আপন বাগ্যদ্বয়ে অপরূপ কল্পনাচিত্র আঁকিয়া লইত। নীরবে চক্ষু বিস্ফারিত করিয়া গন দিয়া গুণিত মাঝে মাঝে এক একটা অত্যন্ত অসঙ্গত প্রশ্ন জিজ্ঞাসা করিত এবং কখনো কখনো অকস্মাৎ একটা অসংলগ্ন প্রশংসাস্তরে গিয়া উপনীত হইত। শশিভূষণ তাহাতে কখনো কিছু বাধা দিত না—বড় বড় কাব্য সঙ্ক্ষে এই অতি ক্ষুদ্র সমালোচকের নিন্দা প্রশংসা টীকা ভাষ্য গুনিয়া সে বিশেষ আনন্দ লাভ করিত। সমস্ত পল্লীর মধ্যে এই গিরিবালাই তাহার এক মাত্র সমজদার বন্ধু।

গিরিবারার সহিত শশিভূষণের প্রথম পরিচয় যখন, তখন গিরির বয়স আট ছিল, এখন তাহার বয়স দশ হইয়াছে। এই দুই বৎসরে সে ইংরাজি ও বাংলা বর্ণমালা শিখিয়া দুই চারিটা সহজ বই পড়িয়া ফেলিয়াছে। এবং শশিভূষণের পক্ষেও পল্লীগ্রাম এই দুই বৎসর নিত্যস্তু সঙ্গবিহীন বিরস বলিয়া বোধ হয় নাই।

তৃতীয় পরিচ্ছেদ

কিন্তু গিরিবারার বাপ হরকুমারের সহিত শশিভূষণের ভালোরূপ বনিবনাও হয় নাই। হরকুমার প্রথম প্রথম এই এম্-এ, বি-এলের নিকট মকদ্দমা মামলা সঙ্ক্ষে পরামর্শ লইতে আসিত; এম্-এ, বি-এল তাহাতে বড় একটা মনোযোগ করিত না, এবং আইন-বিজ্ঞা-সঙ্ক্ষে নায়েবের নিকট আপন অজ্ঞতা স্বীকার করিতে কুণ্ঠিত হইত না। নায়েব সেটাকে নিতাস্তই ছল মনে করিত। এমনভাবে বছর দুয়েক কাটিল।

সম্প্রতি একটা অবাধ্য প্রজাকে শাসন করা আবশ্যক হইয়াছে। নায়েব মহাশয় তাহার নামে ভিন্ন ভিন্ন জেলায় ভিন্ন অপরাধ ও দাবীতে নাগিশ রুজু করিয়া দিবার অভিপ্রায় প্রকাশ করিয়া পরামর্শের জন্ত শশিভূষণকে কিছু বিশেষ পীড়াপীড়ি করিয়া ধরিলেন। শশিভূষণ পরামর্শ দেওয়া দূরে থাক্ শাস্ত অথচ দৃঢ়ভাবে হরকুমারকে এমন গুটি দুই চারি কথা বলিলেন, যাহা তাঁহার কিছুমাত্র মিষ্ট বোধ হইল না।

এদিকে আবার প্রজার নামে একটি মকদ্দমাতেও হরকুমার জিতিতে

পারিলেন না। তাঁহার মনে দৃঢ় ধারণা হইল শশিভূষণ উক্ত হতভাগ্য প্রজার সহায় ছিল। তিনি প্রতিজ্ঞা করিলেন এমন লোককে গ্রাম হইতে অবিলম্বে তাড়াইতে হইবে।

শশিভূষণ দেখিলেন তাঁহার ক্ষেতের মধ্যে গোরু প্রবেশ করে, তাঁহার কলাইয়ের খোলায় আগুন লাগিয়া যায়, তাঁহার সীমানা লইয়া বিবাদ বাধে, তাঁহার প্রজারা সহজে খাজনা দেয় না এবং উন্টিয়া তাঁহার নামে মিথ্যা মকদ্দমা আনিবার উপক্রম করে, এমন কি সন্ধ্যার সময় পথে বাহির হইলে তাঁহাকে মারিবে এবং রাত্রি তাঁহার বসত বাড়িতে আগুন লাগাইয়া দিবে এমন সকল জনশ্রুতিও শোনা যাইতে লাগিল।

অবশেষে শান্তিপ্রিয় নিরীহ প্রকৃতি শশিভূষণ গ্রাম ছাড়িয়া কলিকাতায় পলাইবার আয়োজন করিলেন।

যাত্রার উদ্যোগ করিতেছেন এমন সময়ে গ্রামে জয়েন্ট মাজিষ্ট্রেট সাহেবের তাঁবু পড়িল। বরকন্দাজ কন্ঠেবল খানসামা কুকুর বোড়া সহস্র মেথরে সমস্ত গ্রাম চঞ্চল হইয়া উঠিল। ছেলের দল ব্যাঘ্রের অমূল্য শৃগালের পালের স্তায় সাহেবের আড্ডার নিকটে শক্তিত কোতুল সহকারে ঘুরিতে লাগিল।

নায়েব মহাশয় যথারীতি আতিথ্য-শিরে থরচ লিখিয়া সাহেবের মুগি আঙা ঘৃত দুগ্ধ যোগাইতে লাগিলেন। জয়েন্ট সাহেবের যে পরিমাণে খাদ্য আবশ্যক নায়েব মহাশয় তদপেক্ষা অনেক বেশী অক্ষুণ্ণচিত্তে সরবরাহ করিয়াছিলেন, কিন্তু প্রাতঃকালে সাহেবের মেথর আসিয়া যখন সাহেবের কুকুরের জন্ত একেবারে চার সের ঘৃত আদেশ করিয়া বসিল তখন দুগ্ধ হ্রবশতঃ সেটা তাঁহার সহ্য হইল না—মেথরকে উপদেশ দিলেন যে, সাহেবের কুত্তা যদিচ দেশি কুকুরের অপেক্ষা অনেকটা ঘি বিনা পরিতাপে হজম করিতে পারে, তথাপি এতাদিক পরিমাণে স্নেহপদার্থ তাহার স্বাস্থ্যের পক্ষে কল্যাণজনক নহে। তাহাকে ঘি দিলেন না।

মেথর গিয়া সাহেবকে জানাইল যে, কুকুরের জন্ত মাংস কোথায় পাওয়া যাইতে পারে ইহাই সে নায়েবের নিকট সন্ধান লইতে গিয়াছিল কিন্তু সে জাতিতে মেথর বলিয়া নায়েব অবজ্ঞাপূর্বক তাহাকে সর্বলোকসমক্ষে দূর করিয়া তাড়াইয়া দিয়াছে, এমন কি সাহেবের প্রতিও উপেক্ষা প্রদর্শন করিতে কুষ্ঠিত হয় নাই।

একি ব্রাহ্মশৈলী জাত্যভিমান সাহেব লোকের সহজেই অলঙ্ঘ্য বোধ হয়, তাহার উপর তাঁহার মেথরকে অপমান করিতে সাহস করিয়াছে ইহাতে বৈধা রক্ষা করা তাঁহার পক্ষে অসম্ভব হইয়া উঠিল। তৎক্ষণাৎ চাপরাসিকে আদেশ করিলেন—বোলাও নায়েবকে।

নায়েব কম্পান্বিত কলেবরে দুর্গা নাম জপ করিতে করিতে সাহেবের তাম্বুর সম্মুখে থাড়া হইলেন। সাহেব তাম্বু হইতে মচমচ্ শব্দে বাহির হইয়া আসিয়া নায়েবকে উচ্চকণ্ঠে বিজাতীয় উচ্চারণে জিজ্ঞাসা করিলেন—টুমি কি কারণ বশটো আন্টার মেঠরকে ডুর করিয়াছে?

হরকুমার শশব্যস্ত হইয়া করযোড়ে জানাইলেন, সাহেবের মেথরকে দূর করিতে পারেন এমন স্পর্ধা কখনই তাঁহাকে সম্ভবে না; তবে কি না কুকুরের জন্ত একেবারে চারি সের বি চাহিয়া বসাতে প্রথমে তিনি উক্ত চতুষ্পদের একলার্থে মুহূর্ত্তে আপত্তি প্রকাশ করিয়া পরে স্নাত সংগ্রহ করিয়া আনিবার জন্ত ভিন্ন ভিন্ন স্থানে লোক পাঠাইয়াছেন।

সাহেব জিজ্ঞাসা করিলেন কাহাকে পাঠানো হইয়াছে এবং কোথায় পাঠানো হইয়াছে।

হরকুমার তৎক্ষণাৎ যেমন মুখে আসিল নাম করিয়া দিলেন। সেই সেই নামীয় লোকগণ সেই সেই গ্রামে স্নাত আনিবার জন্ত গিয়াছে কি না সন্ধান করিতে অতি সত্ত্বর লোক পাঠাইয়া দিয়া সাহেব নায়েবকে তাম্বুতে বসাইয়া রাখিলেন।

দুতগণ অপরাহ্নে ফিরিয়া আসিয়া সাহেবকে জানাইল স্নাত সংগ্রহের জন্ত কেহ কোথাও যায় নাই। নায়েবের সমস্ত কথাই মিথ্যা এবং মেথর যে সত্য বলিয়াছে তাহাতে আর হাকিমের সন্দেহ রহিল না। তখন জয়েন্ট সাহেব ক্রোধে গর্জন করিয়া মেথরকে ডাকিয়া কহিলেন, এই স্থালকের কর্ণ ধরিয়া তাম্বুর চারিধারে ষোড়দোড় করাও। মেথর আর কালবিলম্ব না করিয়া চতুর্দিকের লোকারণ্যের মধ্যে সাহেবের আদেশ পালন করিল।

* বুলনার ম্যাজিষ্ট্রেট কর্তৃক মুহুরি মারায় বহুপূর্ব্বে এই গল্প রচিত হইয়াছে। বেল সাহেবের সহস্র বদান্ততার বৃত্তান্ত আমরা অনেক অবগত আছি, তাঁহার আর উদারপ্রকৃতি ব্যক্তির বিরুদ্ধে কটাক্ষপাত করা আমাদের উদ্দেশ্য নহে।

দেখিতে দেখিতে কথাটা ঘরে ঘরে রাষ্ট্র হইয়া গেল, হরকুমার গৃহে আসিয়া আহার ত্যাগ করিয়া মুমূর্ষু বৎ পড়িয়া রহিলেন।

জমীদারী কার্য উপলক্ষ্যে নায়েবের শত্রু বিস্তর ছিল ; তাহারা এই ঘটনায় অত্যন্ত আনন্দলাভ করিল কিন্তু কলিকাতায় গমনোত্তম শশিভূষণ যখন এই সংবাদ শুনিলেন তখন তাঁহার সর্বোদ্বোধের রক্ত উত্তপ্ত হইয়া উঠিল। সমস্ত রাত্রি তাঁহার নিদ্রা হইল না।

পরদিন প্রাতে তিনি হরকুমারের বাড়িতে গিয়া উপস্থিত হইলেন, হরকুমার তাঁহার হাত ধরিয়া ব্যাকুলভাবে কাদিতে লাগিলেন। শশিভূষণ কহিলেন, সাহেবের নামে মানহানির মকদ্দমা আনিতে হইবে, আমি তোমার উকীল হইয়া লড়িব।

স্বয়ং ম্যাজিষ্ট্রেট সাহেবের নামে মকদ্দমা আনিতে হইবে শুনিয়া হরকুমার প্রথমটা ভীত হইয়া উঠিলেন—শশিভূষণ কিছুতেই ছাড়িলেন না।

হরকুমার বিবেচনা করিতে সময় লইলেন। কিন্তু যখন দেখিলেন কথাটা চারিদিকে রাষ্ট্র হইয়াছে, এবং শত্রুগণ আনন্দ প্রকাশ করিতেছে তখন তিনি আর থাকিতে পারিলেন না, শশিভূষণের শরণাপন্ন হইলেন—কাহলেন, বাপু শুনিলাম তুমি অকারণে কলিকাতায় যাইবার আয়োজন করিতেছ, সে তো কিছুতেই হইতে পারিবে না। তোমার মত একজন লোক গ্রামে থাকিলে আমাদের সাহস কত থাকে। যাহা হউক আমাকে এই ঘোর অপমান হইতে উদ্ধার করিতে হইবে।

চতুর্থ পরিচ্ছেদ

যে শশিভূষণ চিরকাল লোকচক্ষুর অন্তরালে নিভৃত নিরঞ্জনতার মধ্যে আপনাকে রক্ষা করিবার চেষ্টা করিয়া আসিয়াছেন তিনি আজ আদালতে আসিয়া হাজির হইলেন। ম্যাজিষ্ট্রেট তাঁহার নালীশ শুনিয়া তাঁহাকে প্রাইভেট কামরার মধ্যে ডাকিয়া লইয়া অত্যন্ত খাতির করিয়া কহিলেন, “শশীবাবু, এ মকদ্দমাটা গোপনে মিটমাট করিয়া ফেলিলে ভালো হয় না কি।”

শশীবাবু টেবিলের উপরিস্থিত একখানি আইন গ্রন্থের মলাটের উপর তাঁহার

কুক্ষিত-ক্র ক্ষীণ দৃষ্টি অত্যন্ত নিবিষ্টভাবে রক্ষা করিয়া কহিলেন, আমার মকেলকে আমি পরামর্শ দিতে পারি না। তিনি প্রাকান্তভাবে অপমানিত হইয়াছেন, গোপনে ইহার মিটমাট হইবে কি করিয়া!

সাহেব দুইচারি কথা কহিয়া বুঝিলেন, এই স্বল্পভাষী স্বল্পদৃষ্টি লোকটিকে সহজে বিচলিত করা সম্ভব নহে, কহিলেন, “অলরাইট্ বাবু, দেখা যাউক কতদূর কি হয়!”

এই বলিয়া ম্যাজিষ্ট্রেট সাহেব মকদ্দমার দিন ফিরাইয়া দিয়া মফঃস্বল-ভ্রমণে বাহর হইলেন।

এদিকে জয়েন্ট সাহেব জমিদারকে পত্র লিখিলেন, তোমার নামেব আমার ভৃত্যদিগকে অপমান করিয়া আমার প্রতি অবজ্ঞা প্রকাশ কর্ণে, আশা করি তুমি ইহার সমুচিত প্রতিকার করিবে।

জমিদার শশবাস্ত হইয়া তৎক্ষণাৎ হরকুমারকে তলব করিলেন। নামেব আত্মোপাস্ত সমস্ত ঘটনা খুলিয়া বলিলেন। জমিদার অত্যন্ত বিরক্ত হইয়া কহিলেন, “সাহেবের মেথর যখন চারিসের ঘি চাহিল তুমি বিনা বাঁক্যবাস্তে তৎক্ষণাৎ কেন দিলে না? তোমার কি বাপের কড়ি লাগিত?”

হরকুমার অস্বীকার করিতে পারিলেন না যে, ইহাতে তাহার পৈতৃক সম্পত্তির কোনোরূপ ক্ষতি হইত না। অপরাধ স্বীকার করিয়া কহিলেন, “আমার গ্রহ মন্দ তাই এমন দুর্বুদ্ধি ঘটয়াছিল।”

জমিদার কহিলেন, “তাহার পর আবার সাহেবের নামে নালিশ করিতে তোমাকে কে বলিল?”

হরকুমার কহিলেন, “ধর্ম্মাবতার, নালিশ করিবার ইচ্ছা আমার ছিল না; ঐ আমাদের গ্রামের শশী তাহার কোথাও কোনো মকদ্দমা জোটে না, সে ছোঁড়া নিতান্ত জোর করিয়া প্রায় আমার সম্মতি না লইয়াই এই হেজামা বাধাইয়া বসিয়াছে।”

শুনিয়া জমিদার শশিভূষণের উপর অত্যন্ত ক্রুদ্ধ হইয়া উঠিলেন। বুঝিলেন, লোকটা অপদার্থ নব্য উকীল, কোনো ছুতায় একটা হুজুক তুলিয়া সাধারণের সমক্ষে পরিচিত হইবার চেষ্টায় আছে। নামেবকে হুকুম করিয়া দিলেন মকদ্দমা তুলিয়া লইয়া যেন অবিলম্বে ছোট বড় ম্যাজিষ্ট্রেট যুগলকে ঠাণ্ডা করা হয়।

নায়েব সাহেবের জন্ম কিঞ্চিৎ কণমূল শীতলভোগ উপহার লইয়া জয়েন্ট ম্যাজিস্ট্রেটের বাসায় গিয়া হাজির হইলেন। সাহেবকে জানাইলেন, সাহেবের নামে মকদ্দমা করা তাঁহার আদৌ স্বভাববিরুদ্ধ ; কেবল শশিভূষণ নামে গ্রামের একটি অজাতশত্রু অপোগণ্ড অর্কাটীন উকীল তাঁহাকে এক প্রকার না জানাইয়া এইরূপ স্পর্ধার কাজ করিয়াছে। সাহেব শশিভূষণের প্রতি অত্যন্ত বিরুদ্ধ এবং নায়েবের প্রতি বড় সন্তুষ্ট হইলেন, রাগের মাথায় নায়েব বাবুকে “ডণ্ডা বিচান” করিয়া তিনি “ডুথিট” আছেন। সাহেব বাংলা ভাষার পরীক্ষায় সম্প্রতি পুরস্কার লাভ করিয়া সাধারণের সহিত সাধুভাষায় বাক্যালাপ করিয়া থাকেন।

নায়েব কহিলেন, মা বাপ কখনো বা রাগ করিয়া শাস্তিও দিয়া থাকেন কখনো বা আদর করিয়া কোলেও টানিয়া লন, ইহাতে সন্তানের বা মা বাপের হৃৎকের কোনো কারণ নাই।

অতঃপর জয়েন্ট সাহেবের সমস্ত ভৃত্যবর্গকে যথাযোগ্য পারিতোষিক দিয়া, হরকুমার মফঃস্বলে ম্যাজিস্ট্রেট সাহেবের সহিত দেখা করিতে গেলেন। ম্যাজিস্ট্রেট তাহার মুখে শশিভূষণের স্পর্ধার কথা শুনিয়া কহিলেন, “আমিও আশ্চর্য হইতেছিলাম যে, নায়েব বাবুকে বরাবর ভালো লোক বলিয়া জানিতাম, তিনি যে সর্বাগ্রে আমাকে না জানাইয়া গোপনে মিটমাট না করিয়া ইঠাৎ মকদ্দমা আনিবেন এ কি অসম্ভব ব্যাপার ! এখন সমস্ত বুঝিতে পারিতেছি।”

অবশেষে নায়েবকে জিজ্ঞাসা করিলেন, শশী কনগ্রেসে যোগ দিয়াছে কি না। নায়েব অস্মানমুখে বলিলেন, হাঁ।

সাহেব তাঁহার সাহেবী বুদ্ধিতে স্পষ্টই বুঝিতে পারিলেন, এ সমস্ত কনগ্রেসের চাল। একটা পাকচক্র বাধাইয়া অমৃতবাজারে প্রবন্ধ লিখিয়া গবর্নমেন্টের সহিত খিটিমিটি করিবার জন্ম কনগ্রেসের ক্ষুদ্র ক্ষুদ্র চেলাগণ লুক্কায়িতভাবে চতুর্দিকে অনুসন্ধান করিতেছে। এই সকল ক্ষুদ্র কণ্টকগণকে এক দমে দলন করিয়া ফেলিবার জন্ম ম্যাজিস্ট্রেটের হস্তে অধিকন্তর সরাসরি ক্ষমতা দেওয়া হয় নাই বলিয়া সাহেব ভারতবর্ষীয় গবর্নমেন্টকে অত্যন্ত দুর্বল গবর্নমেন্ট বলিয়া মনে মনে ধিকার দিলেন। কিন্তু কনগ্রেসওয়ালা শশিভূষণের নাম ম্যাজিস্ট্রেটের মনে রহিল।

9523 dt. 24.4.61

Rs. 10

Calcutta 31

B/89-413/T 979

6262

পঞ্চম পরিচ্ছেদ

সংসারে বড় বড় ব্যাপারগুলি যখন প্রবলভাবে গজাইয়া উঠিতে থাকে তখন ছোট ছোট ব্যাপারগুলিও কুখিত ক্ষুদ্র শিকড়জাল লইয়া জগতের উপর আপন দাবী বিস্তার করিতে ছাড়ে না।

শশিভূষণ যখন এই ম্যাজিস্ট্রেটের হাজিরা লইয়া বিশেষ ব্যস্ত, যখন বিস্তৃত পুঁথিপত্র হইতে আইন উদ্ধার করিতেছেন মনে মনে বক্তৃতায় শাণ দিতেছেন, কল্পনায় সাক্ষীকে জেরা করিতে বসিয়া গিয়াছেন ও প্রকাণ্ড আদালতের লোকারণ্য দৃশ্য এবং এই যুদ্ধপক্ষের ভাবী পরীক্ষায়গুলি মনে আনিয়া ক্ষণে ক্ষণে কল্পিত ও ঘন্টার হইয়া উঠিতেছেন, তখন তাহার ক্ষুদ্র ছাত্রীটি তাহার ছিন্নপ্রায় চারুপাঠ ও মদীবিচিত্র লিখিবার খাতা, বাগান হইতে কখনো ফল, মাতৃভাণ্ডার হইতে কোনো দিন আচার, কোনো দিন নারিকেলের মিষ্টান্ন, কোনো দিন পাতায়-মোড়া কেতকী-কেশর-সুগন্ধি গৃহনির্মিত খয়ের নিয়মিত নিয়মিত সময়ে তাহার দ্বারে আসিয়া উপস্থিত হইত।

প্রথম দিনকতক দেখিল শশিভূষণ একখানা চিত্রহীন প্রকাণ্ড কঠোরমূর্তি গ্রন্থ খুলিয়া অগ্রমমনস্কভাবে পাত উন্টাইতেছেন, সেটা যে মনোযোগ দিয়া পাঠ করিতেছেন তাহাও বোধ হইল না। অল্প সময়ে শশিভূষণ যে-সকল গ্রন্থ পড়িতেন, তাহার মধ্য হইতে কোনো কোনো অংশ গিরিবালাকে বুঝাইবার চেষ্টা করিতেন, কিন্তু ঐ স্থলকায় কালো মলাটের পুস্তক হইতে গিরিবালাকে গুনাইবার যোগ্য কি ছোটো কথাও ছিল না? তা না থাকে তাই বলিয়া এ বইখানা কি এতই বড়, আর গিরিবালা কি এতই ছোট?

প্রথমট, গুরুর মনোযোগ আকর্ষণের জন্য গিরিবালা সুর করিয়া বানান করিয়া করিয়া বেষীসমেত দেহের উত্তরার্দ্ধ সবেগে ছলাইতে ছলাইতে উচ্চৈশ্বরে আপনাই পড়া আরম্ভ করিয়া দিল। দেখিল তাহাতে বিশেষ ফল হইল না। কালো মোটা বইখানার উপর মনে অত্যন্ত চটিয়া গেল। ওটাকে একটা কুৎসিত কঠোর নির্ভুর মানুষের মত করিয়া দেখিতে লাগিল। ঐ বইখানা যে গিরিবালাকে বালিকা বলিয়া সম্পূর্ণ অবজ্ঞা করে তাহা কেন তাহার প্রত্যেক হৃকোষ

পাতা ছুঁ মাছুষের মুখের মত আকার ধারণ করিয়া নীরবে প্রকাশ করিতে লাগিল। সেই বইখানা যদি কোনো চোরে চুরি করিয়া লইয়া বাইত, তবে সেই চোরকে সে তাহার মাতৃ-ভাণ্ডারের সমস্ত কেয়াঁখয়ের চুরি করিয়া পুরস্কার দিতে পারিত। সেই বইখানার বিনাশের জন্ত সে মনে মনে দেবতার নিকট যে-সকল অসম্ভব ও অসম্ভব প্রার্থনা করিয়াছিল তাহা দেবতার গুণেন নাই এবং পাঠকদিগকেও শুনাইবার কোনো আবশ্যক দেখি না।

তখন ব্যাখিতহৃদয় বালিকা দুই একদিন চারুপাঠহস্তে গুরুগৃহে গমন বন্ধ করিল। এবং সেই দুই একদিন পরে এই বিচ্ছেদের ফল পরীক্ষা করিয়া দেখিবার জন্ত সে অস্ত্র ছলে শশিভূষণের গৃহসম্মুখবর্তী পথে আসিয়া কটাক্ষপাত করিয়া দেখিল শশিভূষণ সেই কালো বইখানা ফেলিয়া একাকী দাঁড়াইয়া হাত নাড়িয়া লোহার গরাদেগুলার প্রতি বিজাতীয় ভাবায় বস্তুতা প্রয়োগ করিতেছেন। বোধ করি, বিচারকের মন কেমন করিয়া গলাইবেন এই লোহাগুলার উপর তাহার পরীক্ষা হইতেছে। সংসারে অনভিজ্ঞ, গ্রন্থবিহারী শশিভূষণের ধারণা ছিল যে, পুরাকালে ডিমহিনীস, সিসিরো, কার্ক, শেরিডন প্রভৃতি বাগ্মীগণ বাক্যবলে যে সকল অসামান্য কার্য্য করিয়া গিয়াছেন—যে রূপ শব্দভেদী শরবর্ণে অত্মায়কে ছিন্নভিন্ন, অত্যাচারকে লাক্ষিত এবং অহঙ্কারকে ধূলিশায়ী করিয়া দিয়াছেন, আজিকার দোকানদারীর দিনেও তাহা অসম্ভব নহে। প্রভুত্বমদগর্বিত উদ্ধত ইংরাজকে কেমন করিয়া তিনি জগৎ সমক্ষে লজ্জিত ও অনুতপ্ত করিবেন তিলকুচি গ্রামের জীর্ণ ক্ষুদ্র গৃহে দাঁড়াইয়া শশিভূষণ তাহারই চর্চা করিতেছিলেন। আকাশের দেবতার গুণিয়া হাসিয়াছিলেন কি তাঁহাদের দেবচক্ষু অশ্রুসিক্ত হইতেছিল তাহা কেহ বলিতে পারে না।

সুতরাং সেদিন গিরিবালা তাঁহার দৃষ্টিপথে পড়িল না ; সেদিন বালিকার অঞ্চলে জাম ছিল না ; পূর্বে একবার জামের আঁটি ধরা পড়িয়া অবধি ঐ ফল সম্বন্ধে সে অত্যন্ত সঙ্কুচিত ছিল। এমন কি শশিভূষণ যদি কোনো দিন নিরীহভাবে জিজ্ঞাসা করিত, ‘গিরি, আজ জাম নেই,’ সে সেটাকে গৃহ উপহাস জ্ঞান করিয়া সঙ্কোচে ‘যাঃও’ বলিয়া তর্জ্জন করিয়া পলায়নের উপক্রম করিত। জামের আঁটির অভাবে আজ তাহাকে একটা কৌশল অবলম্বন করিতে হইল।

সহসা দূরের দিকে দৃষ্টিক্ষেপ করিয়া বালিকা উচ্চৈঃস্বরে বলিয়া উঠিল—“স্বর্ণ, ভাই, তুই যাস নে, আমি এখনি যাচ্ছি।”

পুরুষ পৃষ্ঠক মনে করিতে পারেন যে, কথাটা স্বর্ণলতা নামক কোনো দূরবর্তিনী সঙ্গিনীকে লক্ষ্য করিয়া উচ্চারিত, কিন্তু পাঠিকারা সহজেই বুঝিতে পারিবেন, দূরে কেহই ছিল না, লক্ষ্য অত্যন্ত নিকট! কিন্তু হায়, অন্ধ পুরুষের প্রতি সে লক্ষ্য ভ্রষ্ট হইয়া গেল। শশিভূষণ যে, শুনিতে পান নাই, তাহা নহে, তিনি মনে করিলেন, বালিকা সত্যই ক্রীড়ার জন্ত উৎসুক—এবং সেদিন তাহাকে খেলা হইতে অধ্যয়নে আকর্ষণ করিয়া আনিতে তাঁহার অধ্যবসায় ছিল না— কারণ তিনিও সেদিন কোন কোন হৃদয়ের দিকে লক্ষ্য করিয়া ক্রীড়ার সন্ধান করিতেছিলেন। বালিকার ক্ষুদ্র হস্তের সামান্য লক্ষ্য যেমন ব্যর্থ হইয়াছিল তাঁহার শিক্ষিত হস্তের মহৎ লক্ষ্যও সেইরূপ ব্যর্থ হইয়াছিল পাঠকেরা পূর্বেই সে সংবাদ অবগত হইয়াছেন।

জামের আঁটির একটা গুণ এই যে, একে একে অনেকগুলি নিক্ষেপ করা যায়, চারিটি নিষ্ফল হইলে অন্ততঃ পঞ্চমটি ঠিক স্থানে গিয়া লাগিতে পারে। কিন্তু স্বর্ণ হাজার কাল্পনিক হোক, তাহাকে “এখনি যাচ্ছি” আশা দিয়া অধিকক্ষণ দাঁড়াইয়া থাকা যায় না। থাকিলে স্বর্ণের অস্তিত্ব সম্বন্ধে লোকের স্বভাবতই সন্দেহ জন্মিতে পারে। সুতরাং সে উপায়টি যখন নিষ্ফল হইল তখন গিরিবালাকে অবিলম্বে চলিয়া যাইতে হইল। ওথাপি, স্বর্ণনাম্নী কোনো দূরস্থিত সহচরীর সঙ্গে লাভ করিবার অভিলাষ আন্তরিক হইলে যেরূপ সবেগে উৎসাহের সহিত পাদচারণা করা স্বাভাবিক হইত, গিরিবালার গতিতে তাহা লক্ষিত হইল না। সে যেন তাহার পৃষ্ঠদেশে লক্ষ্য করিবার চেষ্টা করিতেছিল পশ্চাতে কেহ আসিতেছে কি না; যখন নিশ্চয় বুঝিল কেহ আসিতেছে না, তখন আশার শেষতম ক্ষীণমত ভগ্নাংশটুকু লইয়া একবার পশ্চাৎ ফিরিয়া চাহিয়া দেখিল, এবং কাহাকেও না দেখিয়া সেই ক্ষুদ্র আশাটুকু এবং শিথিল পত্র চারুপাঠখানি খণ্ড খণ্ড করিয়া ছিঁড়িয়া পথে ছড়াইয়া দিল। শশিভূষণ তাহাকে যে বিড়াটুকু দিয়াছে সেটুকু যদি সে কোনো মতে ফিরাইয়া দিতে পারিত, তবে বোধ হয় পরিত্যক্ত জামের আঁটির মত সে সমস্তই শশিভূষণের দ্বারের সম্মুখে সশব্দে নিক্ষেপ করিয়া দিয়া চলিয়া আসিত। বালিকা প্রতিজ্ঞা করিল, দ্বিতীয়বার

শশিভূষণের সহিত দেখা হইবার পূর্বেই সে সমস্ত পড়াশুনা ভুলিয়া যাইবে—
তিনি যে প্রশ্ন জিজ্ঞাসা করিবেন তাহার কোনোটিরই উত্তর দিতে পারিবে না!
একটি একটি-একটিরও না! তখন শশিভূষণ অত্যন্ত জঙ্ক হইবে।

গিরিবালায় ছই চক্ষু জলে ভরিয়া আসিল। পড়া ভুলিয়া গেলে শশিভূষণের
যে কিরূপ তীব্র অম্মতাপের কারণ হইবে তাহা মনে করিয়া সে পীড়িত হৃদয়ে
কিঞ্চিৎ সাস্বনা লাভ করিল, এবং কেবলমাত্র শশিভূষণের দোষে বিশ্বতশিক্ষা
সেই হতভাগিনী ভবিষ্যৎ গিরিবালাকে কল্পনা করিয়া তাহার নিজের প্রতি
করণরস উচ্ছলিত হইয়া উঠিল। আকাশে মেঘ করিতে লাগিল; বর্ষাকালে
এমন মেঘ প্রতিদিন করিয়া থাকে। গিরিবালা পঁথের প্রান্তে একটা গাছের
আড়ালে দাঁড়াইয়া অভিমানে ফুলিয়া ফুলিয়া কাদিতে লাগিল; এমন অকারণ
কান্না প্রতিদিন কত বালিকা কাদিয়া থাকে! উহার মধ্যে লক্ষ্য করিবার বিষয়
কিছুই ছিল না।

ষষ্ঠ পরিচ্ছেদ

শশিভূষণের আইন সম্বন্ধীয় গবেষণা এবং বক্তৃতা-চর্চা কি কারণে ব্যর্থ হইয়া
গেল তাহা পাঠকদের অগোচর নাই ম্যাজিস্ট্রেটের নামে মকদ্দমা অকস্মাৎ মিটিয়া
গেল। হরকুমার তাঁহাদের জেলার বেষ্ট্র অনরারি ম্যাজিস্ট্রেট নিযুক্ত হইলেন।
একথানা মলিন চাপকান ও পাগড়ি পরিয়া হরকুমার আজকাল প্রায়ই জেলায়
গিয়া সাহেব স্ত্রীদিগকে নিয়মিত সেলাম করিয়া আসেন।

শশিভূষণের সেই কালো মোটা বইখানার প্রতি এতদিন পরে গিরিবালায়
অভিশাপ ফলিতে আরম্ভ করিল, সে একটি অন্ধকার কোণে নির্বাসিত হইয়া
অনাদৃত বিশ্ব হভাবে ধূলিস্তর-সংগ্রহে প্রবৃত্ত হইল। কিন্তু তাহার অনাদর
দেখিয়া যে বালিকা আনন্দ লাভ করিবে সেই গিরিবালা কোথায়!

শশিভূষণ যে দিন প্রথম আইনের গ্রন্থ বন্ধ করিয়া বসিলেন সেই দিনই হঠাৎ
বুঝিতে পারিলেন গিরিবালা আসে নাই। তখন একে একে কয়েক দিনের
ইতিহাস অল্পে অল্পে তাঁহার মনে পড়িতে লাগিল। মনে পড়িতে লাগিল
একদিন উজ্জল প্রভাতে গিরিবালা অঞ্চল ভরিয়া নববর্ষার আর্দ্র বকুলফুল

আনিয়াছিল। তাহাকে দেখিয়াও যখন তিনি গ্রন্থ হইতে দৃষ্টি তুলিলেন না, তখন তাহার উচ্চ্বাসে সহসা বাধা পড়িল। সে তাহার অঞ্চলবিন্দু একটা স্থ'চহুতা বাহির করিয়া নতশিরে একট একট করিয়া ফুল লইয়া মালা গাঁথিতে লাগিল—মালা অত্যন্ত ধীরে ধীরে গাঁথিল, অনেক বিলম্বে শেষ হইল—বেলা হইয়া আসিল, গিরিবালায় ঘরে ফিরিবার সময় হইল, তথাপি শশিভূষণের পড়া শেষ হইল না। গিরিবালা মালাটা তক্তপোষের উপর রাখিয়া স্নানভাবে চলিয়া গেল। মনে পড়িল, তাহার অভিমান প্রতিদিন কেমন করিয়া ঘনীভূত হইয়া উঠিল; কবে হইতে সে তাঁহার ঘরে প্রবেশ না করিয়া ঘরের সম্মুখবর্তী পথে মধ্যে মধ্যে দেখা দিত এবং চলিয়া যাইত; অবশেষে কবে হইতে বালিকা সেই পথে আসাও বন্ধ করিয়াছে, সেও তো আজ কিছুদিন হইল। গিরিবালায় অভিমান তো এতদিন স্থায়ী হয় না। শশিভূষণ একটা দীর্ঘনিশ্বাস ফেলিয়া হতবুদ্ধি হতকণ্ঠের মত দেয়ালে পিঠ দিয়া বসিয়া রহিলেন। ক্ষুদ্র ছাত্রীটি না আসাতে তাঁহার পাঠ্যগ্রন্থগুলি নিতান্ত বিষাদ হইয়া আসিল। বই টানিয়া টানিয়া লইয়া দুই চারিপাতা পড়িয়া ফেলিয়া দিতে হয়। লিখিতে লিখিতে ক্রমে ক্রমে সচকিতে পথের দিকে দ্বারের অভিমুখে প্রতীক্ষাপূর্ণ দৃষ্টি বিক্ষিপ্ত হইতে থাকে এবং লেখা ভঙ্গ হয়।

শশিভূষণের আশঙ্কা হইল গিরিবালায় অসুখ হইয়া থাকিবে। গোপনে সন্ধান লইয়া জানিলেন সে আশঙ্কা অমূলক। গিরিবালা আজকাল আর ঘর হইতে বাহির হয় না। তাহার জন্ম পাত্র স্থির হইয়াছে।

গিরি যেদিন চাকুপাঠের ছিন্নখণ্ডে গ্রামের পঙ্খিল পথ বিকীর্ণ করিয়াছিল তাহার পরদিন প্রত্যুষে ক্ষুদ্র অঞ্চলে বিচিত্র উপহাস সংগ্রহ করিয়া দ্রুতপদে ঘর হইতে বাহির হইয়া আসিতেছিল। অতিশয় গ্রীষ্ম হওয়াতে নিদ্রাহীন রাত্রি অতিবাহন করিয়া হরকুমার ভোরবেলা হইতে বাহিরে বসিয়া গা খুলিয়া তামাক খাইতেছিলেন। গিরিকে জিজ্ঞাসা করিলেন, “কোথায় যাচ্চিস্?” গিরি কহিল, “শশী দাদার বাড়ী!” হরকুমার ধমক দিয়া কহিলেন, “শশী দাদার বাড়ি যেতে হবে না, ঘরে যা!” এই বলিয়া আসন্ন-শুভরগৃহবাস বয়ঃপ্রাপ্ত কন্ডার লজ্জার অভাব নষ্টক্বে বিস্তর তিরস্কার করিলেন। সেই দিন হইতে তাহার বাহিরে আসা বন্ধ হইয়াছে। এবার আর তাহার অভিমান ভঙ্গ করিবার অবসর

জুটিল না। আমসত্ত্ব, কেয়াখয়ের এবং জারকনেবু ভাণ্ডারের বখাহানে কিরিয়া গেল। বৃষ্টি পড়িতে লাগিল, বকুল ফুল ঝরিতে লাগিল, গাছ তরিয়া পেয়ারা পাকিয়া উঠিল এবং শাখাখলিত পক্ষীচঞ্চলত সুগন্ধ কালোজামে তরুতল প্রতিদিন সমাচ্ছন্ন হইতে লাগিল। হায়, সেই ছিন্নপ্রায় চারুপাঠখানিও আর নাই!

সপ্তম পরিচ্ছেদ

গ্রামে গিরিবালার বিবাহে যেদিন শানাই বাজিতেছিল সেদিন অনিমন্ত্রিত শশিভূষণ নৌকা করিয়া কলিকাতা অভিমুখে চলিতেছিলেন।

মকদ্দমা উঠাইয়া লওয়া অবধি হরকুমার শশীকে বিষচক্ষে দেখিতেন। কারণ, তিনি মনে মনে স্থির করিয়াছিলেন, শশী তাঁহাকে নিশ্চয় ঘৃণা করিতেছে। শশীর মুখে চোখে ব্যবহারে তিনি তাহার সহস্র কাল্পনিক নিদর্শন দেখিতে লাগিলেন। গ্রামের সকল লোকই তাঁহার অপমান-বৃত্তান্ত ক্রমশ বিস্তৃত হইতেছে, কেবল শশিভূষণ একাকী সেই দুঃস্থতি জাগাইয়া রাখিয়াছে মনে করিয়া তিনি তাহাকে হুই চক্ষে দেখিতে পারিতেন না। তাহার সহিত সাক্ষাৎ হইবামাত্র তাঁহার অন্তঃকরণের মধ্যে একটুখানি সলজ্জ সঙ্কোচ এবং সেই সঙ্গে প্রবল আক্রোশের সঞ্চার হইত। শশীকে গ্রামছাড়া করিতে হইবে বলিয়া হরকুমার প্রতিজ্ঞা করিয়া বসিলেন।

শশিভূষণের মত লোককে গ্রামছাড়া করা কাজটা তেমন দুরূহ নহে। নায়েব মহাশয়ের অভিপ্রায় অনতিবিলম্বে সফল হইল। একদিন সকাল বেলা পুস্তকের বোঝা এবং গুটি দুই চার টিনের বাক্স সঙ্গে লইয়া শশী নৌকার চড়িলেন। গ্রামের সহিত তাঁহার যে একটি স্নেহের বন্ধন ছিল সেও আজ সমারোহে ছিন্ন হইতেছে। স্নেহময় বন্ধনটি যে কত দৃঢ়ভাবে তাঁহার হৃদয়কে বেঁধে রাখিয়া ধরিয়াছিল তাহা তিনি পূর্বে সম্পূর্ণরূপে জানিতে পারেন নাই। আজ যখন নৌকা ছাড়িয়া দিল, গ্রামের বৃক্ষচূড়াগুলি অস্পষ্ট এবং উৎসবের বাজধ্বনি দীর্ঘতর হইয়া আসিল, তখন সহসা অশ্রুবাশ্পে হৃদয় ক্ষীত হইয়া উঠিয়া তাঁহার কণ্ঠরোধ করিয়া ধরিল, রক্তোচ্ছ্বাসবেগে কপালের শিরাগুলি টুন্ টুন্

করিতে লাগিল এবং জগৎসংসারের সমস্ত দৃশ্য ছায়া-নির্মিত মায়াস্বরীচিকার মত অত্যন্ত অস্পষ্ট প্রতিভা হইল।

প্রতিকূল বাতাস অতিশয় বেগে বহিতেছিল, সেই জন্ত স্রোত অল্পকাল হইলেও নৌকা ধীরে ধীরে অগ্রসর হইতেছিল। এমন সময় নদীর মধ্যে এক কাণ্ড ঘটিল যাহাতে শশিভূষণের যাত্রার ব্যাঘাত করিয়া দিল।

ষ্টেশন বাট হইতে সদর মহকুমা পর্য্যন্ত একটি নূতন ষ্টীমার লাইন সম্প্রতি খুলিয়াছে। সেই ষ্টীমারটা সশব্দে পক্ষ সঞ্চালন করিয়া ঢেউ তুলিয়া উজানে আসিতেছিল। জাহাজে নূতন লাইনের অল্পবয়স্ক ম্যানেজার সাহেব এবং অল্পসংখ্যক যাত্রী ছিল। যাত্রীদের মধ্যে শশিভূষণের গ্রাম হইতে কেহ কেহ উঠিয়াছিল।

একটি মহাজনের নৌকা কিছু দূর হইতে এই ষ্টীমারের সহিত পাল্লা দিয়া আসিতে চেষ্টা করিতেছিল, আবার মাঝে মাঝে ধরি-ধরি করিতেছিল আবার মাঝে পশ্চাতে পড়িতেছিল। মাঝির ক্রমশ রোখ চাপিয়া গেল। সে প্রথম পালের উপর দ্বিতীয় পাল এবং দ্বিতীয় পালের উপরে ক্ষুদ্র তৃতীয় পালটা পর্য্যন্ত তুলিয়া দিল। বাতাসের বেগে সুদীর্ঘ মাস্তুল সম্মুখে আনত হইয়া পড়িল, এবং বিদীর্ণ তরঙ্গরাশি অটুকলস্বরে নৌকার দুই পার্শ্বে উন্মত্তভাবে নৃত্য করিতে লাগিল। নৌকা তখন হিল্লবল্গা অশ্বের জায় ছুটিয়া চলিল। একস্থানে ষ্টীমারের পথ কিঞ্চিৎ বাঁকা ছিল, সেইখানে সংক্ষিপ্ততর পথ অবলম্বন করিয়া নৌকা ষ্টীমারকে ছাড়াইয়া গেল। ম্যানেজার সাহেব আগ্রহের ভাবে রেলের উপর ঝুঁকিয়া নৌকার এই প্রতিযোগিতা দেখিতেছিল। যখন নৌকা তাহার পূর্ণতম বেগ প্রাপ্ত হইয়াছে, এবং ষ্টীমারকে হাত ছুয়েক ছাড়াইয়া গিয়াছে এমন সময় সাহেব হঠাৎ একটা বন্দুক তুলিয়া ক্ষীত পাল লক্ষ্য করিয়া আগুঁজ করিয়া দিল। এক মুহূর্তে পাল ফাটয়া গেল, নৌকা ডুবিয়া গেল, ষ্টীমার নদীর বাঁকের অন্তরালে অদৃশ্য হইয়া গেল।

ম্যানেজার কেন যে এমন করিল তাহা বলা কঠিন। ইংরাজ-নন্দনের মনের ভাব আমরা বাঙ্গালী হইয়া ঠিক বুঝিতে পারি না। হয়ত দিলী পালের প্রতিযোগিতা সে সহ্য করিতে পারে নাই, হয়ত একটা ক্ষীত বিস্তীর্ণ পদার্থ বন্দুকের গুলির দ্বারা চক্ষের পলকে বিদীর্ণ করিবার একটা হিংস্র প্রলোভন

আছে, হয়ত এই গর্কিত নৌকাটার বস্ত্রখণ্ডের মধ্যে গুটিকয়েক ফুটা করিয়া নিমেষের মধ্যে ইহার নৌকালীলা সমাপ্ত করিয়া দিবার মধ্যে একটা প্রবল পৈশাচিক হাঙ্গরস আছে ; নিশ্চয় জানি না। কিন্তু ইহা নিশ্চয়, ইংরাজের মনের ভিতরে একটুখানি বিশ্বাস ছিল যে, এই রসিকতাটুকু করার দুরূহ সে কোনোরূপ শান্তির দায়িক নহে—এবং ধারণা ছিল, যাহাদের নৌকা গেল এবং সম্ভবত প্রাণ সংশয়, তাহারা মাহুঘের মধ্যেই গণ্য হইতে পারে না।

সাহেব যখন বন্দুক তুলিয়া গুলি করিল এবং নৌকা ডুবিয়া গেল তখন শশিভূষণের পান্সী ঘটনাস্থলের নিকটবর্তী হইয়াছে। শেষোক্ত ব্যাপারটি শশিভূষণ প্রত্যক্ষ দেখিতে পাইলেন। তাড়াতাড়ি নৌকা লইয়া গিয়া মাঝি এবং মাল্লাদিগকে উদ্ধার করিলেন। কেবল এক ব্যক্তি ভিতরে বসিয়া রক্ষনের জন্ত মসলা পিষিতেছিল, তাহাকে আর দেখা গেল না। বর্ষার নদী খরবেগে বহিয়া চলিল।

শশিভূষণের হৃৎপিণ্ডের মধ্যে উত্তপ্ত রক্ত ফুটিতে লাগিল। আইন অত্যন্ত মন্দগতি—সে একটা বৃহৎ জটিল লৌহযন্ত্রের মত ; তোল করিয়া সে প্রমাণ গ্রহণ করে এবং নির্দিকার ভাবে সে শাস্তি বিভাগ করিয়া দেয়, তাহার মধ্যে মানব হৃদয়ের উদ্ভাপ নাই। কিন্তু ক্ষুধার সহিত ভোজন, ইচ্ছার সহিত উপভোগ ও রোষের সহিত শাস্তিকে বিচ্ছিন্ন করিয়া দেওয়া শশিভূষণের নিকট সমান অস্বাভাবিক বলিয়া বোধ হইল। অনেক অপরাধ আছে যাহা প্রত্যক্ষ করিবামাত্র তৎক্ষণাৎ নিজ হস্তে তাহার শাস্তিবিধান না করিলে অন্তর্ধ্যায়ী বিধাতা পুরুষ যেন অন্তরের মধ্যে থাকিয়া প্রত্যক্ষকারীকে দণ্ড করিতে থাকেন। তখন, আইনের কথা স্মরণ করিয়া সাস্থনা লাভ করিতে হৃদয়ে লজ্জা বোধ করে। কিন্তু কলের আইন এবং কলের জাহাজ ম্যানেজারটিকে শশিভূষণের নিকট হইতে দূরে লইয়া গেল। তাহাতে জগতের আর আর কি উপকায় হইয়াছিল বলিতে পারি না কিন্তু সে যাত্রায় নিঃসন্দেহ শশিভূষণের ভারতবর্ষীয় গ্নীহা রক্ষা পাইয়াছিল।

মাঝিমাল্লা যাহারা বাঁচিল তাহাদিগকে লইয়া শলী গ্রামে ফিরিয়া আসিলেন। নৌকার পাট বোঝাই ছিল, সেই পাট উদ্ধারের জন্ত লোক নিযুক্ত করিয়া দিলেন এবং মাঝিকে ম্যানেজারের বিরুদ্ধে পুলিশে দরখাস্ত দিতে অনুরোধ করিলেন।

মাঝি কিছুতেই সন্মত হয় না। সে বলিল নৌকা তো মজিয়াছে এক্ষণে

নিজেকে মজাইতে পারিব না। প্রথমত পুলিশকে দর্শনি দিতে হইবে, তাহার পর কাজকর্ম আহার-নিদ্রা ত্যাগ করিয়া আদালতে আদালতে ঘুরিতে হইবে, তাহার পর সাহেবের নামে নালিশ করিয়া কি বিপাকে পড়িতে হইবে ও কি ফল লাভ হইবে তাহা ভগবান জানেন। অবশেষে সে যখন জানিল, শশিভূষণ নিজে উকীল, আদালত খরচা তিনিই বহন করিবেন এবং মকদ্দমায় ভবিষ্যতে খেয়ারং পাইবার সম্পূর্ণ সম্ভাবনা আছে তখন রাজি হইল। কিন্তু শশিভূষণের গ্রামের লোক যাহারা ঈমারে উপস্থিত ছিল তাহারা কিছুতেই সাক্ষ্য দিতে চাহিল না। তাহারা শশিভূষণকে কহিল, “মহাশয় আমরা কিছুই দেখি নাই; আমরা জাহাজের পশ্চাৎ ভাগে ছিলাম, কলের ঘট্‌ঘট্‌ এবং জলের কল্‌ কল্‌ শব্দে সেখান হইতে বন্দুকের আওয়াজ শুনিবারও কোন সম্ভাবনা ছিল না।”

দেশের লোককে আন্তরিক দিকার দিয়া শশিভূষণ ম্যাজিস্ট্রেটের নিকট মকদ্দমা চালাইলেন।

সাক্ষীর কোনো আবশ্যক হইল না। ম্যানেজার স্বীকার করিল যে, সে বন্দুক ছুঁড়িয়াছিল। কহিল, আকাশে এক ঝাঁক বক উড়িতেছিল তাহাদেরই প্রতি লক্ষ্য করা হইয়াছিল। ঈমার তখন পূর্ণবেগে চলিতেছিল এবং সেই মুহূর্তেই নদীর বাকের অন্তরালে প্রবেশ করিয়াছিল। সুতরাং সে জানিতেও পারে নাই, কাক মরিল, কি বক মরিল, কি নোকাটা ডুবিল। অন্তরীক্ষে এবং পৃথিবীতে এত শিকারের জিনিষ আছে যে, কোনো বুদ্ধিমান ব্যক্তি ইচ্ছাপূর্বক “ডাট্টা র্যাগ্‌” অর্থাৎ মলিন বস্ত্রখণ্ডের উপর সিকিপয়সা দামেরও ছিটাগুলি অপব্যয় করিতে পারে না।

বেকসুর খালাস পাইয়া ম্যানেজার সাহেব চুরট ফুঁকিতে ফুঁকিতে ক্লাবে ছইষ্ট খেলিতে গেল; যে লোকটা নোকার মধ্যে মশলা পিষিতেছিল, নয় মাইল তফাতে তাহার মৃতদেহ ডাঙায় আসিয়া লাগিল এবং শশিভূষণ চিন্তদাহ লইয়া-
আপন গ্রামে ফিরিয়া আসিলেন।

যেদিন ফিরিয়া আসিলেন, সেদিন নোকা সাজাইয়া গিরিবালাকে খণ্ডরবাড়ি লইয়া যাইতেছে। যদিও তাঁহাকে কেহ ডাকে নাই তথাপি শশিভূষণ ধীরে ধীরে নদীতীরে আসিয়া উপস্থিত হইলেন। ঘাটে লোকের ভিড় ছিল সেখানে না গিয়া কিছু দূরে অগ্রসর হইয়া দাঁড়াইলেন। নোকা ঘাট ছাড়িয়া যখন

তাহার সম্মুখ দিয়া চলিয়া গেল তখন চকিতের মত একবার দেখিতে পাইলেন, মাথায় ঘোমটা টানিয়া নববধূ নতশিরে বসিয়া আছে। অনেক দিন হইতে গিরিবালার আশা ছিল যে, গ্রাম ত্যাগ করিয়া বাইবার পূর্বে কোনোমতে একবার শশিভূষণের সহিত সাক্ষাৎ হইবে কিন্তু আজ সে জানিতেও পারিল না যে, তাহার গুরু অনতিদূরে তীরে দাঁড়াইয়া আছেন। একবার সে মুখ তুলিয়াও দেখিল না, কেবল নিঃশব্দ রোদনে তাহার দুই কপোল বাহিয়া অশ্রুজল ঝড়িয়া পড়িতে লাগিল।

নৌকা ক্রমশ দূরে চলিয়া অদৃশ্য হইয়া গেল। জলের উপর প্রভাতের রোদ্দে বিক্ বিক্ করিতে লাগিল, নিকটের আম্রশাখায় একটা পাখিয়া উচ্ছ্বসিত কণ্ঠে মুহুমুহু গান গাহিয়া মনের আবেগ কিছুতেই নিঃশেষ করিতে পারিল না, থেয়া নৌকা লোক বোঝাই লইয়া পারাপার হইতে লাগিল, মেয়েরা বাটে জল লইতে আসিয়া উচ্চ কলসেরে গিরির স্বপ্নরালয়-যাত্রার আলোচনা তুলিল, শশিভূষণ চশমা খুলিয়া চোখ মুছিয়া সেই পথের ধারে সেই গরাদের মধ্যে সেই ক্ষুদ্র গৃহে গিয়া প্রবেশ করিলেন। হঠাৎ একবার মনে হইল যেন গিরিবালার কণ্ঠ শুনিতে পাইলেন! “শশীদাদা!”—কোথায় রে কোথায়? কোথাও না! সে গৃহে না, সে পথে না, সে গ্রামে না—তাহার অশ্রুজলাভিষিক্ত অন্তরের মাঝখানটিতে।

অষ্টম পরিচ্ছেদ

শশিভূষণ পুনরায় জিনিষপত্র বাধিয়া কলিকাতা অভিমুখে যাত্রা করিলেন। কলিকাতায় কোনো কাজ নাই, সেখানে যাওয়ার কোনো বিশেষ উদ্দেশ্য নাই; সেই জন্ত রেলপথে না গিয়া বরাবর নদীপথে যাওয়াই স্থির করিলেন।

তখন পূর্ণবর্ষীয় বাংলা দেশের চারিদিকেই ছোট বড় আঁকাবাঁকা সহস্র জলময় জাল বিস্তীর্ণ হইয়া পড়িয়াছে। সরল শ্যামল বঙ্গভূমির শিরা উপ-শিরাগুলি পরিপূর্ণ হইয়া তরলতা ভ্রূণশব্দ ঝোপঝাড় ধান পাট ইক্ষুতে দশদিকে উন্নত যৌবনের প্রাচুর্য্য যেন একেবারে উদ্দাম উচ্ছ্বল হইয়া উঠিয়াছে।

শশিভূষণের নৌকা সেই সমস্ত সঙ্কীর্ণ বক্র জলস্রোতের মধ্য দিয়া চলিতে লাগিল। জল তখন তীরের সহিত সমতল হইয়া গিয়াছে। কাশবন শরবন

এবং স্থানে স্থানে শস্তক্ষেত্র জলমগ্ন হইয়াছে। গ্রামের বেড়া, বাঁশঝাড় ও আমবাগান একেবারে জলের অব্যবহিত ধারে আসিয়া দাঁড়াইয়াছে—দেবকজ্জারা যেন, বাংলা দেশের তরুণলব্ধী আলবালগুলি জলসেচনে পরিপূর্ণ করিয়া দিয়াছেন।

যাত্রার আরম্ভকালে স্নানচিকণ বনস্ত্রী রৌদ্রে উজ্জ্বল হস্তময় ছিল, অনতি-বিলম্বেই মেঘ করিয়া বৃষ্টি আরম্ভ হইল। তখন যেদিকে দৃষ্টি পড়ে সেই দিকই বিষল এবং অপরিচ্ছন্ন দেখাইতে লাগিল। বস্ত্রার সময়ে গোরুগুলি যেমন জলবেষ্টিত মলিন পঙ্কিল সঙ্কীর্ণ গোষ্ঠ-প্রাক্কণের মধ্যে ভিড় করিয়া করুণনেত্রে সহিসুভাবে দাঁড়াইয়া শ্রাবণের ধারাবর্ষণে ভিজিতে থাকে, বাংলা দেশ আপনার কর্দমপিচ্ছিল ঘনসিক্ত রুদ্ধ জঙ্গলের মধ্যে মুক বিষলমুখে সেইরূপ পীড়িত ভাবে অবিশ্রাম ভিজিতে লাগিল। চাষীরা টোকা মাথায় দিয়া বাহির হইয়াছে, জ্বীলোকেরা ভিজিতে ভিজিতে বাদলার শীতল বায়ুতে সঙ্কুচিত হইয়া কুটীর হইতে কুটীরান্তরে গৃহকার্য্যে বাতায়ত করিতেছে ও পিচ্ছল ঘাটে অত্যন্ত সাবধানে পা ফেলিয়া সিন্ধুবন্ধে জল তুলিতেছে, এবং গৃহস্থ পুরুষেরা দাওয়ায় বসিয়া তামাক খাইতেছে, নিতান্ত কাজের দায় থাকিলে কোমরে চাদর জড়াইয়া জুতা-হস্তে ছাতি-মাথায় বাহির হইতেছে। অবলা রমণীর মস্তকে ছাতি এই রৌদ্রদগ্ধ বর্ষাপ্লাবিত বঙ্গদেশেব সনাতন পবিত্র প্রথার মধ্যে নাই।

বৃষ্টি যখন কিছুতেই থামে না তখন রুদ্ধ নৌকার মধ্যে বিরক্ত হইয়া উঠিয়া শশিভূষণ পুনশ্চ রেলপথে যাওয়াই স্থির করিলেন। এক জায়গায় একটা প্রশস্ত মোহানার মত জায়গায় আসিয়া শশিভূষণ নৌকা বাঁধিয়া আহারের উদ্যোগ করিতে লাগিলেন।

খোঁড়ার পা খানায় পড়ে—সে কেবল খানার দোষ নয়, খোঁড়ার পাটারও পড়িবার দিকে একটু বিশেষ ঝোঁক আছে। শশিভূষণ সেদিন তাহার একটা প্রমাণ দিলেন।

হুই নদীর মোহনার মুখে বাঁশ বাঁধিয়া জেলেরা একটা প্রকাণ্ড জাল পাতিয়াছে। কেবল একপার্শ্বে নৌকা চলাচলের স্থান রাখিয়াছে। বহুকাল হইতে তাহার এ কার্য্য করিয়া থাকে এবং সেজন্ত খাজনাও দেয়। দুর্ভাগ্যক্রমে

এ বৎসর এই পথে হঠাৎ জেলার পুলিশ সুরারিণ্টেণ্ডেন্ট বাহাদুরের স্ত্রীভাগমন হইয়াছে। তাঁহার বোট আসিতে দেখিয়া জেলেরা পূর্ব হইতে পার্শ্ববর্তী পথ নির্দেশ করিয়া উচ্চৈঃস্বরে সাবধান করিয়া দিল। কিন্তু মনুষ্যচিত্তে কোনো বাধাকে সম্মান প্রদর্শন করিয়া ঘুরিয়া যাওয়া সাহেবের মাঝির অভ্যাস নাই। সে সেই জালের উপর দিয়াই বোট চালাইয়া দিল। জাল ভ্রবনত হইয়া বোটকে পথ ছাড়িয়া দিল, কিন্তু তাহার হাল বাধিয়া গেল। কিঞ্চিৎ বিলম্বে এবং চেষ্টায় হাল ছাড়াইয়া লইতে হইল।

পুলিস সাহেব অত্যন্ত গরম এবং রক্তবর্ণ হইয়া বোট বাঁধিলেন। তাঁহার মূর্ত্তি দেখিয়াই জেলে চারটে উদ্ধ্বাসে পলায়ন করিল। সাহেব তাঁহার মাল্লাদিগকে জাল কাটিয়া ফেলিতে আদেশ করিলেন। তাহার সাত আট শত টাকার বৃহৎ জাল কাটিয়া টুকরা টুকরা করিয়া ফেলিল।

জালের উপর ঝাল ঝাড়িয়া অবশেষে জেলেদিগকে ধরিয়া আনিবার আদেশ হইল। কন্ঠেবল পলাতক জেলে চারিটির সন্ধান না পাইয়া যে চারিজনকে হাতের কাছে পাইল তাহাদিগকে ধরিয়া আনিল। তাহার আপনাদিগকে নিরপরাধ বলিয়া ঘোড়হস্তে কাকুতিমিনতি করিতে লাগিল। পুলিশ বাহাদুর যখন সেই বন্দীদিগকে সঙ্গে লইবার হুকুম দিতেছেন, এমন সময় চমকা-পরা শশিভূষণ তাড়াতাড়ি একথানা জামা পরিয়া তাহার বোতাম না লাগাইয়া চটিজুতা চট্‌চট্‌ করিতে করিতে উদ্ধ্বাসে পুলিশের বোটের সম্মুখে আসিয়া উপস্থিত হইলেন। কম্পিতস্বরে কহিলেন “সার, জেলের জাল ছিঁড়িবার এবং চারিজন লোককে উৎপীড়ন করিবার তোমার কোনো অধিকার নাই।”

পুলিসের বড় কৰ্ত্তা তাঁহাকে হিন্দিভাষায় একটা বিশেষ অসম্মানের কথা বলিলামাত্র তিনি এক মুহূর্ত্তে কিঞ্চিৎ উচ্চ ডাঙ্গা হইতে বোটের মধ্যে লাফাইয়া পড়িয়াই একেবারে সাহেবের উপরে আপনাকে নিক্ষেপ করিলেন। বালকের মত পাগলের মত মারিতে লাগিলেন।

তাহার পর কি হইল তিনি তাহা জানেন না। পুলিশের থানার মধ্যে যখন জাগিয়া উঠিলেন, তখন বলিতে সঙ্কোচ বোধ হয়—যে রূপ ব্যবহার প্রাপ্ত হইলেন স্কাণ্ডাতে মানসিক সম্মান অথবা শারীরিক আরাম বোধ করিলেন না।

নবম পরিচ্ছেদ

শশিভূষণের বাপ উকীল ব্যারিষ্টার লাগাইয়া প্রথমত শশীকে হাজত হইতে জামিনে খালাস করিলেন। তাহার পবে মকদ্দমার জোগাড় চলিতে লাগিল।

যে-সকল জেলের জাল নষ্ট হইয়াছে তাহারা শশিভূষণের এক পরগণার অন্তর্গত, এক জমিদারের অধীন। বিপদের সময় কখনো কখনো শশীর নিকটে তাহারা আইনের পরামর্শ লইতেও আসিত। যাহাদিগকে সাহেব বোটে ধরিয়া আনিয়াছিলেন তাহারাও শশিভূষণের অপরিচিত নহে।

শশী তাহাদিগকে সাক্ষ্য মানিবেন বলিয়া ডাকাইয়া আনিলেন। তাহারা ভয়ে অস্থির হইয়া উঠিল। স্বীপুত্র পরিবার লইয়া যাহাদিগকে সংসারধাত্তা নির্বাহ করিতে হয় পুলিশের সহিত বিবাদ করিলে তাহারা কোথায় গিয়া নিষ্কৃতি পাইবে? একটার অধিক প্রাণ কাহার শরীরে আছে? যাহা লোকসান হইবার তাহা তো হইয়াছে, এখন আবার সাক্ষ্যের সপিনা ধরাইয়া এ কি মুন্সিল! সকলে বলিল, “ঠাকুর তুমি তো আমাদিগকে বিষম ফেসাদে ফেলিলে!”

বিস্তর বলা-কহার পর তাহারা সত্যকথা বলিতে স্বীকার করিল।

ইতিমধ্যে হরকুমার যেদিন বেঞ্চে কন্স্টোপলক্ষে জেলার সাহেবদিগকে সেলাম করিতে গেলেন পুলিশ সাহেব হাসিয়া কহিলেন, “নায়েববাবু, শুনিতেছি তোমার প্রজারা পুলিশের বিরুদ্ধে মিথ্যা সাক্ষ্য দিতে প্রস্তুত হইয়াছে।” নায়েব সচকিত হইয়া কহিলেন, “হাঁ! এও কি কখনো সম্ভব হয়? অপবিদ্র জন্তুজাত পুত্রদিগের অস্থিতে এত ক্ষমতা!”

সংবাদপত্র পাঠকেরা অবগত আছেন মকদ্দমায় শশিভূষণের পক্ষ কিছুতেই টিকিতে পারিল না।

জেলেরা একে একে আসিয়া কহিল, পুলিশ সাহেব তাহাদের জাল কাটিয়া দেন নাই; বোটে ডাকিয়া তাহাদের নাম ধাম লিখিয়া লইতেছিলেন।

দেবল তাহাই নহে, ঠাঁহাব দেশস্থ গুটিচারেক পরিচিত লোক সাক্ষ্য দিল

যে, তাহারা সে সময়ে ঘটনাস্থলে বিবাহের বরষাত্র উপলক্ষে উপস্থিত ছিল। শশিভূষণ যে, অকারণে অগ্রসর হইয়া পুলিশের পাহারাওয়ালাদের প্রতি উপদ্রব করিয়াছে তাহা তাহারা প্রত্যক্ষ দেখিয়াছে।

শশিভূষণ স্বীকার করিলেন যে, গালি খাইয়া বোটের মধ্যে প্রবেশ করিয়া তিনি সাহেবকে মারিয়াছেন। কিন্তু জাল কাটিয়া দেওয়া ও জেলেদের প্রতি উপদ্রবই তাহার মূল কারণ।

এরূপ অবস্থায় যে বিচারে শশিভূষণ শাস্তি পাইলেন তাহাতে অগ্রায় বলা যাইতে পারে না। তবে শাস্তিটা কিছু গুরুতর হইল। তিন চারিটা অভিযোগ আঘাত, অনধিকার প্রবেশ, পুলিশের কর্তব্যে ব্যাঘাত ইত্যাদি; সব কটাই তাঁহার বিরুদ্ধে পুরা প্রমাণ হইল।

শশিভূষণ তাঁহার সেই হৃদয় গৃহে তাঁহার প্রিয় পাঠ্যগ্রন্থগুলি ফেলিয়া পাঁচ বৎসর জেল খাটিতে গেলেন। তাঁহার বাপ আপীল করিতে উত্তত হইলে, তাঁহাকে শশিভূষণ বারম্বার নিষেধ করিলেন—কহিলেন, “জেল ভালো! লোহার বেড়ি মিথ্যা কথা বলে না, কিন্তু জেলের বাহিরে যে স্বাধীনতা আছে সে আমাদেরকে প্রতারণা করিয়া বিপদে ফেলে। আর যদি সংস্কার কথা বল তো, জেলের মধ্যে মিথ্যাবাদী কৃতঘ্ন কাপুকবের সংখ্যা অল্প, কারণ স্থান পরিমিত—বাহিরে অনেক বেশি।”

দশম পরিচ্ছেদ

শশিভূষণ জেলে প্রবেশ করিবার অনতিকাল পরেই তাঁহার পিতার মৃত্যু হইল। তাঁহার আর বড় কেহ ছিল না। এক ভাই বহুকাল হইতে সেন্ট্রাল প্রভিন্সে কাজ করিতেন, দেশে আসা তাঁহার বড় ঘটিয়া উঠিত না, সেইখানেই তিনি বাড়ী তৈয়ারী করিয়া সপরিবারে স্থায়ী হইয়া বসিয়াছিলেন। দেশে বিষয় সম্পত্তি যাহা ছিল, নায়েব হরকুমার তাহার অধিকাংশ নানা কৌশলে আত্মসাৎ করিলেন।

জেলের মধ্যে অধিকাংশ কয়েদীকে যে পরিমাণে দুঃখ ভোগ করিতে হয়

দৈববিপাকে শশিভূষণকে তদপেক্ষা অনেক বেশি সহ্য করিতে হইয়াছিল।
তথাপি দীর্ঘ পাঁচ বৎসর কাটিয়া গেল।

আবার একদা বর্ষার দিনে জীর্ণ শরীয় ও শূন্য হৃদয় লইয়া শশিভূষণ কারা-
প্রাচীরের বাহিরে আসিয়া দাঁড়াইলেন। স্বাধীনতা পাইলেন, কিন্তু তাহা ছাড়া
কারার বাহিরে তাঁহার আর কেহ অথবা আর কিছু ছিল না। গৃহহীন আত্মীয়-
হীন সমাজহীন কেবল তাঁহার একলাটির পক্ষে এত বড় জগৎ সংসার অত্যন্ত
ঢিলা বলিয়া ঠেকিতে লাগিল।

জীবন-ধাত্রার বিচ্ছিন্ন স্রুত আবার কোথা হইতে আরম্ভ করিবেন, এই কথা
ভাবিতেছেন এমন সময়ে এক বৃহৎ জুড়ি তাঁহার সম্মুখে আসিয়া দাঁড়াইল।
একজন ভৃত্য নামিয়া আসিয়া জিজ্ঞাসা করিল, “আপনার নাম শশিভূষণ
বাবু?—”

তিনি কহিলেন, “হাঁ।”—

সে তৎক্ষণাৎ গাড়ির দরজা খুলিয়া তাঁহার প্রবেশের প্রতীক্ষায় দাঁড়াইল।

তিনি আশ্চর্য্য হইয়া জিজ্ঞাসা করিলেন—“আমাকে কোথায় যাইতে
হইবে—”

সে কহিল, “আমার প্রভু আপনাকে ডাকিয়াছেন।”

পথিকদের কোতূহল-দৃষ্টিপাত অসহ বোধ হওয়াতে তিনি সেখানে আর
অধিক বাদানুবাদ না করিয়া গাড়ীতে উঠিয়া পড়িলেন। ভাবিলেন, নিশ্চয়
ইহার মধ্যে একটা কিছু ভ্রম আছে। কিন্তু একটা কোনো দিকে তো
চলিতে হইবে—না হয় এমনি করিয়া ভ্রম দিয়াই এই নূতন জীবনের ভূমিকা
আরম্ভ হউক।

সেদিনও মেঘ এবং রোদ্ৰ আকাশময় পরস্পরকে শিকার করিয়া ফিরিতেছিল:
পথের প্রান্তবর্ত্তী বর্ষার জলপ্লাবিত গাঢ় শ্রাম শস্তক্ষেত্র চঞ্চল ছায়ালোকে বিচিত্র
হইয়া উঠিতেছিল। হাটের কাছে একটা বৃহৎ রথ পড়িয়া ছিল এবং তাহার
অদূরবর্ত্তী মুদির দোকানে একদল বৈষ্ণব ভিক্ষুক গুপিবস্ত্র ও খোলকরতাল
যোগে গান গাহিতেছিল—

এস এস ফিরে এস—নাথ হে ফিরে এস!

আমার ক্ষুধিত তৃষিত তাপিত চিত বধুহে ফিরে এস!

গাড়ি অগ্রসর হইয়া চলিল, গানের পদ ক্রমে দূর হইতে দূরতর হইয়া কানে প্রবেশ করিতে লাগিল—

ওগো নিষ্ঠুর ফিরে এস হে, আমার করুণ কোমল এস !

ওগো সজল-জলদ-স্নিগ্ধ কান্ত সুলভ ফিরে এস !

গানের কথা ক্রমে ক্ষীণতর অক্ষুটতর হইয়া আসিল, আর বুঝা গেল না। কিন্তু গানের ছন্দে শশিভূষণের হৃদয়ে একটা আন্দোলন তুলিয়া দিল, তিনি আপন মনে গুনগুন করিয়া পদের পর পদ রচনা করিয়া যোজনা করিয়া চলিলেন, কিছুতে যেন থামিতে পারিলেন না,—

আমার নিতি-সুখ ফিরে এস, আমার চিরদুখ ফিরে এস !

আমার সব-সুখ-দুখ-মহন-ধন অন্তরে ফিরে এস !

আমার চির-বাহিত এস, আমার চিরসঞ্চিত এস,

ওহে চঞ্চল, হে চিরন্তন, ভুজবন্ধনে ফিরে এস !

আমার বক্ষে ফিরিয়া এস, আমার চক্ষে ফিরিয়া এস,

আমার শরনে স্বপনে বসনে ভূষণে নিখিল ভুবনে এস !

আমার মুখের হাসিতে এসহে,

আমার চোখের সলিলে এস,

আমার আদরে, আমার ছলনে,

আমার অভিমানে ফিরে এস !

আমার সর্বস্বরণে এস, সর্বভরমে এস—

আমার ধরম করম সোহাগ সরম জনম মরণে এস !

গাড়ি যখন একটি প্রাচীরবেষ্টিত উজানের মধ্যে প্রবেশ করিয়া একটি বিতল অট্টালিকার সম্মুখে থামিল তখন শশিভূষণের গান থামিল।

তিনি কোনো প্রশ্ন না করিয়া ভূত্যের নির্দেশক্রমে বাড়ির মধ্যে প্রবেশ করিলেন।

যে ঘরে আসিয়া বসিলেন সে ঘরের চারিদিকেই বড় বড় কাচের আলমারীতে বিচিত্র বর্ণের বিচিত্র মলাটের সারি সারি বই সাজানো। সেই দৃশ্য দেখিবামাত্র

তাঁহার পুরাতন জীবন দ্বিতীয়বার কারামুক্ত হইয়া বাহির হইল। এই সোণার জলে অঙ্কিত নানা বর্ণে রঞ্জিত বইগুলি, আনন্দ-লোকের মধ্যে প্রবেশ করিবার সুপরিচিত রত্নখচিত সিংহদ্বারের মত তাঁহার নিকটে প্রতিভাত হইল।

টেবিলের উপরেও কি কতগুলি ছিল। শশিভূষণ তাঁহার ক্ষীণদৃষ্টি লইয়া সুঁকিয়া পড়িয়া দেখিলেন, একখানি বিদীর্ণ প্লেট, তাহার উপরে গুটিকয়েক পুরাতন খাতা, একখানি ছিন্নপ্রায় ধারাপাত, কথামালা এবং একখানি কাশীরামদাসের মহাভারত।

প্লেটের কাঠের ফ্রেমের উপর শশিভূষণের হস্তাক্ষরে কালী দিয়া খুব মোটা করিয়া লেখা—গিরিবালা দেবী। খাতা ও বইগুলির উপরেও ঐ এক হস্তাক্ষরে এক নাম লিখিত।

শশিভূষণ কোথায় আসিয়াছেন বুঝিতে পারিলেন। তাঁহার বক্ষের মধ্যে রক্তস্রোত তরঙ্গিত হইয়া উঠিল। মুক্ত বাতায়ন দিয়া বাহিরে চাহিলেন—সেখানে কি চক্ষে পড়িল? সেই ক্ষুদ্র গরাদে-দেওয়া ঘর, সেই অসমতল গ্রাম্যপথ—সেই ডুরে-কাপড়-পরা ছোট মেয়েটি—এবং সেই আপনার শাস্তিময় নিশ্চিন্ত নিভৃত জীবনযাত্রা।

সেদিনকার সেই সুখের জীবন কিছুই অসামান্য বা অত্যধিক নহে; দিনের পর দিন ক্ষুদ্র কাজে ক্ষুদ্র সুখে অজ্ঞাতসারে কাটিয়া যাইত, এবং তাঁহার নিজের অধ্যয়ন-কার্যের মধ্যে একটি বালিকা ছাত্রীর অধ্যাপনকার্য্য তুচ্ছ ঘটনার মধ্যেই গণ্য ছিল; কিন্তু গ্রাম-প্রান্তরের সেই নির্জন দিন যাপন, সেই ক্ষুদ্র শান্তি, সেই ক্ষুদ্র সুখ, সেই ক্ষুদ্র বালিকার ক্ষুদ্র মুখখানি সমস্তই যেন স্বর্গের মত দেশকালের বহির্ভূত এবং আয়ত্তের অতীতরূপে কেবল আকাজ্জকরাজ্যের কল্পনাছায়ার মধ্যে বিরাজ করিতে লাগিল। সেদিনকার সেই সমস্ত ছবি এবং স্মৃতি আজিকার এই বর্ষাবল্লভ প্রভাতের আলোকের সহিত এবং মনের মধ্যে মূহুশ্লিষ্ট সেই কীৰ্ত্তনের গানের সহিত জড়িত মিশ্রিত হইয়া এক প্রকার সঙ্গীতময় জ্যোতির্ময় অপূৰ্ণরূপ ধারণ করিল। সেই জঙ্গলে বেষ্টিত কৰ্দমাস্ত সঙ্কীর্ণ গ্রাম্যপথের মধ্যে সেই অনাদৃত ব্যথিত বালিকার অভিমান-মলিন মুখের শেষ স্মৃতিটি যেন বিধাতা-বিরচিত এক অসাধারণ আশ্চর্য্য অপরূপ অতি গভীর, অতি বেদনা-পরিপূর্ণ স্বর্গীয় চিত্রের মত তাঁহার মানসপটে প্রতিকলিত হইয়া

উঠিল। তাহারই সঙ্গে কীৰ্ত্তনের করুণ শ্রব বাজিতে লাগিল, এবং মনে হইল যেন সেই পল্লীবালিকার মুখে সমস্ত বিশ্বহৃদয়ের এক অনির্বচনীয় দুঃখ আপনার ছায়া নিক্ষেপ করিয়াছে। শশিভূষণ ছই বাহুর মধ্যে মুখ লুকাইয়া সেই টেবিলের উপর সেই প্লেট বহি খাতার উপর মুখ রাখিয়া অনেক কাল পরে অনেক দিনের স্বপ্ন দেখিতে লাগিলেন।

অনেকক্ষণ পরে মুহূৰ্ত্তে সচকিত হইয়া মুখ তুলিয়া দেখিলেন। তাঁহার সম্মুখে রূপার থালায় ফলমূলমিষ্টান্ন রাখিয়া গিরিবালা অদূরে দাঁড়াইয়া নীরবে অপেক্ষা করিতেছিল। তিনি মন্তক তুলিতেই নিরাভরণা গুল্লবসনা বিধবাবেশ-ধারিণী গিরিবালা তাঁহাকে নতজাহ্নু ভূমিষ্ঠ হইয়া প্রণাম করিল।

বিধবা উঠিয়া দাঁড়াইয়া যখন শীর্ণমুখে স্তানবর্ণ ভগ্নশরীর শশিভূষণের দিকে সক্রোধ স্নিগ্ধনেত্রে চাহিয়া দেখিল—তখন তাহার ছই চক্ষু ঝরিয়া ছই কপোল বহিয়া অশ্রু পড়িতে লাগিল।

শশিভূষণ তাহাকে কুশল প্রশ্ন জিজ্ঞাসা করিতে চেষ্টা করিলেন কিন্তু ভাষা খুঁজিয়া পাইলেন না, নিরুদ্ধ অশ্রুবাম্প তাঁহার বাক্যপথ সবলে অবরোধ করিল—কথা এবং অশ্রু উভয়েই নিরুপায়ভাবে হৃদয়ের মুখে কণ্ঠের দ্বারে বদ্ধ হইয়া রহিল। সেই কীৰ্ত্তনের দল ভিক্ষা সংগ্রহ করিতে করিতে অট্টালিকার সম্মুখে আসিয়া দাঁড়াইল এবং পুনঃ পুনঃ আবৃত্তি করিয়া গাহিতে লাগিল—এস এস হে!

(* ১৩০১—আখ্যন)

প্রায়শ্চিত্ত

প্রথম পরিচ্ছেদ

শ্রগ ও মর্ত্যের মাঝখানে একটা অনির্দিষ্ট অরাজক স্থান আছে, যেখানে ত্রিশছু রাজা ভাসিয়া বেড়াইতেছেন, যেখানে আকাশকুসুমের অজস্র আবাদ হইয়া থাকে। সেই বায়ুহর্গবেষ্টিত মহাদেশের নাম “হইলে-হইতে পারিত”। ষাঁহারা মহৎ কার্য্য করিয়া অমরতা লাভ করিয়াছেন তাঁহারা ধন্ত হইয়াছেন, ষাঁহারা সামান্য ক্ষমতা লইয়া সাধারণ মানবের মধ্যে সাধারণভাবে সংসারের প্রাত্যহিক কর্তব্য-সাধনে সহায়তা করিতেছেন, তাঁহারাও ধন্ত; কিন্তু ষাঁহারা অন্তঃকরণে ভ্রমক্রমে হঠাৎ হৃয়ের মাঝখানে পড়িয়াছেন তাঁহাদের আর কোনো উপায় নাই! তাঁহারা একটা কিছু হইলে হইতে পারিতেন কিন্তু সেই কারণেই তাঁহাদের পক্ষে কিছু-একটা হওয়া সর্বাপেক্ষা অসম্ভব।

আমাদের অনাথবন্ধু সেই মধ্যদেশবিলম্বিত বিধিবিড়ম্বিত যুবক। সকলেরই বিশ্বাস, তিনি ইচ্ছা করিলে সকল বিষয়েই কৃতকার্য্য হইতে পারিতেন। কিন্তু কোনো কালে তিনি ইচ্ছাও করিলেন না, এবং কোনো বিষয়ে তিনি কৃতকার্য্যও হইলেন না এবং সকলের বিশ্বাস তাঁহার প্রতি অটল রহিয়া গেল। সকলে বলিল তিনি পরীক্ষায় ফাষ্ট হইবেন, তিনি আর পরীক্ষা দিলেন না। সকলের বিশ্বাস চাকরীতে প্রবিষ্ট হইলে যে কোনো ডিপার্টমেন্টের উচ্চতম স্থান তিনি অনায়াসে গ্রহণ করিতে পারিবেন,—তিনি কোনো চাকরীই গ্রহণ করিলেন

না। সাধারণ লোকের প্রতি তাঁহার বিশেষ অবজ্ঞা, কারণ তাহারা অত্যন্ত সামান্ত ; অসাধারণ লোকের প্রতি তাঁহার কিছুমাত্র শ্রদ্ধা ছিল না, কারণ মনে করিলেই তিনি তাহাদের অপেক্ষা অসাধারণতর হইতে পারিতেন।

অনাথবন্ধুর সমস্ত খ্যাতিপ্রতিপত্তি স্বথসম্পদ সৌভাগ্য দেশকালাতীত অসম্ভবতার ভাঙারে নিহিত ছিল—বিধাতা কেবল বাস্তবরাজ্যে তাঁহাকে একটি ধনী স্বপ্নের এবং সুশীলা স্ত্রী দান করিয়াছিলেন ! স্ত্রীর নাম বিদ্যাবাসিনী।

স্ত্রীর নামটি অনাথবন্ধু পছন্দ করেন নাই এবং স্ত্রীটিকেও রূপে গুণে তিনি আপন যোগ্য জ্ঞান করিতেন না, কিন্তু বিদ্যাবাসিনীর মনে স্বামিসেঁভাগ্যবর্ধের সীমা ছিল না। সকল স্ত্রীর সকল স্বামীর অপেক্ষা তাঁহার স্বামী যে সকল বিষয়ে শ্রেষ্ঠ, এ সম্বন্ধে তাঁহার কোনো সন্দেহ ছিল না এবং তাঁহার স্বামীরও কোনো সন্দেহ ছিল না এবং সাধারণের ধারণাও এই বিশ্বাসের অনুরূপ ছিল।

এই স্বামিগর্ষ পাছে কিছুমাত্র ক্ষুণ্ণ হয়, এজন্য বিদ্যাবাসিনী সর্বদাই শঙ্কিত ছিলেন। তিনি যদি আপন হৃদয়ের অভ্রভেদী অটল ভক্তিপর্যন্তের উচ্চতম শিখরের উপরে এই স্বামীটিকে অধিরোহন করাইয়া তাঁহাকে মুঢ় মর্ত্যলোকের সমস্ত কটাক্ষপাত হইতে দূরে রক্ষা করিতে পারিতেন, তবে নিশ্চিন্তচিত্তে পতিপূজায় জীবন উৎসর্গ করিতেন। কিন্তু জড়জগতে কেবলমাত্র ভক্তির দ্বারা ভক্তিভাজনকে উর্দ্ধে তুলিয়া রাখা যায় না এবং অনাথবন্ধুকেও আদর্শ পুরুষ বলিয়া মানে না এমন প্রাণী সংসারে বিরল নহে। এই জন্ত বিদ্যাবাসিনীকে অনেক দুঃখ পাইতে হইয়াছে।

অনাথবন্ধু যখন কালেজে পড়িতেন তখন স্বপ্নরালয়েই বাস করিতেন। পরীক্ষার সময় আসিল পরীক্ষা দিলেন না এবং তাহার পরবৎসর কালেজ ছাড়িয়া দিলেন।

এই ঘটনায় সর্বসাধারণের সমক্ষে বিদ্যাবাসিনী অত্যন্ত কুণ্ঠিত হইয়া পড়িলেন। রাত্রে মুহূর্ত্তের অনাথবন্ধুকে কহিলেন, “পরীক্ষাটা দিলেই ভালো হ’ত ?”

অনাথবন্ধু অবজ্ঞাভরে হাসিয়া কহিলেন, “পরীক্ষা দিলেই কি চতুর্ভূজ হয় না কি ? আমাদের কেদারও তো পরীক্ষায় পাস্ হইয়াছে !”

বিদ্যাবাসিনী সাশ্বনা লাভ করিলেন। দেশের অনেক গো-গর্দভ যে পরীক্ষায় পাস করিতেছে সে পরীক্ষা দিয়া অনাথবন্ধুর গোয়াল কি আর বাড়িবে !

প্রতিবেশিনী কমলা তাহার বাল্যসখী বিন্দিকে আনন্দ-সহকারে খবর দিতে আসিল যে, তাহার ভাই রমেশ এবার পরীক্ষায় উত্তীর্ণ হইয়া জলপানী পাইতেছে। বিদ্যাবাসিনী অকারণে মনে করিল কমলার এই আনন্দ বিষুদ্ধ আনন্দ নহে, ইহার মধ্যে তাহার স্বামীর প্রতি কিঞ্চিৎ রূঢ় শ্লেষ আছে। এই জন্ত সখীর উল্লাসে উল্লাস প্রকাশ না করিয়া বরং গায়ে পড়িয়া কিঞ্চিৎ বগড়ার সুরে শুনাইয়া দিল যে, এল-এ, পরীক্ষা একটা পরীক্ষার মধ্যেই গণ্য নহে ; এমন কি বিলাতের কোনো কালেজে বি-এর, নীচে পরীক্ষাই নাই।—বলা বাহুল্য, এসমস্ত সংবাদ ও যুক্তি বিদ্যা স্বামীর নিকট হইতে সংগ্রহ করিয়াছে।

কমলা স্তব্ধসংবাদ দিতে আসিয়া সহসা পরম প্রিয়তমা প্রাণসখীর নিকট হইতে এরূপ আঘাত পাইয়া প্রথমটা কিছু বিস্মিত হইল। কিন্তু সেও না কি জীজাতীয় মনুষ্য, এই জন্ত মুহূর্ত্তকালের মধ্যেই বিদ্যাবাসিনীর মনের ভাব বুঝিতে পারিল এবং ভ্রাতার অপমানে তৎক্ষণাৎ তাহারও রসনাগ্রে একবিন্দু তীব্র বিষ সঞ্চারিত হইল ; সে বলিল, আমরা তো ভাই বিলাতও যাই নাই, সাহেব স্বামীকেও বিবাহ করি নাই অত-খবর কোথায় পাইব। মূর্থ মেয়ে মানুষ, মোটামুটি এই বুঝি যে বাঙ্গালীর ছেলেকে কালেজে এল এ দিতে হয় ;—তাও তো ভাই সকলে পারে না।—অতাস্ত নিরীহ এবং স্নমিষ্ট বন্ধুভাবে এই কথাগুলি বলিয়া কমলা চলিয়া আসিল, কলহ-বিমুখ বিদ্যা নিরন্তরে সস্থ করিল এবং ঘরে প্রবেশ করিয়া নীরবে কাঁদিতে লাগিল।

অল্পকালের মধ্যে আর একটি ঘটনা ঘটিল। একটি দুরস্থ ধনী কুটুম্ব কিয়ৎকালের জন্ত কলিকাতায় আসিয়া বিদ্যাবাসিনীর পিত্রাণয়ে আশ্রয় গ্রহণ করিল। তত্পলক্ষে তাহার পিতা রাজকুমার বাবুর বাড়িতে বিশেষ একটা সমারোহ পড়িয়া গেল। জামাই বাবু বাহিরের যে বড় বৈঠকখানাটি অধিকার করিয়া থাকিতেন নবঅভ্যাগতদের বিশেষ সমাদরের জন্ত সেই ঘরটি ছাড়িয়া দিয়া তাঁহাকে মামা বাবুর ঘরে কিছুদিনের জন্ত আশ্রয় লইতে অনুরোধ করা হইল।

এই ঘটনায় অনাথবন্ধুর অভিমান উজ্জ্বলিত হইয়া উঠিল। প্রথমত জীবন নিকটে গিয়া তাহার পিতৃনিদ্র করিয়া তাহাকে কাঁদাইয়া দিয়া খণ্ডরের উপর প্রতিশোধ তুলিলেন। তাহার পরে অনাহার প্রভৃতি অত্যাচার প্রবল উপায়ে

অভিমান প্রকাশের উপক্রম করিলেন। তাহা দেখিয়া বিদ্যাবাসিনী নিরতিশয় লজ্জিত হইল। তাহার মনে যে একটি সহজ আত্মসম্মমবোধ ছিল, তাহা হইতেই সে বুঝিল এরূপ স্থলে সর্বসমক্ষে অভিমান প্রকাশ করার মত লজ্জাকর আত্মাবমাননা আর কিছুই নাই। হাতে পায়ে ধরিয়া কাদিয়া কাটিয়া বহু কষ্টে সে তাহার স্বামীকে ক্ষান্ত রাখিল।

বিদ্যা অববেচক ছিল না, এই জন্ত সে তাহার পিতা মাতার প্রতি কোনো দোষারোপ করিল না; সে বুঝিল ঘটনাটি সামান্য ও স্বাভাবিক; কিন্তু এ কথাও মনে হইলে যে, তাহার স্বামী খণ্ডরালয়ে বাস করিয়া কুটুম্বের আদর হইতে বঞ্চিত হইতেছেন।

সেদিন হইতে প্রতিদিন সে তাহার স্বামীকে বলিতে লাগিল আমাকে তোমাদের ঘরে লইয়া চল; আমি আর এখানে থাকিব না।

অনাথবন্ধুর মনে অহঙ্কার যথেষ্ট ছিল কিন্তু আত্মসম্মমবোধ ছিল না। তাঁহার নিজগৃহের দারিদ্রের মধ্যে প্রত্যাবর্তন করিতে কিছুতেই তাঁহার অভিধৃতি হইল না। তখন তাঁহার স্ত্রী কিছু দৃঢ়তা প্রকাশ করিয়া কহিল, তুমি যদি না যাও তে, আমি একলাই বাইব।

অনাথবন্ধু মনে মনে বিরক্ত হইয়া তাহার স্ত্রীকে কলিকাতার বাহিরে দূর ক্ষুদ্র পল্লীতে তাঁহাদের মৃতিকানিধিত খোঁড়ো ঘরে লইয়া যাইবার উদ্যোগ করিলেন। যাত্রাকালে রাজকুমার বাবু এবং তাঁহার স্ত্রী, কত্নাকে আরো কিছুকাল পিতৃগৃহে থাকিয়া যাইবার জন্ত অনেক অনুরোধ করিলেন; কত্না নীরবে নতশিরে গম্ভীরমুখে বসিয়া মৌনভাবে জানাইয়া দিল—না, সে হইতে পারিবে না!

তাহার সহসা এইরূপ দৃঢ় প্রতিজ্ঞা দেখিয়া পিতামাতার সন্দেহ হইল যে অজ্ঞাতসারে বোধ করি কোনোরূপে তাহাকে আঘাত দেওয়া হইয়াছে। রাজকুমার বাবু ব্যথিতচিত্তে তাহাকে জিজ্ঞাসা করিলেন, মা আমাদের কোনো অজ্ঞানকৃত আচরণে তোমার মনে কি ব্যথা লাগিয়াছে?

বিদ্যাবাসিনী তাহার পিতার মুখের দিকে করুণ দৃষ্টিক্ষেপ করিয়া কহিল এক মুহূর্তের জন্তও নহে। তোমাদের এখানে বড় সুখে বড় আদরে আমার দিন গিয়াছে!—বলিয়া সে কাদিতে লাগিল। কিন্তু তাহার সংকল্প অটল রহিল।

বাপ মা দীর্ঘনিশ্বাস ফেলিয়া মনে মনে কহিলেন, যত স্নেহে যত আদরেই মানুষ কর, বিবাহ দিলেই মেয়ে পর হইয়া যায়।

অবশেষে অশ্রুপূর্ণনেত্রে সকলের নিকট বিদায় লইয়া আপন আজন্মকালের স্নেহমণ্ডিত পিতৃগৃহ এবং পরিজন ও সঙ্গিনীগণকে ছাড়িয়া বিদ্যাবাসিনী পাকীতে আরোহণ করিল।

দ্বিতীয় পরিচ্ছেদ

কলিকাতার ধনিগৃহে এবং পল্লিগ্রামের গৃহস্থঘরে বিস্তর প্রভেদ। কিন্তু বিদ্যাবাসিনী একদিনের জ্ঞাও ভাবে অথবা আচরণে অসন্তোষ প্রকাশ করিল না। প্রফুল্লচিত্তে গৃহকার্য্যে শাণ্ডিীর সহায়তা কবিতে লাগিল। তাহাদের দারদ্র অবস্থা জানিয়া পিতা নিজ ব্যয়ে কল্লার সহিত একটি দাসী পাঠাইয়াছিলেন। বিদ্যাবাসিনী স্বামিগৃহে পৌছিয়াই তাহাকে বিদায় করিয়া দিল। তাহার শ্বশুর-ঘরের দারিদ্র্য দেখিয়া বড়মানুষের ঘরের দাসী প্রতিমুহূর্ত্তে মনে মনে নাসাগ্র আকুঞ্চিত করিতে থাকিবে, এ আশঙ্কাও তাহার অসহ্য বোধ হইল।

শাণ্ডিী স্নেহবশত বিদ্যাকে শ্রমসাধ্য কার্য্য হইতে বিরত করিতে চেষ্টা করিতেন, কিন্তু বিদ্যা নিরলস অশ্রান্তভাবে প্রসন্নমুখে সকল কার্য্যে যোগ দিয়া শাণ্ডিীর হৃদয় অধিকার করিয়া লইল এবং পল্লীরমণীগণ তাহাব গুণে মুগ্ধ হইয়া গেল।

কিন্তু ইহার ফল সম্পূর্ণ সন্তোষজনক হইল না। কারণ, বিশ্বনিয়ম ‘নীতি-বোধ প্রথমভাগের’ ছায় সাধুভাষায় রচিত সরল উপদেশাবলী নহে। নিষ্ঠুর বিক্রপপ্রিয় সন্ন্যাসান মাঝখানে আসিয়া সমস্ত নীতিসূত্রগুলিকে বাঁটিয়া জট পাকাইয়া দিয়াছে। তাই ভালো কাজে সকল সময়ে উপস্থিতমত বিপুল ভালো ফল ঘটে না, হঠাৎ একটা গোল বাধিয়া ওঠে।

অনাথবন্ধুর দুইটি ছোট একটা বড় ভাই ছিল। বড় ভাই বিদেশে চাকরি করিয়া যে ঋণপঞ্চাশেক টাকা উপার্জন করিতেন, তাহাতেই তাহাদের সংসার চলিত এবং ছোট দুটি ভাইয়ের বিদ্যাশিক্ষা হইত।

বলা বাহুল্য, আজকালকার দিনে মাসিক পঞ্চাশ টাকায় সংসারের-

শ্রীবৃদ্ধ-সাধন অসম্ভব, কিন্তু বড় ভাইয়ের স্ত্রী গ্রামাশঙ্করীর গরিমাবৃদ্ধির পক্ষে উহাই যথেষ্ট ছিল! স্বামী সন্তঃসর কাল কাজ করিতেন, এই দল স্ত্রী সন্তঃসরকাল বিশ্রামের অধিকার প্রাপ্ত হইয়াছিলেন। কাজকর্ম কিছুই করিতেন না, অথচ এমন ভাবে চলিতেন, যেন তিনি কেবলমাত্র তাঁহার উপার্জনক্ষম স্বামীটির স্ত্রী হইয়াই সমস্ত সংসারটাকে পরম বাধিত করিয়াছেন।

বিক্ষাবাসিনী যখন শ্মশুরবাড়ি আসিয়া গৃহলক্ষ্মীর শ্রম অহিনিশি ঘরের কাজে প্রবৃত্ত হইল তখন গ্রামাশঙ্করীর সঙ্গীর্ণ অন্তঃকরণটুকু কে ঘেন আঁটিয়া ধরিতে লাগিল। তাহার কারণ বোঝা শক্ত। বোধ করি বড় বো মনে করিলেন, মেজ-বো বড় ঘরের মেয়ে হইয়া কেবল লোক দেখাইবার জন্ত ঘরকন্নার নীচ কাজে নিযুক্ত হইয়াছে, উহাতে কেবল তাঁহাকে লোকের চক্ষে অপদস্থ করা হইতেছে। যে কারণেই হউক, মাসিক পঞ্চাশ টাকার স্ত্রী কিছুতেই ধনীবংশের কন্যাকে সহ্য করিতে পারিলেন না। তিনি তাহার নম্রতার মধ্যে অসহ্য দেমাকের লক্ষণ দেখিতে পাইলেন।

এদিকে অনাথবন্ধু পল্লীতে আসিয়া লাইব্রেরী স্থাপন করিলেন; দশ বিশজন স্কুলের ছাত্র জড় করিয়া সভাপতি হইয়া থবরের কাগজে টেলিগ্রাম প্রেরণ করিতে লাগিলেন; এমন কি, কোনো কোনো ইংরাজী সংবাদপত্রের বিশেষ সংবাদদাতা হইয়া গ্রামের লোকদিগকে চমৎকৃত করিয়া দিলেন। কিন্তু দরিদ্র সংসারে একপয়সা আনিলেন না, বরং বাজে খরচ অনেক হইতে লাগিল।

একটা কোনো চাকরী লইবার জন্ত বিক্ষাবাসিনী তাঁহাকে সর্বদাই পীড়াপীড়ি করিতে লাগিল। তিনি কান দিলেন না। স্ত্রীকে বলিলেন, তাঁহার উপযুক্ত চাকরী আছে বটে কিন্তু পক্ষপাতী ইংরাজ গবর্ণমেন্ট সে সকল পদে বড় বড় ইংরাজকে নিযুক্ত করে, বাঙ্গালা হাজার যোগ্য হইলেও তাহার কোনো আশা নাই।

গ্রামাশঙ্করী তাঁহার দেবর এবং মেঝ বা'র প্রতি লক্ষ্যে অলক্ষ্যে সর্বদাই বাক্যবিষ প্রয়োগ করিতে লাগিলেন। গর্ভভরে নিজেদের দারিদ্র্য আশ্ফালন করিয়া বলিতে লাগিলেন, আমরা গরীব মানুষ, বড় মানুষের মেয়ে এবং বড় মানুষের জামাইকে পোষণ করিব কেমন করিয়া? সেখানে তো বেশ ছিলেন, কোনো দুঃখ ছিল না—এখানে ডালভাত খাইয়া এত কষ্ট কি সহ্য হইবে?

শান্তি বড়বোকে ভয় করিতেন, তিনি দুর্বলের পক্ষ অবলম্বন করিয়া কোনো কথা বলিতে সাহস করিতেন না। মেজবোও মাসিক পঞ্চাশ টাকা বেতনের ডালভাত এবং তদীয় জ্বরী বাকাঝাল খাইয়া নীরবে পরিপাক করিতে লাগিল।

ইতিমধ্যে বড় ভাই ছুটিতে কিছুদিনের জন্ত ঘরে আসিয়া জ্বরী নিকট হইতে অনেক উদ্দীপনাপূর্ণ ওজোগুণসম্পন্ন বস্তুতা শ্রবণ করিতে লাগিলেন। অবশেষে নিজের ব্যাঘাত যখন প্রতিরাজ্যেই গুরুতর হইয়া উঠিতে লাগিল তখন এক দিন অনাথবন্ধুকে ডাকিয়া শান্তভাবে স্নেহের সহিত কহিলেন, “তোমার একটা চাকরির চেষ্টা দেখা উচিত, কেবল আমি একলা সংসার চালাইব কি করিয়া?”

অনাথবন্ধু পদাহত সর্পের জায় গর্জন করিয়া বলিয়া উঠিলেন, দুই বেলা দুই মুষ্টি অত্যন্ত অখাদ্য মোটা ভাতের পর এত খোঁটা সহ হয় না। তৎক্ষণাৎ জ্বীকে লইয়া খণ্ডরবাড়ি যাইতে সংকল্প করিলেন।

কিন্তু জ্বী কিছুতেই সম্মত হইল না। তাহার মতে ভাইয়ের অন্ন এবং ভাজের গালিতে কনিষ্ঠের পারিবারিক অধিকার আছে কিন্তু খণ্ডরের আশ্রয়ে বড় লজ্জা। বিদ্যাবাসিনী খণ্ডর বাড়িতে দীনহীনের মত নত হইয়া থাকিতে পারে, কিন্তু বাপের বাড়িতে সে আপন মর্যাদা রক্ষা করিয়া মাথা তুলিয়া চলিতে চায়!

এমন সময় গ্রামের এন্ট্রেন্সস্কুলে তৃতীয় শিক্ষকের পদ খালি হইল। অনাথবন্ধুর দাদা এবং বিদ্যাবাসিনী উভয়েই তাঁহাকে এই কাজটি গ্রহণ করিবার জন্ত পীড়াপীড়ি করিয়া ধরিলেন। তাহাতেও হিতে বিপরীত হইল। নিজের ভাই এবং একমাত্র ধর্মপত্নী যে তাঁহাকে এমন একটা অত্যন্ত তুচ্ছ কাজের যোগ্য বলিয়া মনে করিতে পারেন, ইহাতে তাঁহার মনে দুর্জয় অভিমানের সঞ্চার হইল এবং সংসারের সমস্ত কাজকর্মের প্রতি পূর্বাপেক্ষা চতুর্গুণ বৈরাগ্য জন্মিয়া গেল।

তখন আবার দাদা তাঁহার হাতে ধরিয়া মিনতি করিয়া তাঁহাকে অনেক করিয়া ঠাণ্ডা করিলেন। সকলেই মনে করিলেন। ইহাকে আর কোনো কথা বলিয়া কাজ নাই, এ এখন কোনো প্রকারে ঘরে টিকিয়া গেলেই ঘরের সৌভাগ্য।

ছুটি অস্ত্রে দাদা কর্মক্ষেত্রে চলিয়া গেলেন ; গ্রামাশঙ্করী রুদ্ধ আক্রোশে মুখখানা গোলাকার করিয়া তুলিয়া একটা বৃহৎ কুদর্শন চক্র নির্মাণ করিয়া রহিলেন। অনাথবন্ধু বিদ্যাবাসিনীকে আসিয়া কহিলেন, আজকাল বিলাতে না গেলে কোনো ভদ্র চাকরি পাওয়া যায় না। আমি বিলাতে যাইতে মনস্থ করিতেছি, তুমি তোমাব বাবার কাছ হইতে কোনো ছুতায় কিছু অর্থ সংগ্রহ কর।

এক তো বিলাত যাইবার কথা। গুনিয়া বিদ্যার মাথায় যেন বজ্রাঘাত হইল ; তাহার পরে পিতার কাছে কি করিয়া অর্থ ভিক্ষা করিতে যাইবে, তাহা মনে করিতে পারিল না এবং মনে করিতে গিয়া লজ্জায় মরিয়া গেল।

খণ্ডের কাছে নিজমুখে টাকা চাহিতেও অনাবন্ধুর অহঙ্কারে বাধা ছিল, অথচ বাপের কাছ হইতে কত্যা কেন যে ছলে অথবা বলে অর্থ আকর্ষণ করিয়া না আনিবে, তাহা তিনি বুঝিতে পারিলেন না। ইহা লইয়া অনাথ অনেক রাগারাগি করিলেন এবং মর্শ্মপীড়িত বিদ্যাবাসিনীকে বিস্তর অশ্রুপাত করিতে হইল।

এমন করিয়া কিছুদিন সাংসারিক অভাবে এবং মনের কষ্টে কটিয়া গেল।

অবশেষে শরৎকালে পূজা নিকটবর্তী হইল। কত্যা এবং জামাতাকে সাদরে আহ্বান করিয়া আনিবার জন্ত রাজকুমার বাবু বহু সমারোহে যানবাহনাদি প্রেরণ করিলেন। এক বৎসর পরে কত্যা স্বামীসহ পুনরায় পিতৃভবনে প্রবেশ করিল। ধনী কুটুম্বের যে আদর তাঁহার অসহ্য হইয়াছিল, জামাতা এবার তদপেক্ষা অনেক বেশি আদর পাইলেন। বিদ্যাবাসিনীও অনেককাল পরে মাথার অবগুষ্ঠন ঘুচাইয়া অহর্নিশি স্বজনস্নেহে ও উৎসবতরঙ্গে আন্দোলিত হইতে লাগিল।

আজ ষষ্ঠী। কাল সপ্তমী-পূজা আরম্ভ হইবে। ব্যস্ততা এবং কোণাহলের সীমা নাই। দূর এবং নিকট সম্পর্কীয় আত্মীয় পরিজন অট্টালিকার প্রত্যেক প্রকোষ্ঠ একেবারে পরিপূর্ণ।

সে রাতে বড় শ্রাস্ত হইয়া বিদ্যাবাসিনী শয়ন করিল। পূর্বে যে ঘরে শয়ন করিত এ সে ঘর নহে ; এবার বিশেষ আদর করিয়া মা জামাতাকে তাঁহার নিজের ঘর ছাড়িয়া দিয়াছেন। অনাথবন্ধু কখন শয়ন করিতে আসিলেন তাহা বিদ্যা জানিতেও পারিল না। সে তখন গভীর নিদ্রায় মগ্ন ছিল।

খুব ভোরের বেলা হইতে শানাই বাজিতে লাগিল। কিন্তু ক্লাস্তদেহ বিদ্যাবাসিনীর নিদ্রাভঙ্গ হইল না। কমল এবং ভুবন দুই সখী বিদ্যার শয়নঘারে আড়ি পাতিবার নিম্ফস চেষ্টা করিয়া অবশেষে পরিহাসপূর্বক বাহির হইতে উচ্চৈঃস্বরে হাসিয়া উঠিল; তখন বিদ্যা তাড়াতাড়ি জাগিয়া উঠিয়া দেখিল, তাহার স্বামী কখন উঠিয়া গিয়াছেন সে জানিতে পারে নাই। লজ্জিত হইয়া শয্যা ছাড়িয়া নামিয়া দেখিল তাহার মাতার লোহার সিন্দুক খোলা এবং তাহার মধ্যে তাহার বাপের যে ক্যাশবাক্সটি থাকিত, সেটিও নাই।

তখন মনে পড়িল, কাল সন্ধ্যাবেলায় মায়ের চাবির গোচ্ছা হারাইয়া গিয়া বাড়িতে খুব একটা গোলযোগ পড়িয়া গিয়াছিল। সেই চাবি চুরি করিয়া কোনো একটি চোর এই কাজ করিয়াছে সে বিষয়ে কোন সন্দেহ নাই। তখন হঠাৎ আশঙ্কা হইল, পাছে সেই চোর তাহার স্বামীকে কোনোরূপ আঘাত করিয়া থাকে! বুকটা ধড়াস্ করিয়া কাঁপিয়া উঠিল। বিছানার নীচে খুঁজিতে গিয়া দেখিল, খাটের পায়ের কাছে তাহার মায়ের চাবির গোচ্ছার নীচে একটি চিঠি চাপা রহিয়াছে।

চিঠি তাহার স্বামীর হস্তাক্ষরে লেখা। খুলিয়া পড়িয়া জানিল তাহার স্বামী তাহার কোনো এক বন্ধুর সাহায্যে বিলাত বাইবার জাহাজভাড়া সংগ্রহ করিয়াছে; এক্ষণে সেখানকার খরচপত্র চালাইবার জন্ত কোনো উপায় ভাবিয়া না পাওয়াতে গতরাত্রে স্বপ্তের অর্থ অপহরণ করিয়া বায়ান্দা সংলগ্ন কাঠের সিঁড়ি দিয়া অন্তরের বাগানে নামিয়া প্রাচীর লঙ্ঘন করিয়া পলায়ন করিয়াছে। অত্নই প্রত্যাষে জাহাজ ছাড়িয়া দিয়াছে।

পত্রখানা পাঠ করিয়া বিদ্যাবাসিনীর শরীরের রক্ত হিম হইয়া গেল। সেইখানেই খাটের খুঁচা ধরিয়া সে বসিয়া পড়িল। তাহার দেহের অভ্যন্তরে কর্ণকূহরের মধ্যে নিস্তরু মৃত্যুজন্মের ঝিল্লিধ্বনির মত একটা শব্দ হইতে লাগিল। তাহারই উপরে প্রোঙ্গন হইতে প্রতিবেশীদের বাড়ি হইতে এবং দূর অট্টালিকা হইতে, বহুতর শানাই বহুতর সুরে তান ধরিল। সমস্ত বঙ্গদেশ তখন আনন্দে উন্নত হইয়া উঠিয়াছে।

শরতের উৎসব-হাস্ত-রঞ্জিত রৌদ্র সকোতুকে শয়নগৃহের মধ্যে প্রবেশ করিল। এত বেলা হইল তথাপি উৎসবের দিনে ঘার রুদ্ধ দেখিয়া ভুবন ও

কমল উচ্ছ্বাসে উপহাস করিতে করিতে গুম্ গুম্ শব্দে দ্বারে কিল মারিতে লাগিল। তাহাতেও কোনো সাড়া না পাইয়া কিঞ্চিৎ ভীত হইয়া উর্দ্ধকণ্ঠে “বিন্দী” “বিন্দী” করিয়া ডাকিতে লাগিল।

বিন্দ্যবাসিনী ভৎসনকণ্ঠে কহিল, “ঘাচি ; তোরা এখন যা ?”

তাহারা সখীর পীড়া আশঙ্কা করিয়া মাকে ডাকিয়া আনিল। মা আসিয়া কহিল,—“বিন্দু, কি হয়েছে মা—এখনো দ্বার বন্ধ কেন !”

বিন্দ্য উচ্ছ্বসিত অশ্রু সঞ্চার করিয়া কহিল, “একবার বাবাকে সঙ্গে করে নিয়ে এস !”

মা অত্যন্ত ভীত হইয়া তৎক্ষণাৎ রাজকুমারবাবুকে সঙ্গে করিয়া দ্বারে আসিলেন। বিন্দ্য দ্বার খুলিয়া তাঁহাদিগকে ঘরে আনিয়া তাড়াতাড়ি বন্ধ করিয়া দিল।

তখন বিন্দ্য ভূমিতে পড়িয়া তাহার বাপের পা ধরিয়া বক্ষ শতধা বিন্দীর্ণ করিয়া কাঁদিয়া উঠিয়া কহিল, “বাবা। আমাকে মাপ কর, আমি তোমার সিন্দুক হইতে টাকা চুরি করিয়াছি।”

তাঁহারা অবাক হইয়া বিছানায় বসিয়া পড়িলেন। বিন্দ্য বলিল, তাহার স্বামীকে বিলাত পাঠাইবার জন্ত সে এই কাজ করিয়াছে।

তাহার বাপ জিজ্ঞাসা করিলেন, “আমাদের কাছে চাহিস নাই কেন ?”

বিন্দ্যবাসিনী কহিল, “পাছে বিলাত যাইতে তোমরা বাধা দেও !”

রাজকুমারবাবু অত্যন্ত রাগ করিলেন। মা কাঁদিতে লাগিলেন, মেয়ে কাঁদিতে লাগিল এবং কলিকাতার চতুর্দিক হইতে বিচিত্র সুরে আনন্দের বাজ বাজিতে লাগিল।

যে বিন্দ্য বাপের কাছেও কখনো অর্থ প্রার্থনা করিতে পারে নাই এবং যে জী স্বামীর লেশমাত্র অসম্মান পরমাত্মার নিকটে হইতেও গোপন করিবার জন্ত প্রাণপণ করিতে পারিত, আজ একেবারে উৎসবের জনতার মধ্যে তাহার পত্নী-অভিমান, তাহার ছহিঁড়সজ্জম, তাহার আত্মমর্যাদা চূর্ণ হইয়া প্রিয় এবং অপ্রিয়, পরিচিত এবং অপরিচিত সকলের পদতলে ধুলির মত লুপ্ত হইতে লাগিল। পূর্ব হইতে পরামর্শ করিয়া, ষড়যন্ত্রপূর্বক চাবি চুরি করিয়া, জীর সাহায্যে রাতারাতি অর্থ অপহরণপূর্বক অনাথবন্ধু বিলাত পলায়ন করিয়াছে,

একথা লইয়া আত্মীয়কুটুম্বপরিপূর্ণ বাড়ীতে একটা টী টী পড়িয়া গেল। দ্বারের নিকট দাঁড়াইয়া ভুবন, কমল এবং আরও অনেক স্বজন প্রতিবেশী দাস দাসী সমস্ত শুনিয়াছিল। রুদ্ধদ্বার জামাতৃগৃহে উৎকণ্ঠিত কৰ্ত্তাগৃহিণীকে প্রবেশ করিতে দেখিয়া সকলেই কৌতূহলে এবং আশঙ্কায় ব্যগ্র হইয়া আসিয়াছিল।

বিক্যবাসিনী কাহাকেও মুখ দেখাইল না। দ্বার রুদ্ধ করিয়া অনাহারে বিছানায় পড়িয়া রহিল। তাহার সেই শোকে কেহ হুঃখ অনুভব করিল না। ষড়যন্ত্রকারিণীর দৃষ্ট বুদ্ধিতে সকলেই বিস্মিত হইল। সকলেই ভাবিল, বিদ্যার চরিত্র এতদিন অবসরাভাবে অপ্ৰকাশিত ছিল। নিরানন্দ গৃহে পূজার উৎসব কোনো প্রকারে সম্পন্ন হইয়া গেল।

তৃতীয় পরিচ্ছেদ

অপমান এবং অবসাদে অবনত হইয়া বিদ্যা স্বপ্নরবাড়ী ফিরিয়া আসিল। সেখানে পুত্রবিচ্ছেদকাতরা বিধবা শান্তুড়ির সহিত পতিবিরহবিধুরা বধূর ঘনিষ্ঠতর যোগ স্থাপিত হইল। উভয়ে পরস্পর নিকটবর্তী হইয়া নীরব শোকের ছায়াতলে স্নগভীর সহিসুতার সহিত সংসারের সমস্ত তুচ্ছতম কার্য্যগুলি পর্য্যস্ত স্বহস্তে সম্পন্ন করিয়া যাইতে লাগিল। শান্তুড়ি যে পরিমাণে কাছে আসিল পিতামাতা সেই পরিমাণে দূরে চলিয়া গেল। বিদ্যা মনে মনে অনুভব করিল, শান্তুড়ি দরিদ্র আমিও দরিদ্র, আমরা এক হুঃখ-বন্ধনে বদ্ধ; পিতামাতা ঐশ্বর্য্যশালী, তাঁহারা আমাদের অবস্থা হইতে অনেক দূরে। এক দরিদ্র বলিয়া বিদ্যা তাঁহাদের অপেক্ষা অনেক দূরবর্তী, তাহাতে আবার চুরি স্বীকার করিয়া সে আরও অনেক নীচে পড়িয়া গিয়াছে। স্নেহসম্পর্কের বন্ধন এত অধিক পার্থক্য-ভার বহন করিতে পারে কিনা কে জানে!

অনাথবন্ধু বিলাত গিয়া প্রথম প্রথম স্ত্রীকে রীতিমত চিঠি পত্র লিখিতেন। কিন্তু ক্রমেই চিঠি বিরল হইয়া আসিল, এবং পত্রের মধ্যে একটা অবহেলার ভাব অলক্ষিতভাবে প্রকাশ হইতে লাগিল। তাঁহার অশিক্ষিতা গৃহকার্য্যরতা স্ত্রীর অপেক্ষা বিজ্ঞাবুদ্ধি-রূপশূণ্য সর্ব বিষয়েই শ্রেষ্ঠতর অনেক ইংরাজকন্যা

অনাথবন্ধুকে সুযোগ্য, সুবুদ্ধি এবং সুরূপ বলিয়া সমাদর করিত ; এমন অবস্থায় অনাথবন্ধু আপনার একবস্ত্রপরিহিতা অবশুষ্ঠনবতী অগৌরবর্ণা স্ত্রীকে কোনো অংশেই আপনার সমযোগ্য জ্ঞান করিবেন না ইহা বিচিত্র নহে।

কিন্তু, তথাপি যখন অর্থের অনটন হইল, তখন এই নিরুপায় বাঙ্গালীর মেয়েকেই টেলিগ্রাফ করিতে তাঁহার সঙ্কোচ বোধ হইল না। এবং এই বাঙ্গালীর মেয়েই দুই হাতে কেবল দুই গাছি কাঁচের চুড়ী রাখিয়া গায়ের সমস্ত গহনা বেচিয়া টাকা পাঠাইতে লাগিল পাড়ারগায়ে নিরাপদে রক্ষা করিবার উপযুক্ত স্থান নাই বলিয়া তাহার সমস্ত বহুমূল্য গহনাগুলি পিতৃগৃহে ছিল। স্বামীর কুটুম্বভবনে নিমন্ত্রণে যাইবার ছল করিয়া নানা উপলক্ষ্যে বিদ্যাবাসিনী একে একে সকল গহনাই আনাইয়া লইল। অবশেষে হাতের বালা, রূপার চুড়ী, বেনারসী সাড়ী এবং শাল পর্য্যন্ত বিক্রয় শেষ করিয়া বিস্তর বিনীত অমুনয়পূর্ব্বক মাথার দিব্য দিয়া, অশ্রুজলে পত্রের প্রত্যেক অক্ষর পংক্তি বিকৃত করিয়া স্বামীকে ফিরিয়া আসিতে অমুরোধ করিল।

স্বামী চুল খাটো করিয়া দাড়ি কামাইয়া কোটপ্যান্ট লুন্ন পরিয়া ব্যারিষ্টার হইয়া ফিরিয়া আসিলেন এবং হোটেলে আশ্রয় লইলেন। পিতৃগৃহে বাস করা অসম্ভব, প্রথমত উপযুক্ত স্থান নাই, দ্বিতীয়ত পল্লীবাসী দরিদ্র গৃহস্থ জাতিনষ্ট হইলে একেবারে নিরুপায় হইয়া পড়ে। ঋণগ্রগণ আচারনিষ্ঠ পরম হিন্দু, তাঁহারও জাতিচ্যুতকে আশ্রয় দিতে পারেন না।

অর্থাভাবে অতি শীঘ্রই হোটেল হইতে বাসায় নামিতে হইল। সে বাসায় তিনি স্ত্রীকে আনিতে প্রস্তুত নহেন। বিলাত হইতে আসিয়া স্ত্রী এবং মাতার সহিত কেবল দিন দুই তিন দিনের বেলায় দেখা করিয়া আসিয়াছেন, তাঁহাদের সহিত আর সাক্ষাৎ হয় নাই।

দুইটি শোকার্তা রমণীর কেবল এক সামান্য ছিল যে, অনাথবন্ধু স্বদেশে আত্মীয়বর্গের নিকটবর্তী স্থানে আছেন। সেই সঙ্গে সঙ্গে অনাথবন্ধুর অসামান্য ব্যারিষ্টারী-কীর্তিতে তাহাদের মনে গর্বের সীমা রহিল না। বিদ্যাবাসিনী আপনাকে যশস্বী স্বামীর অযোগ্য স্ত্রী বলিয়া দিক্কার দিতে লাগিল, পুনশ্চ অযোগ্য বলিয়াই স্বামীর অহঙ্কার অধিক করিয়া অমুভব করিল। সে দুঃখে পীড়িত এবং গর্বের বিস্ফারিত হইল। স্নেহ আচার সে ঘৃণা করে, তবু স্বামীকে দেখিয়া

মনে মনে কহিল, আজ কাল ঢের লোক তো সাহেব হয়, কিন্তু এমন তো কাহাকেও মানায় না—একেবারে ঠিক যেন বিলাতী সাহেব! বান্ধালী বলিয়া চিনিবার যো নাই!

বাসাখরচ যখন অচল হইয়া আসিল, যখন অনাথবন্ধু মনের ক্ষোভে স্থির করিলেন, অভিশপ্ত ভারতবর্ষে গুণের সমাদর নাই এবং তাঁহার স্বব্যবসায়িগণ ঈর্ষাবশত তাঁহার উন্নতিপথে গোপনে বাধা স্থাপন করিতেছে; যখন তাঁহার থানার ডিশে আমিষ অপেক্ষা উদ্ভিজ্জের পরিমাণ বাড়িয়া উঠিতে লাগিল, দধু কুঙ্কুটের সম্মানকর স্থান ভজিত চিংড়ি একচেটে করিবার উপক্রম করিল, বেশভূষার চিক্ণতা এবং ক্ষৌরমন্থন মুখের গর্কোজ্জ্বল জ্যোতি ম্লান হইয়া আসিল—যখন স্নাত্ত্র নিষাদে-বাধা জীবন-তন্ত্রী ক্রমশ স্কন্ধ কড়ি মধ্যমের দিকে নামিয়া আসিতে লাগিল, এমন সময় রাজকুমারবাবুর পরিবারে এক গুরুতর দুর্ঘটনা ঘটয়া অনাথবন্ধুর সঙ্কটসঙ্কুল জীবনযাত্রার পরিবর্তন আনয়ন করিল। একদা গঙ্গাতীরবর্তী মাতুলালয় হইতে নৌকাযোগে ফিরিবার সময় রাজকুমারবাবুর একমাত্র পুত্র হরকুমার ঈমারের সংঘাতে স্ত্রী এবং বালক পুত্রসহ জলমগ্ন হইয়া প্রাণত্যাগ করে এই ঘটনায় রাজকুমারের বংশে কত্যা বিদ্যাবাসিনী ব্যতীত আর কেহ রহিল না।

নিদারুণ শোকের কথঞ্চিৎ উপশম হইলে পর রাজকুমারবাবু অনাথবন্ধুকে গিয়া অনুনয় করিয়া কহিলেন,—“বাবা, তোমাকে প্রায়শ্চিত্ত করিয়া জাতে উঠিতে হইবে। তোমরা ব্যতীত আমার আর কেহ নাই!”

অনাথবন্ধু উৎসাহসহকারে সে প্রস্তাবে সম্মত হইলেন। তিনি মনে করিলেন যে সকল বাবু-লাইব্রেরী-বিহারী স্বদেশীয় ব্যারিষ্টারগণ তাঁহাকে ঈর্ষ্য করে এবং তাঁহার অসামান্য ধীশক্তির প্রতি যথেষ্ট সম্মান প্রকাশ করে না এই উপায়ে তাহাদের প্রতি প্রতিশোধ লওয়া হইবে।

রাজকুমারবাবু পণ্ডিতদিগের বিধান লইলেন। তাঁহার বলিলেন, অনাথবন্ধু যদি গোমাংস না খাইয়া থাকে তবে তাহাকে জাতে তুলিবার উপায় আছে।

বিদেশে যদিচ উক্ত নিষিদ্ধ চতুর্পদ তাঁহার প্রিয় খাণ্ডশ্রেণীর মধ্যে ভুক্ত হইত, তথাপি তাহা অস্বীকার করিতে তিনি কিছুমাত্র দ্বিধা বোধ করিলেন না।

প্রিয় বন্ধুদের নিকট কহিলেন—সমাজ যখন স্বৈচ্ছাপূর্বক মিথ্যা কথা শুনিতে চাহে তখন একটা মুখের কথায় তাহাকে বাধিত করিতে দোষ দেখি না। যে রসনা গুরু থাইয়াছে, সে রসনাকে গোময় এবং মিথ্যা কথা নামক দুটো কদর্যা পদার্থ দ্বারা বিপ্লব করিয়া লওয়া আমাদের আধুনিক সমাজের নিয়ম ; আমি সে নিয়ম লঙ্ঘন করিতে চাহি না।

প্রায়শ্চিত্ত করিয়া সমাজে উঠিবার একটা শুভদিন নির্দিষ্ট হইল। ইতিমধ্যে অনাথবন্ধু কেবল যে ধূতি চাদর পরিলেন তাহা নহে, তর্ক এবং উপদেশের দ্বারা বিলাতী সমাজের গালে কালি এবং হিন্দু সমাজের গালে চূণ লেপন কবিতো লাগিলেন। যে শুনিল সকলেই খুসি হইয়া উঠিল।

আনন্দে, গর্বে বিদ্যাবাসিনীর প্রীতিমুখাসিক্ত কোমল হৃদয়টি সর্বত্র উচ্ছ্বসিত হইতে লাগিল! সে মনে মনে কহিল, বিলাত হইতে যিনিই আসেন, একেবারে আস্ত বিলাতী সাহেব হইয়া আসেন, দেখিয়া বাঙ্গালী বলিয়া চিনিবার খোঁ থাকে না, কিন্তু আমার স্বামী একেবারে অবিকৃতভাবে ফিরিয়াছেন বরঞ্চ তাহার হিন্দুধর্মে ভক্তি পূর্ণাপেক্ষা আরও অনেক বাড়িয়া উঠিয়াছে।

যথানির্দিষ্ট দিনে ব্রাহ্মণপণ্ডিতে রাজকুমারবাবুর ঘুর ভরিয়া গেল। অর্থব্যয়ের কিছুমাত্র ত্রুটি হয় নাই। আহার এবং বিদায়ের আয়োজন যথোচিত হইয়াছিল।

অন্তঃপুরেও সমারোহের সীমা ছিল না। নিমন্ত্রিত পরিজনবর্গের পরিবেশন ও পরিচর্যায় সমস্ত প্রকোষ্ঠ ও প্রাঙ্গণ সংকুচিত হইয়া উঠিয়াছিল। সেই ঘোর কোলাহল এবং কর্মরাশির মধ্যে বিদ্যাবাসিনী প্রফুল্ল মুখে শারদরৌদ্র-রঞ্জিত প্রভাতবায়ুবাহিত লঘু মেঘখণ্ডের মত আনন্দে ভাসিয়া বেড়াইতেছিল। আজিকার দিনের সমস্ত বিশ্বব্যাপারের প্রধান নায়ক তাহার স্বামী। আজ যেন সমস্ত বঙ্গভূমি একটি মাত্র রঙ্গভূমি হইয়াছে এবং ববনিকা উদ্ঘাটন পূর্বক একমাত্র অনাথবন্ধুকে বিন্মিত বিশ্বদর্শকের নিকট প্রদর্শন করাইতেছে। প্রায়শ্চিত্ত যে অপরাধ স্বীকার তাহা নহে, এ যেন অন্তঃপ্রকাশ। অনাথ বিলাত হইতে ফিরিয়া হিন্দুসমাজে প্রবেশ করিয়া হিন্দুসমাজকে গৌরবান্বিত করিয়া তুলিয়াছেন। এবং সেই গৌরবচ্ছটা সমস্ত দেশ হইতে সহস্র রশ্মিতে বিচ্ছুরিত

হইয়া বিদ্বাসিনীর প্রেম-প্রমুদিত মুখের উপরে অপরূপ মহিমাজ্যোতি বিকীরণ করিতেছে। এতদিনকার তুচ্ছ জীবনের সমস্ত দুঃখ এবং ক্ষুদ্র অপমান দূর হইয়া সে আজ তাহার পরিপূর্ণ পিতৃ-গৃহে সমস্ত আত্মীয় স্বজনদের সমক্ষে উন্নত মস্তকে গৌরবের আসনে আরোহণ করিল। স্বামীও মনঃস্থ আজ অযোগ্য স্বীকে বিশ্বসংসারের নিকট সম্মানান্বিত করিয়া তুলিল।

অনুষ্ঠান সমাধা হইয়াছে। অনাথবন্ধু জাতে উঠিয়াছেন। অভ্যাগত আত্মীয় ও ব্রাহ্মণগণ তাঁহার সহিত একাসনে বসিয়া তৃপ্তিপূর্বক আহার শেষ করিয়াছেন।

আত্মীয়েরা জামাতাকে দেখিবার জন্য অন্তঃপুরে ডাকিয়া পাঠাইলেন। জামাতা স্নহচিত্ত তাঙ্গুল চর্ষণ করিতে করিতে প্রসন্ন-হাস্তমুখে আলমসমুদ্রগমনে ভূমিলুপ্তমান চাদরে অন্তঃপুরে বাত্মা করিলেন।

আহারান্তে ব্রাহ্মণগণের দক্ষিণার আয়োজন হইতেছে এবং ইত্যবসরে তাঁহার সভাস্থলে বসিয়া তুমুল কলহ সহকারে পাণ্ডিত্য বিস্তার করিতেছেন। কর্তা রাজকুমারবাবু ক্ষণকাল বিশ্রাম-উপলক্ষ্যে সেই কোলাহলাকুল পণ্ডিত-সভায় বসিয়া স্থিতির তর্ক শুনিতেছেন এমন সময় দ্বারবান গৃহস্বামীর হস্তে এক কার্ড দিয়া খবর দিল, “এক সাহেবদোগ্গা মেম আসা।”

রাজকুমারবাবু চমৎকৃত হইয়া উঠিলেন। পরক্ষণেই কার্ডের প্রতি দৃষ্টিপাত করিয়া দেখিলেন, তাহাতে ইংরাজিতে লেখা রহিয়াছে—মিসেস অনাথবন্ধু সরকার। অর্থাৎ অনাথবন্ধুর সরকারের স্বী।

রাজকুমার বাবু অনেকক্ষণ নিরীক্ষণ করিয়া কিছুতেই এক সামান্ত একটি শব্দের অর্থগ্রহ করিতে পারিলেন না। এমন সময়ে বিলাত হইতে সন্তঃপ্রত্যাগতা, আরক্তকপোলা, আত্মকুস্তলা, আনীলগোচনা, হৃৎকেন্দ্রগুদ্রা, হরিণলঘুগামিনী হংরাজমহিলা স্বয়ং সভাস্থলে আসিয়া দাঁড়াইয়া প্রত্যেকের মুখ নিরীক্ষণ করিতে লাগিলেন। কিন্তু পরিচিত প্রিয়মুখ দেখিতে পাইলেন না। অকস্মাৎ মেমকে দেখিয়া সংহিতার সমস্ত তর্ক থামাইয়া সভাস্থল আশানের ত্রায় গভীর নিস্তব্ধ হইয়া গেল।

এমন সময়ে ভূমিলুপ্তমান চাদর লইয়া অলসমুদ্রগামী অনাথবন্ধু রঙ্গভূমিতে আসিয়া পুনঃপ্রবেশ করিলেন। এবং মুহুর্তের মধ্যেই ইংরাজ মহিলা ছুটিয়া গিয়া

তঁাহাকে আলিঙ্গন করিয়া ধরিয়া কঁাহার তাঁষুলরাগরক্ত ওষ্ঠাধরে দাম্পত্যের
মিলনচুম্বন মুদ্রিত করিয়া দিলেন ।

সেদিন সভাস্থলে সংহিতার তর্ক আর উত্থাপিত হইতে পারিল না ।

(১৩০১—অগ্রহায়ণ)

বিচারক

প্রথম পরিচ্ছেদ

অনেক অবস্থান্তরের পর অবশেষে গতযৌবনা ক্ষীরোদা যে পুরুষের আশ্রয় প্রাপ্ত হইয়াছিল, সেও যখন তাহাকে জীর্ণ বস্ত্রের জ্বায় পরিত্যাগ করিয়া গেল, তখন অল্পমুষ্টির জ্ঞাত দ্বিতীয় আশ্রয় অবেষণের চেষ্টা করিতে তাহার অত্যন্ত ধিকার বোধ হইল।

যৌবনের শেষে শুভ্র শরৎকালের জ্বায় একটি গভীর প্রশান্ত প্রগাঢ় স্নন্দর বয়স আসে যখন জীবনের ফল ফলিবার এবং শস্ত পাকিবার সময়। তখন আর উদ্দাম যৌবনের বসন্তচঞ্চলতা শোভা পায় না। ততদিনে সংসারের মাঝখানে আমাদের ঘর-বাঁধা এক প্রকার সাঙ্গ হইয়া গেছে ; ভালো মন্দ অনেক সুখ দুঃখ জীবনের মধ্যে পরিপাক প্রাপ্ত হইয়া অন্তরের মানুষটিকে পরিণত করিয়া তুলিয়াছে ; আমাদের আয়ত্তের অতীত কুর্হাকিনী হরাশার কল্লনা-লোক হইতে সমস্ত উদ্ভ্রাস্ত বাসনাকে প্রত্যাহরণ করিয়া আপন ক্ষুদ্র ক্ষমতার গৃহপ্রাচীর মধ্যে প্রতিষ্ঠিত করিয়াছি ; তখন নূতন প্রণয়ের মুগ্ধদৃষ্টি আর আকর্ষণ করা যায় না, কিন্তু পুরাতন লোকের কাছে মানুষ আরও প্রিয়তম হইয়া উঠে। তখন যৌবন-লাবণ্য অল্পে অল্পে বির্ণাণ হইয়া আসিতে থাকে, কিন্তু জরাবিহীন অন্তর-প্রকৃতি বহুকালের সহবাসক্রমে মুখে চক্ষে যেন ক্ষুদ্রতর রূপে অঙ্কিত হইয়া যায়, হাসিটি দৃষ্টিপাত কণ্ঠস্বরটি ভিতরকার মানুষটির দ্বারা ওতপ্রোত হইয়া উঠে। যাহা

কিছু পাই নাই তাহার আশা ছাড়িয়া, যাহারা ত্যাগ করিয়া গেছে তাহাদের জন্ত শোক সমাপ্ত করিয়া, যাহারা বঞ্চনা করিয়াছে, তাহাদিগকে ক্ষমা করিয়া, যাহারা কাছে আসিয়াছে, ভালবাসিয়াছে, সংসারের সমস্ত ঝড়ঝঞ্ঝা শোক-তাপ-বিচ্ছেদের মধ্যে যে কয়টি প্রাণী নিকটে অবশিষ্ট রহিয়াছে তাহাদিগকে বুকের কাছে টানিয়া লইয়া সুনিশ্চিত সুপরীক্ষিত চির-পরিচিতগণের প্রীতিপরিসেটনের মধ্যে নিরাপদ নীড় রচনা করিয়া তাহারই মধ্যে সমস্ত চেষ্টার অবসান এবং সমস্ত আকাঙ্ক্ষার পরিতৃপ্তি লাভ করা যায়। যৌবনের সেই স্নিগ্ধ সান্নাছে জীবনের সেই শান্তিপূর্ণেও যাহাকে নূতন সঞ্চয়, নূতন পরিচয়, নূতন বন্ধনের বৃথা আশ্বাসে নূতন চেষ্টায় ধাবিত হইতে হয়, তখনও যাহার বিশ্বাসের জন্ত শয্যা রচিত হয় নাই, যাহার গৃহপ্রত্যাবর্তনের জন্ত সন্ধ্যাদীপ প্রজ্জ্বলিত হয় নাই সংসারে তাহার মত শোচনীয় আর কেহ নাই।

স্কীরোদা তাহার যৌবনের প্রান্তসীমায় যে দিন প্রাতঃকালে জাগিয়া উঠিয়া দেখিল তাহার প্রণয়ী পূর্বরাজে তাহার সমস্ত অলঙ্কার ও অর্থ অপহরণ করিয়া পলায়ন করিয়াছে,—বাড়ীভাড়া দিবে এমন সঞ্চয় নাই, তিন বৎসরের শিশু পুত্রটিকে দুধ আনিয়া খাওয়াইবে এমন সঙ্গতি নাই,—যখন সে ভাবিয়া দেখিল তাহার জীবনের আটত্রিশ বৎসরে সে একটি লোককেও আপনার করিতে পারে নাই, একটি ঘরের প্রান্তে বাঁচিবার ও মরিবার অধিকার প্রাপ্ত হয় নাই; যখন তাহার মনে পড়িল আবার আজ অশ্রুজল মুছিয়া দুই চক্ষে অঞ্জন পরিতে হইবে, অথরে ও কপোলে অলঙ্কারাগ চিত্রিত করিতে হইবে, জীর্ণ যৌবনকে বিচিত্র ছলনায় আচ্ছন্ন করিয়া হস্তমুখে অসীম ধৈর্য সহকারে নূতন জন্ম হরণের জন্ত নূতন মায়াপাশ বিস্তার করিতে হইবে,—তখন সে ঘরের দ্বার রুদ্ধ করিয়া ভূমিতে লুটাইয়া বারম্বার কঠিন মেঝের উপর মাথা খুঁড়িতে লাগিল,—সমস্ত দিন অনাহারে মুমূর্ষুর মত পড়িয়া রহিল! সন্ধ্যা হইয়া আসিল; দীপহীন গৃহকোণে অন্ধকার ঘনীভূত হইতে লাগিল। দৈবক্রমে একজন পুরাতন প্রণয়ী আসিয়া “স্কীরো” “স্কীরো” শব্দে দ্বারে আঘাত করিতে লাগিল। স্কীরোদা অকস্মাৎ দ্বার খুলিয়া ঝাঁটাহন্তে বাঘিনীর মত ছুটিয়া আসিল,—রসপিপাসু যুবকটি অনতিবিলম্বে পলায়নের পথ অবলম্বন করিল।

ছেলেটা ক্ষুধার জালায় কাঁদিয়া কাঁদিয়া খাটের নীচে ঘুমাইয়া পড়িয়াছিল

সেই গোলমালে জাগিয়া উঠিয়া অন্ধকারের মধ্য হইতে ভয়কাতর কণ্ঠে মা মা করিয়া কাঁদিতে লাগিল।

তখন ক্ষীরোদা সেই রক্তমান শিশুকে প্রাণপণে বক্ষে চাপিয়া ধরিয়া বিত্যাঙ্গে ছুটিয়া নিকটবর্তী কূপের মধ্যে ঝাঁপাইয়া পড়িল।

শব্দ শুনিয়া আলোহস্তে প্রতিবেশিগণ কূপের নিকট আসিয়া উপস্থিত হইল। ক্ষীরোদা এবং শিশুকে তুলিতে বিলম্ব হইল না। ক্ষীরোদা তখন অচেতন এবং শিশুটি মরিয়া গেছে।

হাঁসপাতালে গিয়া ক্ষীরোদা আরোগ্য লাভ করিল! হত্যাপরোধে ম্যাজিষ্ট্রেট তাহাকে সেশনে চালান করিয়া দিলেন।

দ্বিতীয় পরিচ্ছেদ

জজ মোহিতমোহন দত্ত ষ্টাটুটরি সিভিলিয়ান। তাহার কঠিন বিচারে ক্ষীরোদার ফাঁসির ছকুম হইল। হতভাগিনীর অবস্থা বিবেচনা করিয়া উকিলগণ তাহাকে বাঁচাইবার জ্ঞাত বিস্তর চেষ্টা করিলেন কিন্তু কিছুতেই কৃতকার্য হইলেন না। জজ তাহাকে তিলমাত্র দয়ার পাত্রী বলিয়া মনে করিতে পারিলেন না।

না পারিবার কারণ আছে। একদিকে তিনি হিন্দুমহিলাগণকে দেবী আখ্যা দিয়া থাকেন অপরাধকে স্ত্রীজাতির প্রতি তাঁহার আন্তরিক অবিশ্বাস! তাঁহার মত এই যে রমণীগণ কুলবন্ধন ছেদন করিবার জ্ঞাত উন্মুখ হইয়া আছে, শাসন তিলমাত্র শিথিল হইলেই সমাজপিঞ্জরে একটি কুলনারাও অবশিষ্ট থাকিবে না।

তাঁহার এরূপ বিশ্বাসের কারণ আছে। সে কারণ জানিতে গেলে মোহিতের যৌবন ইতিহাসের কিয়দংশ আলোচনা করিতে হয়।

মোহিত যখন কালেজে সেকেণ্ড-ইয়ারে পড়িতেন তখন আকারে এবং আচারে এখনকার হইতে সম্পূর্ণ স্বতন্ত্র প্রকারের মানুষ ছিলেন। এখন মোহিতের সম্মুখে টাক, পশ্চাতে টিকি; মুণ্ডিত মুখে প্রতিদিন প্রাতঃকালে খরফুরধারে গুফশ্রঙ্গর অক্ষর উচ্ছেদ হইয়া থাকে; কিন্তু তখন তিনি সোনার চশমায়, গৌফ-দাড়িতে এবং সাহেবীধরণের কেশবিদ্যাসে উনবিংশ শতাব্দীর নূতন সংস্করণ

কাস্তিকটির মত ছিলেন। বেশভূষায় বিশেষ মনোযোগ ছিল, মণ্ড ঝাংসে অরুচি ছিল না এবং আনুষ্ঠানিক আরও দুটো একটা উপসর্গ ছিল।

অদূরে একঘর গৃহস্থ বাস করিত। তাহাদের হেমশশী বলিয়া এক বিধবা কন্যা ছিল। তাহার বরস অধিক হইবে না। চোন্ধ হইতে পনরয় পড়িবে।

সমুদ্র হইতে বনরাজিনীলা তটভূমি যেমন রমণীয় স্বপ্নবৎ চিত্রবৎ মনে হয় এমন তীরের উপরে উঠিয়া হয় না। বৈধব্যের বেষ্টন-অস্তরালে হেমশশী সংসার হইতে যেটুকু দূরে পড়িয়াছিল সেই দূরত্বের বিচ্ছেদবশতঃ সংসারটা তাহার কাছে পরবর্তী পরমরহস্যময় প্রমোদবনের মত ঠেকিত। সে জানিত না এই জগৎ-যন্ত্রটার কল কারখানা অত্যন্ত জটিল এবং লৌহকঠিন, সুখ দুঃখে, সম্পদে বিপদে সংশয়ে সঙ্কটে ও নৈরাশ্রে পরিতাপে বিমিশ্রিত। তাহার মনে হইত সংসারঘাতী কলনাদিনী নিষ্করিরিণীর স্বচ্ছ জলপ্রবাহের মত সহজ, সমুখবর্তী সুন্দর পৃথিবীর সকল পথগুলিই প্রশস্ত ও সরল, সুখ কেবল তাহার বাতায়নের বাহিরে এবং তৃপ্তিহীন আকাঙ্ক্ষা কেবল তাহার বক্ষপঞ্জরবর্তী স্পন্দিত পরিতপ্ত কোমল হৃদয়টুকুর অভ্যন্তরে। বিশেষত তখন তাহার অস্তরাকাশের দূর দিগন্ত হইতে একটা যৌবন সমীরণ উচ্ছ্বসিত হইয়া বিশ্বসংসারকে বিচিত্র বাসন্তী স্রীতে বিভূষিত করিয়া দিয়াছিল; সমস্ত নীলাধর তাহারই হৃদয়-হিল্লোলে পূর্ণ হইয়া গিয়াছিল এবং পৃথিবী যেন তাহারই সুগন্ধ মণ্ডকোষের চতুর্দিকে রক্তপদ্মের কোমল পাপড়িগুলির মত স্তরে স্তরে বিকশিত হইয়া ছিল।

ঘরে তাহার বাপ মা এবং দুটি ছোটো ভাই ছাড়া আর কেহ ছিল না। ভাই দুটি সকাল সকাল থাইয়া ইস্কুলে যাইত, আবার ইস্কুল হইতে আসিয়া আহা়াঙ্কে সন্ধ্যার পর পাড়ার নাইট-ইস্কুলে পাঠ অভ্যাস করিতে গমন করিত। বাপ সামান্য বেতন পাইতেন, ঘরে মাষ্টার রাখিবার সামর্থ্য ছিল না।

কাজের অবসরে হেম তাহার নির্জ্জন ঘরের বাতায়নে আসিয়া বসিত। একদৃষ্টে রাজপথের লোক চলাচল দেখিত; ফেরিওয়াল কৰুণ উচ্চস্বরে হাঁকিয়া যাইত তাহাই শুনিত; এবং মনে করিত পথিকেরা সুখী, ভিক্ষুকেরাও স্বাধীন, এবং ফেরিওয়ালারা যে জীবিকার জন্ত সুকঠিন প্রয়াসে প্রবৃত্ত তাহা নহে, উহারা যেন এই লোকচলাচলের সুধরঙ্গভূমিতে অন্ততম অভিনেতামাত্র

আর সকালে বিকালে সন্ধ্যাবেলার পরিপাটীবেশধারী গর্ভোদ্ধত স্ত্রীতবন্ধ মোহিতমোহনকে দেখিতে পাইত। দেখিয়া তাহাকে সর্বসৌভাগ্যসম্পন্ন পুরুষ-শ্রেষ্ঠ মহেশ্বরের মত মনে হইত। মনে হইত ঐ উন্নতমস্তক সুবেশ সুন্দর যুবকটির সব আছে এবং উহাকে সব দেওয়া যাইতে পারে। বালিকা যেমন পুতুলকে সজীব মানুষ করিয়া খেলা করে, বিধবা তেমনি মোহিতকে মনে মনে সকল প্রকার মহিমায় মণ্ডিত করিয়া তাহাকে দেবতা গড়িয়া খেলা করিত।

এক একদিন সন্ধ্যার সময় দেখিতে পাইত মোহিতের ঘর আলোক-উজ্জ্বল, নর্তকীর নুপুরনিব্বাণ এবং গায়কঠের সঙ্গীতধ্বনিতে মুখরিত। সেদিন সে ভিত্তিস্থিত চঞ্চল ছায়াগুলির দিকে চাহিয়া চাহিয়া বিনীত সতৃষ্ণ নেত্রে দীর্ঘরাত্রি জাগিয়া বসিয়া কাটাইত। তাহার ব্যথিত পীড়িত হৃৎপিণ্ড, পিঞ্জরের পক্ষীর মত, বক্ষপঞ্জরের উপর হৃদাস্ত আবেগে আঘাত করিতে থাকিত।

সে কি তাহার কৃত্রিম দেবতাটিকে বিলাসমত্ততার জন্ত মনে মনে ভৎসনা করিত, নিন্দা করিত? তাহা নহে। অগ্নি যেমন পতঙ্গকে নক্ষত্রলোকের প্রেলোভন দেখাইয়া আকর্ষণ করে, মোহিতের সেই আলোকিত গীতাব্যবস্থাকে প্রমোদমদিরোচ্ছ্বিত কক্ষটি হেমশশিকে সেইরূপ স্বর্গমরীচিকা দেখাইয়া আকর্ষণ করিত। সে গভীর রাত্রে একাকিনী জাগিয়া বসিয়া সেই অদূর বাতায়নের আলোক, ছায়া ও সঙ্গীত এবং আপন মনের আকাঙ্ক্ষা ও কল্পনা লইয়া একটি মায়াবাজ্য গড়িয়া তুলিত, এবং আপন মানসপুতলিকা সেই মায়াপুরীর মাঝখানে বসাইয়া বাস্বত বিমুগ্ধনেত্রে নিরীক্ষণ করিত এবং আপন জীবন যৌবন, সুখ দুঃখ, ইহকাল পরকাল, সমস্তই বাসনার অঙ্গারে ধূপের মত পুড়াইয়া সেই নিজ্জন নিস্তক মন্দিরে তাহার পূজা করিত। সে জানিত না তাহার সমুখবর্তী ঐ হস্ত্যবাতায়নের অভ্যন্তরে ঐ তরঙ্গিত প্রমোদপ্রবাহের মধ্যে এক নিরতিশয় ক্লাস্তি, ঘানি, পঙ্কিলতা বাভংস ক্ষুধা এবং প্রাণক্ষয়কর দাহ আছে। ঐ বীতানন্দ নিশাচর আলোকের মধ্যে যে এক হৃদয়হীন নিষ্ঠুরতার কুটিলহাস্য প্রলয়ক্রোধী করিতে থাকে বিধবা দূর হইতে তাহা দেখিতে পাইত না।

হেম আপন নিজ্জন বাতায়নে বসিয়া তাহার এই মায়াস্বর্ণ এবং কল্পিত দেবতাটিকে লইয়া চিরজীবন স্বপ্নাবেশে কাটাইয়া দিতে পারিত কিন্তু দুর্ভাগ্যক্রমে দেবতা অমুগ্রহ করিলেন এবং স্বর্গ নিকটবর্তী হইতে লাগিল। স্বর্গ যখন

একেবারে পৃথিবীকে আসিয়া স্পর্শ করিল তখন স্বর্গও ভাঙিয়া গেল এবং যে ব্যক্তি এতদিন একলা বসিয়া স্বর্গ গড়িয়াছিল সেও ভাঙিয়া ধূলিসাৎ হইল।

এই বাতায়নবাসিনী মুগ্ধ বালিকাটির প্রতি কখন মোহিতের লালায়িত দৃষ্টি পড়িল, কখন তাহাকে “বিনোদচন্দ্র” নামক মিথ্যা স্বাক্ষরে বারম্বার পত্র লিখিয়া অবশেষে একখানি সশব্দ, উৎকৃষ্ট, অশুদ্ধ বানান ও উচ্ছ্বসিত হৃদয়াবেগপূর্ণ উত্তর পাইল—এবং তাহার পর কিছুদিন বাত প্রতিবাতে উল্লাসে সঙ্কোচে, সন্দেহে সঙ্কমে, আশায় কেমন করিয়া ঝড় বহিতে লাগিল,—তাহার পরে প্রলয়সুখোন্মত্ততায় সমস্ত জগৎ সংসার বিধবার চারিদিকে কেমন করিয়া ঘুরিতে লাগিল, এবং ঘুরিতে ঘুরিতে ঘূর্ণনবেগে সমস্ত জগৎ অমূলক ছায়ার মত কেমন করিয়া অদৃশ্য হইয়া গেল,—এবং অবশেষে কখন একদিন অকস্মাৎ সেই ঘূর্ণ্যমান সংসারচক্র হইতে বেগে বিচ্ছিন্ন হইয়া রমণী অতি দূরে বিক্ষিপ্ত হইয়া পড়িল, সে সকল বিবরণ বিস্তারিত করিয়া বলিবার আবশ্যক দেখি না।

একদিন গভীর রাত্রে পিতা মাতা ভ্রাতা এবং গৃহ ছাড়িয়া হেমশশী “বিনোদচন্দ্র” ছদ্মনামধারী মোহিতের সহিত এক গাড়িতে উঠিয়া বসিল। দেবপ্রতিমা যখন তাহার সমস্ত মাটি এবং খড় এবং ঝাঁতার গহনা লইয়া তাহার পার্শ্বে আসিয়া সংলগ্ন হইল, তখন সে লজ্জায় ধিক্কারে মাটিতে মিশিয়া গেল।

অবশেষে গাড়ি যখন ছাড়িয়া দিল, তখন সে কাঁদিয়া মোহিতের পায়ে ধরিল, বলিল, “ওগো, পায়ে পড়ি আমাকে আমার বাড়ি রেখে এস।” মোহিত শশবাস্ত হইয়া তাহার মুখ চাপিয়া ধরিল—গাড়ি দ্রুতবেগে চলিতে লাগিল।

জলনিমগ্ন মরণাপন্ন ব্যক্তির যেমন মুহূর্তের মধ্যে জীবনের সমস্ত ঘটনাবলী স্পষ্ট মনে পড়ে, তেমনি সেই দ্বাররুদ্ধ গাড়ির গাঢ় অন্ধকারের মধ্যে হেমশশীর মনে পড়িতে লাগিল, প্রতিদিন আহারের সময় তাহার বাপ তাহাকে সন্মুখে না লইয়া থাইতে বসিতেন না ;—মনে পড়িল তাহার সর্বকান্ঠ ভাইটি ইচ্ছুল হইতে আসিয়া তাহার দিদির হাতে থাইতে ভালবাসিত ; মনে পড়িল, সকাগে সে তাহার মায়ের সহিত পান সাজিতে বসিত এবং বিকালে মা তাহার চুল বাঁধিয়া দিতেন। ঘরের প্রত্যেক ক্ষুদ্র কোণ এবং দিনের প্রত্যেক ক্ষুদ্র কাজটি তাহার মনের সন্মুখে জাজ্জল্যমান হইয়া উঠিতে লাগিল। তখন তাহার নিভৃত জীবন এবং ক্ষুদ্র সংসারটিকে স্বর্গ বলিয়া মনে হইল। সেই পানসাজা, চুলবাঁধা,

পিতার আহ্বারস্থলে পাখা-করা ছুটির দিনে মধ্যাহ্ননিদ্রার সময় তাঁহার পাকাচুল তুলিয়া দেওয়া, ভাইদের দৌরাখ্য সহ করা,—এ সমস্তই তাহার কাছে পরম শাস্তিপূর্ণ ছলভ স্ব্থের মত বোধ হইতে লাগিল—বুঝিতে পারিল না এসব থাকিতে সংসারে আর কোন স্ব্থের আবশ্যক আছে !

মনে হইতে লাগিল, পৃথিবীতে ঘরে ঘরে সমস্ত কুলকল্যাণ এখন গভীর স্নবুপ্তিতে নিমগ্ন। সেই আপনার ঘরে আপনার শয্যাটির মধ্যে নিস্তরু রাজের নিশ্চিন্ত নিদ্রা যে কত স্ব্থের তাহা ইতিপূর্বে কেন সে বুঝিতে পারে নাই। ঘরের মেয়েরা কাল সকালবেলায় ঘরের মধ্যে জাগিয়া উঠিবে, নিঃসঙ্কোচে নিত্যকর্মের মধ্যে প্রবৃত্ত হইবে, আর গৃহচ্যুতা হেমশশীর এই নিদ্রাহীন রাত্রি কোনখানে গিয়া প্রভাত হইবে এবং সেই নিরানন্দ প্রভাতে তাহাদের সেই গলির ধারের ছোটখাটো ঘরকল্যাণটির উপর যখন সকালবেলাকার চিরপরিচিত শাস্তিময় হাস্তপূর্ণ রৌদ্রটি আসিয়া পতিত হইবে তখন সেখানে সহসা কি লজ্জা প্রকাশিত হইয়া পড়িবে, কি লাজ্জনা কি হাহাকার জাগ্রত হইয়া উঠিবে !

হেম হৃদয় বিদীর্ণ করিয়া কাদিয়া মরিতে লাগিল ;—সকল অমুনয়সহকারে বলিতে লাগিল, “এখনো রাত আছে ! আমার মা আমার ছুটি ভাই এখনো জাগে নাই, এখনো আমাকে ফিরাইয়া রাখিয়া আইস !” কিন্তু তাহার দেবতা কর্ণপাত করিল না ; এক দ্বিতীয় শ্রেণীর চক্রশব্দমুখরিত চখে চড়াইয়া তাহাকে তাহার বহুদিনের আকাঙ্ক্ষিত স্বর্গলোকাভিমুখে লইয়া চলিল ।

ইহার অনতিকালপরেই দেবতা এবং স্বর্গ পুনশ্চ আর একটি দ্বিতীয় শ্রেণীর জীর্ণরথে চড়িয়া আর এক পথে প্রস্থান করিলেন,—রমণী আকর্ষ পঙ্কের মধ্যে নিমজ্জিত হইয়া রহিল ।

তৃতীয় পরিচ্ছেদ

মোহিতমোহনের পূর্ব ইতিহাস হইতে এই একটিমাত্র ঘটনা উল্লেখ করিলাম। রচনা পাছে “একঘেরে” হইয়া উঠে এইজন্ত অগ্রাংশ লিখিলাম না।

এখন সে সকল পুরাতন কথা উত্থাপন করিবার আবশ্যকও নাই। এখন সেই বিনোদচন্দ্র নাম স্বরণ করিয়া রাখে এমন কোনো লোক জগতে আছে কিনা সন্দেহ। এখন মোহিত শুদ্ধাচারী হইয়াছেন, তিনি আত্মিক তর্পণ করেন এবং সর্বদাই শাস্ত্রালোচনা করিয়া থাকেন। নিজের ছোট ছোট ছেলেদিগকেও যোগাভ্যাস করাইতেছেন এবং বাড়ির মেয়েদিগকে সূর্য্য চন্দ্র মরুদগণের চুস্তবেশ অস্ত্রপুরে প্রবল শাসনে রক্ষা করিতেছেন। কিন্তু এককালে তিনি একাধিক রমণীর প্রতি অপরাধ করিয়াছিলেন বলিয়া আজ রমণীর সর্বপ্রকার সামাজিক অপরাধের কঠিনতম দণ্ডবিধান করিয়া থাকেন।

ক্ষীরোদার ফাঁসির ছকুম দেওয়ার দুই একদিন পরে ভোজনবিলাসী মোহিত জেলখানার বাগান হইতে মনোমত তরীতরকারী সংগ্রহ করিতে গিয়াছেন। ক্ষীরোদা তাহার পতিত জীবনের সমস্ত অপরাধ স্বরণ করিয়া অমৃতপ্ত হইয়াছে কি না জানিবার জন্ত তাঁহার কোঁতুহল হইল। বন্দিনীশালায় প্রবেশ করিলেন।

দূর হইতে খুব একটা কলহের ধ্বনি শুনিতে পাইতেছিলেন। ঘরে ঢুকিয়া দেখিলেন ক্ষীরোদা গ্রহরীর সহিত ভারি ঝগড়া বাধাইয়াছে। মোহিত মনে মনে হাসিলেন, ভাবিলেন, জ্বীলোকের স্বভাবই এমনি বটে! মৃত্যু সন্নিকট তবু ঝগড়া করিতে ছাড়িবে না। ইহারা বোধ করি যমালয়ে গিয়া যমদূতের সহিত কোন্দল করে।

মোহিত ভাবিলেন, যথোচিত ভৎসনা ও উপদেশের দ্বারা এখন ইহার অন্তরে অমৃত্যুতাপের উদ্রেক করা উচিত। সেই সাধু উদ্দেশ্যে তিনি ক্ষীরোদার নিকটবর্তী হইবামাত্র ক্ষীরোদা সক্রোধস্বরে করঘোড়ে কহিল—ওগো জজ্জবাবু, দোহাই তোমার! উহাকে বল আমার আংটিটি ফিরাইয়া দেয়।

প্রশ্ন করিয়া জানিলেন, ক্ষীরোদার মাথার চুলের মধ্যে একটি আংটি লুকানো ছিল—দৈবাৎ প্রহরীর চোখে পড়াতে সে সেটি কড়িয়া লইয়াছে।

মোহিত আবার মনে মনে হাসিলেন। আজ বাদে কাল ফাঁসিকাঠে আরোহণ করিবে তবু আংটির মায়া ছাড়িতে পারে না; গহনাই মেয়েদের সর্বস্ব!

প্রহরীকে কহিলেন—কই, আংটি দেখি। প্রহরী তাঁহার হাতে আংটি দিল।

তিনি হঠাৎ যেন অলস অঙ্গার হাতে লইলেন এমনি চমকিয়া উঠিলেন। আংটির একদিকে হাতির দাঁতের উপর তেলের রঙে আঁকা একটি গুন্ডশব্দ-শোভিত যুবকের অতি ক্ষুদ্র ছবি বসানো আছে এবং অপরদিকে সোণার গায়ে খোদা রহিয়াছে—বিনোদচন্দ্র।

তখন মোহিত আংটি হইতে মুখ তুলিয়া একবার ক্ষীরোদার মুখের দিকে ভালো করিয়া চহিলেন। চব্বিশ বৎসর পূর্বেরকার আর একটি অশ্রুসজল প্রীতিস্নেহকোমল সলজ্জসজ্জিত মুখ মনে পড়িল; সে মুখের সহিত ইহার সাদৃশ্য আছে!

মোহিত আর একবার সোনার আংটির দিকে চাহিলেন এবং তাহার পরে যখন ধীরে ধীরে মুখ তুলিলেন তখন তাঁহার গম্বুগে কলঙ্কিনী পতিতা রমণী একটি ক্ষুদ্র স্বর্ণাকুরীয়কের উজ্জল প্রভায় স্বর্ণময়ী দেবীপ্রতিমার মত উদ্ভাসিত হইয়া উঠিল।

নিশীথে

“ডাক্তার! ডাক্তার!”

জ্বালাতন করিল! এই অর্ধেক রাত্রে——

চোখ মেলিয়া দেখি আমাদের জমিদার দক্ষিণাচরণ বাবু! ধড়ফড় করিয়া উঠিয়া পিঠভাঙ্গা চৌকিটা টানিয়া আনিয়া তাঁহাকে বসিতে দিলাম এবং উদ্বিগ্নভাবে তাঁহার মুখের দিকে চাহিলাম। বড়িতে দেখি, তখন রাত্রি আড়াইটা।

দক্ষিণাচরণ বাবু বিবর্ণমুখে বিস্কারিত নেত্রে কহিলেন, “আজ রাত্রে আবার সেইরূপ উপদ্রব আরম্ভ হইয়াছে,—তোমার ঔষধ কোনো কাজে লাগিল না।”

আমি কিঞ্চিৎ সসঙ্কোচে বলিলাম, “আপনি বোধ করি মদের মাত্রা আবার বাড়াইয়াছেন।”

দক্ষিণাচরণ বাবু অত্যন্ত বিরক্ত হইয়া কহিলেন,—“ওটা তোমার ভারি ভ্রম। মদ নহে; আত্মোপাস্ত্র বিবরণ না শুনিলে তুমি আসল কারণটা অনুমান করিতে পারিবে না।”

কুলুঙ্গির মধ্যে ক্ষুদ্র টিনের ডিবায়ে গ্লানভাবে কেরোসিন জলিতেছিল, আমি তাহা উদ্ধাইয়া দিলাম; একটুখানি আলো জাগিয়া উঠিল এবং অনেকখানি ধোঁয়া বাহির হইতে লাগিল। কৌচাখানা গায়ের উপর টানিয়া একখানা খবরের কাগজ-পাতা প্যাক বাক্সের উপর বসিলাম। দক্ষিণাচরণ বাবু বলিতে লাগিলেন।——

“আমার প্রথমপক্ষের জীবন মত এমন গ্রাহণী অতি দুর্লভ ছিল। কিন্তু আমার তখন বয়স বেশী ছিল না ; সহজেই রসাদিক্য ছিল, তাহার উপর আমার কাব্যশাস্ত্রটা ভালো করিয়া অধ্যয়ন করিয়াছিলাম, তাই অবিশিষ্ট গ্রাহণীপণ্য মন উঠিত না। কালিদাসের সেই শ্লোকটা প্রায় মনে উদয় হইত,—

গ্রাহণী সচিবঃ লখী মিথঃ
প্রিয়শিষ্যা ললিতে কলাবিধৌ।

কিন্তু আমার গ্রাহণীর কাছে ললিত কলাবিধির কোনো উপদেশ খাটিত না এবং সুখীভাবে প্রণয়সম্ভাষণ করিতে গেলে তিনি হাসিয়া উড়াইয়া দিতেন। পক্ষার শ্রোতে যেমন ইন্দ্রের ঐরাবত নাকাল হইয়াছিল, তেমনি তাঁহার হাসির মুখে বড় বড় কাব্যের টুকরা এবং ভালো ভালো আদরের সম্ভাষণ মুহূর্তের মধ্যে অপদস্থ হইয়া ভাসিয়া যাইত। তাঁহার হাসিবার আশ্চর্য্য কমতা ছিল।

তাহার পর, আজ বছর চারেক হইল আমাকে সাংঘাতিক রোগে ধরিল। ওষ্ঠত্রণ হইয়া জ্বরবিকার হইয়া মরিবার দাখিল হইলাম। বাঁচিবার আশা ছিল না। একদিন এমন হইল যে, ডাক্তারে জবাব দিয়া গেল। এমন সময় আমার এক আত্মীয় কোথা হইতে এক ব্রহ্মচারী আনিয়া উপস্থিত করিল ;—সে গব্য স্তূভের সহিত একটা শিকড় বাঁটিয়া আমাকে খাওয়াইয়া দিল। ঔষধের গুণেই হোক বা অদৃষ্টক্রমেই হোক সে-যাত্রা বাঁচিয়া গেলাম।

রোগের সময় আমার জী অহর্নিশি এক মুহূর্তের জন্ত বিশ্রাম করেন নাই। সেই ক’টা দিন একটি অবলা জীলোক, মাহুষের সামান্য শক্তি লইয়া, প্রাণপণ ব্যাকুলতার সহিত, ঘারে সমাগত যমদূতগুলার সঙ্গে অনবরত যুদ্ধ করিয়াছিলেন। তাঁহার সমস্ত প্রেম, সমস্ত হৃদয়, সমস্ত যত্ন দিয়া আমার এই অযোগ্য প্রাণটাকে যেন বন্ধের শিশুর মত ছুই হস্তে ঝাঁপিয়া ঢাকিয়া রাখিয়াছিলেন। আহা ছিল না, নিজা ছিল না, জগতেব আর কোনো কিছুই প্রতিই দৃষ্টি ছিল না।

যম তখন পরাহত ব্যাঘ্রের জায় আমাকে তাঁহার কবল হইতে ফেলিয়া দিয়া চলিয়া গেলেন, কিন্তু যাইবার সময় আমার জীকে একটা প্রবল ধাবা মারিয়া গেলেন।

আমার স্ত্রী তখন গর্ভবতী ছিলেন, অনতিকাল পরে এক মৃত সন্তান প্রসব করিলেন। তাহার পর হইতেই তাঁহার নানাপ্রকার জটিল ব্যামোর হৃদ্রপাত হইল। তখন আমি তাঁহার সেবা আরম্ভ করিয়া দিলাম। তাহাতে তিনি বিব্রত হইয়া উঠিলেন। বলিতে লাগিলেন—“আঃ, কর কি! লোকে বলিবে কি। অমন করিয়া দিন রাত্রি তুমি আমার ঘরে যাতায়াত করিয়ে না!”

যেন নিজে পাখা খাইতেছি এইরূপ ভাণ করিয়া রাত্রে যদি তাঁহাকে তাঁহার জ্বরের সময় পাখা করিতে যাইতাম ত ভারি একটা কাড়াকাড়ি ব্যাপার পড়িয়া যাইত; কোনো দিন যদি তাঁহার গুপ্তা উপলক্ষে আমার আহারের নিয়মিত সময় দশ মিনিট উত্তীর্ণ হইয়া যাইত তবে সে-ও নানাপ্রকার অমুনয় অমুরোধ অমুযোগের কারণ হইয়া দাঁড়াইত। স্বল্পমাত্র সেবা করিতে গেলে হিতে বিপরীত হইয়া উঠিত। তিনি বলিতেন, “পুরুষ মানুষের অন্তটা বাড়াবাড়ি ভালো নয়।”

আমাদের সেই বরানগরের বাড়িটি বোধ করি তুমি দেখিয়াছ। বাড়ির সামনেই বাগান এবং বাগানের সম্মুখেই গঙ্গা বহিতেছে। আমাদের শোবার ঘরের নীচেই দক্ষিণের দিকে খানিকটা জমি মেহেদির বেড়া দিয়া ঘিরিয়া আমার স্ত্রী নিজের মনের মত একটুকরা বাগান বানাইয়াছিলেন। সমস্ত বাগানটির মধ্যে সেই খণ্ডটিই অত্যন্ত সাদাসিদা এবং নিতান্ত দিশী। অর্থাৎ তাহার মধ্যে গন্ধের অপেক্ষা বর্ণের বাহার, ফুলের অপেক্ষা পাতার বৈচিত্র্য ছিল না—এবং টবের মধ্যে অকিঞ্চিৎকর উদ্ভিজ্জের পার্শ্বে কাঠি অবলম্বন করিয়া কাগজে নিষ্প্রত লাটিন নামের জয়ধ্বজা উড়িত না। বেল, সুঁই, গোলাপ, গন্ধরাজ, করবী এবং রজনীগন্ধারই প্রাচুর্য্য কিছু বেশি। প্রকাণ্ড একটা বকুল গাছের তলা সাদা মার্বেল পাথর দিয়া বাঁধানো ছিল। সুস্থ অবস্থায় তিনি নিজে দাঁড়াইয়া দুইবেলা তাহা ধুইয়া সাফ করাইয়া রাখিতেন। গ্রীষ্মকালে কাজের অবকাশে সন্ধ্যার সময় সেই তাঁহার বসিবার স্থান ছিল। সেখান হইতে গঙ্গা দেখা যাইত কিন্তু গঙ্গা হইতে কুঠির পান্দীর বাবুয়া তাঁহাকে দেখিতে পাইত না।

অনেক দিন শয্যাগত থাকিয়া একদিন চৈত্রের শুক্লপক্ষ সন্ধ্যায় তিনি

কহিলেন, “ঘরে বন্ধ থাকিয়া আমার প্রাণ কেমন করিতেছে ; আজ একবার আমার সেই বাগানে গিয়া বসিব।”

আমি তাঁহাকে বহু যত্নে ধরিয়া ধীরে ধীরে সেই বকুলতলের প্রস্তর-বেদিকায় লইয়া গিয়া শয়ন করাইয়া দিলাম। আমারই জামুর উপরে তাঁহার মাথাটি তুলিয়া রাখিতে পারিতাম কিন্তু আনি সেটাকে তিনি অদ্ভুত আচরণ বলিয়া গণ্য করিবেন, তাই একটি বালিশ আনিয়া তাহার মাথার তলায় রাখিলাম।

দুটি একটি করিয়া প্রস্ফুট বকুল ফুল বরিতে লাগিল এবং শাখাস্থরাল হইতে ছায়াঙ্কিত জ্যোৎস্না তাঁহার শীর্ণ মুখের উপর আসিয়া পড়িল। চারিদিক শাস্ত নিস্তব্ধ ; সেই ঘনগন্ধ পূর্ণ ছায়াঙ্ককারে একপার্শ্বে নীরবে বসিয়া তাঁহার মুখের দিকে চাহিয়া আমার চোখে জল আসিল।

আমি ধীরে ধীরে কাছের গোড়ায় আসিয়া ছই হস্তে তাঁহার একটি উত্তপ্ত শীর্ণ হাত তুলিয়া লইলাম। তিনি তাহাতে কোনো আপত্তি করিলেন না। কিছুক্ষণ এইরূপ চুপ করিয়া বসিয়া থাকিয়া আমার হৃদয় কেমন উদ্বেলিত হইয়া উঠিল, আমি বলিয়া উঠিলাম—“তোমাব ভালবাসা আমি কোনো কালে ভুলিব না!”

তথনি বুঝিলাম, কথাটা বলিবার কোনো আবশ্যক ছিল না। আমার জ্বী হাসিয়া উঠিলেন। সে হাসিতে লজ্জা ছিল, সুখ ছিল এবং কিঞ্চিৎ অবিশ্বাস ছিল—এবং উহার মধ্যে অনেকটা পরিমাণে পরিহাসের তীব্রতাও ছিল। প্রতিবাদস্বরূপে একটি কথামাত্র না বলিয়া কেবল তাঁহার সেই হাসির দ্বারা জানাইলেন, কোনকালে ভুলিবে না, ইহা কখনো সম্ভব নহে, এবং আমি প্রত্যাশাও করি না।

এই স্মৃষ্টি স্মৃতিস্ম হাসির ভয়েই আমি কখনো আমার জ্বীর সঙ্গে রীতিমত প্রেমালাপ করিতে সাহস করি নাই। অসাক্ষাতে যে-সকল কথা মনে উদয় হইত, তাঁহার সম্মুখে গেলেই সে-গুলিকে নিতান্ত বাজে কথা বলিয়া বোধ হইত। ছাপার অক্ষরে যে-সব কথা পড়িলে ছই চক্ষু বাহিয়া দর দর ধারায় জল পড়িতে থাকে সেইগুলি মুখে বলিতে গেলে কেন যে হাতের উদ্বেক করে অপরিণত বুঝিতে পারিলাম না।

বাদ প্রতিবাদ কথায় চলে, কিন্তু হাসির উপরে তর্ক চলে না, কাজেই চুপ

করিয়া ঘাইতে হইল। জ্যোৎস্না উজ্জলতর হইয়া উঠিল, একটা কোকিল ক্রমাগতই কুহু কুহু ডাকিয়া অস্থির হইয়া গেল। আমি বসিয়া বসিয়া ভাবিতে লাগিলাম, এমন জ্যোৎস্না রাত্রিতে কি পিকবধু বধির হইয়া আছে ?

বহু চিকিৎসার আমার জ্বর রোগ-উপশমের কোনো লক্ষণ দেখা গেল না। ডাক্তার বলিল, “একবার বায়ু পরিবর্তন করিয়া দেখিলে ভালো হয়।” আমি জ্বীকে লইয়া এলাহাবাদে গেলাম।

এইখানে দক্ষিণাবাবু হঠাৎ থমকিয়া চুপ করিলেন। সন্ধিগ্ধভাবে আমার মুখের দিকে চাহিলেন, তাহার পর দুই হাতের মধ্যে মাথা রাখিয়া ভাবিতে লাগিলেন। আমিও চুপ করিয়া রহিলাম। কুলুঙ্গিতে কেরোসিন্ মিটমিট করিয়া জ্বলিতে লাগিল এবং নিস্তরু ঘরে মশার ভনভন শব্দ স্পষ্ট হইয়া উঠিল। হঠাৎ মৌন ভঙ্গ করিয়া দক্ষিণাবাবু বলিতে আরম্ভ করিলেন—

“সেখানে হারাণ ডাক্তার আমার জ্বীকে চিকিৎসা করিতে লাগিলেন।

অবশেষে অনেক কাল একভাবে কাটাইয়া ডাক্তারও বলিলেন, আমিও বুঝিলাম এবং আমার জ্বীও বুঝিলেন যে তাঁহার ব্যামো সারিবার নহে। তাঁহাকে চিররুগ্ন হইয়াই কাটাইতে হইবে।

তখন একদিন আমার জ্বী আমাকে বলিলেন,—‘যখন ব্যামোও সারিবে না এবং শ্রীজ্ঞ আমার মরিবার আশাও নাই, তখন আর কতদিন এই জীবন্মৃতকে লইয়া কাটাইবে ? তুমি আর একটা বিবাহ কর।’

এটা যেন কেবল একটা স্মৃতি এবং সন্ধিবেচনার কথা—ইহার মধ্যে যে, তারি একটা মহত্ব বীরত্ব বা অসামান্য কিছু আছে, এমন ভাব তাঁহার লেশমাত্র ছিল না।

এইবার আমার হাসিবার পালা ছিল। কিন্তু আমার কি ভেমন করিয়া হাসিবার ক্ষমতা আছে ? আমি উপস্থাসের প্রধান নায়কের গ্রাম গভীর সমুদ্রভাষে জ্বলিতে লাগিলাম—‘যতদিন এই দেহে জীবন আছে—’

তিনি বাধা দিয়া কহিলেন—‘নাও ! নাও ! আর বলিতে হইবে না ! তোমার কথা শুনিয়া আমি আর বাঁচি না !’

আমি পরাজয় স্বীকার না করিয়া বলিলাম—‘এ জীবনে আর কাহাকেও ভালবাসিতে পারিব না !’

তিনি আমার স্ত্রী ভারি হাসিয়া উঠিলেন। তখন আমাকে কান্দু হইতে হইল।

জানি না, তখন নিজের কাছেও কখনো স্পষ্ট স্বীকার করিয়াছি কি না, কিন্তু এখন বুঝিতে পারিতেছি এই আরোগ্য-আশাহীন সেবাকার্য্যে আমি মনে মনে পরিশ্রান্ত হইয়া গিয়াছিলাম। এ কার্য্যে যে ভঙ্গ দিব, এমন কল্পনাও আমার মনে ছিল না; অথচ চিরজীবন এই চিররুদ্ধকে লইয়া যাপন করিতে হইবে এ কল্পনাও আমার নিকট পীড়াজনক হইয়াছিল। হায়! প্রথম যৌবনকালে যখন সম্মুখে তাকাইয়াছিলাম তখন প্রেমের কুহকে, সুখের আশ্বাসে, সৌন্দর্য্যের মরীচিকায় সমস্ত ভবিষ্যৎ জীবন প্রফুল্ল দেখাইতেছিল। আজ হইতে শেষ পর্য্যন্ত কেবলই আশাহীন সুদীর্ঘ সতৃষ্ণ মরুভূমি।

আমার সেবার মধ্যে সেই আন্তরিক শ্রান্তি নিশ্চয় তিনি দেখিতে পাইয়া-ছিলেন। তখন জানিতাম না কিন্তু এখন সন্দেহমাত্র নাই যে, তিনি আমাকে যুক্তাক্ষরহীন প্রথমভাগ শিশুশিক্ষার মত অতি সহজে বুঝিতেন। সেই জন্ত যখন উপত্যাসের নায়ক সাজিয়া গভীরভাবে তাঁহার নিকট কবিত্ব ফলাইতে যাইতাম তিনি এমন সুগভীর স্নেহ অথচ অনিবার্য্য কোতূকের সহিত হাসিয়া উঠিতেন। আমার নিজের অগোচর অন্তরের কথাও অন্তর্য্যামীর দ্বায় তিনি সমস্তই জানিতেন, এ-কথা মনে করিলে আজও লজ্জায় মরিয়া যাইতে ইচ্ছা করে।

হারাণ ডাক্তার আমাদের স্বজাতীয়। তাঁহার বাড়িতে আমার প্রায়ই নিমন্ত্রণ থাকিত। কিছুদিন যাতায়াতের পর ডাক্তার তাঁহার মেয়েটির সঙ্গে আমার পরিচয় করাইয়া দিলেন। মেয়েটি অবিবাহিত—তাঁহার বয়স পনেরো হইবে। ডাক্তার বলেন, তিনি মনের মত পাত্র পান নাই বলিয়া বিবাহ দেন নাই। কিন্তু বাহিরের লোকের কাছে শুভব অন্তিম মেয়েটির কুলের দোষ ছিল।

কিন্তু আর কোনো দোষ ছিল না। যেমন সুরূপ তেমনি সুশিক্ষা। সেই জন্ত মাঝে মাঝে এক এক দিন তাঁহার সহিত নানা কথার আলোচনা করিতে করিতে আমার বাড়ি কিরিতে রাত হইত, আমার স্ত্রীকে ঔষধ খাওয়াইবার সময় উত্তীর্ণ হইয়া যাইত। তিনি জানিতেন, আমি হারাণ ডাক্তারের বাড়ি গিয়াছি কিন্তু বিলম্বের কারণ একদিনও আমাকে জিজ্ঞাসাও করেন নাই।

মরুভূমির মধ্যে আর একবার মরীচিকা দেখিতে লাগিলাম। তৃষ্ণা যখন বুক পর্যন্ত, তখন সামনে কূলপরিপূর্ণ স্বচ্ছ জল ছলছল ঢলঢল করিতে লাগিল। তখন মনকে প্রাণপণে টানিয়া আর ফিরাইতে পারিলাম না।

রোগীর ঘর আমার কাছে দ্বিগুণ নিরানন্দ হইয়া উঠিল। এখন প্রায়ই শুশ্রূষা করিবার এবং ওষুধ খাওয়াইবার নিয়ম ভঙ্গ হইতে লাগিল।

হারান ডাক্তার আমাকে প্রায় মাঝে মাঝে বলিতেন, যাহাদের রোগ আরোগ্য হইবার কোনো সম্ভাবনা নাই, তাহাদের পক্ষে মৃত্যুই ভালো। কারণ, বাঁচিয়া তাহাদের নিজেরও সুখ নাই, অতেরও অসুখ। কথাটা সাধারণভাবে বলিতে দোষ নাই, তথাপি আমার জীবিকে লক্ষ্য করিয়া এমন প্রসঙ্গ উত্থাপন করা উচিত হয় নাই। কিন্তু মানুষের জীবনমৃত্যুসম্বন্ধে ডাক্তারদের মন এমন অসাড় যে, তাহারা ঠিক আমাদের মনের অবস্থা বুঝিতে পারে না।

হঠাৎ একদিন পাশের ঘর হইতে গুনিতে পাইলাম, আমার জ্বী হারানবাবুকে বলিতেছেন,—‘ডাক্তার, কতকগুলো মিথ্যা ওষুধ গিলাইয়া ডাক্তারখানার দেনা বাড়াইতেছ কেন? আমার প্রাণটাই যখন একটা ব্যামো, তখন এমন একটা ওষুধ দাও যাহাতে শীঘ্র এই প্রাণটা যায়।’

ডাক্তার বলিলেন, ‘ছি, এমন কথা বলিবেন না।’

কথাটা শুনিয়া হঠাৎ আমার বক্ষে বড় আঘাত লাগিল। ডাক্তার চলিয়া গেলে আমার জ্বীর ঘরে গিয়া তাঁহার শয্যাপ্রান্তে বসিলাম, তাঁহার কপালে ধীরে ধীরে হাত বুলাইয়া দিতে লাগিলাম। তিনি কহিলেন, ‘এ ঘর বড় গরম তুমি বাহিরে যাও। তোমার বেড়াইতে যাইবার সময় হইয়াছে। খানিকটা না বেড়াইয়া আসিলে রাতে ক্ষুধা হইবে না।’

বেড়াইতে যাওয়ার অর্থ ডাক্তারের বাড়ি যাওয়া। আমিই তাঁহাকে বুঝাইয়াছিলাম, ক্ষুধাসঞ্চারেব পক্ষে খানিকটা বেড়াইয়া আসা বিশেষ আবশ্যক। এখন নিশ্চয় বলিতে পারি, তিনি প্রতিদিনই আমার এই ছলনাটুকু বুঝিতেন। ‘আমি নিষেধ, মনে করিতাম তিনি নিষেধ।’

এই বলিয়া দক্ষিণাচরণ বাবু অনেকক্ষণ করতলে মাথা রাখিয়া চুপ করিয়া বসিয়া রহিলেন। অবশেষে কহিলেন, ‘আমাকে একগ্লাস জল আনিয়া দাও।’ জল খাইয়া বলিতে লাগিলেন ;—

“একদিন ডাক্তারবাবুর কথা মনোরমা আমার স্ত্রীকে দেখিতে আসিবার ইচ্ছা প্রকাশ করিলেন। জানি না, কি কারণে তাঁহার সে প্রস্তাব আমার ভালো লাগিল না। কিন্তু প্রতিবাদ করিবার কোনো হেতু ছিল না। তিনি একদিন সন্ধ্যাবেলায় আমাদের বাসায় আসিয়া উপস্থিত হইলেন।”

সেদিন আমার স্ত্রীর বেদনা অল্প দিনের অপেক্ষা কিছু বাড়িয়া উঠিয়াছিল। যেদিন তাঁহার ব্যাথা বাড়ে সেদিন তিনি অত্যন্ত স্থির নিস্তব্ধ হইয়া থাকেন; কেবল মাঝে মাঝে মুষ্টিবদ্ধ হইতে থাকে এবং মুখ নীল হইয়া আসে, তাহাতেই তাঁহার যন্ত্রণা বুঝা যায়। ঘরে কোনো সাড়া ছিল না, আমি শয্যাপ্রান্তে চুপ করিয়া বসিয়াছিলাম; সেদিন আমাকে বেড়াইতে যাইতে অমরোধ করেন, এমন সামর্থ্য তাঁহার ছিল না, কিম্বা হয় ত বড় কষ্টের সময় আমি কাছে থাকি এমন ইচ্ছা তাঁহার মনে মনে ছিল। চোখে লাগিবে বলিয়া কেরোসিনের আলোটা দ্বারে পার্শ্বে ছিল। ঘর অন্ধকার এবং নিস্তব্ধ। কেবল এক একবার যন্ত্রণার কিঞ্চিৎ উপশমে আমার স্ত্রীর গভীর দীর্ঘনিশ্বাস শুনা যাইতেছিল।

এমন সময়ে মনোরমা ঘরের প্রবেশদ্বারে দাঁড়াইলেন। বিপরীত দিক্ হইতে কেরোসিনের আলো-আসিয়া তাঁহার মুখের উপর পড়িল। আলো-আঁধারে লাগিয়া তিনি কিছুক্ষণ ঘরে কিছুই দেখিতে না পাইয়া দ্বারে নিকট দাঁড়াইয়া ইতস্তত করিতে লাগিলেন।

আমার স্ত্রী চমকিয়া আমার হাত ধরিয়া জিজ্ঞাসা করিলেন,—“ও কে?”—তাঁহার সেই দুর্বল অবস্থায় হঠাৎ অচেনা লোক দেখিয়া ভয় পাইয়া আমাকে ছই তিনবার অশ্রুটস্বরে প্রশ্ন করিলেন, “ও কে? ও কে গো?”

আমার কেমন দুর্বুদ্ধি হইল আমি প্রথমেই বলিয়া ফেলিলাম, “আমি চিনি না!” বলিবামাত্রই কে যেন আমাকে কশাঘাত করিল। পরের মুহূর্ত্তেই বলিলাম—“ও, আমাদের ডাক্তারবাবুর কথা!”

স্ত্রী একবার আমার মুখের দিকে চাহিলেন;—আমি তাঁহার মুখের দিকে চাহিতে পারিলাম না। পরক্ষণেই তিনি ক্ষীণস্বরে অত্যন্ত কষ্টে বলিলেন, “আপনি আসুন।”—আমাকে বলিলেন, “আলোটা ধর।”

মনোরমা ঘরে আসিয়া বসিলেন। তাঁহার সহিত রোগিণীর অল্পস্বর আলাপ চলিতে লাগিল। এমন সময় ডাক্তারবাবু আসিয়া উপস্থিত হইলেন।

তিনি তাঁহার ডাক্তারখানা হইতে দুই শিশি ঔষধ সঙ্গে আনিয়াছিলেন। সেই দুটি শিশি বাহির করিয়া আমার স্ত্রীকে বলিলেন—“এই নীল শিশিটা মালিশ করিবার, আর এইটি খাইবার। দেখিবেন, দুইটাতে মিলাইবেন না, এ ঔষধটা ভারি বিষ।”

আমাকেও একবার সতর্ক করিয়া দিয়া ঔষধ দুটি শয্যাপার্শ্ববর্তী টেবিলে রাখিয়া দিলেন। বিদায় লইবার সময় ডাক্তার তাঁহার কণ্ঠ্যকে ডাকিলেন।

মনোরমা কহিলেন,—“বাবা, আমি থাকি না কেন। সঙ্গে স্ত্রীলোক কেহ নাই, ইহাকে দেবা করিবে কে?”

আমার স্ত্রী ব্যস্ত হইয়া উঠিলেন, বলিলেন, “না, না, আপনি কষ্ট করিবেন না! প্রাণে ঋণ আছে সে আমাকে মায়ের মত যত্ন করে।”

ডাক্তার হাসিয়া বলিলেন,—“উনি মা-লক্ষ্মী, চিরকাল পরের সেবা করিয়া আসিয়াছেন, অস্ত্রের সেবা সহিতে পারেন না।”

কণ্ঠ্যকে লইয়া ডাক্তার গমনের উত্তোগ করিতেছে এমন সময় আমার স্ত্রী বলিলেন,—“ডাক্তারবাবু, ইনি বন্ধুঘরে অনেকক্ষণ বসিয়া আছেন, ইহাকে একবার বাহিরে বেড়াইয়া লইয়া আসিতে পারেন?”

ডাক্তারবাবু আমাকে কহিলেন,—“আসুন না, আপনাকে নদীর ধার হইয়া একবার বেড়াইয়া আনি।—”

আমি ঈষৎ আপত্তি দেখাইয়া অনতিবিলম্বে সম্মত হইলাম। ডাক্তারবাবু যাইবার সময় দুই শিশি ঔষধসম্বন্ধে আবার আমার স্ত্রীকে সতর্ক করিয়া দিলেন।

সেদিন ডাক্তারের বাড়িতেই আহার করিলাম। ফিরিয়া আসিতে রাত হইল। আসিয়া দেখি আমার স্ত্রী ছটফট করিতেছেন। অমুতাপে বিদ্ধ হইয়া জিজ্ঞাসা করিলাম, “তোমার কি ব্যথা বাড়িয়াছে?”

তিনি উত্তর করিতে পারিলেন না, নীরবে আমার মুখের দিকে চাহিলেন। তখন তাঁহার কণ্ঠ্য রোধ হইয়াছে।

আমি তৎক্ষণাৎ সেই রাতেই ডাক্তারকে ডাকাইয়া আনিলাম।

ডাক্তার প্রথমটা আসিয়া অনেকক্ষণ কিছুই বুঝিতে পারিলেন না। অবশেষে জিজ্ঞাসা করিলেন,—“সেই ব্যথাটা কি বাড়িয়া উঠিয়াছে? ঔষধটা একবার মালিশ করিলে হয় না?”

বলিয়া শিশিটা টেবিল হইতে লইয়া দেখিলেন, সেটা খালি।

আমার জীকে জিজ্ঞাসা করিলেন, “আপনি কি ভুল করিয়া এই ওষুধটা খাইয়াছেন?”—আমার জী বাড় নাড়িয়া নীরবে জানাইলেন—“হাঁ।”

ডাক্তার তৎক্ষণাৎ গাড়ি করিয়া তাঁহার বাড়ি হইতে পাশ্প আনিতে ছুটিলেন। আমি অর্ধমুর্চ্ছিতের স্থায় আমার জীর বিছানার উপর গিয়া পড়িলাম।

তখন, মাতা তাহার পীড়িত শিশুকে যেমন করিয়া সাহসনা করে তেমনি করিয়া তিনি আমার মাথা তাঁহার বক্ষের কাছে টানিয়া লইয়া দুই হস্তের স্পর্শে আমাকে তাঁহার মনের কথা বুঝাইতে চেষ্টা করিলেন। কেবল তাঁহার সেই করুণ স্পর্শের দ্বারাই আমাকে বারম্বার করিয়া বলিতে লাগিলেন—“শোক করিও না, ভালই হইয়াছে—তুমি সুখী হইবে, এবং সেই মনে করিয়া আমি সুখে মরিলাম।”

ডাক্তার যখন ফিরিলেন, তখন জীবনের সঙ্গে সঙ্গে আমার জীর সকল যন্ত্রণার অবসান হইয়াছে।

দক্ষিণাচরণ আর একবার জল খাইয়া বলিলেন, “উঃ বড় গরম!—” বলিয়া দ্রুত বাহির হইয়া বার কয়েক বারানদায় পায়চারি করিয়া আসিয়া বসিলেন। বেশ বোঝা গেল, তিনি বলিতে চাহেন না কিন্তু আমি যেন যাছ করিয়া তাঁহার নিকট হইতে কথা কাড়িয়া লইতেছি। আবার আরম্ভ করিলেন—

“মনোরমাকে বিবাহ করিয়া দেশে ফিরিলাম।

মনোরম তাহার পিতার সম্মতিক্রমে আমাকে বিবাহ করিল। কিন্তু আমি যখন তাহাকে আদরের কথা বলিতাম, প্রেমালাপ করিয়া তাহার হৃদয় অধিকার করিবার চেষ্টা করিতাম, সে হাসিত না, গম্ভীর হইয়া থাকিত। তাহার মনের কোথাও কোনখানে কি খটকা লাগিয়া গিয়াছিল আমি কেমন করিয়া বুঝিব?

এই সময় আমার মদ খাইবার নেশা অত্যন্ত বাড়িয়া উঠিল।

একদিন প্রথম শরতের সুক্কার মনোরমাকে লইয়া আমায় বরানগরের বাগানে বেড়াইতেছি। হৃৎকমে অন্ধকার হইয়া আসিয়াছে। পাখীদের বাসায় ডানা কাড়িবার শব্দটুকুও নাই। কেবল বেড়াইবার পথের দুই ধারে ঘন ছায়াময় বাউগাছ বাতাসে সশব্দে কাপিতেছিল।

শ্রাস্তি বোধ করিতেই মনোরমা সেই বকুলতলার শুভ পাথরের বেদীর উপর আসিয়া নিজের দুই বাহুর উপর মাথা রাখিয়া শয়ন করিল। আমিও কাছে আসিয়া বসিলাম।

সেখানে অন্ধকার আরও ঘনীভূত,—যতটুকু আকাশ দেখা যাইতেছে একেবারে তারায় আচ্ছন্ন; তরুতলের ঝিল্লিধ্বনি যেন অনন্তগগনবক্ষ্যুত নিঃশব্দতার নিম্নপ্রান্তে একটি শব্দের সরু পাড় বুনিয়া দিতেছে।

সেদিনও বৈকালে আমি কিছু মদ খাইয়াছিলাম, মনটা বেশ একটু তরলাবস্থায় ছিল। অন্ধকার যখন চোখে সহিয়া আসিল তখন বনচ্ছায়াতলে পাণ্ডুবর্ণে অঙ্কিত সেই শিথিল-অঞ্চল শ্রান্তকায় রমণীর আবছায়া মূর্তিটি আমার মনে এক অনিবার্য আবেগের সঞ্চার করিল। মনে হইল, ও যেন একটি ছায়া, ওকে যেন কিছুতেই দুই বাহু দিয়া ধরিতে পারিব না।

এমন সময় অন্ধকার ঝাউগাছের শিখরদেশে যেন আঁগুন ধরিয়া উঠিল; তাহার পরে ক্লষ্ণপক্ষের জীর্ণপ্রান্ত হলুদবর্ণ চাঁদ ধীরে ধীরে গাছের মাথার উপরকার আকাশে আরোহণ করিল;—শাদা পাথরের উপর শাদা সাড়িপরা সেই শান্তশয়ান রমণীর মুখের উপর জ্যোৎস্না আসিয়া পড়িল। আমি আর থাকিতে পারিলাম না। কাছে আসিয়া দুই হাতে তাহার হাতটি তুলিয়া ধরিয়া কহিলাম, “মনোরমা, তুমি আমাকে বিশ্বাস কর না, কিন্তু তোমাকে আমি ভালবাসি তোমাকে আমি কোনোকালে ভুলিতে পারিব না।”

কথাটা বলিলামাত্র চমকিয়া উঠিলাম; মনে পড়িল ঠিক এই কথাটা আর এক দিন আর কাহাকেও বলিয়াছি! এবং সেই মুহূর্ত্তেই বকুল গাছের শাখার উপর দিয়া ঝাউগাছের মাথার উপর দিয়া, ক্লষ্ণপক্ষের পীতবর্ণ ভাঙা চাঁদের নীচে দিয়া গঙ্গার পূর্ব পার হইতে গঙ্গার সুদূর পশ্চিম পার পর্য্যন্ত হাহা—হাহা, হাহা—করিয়া অতি দ্রুতবেগে একটা হাসি বহিয়া গেল! সেটা মর্মভেদী হাসি, কি অস্ত্রভেদী হাহাকার বলিতে পারি না। আমি তদগোঁই পাথরের বেদীর উপর হইতে মুচ্ছিত হইয়া নীচে পড়িয়া গেলাম।

মূর্ছাভঙ্গে দেখিলাম, আমার ঘরে বিছানায় শুইয়া আছি। স্ত্রী জিজ্ঞাসা করিলেন, “তোমার হঠাৎ এমন হইল কেন?”—আমি কাঁপিয়া উঠিয়া বলিলাম,—“গুনিতে পাও নাই, সমস্ত আকাশ ডরিয়া হাহা করিয়া একটা হাসি বহিয়া গেল?”

স্রী হাসিয়া কহিলেন—“সে বুঝি হাসি ? সার বাঁধিয়া দীর্ঘ এক ঝাঁক পাখী উড়িয়া গেল তাহাদেরই পাখার শব্দ শুনিয়াছিলাম। তুমি অল্পেই ভয় পাও ?—”

দিনের বেলায় স্পষ্ট বৃত্তিতে পারিলাম, পাখীর ঝাঁক উড়িবার শব্দই বটে, এই সময়ে উত্তর দেশ হইতে হংসশ্রেণী নদীর চরে চরিবার জন্ত আসিতেছে। কিন্তু সন্ধ্যা হইলে সে বিশ্বাস রাখিতে পারিতাম না। তখন মনে হইত চারিদিকে সমস্ত অন্ধকার ভরিয়া ঘন হাসি জমা হইয়া রহিয়াছে, সামান্য একটা উপলক্ষে হঠাৎ আকাশ ভরিয়া অন্ধকার বিদীর্ণ করিয়া ধ্বনিত হইয়া উঠিবে। অবশেষে এমন হইল, সন্ধ্যার পর মনোরমার সহিত একটা কথা বলিতে আমার সাহস হইত না।

তখন আমাদের বরানগরের বাড়ি ছাড়িয়া মনোরমাকে লইয়া বোট করিয়া বাহির হইলাম। অগ্রহায়ণ মাসে নদীর বাতাসে সমস্ত ভয় চলিয়া গেল। কয়দিন বড় সুখে ছিলাম। চারিদিকের সৌন্দর্য্যে আকৃষ্ট হইয়া মনোরমাও যেন তাহার হৃদয়ের রুদ্ধতার অনেক দিন পরে ধীরে ধীরে আমার নিকট খুলিতে লাগিল।

গঙ্গা ছাড়াইয়া থড়ে' ছাড়াইয়া অবশেষে পদ্মায় আসিয়া পৌছিলাম। ভয়ঙ্করী পদ্মা তখন হেমস্তের বিবরলীন ভূজঙ্গিনীর মত ক্লশ নিষ্কীবভাবে সুদীর্ঘ শীতনিদ্রায় নিবিষ্ট ছিল। উত্তর পারে জনশৃঙ্খল তৃণশৃঙ্খল দিমন্তপ্রসারিত বালির চর ধু ধু করিতেছে—এবং দক্ষিণের উচ্চ পাড়ের উপর গ্রামের আমবাগানগুলি এই রাক্ষসী নদীর নিতান্ত মুখের কাছে জোড়হস্তে দাঁড়াইয়া কাঁপিতেছে ;—পদ্মা ঘূমের ঘোরে এক একবার পাশ ফিরিতেছে এবং বিদীর্ণ তটভূমি স্থাপ্নাপ করিয়া ভাঙিয়া ভাঙিয়া পড়িতেছে।

এইখানে বেড়াইবার সুবিধা দেখিয়া বোট বাঁধিলাম।

একদিন আমরা দুই জনে বেড়াইতে বেড়াইতে বহুদূরে চলিয়া গেলাম। সূর্যাস্তের স্বর্ণচ্ছায়া মিলাইয়া যাইতেই গুরুপক্ষের নির্মল চন্দ্রালোক দেখিতে দেখিতে ফুটিয়া উঠিল। সেই অস্বহীন শুভ্র বালির চরের উপর যখন অজস্র অব্যবহিত উদ্ভাসিত জ্যোৎস্না একেবারে আকাশের সীমান্ত পর্য্যন্ত প্রসারিত হইয়া গেল—তখন মনে হইল যেন জনশৃঙ্খল চন্দ্রালোকের অসীম স্বপ্নরাজ্যে কেবল

আমরা দুই জনে ভ্রমণ করিতেছি। একটা লাল শাল মনোরমার মাথার উপর হইতে নামিয়া তাহার মুখখানি বেঁধেন করিয়া তাহার শরীরটি আচ্ছন্ন করিয়া রহিয়াছে। নিস্তব্ধতা যখন নিবিড় হইয়া আসিল, কেবল একটি সীমাহীন দিশাহীন শুভ্রতা এবং শূন্যতা ছাড়া যখন আর কিছুই রহিল না, তখন মনোরমা ধীরে ধীরে হাতটি বাহির করিয়া আমার হাত চাপিয়া ধরিল; অত্যন্ত কাছে আসিয়া সে যেন তাহার সমস্ত শরীর মন, জীবন যৌবন আমার উপর বিস্তৃত করিয়া নিতান্ত নির্ভর করিয়া দাঁড়াইল। পুলকিত উদ্বেলিত হৃদয়ে মনে করিলাম, ঘরের মধ্যে কি যথেষ্ট ভালবাসা যায়? এইরূপ অনাবৃত অব্যবহৃত অনন্ত আকাশ নহিলে কি দুটি মানুষকে কোথায় ধরে? তখন মনে হইল, আমাদের ঘর নাই, দ্বার নাই, কোথাও ফিরিবার নাই, এমনি করিয়া হাতে হাতে ধরিয়া গম্যহীন পথে, উদ্দেশ্যহীন ভ্রমণে চন্দ্রালোকিত শূন্যতার উপর দিয়া অব্যবহৃত ভাবে চলিয়া যাইব।

এইরূপে চলিতে চলিতে এক জায়গায় আসিয়া দেখিলাম, সেই বালুকারাশির মাঝখানে অদূরে একটি জলাশয়ের মত হইয়াছে—পদ্মা সরিয়া যাওয়ার পর সেইখানে জল বাধিয়া আছে।

সেই মরুবালুকাবেষ্টিত নিস্তব্ধ নিম্নচল জলটুকুর উপরে একটি সুদীর্ঘ জ্যোৎস্নার রেখা মুচ্ছিতভাবে পড়িয়া আছে। সেই জায়গাটাতে আসিয়া আমরা দুইজনে দাঁড়াইলাম—মনোরমা কি ভাবিয়া আমার মুখের দিকে চাহিল; তাহার মাথার উপর হইতে শালটা হঠাৎ খসিয়া পড়িল। আমি তাহার সেই জ্যোৎস্না-বিকশিত মুখখানি তুলিয়া ধরিয়া চুম্বন করিলাম।

সেই সময় সেই জনমানবশূন্য নিঃসঙ্গ মরুভূমির মধ্যে গভীরস্বরে কে তিনবার বলিয়া উঠিল—“ও কে? ও কে? ও কে?”

আমি চমকিয়া উঠিলাম, আমার জ্বীও কাঁপিয়া উঠিলেন। কিন্তু পরক্ষণেই আমরা দুইজনেই বুঝিলাম, এইশব্দ মানবিক নহে, অমানবিক নহে—চর-বিহারী জলচর পক্ষীর ডাক। হঠাৎ এতরাতে তাহাদের নিভৃত নিবাসের কাছে লোকসমাগম দেখিয়া চকিত হইয়া উঠিয়াছে।

সেই ভয়ের চমক খাইয়া আমরা দুইজনেই তাড়াতাড়ি বোট ফিরিলাম। স্বাভাবিক বিছানায় আসিয়া শুইলাম; শ্রান্তশরীরে মনোরমা অবিলম্বে ঘুমাইয়া পড়িল।

তখন অন্ধকারে কে একজন আমার মশারির কাছে দাঁড়াইয়া স্বপুণ্ড মনোরমার দিকে একটি মাত্র দীর্ঘ শীর্ণ অস্থিসার অঙ্গুলি নির্দেশ করিয়া যেন আমার কানে কানে অত্যন্ত চুপি চুপি অক্ষুটকণ্ঠে কেবলি জিজ্ঞাসা করিতে লাগিল—“ও কে ? ও কে ? ও কে গো ?—”

তাড়াতাড়ি উঠিয়া দেশালাই জ্বালাইয়া বাতি ধরলাম। সেই মুহূর্ত্তেই মিলাইয়া গিয়া, আমার মশারি কাঁপাইয়া, বোট ছুলাইয়া আমার সমস্ত বর্ণাঙ্ক শরীরের রক্ত হিম করিয়া দিয়া হা-হা—হা-হা—হা-হা করিয়া একটা হাসি অন্ধকার রাত্রির ভিতর দিয়া বহিয়া চলিয়া গেল। পদ্মা পার হইল, পদ্মার চর পার হইল, তাহার পরবর্ত্তী সমস্ত সুপ্ত দেশ, গ্রাম, নগর পার হইয়া গেল—যেন তাহা চিরকাল ধরিয়া দেশদেশান্তর লোকলোকান্তর পার হইয়া ক্রমশ ক্ষীণ, ক্ষীণতর, ক্ষীণতম হইয়া অসীম স্রুদূরে চলিয়া যাইতেছে,—ক্রমে যেন তাহা জন্মস্থানের দেশ ছাড়াইয়া গেল—ক্রমে তাহা যেন সৃষ্টির অগ্রভাগের হ্রাস ক্ষীণতম হইয়া আসিল—এত ক্ষীণ শব্দ কখনো শুনি নাই, কল্পনা করি নাই—আমার মাথার মধ্যে যেন অনন্ত আকাশ রহিয়াছে এবং সেই শব্দ যতই দূরে যাইতেছে, কিছুর্তেই আমার মস্তিষ্কের দীপা ছাড়াইতে পারিতেছে না ; অবশেষে যখন একান্ত অসহ্য হইয়া আসিল, তখন ভাবিলাম, আলো নিবাইয়া না দিলে ঘুমাইতে পারিব না। যেমন আলো নিবাইয়া শুইলাম, অমনি আমার মশারির পাশে, আমার কানের কাছে অন্ধকারে আবার সেই অপরূপ স্বর বলিয়া উঠিল—“ও কে, ও কে, ও কে, ও কে গো।” আমার বুকের রক্তের ঠিক সমান তালে ক্রমাগতই ধ্বনিত হইতে লাগিল—“ও কে, ও কে, ও কে গো ! ও কে, ও কে, ও কে গো।” সেই গভীর রাত্রে নিস্তব্ধ বোটের মধ্যে আমার গোলাকার ঘড়িটাও সজীব হইয়া উঠিয়া তাহার ঘণ্টার কাঁটা মনোরমার দিকে প্রসারিত করিয়া শেল্ফের উপর চইতে তালে তালে বলিতে লাগিল, “ও কে, ও কে, ও কে গো ! ও কে, ও কে, ও কে গো !”

বলিতে বলিতে দক্ষিণা বাবু পাংশুবর্ণ হইয়া আসিলেন, তাঁহার কণ্ঠস্বর রক্ত হইয়া আসিল। আমি তাঁহাকে স্পর্শ করিয়া কহিলাম, “একটু জল খান।” এমন সময় হঠাৎ আমার কেরোসিনের শিখাটা দপ্‌দপ্‌ করিতে করিতে নিব্বিয়া গেল। হঠাৎ দেখিতে পাইলাম, বাহিরে আলো হইয়াছে। কাক ডাকিয়া

উঠিল। দোয়েলে শিশু দিতে লাগিল। আমার বাড়ির সম্মুখবর্তী পথে একটা মহিষের গাড়ির ক্যাচ-ক্যাচ শব্দ জাগিয়া উঠিল। তখন দক্ষিণা বাবুর মুখের ভাব একেবারে বদল হইয়া গেল। ভয়ের কিছুমাত্র চিহ্ন রহিল না। রাজির কুহকে, কাল্পনিক সঙ্কার মন্ততায় আমার কাছে যে এত কথা বলিয়া ফেলিয়াছেন সেজন্য যেন অত্যন্ত লজ্জিত এবং আমার উপর আন্তরিক ক্রুদ্ধ হইয়া উঠিলেন! শিষ্টসম্ভাষণমাত্র না করিয়া অকস্মাৎ উঠিয়া দ্রুতবেগে চলিয়া গেলেন।

সেই দিনই অর্ধরাত্রে আমার আমার দ্বারে আসিয়া বা পড়িল—ডাক্তার!
ডাক্তার!

(১৩০১—মাঘ)

আপদ

সন্ধ্যার দিকে ঝড় ক্রমশ প্রবল হইতে লাগিল। বৃষ্টির ঝাপট, বজ্রের শব্দ এবং বিদ্যুতের বিকমিকিতে আকাশে যেন সুরাসুরের যুদ্ধ বাধিয়া গেল। কালো কালো মেঘগুলি মহাপ্রলয়ের জয়পতাকা মত দিগ্বিদিকে উড়িতে আরম্ভ করিল, গজার এপার ওপারে বিদ্রোহী ঢেউগুলো কলশকে নৃত্য জুড়িয়া দিল, এবং বাগানের বড় বড় গাছগুলো সমস্ত শাখা ঝট পট করিয়া হা ছত্যাশ সহকারে দক্ষিণে বামে লুটোপুটি করিতে লাগিল।

তখন চন্দননগরের বাগানবাড়ীতে একটি দীপালোকিত রুদ্ধ কক্ষে খাটের সম্মুখবর্তী নীচের বিছানায় বসিয়া স্ত্রী-পুরুষে কথাবার্তা চলিতেছিল।

শরৎ বাবু বলিতেছিলেন, “আর কিছুদিন থাকিলেই তোমার শরীর সম্পূর্ণ সারিয়া উঠিবে, তখন আমরা দেশে ফিরিতে পারিব।”

কিরণ্ময়ী বলিতেছিলেন, “আমার শরীর সম্পূর্ণ সারিয়া উঠিয়াছে, এখন দেশে ফিরিলে কোনো ক্ষতি হইবে না।”

বিবাহিত ব্যক্তিমাঝেই বৃষ্টিতে পারিবেন, কথাটা মত সংক্ষেপে রিপোর্ট করিলাম তত সংক্ষেপে শেষ হয় নাই। বিষয়টি বিশেষ দুরূহ নয়, তথাপি বাদ প্রতিবাদ কিছুতেই মীমাংসার দিকে অগ্রসর হইতে ছিল না ; কর্ণহীন নৌকার মত ক্রমাগতই ঘুর থাইকা মরিতেছিল ; অবশেষে অশ্রুতরঙ্গে ডুবি হইবার সম্ভাবনা দেখা দিল।

শরৎ কহিলেন, “ডাক্তার বলিতেছে” আর কিছুদিন থাকিয়া গেলে ভালো হয়।”

কিরণ কহিলেন, “তোমার ডাক্তার ত সব জানে।”

শরৎ কহিলেন, “জান ত, এই সময়ে দেশে নানাপ্রকার ব্যামোর প্রাদুর্ভাব হয়, অতএব আর মাস দুয়েক কাটাইয়া গেলেই ভালো হয়।”

কিরণ কহিলেন, “এখানে এখন বুঝি কোথাও কাহারো কোনো ব্যামো হয় নাই।”

পূর্বে ইতিহাসটা এই। কিরণকে তাহার ঘরের এবং পাড়ার সকলেই ভালবাসে, এমন কি শান্তুড়ী পর্যন্ত। সেই কিরণের যখন কঠিন পীড়া হইল তখন সকলেই চিন্তিত হইয়া উঠিল—এবং ডাক্তার যখন বায়ুপরিবর্তনের প্রস্তাব করিল, তখন গৃহ এবং কাজকর্ম ছাড়িয়া প্রবাসে যাইতে তাহার স্বামী এবং শান্তুড়ী কোনো আপত্তি করিলেন না। যদিও গ্রামের বিবেচক প্রাজ্ঞ ব্যক্তিমাঝেই, বায়ুপরিবর্তনে আরোগ্যের আশা করা এবং জ্বর জন্ত এতটা ছলছল করিয়া তোলা নব্য স্নেহতার একটা নিল্লজ্জ আতিশয্য বলিয়া স্থির করিলেন এবং প্রশ্ন করিলেন, ইতিপূর্বে কি কাহারও জ্বর কঠিন পীড়া হয় নাই, শরৎ যেখানে যাওয়া স্থির করিয়াছেন সেখানে কি মাহুঘরা অমর, এবং এমন কোনো দেশ আছে কি যেখানে অদৃষ্টের লিপি সফল হয় নাই—তথাপি শরৎ এবং তাঁহার মা সে সকল কথায় কর্ণপাত করিলেন না; তখন গ্রামের সমস্ত সমবেত বিজ্ঞতার অপেক্ষা তাঁহাদের হৃদয়লক্ষ্মী কিরণের প্রাণটুকু তাঁহাদের নিকট গুরুতর বোধ হইল। প্রিয়ব্যক্তির বিপদে মাহুঘের এরূপ মোহ ঘটিয়া থাকে।

শরৎ চন্দ্রনগরের বাগানে আসিয়া বাস করিতেছেন, এবং কিরণও রোগমুক্ত হইয়াছেন, কেবল শরীর এখনও সম্পূর্ণ সবল হয় নাই। তাঁহার মুখে চক্ষু একটি স্কন্ধ ক্লেশতা অঙ্কিত হইয়া আছে, যাঁহা দেখিলে হৃৎকম্পসহ মনে উদয় হয়, আহা বড় রক্ষা পাইয়াছে!

কিন্তু কিরণের স্বভাবটা সজপ্রিয়, আমোদপ্রিয়। এখানে একলা আর ভালো লাগিতেছে না; তাহার ঘরের কাজ নাই, পাড়ার সঙ্গিনী নাই; কেবল সমস্ত দিন আপনার রুগ্ন শরীরটাকে লইয়া নাড়াচাড়া করিতে মন যায় না। ঘণ্টায় ঘণ্টায় দাগ মাগিয়া ঔষধ খাও, তাপ দাও, পথ্য পালন কর, ইহাতে

বিরক্তি ধরিয়া গিয়াছে ; আজ ঝড়ের সন্ধ্যাবেলায় রুদ্ধগৃহে স্বামী-স্ত্রীতে তাহাই লইয়া আন্দোলন উপস্থিত হইয়াছিল।

কিরণ যতক্ষণ উত্তর দিতেছিল, ততক্ষণ উভয়পক্ষে সমকক্ষভাবে দৃশ্যযুদ্ধ চলিতেছিল, কিন্তু অবশেষে কিরণ যখন নিরুত্তর হইয়া বিনা প্রতিবাদে শরতের দিক হইতে দ্বিগুণ বিমুখ হইয়া ঘাড় বাকাইয়া বসিল, তখন দুর্বল নিরুপায় পুরুষটির আর কোনো অস্ত্র রহিল না! পরাভব স্বীকার করিবার উপক্রম করিতেছে, এমন সময়ে বাহির হইতে বেহারা উচ্চৈঃস্বরে কি একটা নিবেদন করিল।

শরৎ উঠিয়া দ্বার খুলিয়া শুনিলেন, নৌকা ডুবি হইয়া একটি ব্রাহ্মণ বালক সঁাতার দিয়া তাঁহাদের বাগানে আসিয়া উঠিয়াছে।

শুনিয়া কিরণের মান অভিমান দূর হইয়া গেল, তৎক্ষণাৎ আল্লা হইতে শুকবস্ত্র বাহির করিয়া দিলেন এবং শীঘ্র একবাটি দুধ গরম করিয়া ব্রাহ্মণের ছেলেকে অন্তঃপুরে ডাকিয়া পাঠাইলেন।

ছেলেটির লম্বা চুল, বড় বড় চোখ, ঘোঁফের রেখা এখনো উঠে নাই। কিরণ তাহাকে নিজে থাকিয়া ভোজন করাইয়া তাহার পরিচয় জিজ্ঞাসা করিলেন।

শুনিলেন সে যাত্রার দলের ছোকরা ; তাহার নাম নীলকান্ত। তাহার নিকটবর্তী সিংহবাবুদের বাড়ি যাত্রার জন্ত আহূত হইয়াছিল ; ইতিমধ্যে নৌকা ডুবি হইয়া তাহাদের দলের লোকের কি গতি হইল কে জানে ; সে ভালো সঁাতার জানিত, কোনোমতে প্রাণরক্ষা করিয়াছে।

ছেলেটি এইখানেই রহিয়া গেল। আর একটু হইলেই সে মারা পড়িত, এই মনে করিয়া তাহার প্রতি কিরণের অত্যন্ত দয়ার উদ্বেক হইল।

শরৎ মনে করিলেন, হইল ভালো, কিরণ একটা নূতন কাজ হাতে পাইলেন, এখন কিছুকাল এইভাবেই কাটিয়া যাইবে। ব্রাহ্মণ বালকের কল্যাণে পুণ্যসঞ্চয়ের প্রত্যাশায় শান্তুড়ীও প্রসন্নতা লাভ করিলেন। এবং অধিকারী মহাশয় ও ধমরাজের হাত হইতে সহসা এই ধনী পরিবারের হাতে বদলী হইয়া নীলকান্ত বিশেষ আরাম বোধ করিল।

কিন্তু অনতিবিলম্বে শরৎ এবং তাহার মাতার মত পরিবর্তন হইতে লাগিল।

তঁাহারা ভাবিলেন, আর আবশ্যক নাই, এখন এই ছেলেটাকে বিনায় করিতে পারিলে আপদ যায়।

নীলকান্ত গোপনে শরতের গুড়গুড়িতে ফড়্ ফড়্ শব্দে তামাক টানিতে আরম্ভ করিল। বৃষ্টির দিনে অগ্নানবদনে তঁাহার সখের সিকের ছাতাটি মাথায় দিয়া নববঙ্গসঙ্ঘচেষ্ঠায় পল্লীতে পর্যটন করিতে লাগিল। কোথাকার একটা মলিন গ্রাম্য কুকুরকে আদর দিয়া এমনি স্পর্ধিত করিয়া তুলিল যে, সে অনাহৃত শরতের সুসজ্জিত ঘরের মধ্যে প্রবেশ করিয়া নিশ্চল জাজিমের উপর পদপল্লবচতুষ্টয়ের ধুলিরেখায় আপন শুভাগমন-সংবাদ স্থায়িভাবে মুদ্রিত করিয়া আসিতে লাগিল। নীলকান্তের চতুর্দিকে দেখিতে দেখিতে একটি সুবৃহৎ ভক্তিশিশুসম্প্রদায় গঠিত হইয়া উঠিল, এবং সে বৎসর গ্রামের আম্রকাননে কচি আম পাকিয়া উঠিবার অবসর পাইল না।

কিরণ এই ছেলেটিকে বড় বেশি আদর দিতেন, তাহাতে সন্দেহ নাই। শরৎ এবং শরতের মা সে বিষয়ে তঁাহাকে অনেক নিষেধ করিতেন, কিন্তু তিনি তাহা মানিতেন না। শরতের পুরাতন জামা মোজা এবং নূতন ধূতি চাদর ছুতা পরাইয়া তিনি তাহাকে বাবু সাজাইয়া তুলিলেন। মাঝে মাঝে যখন তখন তাহাকে ডাকিয়া লইয়া তঁাহার স্নেহ এবং কোতুক উভয়ই চরিতার্থ হইত। কিরণ সহাস্তমুখে পানের বাটা পাশে রাখিয়া খাটের উপর বসিতেন, দাসী তঁাহার ভিজে এলোচুল চিরিয়া চিরিয়া ঘসিয়া ঘসিয়া শুকাইয়া দিত এবং নীলকান্ত নীচে দাঁড়াইয়া হাত নাড়িয়া নলদময়ন্তীর পালা অভিনয় করিত—এইরূপে দীর্ঘ মধ্যাহ্ন অত্যন্ত শীঘ্র কাটিয়া যাইত। কিরণ শরতকে তঁাহার সহিত একাসনে দর্শক-শ্রেণীভুক্ত করিবার চেষ্টা করিতেন, কিন্তু শরৎ অত্যন্ত বিরক্ত হইতেন এবং শরতের সম্মুখে নীলকান্তের সম্পূর্ণ ক্ষুণ্ণিত পাইত না। শাণ্ডী এক একদিন ঠাকুর-দেবতার নাম শুনিবার আশায় আকৃষ্ট হইয়া আসিতেন কিন্তু অবিলম্বে তঁাহার চিয়াভ্যন্ত মধ্যাহ্নকালীন নিদ্রাবেশ ভক্তিকে অভিভূত এবং তঁাহাকে শয্যাশায়ী করিয়া দিত।

শরতের কাছ হইতে কানমলা চড়টা চাপড়টা নীলকান্তের অদৃষ্টে প্রায়ই জুটিত; কিন্তু তদপেক্ষা কঠিনতর শাসনপ্রণালীতে আজন্ম অভ্যস্ত থাকাতে সেটা তঁাহার নিকট অপমান বা বেদনাজনক বোধ হইত না। নীলকান্তের দৃঢ় ধারণা

ছিল যে, পৃথিবীর জল স্থল বিভাগের জ্বায় মানবজন্মটা আহার এবং প্রহারে বিভক্ত ; প্রহারের অংশটাই অধিক ।

নীলকান্তের ঠিক কত বয়স নির্ণয় করিয়া বলা কঠিন ; যদি চৌদ্দ পনের হয়, তবে বয়সের অপেক্ষা মুখ অনেক পাকিয়াছে বলিতে হইবে ; যদি সতেরো আঠারো হয়, তবে বয়সের অনুরূপ পাক ধরে নাই । হয় সে অকাল-পক, নয় সে অকাল-অপক ।

আসল কথা এই, সে অতি অল্প বয়সেই যাত্রার দলে ঢুকিয়া রাধিকা, দময়ন্তী নীতা এবং বিষ্ণুর সখী সাজিত । অধিকারীর আবশ্যকমত বিধাতার বরে খানিক দূর পর্য্যন্ত বাড়িয়া তাহার বাড় থামিয়া গেল । তাহাকে সকলে ছোট্টই দেখিত, আপনাকে সে ছোট্টই জ্ঞান করিত, বয়সের উপযুক্ত সম্মান সে কাহারে কাছে পাইত না । এই সকল স্বাভাবিক এবং অস্বাভাবিক কারণ-প্রভাবে সতেরো বৎসর বয়সের সময় তাহাকে অনতিপক, সতেরোর অপেক্ষা অতিপরিপক চোদর মত দেখাইত । গৌফের রেখা না উঠাতে এই ভ্রম আরো দৃঢ়মূল হইয়াছিল । তামাকের ধোঁয়া লাগিয়াই হোক, বা বয়সানুচিত ভাষা প্রয়োগবশতই হোক, নীলকান্তের ঠোঁটের কাছটা কিছু বেশী পাকা বোধ হইত, কিন্তু তাহার বৃহৎ তারাবিশিষ্ট দুইটি চক্ষের মধ্যে একটা সারল্য এবং তারুণ্য ছিল । অনুমান করি, নীলকান্তের ভিতরটা স্বভাবতঃ কাঁচা, কিন্তু যাত্রার দলের তা' লাগিয়া উপরিভাগে পকতার লক্ষণ দেখা গিয়াছে ।

শরৎ বাবুর আশ্রয়ে চন্দননগরের বাগানে বাস করিতে করিতে নীলকান্তের উপর স্বভাবের নিয়ম অব্যাহতভাবে আপন কাজ করিতে লাগিল । সে এতদিন যে একটা বয়ঃসন্ধিস্থলে অস্বাভাবিকভাবে দীর্ঘকাল থামিয়া ছিল, এখানে আসিয়া সেটা কখন এক সময় নিঃশব্দে পার হইয়া গেল । তাহার সতেরো আঠারো বৎসরের বয়ঃক্রম বেশ সম্পূর্ণভাবে পরিণত হইয়া উঠিল ।

তাহার সে পরিবর্তন বাহির হইতে কাহারো চোখে পড়িল না, কিন্তু তাহার প্রথম লক্ষণ এই যে, যখন কিরণ নীলকান্তের প্রতি বালকযোগ্য ব্যবহার করিতেন সে মনে মনে লজ্জিত এবং ব্যথিত হইত । একদিন আমোদপ্রিয় কিরণ তাহাকে জীব্রবেশে সখী সাজিবার কথা বলিয়াছিলেন, সে কথাটা অকস্মাৎ তাহার বড়ই কষ্টদায়ক লাগিল অথচ তাহার উপযুক্ত কারণ খুঁজিয়া

পাইল না। আজকাল তাহাকে যাত্রার অনুকরণ করিতে ডাকিলে সে অদৃষ্ট হইয়া যাইত। সে যে একটা লক্ষ্মীছাড়া যাত্রার দলের ছোকরার অপেক্ষা অধিক কিছু নয় একথা কিছুতে তাহার মনে লইত না।

এমন কি, সে বাড়ির সরকারের নিকট কিছু কিছু করিয়া লেখা পড়া করিবার সংকল্প করিল! কিন্তু বোঁঠাকরুণের স্নেহভাজন বলিয়া নীলকান্তকে সরকার ছই চক্ষে দেখিতে পারিত না—এবং মনের একাগ্রতা রক্ষা করিয়া পড়াশুনা কোনো কালে অভ্যাস না থাকাতে অক্ষরগুলো তাহার চোখের সামনে দিয়া ভাসিয়া যাইত। গঙ্গার ধারে চাপাতলার গাছের ঝুড়িতে ঠৈসান দিয়া কোলের উপর বই খুলিয়া সে দীর্ঘকাল বসিয়া থাকিত; জল ছল্ ছল্ করিত, নৌকা ভাসিয়া যাইত, শাখার উপরে চঞ্চল অশ্রুমনস্ক পাখী কিচ্‌মিচ্‌ শব্দে স্বগত উক্তি প্রকাশ করিত, নীলকান্ত বইয়ের পাতায় চক্ষু রাখিয়া কি ভাবিত সে-ই জানে অথবা সে-ও জানে না। একটা কথা হইতে কিছুতেই আর একটা কথায় গিয়া পৌঁছিতে পারিত না, অথচ বই পড়িতেছি মনে করিয়া তাহার ভারি একটা আত্মগোরব উপস্থিত হইত। সামনে দিয়া যখন একটা নৌকা যাইত তখন সে আরও অধিক আড়ম্বরের সহিত বইখানা তুলিয়া বিড় বিড় করিয়া পড়ার ভাণ করিত; দর্শক চলিয়া গেলে সে আর পড়ার উৎসাহ রক্ষা করিতে পারিত না।

পূর্বে সে অভ্যস্ত গানগুলো যন্ত্রের মত যথানিয়মে গাহিয়া যাইত, এখন সেই গানের সুরগুলো তাহার মনে এক অপূর্ব চাক্ষুষ সঞ্চার করে। গানের কথা অতি যৎসামান্য, তুচ্ছ অনুপ্রাসে পরিপূর্ণ, তাহার অর্থও নীলকান্তের নিকট সম্যক বোধগম্য নহে, কিন্তু যখন সে গাহিত—

ওরে রাজহংস, জন্মি বিজবংশে,
এমন নৃশংস কেন হলি রে,—
বল্ কি জন্তে, এ অরণ্যে,
রাজকন্যার প্রাণসংশয় করিলি রে,—

তখন সে যেন সহসা লোকান্তরে জন্মান্তরে উপনীত হইত—তখন চারিদিকের অভ্যস্ত জগৎটা এবং তাহার তুচ্ছ জীবনটা, গানে তর্জমা হইয়া নূতন

চেহারা ধারণ করিত। রাজহংস এবং রাজকন্তার কথা হইতে তাহার মনে এক অপক্লপ ছবির আভাস জাগিয়া উঠিত, সে আপনাকে কি মনে করিত স্পষ্ট করিয়া বলা যায় না, কিন্তু যাত্রার দলের পিতৃ-মাতৃহীন ছোকরা বলিয়া ভুলিয়া যাইত। নিতান্ত অকিঞ্চনের ঘরের হতভাগ্য মলিন শিশু যখন সন্ধ্যা-শয্যায় শুইয়া, রাজপুত্র, রাজকন্তা এবং সাত রাজার ধন মানিকের কথা শোনে, তখন সেই ক্ষীণ-দীপালোকিত জীর্ণ গৃহকোণের অন্ধকারে তাহার মনটা সমস্ত দারিদ্র্য ও হীনতার বন্ধন হইতে মুক্ত হইয়া এক সর্বসম্ভব রূপকথার রাজ্যে একটা নূতন রূপ, উজ্জ্বল বেশ এবং অপ্রতিহত ক্ষমতা ধারণ করে; সেইরূপ গানের সুরের মধ্যে এই যাত্রার দলের ছেলেটি আপনাকে এবং আপনার জগৎটিকে একটি নবীন আকারে সৃজন করিয়া তুলিত; জলের ধ্বনি, পাতার শব্দ, পাখীর ডাক এবং যে লক্ষ্মী এই লক্ষ্মীছাড়াকে আশ্রয় দিয়াছেন, তাঁহার সহস্রাং স্নেহমুখচ্ছবি, তাঁহার কল্যাণমণ্ডিত বলয়বেষ্টিত বাহু দুইখানি এবং ফুলভ সুন্দর পুষ্পদল-কোমল রক্তিম চরণযুগল কি এক মায়ামন্ত্রবলে রাগিনীর মধ্যে রূপান্তরিত হইয়া যাইত। আবার এক সময় এই গীতি-মরীচিকা কোথায় অপসারিত হইত, যাত্রার দলের নীলকান্ত ঝাঁকড়া চুল লইয়া প্রকাশ পাইত, আমবাগানের অধ্যক্ষ প্রতিবেশীর অভিযোগক্রমে শরৎ আসিয়া তাহার গালে ঠাস্ ঠাস্ করিয়া চড় কসাইয়া দিতেন, এবং বালক-ভক্তমণ্ডলীর অধিনায়ক হইয়া নীলকান্ত জলে স্থলে এবং তরুশাখাগ্রে নব নব উপদ্রব সৃজন করিতে বাহির হইত।

ইতিমধ্যে শরতের ভাই সতীশ কলিকাতা কলেজের ছুটিতে বাগানে আসিয়া আশ্রয় লইল। কিরণ ভারি খুসী হইলেন, তাঁহার হাতে আর একটা কাজ জুটিল; উপবেশনে আহায়ে আচ্ছাদনে সমবয়স্ক ঠাকুরপোর প্রতি পরিহাসপাশ বিস্তার করিতে লাগিলেন। কখনো হাতে সিঁদুর মাখিয়া তাহার চোখ টিপিয়া ধরেন, কখনো তাহার জামার পিঠে বীদর লিখিয়া রাখেন, কখনো ঝনাৎ করিয়া বাহির হইতে ঝারঝুড় করিয়া সুললিত উচ্চহাস্তে পলায়ন করেন। সতীশও ছাড়িবার পাত্র নহে; সে তাঁহার চাবি চুরি করিয়া, তাঁহার পানের মধ্যে লঙ্কা পুরিয়া, অলঙ্কিতে খাটের খুরার সহিত তাঁহার আঁচল বাধিয়া প্রতিশোধ তুলিতে থাকে। এইরূপে উভয়ে সমস্ত দিন তর্জন ধাবন হাস্য, এমন

কি, মাঝে মাঝে কলহ ক্রন্দন, সাধাসাধি এবং পুনরায় শান্তিস্থাপন চলিতে লাগিল।

নীলকান্তকে কি ভূতে পাইল কে জানে। সে কি উপলক্ষ করিয়া কাহার সহিত বিবাদ করিবে ভাবিয়া পায় না, অথচ তাহার মন তীব্র ভিক্তরসে পরিপূর্ণ হইয়া গেল। সে তাহার ভক্ত বালকগুলিকে অস্তায়রূপে কাদাইতে লাগিল, তাহার সেই পোষা দিলী কুকুরটাকে অকারণে লাথি মারিয়া কেঁই কেঁই শব্দে নভোমণ্ডল ধ্বনিত করিয়া তুলিল, এমন কি, পথে ভ্রমণের সময় সবগে ছড়ি মারিয়া অগাছাগুলার শাখাচ্ছেদন করিয়া চলিতে লাগিল।

যাহারা ভালো খাইতে পারে, তাহাদিগকে সম্মুখে বসিয়া খাওয়াইতে কিরণ অত্যন্ত ভালবাসেন। ভালো খাইবার ক্ষমতাটা নীলকান্তের ছিল, সুখাত্ম দ্রব্য পুনঃপুনঃ খাইবার অনুরোধ তাহার নিকট কদাচ বার্থ হইত না। এই জন্ত কিরণ প্রায় তাহাকে ডাকিয়া লইয়া নিজে থাকিয়া খাওয়াইতেন, এবং এই ব্রাহ্মণ বালকের তৃপ্তিপূর্বক আহার দেখিয়া তিনি বিশেষ সুখ অনুভব করিতেন। সতীশ আসার পরে অনবসরবশত নীলকান্তের আহারস্থলে প্রায় মাঝে মাঝে কিরণকে অনুরোধিত থাকিতে হইত ; পূর্বে একপ ঘটনায় তাহার ভোজনের কিছুমাত্র ব্যাঘাত হইত না ; সে সর্বশেষে দুধের বাটি খুইয়া তাহার জলশুদ্ধ খাইয়া তবে উঠিত,—কিন্তু আজকাল কিরণ নিজে ডাকিয়া না খাওয়াইলে তাহার বক্ষ ব্যথিত, তাহার মুখ বিষাদ হইয়া উঠিত, না খাইয়া উঠিয়া পড়িত ; বাষ্পরুদ্ধ-কণ্ঠে দাসীকে বলিয়া বাইত, আমার ক্ষুধা নাই। মনে করিত, কিরণ সংবাদ পাইয়া এখনি অমৃতপুচ্ছিতে তাহাকে ডাকিয়া পাঠাইবেন, এবং খাইবার জন্ত বারম্বার অনুরোধ করিবেন, সে তথাপি কিছুতেই সে অনুরোধ পালন করিবে না, বলিবে,—আমার ক্ষুধা নাই। কিন্তু কিরণকে কেহ সংবাদও দেয় না, কিরণ তাহাকে ডাকিয়াও পাঠান না ; খাবার যাহা থাকে দাসী খাইয়া ফেলে। তখন সে আপন শয়নগৃহের প্রদীপ নিবাইয়া দিয়া অন্ধকার বিছানার উপর পড়িয়া ফুলিয়া ফুলিয়া ফাঁপিয়া ফাঁপিয়া মুখের উপর সবলে বালিশ চাপিয়া ধরিয়া কাদিতে থাকে ; কিন্তু কি তাহার নাগিশ, কাহার উপরে তাহার দাবী, কে তাহাকে সান্ত্বনা করিতে আসিবে ! যখন কেহই আসে না, তখন স্নেহময়ী

বিশ্বধাত্রী নিদ্রা আসিয়া ধীরে ধীরে কোমল-করম্পর্শে এই মাতৃহীন ব্যথিত বালকের অভিমান শাস্ত করিয়া দেন।

নীলকান্তের দৃঢ় ধারণা হইল সতীশ কিরণের কাছে তাহার নামে সর্বদাই লাগায়; যে দিন কিরণ কোনো কারণে গন্তীর হইয়া থাকিতেন সেদিন নীলকান্ত মনে করিত, সতীশের চক্রান্তে কিরণ তাহারই উপর রাগ করিয়া আছেন।

এখন হইতে নীলকান্ত একমনে তীব্র আকাঙ্ক্ষার সঙ্গে সর্বদাই দেবতার নিকট প্রার্থনা করে, আরজন্মে আমি যেন সতীশ হই, এবং সতীশ যেন আমি হয়। সে জানিত, ব্রাহ্মণের একান্ত মনের অভিশাপ কখনো নিষ্ফল হয় না, এই জন্ত সে মনে মনে সতীশকে ব্রহ্মতেজে দগ্ধ করিতে গিয়া নিজে দগ্ধ হইতে থাকিত, এবং উপরের তলা হইতে সতীশ ও তাহার বোঁঠাকুরাণীর উচ্ছ্বসিত উচ্ছ্বাসমিশ্রিত পরিহাসকলরব শুনিতে পাইত।

নীলকান্ত স্পষ্টত সতীশের কোনোরূপ শত্রুতা করিতে সাহস করিত না, কিন্তু সুযোগমত তাহার ছোটখাটো অসুবিধা ঘটাইয়া প্রীতিলাভ করিত। ঘাটের সোপানে সাবান রাখিয়া সতীশ যখন গঙ্গায় নামিয়া ডুব দিতে আরম্ভ করিত, তখন নীলকান্ত ফস্ করিয়া আসিয়া সাবান চুরি করিয়া লইত—সতীশ যথাকালে সাবানের সন্ধানে আসিয়া দেখিত, সাবান নাই। একদিন নাহিতে নাহিতে হঠাৎ দেখিল তাহার বিশেষ সখের চিকণের-কাজ-করা জামাটি গঙ্গার জলে ভাসিয়া যাইতেছে, ভাবিল হাওয়ায় উড়িয়া গেছে, কিন্তু হাওয়াটা কোন্‌দিক্ হইতে বহিল তাহা কেহ জানে না।

একদিন সতীশকে আমোদ দিবার জন্ত কিরণ নীলকান্তকে ডাকিয়া তাহাকে যাত্রার গান গাহিতে বলিলেন—নীলকান্ত নিরন্তর হইয়া রহিল। কিরণ বিস্মিত হইয়া জিজ্ঞাসা করিলেন, “তোরা আবার কি হ’লোরে?” নীলকান্ত তাহার জবাব দিল না। কিরণ পুনশ্চ বলিলেন, “সেই গানটা গা না!”—“সে আমি ভুলে গেছি” বলিয়া নীলকান্ত চলিয়া গেল।

অবশেষে কিরণের দেশে ফিরিবার সময় হইল। সকলই প্রস্তুত হইতে লাগিল;—সতীশও সঙ্গে যাইবে। কিন্তু নীলকান্তকে কেহ কোনো কথাই বলে না। সে সঙ্গে যাইবে কি থাকিবে সে প্রশ্নমাত্র কাহারো মনে উদয় হয় না।

কিরণ নীলকান্তকে সঙ্গে লইবার প্রস্তাব করিলেন। তাহাতে শাওড়ী স্বামী এবং দেবর সকলেই একবাক্যে আপত্তি করিয়া উঠিলেন, কিরণও তাহার সঙ্কল্প ত্যাগ করিলেন। অবশেষে যাত্রার দুই দিন আগে ব্রাহ্মণ বালককে ডাকিয়া কিরণ তাহাকে স্নেহবাক্যে স্বদেশে যাইতে উপদেশ করিলেন।

সে উপরি উপরি কয়দিন অবহেলার পর মিষ্টবাক্য শুনিতে পাইয়া আর থাকিতে পারিল না, একেবারে কাঁদিয়া উঠিল। কিরণেরও চোখ ছিল ছল ছল করিয়া উঠিল;—যাহাকে চিরকাল কাছে রাখা যাইবে না, তাহাকে কিছুদিন আদর দিয়া তাহার মায়া বসিতে দেওয়া ভালো হয় নাই বলিয়া কিরণের মনে বড় অমুতাপ উপস্থিত হইল।

সতীশ কাছে উপস্থিত ছিল, সে অতবড় ছেলের কান্না দেখিয়া ভারি বিরক্ত হইয়া উঠিল—আরে মোলো, কথা নাই বার্তা নাই, একেবারে কাঁদিয়াই অস্তির!—

কিরণ এই কঠোর উক্তির জন্ত সতীশকে ভৎসনা করিলেন। সতীশ কহিল, “তুমি বোঝ না বোদিদি, তুমি সকলকেই বড় বেশি বিশ্বাস কর; কোথাকার কে তার ঠিক নাই, এখানে আসিয়া দিবা রাজার হালে আছে। আবার পুনর্মুখিক হইবার আশঙ্কায় আজ মায়া কান্না জুড়িয়াছে—ও বেশ জানে যে ছ’ ফোঁটা চোখের জল ফেলিলেই তুমি গলিয়া যাইবে।”

নীলকান্ত তাড়াতাড়ি চলিয়া গেল;—কিন্তু তাহার মনটা সতীশের কাল্পনিক মূর্তিকে ছুরি হইয়া কাটিতে লাগিল, ছুঁচ হইয়া বিধিতে লাগিল, আগুন হইয়া জ্বালাইতে লাগিল, কিন্তু প্রকৃত সতীশের গায়ে একটি চিহ্নমাত্র বসিল না, কেবল তাহারই মর্শ্মস্থল হইতে রক্তপাত হইতে লাগিল।

কলিকাতা হইতে সতীশ একটি সৌখীন দোয়াতদান কিনিয়া আনিয়াছিল, তাহাতে দুই পাশে দুই ঝিম্বকের নোকার উপর দোয়াত বসানো এবং মাঝে একটা জর্মন রোপোর হাঁস উন্মুক্ত চকুপুটে কলম লইয়া পাখা মেলিয়া বসিয়া আছে, সেটির প্রতি সতীশের অত্যন্ত যত্ন ছিল; প্রায় সে মাঝে মাঝে দিকের রুমাল দিয়া অতি সযত্নে সেটি ঝাড়পোচ করিত। কিরণ প্রায়ই পরিহাস করিয়া সেই রোপাহংসের চকু-অগ্রভাগে অঙ্গুলির আঘাত করিয়া বলিতেন, “ওরে রাজহংস, জন্মি দ্বিজবংশে এমন নৃশংস কেন হলি রে”—এবং ইহাই উপলক্ষ করিয়া দেবরে তাহাতে হস্তকৌতূকের বাগ্যুদ্ধ চলিত।

স্বদেশযাত্রার আগের দিন সকালবেলায় সে জিনিষটা খুঁজিয়া পাওয়া গেল না। কিরণ হাসিয়া কহিলেন, “ঠাকুরপো, তোমার রাজহংস তোমার দময়ন্তীর অধেষণে উড়িয়াছে।”

কিন্তু সতীশ অগ্নিশর্মা হইয়া উঠিল। নীলকান্তই যে সেটা চুরি করিয়াছে সে-বিষয়ে তাহার সন্দেহ-মাত্র রহিল না—গতকল্য সন্ধ্যার সময় তাহাকে সতীশের ঘরের কাছে ঘুর ঘুর করিতে দেখিয়াছে এমন সাক্ষীও পাওয়া গেল।

সতীশের সম্মুখে অপরাধী আনীত হইল। সেখানে কিরণও উপস্থিত ছিলেন। সতীশ একেবারেই তাহাকে বলিয়া উঠিলেন, “তুই আমার দোয়াত চুরি ক’রে কোথায় রেখেছিস্, এনে দে।”

নীলকান্ত নানা অপরাধে এবং বিনা অপরাধেও শরতের কাছে অনেক মার খাইয়াছে এবং বরাবর প্রকুল্লচিতে তাহা বহন করিয়াছে। কিন্তু কিরণের সম্মুখে যখন তাহার নামে দোয়াত চুরির অপবাদ আসিল, তখন তার বড় বড় হুই চোখ আগুনের মত জ্বলিতে লাগিল; তাহার বুকের কাছটা ফুলিয়া কঠোর কাছে ঠেলিয়া উঠিল; সতীশ আর একটা কথা বলিলেই সে তাহার হুই হাতের দশ নখ লইয়া ক্রুদ্ধ বিভ্রলশাবকের মত সতীশের উপর গিয়া পড়িত।

তখন কিরণ তাহাকে পাশের ঘরে ডাকিয়া লইয়া মুহুমিষ্ট স্বরে বলিলেন—
“নীলু, যদি সেই দোয়াতটা নিয়ে থাকিস্, আমাকে আস্তে আস্তে দিয়ে যা, তোকে কেউ কিছু বলবে না।”

নীলকান্তের চোখ ফাটিয়া টস্ টস্ করিয়া জল পড়িতে লাগিল, অবশেষে সে মুখ ঢাকিয়া কাঁদিতে লাগিল।

কিরণ বাহিরে আসিয়া বলিলেন, “নীলকান্ত কখনই চুরি করে নি।”

শরৎ এবং সতীশ উভয়েই বলিতে লাগিলেন, “নিশ্চয়, নীলকান্ত ছাড়া আর কেহই চুরি করে নি।”

কিরণ সবলে বলিলেন, “কখনই না।”

শরৎ নীলকান্তকে ডাকিয়া সওয়াল করিতে ইচ্ছা করিলেন, কিরণ বলিলেন, “না, উহাকে এই চুরি সম্বন্ধে কোনো কথা জিজ্ঞাসা করিতে পারিবে না।”

সতীশ কহিলেন, “উহার ঘর এবং বাস্তু খুঁজিয়া দেখা উচিত।”

কিরণ বলিলেন, “তাহা যদি কর, তাহা হইলে তোমার সঙ্গে আমার জন্মশোধ আড়ি হইবে। নির্দোষীর প্রতি কোনরূপ সন্দেহ প্রকাশ করিতে পাইবে না।”

বলিতে বলিতে তাঁহার চোখের পাতা দুই ফোঁটা জলে ভিজিয়া উঠিল। তাহার পর সেই দুটি করুণ চক্ষুর অশ্রুজলের দোহাই মানিয়া নীলকান্তের প্রতি আর কোনরূপ হস্তক্ষেপ করা হইল না।

নিরীহ আশ্রিত বালকের প্রতি এইরূপ অত্যাচারে কিরণের মনে অত্যন্ত দম্মার সঞ্চার হইল। তিনি ভালো দুই জোড়া ফরাসডাক্সার ধুতি চাদর, দুইটি জামা, এক জোড়া নুতন জুতা এবং একখানি দশ টাকার নোট লইয়া সন্ধ্যাবেলায় নীলকান্তের ঘরের মধ্যে প্রবেশ করিলেন। তাঁহার ইচ্ছা ছিল, নীলকান্তকে না বলিয়া সেই স্নেহ-উপহারগুলি আস্তে আস্তে তাহার বাস্তুর মধ্যে রাখিয়া আসিবেন। টিনের বাস্তুটিও তাঁহার দত্ত।

আঁচল হইতে চাবির গোছা লইয়া নিঃশব্দে সেই বাস্তু খুলিলেন। কিন্তু তাঁহার উপহারগুলি ধরাইতে পারিলেন না। বাস্তুর মধ্যে লাঠাই, কঞ্চি, কাঁচা আম কাটিবার জন্ত বধা ঝিল্লুক, ভাঙা গ্লাসের তলা প্রভৃতি-জাতীয় পদার্থ স্তূপাকারে রক্ষিত।

কিরণ ভাবিলেন, বাস্তুটি ভালো করিয়া গুছাইয়া তাহার মধ্যে সকল জিনিস ধরাইতে পারিবেন। সেই উদ্দেশ্যে বাস্তুটি খালি করিতে লাগিলেন। প্রথমে লাঠাই, লাঠিম, ছড়ি প্রভৃতি বাহির হইতে লাগিল—তাহার পরে খান কয়েক ময়লা এবং কাচা কাপড় বাহির হইল, তাহার পরে সকলের নীচে হঠাৎ সতীশের সেই বহুবস্ত্রের রাজহংসশোভিত দোয়াতদানটি বাহির হইয়া আসিল।

কিরণ আশ্চর্য্য হইয়া আরক্তিমমুখে অনেকক্ষণ সেটি হাতে করিয়া লইয়া ভাবিতে লাগিলেন।

ইতিমধ্যে কখন নীলকান্ত পশ্চাৎ হইতে ঘরে প্রবেশ করিল তিনি তাহা জানিতেও পারিলেন না। নীলকান্ত সমস্তই দেখিল, মনে করিল স্বয়ং চোরের মত তাহার চুরি ধরিতে আসিয়াছেন এবং তাহার চুরিও ধরা পড়িয়াছে। সে

যে কেবল সামান্য চোরের মত লোভে পড়িয়া চুরি করে নাই, সে যে কেবল প্রতিহিংসাসাধনের জন্ত এ কাজ করিয়াছে, সে যে ঐ জিনিষটা গঙ্গার জলে ফেলিয়া দিবে বলিয়াই ঠিক করিয়াছিল, কেবল এক মুহূর্তের দুর্বলতাবশত ফেলিয়া না দিয়া নিজের বাক্সের মধ্যে পুরিয়াছে, সে-সকল কথা সে কেমন করিয়া বুঝাইবে! সে চোর নয়, সে চোর নয়! তবে সে কি? কেমন করিয়া বলিবে সে কি! সে চুরি করিয়াছে কিন্তু সে চোর নহে; কিরণ যে তাহাকে চোর বলিয়া সন্দেহ করিয়াছেন এ নিষ্ঠুর অত্যাচার সে কিছুতেই বুঝাইতে পারিবে না, বহন করিতেও পারিবে না।

কিরণ দীর্ঘনিশ্বাস ফেলিয়া সেই দোয়াতদানটা বাক্সের ভিতরে রাখিলেন। চোরের মত তাহার উপরে ময়লা কাপড় চাপা দিলেন, তাহার উপরে বালকের লাঠাই, লাঠি, লাঠিম, বিন্ধুক, কাঁচের টুকরা প্রভৃতি সমস্তই রাখিলেন এবং সর্বোপরি তাহার উপহারগুলি ও দশ টাকার নোটট সাজাইয়া রাখিলেন।

কিন্তু পরের দিন সেই ব্রাহ্মণ বালকের কোনো উদ্দেশ্য পাওয়া গেল না। গ্রামের লোকেরা বলিল, তাহাকে দেখে নাই; পুলিশ বলিল, “তাহার সন্ধান পাওয়া যাইতেছে না।” তখন শরৎ বলিল, “এইবার নীলকান্তের বাস্তুটা পরীক্ষা করিয়া দেখা যাক।”

কিরণ জেদ করিয়া বলিলেন, “সে কিছুতেই হইবে না।”

বলিয়া বাস্তুটি আপন ঘরে আনাইয়া দোয়াতটি বাহির করিয়া গোপনে গঙ্গার জলে ফেলিয়া আসিলেন।

শরৎ সপরিবারে দেশে চলিয়া গেল; বাগান একদিন শূন্য হইয়া গেল, কেবল নীলকান্তের সেই পোষা গ্রাম্য কুকুরটা আহার ত্যাগ করিয়া নদী ধারে ধারে ঘুরিয়া ঘুরিয়া খুঁজিয়া খুঁজিয়া কাদিয়া কাদিয়া বেড়াইতে লাগিল।

দিদি

পল্লীবাসিনী কোনো এক হতভাগিনীর অন্য়কারী অত্যাচারী স্বামীর দুষ্কৃতি সকল সবিস্তারে বর্ণনপূর্বক প্রতিবেশিনী তারা অত্যন্ত সজ্জেক্ষেপে নিজের রায় প্রকাশ করিয়া কহিল, “এমন স্বামীর মুখে আশুন।”

শুনিয়া জয়গোপাল বাবুর স্ত্রী শশী অত্যন্ত পীড়া অনুভব করিল ;—স্বামি-জাতির মুখে চুরুটের আশুন ছাড়া অত্ৰ কোনো প্রকার আশুন কোনো অবস্থা-তেই কামনা করা স্ত্রীজাতিকে শোভা পায় না।

অতএব এ সম্বন্ধে তিনি কিঞ্চিৎ সঙ্কোচ প্রকাশ করাতে কঠিনহৃদয় তারা দ্বিগুণ উৎসাহের সহিত কহিল, “এমন স্বামী থাকার চেয়ে সাতজন্য বিধবা হওয়া ভালো।” এই বলিয়া সে সভাভঙ্গ করিয়া চলিয়া গেল।

শশী মনে করিল, স্বামীর এমন কোনো অপরাধ কল্পনা করিতে পারি না, যাহাতে তাঁহার প্রতি মনের ভাব এত কঠিন হইয়া উঠিতে পারে। এই কথা মনের মধ্যে আলোচনা করিতে করিতেই তাহার কোমল হৃদয়ের সমস্ত প্রীতিরস তাহার প্রবাসী স্বামীর অভিমুখে উচ্ছ্বসিত হইয়া উঠিল ; শয্যাতে তাহার স্বামী যে অংশে শয়ন করিত সেই অংশের উপর বাহু প্রসারণ করিয়া পড়িয়া শূত্র বালিশকে চুষন করিল, বালিশের মাধ্যমে স্বামীর মাথার আচ্ছাদন অনুভব করিল এবং দ্বার রুদ্ধ করিয়া কাঠের বাক্স হইতে স্বামীর একখানি বহুকালের লুপ্তপ্রায় কোটোগ্রাফ এবং হাতের লেখা চিঠিগুলি বাহির করিয়া বসিল। সেদিনকার

নিস্তরু মধ্যাহ্ন এইরূপে নিভৃত কক্ষে, নির্জন চিন্তায় পুরাতন স্মৃতিতে এবং বিবাদের অশ্রুজলে কাটিয়া গেল।

শশিকলা এবং জয়গোপালের যে নবদাম্পত্য তাহা নহে। বাল্যকালে বিবাহ হইয়াছিল ইতিমধ্যে সম্বানাদিও হইয়াছে। উভয়ে বহুকাল একত্রে অবস্থান করিয়া নিতান্ত সহজ সাধারণ ভাবেই দিন কাটাইয়াছে ; কোনো পক্ষেই অপরিমিত প্রেমোচ্ছ্বাসের কোনো লক্ষণ দেখা যায় নাই। প্রায় বোল বৎসর একাদিক্রমে অবিচ্ছেদ্যে যাপন করিয়া হঠাৎ কর্ণবশে তাহার স্বামী বিদেশে চলিয়া যাওয়ার পর শশীর মনে একটা প্রবল প্রেমাবেগ জাগ্রত হইয়া উঠিল। বিরহের দ্বারা বন্ধনে যতই টান পড়িল কোমল হৃদয়ে প্রেমের ফাঁস ততই শক্ত করিয়া আঁটিয়া ধরিল ; চিলা অবস্থায় যাহার অস্তিত্ব অনুভব করিতে পারে নাই এখন তাহার বেদনা টুটু করিতে লাগিল।

তাই আজ এতদিন পরে এত বয়সে ছেলের মা হইয়া শশী বসন্তমধ্যাহ্নে নির্জনঘরে বিরহশয্যায় উন্মেষিতযৌবনা নববধূর সুখস্বপ্ন দেখিতে লাগিল। যে প্রেম অজ্ঞাতভাবে জীবনের সমুখ দিয়া প্রবাহিত হইয়া গিয়াছে, সহসা আজ তাহারই কলগীতিশব্দে জাগ্রত হইয়া মনে মনে তাহারই উজান বাহিয়া ছুই তীরে বহুদূরে অনেক সোনার পুরী অনেক কুঞ্জবন দেখিতে লাগিল ;—কিন্তু সেই অতীত সুখসম্ভাবনার মধ্যে এখন আর পদার্পণ করিবার স্থান নাই। মনে করিতে লাগিল এইবার যখন স্বামীকে নিকটে পাইব, তখন জীবনকে নীরস এবং বসন্তকে নিষ্ফল হইতে দিব না ; কতদিন কতবার তুচ্ছতর্কে সামান্য কলহে স্বামীর প্রতি সে উপদ্রব করিয়াছে আজ অনুতপ্তচিত্তে একান্ত মনে সঙ্কল্প করিল আর কখনই সে অসহিষ্ণুতা প্রকাশ করিবে না, স্বামীর ইচ্ছায় বাধা দিবে না, স্বামীর আদেশ পালন করিবে, প্রীতিপূর্ণ নম্র হৃদয়ে নীরবে স্বামীর ভালোমন্দ সমস্ত আচরণ সহ্য করিবে ; কারণ, স্বামী সর্বস্ব, স্বামী প্রিয়তম, স্বামী দেবতা। অনেক দিন পর্য্যন্ত শশিকলা তাহার পিতামাতার একমাত্র আদরের কন্যা ছিল। সেই জন্ত, জয়গোপাল যদিও সামান্য চাকরি করিত, তবু ভবিষ্যতের জন্ত তাহার কিছুমাত্র ভাবনা ছিল না। পল্লীগ্রামে রাজভোগে থাকিবার পক্ষে তাহার স্বত্ত্বরের যথেষ্ট সম্পত্তি ছিল।

এমন সময় নিতান্ত অকালে প্রান্ত বৃদ্ধবয়সে শশিকলার পিতা কালীপ্রসন্নের

একটি গুলসস্তান জন্মিল। সত্য কথা বলিতে কি, পিতামাতার এইরূপ অনপেক্ষিত অসঙ্গত অত্যাচারে শশী মনে মনে অত্যন্ত ক্ষুব্ধ হইয়াছিল ; জয়গোপালও সবিশেষ প্রীতिलाভ করে নাই।

অধিক বয়সের ছেলেটির প্রতি পিতামাতার স্নেহ অত্যন্ত ঘনীভূত হইয়া উঠিল। এই নবাগত, ক্ষুদ্রকায়, স্তম্ভপিপাসু, নিদ্রাতুর শ্রালকটি অজ্ঞাতসারে দুই দুর্বল হস্তের অতি ক্ষুদ্র বন্ধমুষ্টির মধ্যে জয়গোপালের সমস্ত আশা ভরসা যখন অপহরণ করিয়া বসিল, তখন সে আসামের চা-বাগানে এক চাকরি লইল।

নিকটবর্তী স্থানে চাকরির সন্ধান করিতে সকলেই তাহাকে পীড়াপীড়ি করিয়াছিল—কিন্তু সর্বসাধারণের উপর রাগ করিয়াই হোক, অথবা চা-বাগানে দ্রুত বাড়িয়া উঠিবার কোনো উপায় জানিয়াই হোক, জয়গোপাল কাহারো কথায় কর্ণপাত করিল না ; শশীকে সন্তানসহ তাহার বাপের বাড়ি রাখিয়া সে আসামে চলিয়া গেল। বিবাহিত জীবনের স্বামী-স্ত্রীর এই প্রথম বিচ্ছেদ।

এই ঘটনায় শিশু ভ্রাতাটির প্রতি শশিকলার ভারি রাগ হইল। যে মনের আক্ষেপ মুখ ফুটিয়া বলিবার জো নাই, তাহারই আক্রোশটা সব চেয়ে বেশি হয়। ক্ষুদ্র ব্যক্তিটি আরামে স্তম্ভপান করিতে ও চক্ষু মুদিয়া নিদ্রা দিতে লাগিল এবং তাহার বড় ভগিনীটি দুধ গরম, ভাত ঠাণ্ডা, ছেলের স্কুলে যাওয়ার দেরি প্রভৃতি নানা উপলক্ষে নিশিদিন মান অভিমান করিয়া অস্থির হইল এবং অস্থির করিয়া তুলিল।

অল্পদিনের মধ্যেই ছেলেটির মার মৃত্যু হইল ; মরিবার পূর্বে জননী তাহার কন্ডার হাতে শিশুপুত্রটিকে সমর্পণ করিয়া দিয়া গেলেন।

তখন অনতিবিলম্বেই সেই মাতৃহীন ছেলেটি অনাস্রাসেই তাহার দিদির হৃদয় অধিকার করিয়া লইল। হৃদয়কার শব্দপূর্বক সে যখন তাহার উপর ঝাঁপাইয়া পড়িয়া পরম আগ্রহের সহিত দন্তহীন ক্ষুদ্র মুখের মধ্যে তাহার মুখ চক্ষু নাসিকা সমস্তটা গ্রাস করিবার চেষ্টা করিত, ক্ষুদ্র মুষ্টিমধ্যে তাহার কেশগুচ্ছ লইয়া কিছুতেই দখল ছাড়িতে চাহিত না, সূর্য্যোদয় হইবার পূর্বেই জাগিয়া উঠিয়া গড়াইয়া তাহার গায়ের কাছে আসিয়া কোমল স্পর্শে তাহাকে পুলকিত করিয়া মহাকলরব আরম্ভ করিয়া দিত ;—যখন ক্রমে সে তাহাকে জিজি এবং জিজিমা বলিয়া ডাকিতে লাগিল, এবং কাক্সকর্ম ও অবসরের সময় নিবিদ্ধ কার্য্য করিয়া

নিষিদ্ধ খাদ্য খাইয়া নিষিদ্ধ স্থানে গমনপূর্বক তাহার প্রতি বিধিমত উপজ্রব আরম্ভ করিয়া দিল, তখন শশী আর থাকিতে পারিল না। এই স্বেচ্ছাচারী ক্ষুদ্র অত্যাচারীর নিকটে সম্পূর্ণরূপে আত্মসমর্পণ করিয়া দিল। ছেলোটর মা ছিল না বলিয়া, তাহার প্রতি তাহার আধিপত্য ঢের বেশি হইল।

দ্বিতীয় পরিচ্ছেদ

ছেলেটির নাম হইল নীলমণি। তাহার বয়স যখন দুই বৎসর তখন তাহার পিতার কঠিন পীড়া হইল। অতি শীঘ্র চলিয়া আসিবার জন্ত জয়গোপালের নিকট পত্র গেল। জয়গোপাল যখন বহু চেষ্টায় ছুটি লইয়া আসিয়া পৌঁছিল তখন কালীপ্রসন্নের মৃত্যুকাল উপস্থিত।

মৃত্যুর পূর্বে কালীপ্রসন্ন, নাবালক ছেলেটির তত্ত্বাবধানের ভার জয়গোপালের প্রতি অর্পণ করিয়া তাহার বিষয়ের সিকি অংশ কত্মার নামে লিখিয়া দিলেন।

সুতরাং বিষয়-রক্ষার জন্ত জয়গোপালকে কাজ ছাড়িয়া দিয়া চলিয়া আসিতে হইল।

অনেক দিনের পরে স্বামিন্দ্রীর পুনর্নির্গমন হইল। একটা জড়পদার্থ ভাঙিয়া গেলে আবার ঠিক তাহার খাঁজে খাঁজে মিলাইয়া দেওয়া যায়। কিন্তু ছুটি মানুষকে যেখানে বিচ্ছিন্ন করা হয়, দীর্ঘ বিচ্ছেদের পরে আর ঠিক সেখানে রেথায় রেথায় মেলে না।—কারণ, মন জিনিষটা সজীব পদার্থ; নিমিষে তাহার পরিণতি এবং পরিবর্তন।

শশীর পক্ষে এই নূতন মিলনে নূতন ভাবের সঞ্চার হইল। সে যেন তাহার স্বামীকে ফিরিয়া বিবাহ করিল। পুরাতন দাম্পত্যের মধ্যে চিরাত্মাসবশত যে এক অসাড়তা জন্মিয়া গিয়াছিল, বিরহের আকর্ষণে তাহা অপমৃত হইয়া সে তাহার স্বামীকে যেন পূর্বাপেক্ষা সম্পূর্ণতর ভাবে প্রাপ্ত হইল,—মনে মনে প্রতিজ্ঞা করিল, যেমন দিনই আশ্রুক, যতদিনই যাক, স্বামীর প্রতি এই দীপ্ত প্রেমের উজ্জলতাকে কখনই ম্লান হইতে দিব না।

নূতন মিলনে জয়গোপালের মনের অবস্থাটা অতরূপ। পূর্বে যখন উভয়ে

অবিচ্ছেদ্যে একত্র ছিল, যখন জীবন সহিত তাহার সমস্ত স্বার্থের এবং বিচিত্র অভ্যাসের ঐক্যবন্ধন ছিল, জীবী তখন জীবনের একটি নিত্য সত্য হইয়াছিল,— তাহাকে বাদ দিতে গেলে দৈনিক অভ্যাসজালের মধ্যে সহসা অনেকখানি ফাঁক পড়িত। এইজন্য বিদেশে গিয়া জয়গোপাল প্রথম প্রথম অগাধ জলের মধ্যে পড়িয়াছিল। কিন্তু ক্রমে তাহার সেই অভ্যাসবিচ্ছেদের মধ্যে নূতন অভ্যাসের তালি লাগিয়া গেল।

কেবল তাহাই নহে। পূর্বে নিত্য নিশ্চেষ্ট নিশ্চিন্তভাবে তাহার দিন কাটিয়া যাইত। মাঝে দুই বৎসর, অবস্থা-উন্নতি-চেষ্টা তাহার মনে এমন প্রবলভাবে জাগিয়া উঠিয়াছিল যে, তাহার মনের সম্মুখে আর কিছুই ছিল না। এই নূতন নেশার তীব্রতার তুলনায় তাহার পূর্বজীবন বস্তুহীন ছায়ার মত দেখাইতে লাগিল। জীবলোকের প্রকৃতিতে প্রধান পরিবর্তন ঘটায় প্রেম, এবং পুরুষের ঘটায় দুশ্চেষ্টা।

জয়গোপাল দুই বৎসর পরে আসিয়া অবিকল তাহার পূর্ব জীবনকে ফিরিয়া পাইল না। তাহার জীবন জীবনে শিশু শ্রালকটি একটা নূতন পরিসর বৃদ্ধি করিয়াছে। এই অংশটি তাহার পক্ষে সম্পূর্ণ অপরিচিত,—এই অংশে জীবন সহিত তার কোনো যোগ নাই। জীবী তাহাকে আপনার এই শিশুমেহের ভাগ দিবার অনেক চেষ্টা করিত—কিন্তু ঠিক কৃতকার্য হইত কি না বলিতে পারি না।

শশী নীলমণিকে কোলে করিয়া আনিয়া হাত্মমুখে তাহার স্বামীর সম্মুখে ধরিত—নীলমণি প্রাণপণে শশীর গলা জড়াইয়া ধরিয়া তাহার কাঁধে মুখ লুকাইত, কোনো প্রকার কুটুম্বিতার খাতির মানিত না। শশীর ইচ্ছা, তাহার এই ক্ষুদ্র ভ্রাতাটির যত প্রকার মন ভুলাইবার বিদ্যা আয়ত্ত আছে, সবগুলি জয়গোপালের নিকট প্রকাশ হয়; কিন্তু জয়গোপালও সে-জন্য বিশেষ আগ্রহ অনুভব করিত না এবং শিশুটিও বিশেষ উৎসাহ দেখাইত না। জয়গোপাল কিছুতেই বুঝিতে পারিত না এই কৃশকায় বৃহৎমস্তক গম্ভীরমুখ শ্রামবর্ণ ছেলের মধ্যে এমন কি আছে যে-জন্য তাহার প্রতি এতটা মেহের অপব্যয় করা হইতেছে।

ভালবাসার ভাবগতিক মেয়েরা খুব চট্ করিয়া বোঝে। শশী অবিলম্বেই বুঝিল জয়গোপাল নীলমণির প্রতি বিশেষ অমুরক্ত নহে। তখন ভাইটিকে সে

বিশেষ সাবধানে আড়াল করিয়া রাখিত—স্বামীর স্নেহহীন বিরাগদৃষ্টি হইতে তাহাকে তক্ষাতে রাখিতে চেষ্টা করিত। এইরূপে ছেলেটি তাহার গোপন যত্নের ধন, তাহার একলার স্নেহের সামগ্রী হইয়া উঠিল। সকলেই জানেন, স্নেহ যত গোপনের, যত নিৰ্জ্ঞানের হয় ততই প্রবল হইতে থাকে।

নীলমণি কাদিলে জয়গোপাল অত্যন্ত বিরক্ত হইয়া উঠিত—এই জন্ত শশী তাহাকে তাড়াতাড়ি বুকের মধ্যে চাপিয়া সমস্ত প্রাণ দিয়া, বুক দিয়া, তাহার কান্না থামাইবার চেষ্টা করিত,—বিশেষত নীলমণির কান্নায় যদি রাতে তাহার স্বামীর ঘুমের ব্যাঘাত হইত, এবং স্বামী এই ক্রন্দনপরায়ণ ছেলেটার প্রতি অত্যন্ত হিংস্রভাবে ঘৃণা প্রকাশপূর্বক জর্জর চিৎতে গর্জন করিয়া উঠিত, তখন শশী যেন অপরাধিনীর মত সঙ্কুচিত শশব্যস্ত হইয়া পড়িত, তৎক্ষণাৎ তাহাকে কোলে করিয়া দূরে লইয়া গিয়া একান্ত সান্ন্যয় স্নেহের স্বরে সোনা আমার, ধন আমার, মাণিক আমার বলিয়া ঘুম পাড়াইতে থাকিত।

ছেলেতে ছেলেতে নানা উপলক্ষে ঝগড়া বিবাদ হইয়াই থাকে। পূর্বে একরূপ স্থলে শশী নিজের ছেলেদের দণ্ড দিয়া ভাইয়ের পক্ষ অবলম্বন করিত, কারণ, তাহার মা ছিল না। এখন বিচারকের সঙ্গে সঙ্গে দণ্ডবিধির পরিবর্তন হইল। এখন সর্বদাই নিরপরাধে এবং অবিচারে নীলমণিকে কঠিন দণ্ড ভোগ করিতে হইত। সেই অগ্রায় শশীর বক্ষে শেলের মত বাজিত; তাই সে দণ্ডিত ভ্রাতাকে ঘরে লইয়া গিয়া তাহাকে মিষ্ট দিয়া খেলনা দিয়া আদর করিয়া চুমো খাইয়া শিশুর আহত হৃদয়ে বথাসাধ্য সান্ত্বনা বিধান করিবার চেষ্টা করিত।

কলত দেখা গেল, শশী নীলমণিকে যতই ভালবাসে জয়গোপাল নীলমণির প্রতি ততই বিরক্ত হয়, আবার জয়গোপাল নীলমণির প্রতি যতই বিরাগ প্রকাশ করে, শশী তাহাকে ততই স্নেহসুধায় অভিষিক্ত করিয়া দিতে থাকে।

জয়গোপাল লোকটা কখনো তাহার স্ত্রীর প্রতি কোনোরূপ কঠোর ব্যবহার করে না এবং শশী নীরবে নম্রভাবে প্রীতির সহিত তাহার স্বামীর সেবা করিয়া থাকে, কেবল এই নীলমণিকে লইয়া ভিতরে ভিতরে উভয়ে উভয়ে অহরহ আঘাত দিতে লাগিল।

এইরূপ নীরব স্বন্দেহ গোপন আঘাত প্রতিঘাত প্রকাশ্য বিবাদের অপেক্ষা ঢের বেশি দুঃসহ।

তৃতীয় পরিচ্ছেদ

নীলমণির সমস্ত শরীরের মধ্যে মাথাটাই সর্বপ্রধান ছিল। দেখিলে মনে হইত বিধাতা যেন একটা সরু কাঠির মধ্যে ফুঁ দিয়া তাহার ডগার উপরে একটা বড় বুদ্ধদেব ফুটাইয়া তুলিয়াছেন। ডাক্তাররাও মাঝে মাঝে আশঙ্কা প্রকাশ করিত ছেলেটি এইরূপ বুদ্ধদের মতই ক্ষণভঙ্গুর ক্ষণস্থায়ী হইবে। অনেক দিন পর্য্যন্ত সে কথা কহিতে এবং চলিতে শেখে নাই। তাহার বিষন্ন গম্ভীর মুখ দেখিয়া বোধ হইত, তাহার পিতামাতা তাঁহাদের অধিক বয়সের সমস্ত চিন্তাভার এই ক্ষুদ্র শিশুর মাথার উপরে চাপাইয়া দিয়া গেছেন।

দিদির যত্নে ও সেবায় নীলমণি তাহার বিপদের কাল উত্তীর্ণ হইয়া ছয় বৎসরে পা দিল।

কার্তিক মাসে ভাইফোঁটার দিনে নূতন জামা, চাদর এবং একখানি লালপেড়ে ধুতি পরাইয়া বাবু সাজাইয়া নীলমণিকে শশী ভাইফোঁটা দিতেছেন এমন সময়ে পূর্বোক্ত স্পষ্টভাবিণী প্রতিবেশিনী তারা আসিয়া কথায় কথায় শশীর সহিত ঝগড়া বাধাইয়া দিল।

সে কহিল, “গোপনে ভাইয়ের সর্বনাশ করিয়া ঘটা করিয়া ভাইয়ের কপালে ফোঁটা দিবার কোনো ফল নাই।”

শুনিয়া শশী বিস্ময়ে ক্রোধে বেদনায় বজ্রাহত হইল। অবশেষে শুনিতে পাইল, তাহারা স্বামিস্ত্রীতে পরামর্শ করিয়া নাবালক নীলমণির সম্পত্তি খাজনার দায়ে নিলাম করিয়া তাহার স্বামীর পিস্তুতো ভাইয়ের নামে বেনামী করিয়া কিনিতেছে।

শুনিয়া শশী অভিশাপ দিল, যাহারা এত বড় মিথ্যা কথা রটনা করিতে পারে তাহাদের মুখে কুষ্ঠ হোক।

এই বলিয়া সরোদনে স্বামীর নিকট উপস্থিত হইয়া জনশ্রুতির কথা তাহাকে জানাইল।

জয়গোপাল কহিল, “আজকালকার দিনে কাহাকেও বিশ্বাস করিবার জো

নাই। উপেন আমার আপন পিস্তুতো ভাই, তাহার উপরে বিষয়ের ভার দিয়া আমি সম্পূর্ণ নিশ্চিন্ত ছিলাম—সে কখন গোপনে খাজনা বাকি ফেলিয়া মহল হাসিলপুর নিজে কিনিয়া লইয়াছে আমি জানিতেও পারি নাই।

শশী আশ্চর্য্য হইয়া জিজ্ঞাসা করিল, “নালিশ করিবে না?”

জয়গোপাল কহিল, “ভাইয়ের নামে নালিশ করি কি করিয়া? এবং নালিশ করিয়াও তো কোনো ফল নাই, কেবল অর্থ নষ্ট।”

স্বামীর কথা বিশ্বাস করা শশীর পরম কর্তব্য, কিন্তু কিছুতেই বিশ্বাস করিতে পারিল না। তখন এই সুখের সংসার, এই প্রেমের গার্হস্থ্য সহসা তাহার নিকট অত্যন্ত বিকট বীভৎস আকার ধারণ করিয়া দেখা দিল! যে সংসারকে আপনার পরম আশ্রয় বলিয়া মনে হইত—হঠাৎ দেখিল সে একটা নিষ্ঠুর স্বার্থের ফাঁদ—তাহাদের দুটি ভাইবোনকে চারিদিক হইতে ঘিরিয়া ধরিয়াছে। সে একা জ্বীলোক, অসহায় নীলমণিকে কেমন করিয়া রক্ষা করিবে ভাবিয়া কুল কিনারা পাইল না। যতই চিন্তা করিতে লাগিল, ততই ভয়ে এবং ঘণায় বিপন্ন বালক ভ্রাতাটির প্রতি অপরিসীম স্নেহে তাহার হৃদয় পরিপূর্ণ হইয়া উঠিল। তাহার মনে হইতে লাগিল সে যদি উপায় জানিত তবে লাটুসাহেবের নিকট নিবেদন করিয়া, এমন কি, মহারাণীর নিকট পত্র লিখিয়া তাহার ভাইয়ের সম্পত্তি রক্ষা করিতে পারিত। মহারাণী কখনই নীলমণির বার্ষিক সাত শত আটান্ন টাকা মুনাফার হাসিলপুর মহল বিক্রয় হইতে দিতেন না।

এইরূপে শশী যখন একেবারে মহারাণীর নিকট দরবার করিয়া তাহার পিস্তুতো দেবরকে সম্পূর্ণ জব্দ করিয়া দিবার উপায় চিন্তা করিতেছে তখন হঠাৎ নীলমণির জর আসিয়া আক্ষেপ সহকারে মুচ্ছা হইতে লাগিল।

জয়গোপাল এক গ্রাম্য নেটিভ ডাক্তারকে ডাকিল। শশী ভালো ডাক্তারের জ্ঞান অনুরোধ করিতে জয়গোপাল বলিল, “কেন মতিলাল মন্দ ডাক্তার কি!”

শশী তখন তাহার পায়ে পড়িল, মাথার দিয়া দিল; জয়গোপাল বলিল, “আচ্ছা সহর হইতে ডাক্তার ডাকিতে পাঠাইতেছি।”

শশী নীলমণিকে কোলে করিয়া বুকে করিয়া পড়িয়া রহিল। নীলমণিও তাহাকে এক দণ্ড চোখের আড়াল হইতে দেখে না; পাছে কঁকি দিয়া

পালায় এই ভয়ে তাহাকে জড়াইয়া থাকে ; এমন কি, ঘুমাইয়া পড়িলেও আঁচলটি ছাড়ে না ।

সমস্ত দিন এমনি ভাবে কাটিলে সন্ধ্যার পর জয়গোপাল আসিয়া বলিল—
“সহরে ডাক্তারবাবুকে পাওয়া গেল না, তিনি দূরে কোথায় রোগী দেখিতে গিয়াছেন ।” ইহাও বলিল, “মকদ্দমা উপলক্ষে আমাকে আজই অগ্ৰত যাইতে হইতেছে ; আমি মতিলালকে বলিয়া গেলাম, সে নিয়মিত আসিয়া রোগী দেখিয়া যাইবে ।”

রাত্রে নীলমণি ঘুমের ঘোরে প্রলাপ বকিল । প্রাতঃকালেই শশী কিছুমাত্র বিচার না করিয়া রোগী ভ্রাতাকে লইয়া নৌকা চড়িয়া একেবারে সহরে গিয়া ডাক্তারের বাড়ি উপস্থিত হইল । ডাক্তার বাড়িতে আছেন—সহর ছাড়িয়া কোথাও যান নাই । ভদ্র স্ত্রীলোক দেখিয়া তিনি তাড়াতাড়ি বাসা ঠিক করিয়া একটি প্রাচীনা বিধবার তত্ত্বাবধানে শশীকে প্রতীক্ষিত করিয়া দিলেন এবং ছেলেটির চিকিৎসা আরম্ভ করিলেন ।

পরদিনই জয়গোপাল আসিয়া উপস্থিত । ক্রোধে অগ্নিমূর্তি হইয়া স্ত্রীকে তৎক্ষণাৎ তাহার সহিত ফিরিতে অনুমতি করিল ।

স্ত্রী কহিল, “আমাকে যদি কাটিয়া ফেল তবু আমি এখন ফিরিব না ; তোমরা আমার নীলমণিকে মারিয়া ফেলিতে চাও, উহার মা নাই বাপ নাই, আমি ছাড়া উহার আর কেহ নাই—আমি উহাকে রক্ষা করিব ।”

জয়গোপাল রাগিয়া কহিল, তবে “এইখানেই থাক, তুমি আর আমার ঘরে ফিরিয়ে না ।”

শশী তখন প্রদীপ্ত হইয়া উঠিয়া কহিল, “ঘর তোমার কি ! আমার ভায়েরই তো ঘর !”

জয়গোপাল কহিল—“আচ্ছা সে দেখা যাইবে !”

পাড়ার লোকে এই ঘটনায় কিছুদিন খুব আন্দোলন করিতে লাগিল । প্রতিবেশিনী তারা কহিল, “স্বামীর সঙ্গে বগড়া করিতে হয় ঘরে বসিয়া কয় না বাপু ; ঘর ছাড়িয়া যাইবার আবশ্যক কি ! হাজার হোক স্বামী তো বটে ।”

সঙ্গে যাহা টাকা ছিল সমস্ত খরচ করিয়া গহনাপত্র বেচিয়া শশী তাহার ভাইকে মৃত্যুমুখ হইতে রক্ষা করিল । তখন সে খবর পাইল দ্বারিগ্রামে

তাহাদের যে বড় জোৎ ছিল, যে জোতের উপরে তাহাদের বাড়ি, নানারূপে যাহার আয় প্রায় বার্ষিক দেড় হাজার টাকা হইবে সেই জোৎটা জমিদারের সহিত যোগ করিয়া জয়গোপাল নিজের নামে খারিজ করিয়া লইয়াছে। এখন বিষয়টি সমস্তই তাহাদের—তাহার ভাইয়ের নহে।

ব্যামো হইতে সারিয়া উঠিয়া নীলমণি করুণস্বরে বলিতে লাগিল, “দিদি বাড়ি চল।” সেখানে তাহার সঙ্গী ভাগিনেয়দের জন্ত তাহার মন কেমন করিতেছে। তাই বারম্বার বলিল, “দিদি আমাদের সেই ঘরে চল না দিদি!” শুনিয়া দিদি কাঁদিতে লাগিল। আমাদের ঘর আর কোথায়!

কিন্তু কেবল কাঁদিয়া কোনো ফল নাই, তখন পৃথিবীতে দিদি ছাড়া তাহার ভাইয়ের আর কেহ ছিল না। ইহা ভাবিয়া চোখের জল মুছিয়া শশী ডেপুটি ম্যাজিস্ট্রেট তারিণী বাবুর অন্তঃপুরে গিয়া তাঁহার স্বীকে ধরিল।

ডেপুটি বাবু জয়গোপালকে চিনিতেন। ভদ্রবরের স্ত্রী ঘরের বাহির হইয়া বিষয় সম্পত্তি লইয়া স্বামীর সহিত বিবাদে প্রবৃত্ত হইতে চাহে ইহাতে শশীর প্রতি তিনি বিশেষ বিরক্ত হইলেন। তাহাকে ভুলাইয়া রাখিয়া তৎক্ষণাৎ জয়গোপালকে পত্র লিখিলেন। জয়গোপাল স্থালকসহ তাহার স্বীকে বলপূর্বক নৌকায় তুলিয়া বাড়ি লইয়া গিয়া উপস্থিত করিল।

স্বামিস্ত্রীতে দ্বিতীয় বিচ্ছেদের পর, পুনশ্চ এই দ্বিতীয় বার মিলন হইল! প্রজাপতির নিকৰ্ণক!

অনেক দিন পরে ঘরে ফিরিয়া পুরাতন সহচরদিগকে পাইয়া নীলমণি বড় আনন্দে খেলিয়া বেড়াইতে লাগিল। তাহার সেই নিশ্চিন্ত আনন্দ দেখিয়া অন্তরে অন্তরে শশীর হৃদয় বিদীর্ণ হইল।

চতুর্থ পরিচ্ছেদ

শীতকালে ম্যাজিস্ট্রেট সাহেব মফঃস্বল পর্য্যবেক্ষণে বাহির হইয়া শিকার সন্ধানে গ্রামের মধ্যে তাঁবু ফেলিয়াছেন। গ্রামের পথে সাহেবের সঙ্গে নীলমণির সাক্ষাৎ হয়। অল্প বালকেরা তাঁহাকে দেখিয়া চাণক্য-শ্লোকের কিঞ্চিৎ

পরিবর্তন পূর্বক নথী দস্তী শৃঙ্গী প্রভৃতির সহিত সাহেবকেও যোগ করিয়া যথেষ্ট দূরে সরিয়া গেল। কিন্তু সুগভীর-প্রকৃতি নীলমণি অটল কোতূহলের সহিত প্রশান্তভাবে সাহেবকে নিরীক্ষণ করিয়া দাঁতের দাঁত লাগিল।

সাহেব সকোতুকে কাছে আসিয়া তাহাকে জিজ্ঞাসা করিলেন—“তুমি পাঠশালায় পড়?”

বালক নীরবে মাথা নাড়িয়া জানাইল, “হাঁ।”

সাহেব জিজ্ঞাসা করিলেন—“তুমি কোন পুস্তক পড়িয়া থাক?”

নীলমণি পুস্তক শব্দের অর্থ না বুঝিয়া নিস্কলভাবে ম্যাজিষ্ট্রেটের মুখের দিকে চাহিয়া রহিল।

ম্যাজিষ্ট্রেট সাহেবের সহিত এই পরিচয়ের কথা নীলমণি অত্যন্ত উৎসাহের সহিত তাহার দিদির নিকট বর্ণনা করিল।

মধ্যাহ্নে চাপ্কান্ প্যান্টলুন পাগড়ি পরিয়া জয়গোপাল ম্যাজিষ্ট্রেটকে সেলাম করিতে গিয়াছে। অর্থাৎ প্রত্যর্থী চাপরাঙ্গা কনুষ্ঠেবলে চারিদিক লোকারণ্য। সাহেব গরমের ভয়ে তাবুর বাহিরে থোলা ছায়ায় ক্যাম্পটেবিল পাতিয়া বসিয়াছেন এবং জয়গোপালকে চোকিতে বসাইয়া তাহাকে স্থানীয় অবস্থা জিজ্ঞাসা করিতেছিলেন। জয়গোপাল তাহার গ্রামবাসী সর্বসাধারণের সমক্ষে এই গৌরবের আসন অধিকার করিয়া মনে মনে ক্ষীত হইতেছিল এবং মনে করিতেছিল এই সময়ে চক্রবর্তীরা এবং নন্দীরা কেহ আসিয়া দেখিয়া যায় তো বেশ হয়।

এমন সময় নীলমণিকে সঙ্গে করিয়া অবগুণ্ঠনাবৃত একটি স্ত্রীলোক একেবারে ম্যাজিষ্ট্রেটের সম্মুখে আসিয়া দাঁড়াইল। কহিল, “সাহেব, তোমার হাতে আমার এই অনাথ ভাইটিকে সমর্পণ করিলাম, তুমি ইহাকে রক্ষা কর।”

সাহেব তাঁহার সেই পূর্বপরিচিত বৃহৎমস্তক গভীরপ্রকৃতি বালকটিকে দেখিয়া এবং স্ত্রীলোকটিকে ভদ্রস্ত্রীলোক বলিয়া অনুমান করিয়া তৎক্ষণাৎ উঠিয়া দাঁড়াইলেন—কহিলেন, “আপনি তাঁবুতে প্রবেশ করুন।”

স্ত্রীলোকটি কহিল, “আমার যাহা বলিবার আছে আমি এইখানেই বলিব।”

জয়গোপাল বিবর্ণমুখে ছটফট করিতে লাগিল। কোতূহলী গ্রামের

লোকেরা পরম কৌতুক অনুভব করিয়া চারিদিকে ঘেঁষিয়া আসিবার উপক্রম করিল। সাহেব বেত উচাইবামাত্র সকলে দৌড় দিল।

তখন শশী তাহার ত্রাতার হাত ধরিয়া সে পিছুমাতৃহীন বালকের সমস্ত ইতিহাস আত্মোপাস্ত বলিয়া গেল। জয়গোপাল মধ্যে মধ্যে বাধা দিবার উপক্রম করাতে ম্যাজিষ্ট্রেট রক্তবর্ণ মুখে গর্জন করিয়া বলিয়া উঠিলেন—“চুপ্ রও!” এবং বেত্রাঘ্র দ্বারা চোঁকি ছাড়িয়া সন্মুখে দাঁড়াইতে নির্দেশ করিয়া দিলেন।

জয়গোপাল মনে মনে শশীর প্রতি গর্জন করিতে করিতে চুপ্ করিয়া দাঁড়াইয়া রহিল। নীলমণি দিদির অত্যন্ত কাছে বেঁধিয়া আবাক্ হইয়া দাঁড়াইয়া শুনিতে লাগিল।

শশীর কথা শেষ হইলে ম্যাজিষ্ট্রেট জয়গোপালকে গুটিকতক প্রশ্ন করিলেন এবং তাহার উত্তর শুনিয়া অনেকক্ষণ চুপ করিয়া থাকিয়া শশীকে সম্বোধনপূর্বক কহিলেন—“বাছা, এ মকদ্দমা যদিও আমার কাছে উঠিতে পারে না তথাপি তুমি নিশ্চিন্ত থাক—এ-সম্বন্ধে যাহা কর্তব্য আমি করিব। তুমি তোমার ভাইটিকে লইয়া নির্ভয়ে বাড়ি ফিরিয়া যাইতে পার!”

শশী কহিল—“সাহেব, যতদিন নিজের বাড়ি ও না ফিরিয়া পায়, ততদিন আমার ভাইকে বাড়ি লইয়া যাইতে আমি সাহস করি না। এখন নীলমণিকে তুমি নিজের কাছে না রাখিলে ইহাকে কেহ রক্ষা করিতে পারিবে না।”

সাহেব কহিলেন, “তুমি কোথায় যাইবে?”

শশী কহিল, “আমি আমার স্বামীর ঘরে ফিরিয়া যাইব, আমার কোনো ভাবনা নাই।”

সাহেব জীবৎ হাসিয়া অগত্যা এই গলায় মাহুলি-পরা কুশকার্য শ্রামবর্ণ গম্ভীর প্রশান্ত মুহূর্ত্তভাব বাঙালীর ছেলেটিকে সঙ্গে লইতে রাজি হইলেন।

তখন শশী বিনায় লইবার সময় বালক তাহার আঁচল চাপিয়া ধরিল। সাহেব কহিলেন, “বাবা, তোমার কোনো ভয় নেই—এস!”

ঘোমটার মধ্য হইতে অবিরল অশ্রু মোচন করিতে করিতে শশী কহিল—
“লক্ষ্মী ভাই, বা ভাই—আবার তোর দিদির সঙ্গে দেখা হবে!”

এই বলিয়া তাহাকে আলিঙ্গন করিয়া তাহার মাথায় পিঠে হাত বুলাইয়া কোনোমতে আপন অঞ্চল ছাড়াইয়া তাড়াতাড়ি সে চলিয়া গেল; অমনি সাহেব নৌলমণিকে বাম হস্তের দ্বারা বেষ্টন করিয়া ধরিলেন, সে দিদিগো দিদি করিয়া উচ্চৈঃস্বরে ক্রন্দন করিতে লাগিল;—শশী একবার ফিরিয়া চাহিয়া দূর হইতে প্রসারিত দক্ষিণ হস্তে তাহার প্রতি নীরবে সাঙ্গনা প্রেরণ করিয়া বিদীর্ণ হৃদয়ে চলিয়া গেল।

আবার সেই বহুকালের চিরপরিচিত পুরাতন ঘরে স্বামিস্ত্রীর মিলন হইল। প্রজাপতির নির্বন্ধ!

কিন্তু এ মিলন অধিকদিন স্থায়ী হইল না। কারণ, ইহার অনতিকাল পরেই একদিন প্রাতঃকালে গ্রামবাসিগণ সংবাদ পাইল যে, রাত্রে শশী ওলাউঠা রোগে আক্রান্ত হইয়া মরিয়াছে—এবং রাত্রেই তাহার দাহক্রিয়া সম্পন্ন হইয়া গেছে।

বিদায়কালে শশী ভাইকে কথা দিয়া গিয়াছিল আবার দেখা হইবে—সেকথা কোন্‌খানে রক্ষা হইয়াছে জানি না।

(১৩০১—চৈত্র)

শুভদৃষ্টি

কাস্তিচন্দ্রের বয়স অল্প, তথাপি জীবনযোগের পর দ্বিতীয় জীবন অনুসন্ধানের কাস্তি থাকিয়া পশু পক্ষী শিকারেই মনোনিবেশ করিয়াছেন। দীর্ঘ কৃশ কঠিন লঘু শরীর, তীক্ষ্ণ দৃষ্টি, অব্যর্থ লক্ষ্য, সাজসজ্জায় পশ্চিমদেশীর মত, সঙ্গে সঙ্গে কুস্তিগির হীরা সিং, চক্কনলাল, এবং গাইয়ে বাজিয়ে খাঁ সাহেব, মিঞা সাহেব ফিরিয়া থাকে ; অকস্মাৎ অশুচর পরিচরেরও অভাব নাই।

দুই চারিজন শিকারী বন্ধুবান্ধব লইয়া অস্ত্রাণের মাঝা-মাঝি কাস্তিচন্দ্র নৈদীঘির বিলের ধারে শিকার করিতে গিয়াছেন। নদীতে দুইটি বড় বোটো তাঁহাদের বাস, আরো গোটা তিন চার নৌকায় চাকর বাকরের দল গ্রামের ঘাট বিরিয়া বসিয়া আছে। গ্রাম-বধূদের জলতোলা, স্নান করা প্রায় বন্ধ। সমস্ত দিন বন্দুকের আওয়াজে জলস্থল কম্পমান, সন্ধ্যাবেলায় ওস্তাদীগলার তানকর্ত্তবে পল্লীর নিদ্রা তল্লা তিরোহিত।

একদিন সকালে কাস্তিচন্দ্র বোটো বসিয়া বন্দুকের চোঙ স্বহস্তে পরিষ্কার করিতেছেন এমন সময় অনতিদূরে হাঁসের ডাক শুনিয়া চাহিয়া দেখিলেন একটি বালিকা দুই হাতে দুইটি ভুরুণ হাঁস বক্ষে চাপিয়া ধরিয়া ঘাটে আনিয়াছে। নদীটি ছোট, প্রায় শ্রোতহীন, নানা জাতীয় শৈবালে ভরা। বালিকা হাঁস দুইটিকে জলে ছাড়িয়া দিয়া একেবারে আয়ত্তের বাহিরে না যায় এই ভাবে ত্রস্ত সতর্ক স্নেহে তাহাদের আগলাইবার চেষ্টা করিতেছে। এটুকু বুঝা গেল, অল্প

দিন সে তাহার হাঁস জলে ছাড়িয়া দিয়া চলিয়া যাইত, কিন্তু সম্প্রতি শিকারীর ভয়ে নিশ্চিন্ত চিন্তে রাখিয়া যাইতে পারিতেছে না।

মেয়েটির সৌন্দর্য্য নিরতিশয় নবীন,—যেন বিশ্বকর্মা তাহাকে সত্তা নিৰ্ম্মাণ করিয়া ছাড়িয়া দিয়াছেন। বয়স ঠিক করা শক্ত। শরীরটি বিকশিত কিন্তু মুখটি এমন কাঁচা যে সংসার কোথাও যেন তাহাকে লেশ মাত্র স্পর্শ করে নাই। সে যে ঘোবনে পা ফেলিয়াছে এখনো নিজের কাছে সে খবরটি তাহার পৌছে নাই।

কাস্তিচন্দ্র ক্ষণকালের জন্ত বন্দুক সাফ করায় ঢিল দিলেন। তাঁহার চমক লাগিয়া গেল। এমন জায়গায় এমন মুখ দেখিবেন বলিয়া কখনো আশা করেন নাই। অঞ্চ রাজার অন্তঃপুরের চেয়ে এই জায়গাতেই এই মুখখানি মানাইয়াছিল। সোনার ফুলদানীর চেয়ে গাছেই ফুলকে সাজে। সেদিন শরতের শিশিরে এবং প্রভাতের রোদ্দে নদীতীরে বিকশিত কাশবনটি ঝলমল করিতেছিল, তাহারি মধ্যে সেই সরল নবীন মুখখানি কাস্তিচন্দ্রের মুগ্ধ চক্ষে আশ্বিনের আসন্ন আগমনীর একটি আনন্দচ্ছবি আঁকিয়া দিল। মন্দাকিনীতীরে তরুণ পার্বতী কখনো কখনো এমন হংস-শিশু বক্ষে লইয়া আসিতেন, কালিদাস সে কথা লিখিতে ভুলিয়াছেন।

এমন সময় হঠাৎ মেয়েটি ভীতব্রজ হইয়া কাদ-কাদ মুখে তাড়াতাড়ি হাঁস ছুটিকে বুকে তুলিয়া লইয়া অব্যক্ত আশ্রয়ের ঘাট ত্যাগ করিয়া চলিল। কাস্তিচন্দ্র কারণ সন্ধানে বাহিরে আসিয়া দেখিলেন তাঁহার একটি রমিক পারিষদ কোতুক করিয়া বালিকাকে ভয় দেখাইবার জন্ত হাঁসের দিকে ফাঁকা বন্দুক লক্ষ্য করিতেছে। কাস্তিচন্দ্র পশ্চাৎ হইতে বন্দুক কাড়িয়া লইয়া হঠাৎ তাহার গালে সশব্দে প্রকাণ্ড একটি চপেটাবাত করিলেন, অকস্মাৎ রসভঙ্গ হইয়া লোকটা সেইখানে ধপ্ করিয়া বসিয়া পড়িল। কাস্তি পুনরায় কামরায় আসিয়া বন্দুক সাফ করিতে লাগিলেন।

কোতুহলী কাস্তিচন্দ্র পাখীর সন্ধানে ঝোপঝাড় ভেদ করিয়া ভিতরে গিয়া দেখিলেন একটি সচ্ছল গৃহস্থের-ঘর, প্রাঙ্গণে সারি-সারি ধানের গোলা। পরিচ্ছন্ন বৃহৎ গোমালঘরের পাশে কুলগাছতলায় বসিয়া সকালবেলাকার সেই মেয়েটি একটি আহত ঘুঘু বুকের কাছে তুলিয়া উচ্ছ্বসিত হইয়া কাঁদিতেছে এবং গামলার জলে

অঞ্চল ভিজাইয়া পাখীর চঞ্চুপুটের মধ্যে জল নিংড়াইয়া দিতেছে। পোষা বিড়ালটা তাহার কোলের উপর দুই পা তুলিয়া উর্দ্ধমুখে ঘুঘুটির প্রতি উৎসুক দৃষ্টিপাত করিতেছে ; বালিকা মধ্যে মধ্যে তাহার নাসিকাগ্রভাগে তর্জনী আঘাত করিয়া লুন্ধ জন্তুর অতিরিক্ত অংগ্রহ দমন করিয়া দিতেছে।

পল্লীর নিস্তরূ মধ্যাহ্নে একটি গৃহস্থ প্রান্সনের সচ্ছল শাস্ত্রের মধ্যে এই করুণচ্ছবি একমুহূর্ত্তেই কাস্তিচন্দ্রের হৃদয়ের মধ্যে আঁকা হইয়া গেল। বিরল-পল্লব গাছটির ছায়া ও রোদ্র বালিকার ক্রোড়ের উপর আসিয়া পড়িয়াছে, অদূরে আহার-পরিহৃত্ত পরিপুষ্ট গাভী আলস্তে মাটিতে বসিয়া শৃঙ্গ ও পুচ্ছ আন্দোলনে পিঠের মাছি তাড়াইতেছে, মাঝে মাঝে বাঁশের ঝাড়ে ফিস্ ফিস্ কথার মত নূতন উত্তর বাতাসে থস্ থস্ শব্দ উঠিতেছে। সেদিন প্রভাতে নদীতীরে বনের মধ্যে বাহাকে বনশ্রীর মত দেখিতে হইয়াছিল, আজ মধ্যাহ্নে নিস্তরূ গোষ্ঠপ্রাঙ্গণচ্ছায়ায় তাহাকে স্নেহবিগলিত গৃহলক্ষ্মীটির মত দেখিতে হইল।

কাস্তিচন্দ্র বন্দুক হস্তে হঠাৎ এই বালিকার সম্মুখে আসিয়া অত্যন্ত কুণ্ঠিত হইয়া পড়িলেন। মনে হইল যেন বামালসুন্ধ চোর ধরা পড়িলাম। পাখীটি যে গুলিতে আহত হয় নাই কোনো প্রকারে এই কৈফিয়ৎটুকু দিতে ইচ্ছা হইল। কেমন করিয়া কথাটা পাড়িবেন ভাবিতেছেন, এমন সময় কে ডাকিল “সুধা !” বালিকা যেন চমকিত হইয়া উঠিল। আবার ডাক পড়িল “সুধা !” তখন সে তাড়াতাড়ি পাখীটি লইয়া কুটার মুখে চলিয়া গেল। কাস্তিচন্দ্র ভাবিলেন, নামটি উপযুক্ত বটে ! সুধা !

কাস্তি তখন দলের লোকের হাতে বন্দুক রাখিয়া সদর পথ দিয়া সেই কুটারের দ্বারে আসিয়া উপস্থিত হইলেন। দেখিলেন একটি প্রৌঢ়বয়স্ক মুণ্ডিতমুখ শাস্ত্রমূর্ত্তি ব্রাহ্মণ দাওয়ায় বসিয়া হরিভক্তিবিলাস পাঠ করিতেছেন। ভক্তি-মণ্ডিত তাঁহার মুখের স্নগভীর স্নিগ্ধ প্রশান্ত ভাবের সহিত কাস্তিচন্দ্র সেই বালিকার দয়ার্দ্র মুখের সাদৃশ্য অমুভব করিলেন।

কাস্তি তাঁহাকে নমস্কার করিয়া কহিলেন, “ভূষণ পাইয়াছে ঠাকুর, এক ঘটি জল পাইতে পারি কি ?” ব্রাহ্মণ তাড়াতাড়ি তাঁহাকে অভ্যর্থনা করিয়া বসাইলেন এবং ভিতর হইতে পিতলের রেকাবিতে কয়েকটি বাতাসা ও কাঁসার ঘটিতে জল লইয়া স্বহস্তে অতিথির সম্মুখে রাখিলেন।

কান্তি জল খাইলে পর ব্রাহ্মণ তাঁহার পরিচয় নইলেন। কান্তি পরিচয় দিয়া কহিলেন, “ঠাকুর, আপনার যদি কোনো উপকাব করিতে পারি তো কৃতার্থ হই।”

নবীন বাড়ুর্খো কহিলেন, “বাবা, আমার আর কি উপকার করিবে। তবে সুখা বলিয়া আমার একটি কত্তা আছে তাহার বয়স হইতে চলিল, তাহাকে একটি সংপাত্রে দান করিতে পারিলেই সংসারের ঋণ হইতে মুক্তিলাভ করি। কাছে কোথাও ভালো ছেলে দেখি না, দূরে সন্ধান করিবার মত সামর্থ্যও নাই, ঘরে গোপীনাথের বিগ্রহ আছে তাঁহাকে ফেলিয়া কোথাও যাই না।”

কান্তি কহিলেন, “আপনি নোকায় আমার সহিত সাক্ষাৎ করিলে পাত্র সম্বন্ধে আলোচনা করিব।”

এদিকে কান্তির প্রেরিত চরগণ বন্যোপাধ্যায়ের কত্তা সুখার কথা যাহাকেই জিজ্ঞাসা করিল সকলেই একবাক্যে কহিল, এমন লক্ষ্মীস্বভাবা কত্তা আর হয় না।

পরদিন নবীন বাটে উপস্থিত হইলে কান্তি তাঁহাকে ভূমিষ্ঠ হইয়া প্রণাম করিলেন এবং জানাইলেন তিনিই ব্রাহ্মণের কত্তাকে বিবাহ করিতে ইচ্ছুক আছেন। ব্রাহ্মণ এই অভাবনীয় সৌভাগ্যে রুদ্ধ কণ্ঠে কিছুক্ষণ কথাই কহিতে পারিলেন না।

মনে করিলেন, কিছু একটা ভ্রম হইয়াছে। কহিলেন “আমার কত্তাকে তুমি বিবাহ করিবে?”

কান্তি কহিলেন, “আপনার যদি সম্মতি থাকে আমি প্রস্তুত আছি।”

নবীন জিজ্ঞাসা করিলেন, “সুখাকে?”—উত্তরে শুনিলেন “হাঁ”।

নবীন স্থিরভাবে কহিলেন, “তা দেখা শোনা,—

কান্তি, যেন দেখেন নাই, ভান করিয়া কহিলেন, “সেই একবারে শুভদৃষ্টির সময়।”

নবীন গদগদকণ্ঠে কহিলেন, “আমার সুখা বড় স্থূলীলা মেয়ে, রাঁধাবাড়ী ঘরকন্নার কাজে অদ্বিতীয়। তুমি যেমন না দেখিয়াই তাহাকে বিবাহ করিতে প্রস্তুত হইয়াছ তেমনই অশীর্বাদ করি আমার সুখা পতিব্রতা সতীলক্ষ্মী হইয়া চিরকাল তোমার মঙ্গল করুক! কখন মুহূর্তের জন্ত তোমার পরিতাপের কারণ না ঘটুক।”

কাস্তি আর বিলম্ব করিতে চাহিলেন না, মাঘ মাসেই বিবাহ স্থির হইয়া গেল।
পাড়ার মজুমদারদের পুরাতন কোঠা বাড়িতে বিবাহের স্থান নির্দিষ্ট হইয়াছে। বর হাতী চড়িয়া মশাল জ্বালাইয়া বাজনা বাজাইয়া যথাসময়ে উপস্থিত।
সুভদৃষ্টির সময় বর কল্লার মুখের দিকে চাহিলেন। নতশির টোপর-পরা চন্দন-চর্চিত স্ত্রীকে ভালো করিয়া যেন দেখিতে পাইলেন না। উদ্বেলিত হৃদয়ের আনন্দে চোখে যেন ধাঁধা লাগিল।

বাসরঘরে পাড়ার সরকারী ঠানুদিদি যখন বরকে দিয়া জোর করিয়া মেয়ের ঘোমটা খোলাইয়া দিলেন তখন কাস্তি হঠাৎ চমকিয়া উঠিলেন।

এ তো সে মেয়ে নয়! হঠাৎ বকের কাছ হইতে একটা কালো বজ্র উঠিয়া তাহার মস্তিষ্কে যেন আঘাত করিল—মুহূর্ত্তে বাসরঘরের সমস্ত প্রদীপ যেন অন্ধকার হইয়া গেল এবং সেই অন্ধকারপ্লাবনে নববধূর মুখখানিকেও যেন কালিমালিপ্ত করিয়া দিল।

কাস্তিচন্দ্র দ্বিতীয়বার বিবাহ করিবেন না বলিয়া মনে মনে প্রতিজ্ঞা করিয়াছিলেন; সেই প্রতিজ্ঞা কি এমনি একটা অদ্ভুত পরিহাসে অদৃষ্ট-তুড়ি দিয়া ভাঙিয়া দিল! কত ভালো ভালো বিবাহের প্রস্তাব অগ্রাহ্য করিয়াছেন, কত বন্ধুবান্ধবের সাহসনয় অনুরোধ অবহেলা করিয়াছেন; উচ্চ কুটুম্বিতার আকর্ষণ, অর্থের প্রলোভন, রূপখ্যাতির মোহ সমস্ত কাটাইয়া অবশেষে কেবল এক অজ্ঞাত পল্লীগ্রামে বিলের ধারে এক অজ্ঞাত দরিদ্রের ঘরে এত বড় বিড়ম্বনা! লোকের কাছে মুখ দেখাইবেন কি করিয়া।

স্বপ্নের উপরে প্রথমটা রাগ হইল। প্রতারক এক মেয়ে দেখাইয়া আর এক মেয়ের সহিত আমার বিবাহ দিল। কিন্তু ভাবিয়া দেখিলেন, নবীন তো তাঁহাকে বিবাহের পূর্বে কত দেখান নাই—তিনি নিজেই দেখিতে অসম্মত হইয়াছিলেন। বুদ্ধির দোষে যে এত বড় ঠকাটা ঠকিয়াছেন সে লজ্জার কথাটা কাহারো কাছে প্রকাশ না করাই শ্রেয়ঃ বিবেচনা করিলেন।

ঔষধ যেন গিলিলেন কিন্তু মুখের তারটা বিগড়িয়া গেল। বাসরঘরের ঠাট্টা আমোদ কিছুই তাহার কাছে রুচিল না। নিজের এবং সর্বসাধারণের প্রতি রাগে তাঁহার সর্বদা অলিতে লাগিল।

এমন সময় হঠাৎ তাঁহার পশ্চর্বর্ত্তিনী বধূ অব্যক্ত ভীত স্বরে চমকিয়া উঠিল।

সহসা তাহার কোলের কাছে দিয়া একটা খরগোসের বাচ্চা ছুটিয়া গেল। পরক্ষণেই সেদিনকার সেই মেয়েটি শশকশিশুর অনুসরণ পূর্বক তাহাকে ধরিয়া গালের কাছে রাখিয়া একান্ত স্নেহে আদর করিতে লাগিল। “ঐ রে পাগলী আসিয়াছে” বলিয়া সকলে তাহাকে চলিয়া যাইতে ইঙ্গিত করিল। সে ভ্রক্ষেপ মাত্র না করিয়া ঠিক বরকত্তার সম্মুখে বসিয়া শিশুর মত কৌতূহলে কি হইতেছে দেখিতে লাগিল। বাড়ির কোনো দাসী তাহাকে ধরিয়া লইবার চেষ্টা করিলে বর ব্যস্ত হইয়া কহিলেন, “আহা, থাক না, বন্ধু!”

মেয়েটিকে জিজ্ঞাসা করিলেন, “তোমার নাম কি?”

সে উত্তর না দিয়া ছলিতে লাগিল। ঘরসুদ্ধ রমণী হাসিয়া উঠিল।

কাস্তি আবার জিজ্ঞাসা করিলেন, “তোমার হাঁস ছুটি কত বড় হইল!”

অসঙ্কোচে মেয়েটি নীরবে তাহার মুখের দিকে চাহিয়া দেখিতে লাগিল।

হতবুদ্ধি কাস্তি সাহস পূর্বক আবার জিজ্ঞাসা করিলেন, “তোমার সেই ঘুঘু আরাম হইয়াছে তো?” কোনো ফল পাইলেন না। মেয়েরা এমন ভাবে হাসিতে লাগিল যেন বর ভারি ঠকিয়াছেন।

অবশেষে প্রশ্ন করিয়া খবর পাইলেন—মেয়ে কালা এবং বোবা পাড়ার যত গুপ্তপক্ষীর সঙ্গিনী। সেদিন যে সুখ ডাক শুনিয়া উঠিয়া ঘরে গিয়াছিল সে তাহার অনুমান মাত্র, তাহার আর কোনো কারণ ছিল।

কাস্তি তখন মনে মনে চমকিয়া উঠিলেন। যাহা হইতে বঞ্চিত হইয়া পৃথিবীতে তাহার কোনো সুখ ছিল না, শুভ দৈবক্রমে তাহার নিকট হইতে পরিজ্ঞাপন পাইয়া নিজেকে ধন্ত জ্ঞান করিলেন। মনে করিলেন যদি এই মেয়েটির বাপের কাছে যাইতাম এবং সে ব্যক্তি আমার প্রার্থনা অনুসারে কত্যাটীকে কোনো মতে আমার হাতে সমর্পণ করিয়া নিষ্কৃতি লাভের চেষ্টা করিত।

যতক্ষণ আশ্বস্তচ্যুত এই মেয়েটির মোহ তাহার মনটিকে আলোড়িত করিতেছিল, ততক্ষণ নিজের বধূটি সম্বন্ধে একেবারে অন্ধ হইয়াছিলেন। নিকটেই আর কোথাও কিছু সাঙ্ঘ্যনার কারণ ছিল কি না তাহা অনুসন্ধান করিয়া দেখিবার প্রবৃত্তিও ছিল না। যেই শুনিলেন মেয়েটি বোবা ও কালা অমনি সমস্ত জগতের উপর হইতে একটা কালো পর্দা ছিন্ন হইয়া পড়িয়া গেল। দূরের আশা দূর হইয়া নিকটের জিনিষগুলি প্রত্যক্ষ হইয়া উঠিল। সুগভীর পরিজ্ঞানের নিশ্বাস

ফেলিয়া কাস্তি লজ্জাবনত বধূর মুখের দিকে কোনো এক সুযোগে চাহিয়া দেখিলেন। এতক্ষণে যথার্থ শুভদৃষ্টি হইল। চন্দ্রচকুর অন্তরালবর্তী মনোনেত্রের উপর হইতে সমস্ত বাধা খসিয়া পড়িল। হৃদয় হইতে এবং প্রদীপ হইতে সমস্ত আলোক বিচ্ছুরিত হইয়া একটি মাত্র কোমল স্নকুমার মুখের উপরে প্রতিফলিত হইল, কাস্তি দেখিলেন, একটি স্নিগ্ধ শ্রী একটি শাস্ত লাবণ্যে মুখখানি মণ্ডিত। বুঝিলেন, নবীনের আশীর্বাদ সার্থক হইবে।

(* ১৩০১)

মানভঞ্জন

প্রথম পরিচ্ছেদ

রমানাথ শীলের ত্রিতল অট্টালিকায় সর্বোচ্চ তলের ঘরে গোপীনাথ শীলের স্ত্রী গিরিবালা বাস করে। শয়নকক্ষের দক্ষিণ দ্বারের সম্মুখে ফুলের টবে গুটিকতক বেলফুল গোলাপফুলের গাছ ;—ছাতটি উচ্চ প্রাচীর দিয়া ঘেরা—বহির্দৃশ্য দেখিবার জন্ত প্রাচীরের মাঝে মাঝে একটি করিয়া ইট ফাঁক দেওয়া আছে। শোবার ঘরে নানা বেশ এবং বিবেশ বিশিষ্ট বিলাতী নারীমূর্তির বাধানো এন্ট্রেভিং টাঙানো ; কিন্তু প্রবেশদ্বারের সম্মুখবর্তী বৃহৎ আয়নার উপরে ষোড়শী গৃহস্বামিনীর যে প্রতিবিম্বটি পড়ে, তাহা দেওয়ালের কোনো ছবি অপেক্ষা সৌন্দর্য্যে ন্যূন নহে।

গিরিবালার সৌন্দর্য্য অকস্মাৎ আলোকরশ্মির স্থায়, বিন্ময়ের স্থায়, নিদ্রাভঞ্জে চেতনার স্থায় একেবারে চকিতে আসিয়া আঘাত করে এবং এক আঘাতে অভিভূত করিয়া দিতে পারে। তাহাকে দেখিলে মনে হয় ইহাকে দেখিবার জন্ত প্রস্তুত ছিলাম না। চারিদিকে এবং চিরকাল যেরূপ দেখিয়া আসিতেছি এ একেবারে হঠাৎ তাহা হইতে অনেক স্বতন্ত্র।

গিরিবালাও আপন লাবণ্যোচ্ছ্বাসে আপনি আত্মোপাস্ত তরঙ্গিত হইয়া উঠিয়াছে। মদের ফেনা যেমন পাত্র ছাপিয়া পড়িয়া যায়, নবযৌবন এবং নবীন সৌন্দর্য্য তাহার সর্ব্বাঙ্গে তেমনি ছাপিয়া পড়িয়া বাইতেছে,—তাহার বসনে,

ভূষণে, গমনে, তাহার বাহুর বিক্ষেপে, তাহার গ্রীবার ভঙ্গীতে, তাহার চঞ্চল চরণের উদ্দাম ছন্দে, নুপুরনিক্ষেপে, কঙ্কণের কিকিণীতে, তরল হাস্তে, ক্ষিপ্তভাষায়, উজ্জ্বল কটাক্ষে একেবারে উচ্ছ্বল ভাবে উদ্বেলিত হইয়া উঠিতেছে।

আপন সর্ব্বাঙ্গের এই উচ্ছলিত মদিররসে গিরিবালায় একটা নেশা লাগিয়াছে। প্রায় দেখা যাইত, একখানি কোমল রঙীন বস্ত্রে আপনার পরিপূর্ণ দেহখানি জড়াইয়া সে ছাদের উপরে অকারণে চঞ্চল হইয়া বেড়াইতেছে। যেন মনের ভিতরকার কোনো এক অশ্রুত অব্যক্ত সঙ্গীতের তালে তালে তাহার অঙ্গ প্রত্যঙ্গ নৃত্য করিতে চাহিতেছে। আপনার অঙ্গকে নানা ভঙ্গীতে উৎক্লিপ্ত বিক্লিপ্ত প্রক্লিপ্ত করিয়া তাহার যেন বিশেষ কি এক আনন্দ আছে ;— সে যেন আপন সৌন্দর্য্যের নানা ঢেউ তুলিয়া দিয়া সর্ব্বাঙ্গের উত্তপ্ত রক্তশ্রোতে অপূর্ণ পুলক সহকারে বিচিত্র আঘাত প্রতিঘাত অনুভব করিতে থাকে। সে হঠাৎ গাছ হইতে পাতা ছিঁড়িয়া দক্ষিণ বাহু আকাশে তুলিয়া সেটা বাতাসে উড়াইয়া দেয়—অমনি তাহার বালা বাজিয়া উঠে, তাহার অঞ্চল বিস্তৃত হইয়া পড়, তাহার সুললিত বাহুর ভঙ্গীটি পিঞ্জরযুক্ত অদৃশ্য পাখীর মত অনন্ত আকাশের মেঘরাজ্যের অভিমুখে উড়িয়া চলিয়া যায়। হঠাৎ সে টব হইতে একটা মাটির ঢেলা তুলিয়া অকারণে ছুঁড়িয়া ফেলিয়া দেয় ; চরণাঙ্গুলির উপর ভর দিয়া উচ্চ হইয়া দাঁড়াইয়া প্রাচীরের ছিদ্র দিয়া বৃহৎ বহির্জগৎটা একবার চট্ করিয়া দেখিয়া লয়—আবার ঘুরিয়া আঁচল ঘুরাইয়া চলিয়া আসে, আঁচলের চাবির গোছা বিন্ বিন্ করিয়া বাজিয়া উঠে। হয় তো আয়নার সম্মুখে গিয়া খোঁপা খুলিয়া ফেলিয়া অসময়ে চুল বাঁধিতে বসে ; চুল বাঁধবার দড়ি দিয়া কেশমূল বেঁধন করিয়া সেই দড়ি কুন্দদন্তপংক্তিতে দংশন করিয়া ধরে, দুই বাহু উর্দ্ধে তুলিয়া মস্তকের পশ্চাতে বেণীগুলিকে দৃঢ় আকর্ষণে কুণ্ডলায়িত করে—চুল বাঁধা শেষ করিয়া হাতের সমস্ত কাজ ফুরাইয়া যায়—তখন সে আলস্তভরে কোমল বিছানার উপরে আপনাকে পত্রাস্তরালচ্যুত একটি জ্যোৎস্নালেখার মত বিস্তীর্ণ করিয়া দেয়।

তাহার সম্মানাদি নাই, ধনিগৃহে তাহার কোনো কাজকর্ম্মও নাই—সে কেবল নির্জ্জনে প্রতিদিন আপনার মধ্যে আপনি সঞ্চিত হইয়া শেষকালে আপনাকে আর ধারণ করিয়া রাখিতে পারিতেছে না। স্বামী আছে

কিন্তু তাহার আশ্বস্তের মধ্যে নাই। গিরিবালা বালাকাল হঠতে যোবনে এমন পূর্ণবিকশিত হইয়া উঠিয়াও কেমন করিয়া তাহার স্বামীর চক্ষু এড়াইয়া গেছে।

বরঞ্চ বালাকালে সে তাহার স্বামীর আদর পাইয়াছিল। স্বামী তখন ইস্কুল পালাইয়া তাহার সুপ্ত অভিভাবকদিগকে বঞ্চনা করিয়া নিৰ্জ্জন মধ্যাহ্নে তাহার বালিকা স্ত্রীর সহিত প্রণয়লাপ করিতে আসিত। এক বাড়িতে থাকিয়াও সৌখিন চিঠির কাগজে স্ত্রীর সহিত চিঠিপত্র লেখালেখি করিত। ইস্কুলের বিশেষ বন্ধুদিগকে সেই সমস্ত চিঠি দেখাইয়া গৰ্ব্ব অমুভব করিত। তুচ্ছ এবং কলিত কারুণ্যে স্ত্রীর সহিত মান অভিমানেরও অসম্ভাব ছিল না।

এমন সময়ে বাপের মৃত্যুতে গোপীনাথ স্বয়ং বাড়ির কর্তা হইয়া উঠিল। কাঁচা কাঠের তক্তায় শীত পোকা ধরে—কাঁচা বয়সে গোপীনাথ যখন স্বাধীন হইয়া উঠিল তখন অনেকগুলি জীবজন্তু তাহার স্বন্ধে বাসা করিল। তখন ক্রমে অন্তঃপুরে তাহার গতিবিধি হ্রাস হইয়া অল্প প্রসারিত হইতে লাগিল।

দলপতিত্বের একটা উত্তেজনা আছে, মানুষের কাছে মানুষের নেশাটা অত্যন্ত বেশি। অসংখ্য মনুষ্যজীবন এবং সুবিস্তীর্ণ ইতিহাসের উপর আপন প্রভাব বিস্তার করিবার প্রতি নেপোলিয়নের যে একটা প্রবল আকর্ষণ ছিল—একটি ছোট বৈঠকখানার ছোট কর্তাটিরও নিজের ক্ষুদ্র দলের নেশা অল্পতর পরিমাণে সেই এক জাতীয়। সামান্য ইয়ার্কিবন্ধনে আপনার চারিদিকে একটা লক্ষ্মীছাড়া ইয়ারমণ্ডলী সৃজন করিয়া তুলিলে তাহাদের উপর আধিপত্য এবং তাহাদের নিকট হইতে বাহবা লাভ করা একটা প্রচণ্ড উত্তেজনার কারণ হইয়া দাঁড়ায়; সেজন্য অনেক লোক বিষয়-নাশ, ঋণ, কলঙ্ক সমস্তই স্বীকার করিতে প্রস্তুত হয়।

গোপীনাথ তাহার ইয়ার-সম্প্রদায়ের অধ্যক্ষ হইয়া ভারি মাতিয়া উঠিল। সে প্রতিদিন ইয়ার্কির নব নব কৌশল নব নব গৌরবলাভ করিতে লাগিল। তাহার দলের লোক বলিতে লাগিল—শ্রীলকবর্গের মধ্যে ইয়ার্কিতে অদ্বিতীয় খ্যাতিলাভ করিল গোপীনাথ; সেই গর্বে সেই উত্তেজনায় অত্যাশ্রয় সমস্ত সুখদুঃখকর্তব্যের প্রতি অন্ধ হইয়া হতভাগ্য ব্যক্তিটি রাত্রিদিন আবর্তের মত পাক খাইয়া খাইয়া বেড়াইতে লাগিল।

এদিকে জগজ্জরী রূপ লইয়া আপন অন্তঃপুরের প্রজাহীন রাজ্যে, শয়নগৃহের শূন্য সিংহাসনে গিরিবালা অধিষ্ঠান করিতে লাগিল। সে নিজে জানিত বিধাতা তাহার হস্তে রাজদণ্ড দিয়াছেন—সে জানিত, প্রাচীরের ছিদ্র দিয়া যে বৃহৎ জগৎখানি দেখা যাইতেছে, সেই জগৎটিকে সে কটাক্ষে জয় করিয়া আসিতে পারে—অথচ বিশ্বসংসারের মধ্যে একটি মানুষকেও সে বন্দী করিতে পারে নাই।

গিরিবারার একটি সুরসিকা দাসী আছে, তাহার নাম সুধো, অর্থাৎ সুধামুখী; সে গান গাহিত, নাচিত, ছড়া কাটিত, প্রভুপত্নীর রূপের ব্যাখ্যা করিত, এবং অরসিকের হস্তে এমন রূপ নিষ্ফল হইল বলিয়া আক্ষেপ করিত। গিরিবারার যখন তখন এই সুধাকে নহিলে চলিত না। উন্টিয়া পান্টিয়া সে নিজের মুখের শ্রী, দেহের গঠন, বর্ণের উজ্জলতা সম্বন্ধে বিস্তৃত সমালোচনা শুনিত; মাঝে মাঝে তাহার প্রতিবাদ করিত এবং পরম পুলকিত চিত্তে সুধাকে মিথ্যাবাদিনী চাটুভাষিণী বলিয়া গল্পনা করিতে ছাড়িত না;—সুধো তখন শত শত শপথ সহকারে নিজের মনের অকৃত্রিমতা প্রমাণ করিতে বসিত, গিরিবারার পক্ষে তাহা বিশ্বাস করা নিতান্ত কঠিন হইত না।

সুধো গিরিবারাকে গান শুনাইত—“দাসখং দিলাম লিখে শ্রীচরণে”;—এই গানের মধ্যে গিরিবালা নিজের অলঙ্কারিত অনিন্দ্যমুগ্ধ চরণপল্লবের স্তব শুনিতে পাইত এবং পদলুপ্তিত দাসের ছবি তাহার কল্পনায় উদ্ভিত হইত—কিন্তু হায় দুটি শ্রীচরণ-মলের শব্দ শূন্য ছাতের উপরে আপন জয়গান ঝঙ্কত করিয়া বেড়ায়, তবু কোনো স্বেচ্ছাবিক্রীত ভক্ত আসিয়া দাসখং লিখিয়া দিয়া যায় না।

গোপীনাথ যাহাকে দাসখং লিখিয়া দিয়াছে, তাহার নাম লবঙ্গ,—সে থিয়েটারে অভিনয় করে—সে ষ্টেজের উপর চমৎকার মুর্ছা যাইতে পারে—সে যখন সামান্য কৃত্রিম কাঁচুনীর স্বরে হাঁপাইয়া হাঁপাইয়া টানিয়া টানিয়া আধ-আধ উচ্চারণে “প্রাণনাথ, প্রাণেশ্বর” করিয়া করিয়া ডাক ছাড়িতে থাকে, তখন পাতলা ধূতির উপর ওয়েষ্টকোটপরা ফুলমোজামণ্ডিত দর্শকমণ্ডলী “এক্সেলেন্ট,” “এক্সেলেন্ট,” করিয়া উচ্ছ্বসিত হইয়া উঠে।

এই অভিনেত্রী লবঙ্গের অত্যাশ্চর্য ক্ষমতার বর্ণনা গিরিবালা ইতিপূর্বে অনেকবার তাহার স্বামীর মুখেই শুনিয়াছে। তখনো তাহার স্বামী সম্পূর্ণরূপে পলাতক হয় না। তখন সে তাহার স্বামীর মোহাবস্থা না জানিয়াও মনে মনে অস্থায়ী অমুভব করিত। আর কোনো নারীর এমন কোনো মনোরঞ্জিনী বিজ্ঞা আছে যাহা তাহার নাই ইহা সে সহ্য করিতে পারিত না। সাহস কৌতূহলে সে অনেকবার থিয়েটার দেখিতে যাইবার ইচ্ছা প্রকাশ করিত, কিন্তু কিছুতেই স্বামীর মত করিতে পারিত না।

অবশেষে সে একদিন টাকা দিয়া সুধোকে থিয়েটার দেখিতে পাঠাইয়া দিল;—সুধো আসিয়া নাসাজ কুঞ্চিত করিয়া রামনাম উচ্চারণ পূর্বক অভিনেত্রীদিগের ললাটদেশে সম্মার্জনীর ব্যবস্থা করিল—এবং তাহাদের কদর্যমূর্ত্তি ও কৃত্রিম ভঙ্গীতে যে সমস্ত পুরুষের অভিরুচি জন্মে তাহাদের সম্বন্ধেও সেই একই রূপ বিধান স্থির করিল। শুনিয়া গিরিবালা বিশেষ আশ্চর্য হইল।

কিন্তু যখন তাহার স্বামী বন্ধন ছিন্ন করিয়া গেল, তখন তাহার মনে সংশয় উপস্থিত হইল। সুধোর কথায় অবিশ্বাস প্রকাশ করিলে সুধো গিরির পা ছুঁইয়া বারম্বার কহিল, বন্ধনগ্ৰাস্ত দণ্ডকাষ্ঠের মত তাহার নীরস এবং কুৎসিত চেহারা। গিরি তাহার আকর্ষণী শক্তির কোনো কারণ নির্ণয় করিতে পারিল না এবং নিজের অভিমানে সাংঘাতিক আঘাত প্রাপ্ত হইয়া জলিতে লাগিল।

অবশেষে একদিন সন্ধ্যাবেলায় সুধোকে লইয়া গোপনে থিয়েটার দেখিতে গেল। নিষিদ্ধ কাজের উত্তেজনা বেশি। তাহার জুৎপিণ্ডের মধ্যে যে এক মৃদু কম্পন উপস্থিত হইয়াছিল সেই কম্পনাবেগে এই আলোকময়, লোকময়, বাতাসজীতমুখরিত, দৃশ্যপট-শোভিত রঙ্গভূমি তাহার চক্ষে দ্বিগুণ অপরূপতা ধারণ করিল। তাহার সেই প্রাচীর-বেষ্টিত নির্জন নিরানন্দ অন্তঃপুর হইতে এ কোন্ এক সুসজ্জিত সুন্দর উৎসবলোকের প্রান্তে আসিয়া উপস্থিত হইল! সমস্ত স্বপ্ন বলিয়া বোধ হইতে লাগিল।

সেদিন মানভঞ্জন অপেরা অভিনয় হইতেছে। কখন ঘণ্টা বাজিল, বাতাস ধামিয়া গেল, চঞ্চল দর্শকগণ মুহূর্ত্তে স্থির নিস্তব্ধ হইয়া বসিল, রঙ্গমঞ্চের

সম্মুখবর্তী আলোকমালা উজ্জ্বলতর হইয়া উঠিল, পট উঠিয়া গেল, একদল সুসজ্জিত নটী ব্রজাঙ্গনা সাজিয়া সঙ্গীত-সহযোগে নৃত্য করিতে লাগিল, দর্শকগণের করতালি ও প্রশংসাবাদে নাট্যশালা থাকিয়া থাকিয়া ধ্বনিত কম্পিত হইয়া উঠিল, তখন গিরিবালায় তরুণ দেহে রক্ত-লহরী উদ্গাদনায় আলোড়িত হইতে লাগিল। সেই সঙ্গীতের তানে, আলোক ও আভরণের ছটায়, এবং সম্মিলিত প্রশংসা-ধ্বনিতে সে ক্ষণকালের জন্ত সমাজ সংসার সমস্তই বিস্মৃত হইয়া গেল—মনে করিল, এমন এক জায়গায় আসিয়াছে যেখানে বন্ধনমুক্ত সৌন্দর্য্য-পূর্ণ স্বাধীনতায় কোনো বাধামাত্র নাই।

সুধো মাঝে মাঝে আসিয়া ভীতস্বরে কানে কানে বলে, “বোঁঠাকরণ, এট বেলা বাড়ি ফিরিয়া চল ; দাদাবাবু জানিতে পারিলে রক্ষা থাকিবে না।” গিরিবালা সে কথায় কর্ণপাত করে না। তাহার মনে এখন আর কিছুমাত্র ভয় নাই।

অভিনয় অনেকদূর অগ্রসর হইল। রাধার দুর্জয় মান হইয়াছে ;—সে মানসাগরে ক্রোধ আর কিছুতেই থই পাইতেছে না ;—কত অমুনয় বিনয় সাধাসাধি কাঁদাকাঁদি—কিছুতেই কিছু হয় না ! তখন গর্ভভরে গিরিবালায় বক্ষ ফুলিতে লাগিল। ক্রোধের এই লাঞ্ছনায় সে যেন মনে মনে রাধা হইয়া নিজের অসীম প্রতাপ নিজে অনুভব করিতে লাগিল। কেহ তাহাকে কখনো এমন করিয়া সাধে নাই ; সে অবহেলিত অবমানিত পরিত্যক্ত স্ত্রী, কিন্তু তবু সে এক অপূর্ব্ব মোহে স্থির করিল যে, এমন করিয়া নিষ্ঠুরভাবে কাঁদাইবার ক্ষমতা তাহারো আছে। সৌন্দর্য্যের যে কেমন দোদুন্দুপ্রতাপ তাহা সে কানে শুনিয়াছে, অনুমান করিয়াছে মাত্র—আজ দীপের আলোকে, গানের সুরে, সুদৃশ্য রঙ্গমঞ্চের উপরে তাহা সুস্পষ্টরূপে প্রত্যক্ষ করিল। নেশায় তাহার সমস্ত মস্তিষ্ক ভরিয়া উঠিল।

অবশেষে যবনিকা পতন হইল, গ্যাসের আলো ম্লান হইয়া আসিল, দর্শকগণ প্রস্থানের উপক্রম করিল ; গিরিবালা মন্ত্রমুগ্ধের মত বসিয়া রহিল। এখান হইতে উঠিয়া যে বাড়ি যাইতে হইবে একথা তাহার মনে ছিল না। সে ভাবিতেছিল, অভিনয় বুঝি ফুরাইবে না, যবনিকা আবার উঠিবে, রাধিকার নিকট শ্রীকৃষ্ণের পরাভব, জগতে ইহা ছাড়া আর কোনো বিষয় উপস্থিত নাই।

সুধো কহিল, “বোঁঠাকুর, কর কি, ওঠ, এখনি সমস্ত আলো নিবাইয়া দিবে।”

গিরিবালা গভীর রাত্রে আপন শয়নকক্ষে ফিরিয়া আসিল। কোণে একটি দীপ মিটমিট করিতেছে—ঘরে একটি লোক নাই, শব্দ নাই—গৃহপ্রান্তে নির্জন শয্যার উপরে একটি পুরাতন মশারি বাতাসে অল্প অল্প ঢুলিতেছে ; তাহার প্রতিদিনের জগৎ অত্যন্ত বিস্তী বিরস এবং তুচ্ছ বলিয়া ঠেকিতে লাগিল। কোথায় সেই সৌন্দর্য্যময় আলোকময় সঙ্গীতময় রাজ্য—যেখানে সে আপনার সমস্ত মহিমা বিকীর্ণ করিয়া দিয়া জগতের কেন্দ্রস্থলে বিরাজ করিতে পারে—যেখানে সে অজ্ঞাত অবজ্ঞাত তুচ্ছ সাধারণ নারীমাত্র নহে !

এখন হইতে সে প্রতি সপ্তাহেই থিয়েটারে যাইতে আরম্ভ করিল। কালক্রমে তাহার সেই প্রথম মোহ অনেকটা পরিমাণে হ্রাস হইয়া আসিল—এখন সে নটনীদের মুখের রং চং, সৌন্দর্য্যের অভাব, অভিনয়ের কৃত্রিমতা সমস্ত দেখিতে পাইল, কিন্তু তবু তাহার নেশা ছুটিল না। রণসঙ্গীত শুনিলে যোদ্ধার হৃদয় যেমন নাচিয়া উঠে, রঙ্গমঞ্চের পট উঠিয়া গেলেই তাহার বক্ষের মধ্যে সেইরূপ আন্দোলন উপস্থিত হইত। ঐ যে সমস্ত সংসার হইতে স্বতন্ত্র স্নদৃশ সমুচ্চ স্নন্দর বেদিকা, স্বর্ণলেখায় অঙ্কিত, চিত্রপটে সজ্জিত, কাব্য এবং সঙ্গীতের ইন্ধুজালে মায়ামণ্ডিত, অসংখ্য মুগ্ধদৃষ্টির দ্বারা আক্রান্ত, নেপথ্যভূমির গোপনতার দ্বারা অপূর্ব রহস্যপ্রাপ্ত, উজ্জ্বল আলোকমালায় সর্বসমক্ষে সুপ্রকাশিত,—বিশ্ববিজয়িনী সৌন্দর্য্যরাজ্যীর পক্ষে এমন মায়্যা-সিংহাসন আর কোথায় আছে ?

প্রথমে যেদিন তাহার স্বামীকে রঙ্গভূমিতে উপস্থিত দেখিল, এবং যখন গোপীনাথ কোনো নটীর অভিনয়ে উন্মত্ত উচ্ছ্বাস প্রকাশ করিতে লাগিল, তখন স্বামীর প্রতি তাহার মনে প্রবল অবজ্ঞার উদয় হইল। সে জর্জরিত চিত্তে মনে করিল যদি কখনো এমন দিন আসে যে, তাহার স্বামী তাহার রূপে আকৃষ্ট হইয়া দম্ভপক্ষ পতঙ্গের মত তাহার পদতলে আসিয়া পড়ে, এবং সে আপন চরণনখের প্রান্ত হইতে উপেক্ষা বিকার্ণ করিয়া দিয়া অভিমানভরে চলিয়া যাইতে পারে তবেই তাহার এই বার্থ রূপ, বার্থ যৌবন সার্থকতা লাভ করিবে।

কিন্তু সে শুভদিন আসিল কই ? আজকাল গোপীনাথের দর্শন পাওয়াই

ছল্লভ হইয়াছে। সে আপন প্রমত্ততার ঝড়ের মুখে ধূলি-ধ্বজের মত একটা দল পাকাইয়া ঘুরিতে ঘুরিতে কোথায় চলিয়া গিয়াছে তাহার আর ঠিকানা নাই।

একদিন চৈত্রমাসের বাসন্তী পূর্ণিমায় গিরিবালা বাসন্তীরঙের কাপড় পরিয়া দক্ষিণ বাতাসে অঞ্চল উড়াইয়া ছাদের উপর বসিয়া ছিল। যদিও ঘরে স্বামী আসে না তবু গিরি উন্টিয়া পাণ্টিয়া প্রতিদিন বদল করিয়া নূতন নূতন গহনায় আপনাকে সুসজ্জিত করিয়া তুলিত। হীরামুকুতার আভরণ তাহার অঙ্গে প্রত্যঙ্গে একটি উন্মাদনা সঞ্চার করিত, বল্মল করিয়া রুহুহুহু বাজিয়া তাহার চারিদিকে একটি হিল্লোল তুলিতে থাকিত। আজ সে হাতে বাজুবন্ধ এবং গলায় একটি চুণী ও মুক্তার কণ্ঠী পরিয়াছে এবং বামহস্তের কনিষ্ঠ অঙ্গুলিতে একটি নীলার আংটি দিয়াছে। সুধো পায়ের কাছে বসিয়া মাঝে মাঝে তাহার নিটোল কোমল রক্তোৎপল-পদপল্লবে হাত বুলাইতেছিল—এবং অকৃত্রিম উচ্ছ্বাসের সহিত বলিতেছিল, “আহা বোঁঠাক্করণ, আমি যদি পুরুষ মানুষ হইতাম তাহা হইলে এই পা দুখানি বুকে লইয়া মরিতাম।” গিরিবালা সগর্বে হাসিয়া উত্তর দিতেছিল “বোধ করি বুকে না লইয়াই মরিতে হইত—তখন কি আর এমন করিয়া পা ছড়াইয়া দিতাম? আর বকিসনে! তুই সেই গানটা গা।”

সুধো সেই জ্যোৎস্নাপ্রাবিত নির্জন ছাদের উপর গাহিতে লাগিল—

দাসত্ব দিলাম লিখে শ্রীচরণে,

সকলে সাক্ষী থাকুক বৃন্দাবনে

তখন রাজি দশটা। বাড়ির আর সকলে আহালাদি সমাধা করিয়া ঘুমাইতে গিয়াছে। এমন সময় আতর মাখিয়া উড়ানী উড়াইয়া হঠাৎ গোপীনাথ আসিয়া উপস্থিত হইল—সুধো অনেকখানি জিভ কাটিয়া সাত হাত বোম্‌টা টানিয়া উর্দ্ধ্বাসে পলায়ন করিল।

গিরিবালা ভাবিল তাহার দিন আসিয়াছে। সে মুখ তুলিয়া চাহিল না। সে রাধিকার মত গুরুমানভরে অটল হইয়া বসিয়া রহিল। কিন্তু দৃশ্যপট উঠিল না—শিথিপুচ্ছচূড়া পায়ের কাছে লুটাইল না—কেহ কাফি রাগিণীতে গাহিয়া উঠিল না—

কেন, পূর্ণিমা আঁধার কর লুকায় বদন-শশী !

সঙ্গীতহীন নীরসকণ্ঠে গোপীনাথ বলিল—“একবার চাবিটা দাও দেখি !”

এমন জ্যোৎস্নায়, এমন বসন্তে, এতদিনের বিচ্ছেদের পরে এই কি প্রথম সম্ভাষণ ! কাব্যে নাটকে উপস্থানে যাহা লেখে তাহার আগাগোড়াই মিথ্যা কথা ! অভিনয়মঞ্চেই প্রণয়ী গান গাহিয়া পায়ে আসিয়া লুটাইয়া পড়ে—এবং তাহাই দেখিয়া যে দর্শকের চিত্ত বিগলিত হইয়া যায়, সেই লোকটি বসন্ত নিশীথে গৃহছাদে আসিয়া আপন অনুপমা যুবতী স্ত্রীকে বলে, “ওগো, একবার চাবিটা দাও দেখি !” তাহাতে না আছে রাগিনী, না আছে স্ত্রীতি, তাহাতে কোনো মোহ নাই, মাধুর্য্য নাই—অত্যন্ত অকিঞ্চৎকর !

এমন সময়ে দক্ষিণে বাতাস জগতের সমস্ত অপমানিত কবিত্বের মৰ্ম্মান্তিক দীর্ঘনিশ্বাসের মত ছুছ করিয়া বহিয়া গেল—টবতর। ফুটন্ত বেলফুলের গন্ধ ছাদময় ছড়াইয়া দিয়া গেল—গিরিবালার চূর্ণ অলক চোখে মুখে আসিয়া পড়িল এবং তাহার বাসন্তীরঙের স্নগন্ধি আঁচল অধীরভাবে যেখানে সেখানে উড়িতে লাগিল। গিরিবালার সমস্ত মান বিসর্জন দিয়া উঠিয়া পড়িল।

স্বামীর হাত ধরিয়া বলিল, “চাবি দিব এখন তুমি ঘরে চল।”—আজ সে কাদিবে কাদাইবে, তাহার সমস্ত নিৰ্জ্জন কল্পনাকে সার্থক করিবে, তাহার সমস্ত ব্রহ্মাস্ত্র বাহির করিয়া বিজয়ী হইবে, ইহা সে দৃঢ় সঙ্কল্প করিয়াছে।

গোপীনাথ কহিল, “আমি বেশি দেরি করিতে পারিব না—তুমি চাবি দাও।”

গিরিবালার কহিল, “আমি চাবি দিব এবং চাবির মধ্যে যাহা কিছু আছে সমস্ত দিব—কিন্তু আজ রাত্রে তুমি কোথাও যাইতে পারিবে না।”

গোপীনাথ বলিল,—“সে হইবে না। আমার বিশেষ দরকার আছে।”

গিরিবালার বলিল, “তবে আমি চাবি দিব না।”

গোপী বলিল, “দিবে না বৈ কি ? কেমন না দাও দেখি।” বলিয়া সে গিরিবালার আঁচলে দেখিল চাবি নাই। ঘরের মধ্যে ঢুকিয়া তাহার আয়নার বাস্কর দেওয়াল খুলিয়া দেখিল তাহার মধ্যেও চাবি নাই। তাহার চুল ঝাঁঝি-বার বাস্কর জোর করিয়া ভাঙিয়া খুলিল—তাহাতে কাজললতা, সিঁহরের কোটা,

চুলের দড়ি প্রভৃতি বিচিত্র উপকরণ আছে—চাবি নাই। তখন সে বিছানা বাঁটিয়া, গদি উঠাইয়া, আলমারি ভাঙিয়া নাস্তানাবুদ করিয়া তুলিল।

গিরিবালা প্রস্তরমূর্ত্তির মত শক্ত হইয়া দরজা ধরিয়া ছাদের দিকে চাহিয়া দাঁড়াইয়া রহিল। বার্থমনোরথ গোপীনাথ রাগে গৰ্গর করিতে করিতে আসিয়া বলিল, “চাবি দাও বলিতেছি, নহিলে ভালো হইবে না।”

গিরিবালা উত্তরমাত্র দিল না। তখন গোপী তাহাকে চাপিয়া ধরিল এবং তাহার হাত হইতে বাজুবন্ধ, গলা হইতে কণ্ঠী, অঙ্গুলি হইতে আংটি ছিনিয়া লইয়া তাহাকে লাথি মারিয়া চলিয়া গেল।

বাড়ির কাহারো নিদ্রাভঙ্গ হইল না, পল্লীর কেহ কিছুই জানিতে পারিল না, জ্যোৎস্নারাজি তেমনি নিস্তব্ধ হইয়া রহিল, সর্বত্র যেন অথগু শান্তি বিরাজ করিতেছে। কিন্তু অন্তরের চীৎকারধ্বনি যদি বাহিরে শুনা যাইত, তবে সেই চৈত্র মাসের সুখসুপ্ত জ্যোৎস্নানিলীথিনী অকস্মাৎ তীব্রতম আর্তস্বরে দীর্ঘ বিদীর্ণ হইয়া যাইত। এমন সম্পূর্ণ নিঃশব্দে এমন হৃদয়-বিদারণ ব্যাপার ঘটিয়া থাকে।

অথচ সে রাত্রিও কাটিয়া গেল। এমন পরাভব, এত অপমান গিরিবালা স্বপ্নের কাছেও বলিতে পারিল না। মনে করিল আত্মহত্যা করিয়া, এই অতুল রূপ যৌবন নিজের হাতে খণ্ড খণ্ড করিয়া ভাঙিয়া ফেলিয়া সে আপন অনাদরের প্রতিশোধ লইবে! কিন্তু তখনি মনে পড়িল, তাহাতে কাহারো কিছু আসিবে যাইবে না—পৃথিবীর যে কতখানি ক্ষতি হইবে তাহা কেহ অনুভবও করিবে না। জীবনেও কোনো সুখ নাই, মৃত্যুতেও কোনো সাধনা নাই।

গিরিবালা বলিল, “আমি বাপের বাড়ি চলিলাম।”—তাহার বাপের বাড়ি কলিকাতা হইতে দূরে। সকলেই নিষেধ করিল—কিন্তু বাড়ির কর্ত্তী নিষেধও শুনিল না, কাহাকে সঙ্গেও লইল না। এদিকে গোপীনাথও সদল-বলে নৌকাবিহারে কত দিনের জন্ত কোথায় চলিয়া গিয়াছে কেহ জানে না।

দ্বিতীয় পরিচ্ছেদ

গান্ধৰ্ব থিয়েটারে গোপীনাথ প্রায় প্রত্যেক অভিনয়েই উপস্থিত থাকিত। সেখানে মনোরমানাটকে লবঙ্গ মনোরমা সাজিত এবং গোপীনাথ সদলে সন্মুখের সারো বসিয়া তাহাকে উচ্চৈঃস্বরে বাহবা দিত এবং ষ্টেজের উপর তোড়া ছুঁড়িয়া ফেলিত। মাঝে মাঝে এক এক দিন গোলমাল করিয়া দর্শকদের অত্যন্ত বিরক্তিভাজন হইত। তথাপি রঙ্গভূমির অধ্যক্ষগণ তাহাকে কখনো নিষেধ করিতে সাহস করে নাই।

অবশেষে একদিন গোপীনাথ কিঞ্চিৎ মত্তাবস্থায় গ্রীনরুমের মধ্যে প্রবেশ করিয়া ভারি গোল বাধাইয়া দিল। কি এক সামান্য কাল্পনিক কারণে সে আপনাকে অপমানিত জ্ঞান করিয়া কোনো নটীকে গুরুতর প্রহার করিল। তাহার চাঁৎকারে এবং গোপীনাথের গালিগালাজে সমস্ত নাট্যশালা চকিত হইয়া উঠিল।

সেদিন অধ্যক্ষগণ আর সহ্য করিতে না পারিয়া গোপীনাথকে পুলিশের সাহায্যে বাহির করিয়া দেয়।

গোপীনাথ এই অপমানের প্রতিশোধ লইতে ক্রতনিশ্চয় হইল। থিয়েটার-ওয়ালারা পূজার একমাস পূৰ্ব্বে হইতে নূতন নাটক মনোরমার অভিনয় খুব আড়ম্বরসহকারে ঘোষণা করিয়াছে। বিজ্ঞাপনের দ্বারা কলিকাতা সহরটাকে কাগজে মুড়িয়া ফেলিয়াছে :—রাজধানীকে যেন সেই বিখ্যাত গ্রন্থকারের নামাঙ্কিত নামাবলী পরাইয়া দিয়াছে।

এমন সময় গোপীনাথ তাহাদের প্রধান অভিনেত্রী লবঙ্গকে লইয়া বোটে চড়িয়া কোথায় অন্তর্ধান হইল তাহার আর সন্ধান পাওয়া গেল না।

থিয়েটারওয়ালারা হঠাৎ অকূলপাথে পড়িয়া গেল। কিছু দিন লবঙ্গের জন্ত অপেক্ষা করিয়া অবশেষে এক নূতন অভিনেত্রীকে মনোরমার অংশ অভ্যাস করাইয়া লইল—তাহাতে তাহাদের অভিনয়ের সময় পিছাইয়া গেল।

কিন্তু বিশেষ ক্ষতি হইল না। অভিনয়স্থলে দর্শক আর ধরে না। শত শত লোক দ্বার হইতে ফিরিয়া যায়। কাগজেও প্রশংসার সীমা নাই।

সে প্রশংসা দুবদেশে গোপীনাথের কানে গেল। সে আর থাকিতে পারিল না। বিদ্রোহে এবং কৌতুহলে পূর্ণ হইয়া সে অভিনয় দেখিতে আসিল।

প্রথম পট-উৎক্ষেপে অভিনয়ের আরম্ভভাগে মনোরমা দীনহানবেশে দাসীর মত তাহার স্বপ্নরবাড়িতে থাকে—প্রচ্ছন্ন বিনম্র সঙ্কুচিতভাবে সে আপনার কাজকর্ম করে—তাহার মুখে কথা নাই, এবং তাহার মুখ ভালো করিয়া দেখাই যায় না।

অভিনয়ের শেষাংশে মনোরমাকে পিতৃগৃহে পাঠাইয়া তাহার স্বামী অর্থলোভে কোনো এক লক্ষপতির একমাত্র কন্যাকে বিবাহ করিতে উত্তত হইয়াছে। বিবাহের পর বাসরঘরে যখন স্বামী নিরীক্ষণ করিয়া দেখিল, তখন দেখিতে পাইল—এও সেই মনোরমা,—কেবল সেই দাসীবেশ নাই—আজ সে রাজকন্যা সাজিয়াছে—তাহার নিরুপম সৌন্দর্য্য আভরণে ঐশ্বর্য্যে মণ্ডিত হইয়া দর্শনকে বিকীর্ণ হইয়া পড়িতেছে। শিশুকালে মনোরমা তাহার ধনী পিতৃগৃহ হইতে অপহৃত হইয়া দরিদ্রের গৃহে পালিত হইয়াছে। বহুকাল পরে সম্প্রতি তাহার পিতা সেই সন্ধান পাইয়া কন্যাকে ঘরে আনাইয়া তাহার স্বামীর সহিত পুনরায় নূতন সমারোহে বিবাহ দিয়াছে।

তাহার পর বাসর-ঘরে মানভঞ্জনের পালা আরম্ভ হইল। কিন্তু ইতিমধ্যে দর্শকমণ্ডলীর মধ্যে ভাবি এক গোলমাল বাধিয়া উঠিল। মনোরমা যতক্ষণ মলিন দাসীবেশে বোম্টা টানিয়া ছিল ততক্ষণ গোপীনাথ নিস্তব্ধ হইয়া দেখিতেছিল। কিন্তু যখন সে আভরণে ঝলমল করিয়া, রক্তাঙ্কুর পরিয়া, মাথার বোম্টা ঘুচাইয়া, রূপের তরঙ্গ তুলিয়া বাসর-ঘবে দাঁড়াইল এবং এক অনির্বচনীয় গর্বে গৌরবে গ্রীবা বঙ্কিম করিয়া সমস্ত দর্শকমণ্ডলীর প্রতি এবং বিশেষ করিয়া সম্মুখবর্তী গোপীনাথের প্রতি চকিত বিদ্রোহের ছায়া অবজ্ঞাবজ্রপূর্ণ তীক্ষ্ণকটাক্ষ নিক্ষেপ করিল—যখন সমস্ত দর্শকমণ্ডলীর চিত্ত উদ্বেলিত হইয়া প্রশংসার করতালিতে নাট্যস্থলা সূদীর্ঘকাল কম্পাশ্বিত করিয়া তুলিতে লাগিল—তখন গোপীনাথ সহসা উঠিয়া দাঁড়াইয়া ‘গিরিবালা’ ‘গিরিবালা’ করিয়া চীৎকার করিয়া উঠিল। ছুটিয়া ষ্টেজের উপর লাফ দিয়া উত্তিবার চেষ্টা করিল—বাদকগণ তাহাকে ধরিয়া ফেলিল।

এই অকস্মাৎ রসভঙ্গে মর্যাস্তিক জুড় হইয়া দশকগণ ইংরাজিতে বাংলায়,
“দূর ক’রে দাও,” “বের ক’রে দাও,” বলিয়া চীৎকার করিতে লাগিল।

গোপীনাথ পাগলের মত ভয়কণ্ঠে চীৎকার করিতে লাগিল, “আমি ওকে
খুন ক’র্ব্ব, ওকে খুন ক’র্ব্ব।”

পুলিস আসিয়া গোপীনাথকে ধরিয়া টানিয়া বাহির করিয়া লইয়া গেল।
সমস্ত কলিকাতা সহরের দর্শক দুই চক্ষু ভরিয়া গিরিবালায় অভিনয় দেখিতে
লাগিল—কেবল গোপীনাথ সেখানে স্থান পাইল না।

(১৩০২—বৈশাখ)

ঠাকুর্দা

প্রথম পরিচ্ছেদ

নয়নজোড়ের জমিদারেরা এককালে বাবু বলিয়া বিশেষ বিখ্যাত ছিলেন। তখনকার কালের বাবুয়ানার আদর্শ বড় সহজ ছিল না। এখন যেমন রাজা রায়বাহাদুর খেতাব অর্জন করিতে অনেক খানা নাচ ঘোড়দৌড় এবং সেলাম সুপারিশের শ্রাদ্ধ করিতে হয়, তখন সাধারণের নিকট হইতে বাবু উপাধি লাভ করিতে বিস্তর দুঃসাধ্য তপশ্চরণ করিতে হইত।

আমাদের নয়নজোড়ের বাবুবা পাড় ছিঁড়িয়া ফেলিয়া ঢাকাই কাপড় পরিতেন, কারণ পাড়ের কর্কশতায় তাঁহাদের সুকোমল বাবুয়ানা ব্যাধিত হইত। তাঁহারা লক্ষ টাকা দিয়া বিড়ালশাবকের বিবাহ দিতেন এবং কথিত আছে, একবার কোন উৎসব উপলক্ষে রাত্রিতে দিন করিবার প্রতিজ্ঞা করিয়া অসংখ্য দীপ জ্বালাইয়া সূর্য্যাকিরণের অনুকরণে তাঁহারা সাঁচা রূপার জরি উপর হইতে বর্ষণ করাইয়াছিলেন।

ইহা হইতেই সকলে বুঝিবেন সেকালে বাবুদের বাবুয়ানা বংশানুক্রমে স্থায়ী হইতে পারিত না। বহু-বর্ত্তিকা-বিশিষ্ট প্রদীপের মতো নিজের তৈল নিজে অল্পকালের ধুমধামেই নিঃশেষ করিয়া দিত।

আমাদের কৈলাসচন্দ্র বায় চৌধুরী সেই প্রখ্যাতবশ নয়নজোড়ের একটি নির্দোষ বাবু। ইনি যখন জন্মগ্রহণ করিয়াছিলেন তৈল তখন প্রদীপের

তলদেশে আসিয়া ঠেকিয়াছিল ;—ইহার পিতার মৃত্যু হইলে পর নয়নজোড়ের বাবুয়ানা গোটাকতক অসাধারণ শ্রাদ্ধশাস্তিতে অন্তিম দীপ্তি প্রকাশ করিয়া হঠাৎ নিবিয়া গেল। সমস্ত বিষয় আশয় ঋণের দায়ে বিক্রম হইল—যে অল্প অবশিষ্ট রহিল তাহাতে পূর্বপুরুষের খ্যাতি রক্ষা করা অসম্ভব।

সেই জন্ত নয়নজোড় ত্যাগ করিয়া পুত্রকে সঙ্গে লইয়া কৈলাসবাবু কলিকাতায় আসিয়া বাস করিলেন—পুত্রটিও একটি কল্যামাত্র রাখিয়া এই হতগৌরব সংসার পরিত্যাগ করিয়া পরলোক গমন করিলেন।

আমরা তাঁহার কলিকাতার প্রতিবেশী। আমাদের ইতিহাসটা তাঁহাদের হইতে সম্পূর্ণ বিপরীত। আমার পিতা নিজের চেষ্টায় ধন উপার্জন করিয়াছিলেন ; তিনি কখনো হাঁটুর নিম্নে কাপড় পরিতেন না, কড়াক্রান্তির হিসাব রাখতেন, এবং বাবু উপাধি লাভের জন্ত তাঁহার লালসা ছিল না। সে-জন্ত আমি তাঁহার একমাত্র পুত্র তাঁহার নিকট কৃতজ্ঞ আছি। আমি যে লেখাপড়া শিখিয়াছি এবং নিজের প্রাণ ও মান রক্ষার উপযোগী যথেষ্ট অর্থ বিনা চেষ্টায় প্রাপ্ত হইয়াছি, ইহাই আমি পরম গৌরবের বিষয় বলিয়া জ্ঞান করি—শূন্য ভাণ্ডারে পৈতৃক বাবুয়ানার উজ্জল ইতিহাসের অপেক্ষা লোহার সিন্দূকের মধ্যে পৈতৃক কোম্পানির কাগজ আমার নিকট অনেক বেশী মূল্যবান বলিয়া মনে হয়।

বোধ করি, সেই কারণেই, কৈলাস বাবু তাঁহাদের পূর্ব-গৌরবের ফেল্‌করা ব্যাকের উপর যখন দেদার লম্বাচোড়া চেক্‌ চালাইতেন তখন তাহা আমার এত অসহ্য ঠেকিত। আমার মনে হইত, আমার পিতা স্বহস্তে অর্থ উপার্জন করিয়াছেন বলিয়া কৈলাসবাবু বুঝি আমাদের প্রতি অবজ্ঞা অমুভব করিতেছেন। আমি রাগ করিতাম এবং ভাবিতাম অবজ্ঞার যোগ্য কে ? যে লোক সমস্ত জীবন কঠোর ত্যাগস্বীকার করিয়া, নানা প্রলোভন অতিক্রম করিয়া, লোকমুখের তুচ্ছ খ্যাতি অবহেলা করিয়া, অশ্রান্ত এবং সতর্ক বুদ্ধিকৌশলে সমস্ত প্রতিকূল বাধা প্রতিহত করিয়া একটি একটি রোপ্যের স্তরে সম্পদের একটি সমুচ্চ পিরামিড্ একাকী স্বহস্তে নির্মাণ করিয়া গিয়াছেন, তিনি হাঁটুর নীচে কাপড় পরিতেন না বলিয়া যে কম লোক ছিলেন তাহা নয়।

তখন বয়স অল্প ছিল সেই জন্ত এইরূপ তর্ক করিতাম, রাগ করিতাম—

এখন বয়স বেশি হইয়াছে এখন মনে করি, ক্ষতি কি ! আমার তো বিপুল বিষয় আছে, আমার কিসের অভাব ? যাহার কিছু নাই, সে যদি অহঙ্কার করিয়া সুখী হয়, তাহাতে আমার তো সিকি পয়সার লোকসান নাই, বরং সে বেচারার সাস্থনা আছে ।

ইহাও দেখা গিয়াছে আমি ব্যতীত আর কেহ কৈলাসবাবুর উপর রাগ করিত না । কারণ এত বড় নিবীহ লোক সচরাচর দেখা যায় না । ক্রিয়াকর্মে সুখে দুঃখে প্রতিবেশীদের সহিত তাঁহার সম্পূর্ণ যোগ ছিল । ছেলে হইতে বৃদ্ধ পর্য্যন্ত সকলকেই দেখা হইবা মাত্র তিনি হাসিমুখে প্রিয় সম্ভাষণ করিতেন— যেখানে যাহার যে কেহ আছে সকলেরই কুশলসংবাদ জিজ্ঞাসা করিয়া তবে তাঁহার শিষ্টতা বিরাম লাভ করিত । এই জন্ত কাহারো সহিত তাঁহার দেখা হইলে একটা সুদীর্ঘ প্রশ্নোত্তরমালার সৃষ্টি হইত ;—ভালো তো ? শশী ভালো আছে ? আমাদের বড় বাবু ভালো আছেন ? মধুর ছেলেটির জ্বর হ'য়েছিল শুনেছিলুম সে এখন ভালো আছে তো ? হরিচরণ বাবু'ক অনেককাল দেখিনি, তাঁর অসুখ বিষুখ কিছু হয় নি ? তোমাদের রাখালেব খবর কি ? বাড়ীর এঁয়ারা সকলে ভালো আছেন ? ইত্যাদি ।

লোকটি ভারি পরিষ্কার পরিচ্ছন্ন । কাপড় চোপড় অধিক ছিল না, কিন্তু মেরজাইটি চাদরটি জামাটি, এমন কি, বিছানায় পাতিবার একটি পুরাতন রূপার, বালিশের ওয়াড় একটি ক্ষুদ্র সতরঞ্চ সমস্ত স্বহস্তে রোদ্রে দিয়া ঝাড়িয়া দড়িতে খাটাইয়া ভাঁজ করিয়া আলনার তুলিয়া পরিপাটি করিয়া রাখিতেন । যখন তাঁহাকে দেখা যাইত তখন মনে হইত যেন তিনি সুসজ্জিত প্রস্তুত হইয়া আছেন । অল্পস্বল্প সামান্য আস্বাবেও তাঁহার ঘরদ্বার সমুজ্জল হইয়া থাকিত । মনে হইত যেন তাঁহার আরও অনেক আছে ।

ভৃত্যভাবে অনেক সময় ঘরের দ্বার রুদ্ধ করিয়া তিনি নিজের হস্তে অতি পরিপাটি করিয়া ধূতি কোঁচাইতেন এবং চাদর ও জামার আন্তিন বহুযত্নে ও পরিশ্রমে “গিলে” করিয়া রাখিতেন । তাঁহার বড় বড় জমিদারী বহুমূল্যের বিষয়সম্পত্তি লোপ পাইয়াছে, কিন্তু, একটি বহুমূল্য গোলাপপাশ, আতরদান, একটি সোণার রেকাবি, একটি রূপার আলুবোলা, একটি বহুমূল্য মাল ও মেকেলে জামাজোড়া ও পাগড়ি দারিদ্র্যের গ্রাস হইতে বহুচেষ্টায় তিনি রক্ষা

করিয়াছিলেন। কোনো একটা উপলক্ষ উপস্থিত হইলে ঐষ্টগুলি বাহির হইত এবং নয়নজোড়ের জগদ্ধিত্য বাবুদের গৌরব রক্ষা হইত।

এদিকে কৈলাসবাবু মাটির মানুষ হইলেও কথায় যে অহঙ্কার করিতেন সেটা যেন পূর্বপুরুষদের প্রতি কর্তব্য বোধে করিতেন; সকল লোকেই তাহাতে প্রশ্রয় দিত এবং বিশেষ আমোদ বোধ করিত।

পাড়ার লোকে তাঁহাকে ঠাকুর্দামশাই বলিত এবং তাহার ওখানে সর্বদা বিস্তর লোক সমাগম হইত; কিন্তু দৈন্ত্যবস্থায় পাছে তাঁহার তামাকের খরচাটা গুরুতর হইয়া উঠে এইজন্ত প্রায়ই পাড়ার কেহ না কেহ ছুই এক সের তামাক কিনিয়া লইয়া গিয়া তাঁহাকে বলিত, “ঠাকুর্দা-মশাই, একবার পরীক্ষা করিয়া দেখ দেখি, ভালো গয়ার তামাক পাওয়া গেছে।”

ঠাকুর্দামশায় ছুই এক টান টানিয়া বলিতেন, “বেশ ভাই, বেশ তামাক।” অমনি সেই উপলক্ষে ষাট পয়ষষ্টি টাকা ভরির তামাকের গল্প পাড়িতেন; এবং জিজ্ঞাসা করিতেন সে তামাক কাহারো আশ্বাদ করিয়া দেখিবার ইচ্ছা আছে কি না?

সকলেই জানিত যে যদি কেহ ইচ্ছা করে তবে নিশ্চয়ই চাবির সন্ধান পাওয়া যাইবে না অথবা অনেক অঘেষণের পর প্রকাশ পাইবে যে পুরাতন ভৃত্য গণেশ বেটা কোথায় যে কি রাখে তাহার আর ঠিকানা নাই—গণেশও বিনা প্রতিবাদে সমস্ত অপবাদ স্বীকার করিয়া লইত। এই জন্তই সকলেই একবাক্যে বলিত, “ঠাকুর্দামশাই, কাজ নেই, সে তামাক আমাদের সহ্য হবে না, আমাদের এই ভালো।”

শুনিয়া ঠাকুর্দা দ্বিধাক্রি না করিয়া ঈষৎ হাস্য করিতেন। সকলে বিদায় লইবার কালে বৃদ্ধ হঠাৎ বলিয়া উঠিতেন, “সে যেন হ’ল, তোমরা কবে আমার এখানে খাবে বল দেখি ভাই?”

অমনি সকলে বলিত, “সে একটা দিন ঠিক করে দেখা যাবে।”

ঠাকুর্দা মহাশয় বলিতেন, “সেই ভালো, একটু বৃষ্টি পড়ুক, ঠাণ্ডা হোক, নইলে এ গুরু ভোজনটা কিছু নয়।”

যখন বৃষ্টি পড়িত তখন ঠাকুর্দাকে কেহ তাঁহার প্রতিজ্ঞা স্মরণ করাইয়া দিত না—বরঞ্চ কথা উঠিলে সকলে বলিত, এই বৃষ্টি বাদলটা না ছাড়িলে

সুবিধে হচ্ছে না। ক্ষুদ্র বাসাবাড়িতে বাস করাটা তাঁহার ভালো দেখাইতেছে না এবং কষ্টও হইতেছে এ-কথা তাঁহার বন্ধুবান্ধব সকলেই তাঁহার সমক্ষে স্বীকার করিত, অথচ কলিকাতায় কিনিবার উপযুক্ত বাড়ি খুঁজিয়া পাওয়া যে কত কঠিন, সে-বিষয়েও কাহারো সন্দেহ ছিল না—এমন কি আজ ছয় সাত বৎসর সন্ধান করিয়া ভাড়া লইবার মত একটা বড় বাড়ি পাড়ার কেহ দেখিতে পাইল না—অবশেষে ঠাকুর্দামশায় বলিতেন, “তা হোক্ ভাই, তোমাদের কাছাকাছি আছি এই আমার স্নেহ, নয়নজোড়ে বড় বাড়ি তো প’ড়েই আছে কিন্তু সেখানে কি মন টেকে ?”

আমার বিশ্বাস, ঠাকুর্দাও জানিতেন যে, সকলে তাঁহার অবস্থা জানে, এবং যখন তিনি ভূতপূর্ব নয়নজোড়কে বর্ত্তমান বলিয়া ভাণ করিতেন এবং অন্ত সকলেও তাহাতে যোগ দিত তখন তিনি মনে মনে বুঝিতেন যে, পরস্পরের এই ছলনা কেবল পরস্পরের প্রতি সৌহার্দবশত ।

কিন্তু আমার বিষম বিরক্তি বোধ হইত। অল্প বয়সে পরের নিরীহ গর্ভও দমন করিতে ইচ্ছা করে এবং সহস্র গুরুতর অপরাধের তুলনায় নির্দুষ্টিতাই সর্বাপেক্ষা অসহ্য বোধ হয়। কৈলাসবাবু ঠিক নির্যাস ছিলেন না, কাজে কর্ষে তাঁহার সহায়তা এবং পরামর্শ সকলেই প্রার্থনীয় জ্ঞান করিত। কিন্তু নয়নজোড়ের গৌরব প্রকাশ সম্বন্ধে তাঁহার কিছুমাত্র কাণ্ডজ্ঞান ছিল না! সকলে তাঁহাকে ভালবাসিয়া এবং আমোদ করিয়া তাঁহার কোন অসম্ভব কথাতেই প্রতিবাদ করিত না বলিয়া তিনি আপনার কথার পরিমাণ রক্ষা করিতে পারিতেন না। অত্র লোকেও যখন আমোদ করিয়া অথবা তাঁহাকে সন্তুষ্ট করিবার জন্ত নয়নজোড়ের কীর্তিকলাপসম্বন্ধে বিপরীত মাত্রায় অত্যাতি প্রয়োগ করিত, তিনি অকাতরে সমস্ত গ্রহণ করিতেন এবং স্বপ্নেও সন্দেহ করিতেন না যে, অন্ত কেহ এ-সকল কথা লেশমাত্র অবিশ্বাস করিতে পারে।

আমার এক এক সময় ইচ্ছা করিত, বৃদ্ধ যে মিথ্যা দুর্গ অবলম্বন করিয়া বাস করিতেছে এবং মনে করিতেছে ইহা চিরস্থায়ী, সেই দুর্গটি দুই তোপে সর্বসমক্ষে উড়াইয়া দিই। একটা পাখীকে সুবিধামত ডালের উপর বসিয়া থাকিতে দেখিলেই শিকারীর ইচ্ছা করে তাহাকে গুলি বসাইয়া দিতে, পাহাড়ের গায়ে একটা প্রস্তর পতনোগ্রুথ থাকিতে দেখিলেই বালকের ইচ্ছা

করে এক লাখি মারিয়া তাহাকে গড়াইয়া ফেলিতে—যে জিনিষটা প্রতি মুহূর্তে পড়ি-পড়ি করিতেছে অথচ কোনো একটা কিছুতে সংলগ্ন হইয়া আছে, তাহাকে ফেলিয়া দিলেই তবে যেন তাহার সম্পূর্ণতা সাধন এবং দর্শকের মনের তৃপ্তিলাভ হয়। কৈলাসবাবুর মিথ্যা এতই সরল, তাহার ভিত্তি এতই দুর্বল, তাহা ঠিক সত্য বন্দুকের লক্ষ্যের সামনে এমনি বুক ফুলাইয়া নৃত্য করিত যে, তাহাকে মুহূর্তের মধ্যে বিনাশ করিবার জন্য একটি আবেগ উপস্থিত হইত—কেবল নিতান্ত আলস্যবশত এবং সর্বজনসম্মত প্রথার অনুসরণ করিয়া সে কার্যে হস্তক্ষেপ করিতাম না।

দ্বিতীয় পরিচ্ছেদ

নিজের অতীত মনোভাব বিশ্লেষণ করিয়া যতটা মনে পড়ে তাহাতে বোধ করি, কৈলাসবাবুর প্রতি আমার আন্তরিক বিবেচনের আর একটি গুঢ় কারণ ছিল। তাহা একটু বিবৃত করিয়া বলা আবশ্যক।

আমি বড়মানুষের ছেলে হইয়াও যথাকালে এম্. এ, পাস করিয়াছি, যৌবন সম্বন্ধে কোনো প্রকার কুসংসর্গ কুৎসিত আমোদে যোগ দিই নাই, এবং অভিভাবকদের মৃত্যুর পরে স্বয়ং কর্তা হইয়াও আমার স্বভাবের কোনো প্রকার বিকৃতি উপস্থিত হয় নাই। তাহা ছাড়া চেহারাটা এমন যে, তাহাকে আমি নিজ মুখে স্ত্রী বলিলে অহঙ্কার হইতে পারে কিন্তু মিথ্যাবাদ হয় না।

অতএব বাংলা দেশে ঘটকালির হাটে আমার দাম যে অত্যন্ত বেশী তাহাতে আর সন্দেহ নাই—এই হাটে আমার সেই দাম আমি পুরা আদায় করিয়া লইব, এইরূপ দৃঢ়প্রতিজ্ঞা করিয়াছিলাম। ধনী পিতার পরম রূপবতী একমাত্র বিদূষী কন্যা আমার কল্পনার আদর্শরূপে বিরাজ করিতেছিল।

দশ হাজার টাকা পণের প্রস্তাব করিয়া দেশ বিদেশ হইতে আমার সম্বন্ধ আসিতে লাগিল। আমি অবিচলিতচিত্তে নিক্তি ধরিয়া তাহাদের যোগ্যতা ওজন করিয়া লইতেছিলাম, কোনোটাই আমার সমযোগ্য বোধ হয় নাই। অবশেষে ভবভূতির স্থান আমার ধারণা হইয়াছিল যে,—

কি জানি জন্মিতে পারে মম সমতুল,
অসীম সময় আছে, বহুধা বিপুল।

কিন্তু বর্তমান কালে এবং ক্ষুদ্র বঙ্গদেশে সেই অসম্ভব দুর্লভ পদার্থ জন্মিয়াছে
কি না সন্দেহ।

কতাদায়গ্রন্থগণ প্রতিনিয়ত নানা ছন্দে আমার স্তবস্তুতি এবং বিবিধোপচারে
আমার পূজা করিতে লাগিল। কত্যা পছন্দ হোক বা না হউক, এই পূজা
আমার মন্দ লাগিল না। ভালো ছেলে বলিয়া কত্য়ার পিতৃগণের এই পূজা
আমার উচিতপ্রাপ্য স্থির করিয়াছিলাম। শাস্ত্রে পড়া যায় দেবতা বর দিন
আর না দিন, যথাবিধি পূজা না পাইলে বিষম ক্রুদ্ধ হইয়া উঠেন। নিয়মিত
পূজা পাইয়া আমার মনে সেইরূপ অত্যুচ্চ দেবতাব জন্মিয়াছিল।

পূর্বেই বলিয়াছিলাম, ঠাকুর্দামশায়ের একটি পৌত্রী ছিল। তাহাকে
অনেকবার দেখিয়াছি কিন্তু কখনো রূপবতী বলিয়া ভ্রম হয় নাই। স্মৃতরাং
তাহাকে বিবাহ কবিবার কল্পনাও আমার মনে উদিত হয় নাই। কিন্তু ঠিক
করিয়া রাখিয়াছিলাম যে, কৈলাসবাবু লোকমারফৎ অথবা স্বয়ং পৌত্রীটিকে
অর্থা দিবার মানসে আমার পূজার বোধন করিতে আসিবেন, কারণ, আমি
ভালো ছেলে। কিন্তু তিনি তাহা কবিলেন না।

শুনিতে পাইলাম, আমার কোনো বন্ধকে তিনি বলিয়াছিলেন, নয়নজোড়ের
বাবু, কখনো কোনো বিষয়ে অগ্রসর হইয়া কাহাবো নিকটে প্রার্থনা করে
নাই—কত্যা যদি চিরকুমারী হইয়া থাকে তথাপি সে কুলপ্রথা তিনি ভঙ্গ
করিতে পারিবেন না।

শুনিয়া আমার বড় রাগ হইল। সে রাগ অনেক দিন পর্যন্ত আমার
মনের মধ্যে ছিল—কেবল ভালো ছেলে বলিয়াই চুপ্ চাপ করিয়াছিলাম।

যেমন বজ্রের সঙ্গে বিদ্যুৎ থাকে, তেমনি আমার চরিত্রে রাগের সঙ্গে সঙ্গে
একটা কোতুকপ্রিয়তা জড়িত ছিল। বৃদ্ধকে শুদ্ধমাত্র নিপীড়ন করা আমার
দ্বারা সম্ভব হইত না—কিন্তু একদিন হঠাৎ এমন একটা কোতুকাবহ প্লান
মাথায় উদয় হইল, যে, সেটা কাজে খাটাইবার প্রলোভন সম্বরণ করিতে
পারিলাম না।

পূর্বেই বলিষাছি, বৃদ্ধকে সম্ভট করিবার জন্ত নানা লোকে নানা মিথ্যা কথার সৃজন করিত। পড়ার একজন পেন্সনভোগী ডেপুটি ম্যাজিস্ট্রেট প্রায় বলিতেন, ঠাকুর্দা ছোটলাটের সঙ্গে যখন দেখা হয় তিনি নয়নজোড়ের বাবুদের খবর না নিয়ে ছাড়েন না—সাহেব বলেন, বাংলাদেশে, বর্দ্ধমানের রাজা এবং নয়নজোড়ের বাবু, এই দুটি মাত্র যথার্থ বনেদী বংশ আছে।

ঠাকুর্দা ভারি খুসি হইতেন—এবং ভূতপূর্ব ডেপুটি বাবুর সহিত সাক্ষাৎ হইলে অন্ত্যস্ত কুশলসংবাদের সহিত জিজ্ঞাসা করিতেন—“ছোটলাট সাহেব ভালো আছেন?” তাঁর মেমসাহেব ভাল আছেন? তাঁর পুত্রকন্যারা সকলেই ভাল আছেন? সাহেবের সহিত শীঘ্র একদিন সাক্ষাৎ করিতে যাইবেন এমন ইচ্ছাও প্রকাশ করিতেন। কিন্তু ভূতপূর্ব ডেপুটি নিশ্চয়ই জানিতেন, নয়নজোড়ের বিখ্যাত চৌধুরী প্রস্তুত হইয়া দ্বারে আসিতে আসিতে বিস্তর ছোট লাট এবং বড় লাট বদল হইয়া যাইবে।

আমি একদিন প্রাতঃকালে গিয়া কৈলাসবাবুকে আড়ালে ডাকিয়া লইয়া চুপি চুপি বলিলাম—“ঠাকুর্দা, কাল লেপ্টেনেন্ট গবর্নরের গেভিতে গিয়েছিলুম। তিনি নয়নজোড়ের বাবুদের কথা পাড়াতে আমি বল্লুম “নয়নজোড়ের কৈলাসবাবু কলকাতাতেই আছেন, শুনে, ছোট লাট এতদিন দেখা ক’রতে আসেন নি ব’লে ভারি হুঃখিত হলেন—ব’লে দিলেন আজই ছপুর বেলা তিনি গোপনে তোমার সঙ্গে সাক্ষাৎ ক’রতে আসবেন।”

আর কেহ হইলে কথাটার অসম্ভবতা বুঝিতে পারিত এবং আর কাহারো সম্বন্ধে হইলে কৈলাসবাবুও এ-কথার হাস্য করিতেন কিন্তু নিজের সম্বন্ধীয় বলিয়া এ সংবাদ তাঁহার লেশমাত্র অবিস্থান বোধ হইল না।—শুনিয়া যেমন খুসি হইলেন তেমনি অস্থির হইয়া উঠিলেন—কোথায় বসাইতে, কি করিতে হইবে, কেমন করিয়া অভ্যর্থনা করিবেন—কি উপায়ে নয়নজোড়ের গৌরব রক্ষিত হইবে কিছুই ভাবিয়া পাইলেন না। তাহা ছাড়া তিনি ইংরাজি জানেন না, কথা চালাইবেন কি করিয়া সেও এক সমস্যা।

আমি বলিলাম, “সেজ্ঞা ভাবনা নাই, তাঁহার সঙ্গে এক জন দোভাষী থাকে; কিন্তু ছোটলাট সাহেবের বিশেষ ইচ্ছা, আর কেহ উপস্থিত না থাকে।”

মধ্যাহ্নে পাড়ার অধিকাংশ লোক যখন আফিসে গিয়াছে এবং অবশিষ্ট

অংশ দ্বার রুদ্ধ করিয়া নিদ্রামগ্ন, তখন কৈলাসবাবুর বাসার সম্মুখে এক জুড়ি আসিয়া দাঁড়াইল।

তকমা-পরা চাপ্রাসি তাঁহাকে খবর দিল ছোটলাট সাহেব আয়া! ঠাকুর্দা প্রাচীনকাল-প্রচলিত শুল্ক জামাজোড়া এবং পাগড়ি পরিয়া প্রস্তুত হইয়া ছিলেন; তাঁহার পুরাতন ভৃত্য গণেশটিকেও তাঁহার নিজের ধুতি চাদর জামা পরাইয়া ঠিকঠাক করিয়া রাখিয়াছিলেন। ছোটলাটের আগমন সংবাদ শুনিয়াই হাঁপাইতে হাঁপাইতে কাদিতে কাদিতে ছুটিয়া দ্বারে গিয়া উপস্থিত হইলেন—এবং সন্নতদেহে বারম্বার সেলাম করিতে করিতে ইংরাজবেশধারী আমার এক প্রিয় বন্ধুকে ঘরে লইয়া গেলেন।

সেখানে চৌকীর উপরে তাঁহার একমাত্র বহুমূল্য শালটি পাতিয়া রাখিয়া ছিলেন তাহারই উপর কৃত্রিম ছোটলাটকে বসাইয়া উর্দুভাষায় এক অতি বিনীত সুদীর্ঘ বক্তৃতা পাঠ করিলেন, এবং নজরের স্বরূপে স্বর্ণ রেকাবীতে তাঁহাদের বহুকষ্টরক্ষিত কুলজ্ঞমাগত এক আস্রফির মালা ধরিলেন। প্রাচীন ভৃত্য গণেশ গোলাপপাশ এবং আন্তরদান লইয়া উপস্থিত ছিল।

কৈলাশ বাবু বারম্বার আক্ষেপ করিতে লাগিলেন যে, তাঁহাদের নয়নজোড়ের বাড়ীতে হজুর বাহাছরের পদধূলি পড়িলে তাঁহাদের যথাসাধ্য যথোচিত আতিথ্যের আয়োজন করিতে পারিতেন—কলিকাতার তিমি প্রবাসী—এখানে তিনি জলহীন মীনের ছায়া সর্ববিষয়েই অক্ষম—ইত্যাদি।

আমার বন্ধু দীর্ঘ হাটু সমেত অত্যন্ত গম্ভীরভাবে মাথা নাড়িতে লাগিলেন। ইংরাজি কায়দা-অনুসারে একরূপ স্থলে মাথায় টুপি না থাকিবার কথা কিন্তু আমার বন্ধু ধরা পড়িবার ভয়ে যথাসম্ভব আচ্ছন্ন থাকিবার চেষ্টায় টুপি খোলেন নাই। কৈলাশবাবু এবং তাঁহার গর্ভাঙ্ক প্রাচীন ভৃত্যটি ছাড়া আর সকলেই মুহূর্ত্তের মধ্যে বাঙ্গালীর এই ছদ্মবেশ ধরিতে পারিত।

দশমিনিট কাল ঘাড় নাড়িয়া আমার বন্ধু গাভ্রোথান করিলেন এবং পূর্বশিক্ষামত চাপ্রাশিগণ সোনার রেকাবিস্বল্প আস্রফির মালা, চৌকি হইতে সেই শাল, এবং ভৃত্যের হাত হইতে গোলাপপাশ এবং আন্তরদান সংগ্রহ করিয়া ছদ্মবেশীর গাড়িতে তুলিয়া দিল—কৈলাশ বাবু বুকিলেন ইহাই ছোট লাটের প্রথা। আমি গেল্লেনে এক পাশের ঘরে লুকাইয়া

দেখিতেছিলাম এবং রুদ্ধ হস্তাবেশে আমার পঞ্জর বিদীর্ণ হইবার উপক্রম হইতেছিল।

অবশেষে কিছুতে আর থাকিতে না পারিয়া ছুটিয়া কিঞ্চিৎ দূরবর্তী এক ঘরের মধ্যে গিয়া প্রবেশ করিলাম—এবং সেখানে হাসির উচ্ছ্বাস উন্মুক্ত করিয়া দিয়া হঠাৎ দেখি, একটি বালিকা তরুণপুষ্পের উপর উপুড় হইয়া পড়িয়া ফুলিয়া ফুলিয়া কাঁদিতেছে।

আমাকে হঠাৎ ঘরে প্রবেশ করিয়া হাসিতে দেখিয়া সে তৎক্ষণাৎ তন্তু ছাড়িয়া দাঁড়াইল—এবং অশ্রুধ্বজ কণ্ঠে রোষের গর্জন আনিয়া, আমার মুখের উপর সজল বিপুল ক্রম্ভ চক্ষের স্নাতীক বিদ্যুৎ বর্ষণ করিয়া কহিল—“আমার দাদামশায় তোমাদের কি ক’রেছেন—কেন তোমরা তাঁহাকে ঠকাতে এসেচ—কেন এসেচ তোমরা”—অবশেষে আর কোনো কথা জুটিল না—বাকরুদ্ধ হইয়া মুখে কাপড় দিয়া কাঁদিয়া উঠিল।

কোথায় গেল আমার হস্তাবেগ! আমি যে কাজটি করিয়াছি তাহার মধ্যে কৌতুক ছাড়া আর যে কিছু ছিল এতক্ষণ তাহা আমার মাথায় আসে নাই—হঠাৎ দেখিলাম অত্যন্ত কোমল স্থানে অত্যন্ত কঠিন আঘাত করিয়াছি; হঠাৎ আমার কৃতকার্যের বীভৎস নিষ্ঠুরতা আমার সম্মুখে দেদীপমান হইয়া উঠিল—লজ্জায় এবং অনুতাপে পদাহত কুকুরের ত্রায় ঘর হইতে নিঃশব্দে বাহির হইয়া গেলাম। বৃদ্ধ আমার কাছে কি দোষ করিয়াছিল? তাহার নিরীহ অহঙ্কার তো কখনো কোনো প্রাণীকে আঘাত করে নাই! আমার অহঙ্কার কেন এমন হিংস্রমূর্তি ধারণ করিল।

তাহা ছাড়া আর একটি বিষয়ে আজ হঠাৎ দৃষ্টি খুলিয়া গেল। এতদিন আমি কুসুমকে, কোনো অবিবাহিত পাত্রের প্রসন্ন দৃষ্টিপাতের প্রতীক্ষায় সংরক্ষিত পণ্য-পদার্থের মত দেখিতাম—ভাবিতাম, আমি পছন্দ করি নাই বলিয়া ও পড়িয়া আছে, দৈবাৎ যাহার পছন্দ হইবে ও তাহারই হইবে। আজ দেখিলাম এই গৃহকোণে, ঐ বালিকামূর্তির অন্তরালে একটি মানব হৃদয় আছে। তাহার নিজের সুখ দুঃখ অমুরাগ বিরাগ লইয়া একটি অন্তঃকরণ একদিকে অজ্ঞেয় অতীত আর একদিকে অভাবনীয় ভবিষ্যৎ নামক দুই অনন্ত রহস্যরাজ্যের দিকে পূর্বে পশ্চিমে প্রসারিত হইয়া রহিয়াছে। যে মাহুঘের মধ্যে হৃদয় আছে

সে কি কেবল পণের টাকা এবং নাক চোখের পরিমাণ মাপিয়া পছন্দ করিয়া লইবার যোগ্য ?

সমস্ত রাত্রি নিদ্রা হইল না। পরদিন প্রত্যুষে বুদ্ধের সমস্ত অপহৃত বহুমূল্য দ্রব্যগুলি লইয়া চোরের ছায় চুপি চুপি ঠাকুর্দার বাসায় গিয়া প্রবেশ করিলাম— ইচ্ছা ছিল, কাহাকেও কিছু না বলিয়া গোপনে চাকরের হস্তে সমস্ত দিয়া আসিব।

চাকরকে দেখিতে না পাইয়া ইতস্ততঃ করিতেছি এমন সময় অদূরবর্তী ঘরে বুদ্ধের সহিত বালিকার কথোপকথন শুনিতে পাইলাম। বালিকা স্তম্ভিত স্বরে জিজ্ঞাসা করিতেছিল, “দাদামশায়, কাল লাট সাহেব তোমাকে কি বলেন ?” ঠাকুর্দা অত্যন্ত হবিত চিত্তে লাটসাহেবের মুখে প্রাচীন নয়নজোড় বংশের বিস্তর কাল্পনিক গুণানুবাদ বসাইতেছিলেন। বালিকা তাহাই শুনিয়া মহোৎসাহ প্রকাশ করিতেছিল।

বুদ্ধ অভিভাবকের প্রতি মাতৃহৃদয়া এই ক্ষুদ্র বালিকার সন্ধান চলনায় আমার দুই চক্ষু জল ছল্ ছল্ করিয়া আসিল। অনেকক্ষণ চুপ করিয়া বসিয়া রহিলাম—অবশেষে ঠাকুর্দা তাঁহার কাহিনী সমাপন করিয়া চলিয়া আসিলে আমার প্রতারণার বমালগুলি লইয়া বালিকার নিকট উপস্থিত হইলাম এবং নিঃশব্দে তাহার সম্মুখে সমস্ত রাখিয়া বাহিরে চলিয়া আসিলাম।

বর্তমান কালের প্রথাযুসারে অতদিন বুদ্ধকে দেখিয়া কোনো প্রকার অভিবাদন করিতাম না—আজ তাঁহাকে প্রণাম করিলাম। বুদ্ধ নিশ্চয় মনে ভাবিলেন, গতকল্য ছোট লাট তাঁহার বাড়িতে আসাতেই সহসা তাঁহার প্রতি আমার ভক্তির উদ্বেক হইয়াছে। তিনি পুলকিত হইয়া শতমুখে ছোটলাটের গল্প বানাইয়া বহিতে লাগিলেন—আমিও কোনো প্রতিবাদ না করিয়া তাহাতে যোগ দিলাম। বাহিরের অন্ধ লোক যাহারা শুনিল তাহারা এ কথাটাকে আত্মোপাস্ত গল্প বলিয়া স্থির করিল, এবং সকৌতুকে বুদ্ধের সহিত সকল কথায় সাঙ্গ দিয়া গেল।

সকলে উঠিয়া গেলে আমি অত্যন্ত সজ্জ মুখে দীনভাবে বুদ্ধের নিকট একটি প্রস্তাব করিলাম। বলিলাম, যদিও নয়নজোড়ের বাবুদের সহিত আমাদের বংশধর্মাদার তুলনাই হইতে পারে না, তথাপি—

প্রস্তাবটা শেষ হইবামাত্র বৃদ্ধ আমাকে বক্ষে আলিঙ্গন করিয়া ধরিলেন, এবং আনন্দাবেগে বলিয়া উঠিলেন—“আমি গরীব—আমার যে এমন সৌভাগ্য হবে তা আমি জানতুম না ভাই—আমার কুসুম অনেক পুণ্য ক’রেছে তাই তুমি আজ ধরা দিলে!” বলিতে বলিতে বৃদ্ধের চক্ষু-দ্বিয়া জল পড়িতে লাগিল।

বৃদ্ধ, আজ এই প্রথম, তাঁহার মহিমাষিত পূর্বপুরুষদের প্রতি কর্তব্য বিম্বিত হইয়া স্বীকার করিলেন যে, তিনি গরীব, স্বীকার করিলেন যে আমাকে লাভ করিয়া নয়নজোড় বংশের গৌরব হানি হয় নাই। আমি যখন বৃদ্ধকে অপদস্থ করিবার জন্ত চক্রান্ত করিতেছিলাম তখন বৃদ্ধ আমাকে পরম সৎপাত্র জানিয়া একান্তমনে কামনা করিতেছিলেন।

(১৩০২—জ্যৈষ্ঠ)

প্রতিহিংসা

প্রথম পরিচ্ছেদ

মুকুন্দবাবুদের ভূতপূর্ব দেওয়ানের পৌত্রী, বর্তমান ম্যানেজারের স্ত্রী ইন্সানী অশুভ ক্ষণে বাবুদের বাড়িতে তাঁহাদের দৌহিত্রের বিবাহে বৌ-ভাতের নিমন্ত্রণে উপস্থিত ছিলেন।

তৎপূর্বকার ইতিহাস সংক্ষেপে বলিয়া রাখিলে কথাটা পরিষ্কার হইবে।

এক্ষণে মুকুন্দবাবুও ভূতপূর্ব, তাঁহার দেওয়ান গৌরীকান্তও ভূতপূর্ব; কালের আদ্যক্ষয় অনুসারে উভয়ের কেহই স্বস্থানে সশরীরে বর্তমান নাই। কিন্তু যখন ছিলেন তখন উভয়ের মধ্যে বন্ধন অত্যন্ত দৃঢ় ছিল। পিতৃমাতৃহীন গৌরীকান্তের যখন কোনো জীবনোপায় ছিল না, তখন মুকুন্দলাল কেবলমাত্র মুখ দেখিয়া তাঁহাকে বিশ্বাস করিয়া তাঁহার উপরে নিজের ক্ষুদ্র বিষয়সম্পত্তির পর্য্যবেক্ষণের ভার দেন। কালে প্রমাণ হইল যে, মুকুন্দলাল ভুল করেন নাই। কীট যেমন করিয়া বখ্শীক রচনা করে, স্বর্গকামী যেমন করিয়া পুণ্যসঞ্চয় করে, গৌরীকান্ত তেমন করিয়া অশ্রান্ত যত্নে তিলে তিলে দিনে দিনে মুকুন্দলালের 'বিষয় বৃদ্ধি করিতে লাগিলেন। অবশেষে যখন তিনি কোশলে আশ্চর্য্য সুলভ মূল্যে তরফ বাকাগাড়ি ক্রয় করিয়া মুকুন্দলালের সম্পত্তিভুক্ত করিলেন, তখন হইতে মুকুন্দবাবুরা গণ্যমাণ জমিদার শ্রেণীতে প্রতিষ্ঠিত হইলেন। প্রভুর উন্নতির সঙ্গে সঙ্গে ভৃত্যেরও উন্নতি হইল;—অল্পে অল্পে

তাঁহার কোঠাবাড়ি, জ্যোতজমা এবং পূজার্কনা বিস্তার লাভ করিল। এবং যিনি এককালে সামান্য তহনীলদার শ্রেণীর ছিলেন, তিনিও সাধারণের নিকট দেওয়ানজি নামে পরিচিত হইলেন।

ইহাই ভূতপূর্ব কালের ইতিহাস। বর্তমান কালে মুকুন্দবাবুর একটি পোষ্যপুত্র আছেন, তাঁহার নাম বিনোদবিহারী। এবং গৌরীকান্তের সুশিক্ষিত নাতজামাই অধিকাচরণ তাঁহাদের ম্যানেজারের কাজ করিয়া থাকেন। দেওয়ানজি তাঁহার পুত্র রমাকান্তকে বিশ্বাস করিতেন না—সেইজন্ত বার্ষিক্যবশত নিজে যখন কাজ ছাড়িয়া দিলেন তখন পুত্রকে লজ্বন করিয়া নাতজামাই অধিকাকে আপন কার্যে নিযুক্ত করিয়া দিলেন।

কাজকর্ম বেশ চলিতেছে ; পূর্বের আমলে যেমন ছিল এখনও সকলি প্রায় তেমনি আছে, কেবল একটা বিষয়ে একটু প্রভেদ ঘটয়াছে ; এখন প্রভু-ভূত্যের সম্পর্ক কেবল কাজকর্মের সম্পর্ক—হৃদয়ের সম্পর্ক নহে। পূর্বকালে টাকা শস্তা ছিল এবং হৃদয়টাও কিছু স্নেহ ছিল, এখন সর্বসম্মতিক্রমে হৃদয়ের বাজে খরচটা একপ্রকার রহিত হইয়াছে ; নিতান্ত আত্মীয়ের ভাগেই টানাটানি পড়িয়াছে, তা বাহিরের লোক পাইবে কোথা হইতে !

ইতিমধ্যে বাবুদের বাড়িতে দৌহিত্রের বিবাহে বৌ-ভাতের নিমন্ত্রণে দেওয়ানজির পোতী ইল্লাণী গিয়া উপস্থিত হইল।

সংসারটা কোতুহলী অদৃষ্টপুরুষের রাসায়নিক পরীক্ষাশালা ! এখানে কতকগুলি বিচিত্র-চরিত্র মানুষ একত্র করিয়া তাহাদের সংযোগ বিয়োগে নিম্নত কত চিত্রবিচিত্র অভূতপূর্ব ইতিহাস সৃজিত হইতেছে, তাহার আর সংখ্যা নাই।

এই বৌ-ভাতের নিমন্ত্রণস্থলে, এই আনন্দকার্যের মধ্যে দুটি দুই রকমের মানুষের দেখা হইল এবং দেখিতে দেখিতে সংসারের অশ্রান্ত জালবুনানীর মধ্যে একটা নূতন বর্ণের সূত্র উঠিয়া পড়িল এবং একটা নূতন রকমের গ্রাফ পড়িয়া গেল।

সকলের আহাতিদি শেষ হইয়া গেলে ইল্লাণী বৈকালের দিকে কিছু বিলম্বে মনিববাড়িতে গিয়া উপস্থিত হইয়াছিল। বিনোদের স্ত্রী নয়নতারা যখন বিলম্বের কারণ জিজ্ঞাসা করিল, ইল্লাণী গৃহকর্মের ব্যস্ততা, শারীরিক অস্বাস্থ্য

প্রভৃতি দুই চারিটা কারণ প্রদর্শন করিল, কিন্তু তাহা কাহারো সন্তোষজনক বোধ হইল না।

প্রকৃত কারণ যদিও ইন্দ্রাণী গোপন করিল তথাপি তাহা বুঝিতে কাহারো বাকি রহিল না। সে কারণটি এই,—মুকুন্দবাবু প্রভু, ধনী বটেন, কিন্তু কুলমর্যাদায় গৌরীকান্ত তাঁহাদের অপেক্ষা অনেক শ্রেষ্ঠ। ইন্দ্রাণী সে শ্রেষ্ঠতা ভুলিতে পারে না। সেই জন্ত মনিবের বাড়ি পাছে খাইতে হয় এই ভয়ে সে যথেষ্ট বিলম্ব করিয়া গিয়াছিল। তাহার অভিসন্ধি বুঝিয়া তাহাকে খাওয়াইবার জন্ত বিশেষ পীড়াপীড়ি করা হইয়াছিল কিন্তু ইন্দ্রাণী পরাস্ত হইবার মেয়ে নহে, তাহাকে কিছুতেই খাওয়ানো গেল না।

একবার মুকুন্দ এবং গৌরীকান্ত বর্তমানের কুলাভিমান লইয়া ইহা অপেক্ষা বৃহত্তর বিপ্লব বাধাইয়াছিল। সে ঘটনা এই স্থানে উল্লেখ করা যাইতে পারে।

ইন্দ্রাণী দেখিতে বড় স্নন্দর। আমাদের ভাষায় স্নন্দরীর সহিত স্থির সৌন্দামিনীর তুলনা প্রসিদ্ধ আছে। সে তুলনা অধিকাংশ স্থলেই খাটে না, কিন্তু ইন্দ্রাণীকে খাটে। ইন্দ্রাণী যেন আপনার মধ্যে একটা প্রবল বেগ এবং প্রথর জ্বালা একটি সহজ শক্তির দ্বারা অটল গাভীৰ্য্যপাশে অতি অনায়াসে বাঁধিয়া রাখিয়াছে। বিহুং তাহার মুখে চক্ষে এবং সর্বাস্থানে নিত্যকাল ধরিয়া নিত্যক হইয়া রহিয়াছে। এখানে তাহার চপলতা নিষিদ্ধ।

এই স্নন্দরী মেয়েটিকে দেখিয়া মুকুন্দবাবু তাহার পোষ্যপুত্রের সহিত ইহার বিবাহ দিবার প্রস্তাব গৌরীকান্তের নিকট উত্থাপিত করিয়াছিলেন। প্রভুভক্তিতে গৌরীকান্ত কাহারো নিকটে নুন ছিলেন না; তিনি প্রভুর জন্ত প্রাণ দিতে পারিতেন; এবং তাঁহার অবস্থার যতই উন্নতি হোক এবং কর্ত্তা তাঁহার প্রতি বন্ধুর ছায়া ব্যবহার করিয়া তাঁহার যতই প্রশ্রয় দিন, তিনি কখনো ভ্রমেও স্বপ্নে প্রভুর সম্মান বিস্মৃত হন নাই; প্রভুর সম্মুখে, এমন কি, প্রভুর প্রসঙ্গে তিনি যেন সন্নত হইয়া পড়িতেন—কিন্তু এই বিবাহের প্রস্তাবে তিনি কিছুতেই সন্মত হন নাই। প্রভুভক্তির দেনা তিনি কড়ায় গণ্ডার শোধ করিতেন, কুলমর্যাদার পাওনা তিনি ছাড়িবেন কেন! মুকুন্দলালের পুত্রের সহিত তিনি তাঁহার পৌত্রীর বিবাহ দিতে পারেন না।

ভৃত্যের এই কুলগর্ব মুকুন্দলালের ভালো লাগে নাই। তিনি আশা করিয়াছিলেন এই প্রস্তাবের দ্বারা তাঁহার ভক্ত সেবকের প্রতি অহুগ্রহ প্রকাশ করা হইবে ; গৌরীকান্ত যখন কথাটা সে-ভাবে লইলেন না তখন মুকুন্দলাল কিছুদিন তাঁহার সহিত বাক্যালাপ বন্ধ করিয়া তাঁহাকে অত্যন্ত মনঃকষ্ট দিয়াছিলেন। প্রভুর এই বিমুখতাব গৌরীকান্তের বক্ষে মৃত্যুশেলের ছায়া বাজিয়াছিল, কিন্তু তথাপি তিনি তাঁহার পৌত্রীর সহিত পিতৃমাতৃহীন দরিদ্র কুলীনসন্তানের বিবাহ দিয়া তাহাকে ঘরে পালন করিয়া নিজের অর্থে শিক্ষাদান করিতে লাগিলেন।

সেই কুলমদগর্কিত পিতামহের পৌত্রী ইন্দ্রাণী তাহার প্রভুগৃহে গিয়া আহার করিল না ; ইহাতে তাহার প্রভুপত্নী নয়নতারার অন্তঃকরণে স্রমধুর প্রীতিরস উদ্বেলিত হইয়া উঠে নাই সে-কথা বলা বাহুল্য। তখন ইন্দ্রাণীর অনেকগুলি স্পর্ধা নয়নতারার বিবেচকযায়িত কল্পনাচক্ষে প্রকাশ পাইতে লাগিল।

প্রথম, ইন্দ্রাণী অনেক গহনা পরিয়া অত্যন্ত সুসজ্জিত হইয়া আসিয়াছিল। মনিববাড়িতে এত ঐশ্বর্যের আড়ম্বর করিয়া প্রভুদের সহিত সমকক্ষতা দেখাইবার কি আবশ্যক ছিল ?

দ্বিতীয়, ইন্দ্রাণীর রূপের গর্ব। ইন্দ্রাণীর রূপটা ছিল সে বিষয়ে সন্দেহ নাই, এবং নিয়মদৃষ্ ব্যক্তির এত অধিক রূপ থাকা অনাবশ্যক এবং অন্ত্যাহ হইতে পারে কিন্তু তাহার গর্বটা সম্পূর্ণ নয়নতারার কল্পনা। রূপের জন্ত কাহাকেও দোষী করা যায় না, এই জন্ত নিন্দা করিতে হইলে অগত্যা গর্বের অবতারণা করিতে হয়।

তৃতীয়, ইন্দ্রাণীর দান্তিকতা,—চলিত ভাষায় বাহাকে বলে দেমাঙ্ক। ইন্দ্রাণীর একটি স্বাভাবিক গাঙ্গীর্ষ্য ছিল। অত্যন্ত প্রিয় পরিচিত ব্যক্তি ব্যতীত সে কাহারো সহিত মাথামাথি করিতে পারিত না। তাহা ছাড়া গায়ে পড়িয়া একটা সোরগোল করা, অগ্রসর হইয়া সকল কাজে হস্তক্ষেপ করিতে বাওয়া সে-ও তাহার স্বভাবসিদ্ধ ছিল না।

এইরূপ নানাপ্রকার অমূলক ও সমূলক কারণে নয়নতারার ক্রমশ উত্তপ্ত হইয়া উঠিতে লাগিল এবং অনাবশ্যক স্ত্রী খরিয়া ইন্দ্রাণীকে “আমাদের

ম্যানেজারের স্ত্রী” “আমাদের দেওয়ানের নাতনী” বলিয়া বারবার পরিচিত ও অভিহিত করিতে লাগিল। তাহার একজন প্রিয় মুখরা দাসীকে শিখাইয়া দিল—সে ইন্দ্রাণীর গায়ের উপর পড়িয়া পরম সখীভাবে তাহার গহনাগুলি হাত দিয়া নাড়িয়া নাড়িয়া সমালোচনা করিতে লাগিল—কণ্ঠী এবং বাজুবন্ধের প্রশংসা করিয়া জিজ্ঞাসা করিল, “হাঁ ভাই, এ কি গিণ্টিকরা?”

ইন্দ্রাণী পরম গভীর মুখে কহিল, “না, এ পিতলের!”

নয়নতারার ইন্দ্রাণীকে সম্বোধন করিয়া কহিল, “ওগো, তুমি ওখানে একলা দাঁড়িয়ে কি করুচ, এই খাবারগুলো হাটখোলার পাকীতে তুলে দিয়ে এস না।” অদূরে বাড়ির দাসী উপস্থিত ছিল।

ইন্দ্রাণী কেবল মুহূর্তকালের জন্ত তাহার বিপুলপশ্ছছায়াগভীর উদার দৃষ্টি মেলিয়া নয়নতারার মুখের দিকে চাহিল এবং পরক্ষণেই নীরবে মিষ্টান্নপূর্ণ সরা, খুরি তুলিয়া লইয়া হাটখোলার পাকীর উদ্দেশে নীচে চলিল।

যিনি এই মিষ্টান্ন উপহার প্রাপ্ত হইয়াছেন তিনি শশবাস্ত হইয়া কহিলেন, “তুমি কেন ভাই কষ্ট করুচ, দাও না ঐ দাসীর হাতে দাও!”

ইন্দ্রাণী তাহাতে সম্মত না হইয়া কহিল, “এতে আর কষ্ট কিসের!”

অপর কহিলেন, “তবে ভাই আমার হাতে দাও!”

ইন্দ্রাণী কহিল, “না, আমিই নিয়ে যাচ্ছি!”

বলিয়া, অন্নপূর্ণা যেমন স্নিগ্ধগভীর মুখে সমুচ্চ স্নেহে ভক্তকে বহুতে অন্ন তুলিয়া দিতে পারিতেন, তেমনি অটল স্নিগ্ধভাবে ইন্দ্রাণী পাকীতে মিষ্টান্ন রাখিয়া আসিল—এবং সেই দুই মিনিটকালের সংস্রবে হাটখোলাবাসিনী ধনিগৃহ-বধু এই অল্পভাষিনী মিতহাসিনী ইন্দ্রাণীর সহিত জন্মের মত প্রাণের সখীত্ব স্থাপনের জন্ত উচ্ছ্বসিত হইয়া উঠিল।

এইরূপে নয়নতারার স্ত্রীজনগুলভ নিষ্ঠুর নৈপুণ্যের সহিত যতগুলি অপমানশর বর্ষণ করিল ইন্দ্রাণী তাহার কোনোটাকেই গায়ে বিধিতে দিল না। সকলগুলিই তাহার অকলঙ্ক সমুচ্ছল সহজ তেজস্বিতার কঠিন বর্শে ঠেকিয়া আপনি ভাঙিয়া ভাঙিয়া পড়িয়া গেল। তাহার গভীর অবিচলতা দেখিয়া নয়নতারার আক্রোশ আরো বাড়িয়া উঠিতে লাগিল এবং ইন্দ্রাণী তাহা বুঝিতে পারিয়া এক সময় অলক্ষ্যে কাহারো নিকট বিদায় না লইয়া বাড়ি চলিয়া আসিল।

দ্বিতীয় পরিচ্ছেদ

যাহারা শাস্তভাবে সহ্য করে তাহারা গভীরতরূপে আহত হয় ; অপমানের আঘাত ইন্দ্রাণী যদিও অসীম অবজ্ঞাভরে প্রত্যাখ্যান করিয়াছিল, তথাপি তাহা তাহার অন্তরে বাজিয়াছিল ।

ইন্দ্রাণীর সহিত যেমন বিনোদবিহারীর বিবাহের প্রস্তাব হইয়াছিল তেমনি এক সময় ইন্দ্রাণীর এক দূর সম্পর্কের নিঃস্ব পিস্তুতো ভাই বামাচরণের সহিত নয়নতারার বিবাহের কথা হয় ;—সেই বামাচরণ এখন বিনোদের সেরেস্তায় একজন সামান্য কর্মচারী । ইন্দ্রাণীর এখনো মনে পড়ে, বাল্যকালে একদিন নয়নতারার বাপ নয়নকে সঙ্গে করিয়া তাঁহাদের বাড়িতে আসিয়া বামাচরণের সহিত তাঁহার কন্যার বিবাহের জন্ত গৌরীকান্তকে বিস্তর অনুনয় বিনয় করিয়া-ছিলেন । সেই উপলক্ষে ক্ষুদ্র বালিকা নয়নতারার অসামান্য প্রগল্ভতায় গৌরীকান্তের অন্তঃপুরে সকলেই আশ্চর্য্য এবং কোতূকাবিত হইয়াছিলেন, এবং তাহার সেই অকালপক্বতার নিকট মুখচোরা লাজুক ইন্দ্রাণী নিজেকে নিতান্ত অক্ষমা অনভিজ্ঞা জ্ঞান করিয়াছিল । গৌরীকান্ত সেই মেরেটির অনর্গল কথায় বার্তায় এবং চেহারায় বড়ই খুসি হইয়াছিলেন কিন্তু কুলের যৎকিঞ্চৎ ক্রটি থাকায় বামাচরণের সহিত ইহার বিবাহ-প্রস্তাবে মত দিলেন না । অবশেষে তাঁহারই পছন্দে এবং তাঁহারই চেষ্টায় অকুণ্ঠীন বিনোদের সহিত নয়নতারার বিবাহ হয় ।

এই সকল কথা মনে করিয়া ইন্দ্রাণী কোনো সাহসনা পাইল না । বরং অপমান আরো বেশী করিয়া বাজিতে লাগিল । মহাভারতে বর্ণিত শুক্রাচার্য্যদ্রুহিতা দেবযানী এবং শর্মিষ্ঠার কথা মনে পড়িল । দেবযানী যেমন তাহার প্রভুকন্যা শর্মিষ্ঠার দর্পচূর্ণ করিয়া তাহাকে দাসী করিয়াছিল, ইন্দ্রাণী যদি তেমনি করিতে পারিত তবেই যথোপযুক্ত বিধান হইত । এক সময় ছিল, যখন দৈত্যদের নিকট দৈত্যগুরু শুক্রাচার্য্যের ছাত্র মুকুন্দবাবুর পরিবারবর্গের নিকট তাহার পিতামহ গৌরীকান্ত একান্ত আবশ্যক ছিলেন । তখন তিনি যদি ইচ্ছা করিতেন তবে মুকুন্দবাবুকে হীনতা স্বীকার করাইতে পারিতেন -- কিন্তু তিনিই মুকুন্দলালের

বিষয়-সম্পত্তিকে উন্নতির চরম সীমায় উত্তীর্ণ করিয়া দিয়া সর্বপ্রকার শৃঙ্খলা স্থাপন করিয়া গিয়াছেন, অতএব আজ আর তাঁহাকে স্মরণ করিয়া প্রভুদের কৃতজ্ঞ হইবার আবশ্যকতা নাই। ইচ্ছাণী মনে করিল, ঝাঁকাগাড়ি পরগণা তাহার পিতামহ অনায়াসে নিজের জন্তই কিনিতে পারিতেন, তখন তাঁহার সে ক্ষমতা জন্মিয়াছিল, তাহা না করিয়া তিনি সেটা মনিবকে কিনিয়া দিলেন— ইহা যে একপ্রকার দান করা সে-কথা কি আজ সেই মনিবের বংশে কেহ মনে করিয়া রাখিয়াছে? আমাদেরই দত্ত ধনমানের গর্বে তোমরা আমাদেরকে আজ অপমান করিবার অধিকার পাইয়াছ ইহাই মনে করিয়া ইচ্ছাণীর চিত্ত ক্ষুব্ধ হইয়া উঠিল।

বাড়ি ফিরিয়া আসিয়া সে দেখিল তাহার স্বামী প্রভুগৃহের নিমন্ত্রণ ও তাহার পরে জমিদারী কাছারির সমস্ত কাজকর্ম সারিয়া তাঁহার শয়ন-কক্ষের একটি কেরাদা আশ্রয় করিয়া নিভৃত খবরের কাগজ পাঠ করিতেছেন।

অনেকের ধারণা আছে যে, স্বামী জীবন স্বভাব প্রায়ই একরূপ হইয়া থাকে। তাহার কারণ, দৈবাৎ কোনো কোনো স্থলে স্বামী জীবন স্বভাবের মিল দেখিতে পাইলে সেটা আমাদের নিকট এমন সমুচিত এবং সঙ্গত বলিয়া বোধ হয় যে, আমরা আশা করি এই নিয়ম বুঝি অধিকাংশ স্থলেই খাটে। যাহা হোক, বর্তমান ক্ষেত্রে অধিকাচরণের সহিত ইচ্ছাণীর দুই একটা বিশেষ বিষয়ে বাস্তবিক স্বভাবের মিল দেখা যায়। অধিকাচরণ তেমন মিশুক লোক নহেন। তিনি বাহিরে যান কেবলমাত্র কাজ করিতে। নিজের কাজ সম্পূর্ণ শেষ করিয়া এবং অতঃপূর্ব পুরাতন কাজ করাইয়া লইয়া বাড়ি আসিয়া যেন তিনি অনায়াসতার আক্রমণ হইতে আত্মরক্ষা করিবার জন্ত এক দুর্গম দুর্গের মধ্যে প্রবেশ করেন। বাহিরে তিনি এবং তাঁহার কর্তব্য কর্ম, ঘরের মধ্যে তিনি এবং তাঁহার ইচ্ছাণী, ইহাতেই তাঁহার সমস্ত জীবন পর্যাপ্ত।

ভূষণের ছটা বিস্তার করিয়া যখন সুসজ্জিতা ইচ্ছাণী ঘরে প্রবেশ করিলেন, তখন অধিকাচরণ তাঁহাকে পরিহাস করিয়া কি একটা কথা বলিবার উপক্রম করিলেন, কিন্তু সহসা ক্ষান্ত হইয়া চিন্তিত ভাবে জিজ্ঞাসা করিলেন—“তোমার কি হ’য়েছে?”

ইচ্ছাণী তাঁহার সমস্ত চিন্তা হাসিয়া উড়াইয়া দিবার চেষ্টা করিয়া

কহিলেন, “কি আর হবে? সম্রাতি আমার স্বামিরত্নের সঙ্গে সাক্ষাৎ হ’য়েচে।”

অধিকা খবরের কাগজ ভূষিতলে ফেলিয়া দিয়া কহিলেন—“সে তো আমার অগোচর নেই। তৎপূর্বে?”

ইন্দ্রাণী একে একে গহনা খুলিতে খুলিতে বলিলেন, “তৎপূর্বে স্বামিনীর কাছ থেকে সমাদর লাভ হয়েচে।”

অধিকা জিজ্ঞাসা করিলেন—“সমাদরটা কি রকমের?”

ইন্দ্রাণী স্বামীর কাছে আসিয়া তাঁহার কেরারার হাতার উপর বসিয়া তাঁহার গ্রীবা বেঁধন করিয়া উত্তর করিল, “তোমার কাছ থেকে যে রকমের পাই ঠিক সেই রকমের নয়।”

তাহার পর, ইন্দ্রাণী একে একে সকল কথা বলিয়া গেল। সে মনে করিয়াছিল স্বামীর কাছে এ-সকল অপ্রিয় কথার উত্থাপন করিবে না; কিন্তু সে প্রতিজ্ঞা রক্ষা হইল না এবং ইহার অনুরূপ প্রতিজ্ঞাও ইন্দ্রাণী ইতিপূর্বে কখনো রক্ষা করিতে পারে নাই। বাহিরের লোকের নিকট ইন্দ্রাণী যতই সংযত সমাহিত হইয়া থাকিত, স্বামীর নিকটে সে সেই পরিমাণে আপন প্রকৃতির সমুদয় স্বাভাবিক বন্ধন মোচন করিয়া ফেলিত—সেখানে লেশমাত্র আত্মগোপন করিতে পারিত না।

অধিকাচরণ সমস্ত ঘটনা গুনিয়া মর্শাস্তিক ক্রুদ্ধ হইয়া উঠিলেন। বলিলেন, “এখন আমি কাজে ইস্তফা দিব।” তৎক্ষণাৎ তিনি বিনোদ বাবুকে এক কড়া চিঠি লিখিতে উত্তত হইলেন।

ইন্দ্রাণী তখন চোঁকির হাতা হইতে নীচে নামিয়া মাহুরপাতা মেজের উপর পায়ের কাছে বসিয়া তাঁহার কোলের উপর বাহু রাখিয়া বলিল—“এত তাড়া-তাড়ি কাজ নেই। চিঠি আজ থাক। কাল সকালে যা হয় স্থির কোরো।”

অধিকা উত্তেজিত হইয়া উঠিয়া কহিলেন, “না, আর এক দণ্ড বিলম্ব করা উচিত নয়।”

ইন্দ্রাণী তাহার পিতামহের হৃদয়মণ্ডলে একটিমাত্র পদ্মের মত ফুটিয়া উঠিয়াছিল। তাঁহার অন্তর হইতে সে যেমন স্নেহরস আকর্ষণ করিয়া লইয়াছিল তেমনি পিতামহের চিত্তসঞ্চিত অনেকগুলি ভাব সে অলক্ষ্যে গ্রহণ করিয়াছিল।

মুকুললালের পরিবারের প্রতি গৌরীকান্তের যে একটি নিষ্ঠা ও ভক্তি ছিল ইজ্রাণী যদিও তাহা সম্পূর্ণ প্রাপ্ত হয় নাই, কিন্তু প্রভুপরিবারের হিতসাধনে জীবন অর্পণ করা যে তাহাদের কর্তব্য, এই ভাবটি তাহার মনে দৃঢ় বদ্ধমূল হইয়া গিয়াছিল। তাহার অশিক্ষিত স্বামী ইচ্ছা করিলে ওকালতী করিতে পারিতেন, সম্মানজনক কাজ লইতে পারিতেন, কিন্তু তাঁহার জীবন হৃদয়ের দৃঢ় সংস্কার অনুসরণ করিয়া তিনি অনগ্রমানে সন্তুষ্টচিত্তে বিনোদের বিষয় সম্পত্তির তত্ত্বাবধান করিতেছিলেন। ইজ্রাণী যদিও অপमानে আত্মত হইয়াছিল, তথাপি তাহার স্বামী যে বিনোদলালের কাজ ছাড়িয়া দিবে এ তাহার কিছুতেই মনে লইল না।

ইজ্রাণী তখন যুক্তির অবতারণা করিয়া মৃদু মিষ্টস্বরে কহিল,—“বিনোদ বাবুর তো কোনো দোষ নেই, তিনি কিছুই জানেন না—তাঁর জীবন উপর রাগ ক’রে তুমি হঠাৎ তাড়াতাড়ি তাঁর সঙ্গে ঝগড়া ক’রতে যাবে কেন।”

শুনিয়া অম্বিকা বাবু উচ্চৈঃস্বরে হাসিয়া উঠিলেন,—নিজের সঙ্কল্প তাঁহার নিকট অত্যন্ত হাস্যকর বলিয়া বোধ হইল। তিনি কহিলেন, “সে একটা কথা বটে! কিন্তু মনিব হোন আর যিনিই হোন ওদের ওখানে আর কখনো তোমাকে পাঠাচ্চিনে।”

এই অল্প একটু ঝড়েই সেদিনকার মত মেঘ কাটিয়া গেল, গৃহ প্রসন্ন হইয়া উঠিল এবং স্বামীর বিশেষ আদরে ইজ্রাণী বাহিরের সমস্ত অনাদর বিস্মৃত হইয়া গেল।

তৃতীয় পরিচ্ছেদ

বিনোদবিহারী অম্বিকাচরণের উপর সম্পূর্ণ ভার দিয়া জমিদারীর কাজ কিছুই দেখিতেন না, নিতান্ত-নির্ভর ৭ অতিনিশ্চয়তাবশত কোনো কোনো স্বামী ঘরের জীকে যেরূপ অবহেলার চক্ষে দেখিয়া থাকে, নিজের জমিদারীর প্রতিও বিনোদের কতকটা সেই ভাবের উপেক্ষা ছিল। জমিদারীর আয় এতই নিশ্চিত এতই বাধা যে তাহাকে আয় বলিয়া বোধ হয় না—তাহা অভ্যস্ত এবং তাহার কোনো আকর্ষণ ছিল না।

বিনোদের ইচ্ছা ছিল, একটা সংক্ষেপ সুউজ্জ্বলপথ অবলম্বন করিয়া হঠাৎ এক

রাজির মধ্যে কুবেরের ভাণ্ডারের মধ্যে প্রবেশ করিবেন। সেই জন্ত নানা লোকের পরামর্শে তিনি গোপনে নানা প্রকার আজগুবী ব্যবসায়ে হস্তক্ষেপ করিতেন। কখনো স্থির হইত দেশের সমস্ত বাবলা গাছ জমা লইয়া গোকুর গাড়ির চাকা তৈরি করিবেন, কখনো পরামর্শ হইত সুন্দর বনের সমস্ত মধুচক্র তিনি আহরণ করিবেন, কখনো লোক পাঠাইয়া পশ্চিম প্রদেশের বনগুলি বন্দোবস্ত করিয়া হরীতকীর ব্যবসায় একচেটে করিবার আয়োজন হইত। বিনোদ মনে মনে ইহা বুঝিতেন যে, অল্প লোক গুলিতে হাসিবে, সেই জন্ত কাহারও কাছে প্রকাশ করিতে চাহিতেন না। বিশেষত অশ্বিকাচরণকে তিনি একটু বিশেষ লজ্জা করিতেন; অশ্বিকা পাছে মনে করেন তিনি টাকাগুলো নষ্ট করিতে বসিয়াছেন সেজন্য মনে মনে সঙ্কুচিত ছিলেন। অশ্বিকার নিকট তিনি এমনভাবে থাকিতেন যেন অশ্বিকাই জমিদার এবং তিনি কেবল বসিয়া থাকিবার জন্ত বার্ষিক কিছু বেতন পাইতেন।

নিমন্ত্রণের পরদিন হইতে নয়নতারা তাঁহার স্বামীর কানে মন্ত্র দিতে লাগিলেন। তুমি তো নিজে কিছুই দেখ না, তোমাকে অশ্বিকা হাত তুলিয়া যাহা দেয় তাহাই শিরোধার্য করিয়া লও; এদিকে ভিতরে ভিতরে কি সর্বনাশ হইতেছে তাহা কেহই জানে না। তোমার ম্যানেজারের স্ত্রী বা গয়না পরিয়া আসিয়াছিল, এমন গয়না তোমার ঘরে আসিয়া আমি কখনো চক্ষেও দেখি নাই। এসব গয়না সে পায় কোথা হইতে এবং এই দেমাকই বা তাহার বাড়িল কিসের জোরে! ইত্যাদি ইত্যাদি গহনার বর্ণনা নয়নতারা অনেকটা অতিরঞ্জিত করিয়া বলিল, এবং ইঙ্গাণী নিজমুখে তাহার দাসীকে কি সকল কথা বলিয়া গেছে তাহাও সে বহুল পরিমাণে রচনা করিয়া গেল।

বিনোদ দুর্বল প্রকৃতির লোক—একদিকে সে পরের প্রতি নির্ভর করিয়াও থাকিতে পারে না, অপরদিকে যে তাহার কানে যেরূপ সন্দেহ তুলিয়া দেয় সে তাহাই বিশ্বাস করিয়া বসে। ম্যানেজার যে চুরি করিতেছে মুহূর্তকালের মধ্যেই এ বিশ্বাস তাহার দৃঢ় হইল। বিশেষত কাজ সে নিজে দেখে না বলিয়া কল্পনায় সে নানা প্রকার বিভীষিকা দেখিতে লাগিল—অথচ কেমন করিয়া ম্যানেজারের চুরি ধরিতে হইবে তাহারও রাস্তা সে জানে না। স্পষ্ট করিয়া তাহাকে কিছু বলিতে পারে এমন সাহস নাই—মহা মুক্তি হইল।

অধিকাচরণের একাধিপত্যে কর্মচ্যবিগণ সকলেই ঈর্ষান্বিত ছিল। বিশেষত গৌরীকান্ত তাঁহার যে দূরসম্পর্কীয় ভাগিনেয় বামাচরণকে কাজ দিয়াছিলেন অধিকার প্রতি বিদ্বেষ তাহারই সর্বাপেক্ষা অধিক ছিল। কারণ, সম্পর্ক প্রভৃতি অনুসারে সে নিজেকে অধিকার সমান জ্ঞান করিত এবং অধিকা তাহার আত্মীয় হইয়াও কেবলমাত্র ঈর্ষাবশতই তাহাকে উচ্চপদ দিতেছে না, এ ধারণা তাহার দৃঢ় ছিল। পদ পাইলেই পদের উপযুক্ত যোগ্যতা আপনি যোগায় এই তাহার মত। বিশেষত ম্যানেজারের কাজকে সে অত্যন্ত তুচ্ছজ্ঞান করিত; বলিত, সেকালে রথের উপর যেমন ধ্বজা থাকিত, আজকাল আগিসের কাজে ম্যানেজার সেইরূপ—ঘোড়াবেটা খাটিয়া মরে আর ধ্বজা মহাশয় রথের সঙ্গে সঙ্গে কেবল দর্পভরে ছলিতে থাকেন।

বিনোদ ইতিপূর্বে কাজকর্মের কোনো খোঁজখবর লইত না—কেবল যখন ব্যবসা উপলক্ষে হঠাৎ অনেক টাকার প্রয়োজন হইত তখন গোপনে খাজাঞ্চিকে ডাকিয়া জিজ্ঞাসা করিত, এখন তহবিলে কত টাকা আছে? খাজাঞ্চি টাকার পরিমাণ বলিলে কিঞ্চিৎ ইতস্তত করিয়া সে টাকাটা চাহিয়া ফেলিত—যেন তাহা পরের টাকা। খাজাঞ্চি তাহার নিকট সহ লইয়া টাকা দিত, তাহার পরে কিছুকাল ধরিয়া অধিকাবাবুর নিকট বিনোদ কুণ্ঠিত হইয়া থাকিত! কোনো মতে তাঁহার সহিত সাক্ষাৎ না হইলেই আরাম বোধ করিত।

অধিকাচরণ মাঝে মাঝে ইহা লইয়া বিপদে পড়িতেন। কারণ জমিদারের অংশ জমিদারকে দিয়া তহবিলে প্রায় আশ্রয়ী সদরখাজনা, অথবা আমলাবর্গের বেতন প্রভৃতি খরচের টাকা জমা থাকিত। সে টাকা অত্যাঁয় ব্যয় হইয়া গেলে বড়ই অসুবিধা ভোগ করিতে হইত। কিন্তু বিনোদ টাকাটি লইয়া এমনি চোরের মত লুকাইয়া বেড়াইত, যে, তাহাকে এ-সম্বন্ধে কোনো কথা বলিবার অবসর পাওয়া যাইত না—পত্র লিখিলেও কোনো ফল হইত না—কারণ, লোকটার কেবল চক্ষুলজ্জা ছিল আর কোনো লজ্জা ছিল না, এই জন্য সে কেবল সাক্ষাৎকারকে ডরাইত।

ক্রমে যখন বিনোদ বাড়াবাড়ি করিতে লাগিল, তখন অধিকাচরণ বিরক্ত হইয়া লোহার সিঁজুরের চাবি নিজের কাছে রাখিলেন। বিনোদের গোপনে

টাকা লওয়া একেবারে বন্ধ হইল। অথচ লোকটা এতই দুর্বলপ্রকৃতি যে, প্রভু হইয়াও স্পষ্ট করিয়া এ-সম্বন্ধে কোনো প্রকার বল খাটাইতে পারিত না। অধিকাচরণের বৃথা চেষ্টা! অলস্মী যাহার সহায় লোহার সিন্ধুকের চাবি তাহার টাক। আটক করিয়া বাধিতে পারে না। বরং হিতে বিপরীত হইল। কিন্তু সে-সকল কথা পরে হইবে।

অধিকাচরণের কড়া নিয়মে বিনোদ ভিতরে ভিতরে অত্যন্ত উতাক্ত হইয়াছিল। এমন সময় নয়নতারা যখন তাহার মনে সন্দেহ জন্মাইয়া দিল তখন সে কিছু খুঁসি হইল। গোপনে একে একে নিম্নতম কর্মচারীদিগকে ডাকিয়া সন্ধান লইতে লাগিল। তখন বামাচরণ তাহার প্রধান চর হইয়া উঠিল।

গৌরীকান্তের আমলে দেওয়ানজি বলশূরক পাশবর্তী জমিদারের জমিতে হস্তক্ষেপ করিতে কুণ্ঠিত হইতেন না। এমন করিয়া তিনি অনেকের অনেক জমি অপহরণ করিয়াছেন। কিন্তু অধিকাচরণ কখনও সে কাজে প্রবৃত্ত হইতেন না। এবং মকদ্দমা বাধিবার উপক্রম হইলে তিনি যথাসাধ্য আপোসের চেষ্টা করিতেন। বামাচরণ ইহারই প্রতি প্রভুর দৃষ্টি আকর্ষণ করিল। স্পষ্ট বুঝাইয়া দিল, অধিকাচরণ নিশ্চয় অপরপক্ষ হইতে ঘুষ লইয়া মনিবের ক্ষতি করিয়া আপোষ করিয়াছে। বামাচরণের নিজেবও বিশ্বাস তাহাই—গাভার হাতে ক্ষমতা আছে সে যে ঘুষ না লইয়া থাকিতে পারে ইহা সে মরিয়া গেলেও বিশ্বাস করিতে পারে না।

এইরূপে গোপনে নানা মুখ হইতে ফুৎকার পাইয়া বিনোদের সন্দেহ শিখা ক্রমেই বাড়িয়া উঠিতে লাগিল—কিন্তু সে প্রত্যক্ষভাবে কোনো উপায় অবলম্বন করিতেই সাহস করিল না। এক চঞ্চলজ্জা দ্বিতীয়ত আশঙ্কা, পাছে সমস্ত অবস্থাভিজ্ঞ অধিকাচরণ তাহার কোনো অনিষ্ট করে।

অবশেষে নয়নতারা স্বামীর এই কাপুরুষতায় অলিয়া পুড়িয়া বিনোদের অজ্ঞাতসারে একদিন অধিকাচরণকে ডাকিয়া পর্দার আড়াল হইতে বলিলেন—
“তোমাকে আর রাখা হবে না, তুমি বামাচরণকে সমস্ত হিসাব বুঝিয়ে দিয়ে চলে যাও।”

গাভার সম্বন্ধে বিনোদের নিকট আন্দোলন উপস্থিত হইয়াছে সে কথা

অধিকা পূর্বেই আভাসে জানিতে পারিয়াছিলেন, সেইজন্য নয়নতারার কথায় তিনি তেমন আশ্চর্য্য হন নাই, তৎক্ষণাৎ বিনোদবিহারীর নিকট গিয়া জিজ্ঞাসা করিলেন, “আমাকে কি আপনি কাজ থেকে নিষ্কৃতি দিতে চান?”

বিনোদ শশব্যস্ত হইয়া কহিল, “না, কখনই না।”

অধিকাচরণ পুনর্ব্বার জিজ্ঞাসা করিলেন, “আমার উপর কি আপনার কোনো সন্দেহের কারণ ঘটেছে?”

বিনোদ অত্যন্ত অপ্রতিভ হইয়া কহিল—“কিছুমাত্র না!” অধিকাচরণ নয়নতারার ঘটনা উল্লেখমাত্র না করিয়া আপসে চলিয়া আসিলেন—বাড়ীতে ইচ্ছাণীকেও কিছু বলিলেন না। এইভাবে কিছুদিন গেল।

এমন সময় অধিকাচরণ ইন্দুয়েজায় পড়িলেন। শত্রু ব্যামো নহে, কিন্তু দুর্ব্বলতাবশত অনেকদিন আপিস কামাই করিতে হইল।

সেই সময় সদর খাজনা দেয় এবং অগ্ৰাণ্য কাজের বড় ভীড়। সেই জন্য এক দিন সকালে রোগশয্যা ত্যাগ করিয়া অধিকাচরণ হঠাৎ আপিসে আসিয়া উপস্থিত হইলেন।

সেদিন কেহই তাহাকে প্রত্যাশা করে নাই, এবং সকলেই বলিতে লাগিল, আপনি বাড়ি যান, এত কাহিল শরীরে কাজ করিবেন না।

অধিকাচরণ নিজের দুর্ব্বলতার প্রসঙ্গ উড়াইয়া দিয়া, ডেস্কে গিয়া বসিলেন। আমলারা সকলেই কিছু যেন অস্থির হইয়া উঠিল এবং হঠাৎ অত্যন্ত অতিরিক্ত মনোযোগের সহিত নিজ নিজ কাজে প্রবৃত্ত হইল।

অধিকাচরণ ডেস্ক খুলিয়া দেখেন তাহার মধ্যে তাঁহার একখানি কাগজও নাই। সকলকে জিজ্ঞাসা করিলেন, “এ কি”; সকলেই যেন আকাশ হইতে পড়িল, চোরে লইয়াছে, কি, ভূতে লইয়াছে, কেহ ভাবিয়া স্থির করিতে পারিল না।

বামাচরণ কহিল, “আরে মশায়, আপনার ছাকামি রেখে দিন! সকলেই জানেন, ওর কাগজপত্র বাবু নিজে তলব ক’রে নিয়ে গেছেন।”

অধিকা রুদ্ধ-রোষে শ্বেতবর্ণ হইয়া জিজ্ঞাসা কবিলেন “কেন?”

বামাচরণ কাগজ লিখিতে লিখিতে বলিল, “সে আমরা কেমন ক’রে বলব?”

বিনোদ অধিকাচরণের অনুপস্থিতি-সুযোগে বামাচরণের মন্ত্রণাক্রমে নূতন চাবি তৈয়ার করাইয়া ম্যানেজারের প্রাইভেট ডেস্ক খুলিয়া তাঁহার সমস্ত কাগজপত্র পরীক্ষা করিতে লইয়া গিয়াছেন। চতুর বামাচরণ সে-কথা গোপন করিল না—অধিকা অপমানিত হইয়া কাজে ইস্তফা দেন ইহা তাহার অনভিপ্রেত ছিল না।

অধিকাচরণ ডেস্কে চাবি লাগাইয়া কম্পিতদেহে বিনোদের সন্ধানে গেলেন—বিনোদ বলিয়া পাঠাইল তাহার মাথা ধরিয়াছে; সেখান হইতে বাড়ি গিয়া হঠাৎ দুর্বলদেহে বিছানায় শুইয়া পড়িলেন। ইল্লাণী তাড়াতাড়ি ছুটিয়া আসিয়া তাঁহাকে তাহার সমস্ত হৃদয় দিয়া যেন আবৃত করিয়া ধরিল। ক্রমে ইল্লাণী সকল কথা শুনিল।

স্থির সৌদামিনী আজ স্থির রহিল না—তাহার বক্ষ ফুলিতে লাগিল, বিক্ষারিত মেঘকৃষ্ণ চক্ষুপ্রান্ত হইতে উন্মুক্ত বজ্রশিখা স্মৃতির উগ্রজালা বিক্ষেপ করিতে লাগিল। এমন স্বামীর এমন অপমান! এত বিশ্বাসের এই পুরস্কার!

ইল্লাণীর এই অত্যাগ্র নিঃশব্দ রোষ-দাহ দেখিয়া অধিকার রাগ থামিয়া গেল—তিনি যেন দেবতার শাসন হইতে পাপীকে রক্ষা করিবার জন্ত ইল্লাণীর হাত ধরিয়া বলিলেন,—“বিনোদ ছেলেমানুষ, দুর্বলস্বভাব, পাঁচজনের কথা শুনে তার মন বিগড়ে গেছে!”

তখন ইল্লাণী দুই হস্তে তাহার স্বামীর গলদেশ বেঁধেন করিয়া তাঁহাকে বক্ষের কাছে টানিয়া লইয়া আবেগের সহিত চাপিয়া ধরিল এবং হঠাৎ তাহার দুই চক্ষুর রোষদীপ্তি ম্লান করিয়া দিয়া ঝরঝর করিয়া অশ্রুজল ঝরিয়া পড়িতে লাগিল। পৃথিবীর সমস্ত অশ্রায় হইতে সমস্ত অপমান হইতে দুই বাহুপাশে টানিয়া লইয়া সে যেন তাহার হৃদয়-দেবতাকে আপন হৃদয়-মন্দিরে তুলিয়া রাখিতে চায়।

স্থির হইল অধিকাচরণ এখনি কাজ ছাড়িয়া দিবেন,—আজ আর কেহ তাহাতে কিছুমাত্র প্রতিবাদ করিল না। কিন্তু যখন সন্দিগ্ধ প্রভু নিজেই অধিকাকে ছাড়াইতে উদ্ভত, তখন কাজ ছাড়িয়া দিয়া তাহার আর কি শাসন হইল? কাজে জবাব দিবার সম্বল করিয়াই অধিকার রাগ থামিয়া গেল,

কিন্তু সকল কাজকর্ম সকল আরাম বিশ্রামের মধ্যে ইল্লাণীর রাগ তাহার হৃৎপিণ্ডের মধ্যে জ্বলিতে লাগিল।

পরিশিষ্ট

এমন সময়ে চাকর আসিয়া খবর দিল, বাবুদের বাড়ির খাজাঞ্চি আসিয়াছে। অম্বিকা মনে করিলেন, বিনোদ স্বাভাবিক চক্ষুজ্জ্বাবশত খাজাঞ্চির মুখ দিয়া তাঁহাকে কাজ হইতে জবাব দিয়া পাঠাইয়াছেন। সেইজন্য নিজেই একখানি ইস্তফাপত্র লিখিয়া খাজাঞ্চির হস্তে গিয়া দিলেন।

খাজাঞ্চি তৎসম্বন্ধে কোনো প্রশ্ন না করিয়া কহিল, “সর্বনাশ হইয়াছে!” অম্বিকা জিজ্ঞাসা করিলেন, “কি হইয়াছে।”

তত্বতরে শুনিলেন, যখন হইতে অম্বিকাচরণের সতর্কতাবশত খাজাঞ্চিখানা হইতে বিনোদের টাকা লওয়া বন্ধ হইয়াছে, তখন হইতে বিনোদ নানা স্থান হইতে গোপনে বিস্তর টাকা ধার লইতে আরম্ভ করিয়াছিল। একটার পর আর একটা ব্যবসা ফাঁদিয়া সে যতই প্রতারিত ও ক্ষতিগ্রস্ত হইতেছিল ততই তাহার রোখ চড়িয়া যাইতেছিল—ততই নূতন নূতন অসম্ভব উপায়ে আপন ক্ষতি নিবারণের চেষ্টা করিয়া অবশেষে আকর্ষণে নিমগ্ন হইয়াছে। অম্বিকাচরণ যখন পীড়িত ছিলেন তখন বিনোদ সেই সুযোগে তহবিল হইতে সমস্ত টাকা উঠাইয়া লইয়াছে। বাঁকাগাড়ি পরগণা অনেককাল হইতেই পার্শ্ববর্তী জমিদারের নিকট রেহেনে আবদ্ধ; সে এ পর্য্যন্ত টাকার জন্ত কোনো প্রকার তাগাদা না দিয়া অনেক টাকা সুদ জমিতে দিয়াছে, এখন সময় বুঝিয়া ইঠাৎ ডিক্রী করিয়া লইতে উদ্যত হইয়াছে। এই তো বিপদ।

শুনিয়া অম্বিকাচরণ কিছুক্ষণ স্তম্ভিত হইয়া রহিলেন। অবশেষে কহিলেন, “আজ কিছুই ভেবে উঠতে পারচিনে—কাল এর পরামর্শ করা যাবে।” খাজাঞ্চি যখন বিদায় লইতে উঠিলেন তখন অম্বিকা তাঁহার ইস্তফাপত্র চাহিয়া লইলেন।

অন্তঃপুরে আসিয়া অম্বিকা ইল্লাণীকে সকল কথা বিস্তারিত জানাইয়া কহিলেন—“বিনোদের এ অবস্থায় তো আমি কাজ ছেড়ে দিতে পারিনে।”

ইন্দ্রাণী অনেকক্ষণ প্রস্তরমূর্তির মত স্থির হইয়া রহিল। অবশেষে অন্তরের সমস্ত বিরোধবৃন্দ সবলে দলন করিয়া নিশ্বাস ফেলিয়া কহিল—“না, এখন ছাড়তে পার না।”

তাহার পরে কোথায় টাকা কোথায় টাকা করিয়া সন্ধান পড়িয়া গেল—যথেষ্ট পরিমাণে টাকা আর জুটে না। অন্তঃপুর হইতে গহনাগুলি সংগ্রহ করিবার জন্ত অধিকা বিনোদকে পরামর্শ দিলেন। ইতিপূর্বে ব্যবসা উপলক্ষে বিনোদ সে চেষ্টা করিয়াছিলেন, তখন কৃতকার্য হইতে পারেন নাই। এবারে অনেক অনুন্নয় বিনয় করিয়া, অনেক কাঁদিয়া কাঁটিয়া, অনেক দীনতা স্বীকার করিয়া গহনাগুলি ভিক্ষা চাহিলেন। নয়নতারা কিছুতেই দিলেন না;—তিনি মনে করিলেন, তাঁহার চারিদিক হইতে সকলি খসিয়া পড়িবার উপক্রম হইয়াছে; এখন এই গহনাগুলি তাঁহার একমাত্র শেষ অবলম্বনস্থল—এবং ইহা তিনি অস্তিম আগ্রহ সহকারে প্রাণপণে চাপিয়া ধরিলেন।

যখন কোথা হইতেও কোনো টাকা প্লাওয়া গেল না, তখন ইন্দ্রাণীর প্রতিহিংসা-জ্বকুটির উপরে একটা তীব্র আনন্দের জ্যোতি পতিত হইল। সে তাহার স্বামীর হাত চাপিয়া ধরিয়া কহিল, “তোমার যাহা কর্তব্য তাহা তো করিয়াছ এখন তুমি ক্ষান্ত হও, যাহা হইবার তা হোক।”

স্বামীর অবমাননায় উদ্দীপ্ত সতীর রোষানল এখনো নির্বাপিত হয় নাই, দেখিয়া অধিকা মনে মনে হাসিলেন। বিপদের দিনে অসহায় বালকের ত্যায় বিনোদ তাঁহার উপরে এমন একান্ত নির্ভর করিয়াছে যে, তাহার প্রতি তাঁহার দয়ার উদ্বেক হইয়াছে—এখন তাহাকে তিনি কিছুতেই ত্যাগ করিতে পারেন না। তিনি মনে করিতেছিলেন, তাঁহার নিজের বিষয় আবদ্ধ রাখিয়া টাকা উঠাইবার চেষ্টা করিবেন! কিন্তু ইন্দ্রাণী তাঁহাকে মাথার দিবা দিয়া বলিল, “ইহাতে আর তুমি হাত দিতে পারিবে না!”

অধিকাচরণ বড় ইতস্ততের মধ্যে পড়িয়া ভাবিতে বসিয়া গেলেন। তিনি ইন্দ্রাণীকে আন্তে আন্তে বুঝাইবার বতই চেষ্টা করিতে লাগিলেন ইন্দ্রাণী কিছুতেই তাঁহাকে কথা কহিতে দিল না। অবশেষে অধিকা বিমর্ষ হইয়া নিঃশব্দে বসিয়া রহিলেন।

তখন ইন্দ্রাণী লোহার সিন্দুক খুলিয়া তাহার সমস্ত গহনা একটি বৃহৎ থালায়

স্তূপাকার করিল এবং সেই গুরুভার খালাটি বহুকষ্টে ছই হস্তে তুলিয়া ঈষৎ হাসিয়া তাহার স্বামীর পায়ের কাছে রাখিল।

পিতামহের একমাত্র স্নেহের ধন ইন্দ্রাণী পিতামহের নিকট হইতে জন্মাবধি বৎসরে বৎসরে বহুমূল্য অলঙ্কার উপহার পাইয়া আসিয়াছে ; মিতাচারী স্বামীরও জীবনের অধিকাংশ সঞ্চয় এই সম্ভ্রান্তহীন রমণীর ভাণ্ডারে অলঙ্কাররূপে রূপান্তরিত হইয়াছে। সেই সমস্ত স্বর্ণ-মাণিক্য স্বামীর নিকট উপস্থিত করিয়া ইন্দ্রাণী কহিল, “আমার এই গহনাগুলি দিয়া আমার পিতামহের দত্ত দান উদ্ধার করিয়া আমি পুনর্ব্বার তাঁহার প্রভুবংশকে দান করিব।”

এই বলিয়া সে সজল চক্ষু মুদ্রিত করিয়া মস্তক নত করিয়া কল্পনা করিল, তাহার সেই বিরলশূলকেশধারী, শাস্ত্রস্নেহ-হাস্তময়, ধী-প্রদীপ্ত উজ্জলগৌরবাস্তি বৃদ্ধ পিতামহ এই মুহূর্ত্তে এখানে উপস্থিত আছেন, এবং তাহার নত মস্তকে শীতল স্নেহহস্ত রাখিয়া তাহাকে নীরবে আশীর্ব্বাদ করিতেছেন।

বাঁকাগাড়ি পরগণা পুনশ্চ ক্রয় হইয়া গেল, তখন প্রতিজ্ঞা ভঙ্গ করিয়া গতভূষণা ইন্দ্রাণী আবার নয়নতারার অন্তঃপুরে নিমগ্নগে গমন করিল ; আর তাহার মনে কোনো অপমান বেদনা রহিল না।

(১৩০২—অধ্যায়)

ক্ষুধিত পাষণ

আমি এবং আমার আত্মীয় পূজার ছুটিতে দেশভ্রমণ সারিয়া কলিকাতায় ফিরিয়া আসিতেছিলাম এমন সময় রেলগাড়িতে বাবুটির সঙ্গে দেখা হয়। তাঁহার বেশভূষা দেখিয়া প্রথমটা তাঁহাকে পশ্চিমদেশীয় মুসলমান বলিয়া ভ্রম হইয়াছিল। তাঁহার কথাবার্তা শুনিয়া আরও ধাঁধা লাগিয়া যায়। পৃথিবীর সকল বিষয়েই এমন করিয়া আলাপ করিতে লাগিলেন, যেন তাঁহার সহিত পরামর্শ করিয়া বিশ্ববিধাতা সকল কাজ করিয়া থাকেন। বিশ্বসংসারের ভিতরে ভিতরে যে এমন অশ্রুতপূর্ব্ব নিগূঢ় ঘটনা ঘটিতেছিল, রুশিয়ানরা যে এতদূর অগ্রসর হইয়াছে, ইংরাজদের যে এমন সকল গোপন মংলব আছে, দেশীয় রাজাদের মধ্যে যে একটা খিচুড়ি পাকিয়া উঠিয়াছে, এ সমস্ত কিছুই না জানিয়া আমরা সম্পূর্ণ নিশ্চিন্ত হইয়া ছিলাম। আমাদের নবপরিচিত আলাপীটি জেবৎ হাসিয়া কহিলেন, “There happen more things in heaven and earth, Horatio, than are reported in your newspapers.” আমরা এই প্রথম ঘর ছাড়িয়া বাহির হইয়াছি, সুতরাং লোকটির রকমসকম দেখিয়া অবাক হইয়া গেলাম। লোকটা সামান্য উপলক্ষ্যে কখনো বিজ্ঞান বলে, কখনো বেদের ব্যাখ্যা করে, আবার হঠাৎ কখনো পার্সি বয়েং আঙড়াইতে থাকে ; বিজ্ঞান, বেদ এবং পার্সিভাষায় আমাদের কোনোরূপ অধিকার না থাকাতে তাঁহার প্রতি আমাদের ভক্তি উত্তরোত্তর বাড়িতে লাগিল। এমন

কি, আমার থিসসফিষ্ট আত্মীয়টির মনে দৃঢ় বিশ্বাস হইল যে, আমাদের এই সহযাত্রীটির সহিত কোনো এক রকমের অলৌকিক ব্যাপারের কিছু একটা বোঝা আছে; কোনো একটা অপূর্ব ম্যাগেটিক্‌জ্‌ অথবা দৈবশক্তি, অথবা হুস্ম শরীর, অথবা ঐ ভাবের একটা কিছু। তিনি এই অসামান্য লোকের সমস্ত সামান্য কথাও ভক্তিবিশ্বল মুগ্ধভাবে শুনিতেন এবং গোপনে নোট করিয়া লইতেছিলেন; আমার ভাবে বোধ হইল, অসামান্য ব্যক্তিটিও গোপনে তাহা বুঝিতে পারিয়াছিলেন এবং কিছু খুসি হইয়াছিলেন।

গাড়িটি আসিয়া জংশনে থামিলে আমরা দ্বিতীয় গাড়ির অপেক্ষায় ওয়েটিংরুমে সমবেত হইলাম। তখন রাজ সাড়ে দশটা। পথের মধ্যে একটা কি ব্যাঘাত হওয়াতে গাড়ি অনেক বিলম্বে আসিবে শুনলাম। আমি ইতিমধ্যে টেবিলের উপর বিছানা পাতিয়া ঘুমাইব স্থির করিয়াছি, এমন সময়ে সেই অসামান্য ব্যক্তিটি নিম্নলিখিত গল্প ফাঁদিয়া বসিলেন। সে রাজে আমার আর ঘুম হইল না।

রাজ্যচালনা সম্বন্ধে দুই একটা বিষয়ে মতান্তর হওয়াতে আমি জুনাগড়ের কর্ম ছাড়িয়া দিয়া হাইদ্রাবাদে যখন নিজাম-সরকারে প্রবেশ করিলাম তখন আমাকে অল্পবয়স্ক ও মজবুৎ লোক দেখিয়া প্রথমে বরীচে তুলার মাণ্ডল আদায়ে নিযুক্ত করিয়া দিল।

বরীচ্‌ জায়গাটি বড় রমণীয়। নির্জন পাহাড়ের নীচে বড় বড় বনের ভিতর দিয়া শুস্তা নদীটি (সংস্কৃত “স্বচ্ছতোয়া”র অপভ্রংশ) উপল-মুখরিত পথে নিপুণা নর্তকীর মত পদে পদে ঝাঁকিয়া ঝাঁকিয়া দ্রুত নৃত্যে চলিয়া গিয়াছে। ঠিক সেই নদীর ধারেই পাথর-বাঁধানো দেড়শত সোপানময় অত্যাচ্চ বাটের উপরে একটি শ্বেতপ্রস্তরের প্রাসাদ শৈলপাদমূলে একাকী দাঁড়াইয়া আছে—নিকটে কোথাও লোকালয় নাই। বরীচের তুলার হাট এবং গ্রাম এখান হইতে দূরে।

প্রায় আড়াই শত বৎসর পূর্বে দ্বিতীয় শা মামুদ্‌ ভোগবিলাসের জন্য প্রাসাদটি এই নির্জনস্থানে নির্মাণ করিয়াছিলেন। তখন হইতে স্নানশালার কোয়ারার মুখ হইতে গোলাপগন্ধী জলধারা উৎক্ষিপ্ত হইতে থাকিত এবং সেই শীকর-শীতল নিভৃত গৃহের মধ্যে মর্শ্বর-খচিত স্নিগ্ধ শিলাসনে বসিয়া

কোমল নথ পদপল্লব জলাশয়ের নির্মল জলরাশির মধ্যে প্রসারিত করিয়া তরুণী পারমিক রমণীগণ স্নানের পূর্বে কেশ মুক্ত করিয়া দিয়া সেতার-কোশে ত্রাঙ্কাবনের গজল গান করিত।

এখন আর সে ফোয়ারা খেলে না, সে গান নাই, শাদা পাথরের উপর শুভ্র চরণের স্নন্দর আঘাত পড়ে না—এখন ইহা আমাদের মত নির্জনবাসপীড়িত সাক্ষীনীহীন মাণ্ডল-কালেঙ্করের অতি বৃহৎ এবং অতি শূন্য বাসহান। কিন্তু আপিসের বৃদ্ধ কেরানী করিম খাঁ আমাকে প্রাসাদে বাস করিতে বারম্বার নিষেধ করিয়াছিল। বলিয়াছিল, ইচ্ছা হয় দিনের বেলা থাকিবেন, কিন্তু কখনো এখানে রাজিবাশন করিবেন না। আমি হাসিয়া উড়াইয়া দিলাম। ভূত্যেরা বলিল, তাহারা সন্ধ্যা পর্য্যন্ত কাজ করিবে, কিন্তু রাত্রে এখানে থাকিবে না। আমি বলিলাম, তথাস্ত। এ বাড়ীর এমন বদনাম ছিল যে, রাত্রে চোরও এখানে আসিতে সাহস করিত না।

প্রথম প্রথম আসিয়া এই পরিত্যক্ত পাষাণপ্রসাদের বিজনতা আমার বুকের উপর যেন একটা ভয়ঙ্কর ভারের মত চপিয়া থাকিত, আমি যতটা পারিতাম বাহিরে থাকিয়া অবিশ্রাম কাজকর্ম করিয়া রাত্রে ঘরে ফিরিয়া শ্রান্তদেহে নিদ্রা দিতাম।

কিন্তু সপ্তাহ খানেক না যাইতেই বাড়িটার এক অপূর্ণ নেশা আমাকে ক্রমশ আক্রমণ করিয়া ধরিতে লাগিল। আমার সে অবস্থা বর্ণনা করাও কঠিন এবং সে কথা লোককে বিশ্বাস করানো শক্ত। সমস্ত বাড়িটা একটা সজীব পদার্থের মত আমাকে তাহার জঠরস্থ মোহ-রসে অল্পে অল্পে যেন জীর্ণ করিতে লাগিল।

বোধ হয় এ বাড়িতে পদার্পণমাত্রেই এ প্রক্রিয়ার আরম্ভ হইয়াছিল—কিন্তু আমি যেদিন সচেতন ভাবে প্রথম ইহার সূত্রপাত অনুভব করি, সেদিনকার কথা আমার স্পষ্ট মনে আছে।

তখন গ্রীষ্মকালের আরম্ভে বাজার নরম; আমার হাতে কোনো কাজ ছিল না। সূর্য্যাস্তের কিছু পূর্বে আমি সেই নদীতীরে ঘাটের নিয়ন্তলে একটা আরাম-কেন্দারায় লইয়া বসিয়াছি। তখন শুভানদী শীর্ণ হইয়া আসিয়াছে;—ওপারে অনেকখানি বালুতট অপরাঙ্কের আভায় রঙীন হইয়া উঠিয়াছে;—

এপারে ঘাটের সোপানমূলে স্বচ্ছ অগভীর জলের তলে হুড়িগুলি ঝিক ঝিক করিতেছে। সেদিন কোথাও বাতাস ছিল না। নিকটের পাহাড়ে বন-তুলসী, পুদিনা ও মোবির জঙ্গল হইতে একটা ঘন সুগন্ধ উঠিয়া স্থির আকাশকে ভারাক্রান্ত করিয়া রাখিয়াছিল।

সূর্য্য যখন গিরিশিখরের অন্তরালে অবতীর্ণ হইল তৎক্ষণাৎ দিবসের নাট্যশালায় একটা দীর্ঘ ছায়া-যবনিকা পড়িয়া গেল ;—এখানে পর্ব্বতের ব্যবধান থাকাতে সূর্য্যাস্তের সময় আলো-আঁধারের সান্মিলন অধিকক্ষণ স্থায়ী হয় না। ঘোড়ায় চড়িয়া একবার ছুটিয়া বেড়াইয়া আসিব মনে করিয়া উঠিব উঠিব করিতেছি, এমন সময়ে সিঁড়িতে পায়ের শব্দ শুনিতে পাইলাম। পিছনে ফিরিয়া দেখিলাম ;—কেহ নাই।

ইঙ্গিতের ভ্রম মনে করিয়া পুনরায় ফিরিয়া বসিতেই, একেবারে অনেকগুলি পায়ের শব্দ শোনা গেল—যেন অনেকে মিলিয়া ছুটাছুটি করিয়া নামিয়া আসিতেছে। ঈষৎ ভয়ের সহিত এক অপরূপ পুলক মিশ্রিত হইয়া আমার সর্ব্বাঙ্গ পরিপূর্ণ করিয়া তুলিল। যদিও আমার সম্মুখে কোন মূর্ত্তি ছিল না তথাপি স্পষ্ট প্রত্যক্ষবৎ মনে হইল যে, এই গ্রীষ্মের সায়াহ্নে একদল প্রমোদচঞ্চল নারী গুস্তার জলের মধ্যে স্নান করিতে নামিয়াছে। যদিও এই সন্ধ্যাকালে নিশ্চয় গিরিতটে, নদীতীরে, নির্জন প্রাসাদে কোথাও কিছুমাত্র শব্দ ছিল না, তথাপি আমি যেন স্পষ্ট শুনিতে পাইলাম নির্ব্বরের শতধারার মত সকৌতুকে কলহাস্তের সহিত পরস্পরের দ্রুত অমুধাবন করিয়া আমার পার্শ্ব দিয়া স্নানার্থিনীরা চলিয়া গেল। আমাকে যেন লক্ষ্য করিল না। তাহারা যেমন আমার নিকট অদৃশ্য, আমিও যেন সেইরূপ তাহাদের নিকট অদৃশ্য। নদী পূর্ব্ববৎ স্থির ছিল, কিন্তু আমার নিকট স্পষ্ট বোধ হইল, স্বচ্ছতোয়ার অগভীর স্রোত অনেকগুলি বলয়শিঞ্জিত বাহুবিক্ষেপে বিক্ষুব্ধ হইয়া উঠিয়াছে, হাসিয়া হাসিয়া সখীগণ পরস্পরকে গায়ে জল ছুঁড়িয়া মারিতেছে এবং সস্তরণকারিণীদের পদাঘাতে জলবিন্দুরাশি মুক্তামুষ্টির মত আকাশে ছিটিয়া পড়িতেছে।

আমার বক্ষের মধ্যে এক প্রকার কম্পন হইতে লাগিল ; সে উদ্বেজনা ভয়ের, কি আনন্দের, কি কৌতূহলের, ঠিক বলিতে পারি না। বড় ইচ্ছা হইতে

লাগিল ভালো করিয়া দেখি কিন্তু সম্মুখে দেখিবার কিছুই ছিল না ; মনে হইল, ভালো করিয়া কান পাতিলেই উহাদের কথা সমস্তই স্পষ্ট করিয়া শোনা যাইবে, —কিন্তু একান্ত মনে কান পাতিয়া কেবল অরণ্যের ঝিল্লিরব শোনা যায়। মনে হইল আড়াই শত বৎসরের ক্লম্ববর্ণ যবনিকা ঠিক আমার সম্মুখে ছলিতেছে— ভয়ে ভয়ে একটি ধার তুলিয়া ভিতরে দৃষ্টিপাত করি—সেখানে বৃহৎ সভা বসিয়াছে কিন্তু গাঢ় অন্ধকারে কিছুই দেখা যায় না।

হঠাৎ গুমটু ভাঙ্গিয়া ছ হু করিয়া একটা বাতাস দিল—গুস্তার স্থির জলতল দেখিতে দেখিতে অপর্যায় কেশদামের মত কুঞ্চিত হইয়া উঠিল, এবং সন্ধ্যাছায়াচ্ছন্ন সমস্ত বনভূমি এক মুহূর্ত্তে এক সঙ্গে মর্ম্মরধ্বনি করিয়া যেন হুঃস্থপ হইতে জাগিয়া উঠিল। স্বপ্নই বল আর সত্যই বল, আড়াই শত বৎসরের অতীত ক্ষেত্র হইতে প্রতিকলিত হইয়া আমার সম্মুখে যে এক অদৃশ্য মরীচিকা অবতীর্ণ হইয়াছিল তাহা চকিতের মধ্যে অন্তর্হিত হইল। যে মায়াময়ীরা আমার গায়ের উপর দিয়া দেহহীন দ্রুতপদে শব্দহীন উচ্চকলহাস্তে ছুটিয়া গুস্তার জলের উপর গিয়া ঝাঁপ দিয়া পড়িয়াছিল তাহারা সিন্ধু অঞ্চল হইতে জল নিষ্কর্ষণ করিতে করিতে আমার পাশ দিয়া উঠিয়া গেল না। বাতাসে যেমন করিয়া গন্ধ উড়াইয়া লইয়া যায়, বসন্তের এক নিশ্বাসে তাহারা তেমনি করিয়া উড়িয়া চলিয়া গেল।

তখন আমার বড় আশঙ্কা হইল, যে হঠাৎ বুঝি নির্জজন পাইয়া কবিতাদেবী আমার স্বন্ধে আসিয়া ভর করিলেন ; আমি বেচারী তুলার মাণ্ডল আদায় করিয়া খাটিয়া খাই, সর্ব্বনাশিনী এইবার বুঝি আমার মুণ্ডপাত করিতে আসিলেন। ভাবিলাম, ভালো করিয়া আহাৰ করিতে হইবে ;—শূন্য উদরেই সকল প্রকার হুরারোগ্য রোগ আসিয়া চাপিয়া ধরে। আমার পাচকটিকে ডাকিয়া প্রচুর ঘৃতপক্ক মসলা-সুগন্ধি রীতিমত মাংসলাই থানা হুকুম করিলাম।

পরদিন প্রাতঃকালে সমস্ত ব্যাপারটি পরম হাস্যজনক বলিয়া বোধ হইল। আনন্দিতমনে, সাহেবের মত সোলাটুপি পরিয়া নিজের হাতে গাড়ি হাঁকাইয়া গড়্ গড়্ শব্দে আপন তদন্তকার্য্যে চলিয়া গেলাম। সেদিন ত্রৈমাসিক রিপোর্ট লিখিবার দিন থাকাতে বিলম্বে বাড়ি ফিরিবার কথা। কিন্তু সন্ধ্যা হইতে না হইতেই আমাকে বাড়ির দিকে টানিতে লাগিল। কে টানিতে লাগিল বলিতে

পারি না ; কিন্তু মনে হইল, আর বিলম্ব করা উচিত হয় না। মনে হইল, সকলে বসিয়া আছে। রিপোর্ট অসমাপ্ত রাখিয়া সোলার টুপি মাথায় দিয়া সেই সন্ধ্যাধুর তরুচ্ছায়াধন নির্জন পথ রথচক্রশব্দে সচকিত করিয়া সেই অন্ধকার শৈলাস্তবর্তী নিস্তর প্রকাণ্ড প্রাসাদে গিয়া উত্তীর্ণ হইলাম।

সিঁড়ির উপরে সম্মুখের ঘরটা অতি বৃহৎ। তিন সারি বড় বড় খামের উপর কারুকার্যখচিত খিলানে বিস্তীর্ণ ছাদ ধরিয়া রাখিয়াছে। এই প্রকাণ্ড ঘরটি আপনার বিপুল শূন্যতাবলে অহর্নিশ গম্গম করিতে থাকে। সেদিন সন্ধ্যার প্রাকালে তখনো প্রদীপ জ্বালানো হয় নাই। দরজা ঠেলিয়া আমি সেই বৃহৎ ঘরে যেমন প্রবেশ করিলাম অমনি মনে হইল ঘরের মধ্যে যেন ভারি একটা বিপ্লব বাধিয়া গেল—যেন হঠাৎ সভা ভঙ্গ করিয়া চারিদিকের দরজা জান্না ঘর পথ বারান্দা দিয়া কে কোন্ দিকে পলাইল তাহার হিকানা নাই। আমি কোথাও কিছু না দেখিতে পাইয়া অবাক হইয়া দাঁড়াইয়া রহিলাম। শরীর একপ্রকার আবেশে রোমাঙ্কিত হইয়া উঠিল। যেন বহুদিবসের লুপ্তাবশিষ্ট মাথাঘষা ও আতরের মুহু গন্ধ আমার নাসার মধ্যে প্রবেশ করিতে লাগিল। আমি সেই দীপহীন জনহীন প্রকাণ্ড ঘরের প্রাচীন প্রস্তরস্তম্ভশ্রেণীর মাঝখানে দাঁড়াইয়া শুনিতে পাইলাম—ঝঝর শব্দে ফোয়ারার জল সাদা পাথরের উপরে আসিয়া পড়িতেছে, সেতারে কি সুর বাজিতেছে বুঝিতে পারিতেছি না, কোথাও বা স্বর্ণভূষণের শিজিত, কোথাও বা নুপুরের নিকণ, কখনো বা বৃহৎ তাম্রবর্ণীয় প্রহর বাজিবার শব্দ, অতি দূরে নহবতের আলাপ, বাতাসে দোচল্যমান ঝাড়ের ক্ষটিক দোলকগুলির চুনচুন ধ্বনি, বারান্দা হইতে খাঁচার বলবুলের গান, বাগান হইতে পোষা সারসের ডাক আমার চতুর্দিকে একটা প্রেতলোকের রাগিনী সৃষ্টি করিতে লাগিল।

আমার এমন একটা মোহ উপস্থিত হইল, মনে হইল এই অস্পৃশ্য অগম্য আবাস্তব ব্যাপারই জগতে একমাত্র সত্য আর সমস্তই মিথ্যা মরীচিকা। আমি যে আমি—অর্থাৎ আমি যে শ্রীযুক্ত অমুক ৮অমূকের জ্যেষ্ঠ পুত্র তুলার মাগুল সংগ্রহ করিয়া সাড়ে চারশো টাকা বেতন পাই, আমি সোলার টুপি এবং খাটো কোর্টা পরিয়া টম্‌টম্‌ হাঁকাইয়া আপিস করিতে যাই এ সমস্তই আমার কাছে এমন অদ্ভুত হান্তকর অমূলক মিথ্যা কথা বলিয়া বোধ হইল যে আমি সেই

বিশাল নিস্তর অন্ধকার ঘরের মাঝখানে দাঁড়াইয়া হা হা করিয়া হাসিয়া উঠিলাম।

তখন আমার মুশলমান ভৃত্য প্রজ্জ্বলিত কেরোসিন ল্যাম্প হাতে করিয়া ঘরের মধ্যে প্রবেশ করিল। সে আমাকে পাগল মনে করিল কি না জানি না, কিন্তু তৎক্ষণাৎ আমার স্মরণ হইল যে, আমি ৮মুক্চন্দ্রের জ্যেষ্ঠপুত্র শ্রীযুক্ত অমুকনাথ বটে, ইহাও মনে করিলাম যে, জগতের ভিতরে অথবা বাহিরে কোথাও অমর্ত্য কোয়ারা নিত্যকাল উৎসারিত ও অদৃশ্য অঙ্গুলির আঘাতে কোনো মায়ী-সেতারে অনন্ত রাগিনী ধ্বনিত হইতেছে কি না তাহা আমাদের মহাকবি এবং কবিরেরাই বলিতে পারেন, কিন্তু এ কথা নিশ্চয় সত্য যে, আমি বরীচের হাটে তুলার মাণ্ডল আদায় করিয়া মাসে সাড়ে চারশো টাকা বেতন লইয়া থাকি। তখন আবার আমার পূর্বক্ষণের অজুত মোহ স্মরণ করিয়া কেরোসিন প্রদীপ্ত ক্যাম্প টেবিলের কাছে খবরের কাগজ লইয়া সকৌতুকে হাসিতে লাগিলাম।

খবরের কাগজ পড়িয়া এবং মোগ্লাই খানা পাইয়া একটি ক্ষুদ্র কোণের ঘরে প্রদীপ নিবাইয়া দিয়া বিছানায় গিয়া শয়ন করিলাম। আমার সম্মুখবর্তী খোলা জানালার ভিতর দিয়া অন্ধকার বনবেষ্টিত আরালী পর্বতের উর্দ্ধদেশে একটি অত্যুজ্জ্বল নক্ষত্র সহস্র কোটি যোজন দূর আকাশ হইতে সেই অতি তুচ্ছ ক্যাম্পখাটের উপর শ্রীযুক্ত মাণ্ডল কালেক্টরকে এক দৃষ্টে নিরীক্ষণ করিয়া দেখিতে ছিল,—ইহাতে আমি বিস্ময় ও কৌতুক অনুভব করিতে করিতে কখন ঘুমাইয়া পড়িয়াছিলাম বলিতে পারি না। কতক্ষণ ঘুমাইয়াছিলাম তাহাও জানি ন। সহসা এক সময় শিরিয়া জাগিয়া উঠিলাম :—ঘরে যে কোন শব্দ হইয়াছিল তাহা নহে, কোনো যে লোক প্রবেশ করিয়াছিল তাহাও দেখিতে পাইলাম না। অন্ধকার পর্বতের উপর হইতে অনিমেঘ নক্ষত্রটি অন্তর্মিত হইয়াছে এবং কৃষ্ণপক্ষের ক্ষীণচন্দ্রালোক অনধিকারসঙ্কচিত স্নানভাবে আমার বাতায়ন পথে প্রবেশ করিয়াছে।

কোনো লোককেই দেখিলাম না ; তবু যেন আমার স্পষ্ট মনে হইল কে একজন আমাকে আস্তে আস্তে ঠেলিতেছে। আমি জাগিয়া উঠিতেই সে কোনো কথা না বলিয়া কেবল যেন তাহার অঙ্গুরীখচিত পাঁচ আঙ্গুলির ইঙ্গিতে অতি সাবধানে তাহার অনুসরণ করিতে আদেশ করিল।

আমি অত্যন্ত চুপি চুপি উঠিলাম। যদিও সেই শতকক্ষ-প্রকোষ্ঠময় প্রকাণ্ড শূন্যতাময়, নিদ্রিত ধ্বনি এবং সজাগ প্রতিধ্বনিময়, বৃহৎ প্রাসাদে আমি ছাড়া আর জনপ্রাণীও ছিল না তথাপি পদে পদে ভয় হইতে লাগিল, পাছে কেহ জাগিয়া উঠে। প্রাসাদের অধিকাংশ ঘর রুদ্ধ থাকিত এবং সে সকল ঘরে আমি কখনো যাই নাই।

সে রাত্রে নিঃশব্দপদবিক্ষেপে সংঘত নিশ্বাসে সেই অদৃশ্য আত্মানরূপিণীর অনুসরণ করিয়া আমি যে কোথায় যাইতেছিলাম, আজ তাহা স্পষ্ট করিয়া বলিতে পারি না। কত সঙ্কীর্ণ অন্ধকার পথ, কত দীর্ঘ বারান্দা, কত গম্ভীর নিস্তব্ধ সুরূহৎ সভাগৃহ, কত রুদ্ধবায়ু ক্ষুদ্র গোপন কক্ষ পার হইয়া যাইতে লাগিলাম তাহার ঠিকানা নাই।

আমার অদৃশ্য দূতীটিকে যদিও চক্ষে দেখিতে পাই নাই, তথাপি তাহার মূর্ত্তি আমার মনের অগোচর ছিল না। আরব রমণী, বোলা আন্তিনের ভিতর দিয়া খেত প্রস্তররচিতবৎ কঠিন নিটোল হস্ত দেখা যাইতেছে, টুপির প্রাস্ত হইতে মুখের উপরে একটি হৃদয় বসনের আবরণ পড়িয়াছে, কটিবন্ধে একটি বাঁকা ছুরি বাঁধা।

আমার মনে হইল, আরব্য উপত্যাসের একাধিক সহস্র রজনীর একটি রজনী আজ উপত্যাসলোক হইতে উড়িয়া আসিয়াছে। আমি যেন অন্ধকার নিশীথে স্তম্ভিমগ্ন বোগ্‌দাদের নির্বাপিতদোপ সঙ্কীর্ণ পথে কোন এক সঙ্কটসঙ্কুল অজ্ঞানারে যাত্রা করিয়াছি।

অবশেষে আমার দূতী একটি ঘননীল পর্দার সন্মুখে সহসা থমকিয়া দাঁড়াইয়া যেন নিম্নে অঙ্গুলি নির্দেশ করিয়া দেখাইল। নিম্নে কিছুই ছিল না, কিন্তু তবু আমার বক্ষের রক্ত স্তম্ভিত হইয়া গেল। আমি অনুভব করিলাম, সেই পর্দার সন্মুখে ভূমিতলে কিংখাবের সাজ পরা একটি ভীষণ কাক্সী খোজা কোলের উপর খোলা তলোয়ার লইয়া দুই পা ছড়াইয়া দিয়া বসিয়া ঢুলিতেছে। দূতী লঘুগতিতে তাহার দুই পা ডিঙাইয়া পর্দার এক প্রান্তদেশে তুলিয়া ধরিল।

ভিতর হইতে একটি পারশ্ব-গালিচা-পাতা ঘরের কিয়দংশ দেখা গেল। তক্তের উপরে কে বসিয়া আছে দেখা গেল না—কেবল জাফ্রান রঙের ক্ষীত

পায়জামার নিম্নভাগে জরির চটিপরা দুইখানি ক্ষুদ্র সুন্দর চরণ গোলাপী মথ্মল আসনের উপর অলসভাবে স্থাপিত রহিয়াছে দোঁথতে পাইলাম। মেজের একপার্শ্বে একটি নীলাভ স্ফটিক পাত্রে কতকগুলি আপেল, নাশপাতী, নারঙ্গী এবং আঙ্গুরের গুচ্ছ সজ্জিত রহিয়াছে এবং তাহার পার্শ্বে একটি ছোট পেয়লা ও একটি স্বর্ণাভ মদিরার কাচপাত্র অতিথির জন্য অপেক্ষা করিয়া আছে। ঘরের ভিতর হইতে একটা অপূর্ণ ধূপের একপ্রকার মাদক সুগন্ধি ধূম্র আসিয়া আমাকে বিহ্বল করিয়া দিল।

আমি কম্পিত বক্ষে সেই খোজার প্রসারিত পদদ্বয় যেমন লক্ষ্যন করিতে গেলাম, অমনি সে চমকিয়া জাগিয়া উঠিল—তাহার কোলের উপর হইতে তলোয়ার পাথরের মেজের শব্দ করিয়া পড়িয়া গেল।

সহসা একটা বিকট চীৎকার শুনিয়া চমকিয়া দেখিলাম, আমার সেই ক্যাম্পখাটের উপরে ঘর্ষাত্মকভাবে বসিয়া আছি—ভোরের আলোয় কৃষ্ণপক্ষের খণ্ড-চাঁদ জাগরণক্লিষ্ট রোগীর মত পাণ্ডুবর্ণ হইয়া গেছে—এবং আমাদের পাগলা মেহের আলি তাহার প্রাত্যহিক প্রথা অনুসারে প্রত্যুষের জনশূন্য পথে “তফাৎ যাও” “তফাৎ যাও” করিয়া চীৎকার করিতে করিতে চলিয়াছে।

এইরূপে আমার আরব্য উপন্যাসের একরাত্রি অকস্মাৎ শেষ হইল—কিন্তু এখনো এক সহস্র রজনী বাকি আছে।

আমার দিনের সহিত রাত্রের ভারি একটা বিরোধ বাধিয়া গেল। দিনের বেলায় শ্রান্ত-ক্লান্তদেহে কর্ম করিতে যাইতাম এবং শূন্যস্বপ্নময়ী মায়াবিনী রাত্রিকে অভিসম্পাত করিতে থাকিতাম—আবার সন্ধ্যার পরে আমার দিনের বেলাকার কর্মবদ্ধ অস্তিত্বকে অত্যন্ত তুচ্ছ, মিথ্যা এবং হাশ্বকর বলিয়া বোধ হইত।

সন্ধ্যার পরে আমি একটা নেশার জালের মধ্যে বিহ্বলভাবে জড়াইয়া পড়িতাম। শত শত বৎসর পূর্বেরকার কোনো এক অলিখিত ইতিহাসের অন্তর্গত আর একটা অপূর্ণ ব্যক্তি হইয়া উঠিতাম, তখন আর বিলাতী খাটো কোর্ভা এবং আঁটো প্যান্টলুনে আমাকে মানাইত না। তখন আমি মাথায় এক লাল মথ্মলের ফেজ্, তুলিয়া, ঢিলা পায়জামা, ফুলকাটা কাবা এবং

রেশমের দীর্ঘ চোগা পরিয়া রঙিন রুমালে আঁতর মাখিয়া বহুযত্নে সাজ করিতাম এবং সিগারেট ফেলিয়া দিয়া গোলাপজলপূর্ণ বহুকুণ্ডলায়িত বৃহৎ আলবোলা লইয়া এক উচ্চগদিবিশিষ্ট বড় কেদারায় বসিতাম। যেন রাত্রে কোনো এক অপূর্ব প্রিয়সম্মিলনের জন্ত পরমাগ্রহে প্রস্তুত হইয়া থাকিতাম।

তাহার পর অন্ধকার যতই ঘনীভূত হইত ততই কি যে এক অদ্ভুত ব্যাপার ঘটিতে থাকিত তাহা আমি বর্ণনা করিতে পারি না। ঠিক যেন একটা চমৎকার গল্পের কতকগুলি ছিন্ন অংশ বসন্তের আকস্মিক বাতাসে এই বৃহৎ প্রাসাদের বিচিত্র ঘরগুলির মধ্যে উড়িয়া বেড়াইত। খানিকটা দূর পর্য্যন্ত পাওয়া যাইত তাহার পরে আর শেষ দেখা যাইত না। আমিও সেই ঘূর্ণ্যমান বিচ্ছিন্ন অংশগুলির অনুসরণ করিয়া সমস্ত বাত্মি ঘরে ঘরে ঘুরিয়া বেড়াইতাম।

এই খণ্ডস্বপ্নের আবর্তের মধ্যে,—এই কচিং হেনার গন্ধ, ক চং সেতারের শব্দ, কচিং সুরভিজলশাকরমিশ্র বায়ুর হিল্লোলের মধ্যে একটি নায়িকাকে ক্ষণে ক্ষণে বিদ্যাংশিখার মত চকিতে দেখিতে পাইতাম। তাহারি জাক্‌রান্‌ রঙের পায়েজামা এবং ছুটি শুভ্র রক্তিম কোমল পায়ে চক্রশীর্ষ জরির চটিপরা, বক্ষে অতিপিনদ্ধ জরির ফুলকাটা কাঁচলি আবদ্ধ, মাথায় একটি লালটুপি এবং তাহা হইতে সোনার ঝালর ঝুলিয়া তাহার শুভ্র ললাট এবং কপোল বেঠন করিয়াছে।

সে আমাকে পাগল করিয়া দিয়াছিল। আমি তাহাবই অভিসারে প্রতিরাত্রে নিদ্রার রসাতলরাজ্যে স্বপ্নের জটিলপথসঙ্কুল মায়াপুরীর মধ্যে গলিতে গলিতে কক্ষে কক্ষে ভ্রমণ করিয়া বেড়াইয়াছি।

এক একদিন সন্ধ্যার সময় বড় আয়নার ছই দিকে দুই বাতি জ্বালাইয়া যত্ন পূর্ব্বক শাহাজাদার মত সাজ করিতেছি এমন সময় হঠাৎ দেখিতে পাইতাম আয়নায় আমার প্রতিবিম্বের পার্শ্বে ক্ষণিকের জন্ত সেই তরুণী ইরানীর ছায়া আসিয়া পড়িল;—পলকের মধ্যে গ্রীবা বাকাইয়া, তাহার ঘনকৃষ্ণ বিপুল চক্ষুতরুকার স্নগভীর আবেগ তীব্র বেদনাপূর্ণ আগ্রহ-কটাক্ষপাত করিয়া, সরস স্নন্দর বিম্বাধরে একটি অশ্রুত ভাবার আভাসমাত্র দিয়া, লঘু ললিত নৃত্যে আপন যৌবনপুষ্পিত দেহলতাটিকে দ্রুতবেগে উজ্জ্বলভিমুখে আবর্তিত করিয়া মুহূর্ত্তকালের মধ্যে বেদনা বাসনা ও বিভ্রমেব, হান্ত কটাক্ষ ও ভূষণজ্যোতির স্ফুলিঙ্গ বৃষ্টি

করিয়া দিয়া দর্পণেই মিলাইয়া গেল। গিরিকাননের সমস্ত স্নগন্ধ লুপ্তন করিয়া একটা উদ্দাম বায়ুর উচ্চাস আসিয়া আমার দুইটা বাতি নিভাইয়া দিত ;— আমি সাজ সজ্জা ছাড়িয়া দিয়া বেশগৃহের প্রান্তবর্তী শয্যাতে প্লুঙ্কিতদেহে মুদ্রিত নেত্রে শয়ন করিয়া থাকিতাম—আমার চারিদিকে সেই বাতাসের মধ্যে, সেই আরালী গিরিকুঞ্জের সমস্ত মিশ্রিত সৌরভের মধ্যে যেন অনেক আদর অনেক চুষন অনেক কোমল করস্পর্শ নিভৃত অন্ধকার পূর্ণ করিয়া ভাসিয়া বেড়াইত, কানের কাছে অনেক কলগুঞ্জন শুনিতে পাইতাম, আমার কপালের উপর স্নগন্ধ নিখাস আসিয়া পড়িত, এবং আমার কপোলে একটি মৃদুসৌরভ-রমণীর স্নকোমল ওড়না বারম্বার উড়িয়া উড়িয়া আসিয়া স্পর্শ করিত। অল্পে অল্পে একটি মোহিনী সপিণী তাহার মাদক বেঠনে আমার সর্ব্বাঙ্গ বাঁধিয়া ফেলিত, আমি গাঢ় নিখাস ফেলিয়া অসাড় দেহে স্নগভীর নিদ্রায় অভিভূত হইয়া পড়িতাম।

একদিন অপরাহ্নে আমি বোড়ায় চড়িয়া বাহির হইব সঙ্কল্প করিলাম—কে আমাকে নিবেদ্য করিতে লাগিল জানি না—কিন্তু সেদিন নিবেদ্য মানিলাম না। একটা কাঠদণ্ডে আমার সাহেবী হ্যাট এবং খাটো কোর্টা ছলিতেছিল, পাড়িয়া লইয়া পরিবার উপক্রম করিতেছি, এমন সময় সন্তানদীর বালী এবং আরালী পর্ব্বতের গুচ্ছ পল্লবরাশির ধ্বজা তুলিয়া হঠাৎ একটা প্রবল ঘূর্ণবাতাস আমার সেই কোর্টা এবং টুপি ঘুরাইতে ঘুরাইতে লইয়া চলিল এবং একটা অত্যন্ত সুমিষ্ট কলহাস্ত সেই হাওয়ার সঙ্গে ঘুরিতে ঘুরিতে কোতুকের সমস্ত পর্দার পর্দায় আঘাত করিতে করিতে উচ্চ হইতে উচ্চতর সপ্তকে উঠিয়া সূর্যাস্তলোকের কাছে গিয়া মিলাইয়া গেল।

সেদিন আর বোড়ায় চড়া হইল না এবং তাহার পরদিন হইতে সেই কোতুকাবহ খাটো কোর্টা এবং সাহেবী হ্যাট পরা একেবারে ছাড়িয়া দিয়াছি।

আবার সেই দিন অর্দ্ধরাত্রে বিছনার মধ্যে উঠিয়া বসিয়া শুনিতে পাইলাম, কে যেন গুমরিয়া বুক ফাটিয়া ফাটিয়া কাদিতেছে—যেন আমার খাটের নীচে মেঝের নীচে এই বৃহৎ প্রাসাদের পাষণভিত্তির তলবর্তী একটা আর্দ্র অন্ধকার গোরের ভিতর হইতে কাদিয়া কাদিয়া বলিতেছে, তুমি আমাকে উদ্ধার করিয়া লইয়া যাও—কঠিন মায়া, গভীর নিদ্রা, নিষ্ফল স্বপ্নের সমস্ত ঝার ভাঙ্গিয়া

ফেলিয়া তুমি আমাকে বোড়ায় তুলিয়া তোমার বৃকের কাছে চাপিয়া ধরিয়া, বনের ভিতর দিয়া পাহাড়ের উপর দিয়া নদী পার হইয়া তোমাদের স্বর্য়ালোকিত ঘরের মধ্যে আমাকে লইয়া যাও ! আমাকে উদ্ধার কর !

আমি কে ! আমি কেমন করিয়া উদ্ধার করিব ! আমি এই ঘূর্ণমান পরিবর্তমান স্বপ্নপ্রবাহের মধ্য হইতে কোন্ মজ্জমান কামনাসুন্দরীকে তীরে টানিয়া তুলিব ! তুমি কবে ছিলে, কোথায় ছিলে হে দিব্যরূপিনী ! তুমি কোন্ শীতল উৎসের তীরে খর্জুরকুঞ্জের ছায়ায় কোন্ গৃহহীন মরুবাসিনীর কোলে জন্মগ্রহণ করিয়াছিলে ? তোমাকে কোন্ বেহুয়ীন্দ্র নস্য বনলতা হইতে পুষ্পকোরকের মত মাতৃকোড় হইতে ছিন্ন করিয়া বিদ্রাংগামী অশ্বের উপরে চড়াইয়া জলন্ত বালুকারাশি পার হইয়া কোন্ রাজপুরীর দাসীহাটে বিক্রয়ের জন্ত লইয়া গিয়াছিল ! সেখানে কোন্ বাদসাহের ভৃত্য তোমার নববিকশিত সলজ্জকাতর যৌবনশোভা নিরীক্ষণ করিয়া স্বর্ণমুদ্রা গণিয়া দিয়া, সমুদ্র পার হইয়া তোমাকে সোনার শিবিকায় বসাইয়া প্রভুগৃহের অন্তঃপুরে উপহার দিয়াছিল ! সেখানে সে কি ইতিহাস ! সেই সারঙ্গীর সঙ্গীত, নৃপুত্রের নিক্ষণ এবং দিরাঞ্জের সুবর্ণমদিরার মধ্যে মধ্যে ছুরির ঝলক, বিধের জালা, কটাক্ষের আঘাত ! কি অসীম, কি ঐশ্বর্য্য, কি অনন্ত কারাগার ! দুইদিকে দুই দাসী বলয়ের হীরকে বিজুলি খেলাইয়া চামর ঢলাইতেছে , শাহেন্ শা বাদশা শুভ্র চরণের তলে মণিমুক্তাখচিত পাছকার কাছে লুটাইতেছে ;—বাহিরের দ্বারের কাছে যমদূতের মত হাবশী, দেবদূতের মত সাজ করিয়া, খোলা তলোয়ার হাতে দাঁড়াইয়া । তাহার পরে সেই রক্তকলুষিত ঈর্ষ্যাফেনিল ষড়যন্ত্রসঙ্কুল ভীষণোজ্জ্বল ঐশ্বর্য্যপ্রবাহে ভাসমান হইয়া, তুমি মরুভূমির পুষ্পমঞ্জরী কোন্ নিষ্ঠুর মৃত্যুর মধ্যে অবতীর্ণ অথবা কোন নিষ্ঠুরতর মহিমাতটে উৎক্ষিপ্ত হইয়াছিলে ?

এমন সময় হঠাৎ সেই পাগুলা মেয়ের আলি চীৎকার করিয়া উঠিল—“তফাৎ যাও, তফাৎ যাও ! সব খুঁটু হায়া, সব খুঁটু হায়া !” চাহিয়া দেখিলাম, সকাল হইয়াছে ; চাপরাশি ডাকের চিঠিপত্র লইয়া আমার হাতে দিল এবং পাচক আসিয়া সেলাম করিয়া জিজ্ঞাসা করিল আজ কিরূপ খানা প্রস্তুত করিতে হইবে।

আমি কহিলাম, না, আজ এ বাড়িতে থাকা হয় না। সেই দিনই আমার

জিনিষপত্র তুলিয়া আপিস ঘরে গিয়া উঠিলাম। আপিসের বৃদ্ধ কেরানী করীম্ খাঁ আমাকে দেখিয়া জ্বৎ হাসিল। আমি তাহার হাসিতে বিরক্ত হইয়া কোন উত্তর না করিয়া কাজ করিতে লাগিলাম।

যত বিকাল হইয়া আসিতে লাগিল ততই অন্তমনস্ক হইতে লাগিলাম—মনে হইতে লাগিল এখনি কোথায় যাইবার আছে—তুলার হিসাব পরীক্ষার কাজটা নিতান্ত অনাবশ্যক মনে হইল, নিজামের নিজামৎও আমার কাছে বেশি কিছু বোধ হইল না—যাহা কিছু বর্তমান, যাহা কিছু আমার চারিদিকে চলিতেছে ফিরিতেছে খাটিতেছে খাইতেছে সমস্তই আমার কাছে অত্য দীন, অর্থহীন, অকিঞ্চিৎকর বলিয়া বোধ হইল।

আমি কলন ছুঁড়িয়া ফেলিয়া, বৃহৎ খাতা বন্ধ করিয়া তৎক্ষণাৎ টম্‌টম্‌ চড়িয়া ছুটিলাম। দেখিলাম টম্‌টম্‌ ঠিক গোধূলি মুহূর্ত্তে আপনাই সেই পাষণ-প্রাসাদের দ্বারের কাছে গিয়া থামিল। দ্রুতপদে সিঁড়িগুলি উত্তীর্ণ হইয়া ঘরের মধ্যে প্রবেশ করিলাম।

আজ সমস্ত নিস্তরু। অন্ধকার ঘরগুলি ধেন রাগ করিয়া মুখ ভার করিয়া আছে। অনুতাপে আমার হৃদয় উদ্বেলিত হইয়া উঠিতে লাগিল কিন্তু কাহাকে জানাইব, কাহার নিকট মার্জনা চাহিব খুঁজিয়া পাইলাম না। আমি শূন্যমনে অন্ধকার ঘরে ঘরে ঘুরিয়া বেড়াইতে লাগিলাম। ইচ্ছা করিতে লাগিল একথানা যজ্ঞ হাতে লইয়া কাহাকেও উদ্দেশ্য করিয়া গান গাহি, বলি, হে বক্ষি! যে পতঙ্গ তোমাকে ফেলিয়া পলাইবার চেষ্টা করিয়াছিল, সে আবার মরিবার জন্ত আসিয়াছে! এবার তাহাকে মার্জনা কর, তাহার হই পক্ষ দগ্ধ করিয়া দাও, ভস্মসাৎ করিয়া ফেল!

হঠাৎ উপর হইতে আমার কপালে ছই ফোঁটা অশ্রুজল পড়িল। সেদিন আরালী পর্ব্বতের চূড়ায় ঘনঘোর মেঘ করিয়া আসিয়াছিল। অন্ধকার অরণ্য এবং স্তম্ভার মসীবর্ণ জল একটি ভীষণ প্রতীক্ষায় স্থির হইয়াছিল। জলস্থল-আকাশ সহসা শিহরিয়া উঠিল; এবং অকস্মাৎ একটা বিছাদন্তবিকশিত বড় শৃঙ্খলছিন্ন উম্মাদের মত পথহীন সুদূর বনের ভিতর দিয়া আর্ন্ত চীৎকার করিতে করিতে ছুটিয়া আসিল। প্রাসাদের বড় বড় ঘরগুলো সমস্ত দ্বার আছড়াইয়া তীব্র বেদনায় হুহু করিয়া কাদিতে লাগিল।

আজ ভৃত্যগণ সকলেই আপিস-ঘরে ছিল, এখানে আলো জ্বালাইবার কেহ ছিল না। সেই মেঘাচ্ছন্ন অমাবস্তার রাত্রে গৃহের ভিতরকার নিকবক্ষ অন্ধকারের মধ্যে আমি স্পষ্ট অনুভব করিতে লাগিলাম— একজন রমণী পালঙ্কের তলদেশে গালিচার উপরে উপুড় হইয়া পড়িয়া দুই দৃঢ় বন্ধমুষ্টিতে আপনার আলুলায়িত কেশজাল টানিয়া ছিঁড়িতেছে, তাহার গোরবর্ণ ললাট দিয়া রক্ত ফাটিয়া পড়িতেছে, কখনো সে শুষ্ক তীর অটুহাস্তে হাহা করিয়া হাসিয়া উঠিতেছে, কখনো ফুলিয়া ফুলিয়া ফাটিয়া ফাটিয়া কাঁদিতেছে, দুই হস্তে বক্ষের কাঁচুলি ছিঁড়িয়া ফেলিয়া অনাবৃত বক্ষে আঘাত করিতেছে, মুক্ত বাতায়ন দিয়া বাতাস গজ্জন করিয়া আসিতেছে এবং মুয়লধারে বৃষ্টি আসিয়া তাহার সর্বাঙ্গ অভিষিক্ত করিয়া দিতেছে।

সমস্ত রাত্রি ঝড়ও থামে না ক্রন্দনও থামে না। আমি নিষ্ফল পরিতাপে ঘরে ঘরে অন্ধকারে ঘুরিয়া বেড়াইতে লাগিলাম। কেহ কোথাও নাই, কাহাকে সাস্থনা করিব? এই প্রচণ্ড অভিমান কাহার? এই অশান্ত আক্ষেপ কোথা হইতে উত্থত হইতেছে।

পাগল চীৎকার করিয়া উঠিল, “তফাৎ যাও, তফাৎ যাও! সব ঝুঁট্ হায়, সব ঝুঁট্ হায়।”

দেখিলাম ভোর হইয়াছে এবং মেহের আলি এই বোর দুর্ঘ্যোগের দিনেও বথানিয়মে প্রাসাদ প্রদক্ষিণ করিয়া তাহার অভ্যন্তর চীৎকার করিতেছে। হঠাৎ আমার মনে হইল, হয়তো ঐ মেহের আলিও আমার মত এক সময় প্রাসাদে বাস করিয়াছিল, এখন পাগল হইয়া বাহির হইয়াও এই পাষণ রাক্ষসের মোহে আকৃষ্ট হইয়া প্রত্যহ প্রত্যাষে প্রদক্ষিণ করিতে আসে।

আমি তৎক্ষণাৎ সেই বৃষ্টিতে পাগ্‌লার নিকট ছুটিয়া গিয়া তাহাকে জিজ্ঞাসা করিলাম, “মেহের আলি, ক্যা ঝুঁট্ হায়রে?”

সে আমার কথায় কোন উত্তর না করিয়া আমাকে ঠেলিয়া ফেলিয়া অঙ্গ-গরের কবলের চতুর্দিকে ঘূর্ণমান মোহাবিষ্ট পক্ষীর হ্রায় চীৎকার করিতে করিতে বাড়ীর চারিদিকে ঘুরিতে লাগিল। কেবল প্রাণপণে নিজেকে সতর্ক করিবার জন্ত বারম্বার বলিতে লাগিল—“তফাৎ যাও, তফাৎ যাও, সব ঝুঁট্ হায়, সব ঝুঁট্ হায়।”

আমি সেই জলঝড়ের মধ্যে পাগলব মত আপিসে গিয়া করীম খাঁকে ডাকিয়া বলিলাম, ইহার অর্থ কি আমায় খুলিয়া বল।

বুদ্ধ যাহা কহিল তাহার মর্ম্ম এই, এক সময় ঐ প্রাসাদে অনেক অতৃপ্ত বাসনা, অনেক উন্নত সন্তোগের শিখা আলোড়িত হইত—সেই সকল চিন্তদাহে, সেই সকল নিষ্ফল কামনার অভিশাপে এই প্রাসাদের প্রত্যেক প্রস্তরখণ্ড ক্ষুধার্ত্ত তৃষ্ণার্ত্ত হইয়া আছে, সজীব মানুষ পাইলে তাহাকে লালায়িত পিশাচীর মত খাইয়া ফেলিতে চায়। বাহার। ত্রিরাত্রি ঐ প্রাসাদে বাস করিয়াছে, তাহাদের মধ্যে কেবল মেহের আলি পাগল হইয়া বাহির হইয়া আসিয়াছে, এ পর্য্যন্ত আর কেহ তাহার গ্রাস এড়াইতে পারে নাই।

আমি জিজ্ঞাসা করিলাম, আমার উদ্ধাবের কি কোনো পথ নাই?

বুদ্ধ কহিল, একটি মাত্র উপায় আছে তাহা অত্যন্ত দুর্লভ। তাহা তোমাকে বলিতেছি—কিন্তু তৎপূর্বে ঐ গুলবাগের একটি ইরানী ক্রীতদাসীর পুরাতন ইতিহাস বলা আবশ্যক। তেমন আশ্চর্য্য এবং তেমন হৃদয়বিদারক ঘটনা সংসারে আর কখনো ঘটে নাই।

এমন সময় কুলিরা আসিয়া খবর দিল—গাড়ী আসিতেছে। এত শীঘ্র? তাড়াতাড়ি বিছানাপত্র বাঁধিতে বাঁধিতে গাড়ী আসিয়া পড়িল। সে গাড়ীর ফাষ্ট ক্লাসে একজন স্নগ্ধোখিত ইংরাজ জানালা হইতে মুখ বাড়াইয়া ষ্টেশনের নাম পড়িবার চেষ্টা করিতেছিল, আমাদের সহযাত্রী বন্ধুটিকে দেখিয়াই “হ্যালো” বলিয়া চীৎকার করিয়া উঠিল এবং নিজের গাড়ীতে তুলিয়া লইল। আমরা সেকেণ্ড ক্লাসে উঠিলাম। বাবুটি কে খবর পাইলাম না, গল্লেবুও শেষ শোনা হইল না।

আমি বলিলাম, লোকটা আমাদের বোকার মত দেখিয়া কোতুক করিয়া ঠকাইয়া গেল—গল্পটা আগাগোড়া বানানো।

এই তর্কের উপলক্ষ্যে আমার থিয়সফিষ্ট্ অ্যাড্বাইটিস সহিত আমার জন্মের মত বিচ্ছেদ ঘটিয়া গেছে।

অতিথি

প্রথম পরিচ্ছেদ

কাঁঠালিয়ার জমিদার মতিলালবাবু নৌকা করিয়া সপরিবারে স্বদেশে যাইতেছিলেন। পথের মধ্যে মধ্যাহ্নে নদীতীরের এক গঞ্জের নিকট নৌকা বাধিয়া থাকের আয়োজন করিতেছেন এমন সময় ব্রাহ্মণবালক আসিয়া জিজ্ঞাসা করিল, “বাবু, তোমরা যাচ্ছ কোথায়?”—প্রশ্নকর্তার বয়স পোনের ষোলর অধিক হইবে না।

মতিবাবু উত্তর করিলেন,—“কাঁঠালে।”

ব্রাহ্মণবালক কহিল, “আমাকে পথের মধ্যে নন্দীগাঁয়ে নাবিয়ে দিতে পার?”

বাবু সম্মতি প্রকাশ করিয়া জিজ্ঞাসা করিলেন, “তোমার নাম কি?”

ব্রাহ্মণবালক কহিল, “আমার নাম তারাপদ।”

গৌরবর্ণ ছেলেটিকে বড় সুন্দর দেখিতে। বড় বড় চক্ষু এবং প্রসন্ন হাস্যময় ওষ্ঠাধরে একটি স্নললিত সৌকুমার্য্য প্রকাশ পাইতেছে। পরিধানে একখানি মলিন ধুতি। অনাবৃত দেহখানি সর্বপ্রকার বাহ্যাবর্জিত; কোনো শিল্পী যেন বহু যত্নে নিখুঁৎ নিটোল করিয়া গড়িয়া দিয়াছেন। যেন সে পূর্বজন্মে তাপস-বালক ছিল এবং নির্মল তপস্তার প্রভাবে তাহার শরীর হইতে শরীরাত্মক বহুল পরিমাণে ক্ষয় হইয়া একটি সম্মার্জিত ব্রহ্মণ্যাত্মী পরিস্ফুট হইয়া উঠিয়াছে।

মতিলালবাবু তাহাকে পরম স্নেহভরে কহিলেন, “বাবা, তুমি স্নান ক’রে এস, এইখানেই আহারাদি হবে।”

তারাপদ বলিল, “রত্ননু।” বলিয়া তৎক্ষণাৎ অসঙ্কোচে রন্ধনের আয়োজনে যোগদান করিল। মতিলাল বাবুর চাকরটা ছিল হিন্দুস্থানী, মাছ-কোটা প্রভৃতি কার্যে তাহার তেমন পটুতা ছিল না; তারাপদ তাহার কাজ নিজে লইয়া অল্পকালের মধ্যেই সুসম্পন্ন করিল এবং দুই একটা তরকারীও অভ্যস্ত নৈপুণ্যের সহিত রন্ধন করিয়া দিল। পাক-কার্য শেষ হইলে তারাপদ নদীতে স্নান করিয়া বোঁচকা খুলিয়া একটি শুভ্র বস্ত্র পরিল; একটি ছোট কাঠের কঁকই লইয়া মাথার বড় বড় চুল কপাল হইতে তুলিয়া গ্রীবার উপর ফেলিল এবং মার্জিত পৈতার গোচ্ছা বক্ষে বিলম্বিত করিয়া নৌকায় মতিবাবুর নিকট গিয়া উপস্থিত হইল।

মতিবাবু তাহাকে নৌকার ভিতরে লইয়া গেলেন। সেখানে মতিবাবুর স্ত্রী এবং তাহার নবমবর্ষীয়া এক কন্যা বসিয়াছিলেন। মতিবাবুর স্ত্রী অল্পপূর্ণা এই সুন্দর বালকটিকে দেখিয়া স্নেহে উচ্ছ্বসিত হইয়া উঠিলেন—মনে মনে কহিলেন, আহা কাহার বাছা, কোথা হইতে আসিয়াছে—ইহার মা ইহাকে ছাড়িয়া কেমন করিয়া প্রাণ ধরিয়া আছে!—

বথাসময়ে মতিবাবু এবং এই ছেলেটির জন্ম পাশাপাশি দুইখানি আসন পড়িল। ছেলেটি তেমন ভোজনপটু নহে; অল্পপূর্ণা তাহার স্বল্প আহার দেখিয়া মনে করিলেন, সে লজ্জা করিতেছে; তাহাকে এটা ওটা খাইতে বিস্তর অনুরোধ করিলেন; কিন্তু যখন সে আহার হইতে নিরন্ত হইল, তখন সে কোনো অনুরোধ মানিল না। দেখা গেল, ছেলেটি সম্পূর্ণ নিজের ইচ্ছানুসারে কাজ করে, অথচ এমন সহজে করে যে, তাহাতে কোনো প্রকার জেদ বা গোঁ প্রকাশ পায় না। তাহার ব্যবহারে লজ্জার লেশমাত্র দেখা গেল না।

সকলের আহারাদির পরে অল্পপূর্ণা তাহাকে কাছে বসাইয়া প্রশ্ন করিয়া তাহার ইতিহাস জানিতে প্রবৃত্ত হইলেন। বিস্তারিত বিবরণ কিছুই সংগ্রহ হইল না। মোট কথা এইটুকু জানা গেল, ছেলেটি সাত আট বৎসর বয়সেই স্বেচ্ছাক্রমে ঘর ছাড়িয়া পলাইয়া আসিয়াছে।

অন্নপূর্ণা প্রশ্ন করিলেন, “তোমার মা নাই?”

তারা পদ কহিল—“আছেন।”

অন্নপূর্ণা জিজ্ঞাসা করিলেন, “তিনি তোমাকে ভালবাসেন না?”

তারা পদ এই প্রশ্ন অত্যন্ত অদ্ভুত জ্ঞান করিয়া হাসিয়া উঠিয়া কহিল, “কেন ভালবাসবেন না?”

অন্নপূর্ণা প্রশ্ন করিলেন, “তবে তুমি তা’কে ছেড়ে এলে যে?”

তারা পদ কহিল, “তাঁর আরও চারিটি ছেলে এবং তিনটি মেয়ে আছে।”

অন্নপূর্ণা বালকের এই অদ্ভুত উত্তরে ব্যথিত হইয়া কহিলেন, “ওমা, সে কি কথা! পাঁচটি আঙুল আছে ব’লে কি একটি আঙুল ত্যাগ করা যায়!”

তারা পদের বয়স অল্প, তাহার ইতিহাসও সে-পরিমাণে সংক্ষিপ্ত কিন্তু ছেলেটি সম্পূর্ণ নূতনতর। সে তাহার পিতামাতার চতুর্থ পুত্র, শৈশবেই পিতৃহীন হয়। বহু সন্তানের ধরেও তারা পদ অত্যন্ত আদরের ছিল; মা ভাই বোন এবং পাড়ার সকলের নিকট হইতে সে অজস্র স্নেহলাভ করিত। এমন কি গুরুমহাশয়ও তাহাকে মারিত না—মারিলেও বালকের আত্মীয়পর সকলেই তাহাতে বেদনা বোধ করিত। এমন অবস্থায় তাহার গৃহত্যাগ করিবার কোনই কারণ ছিল না। যে উপোষিত রোগা ছেলেটা সর্বদাই চুরি-করা গাছের ফল এবং গৃহস্থ লোকদের নিকট তাহার চতুর্গুণ প্রতিফল খাইয়া বেড়ায় সে-ও তাহার পরিচিত গ্রামদীয়ার মধ্যে তাহার নির্ঘাতনকারিণী মার নিকট পড়িয়া রহিল, আর সমস্ত গ্রামের এই আদরের ছেলে একটা বিদেশী বাত্রার দলের সহিত মিলিয়া অকাতর চিত্তে গ্রাম ছাড়িয়া পলায়ন করিল।

সকলে খোঁজ করিয়া তাহাকে গ্রামে ফিরাইয়া আনি। তাহার মা তাহাকে বক্ষে চাপিয়া ধরিয়া অশ্রুজলে আর্দ্র করিয়া দিল, তাহার বান্ধবা কাঁদিতে লাগিল; তাহার বড় ভাই পুরুষ অভিভাবকের কঠিন কর্তব্য পালন উপলক্ষ্যে মুছ রকম শাসন করিবার চেষ্টা করিয়া অবশেষে অল্পতপ্ত চিত্তে বিস্তর প্রশ্রয় এবং পুরস্কার দিল। পাড়ার মেয়েরা তাহাকে ঘরে ঘরে ডাকিয়া প্রচুরতর আদর এবং বহুতর প্রলোভনে বাধ্য করিতে চেষ্টা করিল। কিন্তু

বন্ধন, এমন কি স্নেহবন্ধনও তাহার সহিল না ;—তাহার জন্মনক্ষত্র তাহাকে গৃহহীন করিয়া দিয়াছে ;—সে যখন দেখিত নদী দিয়া বিদেশী নৌকা গুলি টানিয়া চলিয়াছে, গ্রামের বৃহৎ অশ্বখগাছের তলে কোন্ দূর দেশ হইতে এক সন্ন্যাসী আসিয়া আশ্রয় লইয়াছে, অথবা বেদেরা নদীর তীরের পতিত মাঠে ছোট ছোট চাটাই বাঁধিয়া বাথারি ছুলিয়া চাঙারি নির্মাণ করিতে বসিয়াছে, তখন বহিঃপৃথিবীর স্নেহহীন স্বাধীনতার জন্ত তাহার চিত্ত অশান্ত হইয়া উঠিত। উপরি-উপরি দুই তিনবার পলায়নের পর তাহার আত্মীয়বর্গ এবং গ্রামের লোক তাহার আশা পরিত্যাগ করিল।

প্রথমে সে একটা যাত্রার দলের সঙ্গ লইয়াছিল। অধিকারী যখন তাহাকে পুত্রনির্বিশেষে স্নেহ করিতে লাগিল এবং দলস্থ ছোট-বড় সকলেরই যখন সে প্রিয়পাত্র হইয়া উঠিল, এমন কি, যে-বাড়িতে যাত্রা হইত সে-বাড়ির অধ্যক্ষগণ, বিশেষত পুরমহিলাবর্গ যখন বিশেষরূপে তাহাকে আহ্বান করিয়া সমাদর করিতে লাগিল, তখন একদিন সে কাহাকেও কিছু না বলিয়া কোথায় নিরুদ্দেশ হইয়া গেল তাহার আর সন্ধান পাওয়া গেল না।

তারাপদ হরিণ-শিশুর মত বন্ধনভীরু, আবার হরিণেরই মত সঙ্গীতমুগ্ধ। যাত্রার গানেই তাহাকে প্রথম ঘর হইতে বিরাগী করিয়া দেয়। গানের সুরে তাহার সমস্ত শিরার মধ্যে অনুকম্পন এবং গানের তালে তাহার সর্বাঙ্গে আন্দোলন উপস্থিত হইত। যখন সে নিতান্ত শিশু ছিল তখনও সঙ্গীত-সভায় সে যেরূপ সংযত গম্ভীর বস্তুভাবে আত্মবিস্মৃত হইয়া বসিয়া বসিয়া ছিল, দেখিয়া প্রবীণ লোকের হাস্য সম্বরণ করা দুঃসাধ্য হইত। কেবল সঙ্গীত কেন, গাছের ঘন পল্লবের উপর যখন শ্রাবণের বৃষ্টিধারা পড়িত, আকাশে মেঘ ডাকিত, অরণ্যের ভিতর মাতৃহীন দৈত্য-শিশুর হ্রাস বাতাস ক্রন্দন করিতে থাকিত, তখন তাহার চিত্ত যেন উচ্ছ্বল হইয়া উঠিত। নিস্তরু দ্বিপ্রহরে বহুদূর আকাশ হইতে চিলের ডাক, বর্ষার সন্ধ্যায় ভেকের কলরব, গভীর রাত্রে শৃগালের চীৎকারধ্বনি—সকলি তাহাকে উতলা করিত। এই সঙ্গীতের মোহে আকৃষ্ট হইয়া সে অনতিবিলম্বে এক পাঁচালির দলের মধ্যে গিয়া প্রবিষ্ট হইল। দলধ্যক্ষ তাহাকে পরম যত্নে গান শিখাইতে এবং পাঁচালি মুখস্থ করাইতে প্রবৃত্ত হইল, এবং তাহাকে আপন বক্ষপিঞ্জরের পাখীর মত প্রিয়

জ্ঞান করিয়া স্নেহ করিতে লাগিল। পাখী কিছু কিছু গান শিখিল এবং এক-দিন প্রত্যুষে উড়িয়া চলিয়া গেল।

শেষবারে সে এক জিম্মাষ্টিকের দলে জুটিয়াছিল। জ্যৈষ্ঠ মাসের শেষভাগ হইতে আষাঢ় মাসের অবসান পর্য্যন্ত এ-অঞ্চলে স্থানেস্থানে পর্যায়ক্রমে বারোয়ারী মেলা হইয়া থাকে। তদুপলক্ষে ছই তিন দল যাত্রা, পাঁচালি, কবি, নর্তকী এবং নানাবিধ দোকান নৌকাযোগে ছোট ছোট নদী উপনদী দিয়া এক মেলা অস্তে স্নাত্ত মেলার ঘুরিয়া বেড়ায়। গত বৎসর হইতে কলিকাতার এক ক্ষুদ্র জিম্মাষ্টিকের দল এই পর্য্যটনলীল মেলার আমোদচক্রের মধ্যে যোগ দিয়াছিল। তারাপদ প্রথমত নৌকারোহী দোকানীর সহিত মিশিয়া মেলায় পানের থিলি বিক্রয়ের ভার লইয়াছিল। পরে তাহাব স্বাভাবিক কোতূহলবশত এই জিম্মাষ্টিকের ছেলেদের আশ্চর্য্য ব্যায়ামনৈপুণ্যে আকৃষ্ট হইয়া এই দলে প্রবেশ করিয়াছিল। তারাপদ নিজে নিজে অভ্যাস করিয়া ভালো বাঁশী বাজাইতে শিখিয়াছিল—জিম্মাষ্টিকের সময় তাহাকে দ্রুত তালে লক্ষ্মী চুংরির সুরে বাঁশী বাজাইতে হইত,—এই তাহার একমাত্র কাজ ছিল।

এই দল হইতেই তাহার শেষ পলায়ন। সে শুনিয়াছিল, নন্দীগ্রামের জমিদার বাবুরা মহা সমারোহে এক সন্ধের যাত্রা খুলিতেছেন—শুনিয়া সে তাহার ক্ষুদ্র বোঁচকাটি লইয়া নন্দীগ্রামে যাইবার আয়োজন করিতেছিল, এমন সময় মতিবাবুর সহিত তাহার সাক্ষাৎ হয়।

তারাপদ পর্যায়ক্রমে নানা দলের মধ্যে ভিড়িয়াও আপন স্বাভাবিক কল্পনাপ্রবণ প্রকৃতিপ্রভাবে কোনো দলের বিশেষত্ব প্রাপ্ত হয় নাই। অন্তরের মধ্যে সে সম্পূর্ণ নির্লিপ্ত এবং মুক্ত ছিল। সংসারে অনেক কুৎসিত কথা সে সর্বদা শুনিয়াছে এবং অনেক কদর্যা দৃশ্য তাহার দৃষ্টিগোচর হইয়াছে, কিন্তু তাহা তাহার মনের মধ্যে সঞ্চিত হইবার তিলমাত্র অবসর প্রাপ্ত হয় নাই। এ-ছেলেটির কিছুতেই খেয়াল ছিল না। অত্যাশ্চর্য্য বন্ধনের জায় কোনো প্রকার অভ্যাসবন্ধনও তাহার মনকে বাধ্য করিতে পারে নাই, সে এই সংসারে পঙ্কিল জলের উপর দিয়া শুভ্রপক্ষ রাজহংসের মত সাঁতার দিয়া বেড়াইত। কোতূহল-বশত যতবারই ডুব দিত তাহার পাখা সিক্ত বা মলিন হইতে পারিত না। এই জন্ত এই গৃহত্যাগী ছেলেটির মুখে একটি শুভ্র স্বাভাবিক তারুণ্য অম্লান-

ভাবে প্রকাশ পাইত, তাহার সেই মুখশ্রী দেখিয়া প্রবীণ বিষয়ী মতিলাল বাবু তাহাকে বিনা প্রশ্নে, বিনা সন্দেহে পরম আদরে আহ্বান করিয়া লইয়াছিলেন।

দ্বিতীয় পরিচ্ছেদ

আহারান্তে নৌকা ছাড়িয়া দিল। অল্পপূর্ণা পরম স্নেহে এই ব্রাহ্মণ-বালককে তাহার ঘরের কথা, তাহার আত্মীয় পরিজনের সংবাদ জিজ্ঞাসা করিতে লাগিলেন;—তারাপদ অত্যন্ত আশ্রয়ে তাহার উত্তর দিয়া বাহিরে আসিয়া পরিভ্রাণ লাভ করিল। বাহিরে বর্ষার নদী পরিপূর্ণতার শেষ রেখা পর্য্যন্ত ভরিয়া উঠিয়া আপন আশ্রয় উদ্দাম চাপ্‌লো প্রকৃতিমাতাকে যেন উদ্ভিগ্ন করিয়া তুলিয়াছিল। মেঘনিম্নুক্ত রৌদ্রে নদীতীরের অর্দ্ধনিমগ্ন কাশতলা-শ্রেণী, এবং তাহার উর্দ্ধে সরস সঘন ইক্ষুক্ষেত্র এবং তাহার পরপ্রান্তে দূরদিগন্ত-চুষিত নীলাঞ্জনবর্ণ বনরেখা সমস্তই যেন কোনো এক রূপকথার সোনার কাঠির স্পর্শে সত্ত-জাগ্রত নবীন সৌন্দর্যের মত নির্ঝাঁকু নীলাকাশের মুগ্ধদৃষ্টির সম্মুখে পরিস্ফুট হইয়া উঠিয়াছিল, সমস্তই যেন সজীব, স্পন্দিত, প্রগল্ভ, আলোক-উদ্ভাসিত, নবীনতায় স্ফটিকণ, প্রাচুর্য্যে পরিপূর্ণ।

তারাপদ নৌকার ছাদের উপরে পালের ছায়ায় গিয়া আশ্রয় লইল। পর্য্যায়ক্রমে ঢালু সবুজ মাঠ, প্রাবিত পাটের ক্ষেত, গাঢ় শ্যামল আমন ধাত্তের আন্দোলন, ঘাট হইতে গ্রামাভিমুখী সঙ্কীর্ণ পথ, ঘনবন-বেষ্টিত ছায়াময় গ্রাম তাহার চোখের উপর আসিয়া পড়িতে লাগিল। এই জল স্থল আকাশ, এই চারিদিকে সচলতা, সজীবতা, মুখরতা,—এই উর্দ্ধ অধোদেশের ব্যাপ্তি এবং বৈচিত্র্য এবং নির্লিপ্ত সুদূরতা, এই সুস্বহং, চিরস্থায়ী নির্গিমেষ বাক্যবিহীন বিশ্বজগৎ তরুণ বালকের পরমাশ্রয়ী ছিল;—অথচ সে এই চঞ্চল মানবকটিকে এক মুহূর্তের জ্ঞাও স্নেহবাহু দ্বারা ধরিয়া রাখিতে চেষ্টা করিত না। নদীতীরে বাহুর লেজ তুলিয়া ছুটিতেছে, গ্রাম্য টাটুঘোড়া সম্মুখে ছই দড়ি-বাঁধা পা লইয়া লাফ দিয়া ঘাস খাইয়া বেড়াইতেছে, মাছরাঙা জেলেদের জাল বাঁধিবার বংশদণ্ডের উপর হইতে ঝপ্ করিয়া সবগে জলের মধ্যে বাঁপাইয়া মাছ ধরিতেছে, ছেলেরা

জলের মধ্যে পড়িয়া মাতামাতি করিতেছে, মেয়েরা উচ্চকণ্ঠে সহাস্ত গল্প করিতে কারিতে আবক্ষজলে বসনাঞ্চল প্রসারিত করিয়া দুই হস্তে তাহা মার্জন করিয়া লইতেছে, কোমর-বাঁধা মেছুনীরা চূপড়ি লইয়া জেলেদের নিকট হইতে মাছ কিনিতেছে, এ-সমস্তই সে চিরনূতন অশ্রান্ত কোঁতুহলের সহিত বসিয়া বসিয়া দেখে, কিছুতেই তাহার দৃষ্টির পিপাসা নিবৃত্ত হয় না।

নৌকার ছাতের উপরে গিয়া তারাপদ ক্রমশ দাঁড়ি-মাঝিদের সঙ্গে গল্প জুড়িয়া দিল। মাঝে মাঝে আবশ্যকমতে মাল্লাদের হাত হইতে লগি লইয়া নিজেই ঠেলিতে প্রবৃত্ত হইল; মাঝির যখন তামাক খাইবার আবশ্যক, তখন সে নিজে গিয়া হাল ধরিল—যখন যেরূপে পাল ফিরানো আবশ্যক সমস্ত সে দক্ষতার সহিত সম্পন্ন করিয়া দিল।

সন্ধ্যার প্রাকালে অন্নপূর্ণা তারাপদকে ডাকিয়া জিজ্ঞাসা করিলেন, “রাজে তুমি কি খাও?”

তারাপদ কহিল, “যা পাই তাই খাই; সকল দিন খাই-ও না।”

এই স্নানর ব্রাহ্মণ-বালকটির আতিথাগ্রহণে ঔদাসীন্য় অন্নপূর্ণাকে ঈষৎ পীড়া দিতে লাগিল। তাঁহার বড় ইচ্ছা খাওয়াইয়া পরাইয়া এই গৃহচ্যুত পাশ্চ বালকটিকে পরিতৃপ্ত করিয়া দেন। কিন্তু কিসে যে তাহার পরিতোষ হইবে তাহার কোনো সন্ধান পাইলেন না। অন্নপূর্ণা চাকরদের ডাকিয়া গ্রাম হইতে দুধ মিষ্টান্ন প্রভৃতি ক্রয় করিয়া আনিবার জন্ত ধুমধাম বাধাইয়া দিলেন। তারাপদ যথাপরিমাণে আহার করিল; কিন্তু দুধ খাইল না। মৌনস্বভাব মতিলাল বাবুও তাহাকে দুধ খাইবার জন্ত অনুরোধ করিলেন; সে সংক্ষেপে বলিল, “আমার ভালো লাগে না।”

নদীর উপর দুই তিন দিন গেল। তারাপদ রাঁধাবাড়ী, বাজার-করা হইতে নৌকাচালনা পর্যাস্ত সকল কাজেই স্বেচ্ছা এবং তৎপরতার সহিত যোগ দিল। যে-কোনো দৃশ্য তাহার চোখের সন্মুখে আসে তাহার প্রতি তারাপদের সকৌতুহল দৃষ্টি ধাবিত হয়, যে-কোনো কাজ তাহার হাতের কাছে আসিয়া উপস্থিত হয়, তাহাতেই সে আপনি আকৃষ্ট হইয়া পড়ে। তাহার দৃষ্টি, তাহার হস্ত, তাহার মন সর্বদাই সচল হইয়া আছে; এই জন্ত সে নিত্যসচলা প্রকৃতির মত সর্বদাই নিশ্চিন্ত উদাসীন, অথচ সর্বদাই ক্রিয়াসক্ত।

মানুষমাত্রেয়ই নিজের একটি স্বতন্ত্র অধিষ্ঠান ভূমি আছে ;—কিন্তু তারাপদ এই অনন্ত নীলাবরবাহী বিশ্বপ্রবাহের একটি আনন্দোজ্জ্বল তরঙ্গ,—ভূত ভবিষ্যতের সহিত তাহার কোনো বন্ধন নাই—সম্মুখাভিমুখে চলিয়া যাওয়াই তাহার একমাত্র কার্য্য।

এ-দিকে অনেক দিন নানা সম্প্রদায়ের সহিত যোগ দিয়া অনেক প্রকার মনোরঞ্জনী বিদ্যা তাহার আয়ত্ত হইয়াছিল। কোনো প্রকার চিন্তার দ্বারা আচ্ছন্ন না থাকাতে তাহার নিঃশূল স্মৃতিপটে সকল জিনিষ আশ্চর্য্য সহজে মুদ্রিত হইয়া যাইত। পাঁচালি, কথকতা, কীর্ত্তনগান, যাত্রাভিনয়ের সুদীর্ঘ খণ্ডসকল তাহার কণ্ঠাগ্রে ছিল। মতিলাল বাবু চিরপ্রথামত একদিন সন্ধ্যাবেলায় তাঁহার স্ত্রী-কন্যাকে রামায়ণ পড়িয়া শুনাইতেছিলেন ; কুশলবের স্মৃচনা হইতেছে, এমন সময় তারাপদ উৎসাহ সম্বরণ করিতে না পারিয়া নৌকার ছাদের উপর হইতে নামিয়া আসিয়া কহিল, “বই রাখুন ! আমি কুশলবের গান করি, আপনারা শুনে যান্।”

এই বলিয়া সে কুশলবের পাঁচালি আরম্ভ করিয়া দিল। বাঁশীর মত স্নমিষ্ট পরিপূর্ণস্বরে দাগুরায়ের অমুপ্রাস ক্ষিপ্ৰবেগে বৰ্ণন করিয়া চলিল ;—দাঁড়ি-মাঝি সকলেই দ্বারের কাছে আসিয়া ঝুঁকিয়া পড়িল ; হান্ত, করুণা এবং সঙ্গীতে সেই নদীতীরের সন্ধ্যাকাশে এক অপূৰ্ণ শ্রোত প্রবাহিত হইতে লাগিল,—দুই নিম্নক তটভূমি কুতূহলী হইয়া উঠিল, পাশ দিয়া যে-সকল নৌকা চলিতেছিল, তাহাদের আরোহিণ ক্ষণকালের জন্ত উৎকণ্ঠিত হইয়া সেই দিকে কান দিয়া রহিল ; যখন শেষ হইয়া গেল সকলেই ব্যথিত চিন্তে দীর্ঘনিশ্বাস ফেলিয়া ভাবিল, ইহারই মধ্যে শেষ হইল কেন ?

সজ্জনন্যনা অল্পপূর্ণার ইচ্ছা করিতে লাগিল, ছেলেটিকে কোলে বসাইয়া বক্ষে চাপিয়া তাহার মস্তক আশ্রয় করেন। মতিলাল বাবু ভাবিতে লাগিলেন, এই ছেলেটিকে যদি কোনোমতে কাছে রাখিতে পারি তবে পুত্রের অভাব পূর্ণ হয়। কেবল ক্ষুদ্র বালিকা চাক্ষুশীর অন্তঃকরণ জঁজিয়া ও বিধেবে পরিপূর্ণ হইয়া উঠিল।

তৃতীয় পরিচ্ছেদ

চারুশশী তাহার পিতামাতার একমাত্র সন্তান, তাঁহাদের পিতৃমাতৃস্নেহের একমাত্র অধিকারিণী। তাহার খেয়াল এবং জেদের অন্ত ছিল না। খাওয়া কাপড়পরা, চুল-বাঁধা সম্বন্ধে তাহার নিজের স্বাধীন মত ছিল, কিন্তু সে মতের কিছুমাত্র স্থিরতা ছিল না। যেদিন কোথাও নিমন্ত্রণ থাকিত সেদিন তাহার মায়ের ভয় হইত পাছে মেয়েটি সাজসজ্জা সম্বন্ধে একটা অসম্ভব জেদ ধরিয়া বসে। যদি দৈবাৎ একবার চুলবাঁধাটা তাহার মনের মত না হইল, তবে সে-দিন যতবার চুল খুলিয়া যত রকম করিয়া বাঁধিয়া দেওয়া যাক্ কিছুতেই তাহার মন পাওয়া যাইবে না, অবশেষে মহাকান্নাকাটির পালা পড়িয়া যাইবে। সকল বিষয়েই এইরূপ। আবার এক এক সময় চিত্ত যখন প্রসন্ন থাকে তখন কিছুতেই তাহার কোনো আপত্তি থাকে না। তখন সে অতিমাত্রায় ভালবাসা প্রকাশ করিয়া তাহার মাকে জড়াইয়া ধরিয়া চুষন করিয়া হাসিয়া বকিয়া একেবারে অস্থির করিয়া তোলে। এই ক্ষুদ্র মেয়েটি একটি দুর্ভেদ্য প্রহেলিকা।

এই বালিকা তাহার দুর্বোধ্য হৃদয়ের সমস্ত বেগ প্রয়োগ করিয়া মনে মনে তারাপদকে স্তম্ভীকৃত বিদ্বেষে তাড়না করিতে লাগিল। পিতামাতাকেও সর্বতোভাবে উদ্বেজিত করিয়া তুলিল। আহারের সময় রোদনোন্মুখী হইয়া ভোজনের পাত্র ঠেলিয়া ফেলিয়া দেয়, রন্ধন তাহার রুচিকর বোধ হয় না—দাসীকে মারে, সকল বিষয়েই অকারণ অভিযোগ করিতে থাকে। তারাপদর বিজ্ঞাগুলি যতই তাহার এবং অগ্র সকলের মনোরঞ্জন করিতে লাগিল, ততই যেন তাহার রাগ বাড়িয়া উঠিল। তারাপদর যে কোনো গুণ আছে, ইহা স্বীকার করিতে তাহার মন বিমুগ্ধ হইল, অথচ তাহার প্রমাণ যখন প্রবল হইতে লাগিল, তাহার অসন্তোষের মাত্রাও উচ্চে উঠিল। তারাপদ যেদিন কুশলবের গান করিল, সেদিন অল্পপূর্ণা মনে করিলেন, সঙ্গীতে বনের পশু বশ হয়, আজ বোধ হয় আমার মেয়ের মন গলিয়াছে ;—তাহাকে জিজ্ঞাসা করিলেন—

“চারু, কেমন লাগল” সে কোনো উত্তর না দিয়া অত্যন্ত প্রবলবেগে মাথা নাড়িয়া দিল। এই ভঙ্গীটিকে ভাষায় তর্জমা করিলে এইরূপ দাঁড়ায় :—
কিছুমাত্র ভালো লাগে নাই এবং কোনোকালে ভালো লাগিবে না !

চারুর মনে ঈর্ষ্যার উদয় হইয়াছে বুঝিয়া তাহার মাতা চারুর সম্মুখে তারাপদর প্রতি স্নেহ প্রকাশ করিতে বিরত হইলেন। সন্ধ্যার পর যখন সকাল সকাল খাইয়া চারু শয়ন করিত তখন অল্পপূর্ণা নৌকাকক্ষের দ্বারের নিকট আসিয়া বসিতেন এবং মতিবাবু ও তারাপদ বাহিরে বসিত এবং অল্পপূর্ণার অনুরোধে তারাপদ গান আরম্ভ করিত ; তাহার গানে যখন নদীতীরের বিশ্রামনিরতা গ্রামশ্রী সন্ধ্যার বিপুল অন্ধকারে মুগ্ধ নিস্তব্ধ হইয়া রহিত এবং অল্পপূর্ণার কোমল হৃদয়খানি স্নেহে ও সৌন্দর্য্যরসে উচ্ছসিত হইতে থাকিত তখন হঠাৎ চারু দ্রুতপদে বিছানা হইতে উঠিয়া আসিয়া সরোষ-রোদনে বলিত, “মা তোমরা কি গোল কর্ছ, আমার ঘুম হচ্ছে না।” পিতামাতা তাহাকে একলা ঘুমাইতে পাঠাইয়া তারাপদকে ঘিরিয়া সঙ্গীত উপভোগ করিতেছেন ইহা তাহার একান্ত অসহ্য হইয়া উঠিত। এই দীপ্তকৃষ্ণনয়না বালিকার স্বাভাবিক স্তুতীভ্রতা তারাপদর নিকটে অত্যন্ত কৌতুকজনক বোধ হইত। সে ইহাকে গল্প শুনাইয়া, গান গাহিয়া, বাঁশী বাজাইয়া বশ করিতে অনেক চেষ্টা করিল, কিন্তু কিছুতেই কৃতকার্য্য হইল না ! কেবল তারাপদ মধ্যাহ্নে যখন নদীতে স্নান করিতে নামিত, পরিপূর্ণ জলরাশির মধ্যে গোরবর্ণ সরল তলু দেহখানি নানা সস্তুরণ-ভঙ্গীতে অবলীলাক্রমে সঞ্চালন করিয়া তরুণ জলদেবতার মত শোভা পাইত, তখন বালিকার কৌতুহল আকৃষ্ট না হইয়া থাকিত না ; সে সেই সময়টির জন্ত প্রতীক্ষা করিয়া থাকিত ; কিন্তু আন্তরিক আগ্রহ কাহাকেও জানিতে দিত না, এবং এই অশিক্ষাপটু অভিনেত্রী পশমের গলাবন্ধ বোনা একমনে অভ্যাস করিতে করিতে মাঝে মাঝে যেন অত্যন্ত উপেক্ষাভরে কটাক্ষে তারাপদর সস্তুরণ-লীলা দেখিয়া লইত।

চতুর্থ পরিচ্ছেদ

নন্দীগ্রাম কখন ছাড়াইয়া গেল, তারাপদ তাহার খোঁজ লইল না। অত্যন্ত মুহুমন্দ গতিতে বৃহৎ নৌকা কখনো পাল তুলিয়া, কখনো গুণ টানিয়া নদীর শাখা প্রশাখার ভিতর দিয়া চলিতে লাগিল; নৌকারোহীদের দিনগুলিও এই সকল নদী উপনদীর মত, শান্তিময় সৌন্দর্য্যময় বৈচিত্র্যের মধ্য দিয়া সহজ সৌম্য গমনের মুহুমিষ্টি কলস্বরে প্রবাহিত হইতে লাগিল। কাহারো কোনরূপ তাড়া ছিল না; মধ্যাহ্নে স্নানাহারে অনেকক্ষণ বিলম্ব হইত; এদিকে, সন্ধ্যা হইতে না হইতেই একটা বড় দেখিয়া গ্রামের ধারে, ঘাটের কাছে, ঝিল্লিমল্লিত খণ্ডোৎখচিত বনের পাশে নৌকা বাঁধিল।

এমনি করিয়া দিন দশেকে নৌকা কাঁঠালিয়ায় পৌছিল। জমিদারের আগমনে বাড়ি হইতে পাকি এবং টাটু ঘোড়ার সমাগম হইল, এবং বাঁশের লাঠি-হস্তে পাইক বরকন্দাজের দল ঘন ঘন ফাঁকা আওয়াজে গ্রামের উৎকণ্ঠিত কাকসমাজকে যৎপরোনাস্তি মুখর করিয়া তুলিল।

এই সমস্ত সমারোহে কালবিলম্ব হইতেছে, ইতিমধ্যে তারাপদ নৌকা হইতে দ্রুত নামিয়া একবারে সমস্ত গ্রাম পর্য্যটন করিয়া লইল। কাহাকেও দাড়া, কাহাকেও খুড়া, কাহাকেও দিদি, কাহাকেও মাসি বলিয়া ছুই তিন ঘণ্টার মধ্যে সমস্ত গ্রামের সহিত সৌহার্দ্য-বন্ধন স্থাপিত করিয়া লইল। কোথাও তাহার প্রকৃত কোনো বন্ধন ছিল না বলিয়াই এই বালক আশ্চর্য্য সত্ত্বর ও সহজে সকলেরই সহিত পরিচয় করিয়া লইতে পারিত। তারাপদ দেখিতে দেখিতে অল্পদিনের মধ্যেই গ্রামের সমস্ত হৃদয় অধিকার করিয়া লইল।

এত সহজে হৃদয় হরণ করিবার কারণ এই তারাপদ সকলেরই সঙ্গে তাহাদের নিজের মত হইয়া স্বাভাবতই যোগ দিতে পারিত। সে কোনো প্রকার বিশেষ সংস্কারের দ্বারা বদ্ধ ছিল না, অথচ সকল অবস্থা সকল কাজের প্রতিই তাহার এক প্রকার সহজ প্রবণতা ছিল। বালকের কাছে সে সম্পূর্ণ স্বাভাবিক বালক, অথচ তাহাদের হইতে শ্রেষ্ঠ ও স্বতন্ত্র, বৃদ্ধের কাছে সে বালক নহে

অথচ জ্যাঠাও নহে ; রাখালের সঙ্গে সে রাখাল অথচ ব্রাহ্মণ । সকলের সকল কাজেই সে চিরকালের সহযোগীর ছায় অভ্যন্তভাবে হস্তক্ষেপ করে ;—ময়রার দোকানে গল্প করিতে করিতে ময়রা বলে,—‘দাদাঠাকুর একটু বস তো ভাই, আমি আস্চি’—তারাপদ অগ্নানবদনে দোকানে বসিয়া একখানা শালপাতা লইয়া সন্দেশের মাছি তাড়াইতে প্রবৃত্ত হয় । ভিয়ান্ করিতেও সে মজবুৎ, তাঁতের রহস্তও তাহার কিছু কিছু জানা আছে, কুমারের চক্রচালনও তাহার সম্পূর্ণ অজ্ঞাত নহে ।

তারাপদ সমস্ত গ্রামটি আয়ত্ত করিয়া লইল, কেবল গ্রাম-বাসিনী একটি বালিকার জঁৰিয়া সে এখনো জয় করিতে পারিল না । এই বালিকাটি তারাপদের স্নুদুরে নির্বাসন তীব্রভাবে কামনা করিতেছে জানিয়াই বোধ করি তারাপদ এই গ্রামে এতদিন আবদ্ধ হইয়া রহিল ।

কিন্তু বালিকাবহ্নাতে নারীদের অন্তররহস্ত ভেদ করা সুকঠিন, চারুশী তাহার প্রমাণ দিল ।

বামুন ঠাকুরগের মেয়ে সোনামণি পাঁচ বছর বয়সে বিধবা হয় ; সে-ই চারুর সমবয়সী সখী । তাহার শরীর অসুস্থ থাকাতে গৃহপ্রত্যাগত সখীর সাহিত সে কিছুদিন সাক্ষাৎ করিতে পারে নাই । সুস্থ হইয়া যে-দিন দেখা করিতে আসিল সে-দিন প্রায় বিনা কারণেই দুই সখীর মধ্যে একটু মনোবিচ্ছেদ ঘটিবার উপক্রম হইল ।

চারু অত্যন্ত ফাঁদিয়া গল্প আরম্ভ করিয়াছিল । সে ভাবিয়াছিল, তারাপদ নামক তাহাদের নবাব্জিত পরমরত্নটির আহরণকাহিনী সবিস্তারে বর্ণনা করিয়া সে তাহার সখীর কোঁতুহল এবং বিশ্বয় সপ্তমে চড়াইয়া দিবে । কিন্তু যখন সে শুনিল, তারাপদ সোনামণির নিকট কিছুমাত্র অপরিচিত নহে, বামুন ঠাকুরগকে সে মাসি বলে এবং সোনামণি তাহাকে দাদা বলিয়া থাকে, যখন শুনিল তারাপদ কেবল যে বাঁশীতে কীৰ্ত্তনের সুর বাজাইয়া মাতা ও কন্ঠার মনোরঞ্জন করিয়াছে তাহা নহে, সোনামণির অনুরোধে তাহাকে স্বহস্তে একটি বাঁশের বাঁশী বানাইয়া দিয়াছে, তাহাকে কতদিন উচ্চশাখা হইতে ফল ও কণ্টকশাখা হইতে ফুল পাড়িয়া দিয়াছে, তখন চারুর অন্তঃকরণে যেন তপ্তশেল বিধিতে লাগিল । চারু জানিত, তারাপদ বিশেষরূপে তাহাদেরই তারাপদ—অত্যন্ত

গোপনে সংরক্ষণীয়, ইতরসাধারণে তাহার একটু আধটু আভাসমাত্র পাইবে অথচ কোনোমতে নাগাল পাইবে না, দূর হইতে তাহার রূপে শুণে মুগ্ধ হইবে এবং চারুশশীদেব ধন্যবাদ দিতে থাকিবে। এই আশ্চর্য্য ছল'ভ দৈবলক্ষ ব্রাহ্মণ-বালকটি সোনাগিরি কাছে কেন সহজগম্য হইল? আমরা যদি এত যত্ন করিয়া না আনিতাম এত যত্ন করিয়া না রাখিতাম তাহা হইলে সোনাগিরি তাহার দর্শন পাইত কোথা হইতে? সোনাগিরি দাদা! শুনিয়া সর্ব্বশরীর জলিয়া যায়!

যে তারাপদকে চারু মনে বিবেচনা করে জর্জর করিতে চেষ্টা করিয়াছে, তাহারই একাধিকার লইয়া এমন প্রবল উদ্বেগ কেন?—বুঝিবে কাহার সাধ্য!

সেই দিনই অপর একটা তুচ্ছত্রে সোনাগিরি সহিত চারুর মর্শাস্তিক আড়ি হইয়া গেল। এবং সে তারাপদের ঘরে গিয়া তাহার সখের বাঁশীট বাহির করিয়া তাহার উপর লাফাইয়া মাড়াইয়া সেটাকে নির্দয়ভাবে ভাঙিতে লাগিল।

চারু যখন প্রচণ্ড আবেগে এই বংশীধ্বংসকার্য্যে নিযুক্ত আছে এমন সময় তারাপদ আসিয়া ঘরে প্রবেশ করিল। সে বালিকার এই প্রলয় মূর্ত্তি দেখিয়া আশ্চর্য্য হইয়া গেল। কহিল, “চারু আমার বাঁশীটা ভাঙ'চ কেন?” চারু রক্তনেত্রে রক্তিমমুখে “বেশ ক'র'চি, খুব ক'র'চি” বলিয়া আরো বার দুইচার বিদীর্ণ বাঁশীর উপর অনাবশ্যক পদাঘাত করিয়া উচ্ছ্বসিত কণ্ঠে কাদিয়া ঘর হইতে বাহির হইয়া গেল। তারাপদ বাঁশীটি তুলিয়া উন্টিয়া পাণ্টিয়া দেখিল তাহাতে আর পদার্থ নাই। অকারণে, তাহার পুরাতন নিরপরাধ বাঁশীটার এই আকস্মিক দুর্গতি দেখিয়া সে আর হাস্য সম্বরণ করিতে পারিল না। চারুশশী প্রতিদিনই তাহার পক্ষে পরম কোতূহলের বিষয় হইয়া উঠিল।

তাহার আর একটি কোতূহলের ক্ষেত্র ছিল, মতিলাল বাবুর লাইব্রেরিতে ইংরাজি ছবির বইগুলি। বাহিরের সংসারের সহিত তাহার যথেষ্ট পরিচয় হইয়াছে, কিন্তু এই ছবির জগতে সে কিছুতেই ভালো করিয়া প্রবেশ করিতে পারে না। কল্পনার দ্বারা আপনার মনে অনেকটা পূরণ করিয়া লইত কিন্তু তাহাতে মন কিছুতেই তৃপ্তি মানিত না।

ছবির বাহির প্রতি তারাপদের এই আগ্রহ দেখিয়া একদিন মতিলাল বাবু

বলিলেন, “ইংরাজি শিখ বে ? তা হ’লে এ-সমস্ত ছবির মানে বুঝতে পারবে।”
তারাপদ তৎক্ষণাৎ বলিল, “শিখ্বে।”

মতিবাবু খুব খুসি হইয়া গ্রামের এন্ট্রেন্স স্কুলের হেড মাষ্টার রামরতন বাবুকে প্রতিদিন সন্ধ্যাবেলায় এই বালকের ইংরাজি অধ্যাপনকার্যে নিযুক্ত করিয়া দিলেন।

পঞ্চম পরিচ্ছেদ

তারাপদ তাহার প্রথর স্মরণশক্তি এবং অখণ্ড মনোযোগ লইয়া ইংরাজি শিক্ষায় প্রবৃত্ত হইল। সে যেন এক নূতন দুর্গম রাজ্যের মধ্যে ভ্রমণে বাহির হইল, পুরাতন সংসারের সহিত কোনো সম্পর্ক রাখিল না। পাড়ার লোকেরা আর তাহাকে দেখিতে পাইল না ; যখন সে সন্ধ্যার পূর্বে নির্জন নদীতীরে ক্রান্তবেগে পদচারণ করিতে করিতে পড়া মুখস্থ করিত, তখন তাহার উপাসক বালকসম্প্রদায় দূর হইতে জুগুচিতে সমস্ত্রমে তাহাকে নিরীক্ষণ করিত, তাহার পাঠে ব্যাঘাত করিতে সাহস করিত না।

চারুও আজকাল তাহাকে বড় একটা দেখিতে পাইত না। পূর্বে তারাপদ অন্তঃপুরে গিয়া অন্নপূর্ণার স্নেহদৃষ্টির সম্মুখে বসিয়া আহার করিত—কিন্তু তদুপলক্ষে প্রায় মাঝে মাঝে কিছু বিলম্ব হইয়া যাইত বলিয়া সে মতিবাবুকে অনুরোধ করিয়া বাহিরে আহারের বন্দোবস্ত করিয়া লইল। ইহাতে অন্নপূর্ণা ব্যথিত হইয়া আপত্তি প্রকাশ করিয়াছিলেন, কিন্তু মতিবাবু বালকের অধ্যয়নের উৎসাহে অত্যন্ত সন্তুষ্ট হইয়া এই নূতন ব্যবস্থার অনুমোদন করিলেন।

এমন সময় চারুও হঠাৎ জেদ্ করিয়া বসিল, আমিও ইংরাজি শিখিব। তাহার পিতামাতা তাঁহাদের খামখেয়ালী কন্ঠার এই প্রস্তাবটিকে প্রথমে পরিহাসের বিষয় জ্ঞান করিয়া স্নেহমিশ্রিত হাস্য করিলেন—কিন্তু কন্ঠাটি এই প্রস্তাবের পরিহাস অংশটুকুকে প্রচুর অশ্রুজলধারায় অতি শীঘ্রই নিঃশেষে ধৌত করিয়া ফেলিয়াছিল। অবশেষে এই স্নেহ-হর্ষল নিরুপায় অভিভাবকদ্বয়

বালিকার প্রস্তাব গম্ভীরভাবে গ্রাহ্য করিলেন। চারু মাষ্টারের নিকট তারাপদর সহিত একত্র অধ্যয়নে নিযুক্ত হইল।

কিন্তু পড়াশুনা করা এই অস্থিরচিত্ত বালিকার স্বভাবসঙ্গত ছিল না। সে নিজে কিছু শিখিল না, কেবল তারাপদর অধ্যয়নে ব্যাঘাত করিতে লাগিল। সে পিছাইয়া পড়ে, পড়া মুখস্থ করে না, কিন্তু তবু কিছুতেই তারাপদর পশ্চাদ্বর্তী হইয়া থাকিতে চাহে না। তারাপদ তাহাকে অতিক্রম করিয়া নূতন পড়া লইতে গেলে সে মহা রাগারাগি করিত, এমন কি কান্নাকাটি করিতে ছাড়িত না। তারাপদ পুরাতন বই শেষ করিয়া নূতন বই কিনিলে তাহাকেও সেই নূতন বই কিনিয়া দিতে হইত। তারাপদ অবসরের সময় নিজে ঘরে বসিয়া লিখিত এবং পড়া মুখস্থ করিত, ইহা সেই জীর্ণ্যাপরাধণা কল্যাণটির সহ্য হইত না; সে গোপনে তাহার লেখা খাতায় কালি ঢালিয়া আসিত, কলম চুরি করিয়া রাখিত, এমন কি বইয়ের যেখানে অভ্যাস করিবার, সেই অংশটি ছিঁড়িয়া আসিত। তারাপদ এই বালিকার অনেক দৌরাশ্রয় সকেতুকে সহ্য করিত, অসহ্য হইলে মারিত, কিন্তু কিছুতেই শাসন করিতে পারিত না।

দৈবাৎ একটা উপায় বাহির হইল। একদিন বড় বিরক্ত হইয়া নিরুপায় তারাপদ তাহার মদীবিলুপ্ত লেখা খাতা ছিন্ন করিয়া ফেলিয়া গম্ভীর বিষম মুখে বসিয়াছিল;—চারু ঘরের কাছে আসিয়া মনে করিল, আজ মার খাইবে। কিন্তু তাহার প্রত্যাশা পূর্ণ হইল না। তারাপদ একটি কথামাত্র না কহিয়া চুপ্ করিয়া বসিয়া রহিল। বালিকা ঘরের ভিতরে বাহিরে ঘুরঘুর করিয়া বেড়াইতে লাগিল। বারম্বার এত কাছে ধরা দিল যে, তারাপদ ইচ্ছা করিলে অনায়াসেই তাহার পৃষ্ঠে এক চপেটাঘাত বসাইয়া দিতে পারিত। কিন্তু সে তাহা না দিয়া গম্ভীর হইয়া রহিল। বালিকা মহা মুন্সিলে পড়িল। কেমন করিয়া ক্ষমা প্রার্থনা করিতে হয় সে-বিষয় তাহার কোনো কালেই অভ্যাস ছিল না, অথচ অমৃতপ্ত ক্ষুদ্র হৃদয়টি তাহার সহপাঠীর ক্ষমালাভের জন্ত একান্ত কাতর হইয়া উঠিল। অবশেষে কোনো উপায় না দেখিয়া ছিন্ন খাতার এক টুকরা লইয়া তারাপদর নিকটে বসিয়া খুব বড় বড় করিয়া লিখিল, “আমি আর কখনো খাতায় কালি মাখাব না।” লেখা শেষ করিয়া সেই লেখার প্রতি

তারাপদর মনোযোগ আকর্ষণের জন্য অনেক প্রকার চাঞ্চল্য প্রকাশ করিতে লাগিল! দেখিয়া তারাপদ হাস্যসম্বরণ করিতে পারিল না—হানিয়া উঠিল। তখন বালিকা লজ্জায় ক্রোধে ক্ষিপ্ত হইয়া উঠিয়া ঘর হইতে দ্রুতবেগে ছুটিয়া বাহির হইয়া গেল। যে কাগজের টুকরায় সে স্বহস্তে দীনতা প্রকাশ করিয়াছে সেটা অনন্তকাল এবং অনন্ত জগৎ হইতে সম্পূর্ণ লোপ করিতে পারিলে তবে তাহার হৃদয়ের নিদারুণ ক্ষোভ মিটিতে পারিত।

এদিকে সঙ্কুচিতচিত্ত সোনাংমনি দুই একদিন অধ্যয়নশালায় বাহিরে উঁকি খুঁকি মারিয়া ফিরিয়া গিয়াছে। সখী চারুশশীর সহিত তাহার সকল বিষয়েই বিশেষ হৃদয়তা ছিল, কিন্তু তারাপদর সম্বন্ধে চারুকে সে অত্যন্ত ভয় এবং সন্দেহের সহিত দেখিত। চারু যে-সময়ে অন্তঃপুরে থাকিত, সেই সময়টি বাছিয়া সোনাংমনি সদঙ্কোচে তারাপদর দ্বারের কাছে আসিয়া দাঁড়াইত। তারাপদ বই হইতে মুখ তুলিয়া সম্মুখে বলিত, “কি সোনা! খবর কি? মাসি কেমন আছে?”

সোনাংমনি কহিত, “অনেক দিন যাওনি, মা তোমাকে একবার যেতে বলেছে। মার কোমরে বাধা বলে’ দেখতে আসতে পারে না!”

এমন সময় হয়তো হঠাৎ চারু আসিয়া উপস্থিত! সোনাংমনি শশব্যস্ত। সে যেন গোপনে তাহার সখীর সম্পত্তি চুরি করিতে আসিয়াছিল। চারু কণ্ঠস্বর সপ্তমে চড়াইয়া চোখ মুখ ঘুরাইয়া বলিত, “আঁ সোনা! তুই পড়ার সময় গোল ক’রতে এসেছিস, আমি এখনি বাবাকে গিয়ে বলে’ দেব’!”—তখন তিনি নিজে তারাপদর একটি প্রবীণা অভিভাবিকা; তাহার পড়াশুনায় লেশমাত্র ব্যাঘাত না ঘটে রাত্রিদিন ইহার প্রতিই তাহার একমাত্র দৃষ্টি। কিন্তু সে নিজে কি অভিপ্রায়ে এই অসময়ে তারাপদর পাঠগৃহে আসিয়া উপস্থিত হইয়াছিল তাহা অন্তর্যামীর অগোচর ছিল না এবং তারাপদও তাহা ভালোরূপে জানিত। কিন্তু সোনাংমনি বেচারী অত্যন্ত ভীত হইয়া তৎক্ষণাৎ একরাশ মিথ্যা কৈফিয়ৎ সৃজন করিত; অবশেষে চারু যখন ঘৃণাভরে তাহাকে মিথ্যাবাদী বলিয়া সম্ভাষণ করিত তখন সে লজ্জিত শঙ্কিত পরাজিত হইয়া ব্যথিত চিত্তে ফিরিয়া যাইত। দয়াদ্রী তারাপদ তাহাকে ডাকিয়া বলিত, “সোনা, আজ সন্ধ্যাবেলায় আমি তোদের বাড়ি যাব এখন!” চারু সর্পিণীর মত ফঁোস করিয়া উঠিয়া

বলিত—“যাবে বৈ কি ! তোমার পড়া ক’রতে হবে না ? আমি মাষ্টার মশায়কে বলে’ দেব’ না ?”

চারুর এই শাসনে ভীত না হইয়া তারাপদ দুই একদিন সন্ধ্যার পর বামুন ঠাকুরগের বাড়ি গিয়াছিল। তৃতীয় বা চতুর্থ বারে চারু ফাঁকা শাসন না করিয়া আস্তে আস্তে এক সময় বাহির হইতে তারাপদের ঘরের দ্বারে শিকল আঁটিয়া দিয়া মা’র মসলার বাক্সের চাবিতালা আনিয়া তালা লাগাইয়া দিল। সমস্ত সন্ধ্যাবেলা তারাপদকে এইরূপ বন্দী অবস্থায় রাখিয়া আহারের সময় দ্বার খুলিয়া দিল। তারাপদ রাগ করিয়া কথা কহিল না এবং না খাইয়া চলিয়া যাইবার উপক্রম করিল। তখন অমৃতপ্ত ব্যাকুল বালিকা করজোড়ে সাহুনয়ে বারম্বার বলিতে লাগিল, “তোমার দুটি পায়ে পড়ি আর আমি এমন ক’র্ব না ! তোমার দুটি পায়ে পড়ি তুমি থেয়ে যাও !” তাহাতেও যখন তারাপদ বশ মানিল না, তখন সে অধীর হইয়া কাদিতে লাগিল ; তারাপদ সঙ্কটে পড়িয়া ফিরিয়া আসিয়া থাইতে বসিল।

চারু কতবার একান্ত মনে প্রতিজ্ঞা করিয়াছে যে, সে তারাপদের সহিত সন্ধ্যাবহার করিবে, আর কখনো তাহাকে মুহূর্তের জন্ত বিরক্ত করিবে না, কিন্তু সোনামণি প্রভৃতি আর পাঁচ জন মাঝে আসিয়া পড়াতে কখন তাহার কিরূপ মেজাজ হইয়া যায় কিছুতেই আত্মসম্বরণ করিতে পারে না। কিছুদিন যখন উপরি-উপরি সে ভালোমানুষী করিতে থাকে, তখন একটা উৎকট আসন্ন বিপ্লবের জন্ত তারাপদ সতর্কভাবে প্রস্তুত হইয়া থাকে। আক্রমণটা হঠাৎ কি উপলক্ষে কোন্ দিক্ হইতে আসে কিছুই বলা যায় না। তাহার পরে প্রচণ্ড ঝড়, ঝড়ের পরে প্রচুর অশ্রুবারি বর্ষা, তাহার পরে প্রসন্ন স্নিগ্ধ শান্তি।

ষষ্ঠ পারচ্ছেদ

এমনি করিয়া প্রায় দুই বৎসর কাটিল। এত সুদীর্ঘকালের জন্ত তারাপদ কখনো কাহারো নিকট ধরা দেয় নাই। বোধ করি, পড়াশুনার মধ্যে তাহার মন এক অপূর্ব আকর্ষণে বদ্ধ হইয়াছিল ; বোধ করি, বয়োবৃদ্ধি সহকারে

তাহার প্রকৃতির পরিবর্তন আরম্ভ হইয়াছিল এবং স্থায়ী হইয়া বসিয়া সংসারের সুখস্বচ্ছন্দতা ভোগ করিবার দিকে তাহার মন পড়িয়াছিল ; বোধ করি, তাহার সহপাঠিকা বালিকার নিয়ত দৌরাণ্যচঞ্চল সৌন্দর্য্য অলঙ্কিতভাবে তাহার হৃদয়ের উপর বন্ধন বিস্তার করিতেছিল।

এদিকে চাকুর বয়স এগারো উত্তীর্ণ হইয়া যায়। মতিবাবু নক্কান করিয়া তাঁহার মেয়ের বিবাহের জন্ত দুই তিনটি ভালো ভালো সম্বন্ধ আনাইলেন। কন্যার বিবাহ বয়স উপস্থিত হইয়াছে জানিয়া মতিবাবু তাহার ইংরাজি পড়া এবং বাহিরে যাওয়া নিষেধ করিয়া দিলেন। এই আকস্মিক অবরোধে চাকুরের মধ্যে ভারি একটা আন্দোলন উপস্থিত করিল।

তখন একদিন অল্পপূর্ণা মতিবাবুকে ডাকিয়া কহিলেন, “পাত্রেজর জন্তে তুমি অত খোঁজ করে’ বেড়াচ্চ কেন ; তারাপদ ছেলেটি তো বেশ। আর তোমার মেয়েরও ওকে পছন্দ হয়েছে।”

শুনিয়া মতিবাবু অত্যন্ত বিস্ময় প্রকাশ করিলেন। কহিলেন, “সে-ও কি কখনো হয় ? তারাপদের কুলশীল কিছুই জানা নেই। আমার একটিমাত্র মেয়ে, আমি ভালো ঘরে দিতে চাই।”

একদিন রায়ডাঙার বাবুদের বাড়ি হইতে মেয়ে দেখিতে আসিল। চাকুরকে বেশভূষা পরাইয়া বাহির করিবার চেষ্টা করা হইল। সে শোবার ঘরের দ্বার রুদ্ধ করিয়া বসিয়া রহিল—কিছুতেই বাহির হইল না। মতিবাবু ঘরের বাহির হইতে অনেক অহুন্নয় করিলেন, ভৎসনা করিলেন, কিছুতেই কিছু ফল হইল না। অবশেষে বাহিরে আসিয়া রায়ডাঙার দূতবর্গের নিকট মিথ্যা করিয়া বলিতে হইল, কন্যার হঠাৎ অত্যন্ত অসুখ করিয়াছে, আজ আর দেখানো হইবে না। তাহারা ভাবিল, মেয়ের বুঝি কোনো একটা দোষ আছে, তাই এইরূপ চাতুরী অবলম্বন করা হইল।

তখন মতিবাবু ভাবিতে লাগিলেন, তারাপদ ছেলেটি দেখিতে শুনিতে সকল হিসাবেই ভালো ; উহাকে আমি ঘরেই রাখিতে পারিব, তাহা হইলে আমার একমাত্র মেয়েটিকে পরের বাড়ি পাঠাইতে হইবে না। ইহাও চিন্তা করিয়া দেখিলেন, তাঁহার অশাস্ত অবাধ্য মেয়েটির দুরন্তপনা তাঁহাদের স্নেহের চক্ষে যতই মার্জনীয় বোধ হোক খণ্ডরবাড়িতে কেহ সহ্য করিবে না।

তখন স্ত্রী-পুরুষে অনেক আলোচনা করিয়া তারাপদর দেশে তাহার সমস্ত কৌলিক সংবাদ সন্ধান করিবার জন্ত লোক পাঠাইলেন। খবর আসিল যে, বংশ ভালো কিন্তু দরিদ্র। তখন মতিবাবু ছেলের মা এবং ভাইয়ের নিকট বিবাহের প্রস্তাব করিয়া পাঠাইলেন। তাঁহারা আনন্দে উচ্ছ্বসিত হইয়া সম্মতি দিতে মুহূর্ত্ত মাত্র বিলম্ব করিলেন না।

কাঁঠালিয়ার মতিবাবু এবং অল্পপূর্ণা বিবাহের দিনক্ষণ আলোচনা করিতে লাগিলেন, কিন্তু স্বাভাবিক গোপনতাপ্রিয় সাবধানী মতিবাবু কথাটা গোপনে রাখিলেন।

চারুকে ধরিয়া রাখা গেল না। সে মাঝে মাঝে বগির হাঙ্গামার মত তারাপদর পাঠগৃহে গিয়া পড়িত। কখনো রাগ, কখনো অনুরাগ, কখনো বিরাগের দ্বারা তাহার পাঠচর্য্যার নিভৃতশান্তি অকস্মাৎ তরঙ্গিত করিয়া তুলিত। তাহাতে আজকাল, এই নিলিপ্ত মুক্তস্বভাব ব্রাহ্মণবালকের চিন্তে মাঝে মাঝে ক্ষণকালের জন্ত বিদ্যাসম্পদনের জায় এক অপূর্ণ চাঞ্চল্য সঞ্চার হইত। যে-ব্যক্তির লঘুভার চিত্ত চিরকাল অক্ষুণ্ণ অব্যাহতভাবে কালশ্রোতের তরঙ্গ-চূড়ায় ভাসমান হইয়া সম্মুখে প্রবাহিত হইয়া বাইত, সে আজকাল এক একবার অশ্রুমনস্ক হইয়া বিচিত্র দিবাস্বপ্নজালের মধ্যে জড়ীভূত হইয়া পড়ে। এক-একদিন পড়াশুনা ছাড়িয়া দিয়া সে মতিবাবুর লাইব্রেরীর মধ্যে প্রবেশ করিয়া ছবির বইয়ের পাতা উন্টাইতে থাকিত; সেই ছবিগুলির মিশ্রণে যে কল্পনালোক সৃজিত হইত তাহা পূর্ব্বেকার হইতে অনেক স্বতন্ত্র এবং অধিকতর রঙ্গীন। চারুর অদ্ভুত আচরণ লক্ষ্য করিয়া সে আর পূর্ব্বের মত স্বভাবত পরিহাস করিতে পারিত না, হুষ্ঠামি করিলে তাহাকে মারিবার কথা মনেও উদয় হইত না। নিজের এই গুঢ় পরিবর্তন এই আবদ্ধ আসক্তভাব তাহার নিজের কাছে এক নূতন স্নেহের মত মনে হইতে লাগিল।

শ্রাবণ মাসে বিবাহের শুভদিন স্থির করিয়া মতিবাবু তারাপদর মা ও ভাইদের আনিতে পাঠাইলেন, তারাপদকে তাহা জানিতে দিলেন না। কলিকাতার মোক্তারকে গড়ের বাজ বায়না দিতে আদেশ করিলেন এবং জিনিষপত্রের ফর্দ পাঠাইয়া দিলেন।

আকাশে নব বর্ষায় মেঘ উঠিল। গ্রামের নদী এতদিন শুষ্কপ্রায় হইয়াছিল,

মাঝে মাঝে কেবল এক-একটা ডোবায় জল বাধিয়া থাকিত ; ছোট ছোট নৌকা সেই পক্ষিল জলে ডোবান ছিল এবং শুষ্ক নদীপথে গরুরগাড়ি-চলাচলের সুগভীর চক্রচিহ্ন খোদিত হইতেছিল—এমন সময় একদিন, পিতৃগৃহ-প্রত্যাগত পার্শ্বতীর মত কোথা হইতে দ্রুতগামিনী জলধারা কলহাস্তসহকারে গ্রামের শূন্যবক্ষে আসিয়া সমাগত হইল—উলঙ্গ বালকবালিকারা তীরে আসিয়া উচ্চৈঃস্বরে নৃত্য করিতে লাগিল, অতৃপ্ত আনন্দে বারম্বার জলে ঝাঁপ দিয়া নদীকে যেন আলিঙ্গন করিয়া ধরিতে লাগিল, কুটারবাসিনীরা তাহাদের পরিচিত প্রিয়সঙ্গিনীকে দেখিবার জন্য বাহির হইয়া আসিল,—শুষ্ক নিষ্জীব গ্রামের মধ্যে কোথা হইতে এক প্রবল বিপুল প্রাণহিল্লোল আসিয়া প্রবেশ করিল। দেশবিদেশ হইতে বোঝাই হইয়া ছোট বড় নানা আয়তনের নৌকা আসিতে লাগিল—বাজারের ঘাট সন্ধ্যাবেলায় বিদেশী মাঝির সঙ্গীতে ধ্বনিত হইয়া উঠিল। দুই তীরের গ্রামগুলি সম্বৎসর আপনার নিভৃত কোণে আপনার ক্ষুদ্র ঘরকন্না লইয়া একাকিনী দিনযাপন করিতে থাকে, বর্ষার সময়ে বাহিরের বৃহৎ পৃথিবী বিচিত্র পণ্যোপহার লইয়া গৈরিকবর্ণ জল-রথে চড়িয়া এই গ্রামকল্লকাগুলির তত্ত্ব লইতে আসে ; তখন জগতের সঙ্গে আত্মীয়তাগর্ভে কিছুদিনের জন্য তাহাদের ক্ষুদ্রতা ঘুচিয়া যায়, সমস্তই সচল সজাগ সজীব হইয়া উঠে এবং মৌন নিস্তব্ধ দেশের মধ্যে সুদূর রাজ্যের কলালাপধ্বনি আসিয়া চারিদিকের আকাশে আন্দোলিত করিয়া তুলে।

এই সময় কুড়ুলকাটার নাগবাবুদের এলাকায় বিখ্যাত রথযাত্রার মেলা হইবে। জ্যোৎস্না-সন্ধ্যায় তারাপদ ঘাটে গিয়া দেখিল, কোনো নৌকা নাগরদোলা, কোনো নৌকা যাত্রারদল, কোনো নৌকা পণ্য দ্রব্য লইয়া প্রবল নবীন স্রোতের মুখে দ্রুতবেগে মেলা অভিমুখে চলিয়াছে ; কলিকাতার কল্যাণের দল বিপুলশব্দে দ্রুততালের বাজনা জুড়িয়া দিয়াছে, যাত্রার দল বেহালায় সঙ্গে গান গাহিতেছে এবং সমের কাছে হাহাঃ শব্দে চীৎকার উঠিতেছে, পশ্চিমদেশী নৌকার ঝাড়িমাল্লাগুলো কেবলমাত্র মাদল এবং করতাল লইয়া উন্মত্ত উৎসাহে বিনা সঙ্গীতে খচমচ শব্দে আকাশ বিদীর্ণ করিতেছে—উদ্বীপনার সীমা নাই। দেখিতে দেখিতে পূর্ব দিগন্ত হইতে ঘন মেঘরাশি প্রকাণ্ড কালো পাল ভুলিয়া দিয়া আকাশের মাঝখানে উঠিয়া পাড়ল, চাঁদ

আচ্ছন্ন হইল—পূবে-বাতাস বেগে বহিতে লাগিল, মেঘের পশ্চাতে মেঘ ছুটিয়া চলিল, নদীর জল খল খল হান্তে স্ফীত হইয়া উঠিতে লাগিল—নদীতীরবর্তী আন্দোলিত বনশ্রেণীর মধ্যে অন্ধকার পুঞ্জীভূত হইয়া উঠিল, ভেঁক ডাকিতে আরম্ভ করিল, ঝিল্লিধ্বনি যেন করাত দিয়া অন্ধকারকে চিরিতে লাগিল ;—সম্মুখে আজ যেন সমস্ত জগতের রথযাত্রা, চাকা ঘুরিতেছে, ধ্বজা উড়িতেছে, পৃথিবী কাঁপিতেছে ;—মেঘ উড়িয়াছে, বাতাস ছুটিয়াছে, নদী বহিয়াছে, নৌকা চলিয়াছে, গান উঠিয়াছে ; দেখিতে দেখিতে গুরু গুরু শব্দে মেঘ ডাকিয়া উঠিল, বিদ্যুৎ আকাশকে কাটিয়া কাটিয়া ঝলসিয়া উঠিল, সুদূর অন্ধকার হইতে একটা মৃণালধারাবর্ষী বৃষ্টির গন্ধ আসিতে লাগিল। কেবল নদীর একতীরে এক পাশে কাঁঠালিয়াগ্রাম আপন কুটার দ্বার বন্ধ করিয়া দীপ নিবাইয়া দিয়া নিঃশব্দে ঘুমাইতে লাগিল।

পরদিন তারাপদর মাতা ও ভ্রাতাগণ কাঁঠালিয়ার আসিয়া অবতরণ করিলেন, পরদিন কলিকাতা হইতে বিবিধ সামগ্রীপূর্ণ তিনখানা বড় নৌকা আসিয়া কাঁঠালিয়ার জমিদারী কাছারির ঘাটে লাগিল এবং পরদিন অতি প্রাতে সোনাগি কাগজে কিঞ্চিৎ আমসভ এবং পাতার চোঙার কিঞ্চিৎ আচার লইয়া ভয়ে ভয়ে তারাপদর পাঠগৃহদ্বারে আসিয়া নিঃশব্দে দাঁড়াইল—কিন্তু পরদিন তারাপদকে দেখা গেল না। স্নেহ প্রেম বন্ধুত্বের ষড়যন্ত্রবন্ধন তাকে চারিদিক্ হইতে সম্পূর্ণরূপে ঘিরিবার পূর্বেই সমস্ত গ্রামের হৃদয়খানি চুরি করিয়া একদা বর্ষার মেঘাঙ্ককার রাত্রে এই ব্রাহ্মণবালক আসক্তিবহীন উদাসীন জননী বিশ্ব-পৃথিবীর নিকট চলিয়া গিয়াছে।

(১৩০২—ভাদ্র)

দুরাশা

দার্জিলিং গিয়া দেখিলাম মেঘে বৃষ্টিতে দশ দিক্ আচ্ছন্ন। ঘরের বাহির হইতে ইচ্ছা হয় না, ঘরের মধ্যে থাকিতে আরো অনিচ্ছা জন্মে।

হোটেল প্রাতঃকালে আহার সমাধা করিয়া পায়ে মোটা বুট এবং আপাদমস্তক ম্যাকিন্টশ্ পরিয়া বেড়াইতে বাহির হইয়াছি। ক্ষণে ক্ষণে টিপ্ টিপ্ করিয়া বৃষ্টি পড়িতেছে এবং সর্বত্র ঘন মেঘের কুছাটিকায় মনে হইতেছে যেন বিধাতা হিমালয় পর্বতশৃঙ্গ সমস্ত বিশ্বচিত্র রবার দিয়া ঘষিয়া ঘষিয়া মুছিয়া ফেলিবার উপক্রম করিয়াছেন।

জনশূন্য ক্যান্কাটা রোডে একাকী পদচারণ করিতে করিতে ভাবিতেছিলাম—অবলম্বনহীন মেঘরাজ্যে আর তো ভালো লাগে না, শব্দস্পর্শরূপময়ী বিচিত্রা ধরণী-মাতাকে পুনরায় পাঁচ ইন্ডিয় দ্বারা পাঁচ রকমে আঁকড়িয়া ধরিবার জন্ত প্রাণ আকুল হইয়া উঠিয়াছে।

এমন সময়ে অনতিদূরে রমণীকণ্ঠের সস্বর রোদনশুঙ্কনধ্বনি শুনিতে পাইলাম। রোগশোকসঙ্কুল সংসারে রোদনধ্বনিটা কিছুই বিচিত্র নহে—অন্যত্র অন্য সময় হইলে ফিরিয়া চাহিতাম কি না সন্দেহ,—কিন্তু এই অসীম মেঘরাজ্যের মধ্যে সে-রোদন সমস্ত লুপ্ত জগতের একমাত্র রোদনের মত আমার কানে আসিয়া প্রবেশ করিল, তাহাকে তুচ্ছ বলিয়া মনে হইল না।

শব্দ লক্ষ্য করিয়া নিকটে গিয়া দেখিলাম গৈরিক বসনাবৃত্তা নারী, তাহার মস্তকে স্বর্ণকপিশ জটাবার চূড়া আকারে আবদ্ধ, পথপ্রান্তে শিলাখণ্ডের উপর

বসিয়া মুহূর্তের ক্রন্দন করিতেছে। তাহা সন্তুশোকের বিলাপ নহে, বহুদিন-সঞ্চিত নিশেধ শাস্তি ও অবসাদ আজ মেঘাঙ্ককার নির্জনতার ভায়ে ভাঙিয়া উচ্ছ্বসিত হইয়া পড়িতেছে।

মনে মনে ভাবিলাম—এ বেশ হইল, ঠিক যেন ঘর-গড়া গল্পের মত আরম্ভ হইল, পর্ত্তশূঙ্গ সন্ন্যাসিনী বসিয়া কাদিতেছে ইহা যে কখনো চন্দ্রচন্দ্রে দেখিব এমন আশা কল্পিনকালে ছিল না।

মেয়েটি কোন্ জাত ঠাহর হইল না। সদয় হিন্দি ভাষায় জিজ্ঞাসা করিলাম—“কে তুমি, তোমার কি হইয়াছে?”

প্রথমে উত্তর দিল না—মেঘের মধ্য হইতে সজ্জনীগুনেজ্রে আমাকে একবার দেখিয়া হইল।

আমি আবার কহিলাম, “আমাকে ভয় করিয়ো না, আমি ভদ্রলোক।”

শুনিয়া সে হাসিয়া খাষ্ হিন্দুস্থানীতে বলিয়া উঠিল, “বহুদিন হইতে ভয়-ডরের মাথা খাইয়া বসিয়া আছি, লজ্জা-সরমও নাই। বাবুজি, এক সময় আমি যে-জেনানায় ছিলাম সেখানে আমার সহোদর ভাইকে প্রবেশ করিতে হইলেও অনুমতি লইতে হইত, আজ বিশ্বসংসারে আমার পর্দা নাই।”

প্রথমটা একটু রাগ হইল; আমার চালচলন সমস্তই সাহেবী, কিন্তু এই হতভাগিনী বিনা দ্বিধায় আমাকে বাবুজি সম্বোধন করে কেন? ভাবিলাম, এইখানেই আমার উপহাস শেষ করিয়া সিগারেটের ধোঁয়া উড়াইয়া উদ্ধত-নাসা সাহেবিয়ানার রেলগাড়ির মত সশব্দে সবেগে সদর্পে গ্রস্থান করি! অবশেষে কোতূহল জয়লাভ করিল। আমি কিছু উচ্চভাব ধারণ করিয়া বক্রপ্রাণায় জিজ্ঞাসা করিলাম, “তোমাকে কিছু সাহায্য করিতে পারি? তোমার কোনো প্রার্থনা আছে?”

সে স্থিরভাবে আমার মুখের দিকে চাহিল এবং ক্ষণকাল পরে সংক্ষেপে উত্তর করিল, “আমি বদ্রাওনের নবাব গোলাম কাদের খাঁর পুত্রী।”

বদ্রাওন্ কোন্ মুন্সুকে এবং নবাব গোলাম কাদের খাঁ কোন্ নবাব এবং তাঁহার কত্যা যে কি ছুঃখে সন্ন্যাসিনীবেশে দার্জিলিঙে ক্যালকাটা রোডের ধারে বসিয়া কাদিতে পায়ে আমি তাহার বিন্দুবিসর্গ জানি না এবং বিশ্বাসও করি না,—কিন্তু ভাবিলাম রসভঙ্গ করিব না, গল্পটি দিব্য জমিয়া আসিতেছে!

তৎক্ষণাৎ সুগভীর মুখে স্তব্ধ সলাম করিয়া কহিলাম, “বিবিসাহেব, মাণ কর, তোমাকে চিনিতে পারি নাই।”

চিনিতে না পারিবার অনেকগুলি যুক্তিসঙ্গত কারণ ছিল, তাহার মধ্যে সর্বপ্রধান কারণ, তাঁহাকে পূর্বের কসিন্‌কালে দেখি নাই, তাহার উপর এমন কুরাসা যে নিজের হাত পা কয়খানিই চিনিয়া লওয়া দুঃসাধ্য।

বিবিসাহেবও আমার অপরাধ লইলেন না এবং সন্তুষ্টকণ্ঠে দক্ষিণ হস্তের ইঙ্গিতে স্বতন্ত্র শিলাখণ্ড নির্দেশ করিয়া আমাকে অল্পমতি করিলেন, “বৈঠিয়ে!”

দেখিলাম রমণীটির আদেশ করিবার ক্ষমতা আছে। আমি তাঁহার নিকট হইতে সেই সিক্ত শৈবালাচ্ছন্ন কঠিনবন্ধুর শিলাখণ্ডতলে আসন গ্রহণের সম্মতি প্রাপ্ত হইয়া এক অভাবনীয় সম্মান লাভ করিলাম। বদ্রাওনের গোলাম কাদের খাঁর পুত্রী হুরউন্নীসা বা মেহের উন্নীসা বা হুর উল্‌মুল্‌ক্‌ আমাকে দার্জিলিঙে ক্যাল্‌কাটা রোডের ধারে তাঁহার অনতিদূরবর্তী অনতিউচ্চ, পঙ্কিল আসনে বসিবার অধিকার দিয়াছেন। হোটেল হইতে ম্যাকিন্টশ্‌ পরিয়া বাহির হইবার সময় এমন সুমহৎ সম্ভাবনা আমার স্বপ্নেরও অগোচর ছিল।

হিমালয়বন্ধে শিলাতলে একান্তে দুইটি পাছ নরনারীর রহস্তালাপকাহিনী সহসা সম্ভ্রমপূর্ণ কবোক্ষ কাব্যকথার মত শুনিতে হয়—পাঠকের হৃদয়ের মধ্যে দূরাগত নির্জন গিরিকন্দের নির্ঝর-প্রপাতধ্বনি এবং কালিদাস-রচিত মেঘদূত কুমার-সম্ভবের বিচিত্র সঙ্গীতমন্দের জাগ্রত হইয়া উঠিতে থাকে, তথাপি একথা সকলকেই স্বীকার করিতে হইবে যে, বুট্‌ এবং ম্যাকিন্টশ্‌ পরিয়া ক্যাল্‌কাটা রোডের ধারে কর্দমাসনে এক দীনবেশিনী হিন্দুস্থানী রমণীর সহিত একত্র উপবেশন পূর্বক সম্পূর্ণ আত্মগোঁড়ব অক্ষুণ্ণভাবে অল্পভব করিতে পারে, এমন নব্যবঙ্গ অতি অল্পই আছে। কিন্তু সে-দিন ঘনঘোর বাপ্পে দশদিক্‌ আবৃত ছিল, সংসারের নিকট চক্ষুলাজ্জা রাধিবার কোনো বিষয় কোথাও ছিল না, কেবল অনন্ত মেঘরাজ্যের মধ্যে বদ্রাওনের নবাব গোলাম কাদের খাঁর পুত্রী এবং আমি, এক নববিকশিত বাঙালী সাহেব, দুই জনে দুই খানি প্রস্তরের উপর বিশ্বজগতের দুইখণ্ড প্রলয়াবশেষের গ্রায়ে অবশিষ্ট ছিলাম—এই বিসদৃশ সম্মিলনের পরম পরিহাস কেবল আমাদের অদৃষ্টের গোচর ছিল, কাহারো দৃষ্টিগোচর ছিল না।

আমি কহিলাম, “বিবিসাহেব, তোমার এ হাল কে করিল?”

বজ্রাওনকুমারী কপালে করাঘাত করিলেন। কহিলেন, “কে এ-সমস্ত করায় তা আমি কি জানি! এত বড় প্রস্তরময় কঠিন হিমালয়কে কে সামান্য বাষ্পের মেঘে অন্তরাল করিয়াছে?”

আমি কোনোরূপ দার্শনিক তর্ক না তুলিয়া সমস্ত স্বীকার করিয়া লইলাম—
কহিলাম, “তা বটে, অদৃষ্টের রহস্ত কে জানে! আমরা ত কীট মাত্র!”

তর্ক তুলিতাম, বিবিসাহেবকে আমি এত সহজে নিষ্কৃতি দিতাম না কিন্তু আমার ভাষায় কুলাইত না। দারোয়ান্ এবং বেহারাদের সংসর্গে যেটুকু হিন্দি অভ্যস্ত হইয়াছে তাহাতে ক্যালকাটা রোডের ধারে বসিয়া বজ্রাওনের অথবা অথ কোনো স্থানের কোনো নবাব-পুত্রীর সহিত অদৃষ্টবাদ ও স্বাধীন ইচ্ছাবাদ সম্বন্ধে সুস্পষ্টভাবে আলোচনা করা আমার পক্ষে অসম্ভব হইত।

বিবিসাহেব কহিলেন, “আমার জীবনের আশ্চর্য্য কাহিনী অল্পই পরিসমাপ্ত হইয়াছে, যদি ফরমায়েস করেন তো বলি।”

আমি শশব্যস্ত হইয়া কহিলাম—“বিলক্ষণ! ফরমায়েস কিসের! যদি অনুগ্রহ করেন তো শুনিয়া শ্রবণ সার্থক হইবে!”

কেহ না মনে করেন, আমি ঠিক এই কথাগুলি এমনিভাবে হিন্দুস্থানী ভাষায় বলিয়াছিলাম—বলিবার ইচ্ছা ছিল কিন্তু সামর্থ্য ছিল না। বিবিসাহেব যখন কথা কহিতেছিলেন আমার মনে হইতেছিল যেন শিশিরস্নাত স্বর্ণশীর্ষ স্নিগ্ধশ্রামল শস্তক্ষেত্রের উপর দিয়া প্রভাতের মন্দমধুর বায়ু হিল্লোলিত হইয়া যাইতেছে, তাহার পদে পদে এমন সহজ নব্রতা, এমন সৌন্দর্য্য, এমন বাক্যের অব্যবহিত প্রবাহ। আর আমি অতি সংক্ষেপে থণ্ড থণ্ড ভাবে বর্ষয়ের মত সোজা উত্তর দিতেছিলাম। ভাষায় সেরূপ সুসম্পূর্ণ অবিচ্ছিন্ন সহজ শিষ্টতা আমার কোনোকালে জানা ছিল না; বিবিসাহেবের সহিত কথা কহিবার সময় এই প্রথম নিজের আচরণের দীনতা পদে পদে অনুভব করিতে লাগিলাম।

তিনি কহিলেন, “আমার পিতৃকূলে দিল্লির সম্রাটবংশের রক্ত প্রবাহিত ছিল—সেই কুলগর্ভ রক্ষা করিতে গিয়া আমার উপযুক্ত পাত্রের সন্ধান পাওয়া দুঃসাধ্য হইয়াছিল। লক্ষ্ণৌয়ের নবাবের সহিত আমার সম্বন্ধের প্রস্তাব

আসিয়াছিল—পিতা ইতস্তত করিতেছিলেন এমন সময় দাঁতে টোটা কাটা লইয়া সিপাহি লোকের সহিত সরকার বাহাদুরের লড়াই বাধিল, কামানের ধোঁয়ায় হিন্দুস্থান অন্ধকার হইয়া গেল।”

দ্বীকর্ষে, বিশেষত সম্ভ্রান্ত মহিলার মুখে হিন্দুস্থানী কখনো শুনি নাই—শুনিয়া স্পষ্ট বুঝিতে পারিলাম, এ-ভাষা আমাদের ভাষা—এ যে-দিনের ভাষা সে-দিন আর নাই—আজ রেলোয়ে টেলিগ্রাফে, কাকের ভিড়ে, আভিজাত্যের বিলোপে সমস্তই যেন হৃদয় খর্ব্ব নিরলঙ্কার হইয়া গেছে। নবাবজাদীর ভাষামাত্র শুনিয়া সেই ইংরাজরচিত আধুনিক শৈল-নগরী দার্জিলিংয়ের ঘন কুজ্জাটিকাজালের মধ্যে আমার মনশ্চক্ষের সম্মুখে মোগল-সম্রাটের মানসপুত্রী মায়াবলে জাগিয়া উঠিতে লাগিল—স্বেত-প্রস্তর-রচিত বড় বড় অভ্রভেদী সৌধশ্রেণী, পথে লম্বপুচ্ছ অশ্বপৃষ্ঠে মছলন্দের সাজ, হস্তিপৃষ্ঠে স্বর্ণ-ঝালর-খচিত হাওদা, পুরবাসিগণের মস্তকে বিচিত্রবর্ণের উষ্ণীয় শালের রেসমের মসলিনের প্রচুর-প্রসর জামা পায়জামা কোমরবন্ধে বক্র তরবারী, জরীর জুতার অগ্রভাগে বক্র শীর্ষ,—সুদীর্ঘ অবসর, স্তল্লহ পরিচ্ছদ, সুপ্রচুর শিষ্টাচার।

নবাবপুত্রী কহিলেন, “আমাদের কেবলা যমুনার তীরে। আমাদের ফৌজের অধিনায়ক ছিল একজন হিন্দু ব্রাহ্মণ। তাহার নাম ছিল কেশরলাল।”

রমণী এই কেশরলাল শব্দটির উপর তাহার নারী-কণ্ঠের সমস্ত সঙ্গীত যেন একেবারে এক মুহূর্তে উপুড় করিয়া ঢালিয়া দিল। আমি ছড়িটা ভূমিতে রাখিয়া নড়িয়া চড়িয়া খাড়া হইয়া বসিলাম।

“কেশরলাল পরম হিন্দু ছিল। আমি প্রতাহ প্রত্যাঘে উঠিয়া অন্তঃপুরের গবাক্ষ হইতে দেখিতাম কেশরলাল আবক্ষ যমুনার জলে নিমগ্ন হইয়া প্রদক্ষিণ করিতে করিতে জোড়করে উর্দ্ধমুখে নবোদিত সূর্য্যের উদ্দেশে অঞ্জলি প্রদান করিত। পরে সিন্ধুবন্ধে ষাটে বসিয়া একাগ্রমনে জপ সমাপন করিয়া পরিষ্কার স্নকর্ষে ভৈরোঁরাগে ভজন গান করিতে করিতে গৃহে ফিরিয়া আসিত।

আমি মুসলমান-বালিকা ছিলাম কিন্তু কখনো স্বধর্ম্মের কথা শুনি নাই এবং স্বধর্ম্মসঙ্গত উপাসনাবিধিও জানিতাম না; তখনকার দিনে বিলাসে মত্তপানে স্বেচ্ছাচারে আমাদের পুরুষের মধ্যে ধর্ম্মবন্ধন শিথিল হইয়া গিয়াছিল এবং অন্তঃপুরের প্রামোদভবনেও ধর্ম্ম সজীব ছিল না।

বিধাতা আমার মনে বোধ করি স্বাভাবিক ধর্মপিপাসা দিয়াছিলেন। অথবা আর কোনো নিগূঢ় কারণ ছিল কি বলিতে পারি না।—কিন্তু প্রত্যহ প্রশান্ত প্রভাতে নবোন্মেষিত অরুণালোকে নিস্তরঙ্গ নীল যমুনার খেত সোপানতটে কেশরলালের পূজার্তনাদ্বে আমার সত্ত্ব স্পষ্টোক্তি অস্তঃকরণ একটি অব্যক্ত ভক্তিমাধুর্য্যে পরিপ্লুত হইয়া যাইত।

নিয়ত সংঘত শুদ্ধাচারে ব্রাহ্মণ কেশরলালের গৌরবর্ণ তনুতরুণ দেহখানি ধূলেশহীন জ্যোতিঃশিখার মত বোধ হইত; ব্রাহ্মণের পুণ্যমাহাত্ম্য অপরূপ শ্রদ্ধাভরে এই মুসলমান-দ্রহিতার মূঢ় হৃদয়কে বিনম্র করিয়া দিত।

আমার একটি হিন্দু বাদি ছিল, সে প্রতিদিন নত হইয়া প্রণাম করিয়া কেশরলালের পদধূলি লইয়া আসিত—দেখিয়া আমার আনন্দও হইত ঈর্ষ্যাও জন্মিত। ক্রিয়াকর্ম পার্শ্ব উপলক্ষে এই বন্দিণী মধ্যে মধ্যে ব্রাহ্মণ ভোজন করাইয়া দক্ষিণা দিত। আমি নিজে হইতে তাহাকে অর্থ সাহায্য করিয়া বলিতাম, তুই ‘কেশরলালকে নিমন্ত্রণ করিবি না?’ সে জিভ কাটিয়া বলিত ‘কেশরলাল ঠাকুর কাহারো অন্নগ্রহণ বা দান-প্রতিগ্রহ করেন না।’

এইরূপে প্রত্যক্ষে বা পরোক্ষে কেশরলালকে কোনোরূপ ভক্তিচিহ্ন দেখাইতে না পারিয়া আমার চিত্ত যেন লুক্কৃত হইয়া থাকিত।

আমাদের পূর্বপুরুষের কেহ একজন একটি ব্রাহ্মণ-কন্যাকে বলপূর্বক বিবাহ করিয়া আনিয়াছিলেন—আমি অস্তঃপুরের প্রান্তে বসিয়া তাঁহার পুণ্যরক্তপ্রবাহ আপন শিরার মধ্যে অনুভব করিতাম এবং সেই রক্তস্রোতে কেশরলালের সহিত একটি ঐক্য সম্বন্ধ কল্পনা করিয়া কিয়ৎ পরিমাণে তৃপ্তি বোধ হইত।

আমার হিন্দু দাসীর নিকট হিন্দুধর্মের সমস্ত আচার ব্যবহার, দেব-দেবীর সমস্ত আশ্চর্য্য কাহিনী, রামায়ণ মহাভারতের সমস্ত অপূর্ণ ইতিহাস তন্ন তন্ন করিয়া শুনিতাম—শুনিয়া সেই অস্তঃপুরের প্রান্তে বসিয়া হিন্দু-জগতের এক অপূর্ণ দৃশ্য আমার মনের সম্মুখে উদ্ঘাটিত হইত। মূর্তি প্রতিমূর্তি, শঙ্খবর্ণী ধ্বনি, স্বর্ণচূড়াখচিত দেবালয়, ধূপধূনার ধূম, অগুরুচন্দনমিশ্রিত পুষ্পরাশির সুগন্ধ, যোগী সন্ন্যাসীর অলৌকিক ক্ষমতা, ব্রাহ্মণের অমাহুষিক মাহাত্ম্য, মাহুষ-ছদ্ম-বেশধারী দেবতাদের বিচিত্র লীলা, সমস্ত জড়িত হইয়া আমার নিকটে এক অতি পুরাতন অতি বিস্তীর্ণ অতি সূদূর অপ্রাকৃত মায়ালোক সৃজন করিত—আমার

চিত্ত যেন নীড়হারা ক্ষুদ্র পক্ষীর ভায় প্রদোষকালের একটি প্রকাণ্ড প্রাচীন প্রাসাদের কক্ষে কক্ষে উড়িয়া বেড়াইত। হিন্দু-সংসার আমার বালিকা-হৃদয়ের নিকট একটি পরম রমণীয় রূপকথার রাজ্য ছিল।

এমন সময় কোম্পানি বাহাদুরের সহিত সিপাহী লোকের লড়াই বাধিল। আমাদের বদ্রাওনের ক্ষুদ্র কেল্লাটির মধ্যেও বিপ্লবের তরঙ্গ জাগিয়া উঠিল।

কেশরলাল বলিল, ‘এইবার গো-খাদক গোরালোককে আর্ঘ্যাবর্ত্ত হইতে দূর করিয়া দিয়া আর-একবার হিন্দুস্থানে হিন্দু-মুসলমানে রাজপদ লইয়া দ্যুতক্রীড়া বসাইতে হইবে।’

আমার পিতা গোলামকাদের খাঁ সাবধানী লোক ছিলেন; তিনি ইংরাজ জাতিকে কোনো একটি বিশেষ কুটুম্ব সম্ভাষণে অভিহিত করিয়া বলিলেন, ‘উহারা অসাধ্য সাধন করিতে পারে, হিন্দুস্থানের লোক উহাদের সহিত পারিয়া উঠিবে না। আমি অনিশ্চিত প্রত্যাশে আমার এই ক্ষুদ্র কেল্লাটুকু খোয়াইতে পারিব না—আমি কোম্পানি বাহাদুরের সহিত লড়িব না।’

যখন হিন্দুস্থানের সমস্ত হিন্দু-মুসলমানের রক্ত উত্তপ্ত হইয়া উঠিয়াছে, তখন আমার পিতার এই বণিকের মত সাবধানতায় আমাদের সকলের মনেই দিক্কার উপস্থিত হইল। আমার বেগম মাতৃগণ পর্য্যন্ত চঞ্চল হইয়া উঠিলেন।

এমন সময়ে ফোজ লইয়া সশস্ত্র কেশরলাল আসিয়া আমার পিতাকে বলিলেন, ‘নবাব সাহেব, আপনি যদি আমাদের পক্ষে যোগ না দেন তবে যতদিন লড়াই চলে আপনাকে বন্দী রাখিয়া আপনার কেল্লার আধিপত্যভার আমি গ্রহণ করিব।’

পিতা বলিলেন, ‘সে-সমস্ত হাঙ্গামা কিছুই করিতে হইবে না, তোমাদের পক্ষে আমি রহিব।’

কেশরলাল কহিলেন, ‘ধনকোষ হইতে কিছু অর্থ বাহির করিতে হইবে।’

পিতা বিশেষ কিছু দিলেন না—কহিলেন, ‘যখন যেমন আবশ্যক হইবে আমি দিব।’

আমার সীমন্ত হইতে পদাঙ্গুলি পর্য্যন্ত অঙ্গ-প্রত্যঙ্গের যত কিছু ভূষণ ছিল সমস্ত কাপড়ে বাধিয়া আমার হিন্দু দাসী দিয়া গোপনে কেশরলালের নিকট

পাঠাইয়া দিলাম। তিনি গ্রহণ করিলেন। আনন্দে আমার ভূষণবিহীন প্রত্যেক অঙ্গ-প্রত্যঙ্গ পুণ্যকে রোমাঞ্চিত হইয়া উঠিল।

কেশরলাল মরিচাপড়া বন্দুকের চোঙ এবং পুরাতন তরোয়ালগুলি মাজিয়া ঘষিয়া সাফ করিতে প্রস্তুত হইলেন—এমন সময় হঠাৎ একদিন অপরাহ্নে জিলার কমিশনার সাহেব লালকুর্তি গোরা লইয়া আকাশে ধূলা উড়াইয়া আমাদের কেল্লার মধ্যে আসিয়া প্রবেশ করিল।

আমার পিতা গোলাম কাদের খাঁ গোপনে তাঁহাকে বিদ্রোহ-সংবাদ দিয়াছিলেন।

বদ্রাওনের ফৌজের উপর কেশরলালের এমন একটি অলৌকিক আধিপত্য ছিল যে, তাঁহার কথায় উহারা ভাঙা বন্দুক ও ভোঁতা তরবারী-হস্তে লড়াই করিয়া মরিতে প্রস্তুত হইল।

বিশ্বাসঘাতক পিতার গৃহ আমার নিকট নরকের মত বোধ হইল। ক্ষোভে দুঃখে লজ্জায় ঘৃণায় বুক ফাটিয়া বাইতে লাগিল, তবু চোখ দিয়া এক ফোঁটা জল বাহির হইল না। আমার ভীর্ণ ভ্রাতার পরিচ্ছদ পরিয়া ছদ্মবেশে অন্তঃপুর হইতে বাহির হইয়া গেলাম, কাহারো দেখিবার অবকাশ ছিল না।

তখন ধূলা এবং বারুদের ধোঁয়া, সৈনিকের চীৎকার এবং বন্দুকের শব্দ ধামিয়া গিয়া মৃত্যুর ভীষণ শাস্তি জলস্থল-আকাশ আচ্ছন্ন করিয়াছে। যমুনার জল রক্তরাগে রঞ্জিত করিয়া সূর্য্য অন্ত গিয়াছে, সন্ধ্যাকাশে শুক্লপঙ্কের পরিপূর্ণপ্রায় চন্দ্রমা।

রণক্ষেত্র মৃত্যুর বিকট দৃশ্যে আকীর্ণ। অল্প সময় হইলে করুণায় আমার বক্ষ ব্যথিত হইয়া উঠিত—কিন্তু সেদিন স্বপ্নাবিষ্টের মত আমি ঘুরিয়া ঘুরিয়া বেড়াইতেছিলাম—খুঁজিতেছিলাম কোথায় আছে কেশরলাল,—সেই একমাত্র লক্ষ্য ছাড়া আর সমস্ত আমার নিকট অলীক বোধ হইতেছিল।

খুঁজিতে খুঁজিতে রাত্রি দ্বিপ্রহরের উজ্জ্বল চন্দ্রালোকে দেখিতে পাইলাম, রণক্ষেত্রের অদূরে যমুনার তীরে আত্মকাননচ্ছায়ায় কেশরলাল এবং তাঁহার ভক্তভৃত্য দেওকি-নন্দনের মৃতদেহ পড়িয়া আছে। বুঝিতে পারিলাম সাংঘাতিক আহত অবস্থায়, হয় প্রভু ভৃত্যকে অথবা ভৃত্য প্রভুকে রণক্ষেত্র হইতে এই নিরাপদ স্থানে বহন করিয়া আনিয়া শাস্তিতে মৃত্যুহস্তে আত্মসমর্পণ করিয়াছে।

প্রথমেই আমি আমার বহুদিনের বুদ্ধিক্রান্ত ভক্তিবৃত্তির চরিতার্থতা সাধন করিলাম। কেশরলালের পদতলে লুপ্তিত হইয়া পড়িয়া আমার আজানুবিলাষিত কেশজাল উন্মুক্ত করিয়া দিয়া বারম্বার তাঁহার পদধূলি মুছিয়া লইলাম—আমার উত্তপ্ত ললাটে তাঁহার হিমশীতল পাদপদ্ম তুলিয়া লইলাম, তাঁহার চরণ চুষন করিবামাত্র বহুদিবসের নিরুদ্ধ অশ্রুরাশি উদ্বেল হইয়া উঠিল।

এমন সময়ে কেশরলালের দেহ বিচলিত হইল—এবং সহসা তাঁহার মুখ হইতে বেদনার অক্ষুট আর্তস্বর শুনিয়া আমি তাঁহার চরণতল ছাড়িয়া চমকিয়া উঠিলাম—শুনিলাম, নিমীদিত নেত্রে গুঞ্চ কণ্ঠে একবার বলিলেন, ‘জল’।

আমি তৎক্ষণাৎ আমার গাত্রবস্ত্র যমুনার জলে ভিজাইয়া ছুটিয়া চলিয়া আসিলাম। বসন নিংড়াইয়া কেশরলালের আমীলিত ওষ্ঠাধরের মধ্যে জল দিতে লাগিলাম, এবং বাম চক্ষু নষ্ট করিয়া তাঁহার কপালে যে নিদারুণ আঘাত লাগিয়াছিল সেই আহত স্থানে আমার দিক্ত বসনপ্রাপ্ত ছিঁড়িয়া বাধিয়া দিলাম।

এমনি বারকতক যমুনার জল আনিয়া তাঁহার মুখে চক্ষে সিঞ্জন করার পর অল্পে অল্পে চেতনার সঞ্চার হইল। আমি জিজ্ঞাসা করিলাম, ‘আর জল দিব?’ কেশরলাল কহিলেন, ‘কে তুমি?’ আমি আর থাকিতে পারিলাম না—বলিলাম, ‘অধীনা আপনার ভক্ত সেবিকা। আমি নবাব গোলাম কাদের খাঁর কন্যা।’—মনে করিয়াছিলাম, কেশরলাল আসন্ন মৃত্যুকালে তাঁহার ভক্তের শেষ পরিচয় সঙ্গ করিয়া লইয়া যাইবেন, এ-সুখ হইতে আমাকে আর কেহ বঞ্চিত করিতে পারিবে না।

আমার পরিচয় পাইবামাত্র কেশরলাল সিংহের গ্রাণ গর্জন করিয়া উঠিয়া বলিলেন, ‘বেইমানের কন্যা, বিধর্মী! মৃত্যুকালে যবনের জল দিয়া তুই আমার ধর্ম নষ্ট করিলি!’ এই বলিয়া প্রবল বলে আমার কপালদেশে দক্ষিণ করতলের আঘাত করিলেন—আমি মুচ্ছিতপ্রায় হইয়া চক্ষে অন্ধকার দেখিতে লাগিলাম।

তখন আমি ষোড়শী—প্রথম দিন অন্তঃপুর হইতে বাহিরে আসিয়াছি—তখনো বহিরাকাশের লুক্ক তপ্ত সূর্য্যকর আমার স্নকুমার কপোলের রক্তম

লাবণ্যবিভা অপহরণ করিয়া লয় নাই—সেই বহিঃসংসারে পদক্ষেপ করিবামাত্র সংসারের নিকট হইতে—আমার সংসারের দেবতার নিকট হইতে এই প্রথম সম্ভাষণ প্রাপ্ত হইলাম।”

আমি নির্দোষিত-সিগারেট এতক্ষণ মোহমুগ্ধ চিত্রাৰ্পিতের ত্রায় বসিয়াছিলাম গল্প শুনিতেছিলাম, কি ভাষা শুনিতেছিলাম, কি সঙ্গীত শুনিতেছিলাম জানি না—আমার মুখে একটি কথা ছিল না। এতক্ষণ পরে আমি আর থাকিতে পারিলাম না—হঠাৎ বলিয়া উঠিলাম—“জানোয়ার।”

নবাবজাদী কহিলেন—“কে জানোয়ার ! জানোয়ার কি মৃত্যু-যজ্ঞগার সময় মুখের নিকট সমাহৃত জলবিন্দু পরিত্যাগ করে ?”

আমি অপ্রতিভ হইয়া কহিলাম—“তা বটে। সে দেবতা।”

নবাবজাদী কহিলেন—“কিসের দেবতা ! দেবতা কি ভক্তের একান্ত চিত্তের সেবা প্রত্যাখ্যান করিতে পারে !”

আমি বলিলাম—“তাও বটে !”—বলিয়া চুপ করিয়া গেলাম।

নবাব-পুত্রী কহিতে লাগিলেন—“প্রথমটা আমার বড় বিষম বাজিল। মনে হইল বিশ্বজগৎ হঠাৎ আমার মাথার উপর চুরমার হইয়া ভাঙিয়া পড়িয়া গেল। মুহূর্তের মধ্যে সংজ্ঞা লাভ করিয়া কঠোর কঠিন নির্ভর নির্বিকার পবিত্র ব্রাহ্মণের পদতলে দূর হইতে প্রণাম করিলাম—মনে মনে কহিলাম—হে ব্রাহ্মণ, তুমি হীনের সেবা, পরের অন্ন, ধনীর দান, যুবতীর যৌবন, রমণীর প্রেম কিছুই গ্রহণ কর না ; তুমি স্বতন্ত্র, তুমি একাকী তুমি নির্লিপ্ত, তুমি স্বদ্র, তোমার নিকট আত্ম-সমর্পণ করিবার অধিকারও আমার নাই !

নবাব-হুহিতাকে ভুলুপ্তিত মস্তকে প্রণাম করিতে দেখিয়া কেশরলাল কি মনে করিল বলিতে পারি না—কিন্তু তাহার মুখে বিস্ময় অথবা কোনো ভাবান্তর প্রকাশ পাইল না। শাস্তভাবে একবার আমার মুখের দিকে চাহিল ;—তাহার পরে ধীরে ধীরে উঠিল। আমি সচক্ষিত হইয়া আশ্রয় দিবার জন্ত আমার হস্ত প্রসারণ কহিলাম—সে নীরবে তাহা প্রত্যাখ্যান করিল—এবং বহু কষ্টে যমুনার ঘাটে গিয়া অবতীর্ণ হইল। সেখানে একটি থোকা নৌকা বাধা ছিল। পার হইবার লোকও ছিল না, পার করিবার লোকও ছিল না। সেই নৌকার উপর উঠিয়া কেশরলাল বাধন খুলিয়া দিল—নৌকা দেখিতে দেখিতে মধ্য

শ্রোতে গিয়া ক্রমশ অদৃশ্য হইয়া গেল—আমার ইচ্ছা হইতে লাগিল, সমস্ত হৃদয়ভার, সমস্ত যৌবনভার, সমস্ত অনাদৃত ভাষ্কর্য্যভার লইয়া সেই অদৃশ্য নৌকার অভিমুখে জোড়কর করিয়া সেই নিস্তরু নিশীথে সেই চন্দ্রালোক-পুলকিত নিস্তরঙ্গ যমুনার মধ্যে অকালবৃন্তচ্যুত পুষ্পমঞ্জরীর স্রাব এই বার্থ জীবন বিসর্জন করি।

কিন্তু পারিলাম না। আকাশের চন্দ্র, যমুনাপারের ঘনকুম্ব বনরেখা, কালিন্দীর নিবিড় নীল নিরুপ্প জলরাশি, দূরে আশ্রবনের উর্দ্ধে আমাদের জ্যোৎস্নাচিক্রণ কেবল চূড়াগ্রভাগ সকলেই নিঃশব্দগম্ভীর ঐক্যতানে মৃত্যুর গান গাহিল ;—সেই নিশীথে গ্রহচন্দ্রতারাকচিত নিস্তরু তিন ভূবন আমাকে একবাক্যে মরিতে কহিল। কেবল বীচিভঙ্গবিহীন প্রশান্ত যমুনাবক্ষোবাহিত একখানি অদৃশ্য জীর্ণ নৌকা সেই জ্যোৎস্নারজনীর সৌম্য সুন্দর শান্ত শীতল অনন্ত ভূবনমোহন মৃত্যুর প্রসারিত আলিঙ্গন-পাশ হইতে বিচ্ছিন্ন করিয়া আমাকে জীবনের পথে টানিয়া লইয়া চলিল। আমি মোহমগ্নাভিতার স্রাব যমুনার তীরে তীরে কোথাও বা কাশবন, কোথাও-বা মরুবালুকা, কোথাও-বা বন্ধুর বিদীর্ণ তট, কোথাও-বা ঘনগুম্বদুর্গম বনখণ্ডের ভিতর দিয়া চলিতে লাগিলাম।”

এইখানে বন্ধু চূপ করিল। আমিও কোনো কথা কহিলাম না।

অনেকক্ষণ পরে নবাবহুহিতা কহিল—“ইহার পরে ঘটনাবলী বড় জটিল। সে কেমন করিয়া বিশ্লেষ করিয়া পরিষ্কার করিয়া বলিব জানি না। একটা গহন অরণ্যের মাঝখান দিয়া যাত্রা করিয়াছিলাম, ঠিক কোন্ পথ দিয়া কখন চলিয়াছিলাম সে কি আর খুঁজিয়া বাহির করিতে পারি!—কোথায় আরম্ভ করিব, কোথায় শেষ করিব, কোন্টা ত্যাগ করিব, কোন্টা রাখিব, সমস্ত কাহিনীকে কি উপায়ে এমন স্পষ্ট প্রত্যক্ষ করিয়া তুলিব যাহাতে কিছুই অসাধ্য অসম্ভব অপ্রকৃত বোধ না হয়।

কিন্তু জীবনের এই কয়টা দিনে বুঝিয়াছি যে, অসাধ্য অসম্ভব কিছুই নাই। নবাব-অস্তঃপুরের বালিকার পক্ষে বাহিরের সংসার একান্ত দুর্গম বলিয়া মনে হইতে পারে—কিন্তু তাহা কাল্পনিক ;—একবার বাহির হইয়া পড়িলেই একটা চলিবার পথ থাকেই। সে-পথ নবাবী পথ নহে, কিন্তু পথ—সে-পথে মাঝু

চিরকাল চলিয়া আসিয়াছে—তাহা বন্ধুর বিচিত্র সীমাহীন, তাহা শাখাপ্রশাখা-বিভক্ত, তাহা স্নেহে দ্রুত বাধা বিয়ে জটিল, কিন্তু তাহা পথ।

এই সাধারণ মানবের পথে একাকিনী নবাব-হুজিয়ার সুদীর্ঘ ভ্রমণবৃত্তান্ত স্মৃতিশ্রাব্য হইবে না—হইলেও সে-সব কথা বলিবার উৎসাহ আমার নাই। এককথায়, দ্রুত কষ্ট বিপদ অবমাননা অনেক ভোগ করিতে হইয়াছে, তবু জীবন অসহ্য হয় নাই। আতসবাজির মত যত দাহন ততই উদ্ধাম গতি লাভ করিয়াছি। যতক্ষণ বেগে চলিয়াছিলাম ততক্ষণ পুড়িতেছি বলিয়া বোধ ছিল না—আজ হঠাৎ সেই পবন দ্রুতের সেই চরম স্নেহের আলোক-শিখাটি নিবিয়া গিয়া এই পথপ্রান্তের ধুলির উপর জড় পদার্থের ছায়া পড়িয়া গিয়াছে—আজ আমার যাত্রা শেষ হইয়া গেছে, এইখানেই আমার কাহিনী সমাপ্ত।”

এই বলিয়া নবাবপুত্রী থামিল। আমি মনে মনে ঘাড় নাড়িলাম; এখানে তো কোনো মতেই শেষ হয় না। কিছুক্ষণ চুপ করিয়া থাকিয়া ভাঙা হিন্দিতে বলিলাম—“বোয়াদবি মাপ করিবেন, শেষ দিককার কথাটা আর একটু খোলসা করিয়া বলিলে অধীনের মনের ব্যাকুলতা অনেকটা হ্রাস হয়।”

নবাবপুত্রী হাসিলেন। বুঝিলাম আমার ভাঙা হিন্দিতে ফল হইয়াছে। যদি আমি খাব্ হিন্দিতে বাৎ চালাইতে পারিতাম তাহা হইলে আমার কাছে তাঁহার লজ্জা ভাঙিত না কিন্তু আমি যে তাঁহার মাতৃভাষা অতি অল্পই জানি সেইটেই আমাদের উভয়ের মধ্যে বৃহৎ ব্যবধান—সেইটেই একটা আত্ম।

তিনি পুনরায় আরম্ভ করিলেন—“কেশরলালের সংবাদ আমি প্রায়ই পাইতাম কিন্তু কোনো মতেই তাঁহার সাক্ষাৎ লাভ করিতে পারি নাই। তিনি তাঁতিয়াটোপির দলে মিশিয়া সেই বিপ্লবচ্ছন্ন আকাশতলে অকস্মাৎ কখনো পশ্চিমে, কখনো ঈশানে, কখনো নৈঋতে, বজ্রপাতের মত মুহূর্তের মধ্যে ভাঙিয়া পড়িয়া, মুহূর্তের মধ্যে অদৃশ্য হইতেছিলেন।

আমি তখন যোগিনী সাজিয়া কাশীর শিবানন্দ স্বামীকে পিতৃসম্বোধন করিয়া তাঁহার নিকট সংস্কৃত শাস্ত্র অধ্যয়ন করিতেছিলাম। ভারতবর্ষের সমস্ত সংবাদ তাঁহার পদতলে আসিয়া সমাগত হইত—আমি ভক্তিরে শাস্ত্র শিক্ষা করিতাম এবং মর্মান্তিক উদ্বেগের সহিত যুদ্ধের সংবাদ সংগ্রহ কবিতাম।

ক্রমে ব্রিটিশরাজ হিন্দুধর্মের বিদ্রোহবল্লি পদতলে দলন করিয়া নিবাহিয়া দিল। তখন সহসা কেশরলালের সংবাদ আর পাওয়া গেল না। ভীষণ প্রলয়ালোকের রক্তরশ্মিতে ভারতবর্ষের দূর-দূরান্তর হইতে যে-সকল বীরমুর্তি ক্ষণে ক্ষণে দেখা যাইতেছিল, হঠাৎ তাহারা অন্ধকারে পড়িয়া গেল।

তখন আমি আর থাকিতে পারিলাম না। গুরুর আশ্রয় ছাড়িয়া ভৈরবীবেশে আবার বাহির হইয়া পড়িলাম। পথে পথে তীর্থে তীর্থে মঠে মন্দিরে ভ্রমণ করিয়াছি—কোথাও কেশরলালের কোনো সন্ধান পাই নাই। ছই একজন যাহারা তাহার নাম জানিত, কহিল, ‘সে হয় যুদ্ধে নয় রাজদণ্ডে মৃত্যু লাভ করিয়াছে।’ আমার অন্তরাঙ্গা কহিল—‘কখনো নহে, কেশবলালের মৃত্যু নাই। সেই ব্রাহ্মণ সেই দুঃসহ জলদগ্নি কখনো নির্বাণ পায় নাই, আমার আত্মাহুতি গ্রহণ করিবাব জন্ত সে এখনো কোন দুর্গম নির্জন যজ্ঞবেদীতে উর্দ্ধশিখা হইয়া জলিতেছে।’

হিন্দুশাস্ত্রে আছে জ্ঞানের দ্বারা তপস্তার দ্বারা শূদ্র ব্রাহ্মণ হইয়াছে—মুসলমান ব্রাহ্মণ হইতে পারে কি না সে-কথার কোনো উল্লেখ নাই—তাহার একমাত্র কারণ, তখন মুসলমান ছিল না। আমি জানিতাম কেশরলালের সহিত আমার মিলনের বহু বিলম্ব আছে,—কারণ, তৎপূর্ব্বে আমাকে ব্রাহ্মণ হইতে হইবে। একে একে ত্রিশ বৎসর উত্তীর্ণ হইল। আমি অন্তরে বাহিরে আচারে ব্যবহারে কায়মনোবাক্যে ব্রাহ্মণ হইলাম, আমার সেই ব্রাহ্মণ পিতামহীর রক্ত নিষ্কলুষতেজে আমার সর্ব্বাঙ্গে প্রবাহিত হইল, আমি মনে মনে আমার সেই যৌবনারম্ভের প্রথম ব্রাহ্মণ, আমার যৌবনশেষের শেষ ব্রাহ্মণ, আমার ত্রিভুবনের এক ব্রাহ্মণের পদতলে সম্পূর্ণ নিঃসঙ্কোচে আপনাকে প্রতিষ্ঠিত করিয়া একটি অপক্লপ দীপ্তিলাভ করিলাম।

যুদ্ধবিপ্লবের মধ্যে কেশরলালের বীৰত্বের কথা আমি অনেক শুনিয়াছি—কিন্তু সে-কথা আমার হৃদয়ে মুদ্রিত হয় নাই। আমি সেই যে দেখিয়াছিলাম নিঃশব্দে জ্যোৎস্নানিশীথে নিস্তব্ধ যমুনার মধ্যপ্রোতে একখানি ক্ষুদ্র নৌকার মধ্যে একাকী কেশরলাল ভাসিয়া চলিয়াছে, সেই চিত্রই আমার মনে অঙ্কিত হইয়া আছে। আমি কেবল অহরহ দেখিতেছিলাম—ব্রাহ্মণ নির্জন প্রোত বাহিয়া নিশিদিন কোন্ অনির্দেশ মহা রহস্তাভিমুখে ধাবিত হইতেছে—তাহার কোনো

সঙ্গী নাই, সেবক নাই, কাহাকেও তাহার কোনো আবশ্যক নাই, সেই নির্মল আত্মনিমগ্ন পুরুষ আপনাতে আপনি সম্পূর্ণ ;—আকাশের গ্রহচন্দ্রতারা তাহাকে নিঃশব্দে নিরীক্ষণ করিতেছে ।

এমন সময় সংবাদ পাইলাম কেশরলাল রাজদণ্ড হইতে পলায়ন করিয়া নেপালে আশ্রয় লইয়াছে । আমি নেপালে গেলাম । সেখানে দীর্ঘকাল বাস করিয়া সংবাদ পাইলাম—কেশরলাল বহুকাল হইল নেপাল ত্যাগ করিয়া কোথায় চলিয়া গিয়াছে কেহ জানে না ।

তাহার পর হইতে পাহাড়ে পাহাড়ে ভ্রমণ করিতেছি । এ হিন্দুর দেশ নহে—ভূট্টা লেপ্‌চাংগ ম্লেচ্ছ—ইহাদের আহার ব্যবহারে আচার বিচার নাই—ইহাদের দেবতা ইহাদের পূজার্চনাবিধি সকলি স্বতন্ত্র ;—বহুদিনের সাধনায় আমি যে বিগুদ্ধ শুচিতা লাভ করিয়াছি ভয় হইতে লাগিল পাছে তাহাতে রেখামাত্র চিহ্ন পড়ে । আমি বহু চেষ্টায় আপনাকে সর্বপ্রকার মলিন সংস্পর্শ হইতে রক্ষা করিয়া চলিতে লাগিলাম । আমি জানিতাম আমার তরী তীরে আসিয়া পৌছিয়াছে, আমার জীবনের চরমতীর্থ অনতিদূরে ।

তাহার পরে আর কি বলিব ! শেষ কথা অতি স্বল্প । প্রদীপ যখন নেবে তখন একটি ফুৎকারেই নিবিয়া যায়—সে-কথা আর সুদীর্ঘ করিয়া কি ব্যাখ্যা করিব !

আটত্রিশ বৎসর পরে এই দার্জিলিঙে আসিয়া আজ প্রাতঃকালে কেশর-লালের দেখা পাইয়াছি ।”

বক্তাকে এইখানে ক্ষান্ত হইতে দেখিয়া আমি ঔৎসুক্যের সহিত জিজ্ঞাসা করিলাম—“কি দেখিলেন ?”

নবাবপুত্রী কহিলেন, “দেখিলাম বৃদ্ধ কেশরলাল ভূট্টা-পল্লীতে ভূট্টা জ্ঞী এবং তাহার গর্ভজাত পৌত্র-পৌত্রী লইয়া ম্লান বস্ত্রে মলিন অঙ্গনে ভুট্টা হইতে শস্ত সংগ্রহ করিতেছে ।”

গল্প শেষ হইল । আমি ভাবিলাম একটা সাঙ্ঘন্যের কথা আবশ্যক । কহিলাম—“আটত্রিশ বৎসর একাদিক্রমে যাহাকে প্রাণভয়ে বিজাতীয়ের সংস্রবে অহরহ থাকিতে হইয়াছে সে কেমন করিয়া আপন আচার রক্ষা করিবে ?”

নবাবকন্যা कहিলেন—“আমি কি তাহা বুঝি না? কিন্তু এতদিন আমি কি মোহ লইয়া ফিরিতেছিলাম! যে ব্রহ্মণ্য আমার কিশোর হৃদয় হরণ করিয়া লইয়াছিল আমি কি জানিতাম তাহা অভ্যাস তাহা সংস্কার মাত্র? আমি জানিতাম তাহা ধর্ম, তাহা অনাদি অনন্ত। তাহাই যদি না হইবে তবে ষোলো বৎসর বয়সে প্রথম পিতৃগৃহ হইতে বাহির হইয়া সেই জ্যোৎস্নানিশীথে আমার বিকশিত পুষ্পিত ভক্তিবৈগকম্পিত দেহমনপ্রাণের প্রতিদানে ব্রাহ্মণের দক্ষিণ হস্ত হইতে যে দুঃসহ অপমান প্রাপ্ত হইয়াছিলাম, কেন তাহা গুরুহস্তের দীক্ষার ছায়া নিঃশব্দে অবনত মস্তকে দ্বিগুণিত ভক্তিভরে শিরোধার্য্য করিয়া লইয়াছিলাম? হায় ব্রাহ্মণ, তুমি ত তোমার এক অভ্যাসের পরিবর্তে আর এক অভ্যাসলাভ করিয়াছ, আমি আমার এক যৌবন এক জীবনের পরিবর্তে আর এক জীবন যৌবন কোথায় ফিরিয়া পাইব?”

এই বলিয়া রমণী উঠিয়া দাঁড়াইয়া কহিল, “নমস্কার বাবুজি?”—

মুহূর্ত্তপরেই যেন সংশোধন করিয়া কহিল—“সেলাম বাবু সাহেব!” এই মুসলমান-অভিবাদনের দ্বারা সে যেন জীর্ণভিত্তি ধূলিশায়ী ভগ্ন ব্রহ্মণ্যের নিকট শেষ বিদায় গ্রহণ করিল। আমি কোনো কথা না বলিতেই সেই হিমাদ্রি-শিখরের ধূসর কুজাটিকা রাশির মধ্যে মেঘের মত মিলাইয়া গেল।

আমি ক্ষণকাল চক্ষু মুদ্রিত করিয়া সমস্ত ঘটনাবলী মানসপটে চিত্রিত দেখিতে লাগিলাম। মছলন্দের আসনে বসুনাভীরের গবাক্ষে সুখাসীন্য ষোড়শী নবাব-বালিকাকে দেখিলাম, তীর্থমন্দিরে সন্ধ্যারতিকালে তপস্বিনীর ভক্তিগদগদ একাগ্র মূর্ত্তি দেখিলাম—তাহার পরে এই দার্জিলিঙে ক্যালকাটা রোডের প্রান্তে প্রবীণার কুহেলিকাচ্ছন্ন ভগ্নহৃদয়ভারকাতর নৈরাশ্র মূর্ত্তিও দেখিলাম—একটি সুকুমার রমণী-দেহে ব্রাহ্মণমুসলমানের রক্ততরঙ্গের বিপরীত সংঘর্ষ-জনিত বিচিত্র ব্যাকুল সঙ্গীতধ্বনি স্নন্দর স্তম্ভপূর্ণ উর্দু ভাষায় বিগলিত হইয়া আমার মস্তিষ্কের মধ্যে স্পন্দিত হইতে লাগিল।

চক্ষু খুলিয়া দেখিলাম, হঠাৎ মেঘ কাটিয়া গিয়া স্নিগ্ধ রৌদ্রে নির্ম্মল আকাশ ঝলঝল করিতেছে—ঠেলা গাড়িতে ইংরাজ রমণী ও অশ্বপৃষ্ঠে ইংরাজ পুরুষগণ বায়ুসেবনে বাহির হইয়াছে—মধ্যে মধ্যে দুই একটি বাঙালীর গলাবন্ধবিজড়িত মুখমণ্ডল হইতে আমার প্রতি সেকৌতুক কটাক্ষ বর্ষিত হইতেছে।

ক্রত উঠিয়া পড়িলাম—এই সূর্যালোকিত অনাবৃত জগৎদৃশ্যের মধ্যে সেই মেঘাচ্ছন্ন কাহিনীকে আর সত্য বলিয়া মনে হইল না। আমার বিশ্বাস আমি পর্ব্বতের কুয়াশার সহিত আমার সিগারেটের ধূম ভূরিপরিমাণে মিশ্রিত করিয়া একটি কল্পনাখণ্ড রচনা করিয়াছিলাম—সেই মুগ্ধমানব্রাহ্মণী, সেই বিপ্রবীর, সেই ষমুনাভীরের কেলা কিছুই সত্য নহে।

(১৩০৫—বৈশাখ)

পুত্রযজ্ঞ

বৈষ্ণনাথ গ্রামের মধ্যে বিজ্ঞ ছিলেন .সেইজন্ত তিনি ভবিষ্যতের দিকে দৃষ্টি রাখিয়া বর্তমানের সমস্ত কাজ করিতেন। যখন বিবাহ করিলেন তখন তিনি বর্তমান নববধূর অপেক্ষা ভাবী নবকুমারের মুখ স্পষ্টতরূপে দেখিতে পাইয়াছিলেন। শুভদৃষ্টির সময় এতটা দূরদৃষ্টি প্রায় দেখা যায় না। তিনি পাকা লোক ছিলেন সেইজন্ত প্রেমের চেয়ে পিণ্ডটাকেই অধিক বুঝিতেন এবং পুত্রার্থে ক্রিয়তে ভাব্যা এই মর্মেই তিনি বিনোদিনীকে বিবাহ করিয়াছিলেন।

কিন্তু এ সংসারে বিজ্ঞ লোক ঠকে। যৌবন প্রাপ্ত হইয়াও যখন বিনোদিনী তাহার সর্বপ্রধান কর্তব্যটি পালন করিল না তখন পুন্সাম নরকের দ্বার খোলা দেখিয়া বৈষ্ণনাথ বড় চিন্তিত হইলেন। মৃত্যুর পরে তাহার বিপুল ঐশ্বর্য্যই বা কে ভোগ করিবে এই ভাবনায় মৃত্যুর পূর্বে তিনি সেই ঐশ্বর্য্য ভোগ করিতে বিমুখ হইলেন। পূর্বেই বলিয়াছি বর্তমানের অপেক্ষা ভবিষ্যৎটাকেই তিনি সত্য বলিয়া জানিতেন।

কিন্তু যুবতী বিনোদিনীর নিকট হঠাৎ এতটা প্রাজ্ঞতা প্রত্যাশা করা যায় না। সে বেচারার দুর্শ্লীল্য বর্তমান তাহার নব বিকশিত যৌবন, বিনা প্রেমে বিকলে অতিবাহিত হইয়া যায় এইটেই তারপক্ষে সব চেয়ে শোচনীয় ছিল। পারলৌকিক পিণ্ডের ক্ষুধাটা সে ইহলৌকিক চিন্তক্ষুধানাহে একেবারেই ভুলিয়া

বসিয়াছিল—মন্ডুর পবিত্র বিধান এবং বৈষ্ণবনাথের আধ্যাত্মিক ব্যাধায় তাহার বৃত্তান্তিত হৃদয়ের তিলমাত্র তৃপ্তি হইল না।

যে যাহাই বলুক এই বয়সটাতে ভালবাসা দেওয়া এবং ভালবাসা পাওয়াই রমণীর সকল সুখ এবং সকল কর্তব্যের চেয়ে স্বভাবতই বেশী মনে হয়।

কিন্তু বিনোদিনীর ভাগ্যে নবপ্রেমের বর্ষাবারিসিঞ্চনের বদলে, স্বামীর, পিসম্বাণ্ডির এবং অত্যাচারী গুরু ও গুরুতর লোকের সমুচ্চ আকাশ হইতে তর্জ্জন গর্জনের শিলাবৃষ্টিব্যবসা হইল। সর্বলোকেই তাহাকে বন্ধ্যা বলিয়া অপরাধী করিত। একটা ফুলের চারাকে আলোকে এবং বাতাস হইতে রুদ্ধবরে রাখিলে তাহার যেরূপ অবস্থা হয় বিনোদার বঞ্চিত যৌবনেরও সেইরূপ অবস্থা ঘটিয়াছিল।

সদা সর্বদা এই সকল চাপাচুপি ও বকাবকির মধ্যে থাকিতে না পারিয়া যখন সে কুসুমের বাড়ি তাস খেলিতে যাইত সেই সময়টা তাহার বড় ভাল লাগিত। সেখানে পুংনরকের ভীষণ ছায়া সর্বদা বর্তমান না থাকাতে হাসি-ঠাট্টা গল্পের কোন বাধা ছিল না।

কুসুম যেদিন তাস খেলিবার সাত না পাইত সেদিন তাহার তরুণ দেবর নগেন্দ্রকে ধরিয়া আনিত। নগেন্দ্রও বিনোদার আপত্তি হাসিয়া উড়াইয়া দিত। এ সংসারে এক হইতে আর হয় এবং থেলা ক্রমে সঙ্কটে পরিণত হইতে পারে এ সব গুরুতর কথা অল্পবয়সে ইঠাৎ বিশ্বাস হয় না।

এ সম্বন্ধে নগেন্দ্রেরও আপত্তির দৃঢ়তা কিছু মাত্র দেখা গেল না, এখন আর সে তাস খেলিবার জন্য অধিক পীড়াপীড়ির অপেক্ষা করিতে পারে না।

এইরূপে বিনোদার সহিত নগেন্দ্রের প্রায়ই দেখা সাক্ষাৎ হইতে লাগিল।

নগেন্দ্র যখন তাস খেলিত বসিত তখন তাসের অপেক্ষা সজীবতর পদার্থের প্রতি তাহার নয়ন মন পড়িয়া থাকাতে থেলায় প্রায়ই হারিতে লাগিল। পরাজয়ের প্রকৃত কারণ বুঝিতে কুসুম এবং বিনোদার কাহারও বাকি রহিল না। পূর্বেই বলিয়াছি, কর্মফলের গুরুত্ব বোঝা অল্প বয়সের কর্ম নহে। কুসুম মনে করিত এ একটা বেশ মজা হইতেছে, এবং মজাটা ক্রমে যোল আনায়ে ক্রমে সম্পূর্ণ হইয়া উঠে ইহাতে তাহার একটা আগ্রহ ছিল। ভালবাসার নবাকুরে গোপনে জল সিঞ্চন তরুণীদের পক্ষে বড় কৌতুকের।

বিনোদারও মন্দ লাগিল না। হৃদয়জয়ের স্তুতিঃ ক্ষমতাটা একজন পুরুষ মানুষের উপর শাণিত করিবার ইচ্ছা অত্যাঁয় হইতে পারে, কিন্তু নিতান্ত অস্বাভাবিক নহে।

এইরূপে তাসের হার-জিৎ ও ছকা-পাজার পুনঃ পুনঃ আবর্তনের মধ্যে কোন্ এক সময়ে দুইটি থেলোয়াড়ের মনে মনে মিল হইয়া গেল, অন্তর্যামী ব্যতীত আর একজন থেলোয়াড় তাহা দেখিল এবং আমোদ বোধ করিল।

একদিন হপুর বেলায় বিনোদা কুসুম ও নগেন্দ্র তাস খেলিতেছিল। কিছুক্ষণ পরে কুসুম তাহার রুগ্ন শিশুর কান্না শুনিয়া উঠিয়া গেল। নগেন্দ্র বিনোদার সহিত গল্প করিতে লাগিলেন। কিন্তু কি গল্প করিতেছিলেন তাহা নিজেই বুঝিতে পারিতেছিলেন 'না';—রক্তশ্রোত তাঁহার জংপিণ্ড উঘেলিত করিয়া তাহার সর্বশরীরের শিরার মধ্যে তরঙ্গিত হইতেছিল।

ইথাৎ এক সময় তাঁহার উদ্গাম যৌবন সমস্ত বাঁধ ভাঙ্গিয়া ফেলিল—ইথাৎ বিনোদার হাত দুটি চাপিয়া ধরিয়া সবলে তাহাকে টানিয়া লইয়া চুবন করিলেন। বিনোদা নগেন্দ্র কর্তৃক এই অবমাননায় ক্রোধে ক্ষোভে গজ্জায় অধীর হইয়া নিজের হাত ছাড়াইবার জ্ঞান টানাটানি করিতেছেন এমন সময় তাঁহাদের দৃষ্টিগোচর হইল, ঘরে তৃতীয় ব্যক্তির আগমন হইয়াছে। নগেন্দ্র নতমুখে ঘর হইতে বাহির হইবার পথ অব্বেষণ করিতে লাগিল।

পরিচারিকা গম্ভীরস্বরে কহিল, বোঁঠাকরুণ, তোমাকে পিসিয়া ডাকুচেন! বিনোদা ছলছল চক্ষে নগেন্দ্রের প্রতি বিদ্রোহকটাক্ষ বর্ষণ করিয়া দাসীর সঙ্গে চলিয়া গেল।

পরিচারিকা যেটুকু দেখিয়াছিল তাহাকে হৃষ এবং যাহা না দেখিয়াছিল তাহাকেই সুদীর্ঘতর করিয়া বৈজ্ঞানিকের অন্তঃপুরে একটা ঝড় তুলিয়া দিল। বিনোদার কি দশা হইল সে কথা বর্ণনার অপেক্ষা কল্পনা সহজ। সে যে কতদূর নিরপরাধী কাহাকেও বুঝাইতে চেষ্টা করিল না—নতমুখে সমস্ত সহিয়া গেল।

বৈজ্ঞানিক আপন ভাবী পিণ্ডদাতার আবির্ভাব সম্ভাবনা অত্যন্ত সংশয়াজ্জয় জ্ঞান করিয়া বিনোদাকে কহিল, কলঙ্কিনী, তুই আমার ঘর হইতে দূর হইয়া যা!

বিনোদা শয়নকক্ষের দ্বার রোধ করিয়া বিছানায় শুইয়া পড়িল,—তাহার অশ্রুহীন চক্ষু মধ্যাহ্নের মরুভূমির মত জ্বলিতেছিল। যখন সন্ধ্যার অন্ধকার ঘনীভূত হইলে বাহিরের বাগানে কাকের ডাক থামিয়া গেল, তখন নক্ষত্রখচিত শান্ত আকাশের দিকে চাহিয়া তাহার বাপ মায়ের কথা মনে পড়িল এবং তখন দুই গণ্ড দিয়া অশ্রু বিগলিত হইয়া পড়িতে লাগিল।

সেই রাত্রে বিনোদা স্বামীগৃহ ত্যাগ করিয়া গেল। কেহ তাহার খোঁজও করিল না।

তখন বিনোদা জানিত না যে ‘প্রজনার্থং মহাভাগ্য’ জী-জন্মের মহাভাগ্য সে লাভ করিয়াছে—তাহার স্বামীর পারলৌকিক সদগতি তাহার গর্ভে আশ্রয় গ্রহণ করিয়াছে।

* * * *

এই ঘটনার পর দশ বৎসর অতীত হইয়া গেল।

ইতিমধ্যে বৈষ্ণবনাথের বৈষয়িক অবস্থার প্রচুর উন্নতি হইয়াছে। এখন তিনি পল্লীগ্রাম ছাড়িয়া কলিকাতায় বৃহৎ বাড়ি কিনিয়া বাস করিতেছেন।

কিন্তু তাহার বিষয় যতই বৃদ্ধি হইল বিষয়ের উত্তরাধিকারীর জন্ত প্রাণ ততই ব্যাকুল হইয়া উঠিতে লাগিল।

পরে পরে দুইবার বিবাহ করিলেন তাহাতে পুত্র না জন্মিয়া কেবলি কলহ জন্মিতে লাগিল। দৈবজ্ঞ-পণ্ডিতে সন্ন্যাসী-অবধূতে ঘর ভরিয়া গেল; শিকড় মাড়ুলী জলপড়া এবং পেটেন্ট ঔষধের বর্ষণ হইতে লাগিল। কালিঘাটে যত ছাগশিশু মরিল তাহার অস্থিস্তূপে তৈমুরলঙ্গের কঙ্কালজয়-স্তম্ভ খিক্ত হইতে পারিত; কিন্তু তবু, কেবল গুটিকতক অস্থি ও অতি স্বল্প মাংসের একটি ক্ষুদ্রতম শিশুও বৈষ্ণবনাথের বিশাল প্রাসাদের প্রাস্তস্থান অধিকার করিয়া দেখা দিল না। তাঁহার অবর্তমানে পরের ছেলে কে তাঁহার অন্ন খাইবে ইহাই ভাবিয়া অল্পে তাঁহার অরুচি জন্মিল।

বৈষ্ণবনাথ আরও একটু জী বিবাহ করিলেন—কারণ, সংসারে আশারও অন্ত নাই, কতাদায়প্রস্তের কত্মারও শেষ নাই।

দৈবজ্ঞেরা কুষ্ঠি দেখিয়া বলিল ঐ কত্মার পুত্রস্থানে যেরূপ শুভযোগ দেখা যাইতেছে তাহাতে বৈষ্ণবনাথের ঘরে প্রজাবৃদ্ধির আর বিলম্ব নাই; তাহার

পরে ছয় বৎসর অতীত হইয়া গেল তথাপি পুত্রহানের শুভযোগ আলস্ত পরিত্যাগ করিলেন না।

বৈজ্ঞানাথ নৈরাশ্রে অবনত হইয়া পড়িলেন। অবশেষে শাস্ত্রজ্ঞ পণ্ডিতের পরামর্শে একটা প্রচুর ব্যয়-সাধ্য যজ্ঞের আয়োজন করিলেন—তাহাতে বহুকাল ধরিয়া বহু ব্রাহ্মণের সেবা চলিতে লাগিল।

একদিকে তখন দেশব্যাপী দুর্ভিক্ষে বঙ্গ বিহার উড়িষ্যা অস্থিচর্মসার হইয়া উঠিয়াছিল। বৈজ্ঞানাথ যখন অন্নের মধ্যে বসিয়া ভাবিতেছিলেন আমার অন্ন কে খাইবে—তখন সমস্ত উপবাসী দেশ আপন রিক্তস্থলীর দিকে চাহিয়া ভাবিতেছিল, কি খাইব ?

ঠিক সেই সময়ে চারিমাশ কাল ধরিয়া বৈজ্ঞানাথের চতুর্থ সহধর্মিণী একশত ব্রাহ্মণের পদোদক পান করিতেছিল এবং একশত ব্রাহ্মণ প্রাতে প্রচুর অন্ন এবং সায়াফে অপৰ্য্যাপ্ত পরিমাণে জলপান খাইয়া খুরি সরা ভাঁড় এবং দধিহৃত-লিপ্ত কলার পাতে মুনিসিপালিটির আবর্জনাশকট পরিপূর্ণ করিয়া তুলিয়াছিল। অন্নের গন্ধে দুর্ভিক্ষকাতর বুভুক্ষুগণ দলে দলে দ্বারে সমাগত হইতে লাগিল—তাহাদিগকে সর্বদা খেদাইয়া রাখিবার জন্ত অতিরিক্ত দ্বারী নিযুক্ত হইল।

একদিন প্রাতে বৈজ্ঞানাথের মার্কল-মণ্ডিত দালানে একটি স্থলোদর সন্ন্যাসী দুইসের মোহনভোগ এবং দেড়সের দুগ্ধ সেবায় নিযুক্ত আছে—বৈজ্ঞানাথ গায়ে একখানি চাদর দিয়া ঘোড়করে একান্ত বিনীতভাবে ভূতলে বসিয়া ভক্তিতরে পবিত্র ভোজনব্যাপার নিরীক্ষণ করিতেছিলেন—এমন সময় কোনো মতে দ্বারীদের দৃষ্টি এড়াইয়া জার্ণদেহ বালক সহিত একটি অতি শীর্ণকায় রমণী গৃহে প্রবেশ করিয়া ক্ষীণ স্বরে কহিল—“বাবু, দুটি খেতে দাও।”

বৈজ্ঞানাথ শশব্যস্ত হইয়া চীৎকার করিয়া উঠিলেন “গুরুদয়াল ! গুরুদয়াল !” গতিক মন্দ বুঝিয়া জীলোকটি অতি করুণ স্বরে কহিল “ওগো, এই ছেলেটিকে দুটি খেতে দাও ! আমি কিছু চাইনে !”

গুরুদয়াল আসিয়া বালক ও তাহার মাতাকে তাড়াইয়া দিল। সেই ক্ষুধাতুর নিরন্ন বালকটি বৈজ্ঞানাথের একমাত্র পুত্র। একশত পরিপুষ্ট ব্রাহ্মণ এবং তিনজন বলিষ্ঠ সন্ন্যাসী বৈজ্ঞানাথকে পুত্রপ্রাপ্তির দুরাশায় প্রলুব্ধ করিয়া তাহার অন্ন খাইতে লাগিল।

ডিটেক্টিভ্

আমি পুলিশের ডিটেক্টিভ্ কর্মচারী। আমার জীবনে ছুটিমাত্র লক্ষ্য ছিল—আমার জীবী এবং আমার ব্যবসায়। পূর্বে একান্তবর্তী পরিবারের মধ্যে ছিলাম,—সেখানে আমার জীবী প্রতি সমাদরের অভাব হওয়াতেই আমি দাদার সঙ্গে ঝগড়া করিয়া বাহির হইয়া আসি। দাদাই উপার্জন করিয়া আমাকে পালন করিতেছিলেন—অতএব সহসা সঙ্গীক তাঁহার আশ্রয় ত্যাগ করিয়া আসা আমার পক্ষে দুঃসাহসের কাজ হইয়াছিল।

কিন্তু কখনো নিজের উপরে আমার বিশ্বাসের ক্রটি ছিল না। আমি নিশ্চয় জানিতাম, সুন্দরী জীবীকে যেমন বশ করিয়াছি বিমুখ অনৃষ্টলক্ষ্মীকেও তেমনি বশ করিতে পারিব। মহিমচন্দ্র এ-সংসারের পশ্চাতে পড়িয়া থাকিবে না।

পুলিস্ বিভাগে সামান্যভাবে প্রবেশ করিলাম, অবশেষে ডিটেক্টিভ্-পদে উত্তীর্ণ হইতে অধিক বিলম্ব হইল না।

উজ্জল শিখা হইতেও যেমন কজ্জলপাত হয় তেমনি আমার জীবী প্রেম হইতেও ঈর্ষ্যা এবং সন্দেহের কালিমা বাহির হইত। সেটাতে আমার কিছু কাজের ব্যাঘাত করিত ;—কারণ পুলিশের কর্মে স্থানান্তান কালাকাল বিচার করিলে চলে না—বরঞ্চ স্থানের অপেক্ষা অস্থান এবং কালের অপেক্ষা অকাল-টারই চর্চা অধিক করিয়া করিতে হয়—তাহাতে করিয়া আমার জীবী অস্তাবলিদ্ধ সন্দেহ আরো যেন ঘর্নিবার হইয়া উঠিত। সে আমাকে ভয় দেখাইবার জন্য বলিত, “তুমি এমন যখন-তখন যেখানে-সেখানে ঘাপন কর, কালে-ভজ্জে আমার

সঙ্গে দেখা হয়—আমার জ্ঞাত তোমার আশঙ্কা হয় না!”—আমি তাকে বলিতাম, “সন্দেহ করা আমাদের ব্যবসায়, সেই কারণে ঘরের মধ্যে সেটাকে আর আনি না।”

দ্বী বলিত—“সন্দেহ করা আমার ব্যবসায় নহে, উহা আমাব স্বভাব—আমাকে তুমি লেশমাত্র সন্দেহের কারণ দিলে আমি সব করিতে পারি।”

ডিটেক্টিভ লাইনে আমি সকলের সেরা হইব, একটা নাম রাখিব—এ-প্রতিজ্ঞা আমার দৃঢ় ছিল। এ-সম্বন্ধে যত কিছু বিবরণ এবং গল্প আছে তাহার কোনোটাই পড়িতে বাকি রাখি নাই। কিন্তু পড়িয়া কেবল মনের অসন্তোষ এবং অধীরতা বাড়িতে লাগিল।

কারণ, আমাদের দেশের অপরাধীগুলো ভীকু এবং নির্বোধ, অপরাধগুলো নিষ্কর্ষ এবং সরল—তাহার মধ্যে দুঃসহতা দুর্গমতা কিছুই নাই। আমাদের দেশের খুনী নররক্তপাতের উৎকট উত্তেজনা কোনো মতেই নিজের মধ্যে সঞ্চার করিতে পারে না। জালিয়াৎ যে জাল বিস্তার করে তাহাতে অনতিবিলম্বে নিজেই আপাদমস্তক জড়াইয়া পড়ে—অপরাধবৃদ্ধ হইতে নির্গমনের কুটকৌশল সে কিছুই জানে না। এমন নিষ্কর্ষ দেশে ডিটেক্টিভের কাজে সুখও নাই গৌরবও নাই।

বড়বাজারের মাড়োয়ারী জুয়াচোরকে অনায়াসে গ্রেফতার করিয়া কতবার মনে মনে বলিয়াছি, “ওরে অপরাধীকুলকলঙ্ক, পরের সর্বনাশ করা গুণী ওস্তাদলোকের কর্ম ; তোর মত আনাড়ি নির্বোধের সাধু তপস্বী হওয়া উচিত ছিল।” খুনীকে ধরিয়া তাহার প্রতি স্বগত উক্তি করিয়াছি,—“গবর্মেন্টের সমুদ্রত ফাঁসিকাঠি কি তোদের মত গৌরববিহীন প্রাণীদের জ্ঞাত হইয়াছিল—তোদের না আছে উদার কল্পনাশক্তি, না আছে কঠোর আত্মসংযম, তোরা বেটারা খুনী হইবার স্পর্ধা করিস্!”

আমি কল্লনাচক্ষে যখন লণ্ডন এবং প্যারিসের জনাকীর্ণ পথের ছই পাশে নীতবাস্পাকুল অস্ত্রভেদী হস্ত্যশ্রেণী দেখিতে পাইতাম তখন আমার শরীর রোমাঞ্চিত হইয়া উঠিত। মনে মনে ভাবিতাম, এই হস্ত্যরাজি এবং পথ উপপথের মধ্য দিয়া যেমন জনশ্রোত, কর্ম্মশ্রোত, উৎসবশ্রোত, সৌন্দর্য্যশ্রোত অহরহ বহিয়া যাইতেছে, তেমনি সর্বত্রই একটা হিংস্রকুটিল ক্রমকুঞ্চিত ভয়ঙ্কর

অপরোধপ্রবাহ তলে তলে আপনার পথ করিয়া চলিয়াছে, তাহারই সামীপে যুরোপীয় সামাজিকতার হাঙ্গ কৌতুক শিষ্টাচার এমন বিরাটতীষণ রমণীয়তা লাভ করিয়াছে। আর আমাদের কলিকাতার পথপার্শ্বের মুক্তবাতায়ন গৃহশ্রেণীর মধ্যে রান্নাবাটনা, গৃহকার্য্য, পরীক্ষার পাঠ, তাস দাবার বৈঠক, দাম্পত্য কলহ, বড় জোর ভ্রাতৃবিচ্ছেদ এবং মকদ্দমার পরামর্শ ছাড়া বিশেষ কিছু নাই—কোনো একটা বাড়ির দিকে চাহিয়া কখনো একথা মনে হয় না যে, হয়ত এই মুহূর্ত্তেই এই গৃহের কোনো একটা কোণে সয়তান মুখ গুঁজিয়া বসিয়া আপনার কালো কালো ডিমগুলিতে তা দিতেছে !

আমি অনেক সময়ই রাস্তায় বাহির হইয়া পথিকদের মুখ এবং চলনের ভাব পর্য্যবেক্ষণ করিতাম—ভাবে ভঙ্গীতে যাহাদিগকে কিছুমাত্র সন্দেহজনক বোধ হইয়াছে আমি অনেক সময়ই গোপনে তাহাদের অনুসরণ করিয়াছি, তাহাদের নাম ধাম ইতিহাস অনুসন্ধান করিয়াছি, অবশেষে পরম নৈরাশ্রের সহিত আবিষ্কার করিয়াছি, তাহারা নিষ্কলঙ্ক ভালোমানুষ এমন কি, তাহাদের আত্মীয় বান্ধবেরাই তাহাদের সম্বন্ধে আড়ালে কোনো প্রকার গুরুতর মিথ্যা অপবাদও প্রচার করে না। পথিকদের মধ্যে সব চেয়ে যাহাকে পাষাণ বলিয়া মনে হইয়াছে, এমন কি, যাহাকে দেখিয়া নিশ্চয় মনে করিয়াছি যে, এইমাত্র সে কোনো একটা উৎকট হুঙ্কার্য সাধন করিয়া আসিয়াছে, সন্ধান করিয়া জানিয়াছি, সে একটি ছাত্রবৃত্তি স্থলের দ্বিতীয় পণ্ডিত—তখনি অধ্যাপনকার্য্য সমাধা করিয়া বাড়ি ফিরিয়া আসিতেছে। এই সকল লোকেরাই অল্প কোনো দেশে জন্মগ্রহণ করিলে বিখ্যাত চোর ডাকাত হইয়া উঠিতে পারিত, কেবলমাত্র যথোচিত জীবনীশক্তি এবং যথেষ্ট পরিমাণ পৌরুষের অভাবেই আমাদের দেশে ইহারা কেবল পণ্ডিতী করিয়া বৃদ্ধবয়সে পেন্সন্ লইয়া মরে ;—বহু চেষ্টা ও সন্ধানের পর এই দ্বিতীয় পণ্ডিতটার নিরীহতার প্রকৃতি আমার বৈরাগ্য স্বগতীর অশ্রদ্ধা জন্মিয়াছিল কোনো অতি ক্ষুদ্র কটবাটিচোরের প্রতি তেমন হয় নাই।

অবশেষে একদিন সন্ধ্যাবেলায় আমাদেরই বাসার অনতিদূরে একটি গ্যাস্‌ল্যাম্পের নীচে একটা মানুষ দেখিলাম, বিনা আবশ্যকে সে উৎসুকভাবে একই স্থানে ঘুরিতেছে ফিরিতেছে।—তাহাকে দেখিয়া আমার সন্দেহ মাত্র রহিল না যে, সে একটি কোনো গোপন ছুরভিসন্ধির পশ্চাতে নিযুক্ত রহিয়াছে।

নিজে অন্ধকারে প্রচ্ছন্ন থাকিয়া তাহার চেহারাখানা বেশ ভালো করিয়া দেখিয়া লইলাম—তরুণ বয়স, দেখিতে সুশ্রী ;—আমি মনে মনে কহিলাম, দুষ্কর্ম করিবার এইতো ঠিক উপযুক্ত চেহারা ; নিজের মুখশ্রীই বাহাদের সর্বপ্রধান বিরুদ্ধ সাক্ষী, তাহারা যেন সর্বপ্রকার অপরাধের কাজ সর্বপ্রযত্নে পরিহার করে ;—সৎকার্য্য করিয়া তাহারা নিষ্ফল হইতে পারে কিন্তু দুষ্কর্মদ্বারা সফলতা লাভও তাহাদের পক্ষে দুরাশা ! দেখিলাম এই ছোকরাটির চেহারাটাই ইহার সর্বপ্রধান বাহ্যদুরী—সেজ্ঞা আমি মনে মনে অনেকক্ষণ ধরিয়া তাহার তারিফ করিলাম—বলিলাম, ভগবান যে দুর্লভ স্রবিধাটি দিয়াছেন সেটাকে রীতিমত কাজে খাটাইতে পার, তবে তো বলি সাবাস্ !

আমি অন্ধকার হইতে তাহার সম্মুখে আসিয়াই পৃষ্ঠে চপেটাঘাত পূর্বক বলিলাম, “এই যে, ভালো আছেন তো ?” সে তৎক্ষণাৎ প্রবল মাত্রায় চম্কিয়া উঠিয়া একেবারে কাকাসে হইয়া উঠিল ! আমি কহিলাম, “মাপ করিবেন ভুল হইয়াছে, হঠাৎ আপনাকে অল্প লোক ঠাওরাইয়াছিলাম !” মনে করিলাম, কিছুমাত্র ভুল করি নাই, বাহা ঠাওরাইয়াছিলাম তাই বটে ! কিন্তু এতটা অধিক চম্কিয়া ওঠা তাহার পক্ষে অমুপযুক্ত হইয়াছিল—ইহাতে আমি কিছু ক্লান্ত হইলাম ; নিজের শরীরের প্রতি তাহার আরো অধিক দখল থাকা উচিত ছিল ; কিন্তু শ্রেষ্ঠতার সম্পূর্ণ আদর্শ অপরাধীশ্রেণীর মধ্যেও বিরল। চোরকেও সেরা চোর করিয়া তুর্গিতে প্রকৃতি রূপণতা করিয়া থাকে।

অন্তরালে আসিয়া দেখিলাম, সে গ্যাস্পোষ্ট ছাড়িয়া চলিয়া গেল। পিছনে পিছনে গেলাম, দেখিলাম, গোলদিঘির মধ্যে প্রবেশ করিয়া পুষ্করিণীতীরে তৃণশয্যার উপর চিৎ হইয়া শুইয়া পড়িল ;—আমি ভাবিলাম উপার চিন্তার এ একটা স্থান বটে, গ্যাস্পোষ্টের তলদেশের অপেক্ষা অনেকাংশে ভালো,—লোকে যদি কিছু সন্দেহ করে তো বড় জোর এই ভাবিতে পারে যে, ছোকরাটি অন্ধকার আকাশে প্রেয়সীর মুখচন্দ্র অঙ্কিত করিয়া কৃৎসনক রাত্রির অভাব পূরণ করিতেছে। ছেলেটির প্রতি উত্তরোত্তর আমার চিত্ত আকৃষ্ট হইতে লাগিল।

অহুসঙ্কান করিয়া তাহার বাসা জানিলাম। মন্থত তাহার নাম—সে কলেজের ছাত্র, পরীক্ষা কেল করিয়া গ্রীষ্মাবকাশে ঘুরিয়া ঘুরিয়া বেড়াইতেছে,

তাহার বাসার সহবাসী ছাত্রগণ সকলেই আপন আপন বাড়ি চলিয়া গেছে। দীর্ঘ অবকাশকালে সকল ছাত্রই বাসা ছাড়িয়া পালায়—এই লোকটিকে কোনো জুটগ্রহ ছুটি দিতেছে না, সেটা বাহিব করিতে কৃতসঙ্কল্প হইলাম।

আমিও ছাত্র সাজিয়া তাহার বাসার এক অংশ গ্রহণ করিলাম। প্রথম দিন যখন সে আমাকে দেখিল, কেমন এক রকম করিয়া সে আমার মুখের দিকে চাহিল, তাহার ভাবটা ভালো বুঝিলাম না। যেন সে বিস্মিত, যেন সে আমাব অভিপ্রায় বুঝিতে পারিয়াছে—এমনি একটা ভাব। বুঝিলাম শিকারীর উপযুক্ত শিকার বটে—ইহাকে সোজা ভাবে ফস্ করিয়া কায়দা করা যাইবে না।

অথচ যখন তাহাব সহিত প্রণয়বন্ধনের চেষ্টা করিলাম, তখন সে ধরা দিতে কিছুমাত্র দ্বিধা বোধ করিল না। কিন্তু মনে হইল সে-ও আমাকে স্ত্রীকৃ দৃষ্টিতে দেখে, সে-ও আমাকে চিনিতে চায়। মনুষ্যচরিত্রের প্রতি এইরূপ সদাসতর্ক সজাগ কৌতূহল—ইহা ওস্তাদের লক্ষণ। এত অল্প বয়সে এতটা চাতুরী দেখিয়া বড় পুসি হইলাম।

মনে ভাবিলাম, মাঝখানে একজন রমণী না আনিলে এই অসাধারণ অকালধূর্ত ছেলেটির হৃদয়দ্বার উদ্ঘাটন করা সহজ হইবে না।

একদিন গদগদকণ্ঠে মন্থম্বকে বলিলাম, “ভাই, একটি স্ত্রীলোককে আমি ভালবাসি, কিন্তু সে আমাকে ভালবাসে না।”

প্রথমটা সে যেন কিছু চকিতভাবে আমার মুখের দিকে চাহিল, তাহার পর জ্বৎ হাসিয়া কহিল—“একপ দুর্ঘ্যোগ বিরল নহে। এই প্রকার মজা করিবার জুগাই কোতুকপর বিধাতা নরনারীর প্রভেদ করিয়াছেন।”

আমি কহিলাম “তোমার পরামর্শ ও সাহায্য চাহি।”—সে সম্মত হইল।

আমি বানাইয়া বানাইয়া অনেক ইতিহাস কহিলাম—সে সাগ্রহে কৌতূহলে সমস্ত কথা গুলিল—কিন্তু অধিক কথা কহিল না। আমার ধারণা ছিল, ভালবাসার—বিশেষত গার্হিত ভালবাসার—ব্যাপার প্রকাশ করিয়া বলিলে মানুষের মধ্যে অন্তরঙ্গতা দ্রুত বাড়িয়া উঠে—কিন্তু বর্তমান ক্ষেত্রে তাহার কোনো লক্ষণ দেখা গেল না—ছোকরাটি পূর্বাপেক্ষা যেন চুপ্ মারিয়া গেল।

—অথচ সকল কথা মেন মনে গাঁথিয়া লইল। ছেলেটির প্রতি আমার ভক্তির সীমা রহিল না।

এদিকে মন্থত প্রত্যহ গোপনে দ্বার রোধ করিয়া কি করে—এবং তাহার গোপন অভিসন্ধি কিরূপে কতদূরে অগ্রসর হইতেছে আমি তাহার ঠিকানা করিতে পারিলাম না—অথচ অগ্রসর হইতেছিল তাহার সন্দেহ নাই। কি একটা নিগূঢ় ব্যাপারে সে ব্যাপৃত আছে এবং সম্প্রতি সেটা অত্যন্ত পরিপক্ব হইয়াছে তাহা এই নবযুবকটির মুখ দেখিবামাত্র বুঝা যাইত! আমি গোপন চাবিতে তাহার ডেস্ক খুলিয়া দেখিয়াছি, তাহাতে একটা অত্যন্ত দুর্কৌশল কবিতার খাতা, কলেজের বক্তৃতার নোট এবং বাড়ির লোকের গোটাকতক অকিঞ্চিৎকর চিঠি ছাড়া আর কিছুই পাওয়া যায় নাই। কেবল বাড়ির চিঠি হইতে এই প্রমাণ হইয়াছে যে, বাড়ি ফিরিবাব জন্ত আত্মীয় স্বজন বারবার প্রবল অনুরোধ করিয়াছে—তথাপি, তৎসত্ত্বেও বাড়ি না গাইবার একটা সঙ্গত কারণ অবশ্য আছে—সেটা যদি ত্রায়সঙ্গত হইত তবে নিশ্চয় কথায় কথায় এতদিনে ফাঁস হইত, কিন্তু তাহার সম্পূর্ণ বিপরীত হইবার সম্ভাবনা থাকাতো এই ছোকরাটির গতিবিধি এবং ইতিহাস আমার কাছে এমন নিরতিশয় ঔৎসুক্যজনক হইয়াছে ;—যে অসামাজিক মনুষ্যসম্প্রদায় পাতালতলে সম্পূর্ণ আত্মগোপন করিয়া এই বৃহৎ মনুষ্যসমাজকে সর্বদাই নীচের দিক হইতে দোলায়মান করিয়া রাখিয়াছে, এই বালকটি সেই বিশ্বব্যাপী বহু পুরাতন বৃহৎজাতির একটি অঙ্গ, এ সামান্য একজন স্কুলের ছাত্র নহে—এ জগৎবক্ষবিহারিণী সর্বনাশিনীর একটি প্রলয় সহচর—আধুনিককালের চমকা-পরা নিরীহ বাঙালী ছাত্রের বেশে কলেজের পাঠ অধ্যয়ন করিতেছে—দৃমুণ্ডধারী কাপালিক বেশে ইহার ভৈরবতা আমার নিকট আরও ভৈরবতর হইত না ;—আমি ইহাকে ভক্তি করি।

অবশেষে সশরীরে রমণীর অবতারণা করিতে হইল। পুলিশের বেতনভোগী হরিমতি আমার সহায় হইল। মন্থতকে জানাইলাম আমি এই হরিমতির হস্তগত প্রণয়কাজী, ইহাকে লক্ষ্য করিয়াই আমি কিছু দিন গোলদিঘির ধারে মন্থতের পার্শ্বচর হইয়া “আবার গগনে কেন সুধাংশু উদয়রে” কবিতাটি বারম্বার আবৃত্তি করিলাম—এবং হরিমতিও কতকটা অন্তরের সহিত,

কতকটা লীলাসহকারে জানাইল যে, তাহার চিত্ত সে মন্থথকে সমর্পণ করিয়াছে—কিন্তু আশানুরূপ ফল হইল না—মন্থথ সূদূর নির্লিপ্ত অবিচলিত কোতূহলের সহিত সমস্ত পর্য্যবেক্ষণ করিতে লাগিল।

এমন সময় একদিন মধ্যাহ্নে তাহার ঘরের মেজেতে একখানি চিঠির গুটিকতক ছিন্নাংশ কুড়াইয়া পাইলাম। জোড়া দিয়া দিয়া এই অসম্পূর্ণ বাক্যটুকু আদায় করিলাম—“আজ সন্ধ্যা সাতটার সময় গোপনে তোমার বাসায়”—অনেক খুঁজিয়া আর কিছু বাহির করিতে পারিলাম না।

আমার অন্তঃকরণ পুলকিত হইয়া উঠিল ;—মাটির মধ্য হইতে কোনো বিলুপ্তবংশ প্রাচীন প্রাণীর একখণ্ড হাড় পাইলে প্রত্নজীবতত্ত্ববিদের কল্পনা যেমন মহানন্দে সজাগ হইয়া উঠে আমরা সেই অবস্থা হইল।

আমি জানিতাম আজ রাত্রি দশটার সময় আমাদের বাসায় হরিমতির আবির্ভাব হইবার কথা আছে—ইতিমধ্যে সন্ধ্যা সাতটার সময় ব্যাপারখানা কি? ছেলোটর যেমন সাহস তেমনি ভীক্স বুদ্ধি। যদি কোনো গোপন অপরাধের কাজ করিতে হয় তবে ঘরে যেদিন কোনো একটা বিশেষ হাল্লাম্য সেই দিন অবকাশ বুঝিয়া করা ভালো। প্রথমত প্রধান ব্যাপারের দিকে সকলের দৃষ্টি আকৃষ্ট থাকে, দ্বিতীয়ত যেদিন যেখানে কোনো বিশেষ সমাগম আছে সেদিন সেখানে কেহ ইচ্ছাপূর্বক কোনো গোপন ব্যাপারের অনুষ্ঠান করিবে ইহা কেহ সম্ভব মনে করে না।

ইহাৎ আমার সন্দেহ হইল যে, আমার সহিত এই নূতন বন্ধুত্ব এবং হরিমতির সহিত এই প্রেমাত্মিন্য ইহাকেও মন্থথ আপন কার্য্যসিদ্ধির উপায়-করিয়া লইয়াছে ;—এই জন্তই সে আপনাকে ধরাও দেয় না আপনাকে ছাড়াইয়াও লয় না। আমরা তাহাকে তাহার গোপন কার্য্য হইতে আড়াল করিয়া রাখিয়াছি—সকলেই মনে করিতেছে যে সে আমাদেরিগকে লইয়াই ব্যাপৃত রহিয়াছে—সে-ও সেই ভ্রম দূর করিতে চায় না।

তর্কশূলা একবার ভাবিয়া দেখ। যে বিদেশী ছাত্র ছুটির সময় আত্মীয় স্বজনের অহুন্নয় বিনয় উপেক্ষা করিয়া শূন্যবাসায় একলা পড়িয়া থাকে, নির্জন স্থানে তাহার বিশেষ প্রয়োজন আছে এ-বিষয়ে কাহারো সংশয় থাকিতে পারে না—অথচ আমি তাহার বাসায় আসিয়া তাহার নির্জনতা ভঙ্গ

করিয়াছি, এবং একটা রমণীর অবতারণা করিয়া নূতন উপদ্রব সৃজন করিয়াছি ; কিন্তু ইহা সত্ত্বেও সে বিবস্ত্র হয় না, বাসা ছাড়ে না, আমাদের সঙ্গ হইতে দূরে থাকে না অথচ হরিমতি অথবা আমার প্রতি তাহার তিলমাত্র আসক্তি জন্মে নাই ইহা নিশ্চয় সত্য ;—এমন কি, তাহার অসতর্ক অবস্থায় বারম্বার লক্ষ্য করিয়া দেখিয়াছি, আমাদের উভয়ের প্রতি তাহার একটা আন্তরিক স্বপ্না ক্রমেই যেন প্রবল হইয়া উঠিতেছে ।

ইহার একমাত্র তাৎপর্য্য এই যে, সজনতার সাফাইটুকু রক্ষা করিয়া নির্জনতার স্রবিধাটুকু ভোগ করিতে হইলে আমার মত নবপরিচিত লোককে নিকটে রাখা সর্ব্বাপেক্ষা সঙ্গপায় ;—এবং কোনো বিষয়ে একান্তমনে লিপ্ত হওয়ার পক্ষে রমণীর মত এমন সহজ ছুতা আর কিছু নাই । ইতিপূর্বে মন্মথর আচরণ যেক্রপ নিরর্থক এবং সন্দেহজনক ছিল, আমাদের আগমনের পর তাহা সম্পূর্ণ লোপ হইল । কিন্তু এতটা দূরের কথা মুহূর্ত্তের মধ্যে বিচার করিয়া দেখিতে পারে, এত বড় মংলবী লোক যে আমাদের বাংলা দেশে জন্মগ্রহণ করিতে পারে ইহা চিন্তা করিয়া আমার হৃদয় উৎসাহে পূর্ণ হইয়া উঠিল—মন্মথ কিছু যদি মনে না করিত তবে আমি বোধ হয় তাহাকে দুই হাতে বক্ষে চাপিয়া ধরিতে পারিতাম ।

সেদিন মন্মথর সঙ্গে দেখা হইবামাত্র তাহাকে বলিলাম, “আজ তোমাকে সন্ধ্যা সাতটার সময় হোটেলে খাওয়াইব সঙ্কল্প করিয়াছি ।” শুনিয়া সে একটু চমকিয়া উঠিল, পরে আশ্বস্বরণ করিয়া কহিল,—“ভাই মাপ কর, আমার পাকঘরের অবস্থা আজ বড় শোচনীয় ।”—হোটেলের খানায় মন্মথর কখনো কোনো কারণে অনভিষ্কৃতি দেখি নাই,—আজ তাহার অন্তরিল্লিয় নিশ্চয়ই নিতান্তই দুরূহ অবস্থায় উপনীত হইয়াছে ।

সেদিন সন্ধ্যার পূর্ব্বভাগে আমার বাসায় থাকিবার কথা ছিল না । কিন্তু আমি সেদিন গায়ে পড়িয়া নানা কথা পাড়িয়া বৈকালের দিকে কিছুতেই আর উঠিবার গা করিলাম না । মন্মথ মনে মনে অস্থির হইয়া উঠিতে লাগিল—আমার সকল মতের সঙ্গেই সে সম্পূর্ণ সম্মতি প্রকাশ করিল, কোনো, তর্কের কিছুমাত্র প্রোতবাদ করিল না । অবশেষে ঘড়ির দিকে দৃষ্টিপাত করিয়া ব্যাকুলচিত্তে উঠিয়া দাঁড়াইয়া কহিল—“হরিমতিকে আজ আনিতে

যাইবে না?” আমি সচকিত ভাবে কহিলাম—“হাঁ, হাঁ, সে-কথা ভুলিয়া গিয়াছিলাম। তুমি ভাই আহালাদি প্রস্তুত করিয়া রাখ, আমি ঠিক সাড়ে দশটা রাত্রে তাহাকে এখানে আনিয়া উপস্থিত করিব।”—এই বলিয়া চলিয়া গেলাম।

আনন্দের নেশা আমার সর্বশরীরের রক্তের মধ্যে সঞ্চারণ করিতে লাগিল। সন্ধ্যা সাত ঘটিকার প্রতি মন্মথের যে-প্রকার ঔৎসুক্য দেখিলাম আমার ঔৎসুক্য তদপেক্ষা অল্প ছিল না;—আমি আমাদের বাসার অনতিদূরে প্রচ্ছন্ন থাকিয়া প্রেমসীমাগমোৎকর্ষিত প্রণয়ীর ছায় মুহুমুহু ঘড়ি দেখিতে লাগিলাম। গোপুত্রির অন্ধকার ঘনীভূত হইয়া যখন রাজপথে গ্যাস জলিবার সময় হইল এমন সময় একটি রুদ্ধদ্বার পাকী আমাদের বাসার মধ্যে প্রবেশ করিল। ঐ আচ্ছন্ন পাকীটির মধ্যে একটি অশ্রুসিক্ত অবগুষ্ঠিত পাপ—একটি মূর্তিমতী ট্রাজেডি কলেজের ছাত্রনিবাসের মধ্যে গুটিকতক উড়ে বেহারার স্বন্ধে চাপিয়া সমুচ্চ হাঁই-ছাঁই শব্দে অত্যন্ত অনায়াসে সহজভাবে প্রবেশ করিতেছে কল্পনা করিয়া আমার সর্বশরীরে অপূর্ব পুলক সঞ্চার হইল।

আমি আর বিলম্ব করিতে পারিলাম না। অনতিকাল পরে ধীরে ধীরে সিঁড়ি বাহিয়া দোতালায় উঠিলাম। ইচ্ছা ছিল গোপনে লুকাইয়া দেখিয়া শুনিয়া লইব—কিন্তু তাহা ঘটিল না; কারণ, সিঁড়ির সম্মুখবর্তী ঘরেই সিঁড়ির দিকে মুখ করিয়া মন্মথ বসিয়াছিল—এবং গৃহের অপর প্রান্তে বিপরীতমুখে একটি অবগুষ্ঠিতা নারী বসিয়া মৃদুস্বরে কথা কহিতেছিল। যখন দেখিলাম, মন্মথ আমাকে দেখিতে পাইয়াছে, তখন দ্রুত ঘরের মধ্যে প্রবেশ করিয়াই বলিলাম, “ভাই আমার ধড়িটা ঘরে ফেলিয়া আসিয়াছি, তাই লইতে আসিলাম।” মন্মথ এমনি অভিভূত হইয়া পড়িল যে, বোধ হইল যেন তখন সে মাটিতে পড়িয়া যাইবে। আমি কোতুক এবং আনন্দে নিরতিশয় ব্যগ্র হইয়া উঠিলাম, বলিলাম—“ভাই, তোমার অন্ত্র খরিয়াকে না কি?” সে কোনো উত্তর দিতে পারিল না। তখন সেই কাষ্ঠপুত্তলিকাবৎ আড়ষ্ট অবগুষ্ঠিত নারীর দিকে ফিরিয়া জিজ্ঞাসা করিলাম, “আপনি মন্মথর কে হন?” কোনো উত্তর পাইলাম না, কিন্তু দেখিলাম, তিনি মন্মথর কেহই হন না, আমারই স্ত্রী হন! তাহার পর কি হইল সকলে জানেন।

এই আমার ডিটেক্টিভ পদের প্রথম চোর ধরা।—

আমি কিয়ৎক্ষণ পরে ডিটেক্টিভ মহিমচন্দ্রকে কহিলাম, “মন্মথর সহিত তোমার দ্বীর সঙ্ঘ সমাজ-বিরুদ্ধ না হইতেও পারে।”

মহিম কহিল—“না হইবারই সম্ভব। অশ্রমার দ্বীর বাজ হইতে মন্মথর এই চিঠিখানি পাওয়া গেছে।” বলিয়া একখানি চিঠি আমার হাতে দিল ; সেখানি নিম্নে প্রকাশিত হইল।

স্মৃতিরিতাস্থ,

হতভাগ্য মন্মথর কথা তুমি বোধ করি এতদিনে ভুলিয়া গিয়াছ। বাল্যকালে যখন কাজিবাড়ির মাতুলালয়ে বাইতাম, তখন সর্বদাই সেখান হইতে তোমাদের বাড়ি গিয়া তোমার সহিত অনেক খেলা করিয়াছি। আমাদের সে খেলাঘর এবং সে খেলার সম্পর্ক ভাঙিয়া গেছে। তুমি জান কিনা বলিতে পারি না, এক সময় ধৈর্যের বাঁধ ভাঙিয়া এবং লজ্জার মাথা খাইয়া তোমার সহিত আমার বিবাহের সম্বন্ধ চেষ্টাও করিয়াছিলাম, কিন্তু আমাদের বয়স প্রায় এক বলিয়া উভয় পক্ষেরই কর্তারা কোনো ক্রমে রাজি হইলেন না।

তাহার পর তোমার বিবাহ হইয়া গেলে চার পাঁচ বৎসর তোমার আর কোনো সন্ধান পাই নাই। আজ পাঁচ মাস হইল তোমার স্বামী কলিকাতার পুলিশের কর্ম লইয়া সহরে বদলি হইয়াছেন খবর পাইয়া আমি তোমাদের বাসা সন্ধান করিয়া বাহির করিয়াছি।

তোমার সহিত সাক্ষাতের হ্রাশা আমার নাই এবং অন্তর্যামী জানেন, তোমার গার্হস্থ্যস্থলের মধ্যে উপদ্রবের মত প্রবেশলাভ করিবার হ্রাশসন্ধিও আমি রাখি না। সন্ধ্যার সময় তোমাদের বাসার সম্মুখবর্তী একটি গ্যাসপোষ্টের তলে আমি সূর্য্যোপাসকের গ্রায় দাঁড়াইয়া থাকি—তুমি ঠিক সাড়ে সাতটার সময় একটি প্রজ্জ্বলিত কেরোসিন্ ল্যাম্প লইয়া প্রত্যহ নিয়মিত তোমাদের দোতালার দক্ষিণদিকের ঘরের কাঁচের জানলাটির সম্মুখে স্থাপন কর,—সেই সময় মুহূর্তকালের জন্ত তোমার দীপালোকিত প্রতিমাখানি আমার দৃষ্টিপথে উদ্ভাসিত হইয়া উঠে—তোমার সম্বন্ধে আমার এই একটিমাত্র অপরাধ।

ইতিমধ্যে ঘটনাক্রমে তোমার স্বামীর সহিত আমার আলাপ এবং ক্রমে

ঘনিষ্ঠতাও হইয়াছে। তাঁহার চরিত্র যেরূপ দেখিলাম, তাহাতে বুঝিতে বাকি নাই যে, তোমার জীবন স্নেহের নহে। তোমার প্রতি আমার কোনো প্রকার সামাজিক অধিকার নাই কিন্তু যে বিধাতা তোমার হৃৎথকে আমার হৃৎথে পরিণত করিয়াছেন, তিনিই সে হৃৎথ মোচনের চেষ্টাভাব আমার উপরেই স্থাপন করিয়াছেন।

অতএব আমার স্পর্ধা মাপ করিয়া শুক্রবার সন্ধ্যাবেলার ঠিক সাতটার সময় গোপনে পাকী করিয়া একবার বিশ মিনিটের জন্ত আমার বাসায় আসিলে আমি তোমাকে তোমার স্বামী সন্ধ্যাে কতকগুলি গোপন কথা বলিতে চাহি—যদি বিশ্বাস না কর এবং যদি সহ্য করিতে পার তবে তৎসন্ধ্যাে প্রমাণও দেখাইতে পারি—এবং সেই সঙ্গে কতকগুলি পরামর্শ দিতেও ইচ্ছা করি;—আমি ভগবান্কে অন্তরে রাখিয়া, আশা করিতেছি সেই পরামর্শমতে চলিলে তুমি একদিন সুখী হইতে পারিবে।

আমার উদ্দেশ্য সম্পূর্ণ নিঃস্বার্থ নহে;—ক্ষণকালের জন্ত তোমাকে সম্মুখে দেখিব, তোমার কথা শুনিব এবং তোমার চরণতলস্পর্শে আমার গৃহস্থানিকে চিরকালের জন্ত সুখস্বপ্নমণ্ডিত করিয়া তুলিব এ-আকাঙ্ক্ষাও আমার অন্তরে আছে। যদি আমাকে বিশ্বাস না কর এবং যদি এ-সুখ হইতেও আমাকে বঞ্চিত করিতে চাও, তবে সে-কথা আমাকে লিখিও—আমি তদুত্তরে পত্রযোগেই সকল কথা জানাইব। যদি চিঠি লিখিবার বিশ্বাসও না থাকে তবে আমার এই পত্রখানি তোমার স্বামীকে দেখাইয়ো,—তাহার পরে আমার যাহা বক্তব্য তাহা তাঁহাকেই বলিব।

নিত্যানুভাকাজ্জী

শ্রীমন্নথনাথ মজুমদার।

(১৩০৫—আষাঢ়)

অধ্যাপক

প্রথম পরিচ্ছেদ

কলেজে আমার সহপাঠী-সম্প্রদায়েব মধ্যে আমার একটু বিশেষ প্রতিপত্তি ছিল। সকলেই আমাকে সকল বিষয়েই সমজ্ঞার বলিয়া মনে করিত।

ইহার প্রধান কারণ—ভুল হোক আর ঠিক হোক সকল বিষয়েই আমার একটা মতামত ছিল। অধিকাংশ লোকেই হাঁ এবং না জোর করিয়া বলিতে পারে না, আমি সেটা খুব বলিতাম।

কেবল যে আমি মতামত লইয়া ছিলাম তাহা নহে, নিজেও রচনা করিতাম, বক্তৃতা দিতাম, কবিতা লিখিতাম, সমালোচনা করিতাম—এবং সর্বপ্রকারেই আমার সহপাঠীদের ঈর্ষ্যা ও শ্রদ্ধার পাত্র হইয়াছিলাম।

কলেজে এইরূপে শেষ পর্য্যন্ত আপন মহিমা মহীয়ান রাখিয়া বাহর হইয়া আসিতে পারিতাম। কিন্তু ইতিমধ্যে আমার খ্যাতিস্থানের শনি এক নূতন অধ্যাপকের মূর্ত্তি ধারণ করিয়া কলেজে উদ্ভিত হইল।

আমাদের তখনকার সেই নবীন অধ্যাপকটি আজকালকার একজন সুবিখ্যাত লোক,—অতএব আমার এই জীবনবৃত্তান্তে তাঁহার নাম গোপন করিলেও তাঁহার উজ্জ্বল নামের বিশেষ ক্ষতি হইবে না। আমার প্রতি

তাহার আচরণ লক্ষ্য করিয়া বর্তমান ইতিহাসে তাঁহাকে বামাচরণবাবু বলিয়া ডাকা যাইবে।

ইহার বয়স যে আমাদের অপেক্ষা অধিক ছিল তাহা নহে; অল্পদিন হইল এম্, এ পরীক্ষায় প্রথম হইয়া টনি সাহেবের বিশেষ প্রশংসালভ করিয়া বাহির হইয়া আসিয়াছেন; কিন্তু লোকটি ব্রাহ্ম বলিয়া কেমন তাঁহাকে অত্যন্ত সুদূর এবং স্বতন্ত্র মনে হইত—আমাদের সমকালীন সমবয়স্ক বলিয়া বোধ হইত না। আমরা নব্য হিন্দুর দল পরস্পরের মধ্যে তাঁহাকে ব্রহ্মদৈত্য বলিয়া ডাকিতাম।

আমাদের একটি তর্কসভা ছিল। আমি সে-সভার বিক্রমাদিত্য এবং আমিই সে-সভার নবরত্ন ছিলাম। আমরা ছত্রিশজন সভ্য ছিলাম, তন্মধ্যে পঁয়ত্রিশ জনকে গণনা হইতে বাদ দিলে কোনো ক্ষতি হইত না এবং অবশিষ্ট এক জনের যোগ্যতা সম্বন্ধে আমার যেরূপ ধারণা উক্ত পঁয়ত্রিশ জনেরও সেইরূপ ধারণা ছিল।

এই সভার বার্ষিক অধিবেশন উপলক্ষে আমি কার্লাইলের সমালোচনা করিয়া এক ওজস্বী প্রবন্ধ রচনা করিয়াছিলাম। মনে দৃঢ় বিশ্বাস ছিল তাহার অসাধারণত্বে শ্রোতামাত্রেই চমৎকৃত হইবে, চমৎকৃত হইবার কথা ছিল,—কারণ, আমার প্রবন্ধে কার্লাইলকে আত্মোপাস্ত নিন্দা করিয়াছিলাম।

সে-অধিবেশনে সভাপতি ছিলেন বামাচরণবাবু। প্রবন্ধ পাঠ শেষ হইলে আমার সহাধ্যায়ী ভক্তগণ আমার মতের অসম-সাহসিকতা, ও ইংরাজিভাষার বিশুদ্ধ তেজস্বিতায় বিমুগ্ধ ও নিরন্তর হইয়া বসিয়া রহিল। কাহারো কিছু বক্তব্য নাই শুনিয়া বামাচরণবাবু উঠিয়া শাস্ত গম্ভীরস্বরে সংক্ষেপে বুঝাইয়া দিলেন যে, আমেরিকার স্নলেখক স্নবিখ্যাত লাউয়েল সাহেবের প্রবন্ধ হইতে আমার প্রবন্ধটির যে-অংশ চুরি, সে অতি চমৎকার এবং যে-অংশ আমার সম্পূর্ণ নিজের সেটুকু পরিত্যাগ করিলেই ভালো হইত।

যদি তিনি বলিতেন, লাউয়েলের সহিত নবীন প্রবন্ধ-লেখকের মতের এমন কি ভাষারও আশ্চর্য্য অবিকল ঐক্য দেখা যাইতেছে তাহা হইলে তাঁহার কথাটা সত্যও হইত অথচ অপ্রিয়ও হইত না।

এই ঘটনার পর, সহপাঠীমহলে আমার প্রতি যে অথও বিশ্বাস ছিল তাহাতে একটি বিদারণেরথা পড়িল। কেবল আমার চিরামুরক্ত ভক্তাগ্রগণ্য অমূল্য-

চরণের হৃদয়ে লেশমাত্র বিকার জন্মিল না। সে আমাকে বারম্বার বলিতে লাগিল, তোমার বিদ্যাপতি নাটকখানা ব্রহ্মদৈত্যকে শুনাইয়া দাও, দেখি সে-সম্বন্ধে নিশ্চয় কি বলিতে পারে।

রাজা শিবসিংহের মহিষী লছিমাদেবীকে কবি বিদ্যাপতি ভালবাসিতেন এবং তাঁহাকে না দেখিলে তিনি কবিতা রচনা করিতে পারিতেন না। এই মর্মে অবলম্বন করিয়া আমি একখানি পরম শোকাবহ উচ্চশ্রেণীর পঞ্চ নাটক রচনা করিয়াছিলাম; আমার শ্রোতৃবর্গের মধ্যে যাহারা পুরাতত্ত্বের মর্যাদা লঙ্ঘন করিতে চাহেন না তাঁহারা বলিতেন ইতিহাসে এরূপ ঘটনা ঘটে নাই। আমি বলিতাম, সে ইতিহাসের দুর্ভাগ্য! ঘটিলে ইতিহাস ঢের বেশি সরস ও সত্য হইত।

নাটকখানি যে উচ্চশ্রেণীর, সে-কথা আমি পূর্বেই বলিয়াছি। অমূল্য বলিত সর্বোচ্চ শ্রেণীর। আমি আপনাকে যতটা মনে করিতাম, সে আবার আমাকে তাহার চেয়েও বেশি মনে করিত। অতএব আমার যে কি এক বিরাট রূপ তাহার চিত্তে প্রতিকলিত ছিল আমিও তাহার ইয়ত্তা করিতে পারিতাম না।

নাটকখানি বামাচরণ বাবুকে শুনাইয়া দিবার পরামর্শ আমার কাছে মন্দ লাগিল না—কারণ, সে-নাটকে নিন্দাযোগ্য ছিদ্র লেশমাত্র ছিল না এইরূপ আমার অদৃঢ় বিশ্বাস। অতএব, আর একদিন তর্কসভার বিশেষ অধিবেশন আহূত হইল—ছাত্রবৃন্দের সমক্ষে আমি আমার নাটকখানি পাঠ করিলাম এবং বামাচরণ বাবু তাহার সমালোচনা করিলেন।

সে-সমালোচনাটি বিস্তারিত আকারে লিপিবদ্ধ করিবার প্রবৃত্তি আমার নাই। সংক্ষেপতঃ—সমালোচনাটি আমার অশুক্ল হয় নাই; বামাচরণ বাবুর মতে নাটকগত পাত্রগণের চরিত্র ও মনোভাব সকল নির্দিষ্ট বিশেষত্ব প্রাপ্ত হয় নাই। বড় বড় সাধারণ ভাণ্ডের কথা আছে, কিন্তু তাহা বাস্তব অনিশ্চিত—শ্রেণ্যের অন্তরের মধ্যে আঁকার ও জীবন প্রাপ্ত হইয়া তাহা সৃজিত হইয়া উঠে নাই।

বৃন্দিকের পুচ্ছদেশেই ছল থাকে—বামাচরণ বাবুর সমালোচনার উপ-সংহারেই তীব্রতম বিষ সঞ্চিত ছিল। আসন গ্রহণ করিবার পূর্বে তিনি

বলিলেন, “আমার এই নাটকের অনেকগুলি দৃশ্য এবং মূলভাবটি গেটে-রচিত টাসো নাটকের অনুকরণ, এমন কি অনেকস্থলে অনুবাদ।”

এ-কথার সত্ব্তর ছিল। আমি বলিতে পারিতাম, হোক অনুকরণ, কিন্তু সেটা নিন্দার বিষয় নহে। সাহিত্য-রাজ্যে চুরি বিদ্ভা বড় বিদ্ভা—এমন কি, ধরা পড়িলেও। সাহিত্যের বড় বড় মহাজনগণ এই কাজ করিয়া আসিয়াছেন—এমন কি সেক্সপিয়রও বাদ যান না। সাহিত্যে ঘাহার অরিজিনালিটি অত্যন্ত অধিক, সে-ই চুরি করিতে সাহস করে—কারণ, সে পরের জিনিষকে সম্পূর্ণ আপনার করিতে পারে।

ভালো ভালো এইরূপ আরো অনেক কথা ছিল—কিন্তু সে-দিন বলা হয় নাই। বিনয় তাহার কারণ নহে। আসল কথা, সে-দিন একটি কথাও মনে পড়ে নাই। প্রায় পাঁচ সাতদিন পরে একে একে উত্তরগুলি দৈবাগত ব্রহ্মাঙ্গের জ্বায় আমার মনে উদয় হইতে লাগিল ;—কিন্তু শত্রুপক্ষ সম্মুখে উপস্থিত না থাকিতে সে অঙ্গগুলি আমাকেই বিধিয়া মারিল। ভাবিতাম এ-কথাগুলো অন্তত আমার ক্লাশের ছাত্রদিগকে শুনাইয়া দিব। কিন্তু উত্তরগুলি আমার সহাধ্যায়ী গদ্যভিগের বুদ্ধির পক্ষে কিছু অতিমাত্র ক্ষম ছিল। তাহারা জানিত চুরিমাঝেই চুরি ; আমার চুরি এবং অস্ত্রের চুরিতে যে কতটা প্রভেদ আছে তাহা বুঝিবার সামর্থ্য যদি তাহাদের থাকিত তবে আমার সহিতও তাহাদের বিশেষ প্রভেদ থাকিত না।

বি, এ, পরীক্ষা দিলাম—পরীক্ষায় উত্তীর্ণ হইতে পারিব তাহাতেও আমার সন্দেহ ছিল না ; কিন্তু মনে আনন্দ রহিল না। বামাচরণের সেই গুটিকতক কথার আঘাতে আমার সমস্ত খ্যাতি ও আশার অভ্র-ভেদী মন্দির ভগ্নস্থূপ হইয়া পড়িল। কেবল আমার প্রতি অবোধ অমূল্যের শ্রদ্ধা কিছুতেই হ্রাস হইল না ;—প্রভাতে যখন যশঃসূর্য্য আমার সম্মুখে উদিত ছিল তখনো সেই শ্রদ্ধা অতি দীর্ঘ ছায়ার জ্বায় আমার পদতললয় হইয়াছিল, আবার সন্ধ্যাকে যখন আমার যশঃসূর্য্য অন্তোন্মুখ হইল তখনো সেই শ্রদ্ধা দীর্ঘায়তন বিস্তার করিয়া আমার পদপ্রান্ত পরিত্যাগ করিল না। কিন্তু এ-শ্রদ্ধায় কোনো পরিতৃপ্তি নাই—ইহা শূন্য ছায়ামাত্র—ইহা মুঢ় ভক্ত-হৃদয়ের মোহাককার—ইহা বুদ্ধির উজ্জল রশ্মিপাত নহে।

দ্বিতীয় পরিচ্ছেদ

বাবা বিবাহ দিবস জন্ত আমাকে দেশ হইতে ডাকিয়া পাঠাইলেন। আমি কিছুদিন সময় লইলাম।

বামাচরণ বাবুর সমালোচনায় আমার নিজের মধ্যে একটা আত্মবিরোধ, নিজের প্রতি নিজের একটা বিদ্রোহভাব জন্মিয়াছিল। আমার সমালোচক অংশ আমার লেখক অংশকে গোপনে আঘাত দিতেছিল। আমার লেখক অংশ বলিতেছিল, আমি ইহার প্রতিশোধ লইব; আবার একবার লিখিব এবং তখন দেখিব আমি বড় না, আমার সমালোচক বড়!

মনে মনে স্থির করিলাম, বিশ্বপ্রেমে, পরের জন্ত আত্মবিসর্জন এবং শত্রুকে মার্জনা—এই ভাবটি অবলম্বন করিয়া গল্পে হোক পক্ষে হোক খুব “সান্নাইম” গোছের একটা কিছু লিখিব; বাঙালী সমালোচকদিগকে সুবৃহৎ সমালোচনার ধোঁরাক জোগাইব।

স্থির করিলাম, একটি সুন্দর নির্জন স্থানে বসিয়া আমার জীবনের এই সর্বপ্রধান কীর্তিটির সৃষ্টিকার্য্য সমাধা করিব। প্রতিজ্ঞা করিলাম, অন্তত একমাস কাল বন্ধুবান্ধব, পরিচিত অপরিচিত কাহারো সহিত সাক্ষাৎ করিব না।

অমূল্যকে ডাকিয়া আমার প্যান্ বলিলাম। সে একেবারে স্তম্ভিত হইয়া গেল,—সে যেন তখন আমার ললাটে স্বদেশের অনতিদূরবর্তী ভাবী মহিমার প্রথম অরুণজ্যোতি দেখিতে পাইল। গম্ভীর মুখে আমার হাত চাপিয়া ধরিয়া বিস্ফারিত নেত্র আমার মুখের প্রতি স্থাপন করিয়া মৃদুস্বরে কহিল—“যাও ভাই, অমর কীর্তি অক্ষয় গৌরব অর্জন করিয়া আইস!”

আমার শরীর রোমাঞ্চিত হইয়া উঠিল; মনে হইল যেন আসন্ন-গৌরব-গর্বিত ভক্তিবিশ্বল বঙ্গদেশের প্রতিনিধি হইয়া অমূল্য এই কথাগুলি আমাকে বলিল।

অমূল্যও বড় কম ত্যাগস্বীকার করিল না; সে স্বদেশের হিতের জন্ত সুদীর্ঘ একমাস কাল আমার সঙ্গপ্রত্যাশা সম্পূর্ণরূপে বিসর্জন করিল। সুগভীর

দীর্ঘনিশ্বাস ফেলিয়া আমার বন্ধু ট্রামে চড়িয়া তাহার কর্ণওয়ালিশ স্ট্রিটের বাসায় চলিয়া গেল, আমি গঙ্গার ধারে করাস্‌ডাক্সার বাগানে অমর কৌর্তি অক্ষয় গৌরব উপার্জন করিতে গেলাম ।

গঙ্গার ধারে নির্জন ঘরে চিং হইয়া শুইয়া বিশ্বজনীন প্রেমের কথা ভাবিতে ভাবিতে মধ্যাহ্নে প্রগাঢ় নিদ্রাবেশ হইত—একেবারে অপরাহ্নে পাঁচটার সময় জাগিয়া উঠিতাম । তাহার পর শরীর মনট। কিছু অবসাদগ্রস্ত হইয়া থাকিত ; কোনোমতে চিন্তাবিনোদন ও সময়-যাপনের জন্ত বাগানের পশ্চাদিক রাজপথের ধারে একটা ছোট কাঠাসনে বসিয়া চুপ্-চাপ্ করিয়া গোরুর গাড়ি ও লোকচলাচল দেখিতাম । নিতান্ত অসহ্য হইলে ধৈর্যে গিয়া বসিতাম—টেলিগ্রাফের কাঁটা কটকট শব্দ করিত, টিকিটের ঘণ্টা বাজিত, লোকসমাগম হইত, রক্তচক্ষু সহস্রপদ লৌহ-সরীসৃপ হুঁসিতে হুঁসিতে আসিত, উৎকট চীৎকার করিয়া চলিয়া যাইত, লোকজনের হুড়াহুড়ি পড়িত—কিয়ৎকালের জন্ত কোতুক বোধ করিতাম । বাড়ি ফিরিয়া আহার করিয়া সঙ্গী অভাবে সকাল সকাল শুইয়া পড়িতাম—এবং প্রাতঃকালে সকাল সকাল উঠিবার কিছুমাত্র প্রয়োজন না থাকাতে বেলা আট নয়টা পর্য্যন্ত বিছানায় যাপন করিতাম ।

শরীর মাটি হইল, বিশ্বপ্রেমের কোনো অন্ধ-সন্ধি খুঁজিয়া পাইলাম না । কোনোকালে একা থাকা অভ্যাস না থাকাতে সঙ্গিহীন গঙ্গাতীর শূন্য স্থানের মত বোধ হইতে লাগিল ;—অমূল্যটাও এমনি গর্দভ যে, একদিনের জন্তও সে আপন প্রতিজ্ঞা ভঙ্গ করিল না ।

ইতিপূর্বে কলিকাতায় বসিয়া ভাবিতাম, বিপুলছায়া বটবৃক্ষের তলে পা ছড়াইয়া বসিব, পদপ্রান্তে কলনাদিনী শ্রোতস্বিনী আপন মনে বহিয়া চলিবে—মাঝখানে স্বপ্নাবিষ্ট কবি, এবং চারিদিকে তাহার ভাবরাজ্য ও বহিঃপ্রকৃতি—কাননে পুষ্প, শাখায় বিহঙ্গ, আকাশে তারা, মনের মধ্যে বিশ্বজনীন প্রেম এবং লেখনীমুখে অশ্রান্ত অজস্র ভাবশ্রোত বিচিত্র ছন্দে প্রবাহিত । কিন্তু কোথায় প্রকৃতি এবং কোথায় প্রকৃতির কবি—কোথায় বিশ্ব আর কোথায় বিশ্বপ্রেমিক ! একদিনের জন্তও বাগানে বাহির হই নাই । কাননের ফুল কাননে ফুটিত, আকাশের তারা আকাশে উঠিত, বটবৃক্ষের ছায়া বটবৃক্ষের তলে পড়িত—আমিও ঘরের ছেলে ঘরে পড়িয়া থাকিতাম ।

আত্মমাহাত্ম্য কিছুতেই প্রমাণ করিতে না পারিয়া বামাচরণের প্রতি আক্রোশ বাড়িয়া উঠিতে লাগিল।

সে-সময়টাতে বাল্যবিবাহ লইয়া বাঙলার শিক্ষিতসমাজে একটা বাগ্ম্বন্ধ বাধিয়াছিল। বামাচরণ বাল্যবিবাহের বিরুদ্ধ পক্ষে ছিলেন এবং পরস্পর শোনা গিয়াছিল যে, তিনি একটি যুবতী কুমারীর প্রণয়-পাশে বদ্ধ হইবার প্রত্যাশায় আছেন।

বিষয়টা আমার কাছে অত্যন্ত কৌতুকাবহ ঠেকিয়াছিল, এবং বিশ্বপ্রেমের মহাকাব্যও ধরা দিল না,—তাই বসিয়া বসিয়া বামাচরণকে নায়কের আদর্শ করিয়া কদম্বকলি মজুমদার নামক একটি কাল্পনিক যুবতীকে নায়িকা খাড়া করিয়া স্মৃতির এক প্রহসন লিখিলাম। লেখনী এই অমর কীর্তিটি প্রসব করিবার পর আমি কলিকাতা যাত্রার উত্তোগ করিতে লাগিলাম। এমন সময় যাত্রার ব্যাঘাত পড়িল।

তৃতীয় পরিচ্ছেদ

একদিন অপরাহ্নে টেপনে না গিয়া অলসভাবে বাগানবাড়ির ঘরগুলি পরিদর্শন করিতেছিলাম। আবশ্যক না হওয়াতে ইতি-পূর্বে অধিকাংশ ঘরে পদার্পণ করি নাই—বাহুবল্লভসম্বন্ধে আমার কৌতূহল বা অভিনিবেশ লেশমাত্র ছিল না। সে-দিন নিতাস্তই সময়ব্যাপনের উদ্দেশে বায়ুভরে উড্ডীন চ্যুতপত্রের মত ইতস্তত করিতেছিলাম।

উত্তরদিকের ঘরের দরজা খুলিবামাত্র একটি ক্ষুদ্র বারান্দার গিয়া উপস্থিত হইলাম। বারান্দার সম্মুখেই বাগানের উত্তর সীমার প্রাচীরের গাভ্রসংলগ্ন দুইটি বৃহৎ জামের গাছ মুখামুখী করিয়া দাঁড়াইয়া আছে। সেই দুইটি গাছের মধ্যবর্তী অবকাশ দিয়া আর একটি বাগানের সুদীর্ঘ বকুলশীথির কিয়দংশ দেখা যায়।

কিন্তু সে-সময়ই আমি পরে প্রত্যক্ষ করিয়াছিলাম—তখন আমার আর কিছুই দেখিবার অবসর হয় নাই, কেবল দেখিয়াছিলাম একটি বোড়ানী যুবতী

হাতে একখানি বই লইয়া মন্তক আনমিত করিয়া পদচারণা করিতে করিতে অধ্যয়ন করিতেছে।

ঠিক সে-সময়ে কোনোরূপ তত্ত্বালোচনা করিবার ক্ষমতা ছিল না—কিন্তু কিছুদিন পরে ভাবিয়াছিলাম যে, দুঃস্থ বড় বড় বাণ-শরাসন বাগাইয়া রথে চড়িয়া বনে যুগয়া করিতে আসিয়াছিলেন, যুগ তো মরিল না, মাঝে হইতে দৈবাৎ দশমিনিট কাল গাছের আড়ালে দাঁড়াইয়া যাহা দেখিলেন, যাহা শুনিলেন তাহাই তাঁহার জীবনের সকল দেখাশুনার সেরা হইয়া দাঁড়াইল। আমিও পেন্সিল কলম এবং খাতাপত্র উত্তত করিয়া কাব্য-যুগয়ার বাহির হইয়াছিলাম; বিশ্বপ্রেম বেচারী তো পলাইয়া রক্ষা পাইল, আর আমি দুইটি জামগাছের আড়াল হইতে যাহা দেখিবার তাহা দেখিয়া লইলাম ; মানুষের একটা জীবনে এমন দুইবার দেখা যায় না !

পৃথিবীতে অনেক জিনিষই দেখি নাই। জাহাজে উঠি নাই, বেলুনে চড়ি নাই, কয়লার খনির মধ্যে নামি নাই—কিন্তু আমার নিজের মানসী আদর্শের সন্মুখে আমি যে সম্পূর্ণ ভ্রান্ত এবং অজ্ঞ ছিলাম তাহা এই উত্তরদিকের বারান্দায় আসিবার পূর্বে সন্দেহমাত্র করি নাই। বয়স একুশ প্রায় উত্তীর্ণ হয়, ইতিমধ্যে আমার অন্তঃকরণ কল্পনাযোগবলে নারীমৌল্যের একটা ধ্যানমূর্তি যে সৃজন করিয়া লয় নাই একথা বলিতে পারি না। সেই মূর্তিকে নানা বেশভূষায় সজ্জিত এবং নানা অবস্থার মধ্যে স্থাপন করিয়াছি, কিন্তু কখনো সুদূর স্বপ্নেও তাহার পায়ে জুতা গায়ে জামা হাতে বই দেখিব এমন আশাও করি নাই, ইচ্ছাও করি নাই—কিন্তু আমার লক্ষ্মী ফাঙ্কনশেষের অপরাঙ্কে প্রবীণ তরুশ্রেণীর আকম্পিত ঘনপল্লববিতানে দীর্ঘ নিপতিত-ছায়া এবং আলোক-রেখাঙ্কিত পুষ্পবনপথে জুতা পায়ে দিয়া জামা গায়ে দিয়া বই হাতে করিয়া দুইটি জামগাছের আড়ালে অকস্মাৎ দেখা দিলেন—আমিও কোনো কথাটি কহিলাম না।

দুই মিনিটের বেশি আর দেখা গেল না। নানা ছিদ্র দিয়া দেখিবার নানা চেষ্টা করিয়াছিলাম কিন্তু কোনো ফল পাই নাই। সেই দিন প্রথম সন্ধ্যার প্রাকালে বটবৃক্ষতলে প্রসারিত চরণে বসিলাম—আমার চোখের সন্মুখে পরপারের ঘনীভূত তরুশ্রেণীর উপর সন্ধ্যাতারা প্রশান্ত স্মিতহাস্তে উদ্ভত

হইল—এবং দেখিতে দেখিতে সন্ধ্যা-শ্রী আপন নাথহীন বিপুল নির্জন বাসর গৃহের দ্বার খুলিয়া দিয়া নিশকে দাঁড়াইয়া রহিল।

যে বইখানি তাহার হাতে দেখিয়াছিলাম, সে আমার পক্ষে একটা নূতন রহস্যনিকেতন হইয়া দাঁড়াইল। ভাবিতে লাগিলাম, সেটা কি বই? উপজ্ঞাস অথবা কাব্য? তাহার মধ্যে কি ভাবের কথা আছে? যে পাতাটি খোলা ছিল, এবং যাহার উপর সেই অপরাহ্ন বেলাব ছায়া ও রবিরশ্মি, সেই বকুলবনের পল্লবমন্ডর এবং সেই যুগলচক্ষুর ঔৎসুক্যপূর্ণ স্থিরদৃষ্টি নিপতিত হইয়াছিল, ঠিক সেই পাতাটিতে গল্পের কোন্ অংশ, কাব্যের কোন্ রসটুকু প্রকাশ পাইতেছিল? সেই সঙ্গে ভাবিতে লাগিলাম, ঘনযুক্ত কেশজালের অন্ধকারছায়াতলে সূকুমার ললাটমণ্ডপটির অভ্যন্তরে বিচিত্র ভাবের আবেশ কেমন করিয়া লীলায়িত হইয়া উঠিতেছিল, কুমারীহৃদয়ের নিভৃত নির্জনতার উপরে নব নব কাব্যমায়ী কি অপূর্ণ সৌন্দর্য্যলোক সৃজন করিতেছিল—অর্দ্ধেক রাত্রি ধরিয়া এমন কত কি ভাবিয়াছিলাম তাহা পরিস্ফুটরূপে ব্যক্ত করা অসম্ভব।

কিন্তু সে যে কুমারী এ-কথা আমাকে কে বলিল? আমার বহুপূর্ববর্তী প্রেমিক হৃদয়স্বত্বকে পরিচয়লাভের পূর্বেই যিনি শকুন্তলা সম্বন্ধে আশ্বাস দিয়াছিলেন, তিনিই। তিনি মনের বাসনা; তিনি মাল্লখকে সত্য মিথ্যা চের কথা অজ্ঞ বলিয়া থাকেন; কোনোটা খাটে, কোনোটা খাটে না—হৃদয়স্তের এবং আশ্রয়টা খাটিয়া গিয়াছিল।

আমায় এই অপরিচিতা প্রতিবেশিনী, বিবাহিতা কি কুমারী, ব্রাহ্মণ কি শূদ্র সে-সংবাদ লওয়া আমার পক্ষে কঠিন ছিল না—কিন্তু তাহা করিলাম না—কেবল নীরব চকোরের মত বহু সহস্র যোজন দূর হইতে আমার চন্দ্রমণ্ডলীকে বেঁটন করিয়া করিয়া উর্দ্ধকণ্ঠে নিরীক্ষণ করিবার চেষ্টা করিলাম।

পরদিন মধ্যাহ্নে একখানি ছোট নৌকা ভাড়া করিয়া তীরের দিকে চাহিয়া জোয়ার বাহিয়া চলিলাম—মাল্লাদিগকে দাঁড় টানিতে নিষেধ করিয়া দিলাম।

আমার শকুন্তলার তপোবন কুটীরটি গঙ্গার ধারেই ছিল,—কুটীরটি ঠিক কব্জের কুটিরের মত ছিল না;—গঙ্গা হইতে ঘাটের সিঁড়ি বৃহৎ বাড়ির বারান্দার উপর উঠিয়াছে—বারান্দাটি ঢালু কাঠের ছাদ দিয়া ছায়াময়।

আমার নৌকাটি যখন নিশকে ঘাটের সম্মুখে ভাসিয়া আসিল, দেখিলাম

আমার নবযুগের শকুন্তলা বারান্দার ভূমিতলে বসিয়া আছেন ; পিঠের দিকে একটা চৌকি, চৌকির উপরে গোটাকতক বই রহিয়াছে—সেই বইগুলির উপরে তাঁহার খোলা চুল স্তূপাকারে ছড়াইয়া পড়িয়াছে—তিনি সেই চৌকিতে ঠেস দিয়া উর্দ্ধমুখ করিয়া উত্তোলিত বাম বাহুর উপর মাথা রাখিয়াছেন—নৌকা হইতে তাঁহার মুখ অদৃশ্য, কেবল স্বকোমল কণ্ঠের একটি সুকুমার বক্ররেখা দেখা যাইতেছে—খোলা ছইখানি পদপল্লবের একটি ঘাটের উপরের সিঁড়িতে এবং একটি তাহার নীচের সিঁড়িতে প্রসারিত—মাড়ির কালো পাড়টি ঝাঁকা হইয়া পড়িয়া সেই ছটি পা বেঁঠন করিয়া আছে। একখানা বই মনোযোগহীন শিথিল দক্ষিণ হস্ত হইতে সস্ত হইয়া ভূতলে পড়িয়া রহিয়াছে। মনে হইল যেন মূর্তিমতী মধ্যাহ্নলক্ষ্মী। সহসা দিবসের কর্মের মাঝখানে একটি নিষ্পন্দ-সুন্দরী অবসর-প্রতিমা। পদতলে গজা, সম্মুখে সুদূর পরপার এবং উর্দ্ধে তীব্রতাপিত নীলাশ্বর তাহাদের সেই অস্তরাঙ্গারূপিণীর দিকে—সেই ছটি খোলা পা, সেই অলসবিস্তৃত বাম বাহু, সেই উৎক্লিষ্ট বন্ধিম কণ্ঠরেখার দিকে নিরতিশয় নিস্তব্ধ একাগ্রতার সহিত নীরবে চাহিয়া আছে।

যতক্ষণ দেখা যায় দেখিলাম—ছই সজলপল্লব নেত্রপাতের দ্বারা ছইখানি চরণপদ্ম বারম্বার নিছিয়া মুছিয়া লইলাম।

অবশেষে নৌকা যখন দূরে গেল মাঝখানে একটি তীরতরুর আড়াল আসিয়া পড়িল—তখন হঠাৎ যেন কি একটা ক্রটি স্মরণ হইল—চমকিয়া মাঝিকে কহিলাম, “মাঝি, আজ আর আমার হুগুণি যাওয়া হইল না—এইখান হইতেই বাড়ি ফের।”—কিন্তু ফিরিবার সময় উজানে দাঁড় টানিতে হইল—সেই শব্দে আমি সঙ্কুচিত হইয়া উঠিলাম। সেই দাঁড়ের শব্দে যেন এমন কাহাকে আঘাত করিতে লাগিল, যাহা সচেতন সুন্দর সুকুমার, যাহা অনন্ত আকাশব্যাপী, অথচ একটি হরিণশাবকের মত ভীরা। নৌকা যখন ঘাটের নিকটবর্তী হইল তখন দাঁড়ের শব্দে আমার প্রতিবেশিনী ধীরে মুখ তুলিয়া মুহূর্তকৌতূহলের সহিত আমার নৌকার দিকে চাহিল—মুহূর্ত পরেই আমার ব্যগ্রব্যাকুল দৃষ্টি দেখিয়া সে চকিত হইয়া গৃহমধ্যে চলিয়া গেল—আমার মনে হইল আমি যেন তাহাকে আঘাত করিলাম—যেন কোথায় তাহার বাজিল!

তাড়াতাড়ি উঠিবার সময় তাহার ক্রোড় হইতে একটি অর্ধ দষ্ট স্বপ্নপত্র

পেয়ারা গড়াইতে গড়াইতে নিম্ন সোপানে আসিয়া পড়িল—সেই দশনচিহ্নিত অধরচুস্বিত ফলটির জন্ত আমার সমস্ত অন্তঃকরণ উৎসুক হইয়া উঠিল—কিন্তু মাঝিমাল্লাদের লজ্জায় তাহা দূর হইতে নিরীক্ষণ করিতে করিতে চলিয়া গেলাম—দেখিলাম উত্তরোত্তর লোলুপায়মান জোয়ারের জল ছল্ ছল্ লুক শব্দে তাহার লোলরসনার দ্বারা সেই ফলটিকে আয়ত্ত করিবার জন্ত বারম্বার উন্মুখ হইয়া উঠিতেছে—আধ ঘণ্টার মধ্যে তাহার নিলজ্জ অধ্যবসায় চরিতার্থ হইবে ইহাই কল্পনা করিয়া ক্লিষ্টচিত্তে আমি আমার বাড়ির ঘাটে আসিয়া উত্তীর্ণ হইলাম।

বটবৃক্ষচ্ছায়ায় পা ছড়াইয়া দিয়া সমস্তদিন স্বপ্ন দেখিতে লাগিলাম, ছুইখানি সুকোমল পদপল্লবের তলে বিশ্বপ্রকৃতি মাথা নত করিয়া পড়িয়া আছে,—আকাশ আলোকিত, ধরণী পুলকিত, বাতাস উতলা—তাহার মধ্যে ছুইখানি অনাবৃত চরণ স্থির নিম্পন্দ সুন্দর—তাহারা জানেও না যে, তাহাদের রেণুকণার মানকতায় তপ্তযৌবন নববসন্ত দিগ্বিদিকে রোমাঞ্চিত হইয়া উঠিতেছে।

ইতিপূর্বে প্রকৃতি আমার কাছে বিক্ষিপ্ত বিচ্ছিন্ন ছিল—নদী বন আকাশ সমস্তই স্বতন্ত্র ছিল। আজ সেই বিশাল বিপুল বিকীর্ণতার মাঝখানে একটি সুন্দরী প্রতিমূর্ত্তি দেখা দিব্যমাত্র তাহা অবয়ব ধারণ করিয়া এক হইয়া উঠিয়াছে। আজ প্রকৃতি আমার কাছে এক ও সুন্দর—সে আমাকে অহরহ মুকভাবে অন্ময় করিতেছে, আমি মোন, তুমি আমাকে ভাষা দেও, আমার অন্তঃকরণে যে একটি অব্যক্ত স্তব উথিত হইতেছে তুমি তাহাকে ছন্দে লয়ে তানে তোমার সুন্দর মানবভাষায় ধ্বনিত করিয়া তোল!—

প্রকৃতির সেই নীরব অন্ময়ে আমার হৃদয়ের তন্ত্রী বাজিতে থাকে।—বারম্বার কেবল এই গান শুনি—“হে সুন্দরী, হে মনোহারিণী, হে বিশ্বজায়নী, হে মনপ্রাণপতঙ্গের একটিমাত্র দীপশিখা, হে অপরিসীম জীবন, হে অনন্তমধুর যুত্ম্য!”—এ-গান শেষ করিতে পারি না—সংলগ্ন করিতে পারি না, ইহাকে আঁকাকে পরিস্ফুট করিতে পারি না—ইহাকে ছন্দে গাঁথিয়া ব্যক্ত করিয়া বলিতে পারি না—মনে হয় আমার অন্তরের মধ্যে জোয়ারের জলের মত একটা অনির্বচনীয় অপরিমেয় শক্তির সঞ্চয় হইতেছে—এখনো তাহাকে

আমন্ত্রণ করিতে পারিতেছি না—যখন পারিব তখন আমার কণ্ঠ অকস্মাৎ দিব্য লজ্জীতে ধ্বনিত, আমার ললাট অলৌকিক আভাষ আলোকিত হইয়া উঠিবে।

এমন সময় একটি নৌকা পরপারের নৈহাটি ধ্রুশন হইতে পার হইয়া আমার বাগানের ঘাটে আসিয়া লাগিল। দুই স্বন্ধের উপর কোঁচানো চাদর খুলাইয়া ছাতাটি কক্ষে লইয়া হস্তমুখে অমূল্য নামিয়া পড়িল। অকস্মাৎ বন্ধুকে দেখিয়া আমার মনে যেরূপ ভাবোদয় হইল আশা করি শব্দের প্রাতি কাহারো যেন সেইরূপ না ঘটে। বেলা প্রায় দুইটার সময় আমাকে সেই বটের ছায়ায় নিতান্ত ক্ষিপ্তের মত বসিয়া থাকিতে দেখিয়া অমূল্যর মনে ভারি একটা আশার সঞ্চার হইল। পাছে বঙ্গদেশের ভবিষ্যৎ সর্বশ্রেষ্ঠ কাব্যের কোনো একটা অংশ তাহার পদশব্দে সচকিত হইয়া বহু রাজহংসের মত একেবারে জলের মধ্যে গিয়া পড়ে সেই ভয়ে সে সসঙ্কোচে মৃদুমনঃগমনে আসিতে লাগিল—দেখিয়া আমার আরো রাগ হইল—কিঞ্চিৎ অধীর হইয়া কহিলাম, “কি হে অমূল্য, ব্যাপারখানা কি! তোমার পায়ে কাঁটা ফুটিল না কি?” অমূল্য ভাবিল, আমি খুব একটা মজার কথা বলিলাম;—হাসিতে হাসিতে কাছে আসিয়া তরুতল কোঁচা দিয়া বিশেষরূপে ঝাড়িয়া হইল, পকেট হইতে একটি রুমাল লইয়া ভাঁজ খুলিয়া বিছাইয়া তাহার উপরে সাবধানে বসিল—কহিল, “যে প্রহসনটা লিখিয়া পাঠাইয়াছ—সেটা পড়িয়া হাসিয়া বাঁচি না”—বলিয়া তাহার স্থানে স্থানে আবৃত্তি করিতে করিতে হাঙ্গোচ্ছ্বাসে তাহার নিশ্বাসরোধ হইবার উপক্রম হইল। আমার এমনি মনে হইল যে,—ধে-কলমে সেই প্রহসনটা লিখিয়াছিলাম, সেটা যে গাছের কাণ্ডদণ্ডে নিশ্চিত, সেটাকে শিকড়-গুচ্ছ উৎপাটন করিয়া মন্ত একটা আঙুনে প্রহসনটাকে ছাই করিয়া ফেলিলেও আমার খেদ মিটিবে না।

অমূল্য সসঙ্কোচে জিজ্ঞাসা করিল, “তোমার সে কাব্যের কতদূর!” শুনিয়া আরো আমার গা জ্বলিতে লাগিল, মনে মনে কহিলাম—যেমন আমার কাব্য তেমনি তোমার বুদ্ধি! যুখে কহিলাম—“সে-সব পরে হইবে ভাই, আমাকে অনর্থক ব্যস্ত করিয়া তুলিয়ো না।”

অমূল্য লোকটা কোতূহলী—চারিদিক পর্য্যবেক্ষণ না করিয়া সে থাকিতে

পারে না—তাহার ভয়ে আমি উত্তরের দরজাটা বন্ধ করিয়া দিলাম। সে আমাকে জিজ্ঞাসা করিল, “ওদিকে কি আছে হে?” আমি বলিলাম—“কিছু না!”—এত বড় মিথ্যা কথাটা আমার জীবনে আর কখনো বলি নাই!

ছুটা দিন আমাকে নানা প্রকারে বিদ্ধ করিয়া দগ্ধ করিয়া তৃতীয় দিনের সন্ধ্যার ট্রেণে অমূল্য চলিয়া গেল। এই ছুটা দিন আমি বাগানের উত্তরের দিকে যাই নাই, সে-দিকে নেত্রপাতমাত্র করি নাই—কুপণ যেমন তাহার রক্তভাণ্ডারটি লুকাইয়া বেড়ায় আমি তেমনি করিয়া আমার উত্তরের সীমানার বাগানটি সামলাইয়া বেড়াইতেছিলাম। অমূল্য চলিয়া যাইবামাত্র একেবারে ছুটিয়া দ্বার খুলিয়া দোতলার ঘরের উত্তরের বারান্দায় বাহির হইয়া পড়িলাম। উপরে উন্নত আকাশে প্রথম কক্ষপঙ্কের অপরিপূর্ণ জ্যোৎস্না; নিম্নে শাখাজালনিবদ্ধ তরুশ্রেণীতলে খণ্ডকিরণখচিত একটি গভীর নিভৃত প্রদোষাকার; মর্শ্বরিত ঘনপল্লবের দীর্ঘনিশ্বাসে, তরুতলবিচ্যুত বকুলফুলের নিবিড় সৌরভে এবং সন্ধ্যারণ্যের স্তম্ভিত সংযত নিঃশব্দতায়, তাহা রোমে রোমে পরিপূর্ণ হইয়াছিল। তাহারি মাঝখানটিতে আমার কুমারী প্রতিবেশিনী তাহার শ্বেতশ্রঙ্গ বৃদ্ধ পিতার দক্ষিণ হস্ত ধরিয়া ধীরে ধীরে পদচারণা করিতে করিতে কি কথা কহিতেছিল—বৃদ্ধ সন্নেহে অথচ শ্রদ্ধাভরে ঈষৎ অবনমিত হইয়া নীরবে মনোযোগ সহকারে শুনিতেছিলেন। এই পবিত্র স্নিগ্ধ বিশ্রান্তালাপে ব্যাঘাত করিবার কিছুই ছিল না—সন্ধ্যাকালের শান্ত নদীতে কচিং দাঁড়ের শব্দ স্রুদূরে বিগীন হইতেছিল এবং অবিরল তরুশাখার অসংখ্য নীড়ে ছই একটি পাখী দৈবাৎ কণিক মুহূর্তকালীতে জাগিয়া উঠিতেছিল। আমার অন্তঃকরণ আনন্দে অথবা বেদনায় যেন বিদীর্ণ হইবে মনে হইল। আমার অস্তিত্ব যেন প্রসারিত হইয়া সেই ছায়ালোকবিচিত্র ধরণীতলের সহিত এক হইয়া গেল—আমি যেন আমার বস্তুত্বের উপর ধীরবিক্ষিপ্ত পদচারণা অমুভব করিতে লাগিলাম—যেন তরুপল্লবের সহিত সংলগ্ন হইয়া গিয়া আমার কানের কাছে কক্ষপঙ্কগুণ্ডনধ্বনি শুনিতে পাইলাম। এই বিশাল মূঢ় প্রকৃতির অন্তর্বেদনাকে আমার সর্বশরীরের অস্থিগুলির মধ্যে কুহরিত হইয়া উঠিল—আমি যেন কক্ষপঙ্কে পারিলাম ধরণী পাত্রের নীচে পড়িয়া থাকে অথচ পা জড়াইয়া ধরিতে

পারে না বলিয়া ভিতরে কেমন করিতে থাকে, নতশাখা বনস্পতিগুলি কথা শুনিতে পারে অথচ কিছুই বুঝিতে পারে না বলিয়া সমস্ত শাখায় পল্লবে মিলিয়া কেমন উর্দ্ধ্বাসে উন্মাদ কলশক্ষে হাহাকার করিয়া উঠিতে চাহে। আমিও আমার সর্বক্ষে সর্বান্তঃকরণে ঐ পদবিক্ষেপ ঐ বিশ্রান্তালাপ অব্যবহিত ভাবে অনুভব করিতে লাগিলাম কিন্তু কোনোমতেই ধরিতে পারিলাম না বলিয়া ঝুরিয়া ঝুরিয়া মরিতে লাগিলাম।

পরদিনে আমি আর থাকিতে পারিলাম না। প্রাতঃকালে আমার প্রতিবেশীর সাহত সাক্ষাৎ করিতে গেলাম। ভবনাথবাবু তখন বড় এক পেয়ালা চা পাশে রাখিয়া চোখে চষমা দিয়া নীল পেন্সিলে দাগ-করা একখানা ছামিল্টনের পুরাতন পুঁথি মনোযোগ দিয়া পড়িতেছিলেন। আমি ঘরে প্রবেশ করিলে চষমার উপরিভাগ হইতে, আমাকে কিয়ৎক্ষণ অগ্রমনস্কভাবে দেখিলেন—বই হইতে মনটাকে একমুহূর্তে প্রত্যাহরণ করিতে পারিলেন না। অবশেষে অকস্মাৎ সচকিত হইয়া ত্রস্তভাবে আতিথ্যের জ্ঞাত প্রস্তুত হইয়া উঠিলেন। আমি সংক্ষেপে আত্মপরিচয় দিলাম। তিনি এমনি শশব্যস্ত হইয়া উঠিলেন যে, চষমার খাপ খুঁজিয়া পাইলেন না। খামকা বলিলেন, “আপনি চা খাইবেন?” আমি যদিও চা খাই না, তথাপি বলিলাম, “আপত্তি নাই।” ভবনাথবাবু ব্যস্ত হইয়া উঠিয়া “কিরণ”, “কিরণ” বলিয়া ডাকিতে লাগিলেন। ঘরের নিকট অত্যন্ত মধুর শব্দ শুনিলাম—“কি বাবা।” ফিরিয়া দেখিলাম, তাপস-কণ্ঠ-হ্রিতা সহসা আমাকে দেখিয়া ত্রস্ত হরিণীর মত পলায়নোদ্ভূত হইয়াছেন। ভবনাথবাবু তাঁহাকে ফিরিয়া ডাকিলেন—আমার পরিচয় দিয়া কহিলেন, “ইনি আমাদের প্রতিবেশী মহীন্দ্রকুমার বাবু।”—এবং আমাকে কহিলেন, “ইনি আমার কন্যা কিরণবালা।” আমি কি করিব ভাবিয়া পাইতে-ছিলাম না, ইতিমধ্যে কিরণ আমাকে আনন্দসুন্দর নমস্কার করিলেন। আমি তাড়াতাড়ি ত্রুটি সারিয়া লইয়া তাহা শোধ করিয়া দিলাম। ভবনাথ বাবু কহিলেন, “মা মহীন্দ্র বাবুর জন্ত এক পেয়ালা চা আনিয়া দিতে হইবে।” আমি মনে মনে অত্যন্ত সঙ্কুচিত হইয়া উঠিলাম কিন্তু মুখ ফুটিয়া কিছু বলিবার পূর্বেই কিরণ বের হইতে বাহির হইয়া গেলেন। আমার মনে হইল যেন কৈলাসে সমস্ত ভোলানাথ তাঁহার কন্যা স্বয়ং দক্ষীকে অতিথির জন্তে এক পেয়ালা

চা আনিতে বলিলেন ; অতিথির পক্ষে সে নিশ্চয়ই অমিশ্র অমৃত হইতে হইবে, কিন্তু তবু, কাছাকাছি নন্দী-ভৃঙ্গী কোনো বেটাই কি হাজির ছিল না !

চতুর্থ পরিচ্ছেদ

ভবনাথ বাবুর বাড়ি আমি এখন নিত্য অতিথি। পূর্বে চা জিনিষটাকে অত্যন্ত ডরাইতাম—একশে সকালে বিকালে চা খাইয়া খাইয়া আমার চাষের নেশা ধরিয়া গেল।

আমাদের বি, এ, পরীক্ষার জন্ত জর্জান্ পণ্ডিত-বিরচিত দর্শনশাস্ত্রের নব্য ইতিহাস আমি সস্ত পাঠ করিয়া আসিয়াছিলাম, তদুপলক্ষে ভবনাথ বাবুর সহিত কেবল দর্শন আলোচনার জন্তই আসিতাম কিছু দিন এই প্রকার ভাগ করিলাম। তিনি হামিল্টন প্রভৃতি কতকগুলি সেকাল প্রচলিত ভ্রান্ত পুঁথি লইয়া এখনো নিযুক্ত রহিয়াছেন ইহাতে তাঁহাকে আমি কৃপাপাত্র মনে করিতাম, এবং আমার নূতন বিদ্যা অত্যন্ত আড়ম্বরের সহিত জাহির করিতে ছাড়িতাম না। ভবনাথ বাবু এমনি ভালোমানুষ এমনি সকল বিষয়ে সদ্ব্যোচ যে, আমার মত অল্পবয়স্ক যুবকের মুখ হইতেও সকল কথা মানিয়া যাইতেন, তিলমাত্র প্রতিবাদ করিতে হইলে অস্থির হইয়া উঠিতেন, ভয় করিতেন পাছে আমি কিছুতে ক্ষুব্ধ হই। কিরণ আমাদের এই সকল তত্ত্বালোচনার মাঝখান হইতেই কোনো ছুতায় উঠিয়া চলিয়া যাইত। তাহাতে আমার যেমন ক্ষোভ জন্মিত তেমনি আমি গর্কও অহুভব করিতাম। আমাদের আলোচ্য বিষয়ের দ্রুত পণ্ডিত্য কিরণের পক্ষে দ্রুতসহ ;—সে যখন মনে মনে আমার বিভ্রাপর্কতের পরিমাপ করিত তখন তাহাকে কত উচ্চৈ চাহিতে হইত।

কিরণকে যখন দূর হইতে দেখিতাম তখন তাহাকে শকুন্তলা দময়ন্তী প্রভৃতি বিচিত্র নামে এবং বিচিত্র ভাবে জানিতাম—এখন ঘরের মধ্যে তাহাকে কিরণ বলিয়া জানিতাম—এখন আর সে জগতের বিচিত্র নায়িকার ছায়াধূসর নহে, এখন সে একমাত্র কিরণ। এখন সে শত শতাব্দীর কাব্যলোক হইতে অবতীর্ণ হইয়া, অনন্তকালের যুবকচিত্তের স্বপ্নস্বর্ণ পরিহার করিয়া একটি নির্দিষ্ট বাঙালী-ঘরের মধ্যে কুমারী কস্তুরূপে বিরাজ করিতেছে। সে আমারই মাতৃভাষায়

আমার সঙ্গে অত্যন্ত সাধারণ ঘরের কথা বলিয়া থাকে, সামান্য কথায় সরলভাবে হাসিয়া উঠে, সে আমাদেরই ঘরের মেয়ের মত ছই হাতে ছুটি সোনার বালা পরিয়া থাকে, গলার হারটি বেশি কিছু নয় কিন্তু বড় সুমিষ্ট,—সাড়ির প্রান্তটি কখনো কবরীর উপরিভাগ ঝাঁকিয়া বেঁটন করিয়া আসে, কখনো বা পিতৃগৃহের অনভ্যাস বশত চ্যুত হইয়া পড়িয়া যায়, ইহা আমার কাছে বড় আনন্দের। সে যে অকাল্পনিক, সে যে সত্য, সে যে কিরণ, সে যে তাহা ব্যতীত নহে এবং তাহার অধিক নহে, এবং যদিচ সে আমার নহে, তবুও সে যে আমাদের, সে-জন্ত আমার অন্তঃকরণ সর্বদাই তাহার প্রতি উচ্ছ্বসিত কৃতজ্ঞতারসে অভিষিক্ত হইতে থাকে।

একদিন জ্ঞানমাত্রেয়ই আপেক্ষিকতা লইয়া ভবনাথ বাবুর নিকট অত্যন্ত উৎসাহসহকারে বাচালতা প্রকাশ করিতেছিলাম; আলোচনা কিয়দূর অগ্রসর হইবামাত্র কিরণ উঠিয়া গেল—এবং অনতিকাল পরেই সম্মুখের বারান্দায় একটা তোলা উনান এবং রাধিবার সরঞ্জাম আনিয়া রাখিয়া ভবনাথ বাবুকে ভৎসনা করিয়া বলিল—“বাবা, কেন তুমি মহীন্দ্র বাবুকে ঐ সকল শব্দ কথা লইয়া বুঝা বকাইতেছ! আত্মনু মহীন্দ্রবাবু, তার চেয়ে আমার রান্নায় যোগ দিলে কাজে লাগিবে।”

ভবনাথ বাবুর কোন দোষ ছিল না—এবং কিরণ তাহা অবগত ছিল। কিন্তু ভবনাথ বাবু অপরাধীর মত অমূল্য হইয়া ঈষৎ হাসিয়া বলিলেন, তা বটে! আচ্ছা ও-কথাটা আর একদিন হইবে।”—এই বলিয়া নিরুদ্বেগ চিত্তে তিনি তাঁহার নিত্য নিয়মিত অধ্যয়নে নিযুক্ত হইলেন।

আবার আর একদিন অপরাহ্নে আর একটা গুরুতর কথা পাড়িয়া ভবনাথ বাবুকে স্তম্ভিত করিয়া দিতেছি এমন সময় মাঝখানে আসিয়া কিরণ কহিল—“মহীন্দ্রবাবু, অবলাকে সাহায্য করিতে হইবে। দেয়ালে লতা চড়াইব, নাগাল পাইতেছি না আপনাকে এই পেরেকগুলি মারিয়া দিতে হইবে।”—আমি উৎফুল্ল হইয়া উঠিয়া গেলাম—ভবনাথবাবুও প্রফুল্ল মনে পড়িতে বলিলেন।

এমনি প্রায় যখনই ভবনাথ বাবুর কাছে আমি ভারি কথা পাড়িবার উপক্রম করি, কিরণ একটা-না-একটা কাজের ছুতা ধরিয়া ভল্ল করিয়া দেয়। ইহাতে আমি মনে মনে পুলকিত হইয়া উঠিতাম—আমি বুঝিতাম যে, কিরণের

কাছে আমি ধরা পড়িয়াছি ;—সে কেমন করিয়া বুঝিতে পারিয়াছে যে, ভবনাথ বাবুর সহিত তত্ত্বালোচনা আমার জীবনের চরম স্মৃতি নহে ।

বাহুবল্লভ সহিত আমাদের ইন্দ্রিয়বোধের সম্বন্ধ নির্ণয় করিতে গিয়া যখন দুরূহ রহস্যরসাতলের মধ্যপথে অবতীর্ণ হইয়াছি এমন সময় কিরণ আসিয়া বলিত মহীন্দ্রবাবু, রান্নাঘরের পাশে আমার বেগুনের ক্ষেত আপনাকে দেখাইয়া আনিগে, চলুন ।

আকাশকে অসীম মনে করা কেবল আমাদের অসুমানমাত্র, আমাদের অভিজ্ঞতা ও কল্পনাশক্তির বাহিরে কোথাও কোনো একরূপে তাহার সীমা থাকি কিছুই অসম্ভব নহে, ইত্যাকার মন্তব্য প্রকাশ করিতেছি এমন সময় কিরণ আসিয়া বলিত, মহীন্দ্র বাবু, হুঁটা আম পাকিয়াছে আপনাকে ডাল নামাইয়া ধরিতে হইবে ।

কি উদ্ধার, কি মুক্তি ! অকূল সমুদ্রের মাঝখান হইতে এক মুহূর্তে কি সুন্দর কূলে আসিয়া উঠিতাম । অনন্ত আকাশ ও বাহুবল্লভসম্বন্ধে সংশয়জাল যতই দ্রুতশেষ জটিল হোক না কেন, কিরণের বেগুনের ক্ষেত বা আমতলা সম্বন্ধে কোনো প্রকার চরুহতা ও সন্দেহের লেশমাত্র ছিল না । কাব্যে বা উপন্যাসে তাহা উল্লেখযোগ্য নহে কিন্তু জীবনে তাহা সমুদ্রবেষ্টিত দ্বীপের তায় মনোহর । মাটিতে পা ঠেকা যে কি আরাম তাহা সে-ই জানে, যে বহুক্ষণ জলের মধ্যে সাঁতার দিয়াছে । আমি এতদিন কল্পনায় যে প্রেমসমুদ্র সৃজন করিয়াছিলাম তাহা যদি সত্য হইত তবে সেখানে চিরকাল যে কি করিয়া ভাসিয়া বেড়াইতাম তাহা বলিতে পারি না । সেখানে আকাশও অসীম, সেখান হইতে আমাদের প্রতিদ্বন্দ্বের বিচিত্র জীবনযাত্রার সীমাবদ্ধ ব্যাপার একেবারে নির্বাসিত, সেখানে ভুচ্ছতার লেশমাত্র নাই, সেখানে কেবল ছন্দে লয়ে সঙ্গীতে ভাব ব্যক্ত করিতে হয়, এবং তলাইতে গেলে কোথাও তল পাওয়া যায় না । কিরণ সেখান হইতে মজ্জমান এই হতভাগ্যের কেশপাশ ধরিয়া যখন তাহার আমতলায় তাহার বেগুনের ক্ষেতে টানিয়া তুলিল তখন পায়ের তলায় মাটি পাইয়া আমি বাঁচিয়া গেলাম । আমি দেখিলাম, বারান্দায় বসিয়া খিচুড়ি রাঁধিয়া, মই চড়িয়া দেয়ালে পেরেক মারিয়া, লেবু গাছে ঘন সবুজ পত্ররাশির মধ্য হইতে সবুজ লেবু ফল সন্ধান করিতে সাহায্য করিয়া অভাবনীয় আনন্দ লাভ করা যায়—অথচ সে

আনন্দলাভের জন্ত কিছুমাত্র প্রয়াস পাইতে হয় না,—আপনি যে-কথা মুখে আসে, আপনি যে-হাসি উচ্ছসিত হইয়া উঠে, আকাশ হইতে যতটুকু আলো আসে এবং গাছ হইতে যতটুকু ছায়া পড়ে তাহাই যথেষ্ট। ইহা ছাড়া আমার কাছে একটি সোনার কাঠি ছিল, আমার নবযৌবন, একটি পরশপাথর ছিল, আমার প্রেম, একটি অক্ষয় কলতরু ছিল, আমার নিজের প্রতি নিজের অকুণ্ণ বিশ্বাস। আমি বিজয়ী, আমি ইন্দ্র, আমার উচ্চৈশ্বর্যের পথে কোনো বাধা দেখিতে পাই না। কিরণ আমার কিরণ, তাহাতে আমার সন্দেহ নাই। সে-কথা এতক্ষণ স্পষ্ট করিয়া বলি নাই, কিন্তু হৃদয়ের এক প্রাস্ত হইতে আর এক প্রাস্ত মুহূর্তের মধ্যে মহাসুখে বিদীর্ণ করিয়া সে কথা বিছাতের মত আমার সমস্ত অন্তঃকরণ ধাঁধিয়া ক্ষণে ক্ষণে নাচিয়া উঠিতেছিল। কিরণ আমার কিরণ।

ইতিপূর্বে আমি কোনো অনাখ্যাতা মহিলার সংস্রবে আসি নাই, যে নব্য-রমণীগণ শিক্ষালাভ করিয়া অবরোধের বাহিরে সঞ্চরণ করেন তাঁহাদের রীতিনীতি আমি কিছুই অবগত নহি,—অতএব তাঁহাদের আচরণে কোন্‌খানে শিষ্টতার সীমা কোন্‌খানে প্রেমের অধিকার তাহা আমি কিছুই জানি না ;—কিন্তু ইহাও জানি না আমাকে কেনই বা ভালো না বাসিবে? আমি কোন অংশে নূন?

কিরণ যখন আমার হাতে চায়ের পেয়ালাটি দিয়া যাইত তখন চায়ের সঙ্গে পাত্রভরা কিরণের ভালবাসাও গ্রহণ করিতাম—চা-টি যখন পান করিতাম তখন মনে করিতাম আমার গ্রহণ সার্থক হইল। এবং কিরণেরও দান সার্থক হইল। কিরণ যদি সহজস্বরে বলিত, অহীন্দ্র বাবু কাল সকালে আসবেন তো, —তাহার মধ্যে ছন্দে লয়ে বাজিয়া উঠিত—

“কি মোহিনী জান বন্ধু কি মোহিনী জান !

অবলার প্রাণ নিতে নাহি তোমা হেন !”

আমি সহজ কথায় উত্তর করিতাম—“কাল আটটার মধ্যে আসব,” তাহার মধ্যে কিরণ কি শুনিতে পাইত না,—

“পরান-পুতলি তুমি ছিয়ে-মণিহার,

সরবসধন মোর সকল সংসার ।”

আমার সমস্ত দিন এবং সমস্ত রাত্রি অমৃতে পূর্ণ হইয়া গেল। আমার সমস্ত চিন্তা এবং কল্পনা মুহূর্তে মুহূর্তে নূতন নূতন শাখা প্রশাখা বিস্তার করিয়া লতার ত্রায় কিরণকে আমার সহিত বেঁধেন করিয়া বাঁধিতে লাগিল। যখন শুভ অবসর আসিবে তখন কিরণকে কি পড়াইব, কি শিখাইব, কি শুনাইব, কি দেখাইব তাহারি অসংখ্য সঙ্কে আমার মন আচ্ছন্ন হইয়া গেল। এমন কি, স্থির করিলাম জার্মান পণ্ডিতরচিত দর্শনশাস্ত্রের নব্য ইতিহাসেও বাহাতে তাহার চিন্তের ঔৎসুক্য জন্মে এমন শিক্ষা তাহাকে দিতে হইবে—নতুবা আমাকে সে সর্বতোভাবে বুঝিতে পারিবে না। ইংরাজি কাব্যসাহিত্যের সৌন্দর্যালোকে আমি তাহাকে পথ দেখাইয়া লইয়া যাইব। আমি মনে মনে হাসিলাম, কহিলাম, কিরণ, তোমার আমতলা বেগুনের ক্ষেত আমার কাছে নূতন রাজ্য, —আমি কস্মিন্ কালে স্বপ্নেও জানিতাম না যে, সেখানে বেগুন এবং ঝড়ে-পড়া কাঁচা আম ছাড়াও হুল্লভ অমৃতফল এত সহজে পাওয়া যায়, কিন্তু যখন সময় আসিবে তখন আমিও তোমাকে এমন এক রাজ্যে লইয়া যাইব, যেখানে বেগুন ফলে না কিন্তু তথাপি বেগুনের অভাব মুহূর্তের জন্ত অনুভব করিতে হয় না। সে জ্ঞানের রাজ্য, ভাবের স্বর্গ।

হৃৎযান্ত্রিকালের দিগন্তবিলীন পাণ্ডুবর্ণ সন্ধ্যাতারা ঘনায়মান সন্ধ্যাহে ক্রমেই যেমন পরিষ্কৃত দীপ্তিলাভ করে—কিরণও তেমনি কিছুদিন ধরিয়া ভিতর হইতে আনন্দে, লাবণ্যে, নারীত্বের পূর্ণতায় যেন প্রস্ফুটিত হইয়া উঠিল। সে যেন তাহার গৃহের তাহার সংসারের ঠিক মধ্য আকাশে অধিরোহণ করিয়া চারিদিকে আনন্দের মঙ্গলজ্যোতি বিকীর্ণ করিতে লাগিল—সেই জ্যোতিতে তাহার বৃদ্ধ পিতার শুভ্র-কেশের উপর পবিজ্রতার উজ্জ্বল আভা পড়িল, এবং সেই জ্যোতি আমার উষ্মল হৃদয়-সমুদ্রের প্রত্যেক তরঙ্গের উপর কিরণের মধুর নামের একটি করিয়া জ্যোতির্শব্দ স্বাক্ষর মুদ্রিত করিয়া দিল।

এদিকে আমার ছুটি সংক্ষিপ্ত হইয়া আসিল—বিবাহ-উদ্দেশ্যে বাড়ি আসিবার জন্ত পিতার সন্মত অনুমোদন ক্রমে কঠিন আদেশে পরিণত হইবার উপক্রম হইল—এদিকে অমূল্যকেও আর ঠেকাইয়া রাখা যায় না, সে কোন্ দিন উন্মত্ত বস্ত্রহস্তীর ত্রায় আমার এই পদ্ম বনের মাঝখানে ফস্ক করিয়া তাহার বিপুল চরণ চতুষ্টয় নিক্ষেপ করিবে এ উদ্বেগও উত্তরোত্তর প্রবল হইতে লাগিল।

কেমন করিয়া অবিলম্বে অন্তরের আকাঙ্ক্ষাকে ব্যক্ত করিয়া আমার প্রণয়কে পরিণয়ে বিকশিত করিয়া তুলিব তাহাই ভাবিতে লাগিলাম।

পঞ্চম পরিচ্ছেদ

একদিন মধ্যাহ্নকালে ভবনাথবাবুর গৃহে গিয়া দেখি তিনি গ্রীষ্মের উত্তাপে চৌকিতে ঠেসান্ দিয়া ঘুমাইয়া পড়িয়াছেন এবং সম্মুখে গঙ্গাতীরের বারান্দায় নির্জন ঘাটের সোপানে বসিয়া কিরণ কি বই পড়িতেছে। আমি নিঃশব্দপদে পশ্চাতে গিয়া দেখি, একখানি নূতন কাব্য সংগ্রহ—যে পাতাটি খোলা আছে, তাহাতে Shelleyর একটি কবিতা উদ্ধৃত এবং তাহার পার্শ্বে লাল কালীতে একটি পরিষ্কার লাইন টানা—সেই কবিতাটি পাঠ করিয়া কিরণ জীবৎ একটি দীর্ঘনিশ্বাস ত্যাগ করিয়া স্বপ্নভারাকুল নয়নে আকাশের দূরতম প্রান্তের দিকে চাহিল—বোধ হইল যেন সেই একটি কবিতা কিরণ আজ এক ঘণ্টা ধরিয়া দশবার করিয়া পড়িয়াছে এবং অনন্ত নীলাকাশে আপন হৃদয়-তরণীর পালে একটি মাত্র উত্তম দীর্ঘনিশ্বাস দিয়া তাহাকে অতিদূর নক্ষত্রলোকে প্রেরণ করিয়াছে। শেলি তাহার জন্ত এই কবিতাটি লিখিয়াছিল, জানি না—মহীন্দ্রনাথ নামক কোনো বাঙালী যুবকের জন্ত লেখে নাই তাহাতে সন্দেহ নাই, কিন্তু আজ এই স্তবগানে আমি ছাড়া আর কাহারো অধিকার নাই ইহা আমি জোর করিয়া বলিতে পারি। কিরণ এই কবিতাটির পাশে আপন অন্তরতম হৃদয়-পেন্সিল দিয়া একটি উজ্জ্বল রক্ত-চিহ্ন আঁকিয়া দিয়াছে, সেই মায়াগুণীর মোহমন্ত্রে কবিতাটি আজ তাহারই—এবং সেই সঙ্গে আমারও। আমি পুলকোচ্ছ্বসিত চিত্তকে সম্বরণ করিয়া সহজ স্বরে কহিলাম, “কি পড়িতেছেন।” পালভরা নোকা যেন হঠাৎ চড়ায় ঠেকিয়া গেল। কিরণ চমকিয়া উঠিয়া তাড়াতাড়ি বইখানা বন্ধ করিয়া একেবারে আঁচলের মধ্যে ঢাকিয়া ফেলিল। আমি হাসিয়া কহিলাম, “বইখানি একবার দেখিতে পারি?” কিরণকে কি যেন বাজিল—সে আগ্রহ সহকারে বলিয়া উঠিল, “না, না, ও বই থাক্!”

আমি কিয়দূরে একটা ধাপ নীচে বসিয়া ইংরাজি কাব্য-সাহিত্যের কথা উত্থাপন করিলাম—এমন করিয়া কথা তুলিলাম যাহাতে কিরণেরও সাহিত্য শিক্ষা হয় এবং আমারও মনের কথা ইংরাজি কবির জবানীতে ব্যক্ত হইয়া উঠে। খররোদ্ৰতাপে স্নগভীর নিস্তব্ধতার মধ্যে জলেব স্থলের ছোট ছোট কলশঙ্গুলি জননীর ঘুমপাড়ানী গানের মত অতিশয় মৃদু এবং সস্বরণ হইয়া আসিল।

কিরণ যেন অধীর হইয়া উঠিল—কহিল, “বাবা একা বসিয়া আছেন, অনন্ত আকাশ সম্বন্ধে আপনাদের সে তর্কটা শেষ করিবেন না?” আমি মনে মনে ভাবিলাম, অনন্ত আকাশ তো চিরকাল থাকিবে এবং তাহার সম্বন্ধে তর্কও তো কোনোকালে শেষ হইবে না, কিন্তু জীবন স্বল্প এবং শুভ অবসর দুর্লভ ও ক্ষণস্থায়ী! কিরণের কথার উত্তর না দিয়া কহিলাম, “আমার কতকগুলি কবিতা আছে আপনাকে শুনাইব।” কিরণ কহিল, “কাল শুনিব।” বলিয়া একেবারে উঠিয়া ঘরের দিকে চাহিয়া বলিয়া উঠিল, “বাবা, মহীন্দ্রবাবু আসিয়াছেন।” ভবনাথবাবু নিদ্রাভঙ্গে বালকের ত্রায় তাহার সরল নেত্রদ্বয় উন্মীলন করিয়া ব্যস্ত হইয়া উঠিলেন। আমার বন্ধে যেন ধক্ করিয়া একটা মন্ত বা লাগিল। ভবনাথবাবুর ঘরে গিয়া অনন্ত আকাশ সম্বন্ধে তর্ক করিতে লাগিলাম। কিরণ বই হাতে লইয়া দোতলায় বোধ হয় তাহার নির্জন শয়নকক্ষে নির্বিঘ্নে পড়িতে গেল।

পরদিন সকালের ভাকে লাল পোশাকের দাগ দেওয়া একথানা স্টেটসম্যান কাগজ পাওয়া গেল, তাহাতে বি, এ, পরীক্ষার ফল বাহির হইয়াছে। প্রথমেই প্রথম ডিবিশান-কোঠায় কিরণবালা বন্দ্যোপাধ্যায় বলিয়া একটা নাম চোখে পড়িল—আমার নিজের নাম প্রথম দ্বিতীয় তৃতীয় কোন বিভাগেই নাই।

পরীক্ষায় অকৃতার্থ হইবার বেদনার সঙ্গে সঙ্গে বজ্রাগ্নির ত্রায় একটা সন্দেহ বাজিতে লাগিল যে, কিরণবালা বন্দ্যোপাধ্যায় হয়তো আমাদেরই কিরণবালা। সে যে কলেজে পড়িয়াছে বা পরীক্ষা দিয়াছে একথা যদিও আমাকে বলে নাই তথাপি সন্দেহ ক্রমেই প্রবল হইতে লাগিল। কারণ ভাবিয়া দেখিলাম, বৃদ্ধ পিতা এবং তাহার কন্ডাটি নিজেদের সম্বন্ধে কোনো কথাই কখনো আলাপ

করেন নাই—এবং আমিও নিজের আখ্যান বলিতে এবং নিজের বিজ্ঞা প্রচার করিতে সর্বদাই এমন নিযুক্ত ছিলাম যে, তাঁহাদের কথা ভালো করিয়া জিজ্ঞাসাও করি নাই।

জার্মানপণ্ডিতরচিত আমার নূতন-পড়া দর্শনের ইতিহাস সম্বন্ধীয় তর্কগুলি আমার মনে পড়িতে লাগিল—এবং মনে পড়িল আমি একদিন কিরণকে বলিয়াছিলাম, আপনাকে যদি আমি কিছুদিন গুটিকতক বই পড়াইবার সুযোগ পাই, তাহা হইলে ইংরাজি কাব্য-সাহিত্য সম্বন্ধে আপনার একটা পরিষ্কার ধারণা জন্মাইতে পারি।

কিরণবালা দর্শনশাস্ত্রে অন্যর লইয়াছেন এবং সাহিত্যে প্রথম শ্রেণীতে উত্তীর্ণ। যদি এই কিরণ হয়।

অবশেষে প্রবল খোঁচা দিয়া আপন ভ্রাতৃচক্ষুর অহঙ্কারকে উদ্দীপ্ত করিয়া কহিলাম—হয় হোক—আমার রচনাবলী আমার জন্মভূমি।—বলিয়া খাতা-হাতে সবলে পা ফেলিয়া মাথা পূর্বাংগে উঠে তুলিয়া ভবনাথবাবুর বাগানে গিয়া উপস্থিত হইলাম।

তখন তাঁহার ঘরে কেহ ছিল না। আমি একবার ভালো করিয়া বৃদ্ধের পুস্তকগুলি নিরীক্ষণ করিতে লাগিলাম। দেখিলাম, এক কোণে আমার সেই নব্য-জার্মানপণ্ডিতরচিত দর্শনের ইতিহাসখানি অনাদরে পড়িয়া রহিয়াছে—খুলিয়া দেখিলাম, ভবনাথবাবুর স্বহস্তলিখিত নোটে তাহার মার্ক্সজ্ঞান পরিপূর্ণ। বৃদ্ধ নিজে তাঁহার কত্থাকে শিক্ষা দিয়াছেন। আমার আর সন্দেহ রহিল না।

ভবনাথবাবু অল্পদিনের অপেক্ষা প্রসন্নজ্যোতি-বিচ্ছুরিত মুখে ঘরে আসিয়া প্রবেশ করিলেন—যেন কোনো সুসংবাদের নির্বরধারায় তিনি সত্ত্ব প্রাণতঃসন্ধান করিয়াছেন। আমি অকস্মাৎ কিছু দম্ভের ভাবে রুদ্ধহস্ত হাসিয়া কহিলাম—“ভবনাথবাবু, আমি পরীক্ষায় ফেল করিয়াছি।” যে সকল বড় বড় লোক বিদ্যালয়ের পরীক্ষায় ফেল করিয়া জীবনের পরীক্ষার প্রথম শ্রেণীতে উত্তীর্ণ হয়, আমি যেন আজ তাহাদেরই মধ্যে গণ্য হইলাম। পরীক্ষা, বাণিজ্য, ব্যবসা, চাকরী প্রভৃতিতে কৃতকার্য হওয়া মাঝামাঝি লোকের লক্ষণ—নিম্নতম এবং উচ্চতম শ্রেণীর লোকদেরই অকৃতকার্য হইবার আশ্চর্য্য ক্ষমতা আছে। ভবনাথবাবুর মুখ স্নেহকরণ হইয়া আসিল, তিনি তাঁহার কত্থার পরীক্ষোত্তরণ সংবাদ

আমাকে আর দিতে পারিলেন না ; কিন্তু আমার অসঙ্গত উগ্র প্রফুল্লতা দেখিয়া কিছু বিস্মিত হইয়া গেলেন । তাঁহার সরল বুদ্ধিতে আমার গর্বের কারণ বুঝিতে পারিলেন না ।

এমন সময় আমাদের কলেজের নবীন অধ্যাপক বামাচরণবাবুর সহিত কিরণ সলজ্জ সরসোজ্জ্বল মুখে বর্ষাধৌত লতাটির মত ছল্‌ছল্ করিতে করিতে ঘরের মধ্যে প্রবেশ করিল । আমার আর কিছুই বুঝিতে বাকি রহিল না । রাত্রে বাড়িতে আসিয়া আমার রচনাবলীর খাতাখানা গুড়াইয়া ফেলিয়া দেশে গিয়া বিবাহ করিলাম ।

গল্পার ধারে যে বৃহৎ কাব্য লিখিবার কথা ছিল তাহা লেখা হইল না, কিন্তু জীবনের মধ্যে তাহা লাভ করিলাম ।

(১৩০৫—ভাদ্র)

রাজটীকা

নবেন্দুশেখরের সহিত অরুণলেখার যখন বিবাহ হইল, তখন হোমধূমের অন্তরাল হইতে ভগবান প্রজাপতি ঈষৎ একটু হাস্য করিলেন। হাস্য, প্রজাপতির পক্ষে যাহা খেলা আমাদের পক্ষে তাহা সকল সময়ে কোড়ুকের নহে।

নবেন্দুশেখরের পিতা পূর্ণেন্দুশেখর ইংরাজ-রাজসরকারে বিখ্যাত। তিনি এই ভবনমুদ্রে কেবলমাত্র দ্রুতবেগে সেলাম চালনা দ্বারা রায়বাহাদুর পদবীর উত্তম মরুকূলে উত্তীর্ণ হইয়াছিলেন ;—আরো দুর্গমতর সম্মানপথের পাথেয় তাঁহার ছিল, কিন্তু পঞ্চাশ বৎসর বয়ঃক্রমকালে অনতিদূরবর্তী রাজথেতাবের কুহেলিকাচ্ছন্ন গিরিচূড়ার প্রতি করুণ, লোলুপদৃষ্টি স্থির নিবদ্ধ করিয়া এই রাজানুগৃহীত ব্যক্তি অকস্মাৎ থেতাববর্জিতলোকে গমন করিলেন এবং তাঁহার বহুসেলাম-শিথিল গ্রীবাগ্রস্থি শ্মশান-শয্যায় বিশ্রাম লাভ করিল।

কিন্তু, বিজ্ঞানে বলে শক্তির স্থানান্তর ও রূপান্তর আছে, নাশ নাই—চঞ্চলা লক্ষ্মীর অচঞ্চলা সখী সেলামশক্তি পৈতৃক স্বক্স হইতে পুত্রের স্বক্সে অবতীর্ণ হইলেন—এবং নবেন্দুর নবীব মস্তক তরঙ্গতাড়িত কুম্মাণ্ডের মত ইংলাজের দ্বারে দ্বারে অবিশ্রাম উত্তিতে পড়িতে লাগিল।

নিঃসন্তান অবস্থায় ইহার প্রথম জীবন মৃত্যু হইলে যে পরিবারে ইনি দ্বিতীয় দ্বার পরিগ্রহ করিলেন সেখানকার ইতিহাস ভিন্নপ্রকার।

সে পরিবারের বড় ভাই প্রমথনাথ পরিচিতবর্গের প্রীতি এবং আত্মীয়বর্গের আদরের স্থল ছিলেন। বাড়ির লোকে এবং পাড়ার পাঁচজনে তাঁহাকে সর্ববিষয়ে অত্মকরণস্থল বলিয়া জানিত।

প্রমথনাথ বিদ্যায় বি, এ, এবং বুদ্ধিতে বিচক্ষণ ছিলেন, কিন্তু মোটা মাহিনা বা জোর কলমের ধার ধারিতেন না ; মুকুব্বির বলও তাঁহার বিশেষ ছিল না, কারণ, ইংরাজ তাঁহাকে যে পরিমাণ দূরে রাখিত তিনিও তাহাকে সেই পরিমাণ দূরে রাখিয়া চলিতেন । অতএব গৃহকোণ ও পরিচিতমণ্ডলীর মধ্যেই প্রমথনাথ জাজ্জল্যমান ছিলেন—দূরস্থ লোকের দৃষ্টি আকর্ষণ করিবার কোনো ক্ষমতা তাঁহার ছিল না ।

এই প্রমথনাথ একবার বছর তিনেকের জন্ত বিলাতে ভ্রমণ করিয়া আসিয়াছিলেন । সেখানে ইংরাজের সৌজন্তে মুগ্ধ হইয়া ভারতবর্ষের অপমান-ভ্রুংখ ভুলিয়া ইংরাজি সাজ পরিয়া দেশে ফিরিয়া আসেন ।

ভাইবোনরা প্রথমটা একটু কুণ্ঠিত হইল—অবশেষে দুই দিন পরে বলিতে লাগিল ইংরাজি কাপড়ে দাদাকে যেমন মানায় এমন আর কাহাকেও না ; ইংরাজি বস্ত্রের গোরবগর্ক পরিবারের অন্তরের মধ্যে ধীরে ধীরে সঞ্চারিত হইল ।

প্রমথনাথ বিলাত হইতে মনে ভাবিয়া আসিয়াছিলেন কি করিয়া ইংরাজের সহিত সমপর্যায় রক্ষা করিয়া চলিতে হয় আমি তাহারই অপূর্ণ দৃষ্টান্ত দেখাইব, —নত না হইলে ইংরাজের সহিত মিলন হয় না এ-কথা যে বলে সে নিজের হীনতা প্রকাশ করে এবং ইংরাজকেও অত্যা্য অপরাধী করিয়া থাকে ।

প্রমথনাথ বিলাতের বড় বড় লোকের কাছ হইতে অনেক সাদরপত্র আনিয়া ভারতবর্ষীয় ইংরাজমহলে কিঞ্চিৎ প্রতিপত্তি লাভ করিলেন । এমন কি মধ্যে মধ্যে সঙ্গীক ইংরাজের চা, ডিনার, খেলা এবং হান্ত্যকৌতুকের কিঞ্চিৎ কিঞ্চিৎ ভাগ পাইতে লাগিলেন । সৌভাগ্যমদমত্ততায় ক্রমশই তাঁহার শিরা উপশিরা-গুলি অল্প অল্প রীরী করিতে সুরু করিল ।

এমন সময়ে একটি নূতন রেলওয়ে লাইন খোলা উপলক্ষে রেলওয়ে কোম্পানির নিমন্ত্রণে ছোটলাটের সঙ্গে দেশের অনেকগুলি রাজপ্রসাদগর্ভিত সম্ভ্রান্তলোকে গাড়ি বোঝাই করিয়া নবলোহপথে যাত্রা করিলেন । প্রমথনাথও তাহার মধ্যে ছিলেন ।

ফিরিবার সময় একটা ইংরাজদারোগা দেশীয় বড়লোকদিগকে কোনো এক বিশেষ গাড়ি হইতে অত্যন্ত অপমানিত করিয়া নামাইয়া দিল । ইংরাজ-

বেশধারী প্রমথনাথও মানে মানে নামিয়া পড়িবার উপক্রম করিতেছেন দেখিয়া দারোগা কহিল, “আপনি উঠিতেছেন কেন, আপনি বসুন না।”

এই বিশেষ সম্মানে প্রমথনাথ প্রথমটা একটু ক্ষীত হইয়া উঠিলেন। কিন্তু যখন গাড়ি ছাড়িয়া দিল, যখন তৃণহীন কর্ষণ-ধূসর পশ্চিম প্রান্তরের প্রান্ত সীমা হইতে স্নান সূর্য্যাস্ত আভা সন্ধ্যার রক্তিম লজ্জার মত সমস্ত দেশের উপর যেন পরিব্যাপ্ত হইয়া পড়িল এবং যখন তিনি একাকী বসিয়া বাতায়নপথ হইতে অনিমেষমনয়নে বনাস্তরালবাসিনী কুণ্ঠিতা বঙ্গভূমির প্রতি নিরীক্ষণ করিয়া ভাবিতে লাগিলেন, তখন ধিক্কারে তাঁহার হৃদয় বিদীর্ণ হইল এবং দুই চক্ষু দিয়া অগ্নিজ্বালাময়ী অশ্রুধারা পড়িতে লাগিল।

তাঁহার মনে একটা গল্পের উদয় হইল। একটা গর্দভ রাজপথ দিয়া দেবপ্রতিমার রথ টানিয়া চলিতেছিল, পথিকবর্গ তাহার সম্মুখে ধূলায় লুপ্তিত হইয়া প্রতিমাকে প্রণাম করিতেছিল এবং মূঢ় গর্দভ আপন মনে ভাবিতেছিল সকলে আমাকেই সম্মান করিতেছে।

প্রমথনাথ মনে মনে কহিলেন—গর্দভের সহিত আমার এই একটু প্রভেদ দেখিতেছি, আমি আজ বুকিয়াছি সম্মান আমাকে নহে, আমার স্বক্দের বোঝাগুলিকে।

প্রমথনাথ বাড়ি আসিয়া বাড়ির ছেলেপুলে সকলকে ডাকিয়া একটা হোমায়ি জ্বালাইলেন এবং বিলাতি বেশভূষাগুলো একে একে আহুতি-স্বরূপ নিক্ষেপ করিতে লাগিলেন।

শিখা যতই উচ্চ হইয়া উঠিল ছেলেরা ততই উচ্ছ্বসিত আনন্দে নৃত্য করিতে লাগিল। তাহার পর হইতে প্রমথনাথ ইংরাজ-ঘরের চা'য়ের চুমুক এবং রুটির টুকরা পরিত্যাগ করিয়া পুনশ্চ গৃহকোণদুর্গের মধ্যে দুর্গম হইয়া বসিলেন, এবং পূর্বোক্ত লাঞ্ছিত উপাধিধারিগণ পূর্ববৎ ইংরাজের দ্বারে দ্বারে উন্নয়ন আন্দোলিত করিয়া ফিরিতে লাগিল।

দৈবহুযোগে দুর্ভাগ্য নবেন্দ্রশেখর এই পরিবারের একটি মধ্যমা ভগিনীকে বিবাহ করিয়া বসিলেন। বাড়ির মেয়েগুলি লেখাপড়াও যেমন জানে দেখিতে শুনিতেও তেমনি—নবেন্দ্র ভাবিলেন, বড় জিতলাম।

কিন্তু আমাকে পাইয়া তোমরাও জিতিয়াছ একথা প্রমাণ করিতে কালবিলম্ব

করিলেন না। কোন্ সাহেব তাঁহার বাবাকে কবে কি চিঠি লিখিয়াছিল তাহা যেন নিতান্ত ভ্রমবশত দৈবক্রমে পকেট হইতে বাহির করিয়া শ্রালীদের হস্তে চালানু করিয়া দিতে লাগিলেন। শ্রালীদের সুকোমল বিদ্যোষ্ঠের ভিতর হইতে তীক্ষ্ণ-প্রখর হাসি যখন টুকটুকে মখমলের থাপের ভিতরকার বকুবকে ছোরার মত দেখা দিতে লাগিল, তখন স্থানকালপাত্র সম্বন্ধে হতভাগ্যের চৈতন্য জন্মিল। বুঝিল বড় ভুল করিয়াছি।

শ্রালীবর্গের মধ্যে জ্যেষ্ঠা এবং রূপশুণে শ্রেষ্ঠা লাবণ্যলেখা একদা শুভদিন দেখিয়া নবেন্দুর শয়নকক্ষের কুলুঙ্গির মধ্যে ছই জোড়া বিলাতি বুটু সিন্দুরে মণ্ডিত করিয়া স্থাপন করিল; এবং তাহার সম্মুখে ফুলচন্দন ও ছই অলস্ত বাতি রাখিয়া ধূপধূনা জ্বালাইয়া দিল। নবেন্দু ঘরে প্রবেশ করিবামাত্র ছই শ্রালী তাহার ছই কান ধরিয়া কহিল, “তোমার ইষ্ট দেবতাকে প্রণাম কর, তাঁহার কল্যাণে তোমার পদবৃদ্ধি হৌক।”

তৃতীয়া শ্রালী কিরণলেখা বহুদিন পরিশ্রম করিয়া একখানি চাদরে জোন্স্ স্মিথ্ ব্রাউন্ টমসন্ প্রভৃতি একশত প্রচলিত ইংরাজি নাম লাল হতা দিয়া সেলাই করিয়া একদিন মহাসমারোহে নবেন্দুকে নামাবলি উপহার দিল।

চতুর্থ শ্রালী শশাঙ্কলেখা যদিও বয়ঃক্রম হিসাবে গণ্যব্যক্তির মধ্যে নহে, বলিল, “ভাই আমি একটি জপমালা তৈরি করিয়া দিব, সাতেবের নাম জপ করিবে।”

তাহার বড় বোনরা তাহাকে শাসন করিয়া বলিল, “বাঃ তোর আর জ্যাঠামি করিতে হইবে না।”

নবেন্দুর মনে মনে রাগও হয় লজ্জাও হয় কিন্তু শ্রালীদের ছাড়িতেও পারে না; বিশেষত বড় শ্রালীটি বড় সুন্দরী। তাহার মধুও যেমন কাটাও তেমনি; তাহার নেশা এবং তাহার জ্বালা দুটোই মনের মধ্যে একেবারে লাগিয়া থাকে। ক্ষতপক্ষ পতঙ্গ রাগিয়া ভেঁ-ভেঁ করিতে থাকে অথচ অন্ধ আবোধের মত চারিদিকে ঘুরিয়া ঘুরিয়া মরে।

অবশেষে শ্রালীসংসর্গের প্রবল মোহে পড়িয়া সাহেবের সোহাগলালসা, নবেন্দু সম্পূর্ণ অস্বীকার করিতে লাগিল। বড় সাহেবকে যেদিন সেলাম নিবেদন করিতে যাইত শ্রালীদিককে বলিত, স্নেহে ভাঙুঘোর বক্তৃতা শুনিতে

যাইতেছি। দার্জিলিং হইতে প্রত্যাগমন মেজো সাহেবকে ষ্টেশনে সম্মান জ্ঞাপন করিতে যাইবার সময় শ্রালীদিগকে বলিয়া যাইত, মেজো মামার সহিত দেখা করিতে চলিলাম।

সাহেব এবং শ্রালী এই দুই নোকায় পা দিয়া হতভাগা বিষম সঙ্কটে পড়িল। শ্রালীরা মনে মনে কহিল, তোমার অস্ত্র নোকাটাকে ফুটা না করিয়া ছাড়িব না।

মহারাজার আগামী জন্মদিনে নবেন্দু খেতাব-স্বর্গলোকের প্রথম সোপানে রায়বাহাদুর পদবীতে পদার্পণ করিবেন এইরূপ গুজব শুনা গেল—কিন্তু সেই সম্ভাবিত সম্মানলাভের আনন্দ-উচ্ছ্বাসিত সংবাদ ভীরা বেচারী শ্রালীদিগের নিকট ব্যক্ত করিতে পারিল না;—কেবল একদিন শরৎ-শুরুপক্ষের সায়াহ্নে সর্ব্বেনশে চাঁদের আলোকে পরিপূর্ণ-চিত্তাবেগে জ্বরী কাছে প্রকাশ করিয়া ফেলিল। পরদিন দিবালোকে জ্বরী পাকী করিয়া তাহার বড় দিদির বাড়ি গিয়া অশ্রুগদগদ কষ্টে আক্ষেপ করিতে লাগিল। লাভণ্য কহিল, “তা বেশ তো, রায়বাহাদুর হইয়া তোর স্বামীর তো লেজ বাহির হইবে না—তোর এত লজ্জাটা কিসের!”

অরুণলেখা বারম্বার বলিতে লাগিল,—“না দিদি, আর যাই হই, আমি রায়বাহাদুরনী হইতে পারিব না।”

আসল কথা অরুণের পরিচিত ভূতনাথবাবু রায়বাহাদুর ছিলেন—পদবীটার প্রতি আন্তরিক আপত্তির কারণ তাহাই!

লাভণ্য অনেক আশ্বাস দিয়া কহিল, “আচ্ছা তোকে সেজন্ত ভাবিতে হইবে না।”

বন্ধারে লাভণ্যের স্বামী নীলরতন কাজ করিতেন। শরতের অবসানে নবেন্দু সেখান হইতে লাভণ্যের নিমন্ত্রণ পাইলেন। সানন্দচিত্তে অনতিবিলম্বে গাড়ি চড়িয়া যাত্রা করিলেন। রেল চড়িবার সময় তাঁহার বামাজ কাঁপিল না—কিন্তু তাহা হইতে কেবল এই প্রমাণ হয় যে, আসন্ন বিপদের সময় বামাজ কাঁপাটা একটা অমূলক কুসংস্কারমাত্র।

লাভণ্যলেখা পশ্চিম প্রদেশের নব-নীতাগমসম্মত স্বাস্থ্য এবং সৌন্দর্য্যের অরুণে পাণ্ডুরে পূর্ণ পরিষ্কৃত হইয়া নিম্নলিখিত শরৎকালের নির্জননদীকূললালিতা অগ্নানপ্রকৃষ্টা কাশবনজীর মত হান্তে ও হিল্লোলে ঝলমল করিতেছিল।

নবেন্দুর মুগ্ধদৃষ্টির উপরে যেন একটি পূর্ণপুষ্পিতা মালতীলতা নবপ্রভাতের নীতোজ্জ্বল শিশিরকণা ঝলকে ঝলকে বর্ষণ করিতে লাগিল।

মনের আনন্দে এবং পশ্চিমে হাওয়ায় নবেন্দুর অজীর্ণ রোগ দূর হইয়া গেল। স্বাস্থ্যের নেশায়, সৌন্দর্য্যের মোহে এবং শ্রাদ্ধীহস্তের শুভ্রবাঁপুলকে সে যেন মাটি ছাড়িয়া আকাশের উপর দিয়া চলিতে লাগিল। তাহাদের বাগানের সম্মুখ দিয়া পরিপূর্ণ গঙ্গা যেন তাহারই মনের ছরস্তু পাগুলামিকে আকার দান করিয়া বিধম গোলমাল করিতে করিতে প্রবল আবেগে নিরুদ্দেশ হইয়া চলিয়া যাইত।

ভোরের বেলা নদীতীরে বেড়াইয়া ফিরিবার সময় শীতপ্রভাতের স্নিগ্ধ রৌদ্র যেন প্রিয়মিলনের উত্তাপের মত তাহার সমস্ত শরীরকে চরিতার্থ করিয়া দিত। তাহার পর ফিরিয়া আসিয়া শ্রাদ্ধীর সখের রক্তনে জোগান্ দিবার ভার লইয়া নবেন্দুর অস্বস্ততা ও অনৈপুণ্য পদে পদে প্রকাশ পাইতে থাকিত। কিন্তু অভয়াস ও মনোযোগের দ্বারা উত্তরোত্তর তাহা সংশোধন করিয়া লইবার জন্ত মৃৎ অনভিজ্ঞের কিছুমাত্র আগ্রহ দেখা গেল না, —কারণ, প্রত্যহ নিজেকে অপরাধী করিয়া সে যে-সকল তাড়না ভৎসনা লাভ করিত তাহাতে কিছুতেই তাহার তৃপ্তির শেষ হইত না। যথাযথ পরিমাণে মাল্‌মস্‌লা বিভাগ, উনান হইতে হাঁড়ি তোলা-নামা, উত্তাপাধিক্যে ব্যঞ্জন পুড়িয়া না যায় তাহার যথোচিত ব্যবস্থা—ইত্যাদি বিষয়ে সে যে সজোজাত শিশুর মত অপটু অক্ষম এবং নিরুপায় ইহাই প্রত্যহ বলপূর্ব্বক প্রমাণ করিয়া নবেন্দু শ্রাদ্ধীর কুপামিশ্রিত হাস্ত এবং হাস্তমিশ্রিত লাঞ্ছনা মনের স্নেহে ভোগ করিত।

মধ্যাহ্নে একদিকে কুখার তাড়না অন্তরিকে শ্রাদ্ধীর পীড়াপীড়ি, নিজের আগ্রহ এবং প্রিয়জনদের ঔৎসুক্য, রক্তনের পারিপাট্য এবং রক্তনীর দেবামাধুর্য্য উভয়ের সংযোগে ভোজন ব্যাপারের ওজন রক্ষা করা তাহার পক্ষে কঠিন হইয়া উঠিত।

আহারের পর সামান্য তাস খেলাতেও নবেন্দু প্রতিভার পরিচয় দিতে পারিত না। চুরি করিত, হাতের কাগজ দেখিত, কাড়াকাড়ি বকাবকি বাধাইয়া দিত কিন্তু সব জিতিতে পারিত না। না জিতিলেও জোর করিয়া তাহার হার অস্বীকার করিত এবং সেজন্ত প্রত্যহ তাহার গঙ্গনার সীমা থাকিত না ; তথাপিও পাষণ্ড আত্মসংশোধন-চেষ্টায় সম্পূর্ণ উদাসীন ছিল।

কেবল এক বিষয়ে তাহার সংশোধন সম্পূর্ণ হইয়াছিল। সাহেবের সোহাগ যে জীবনের চরম লক্ষ্য একথা সে উপস্থিতমত ভুলিয়া গিয়াছিল। আত্মীয় স্বজনের শ্রদ্ধা ও স্নেহ যে কত সুখের ও গৌরবের ইহাই সে সর্বাস্তঃকরণে অনুভব করিতেছিল।

তাহা ছাড়া, সে যেন এক নূতন আবহাওয়ার মধ্যে পড়িয়া গিয়াছিল। লাভণ্যর স্বামী নীলরতনবাবু আদালতে বড় উকিল হইয়াও সাহেব সুবাদে সহিত সাক্ষাৎ করিতে যাইতেন না বলিয়া অনেক কথা উঠিত—তিনি বলিতেন—“কাজ কি ভাই! যদি গান্ঠা ভদ্রতা না করে তবে আমি যাঁহা দিলাম তাহা তো কোনো মতেই ফিরাইয়া পাইব না। মরুভূমির বালি ফুটফুটে সাদা বলিয়াই কি তাহাতে বীজ বুনিয়া কোনো সুখ আছে! ফসল ফিরিয়া পাইলে কালো জমিতে বীজ বোনা যায়।”

নবেন্দুও টানে পড়িয়া দলে ভিড়িয়া গেল। তাহার আর পরিণাম চিন্তা রহিল না। পৈতৃক এবং স্বকীয় যত্নে পূর্বে জমি যাঁহা পাট করা ছিল তাহাতেই রায়বাহাদুর খেতাবের সম্ভাবনা আপনিই বাড়িতে লাগিল। ইতিমধ্যে আর নবজলসিঞ্চনের প্রয়োজন রহিল না। নবেন্দু ইংরাজের বিশেষ একটি সখের সহরে এক বহুবায়সাধ্য ঘোড়দোড়হান নির্মাণ করিয়া দিয়াছিলেন।

হেনকালে কনগ্রেসের সময় নিকটবর্তী হইল। নীলরতনের নিকট তাঁদা সংগ্রহের অনুরোধপত্র আসিল।

নবেন্দু লাভণ্যর সহিত মনের আনন্দে নিশ্চিন্ত মনে তাস খেলিতেছিল। নীলরতন থাতা-হস্তে মধ্যে আসিয়া পড়িয়া কহিল—“একটা সই দিতে হইবে।”

পূর্বসংস্কারক্রমে নবেন্দুর মুখ শুকাইয়া গেল। লাভণ্য শশব্যস্ত হইয়া কহিল, “খবরদার এমন কাজ করিয়ো না, তোমার ঘোড়দোড়ের মাঠখানা মাটি হইয়া যাইবে!”

নবেন্দু আশ্বাস দিয়া কহিল—“সেই ভাবনায় আমার রাজে ঘুম হয় না।”

নীলরতন আশ্বাস দিয়া কহিল, “তোমার নাম কোনো কাগজে প্রকাশ হইবে না।”

লাভণ্য অত্যন্ত চিন্তিত বিজ্ঞভাবে কহিল—“তবু কাজ কি! কি জানি কথায় কথায়—”

নবেন্দু তীব্রস্বরে কহিল, “কাগজে প্রকাশ হইলে আমার নাম ক্ষইয়া যাইবে না।”

এই বলিয়া নীলরতনের হাত হইতে খাতা টানিয়া একেবারে হাজার টাকা ফন্স করিয়া সই করিয়া দিল। মনের মধ্যে আশা রহিল, কাগজে সংবাদ বাহির হইবে না।

লাবণ্য মাথায় হাত দিয়া কহিল, “করিলে কি !”

নবেন্দু দর্পভরে কহিল, “কেন, অত্যাঁয় কি করিয়াছি !

লাবণ্য কহিল—“শেয়ালদহ ষ্টেশনের গার্ড ; হোয়াইট্ অ্যাভের দোকানের অ্যাসিস্ট্যান্ট, হাটব্রাদারদের সহিস সাহেব এঁরা যদি তোমার উপর রাগ করিয়া অভিমান করিয়া বসেন—যদি তোমার পূজার নিমন্ত্রণে গ্রাম্পেন্ খাইতে না আসেন, যদি দেখা হইলে তোমার পিঠ না চাপড়ান্ !”

নবেন্দু উদ্ধতভাবে কহিল, “তাহা হইলে আমি বাসায় গিয়া মরিয়া থাকিব !”

দিন কয়েক পরেই নবেন্দু প্রাতঃকালে চা খাইতে খাইতে খবরের কাগজ পড়িতেছেন হঠাৎ চোখে পড়িল এক X স্বাক্ষরিত পত্রপ্রেরক তাঁহাকে প্রচুর ধন্যবাদ দিয়া কনগ্রেসে চাঁদার কথা প্রকাশ করিয়াছে এবং তাঁহার মত লোককে দলে পাইয়া কনগ্রেসের যে কতটা বলবৃদ্ধি হইয়াছে লোকটা তাহার পরিমাণ নির্ণয় করিতে পারে নাই।

কনগ্রেসের বলবৃদ্ধি ! হা স্বর্গগত তাত পূর্ণেন্দুশেখর ! কনগ্রেসের বলবৃদ্ধি করিবার জন্তই কি তুমি হতভাগাকে ভারতভূমিতে জন্মদান করিয়াছিলে !

কিন্তু চুঃখের সঙ্গে স্মৃথও আছে। নবেন্দুর মত লোক যে, যে-সে লোক নহেন—তাঁহাকে নিজতীরে তুলিবার জন্ত যে, একদিকে ভারতবর্ষীয় ইংরাজ-সম্প্রদায় অপরদিকে কনগ্রেস লালান্নিতভাবে ছিপ ফেলিয়া অনিমিষ লোচনে বসিয়া আছে ঐ-কথাটা নিতান্ত চাকিয়া রাখিবার কথা নহে। অতএব নবেন্দু হাসিতে হাসিতে কাগজখানা লইয়া লাবণ্যকে দেখাইলেন। কে লিখিয়াছে যেন কিছুই জানেন না, এমনি ভাবে লাবণ্য আকাশ হইতে পড়িয়া কহিল—“ওহা, এ যে সমস্তই ফাঁস করিয়া দিয়াছে ! আহা ! আহা ! তোমার এমন শত্রু কে ছিল ! তাহার কলমে যেন ঘুণ ধরে, তাহার কালিতে যেন বালি পড়ে, তাহার কাগজ যেন পোকায় কাটে—”

নবেন্দু হাসিয়া কহিল—“আর অভিশাপ দিয়ো না ! আমি আমার শত্রুকে মার্জনা করিয়া আলীকাদ করিতেছি তাহার সোনার দোয়াত কলম হইল যেন !”

দুইদিন পরে কনগ্রেসের বিপক্ষপক্ষীয় একথানা ইংরাজসম্পাদিত ইংরাজি কাগজ ডাকযোগে নবেন্দুর হাতে আসিয়া পৌঁছিলে পড়িয়া দেখিলেন, তাহাতে “One who knows” স্বাক্ষরে পূর্বোক্ত সংবাদে প্রতীবাদ বাহির হইয়াছে। লেখক লিখিতেছেন যে, “নবেন্দুকে ধাহারা জানেন তাঁহারা তাঁহার নামে এই ছন্দ রচনা কখনই বিশ্বাস করিতে পারেন না ;—চিতাবাঘের পক্ষে নিজ চরিত্রের কৃষ্ণ অঙ্কগুলির পরিবর্তন যেমন অসম্ভব নবেন্দুর পক্ষেও কনগ্রেসের দলবৃদ্ধি করা তেমনি। বাবু নবেন্দুশেখরের যথেষ্ট নিজস্ব পদার্থ আছে—তিনি কর্মশূন্য উমেদার ও মক্কেল-শূন্য আইনজীবী নহেন। তিনি দুইদিন বিলাতে ঘুরিয়া বেশভূষা আচার ব্যবহারে অভূত কপিবৃত্তি করিয়া স্পর্ধাভরে ইংরাজ-সমাজে প্রবেশোদ্ভূত হইয়া অবশেষে গুল্মমনে হতাশভাবে ফিরিয়া আসেন নাই, অতএব কেন যে তিনি এই সকল ইত্যাদি ইত্যাদি !”

হা পরলোকগত পিতা পূর্ণেন্দুশেখর ! ইংরাজের নিকট এত নাম এত বিশ্বাস সঞ্চয় করিয়া তবে তুমি মরিয়াছিলে !

এ চিঠিখানিও গালাগালীর নিকট পেশমের মত বিস্তার করিয়া ধরিবার যোগ্য। ইহার মধ্যে একটা কথা আছে যে, নবেন্দু অধ্যাত্ত অকিঞ্চন লক্ষ্মীছাড়া নহেন, তিনি সারবান্ পদার্থবান্ লোক !

লাবণ্য পুনশ্চ আকাশ হইতে পড়িয়া কহিল—“এ আবার তোমার কোন্ পরম বন্ধু লিখিল ! কোন্ টিকিট কালেক্টার, কোন্ চামড়ার দালাল, কোন্ গড়ের বাতোর বাজনদাব !”

নীলরতন কহিল, “এ চিঠির একটা প্রতীবাদ করা তো তোমার উচিত।”

নবেন্দু কিছু উচু চালে বলিল—“দরকার কি ! যে যা বলে তাহারই কি প্রতীবাদ করিতে হইবে ?”

লাবণ্য উচ্চৈঃস্ববে চারিদিকে একবারে হাসির ফোয়ারা ছড়াইয়া দিল।

নবেন্দু অপ্রভিত হইয়া, কহিল, “এত হাসি যে !”

তাহার উত্তরে লাবণ্য পুনর্বার অনিবার্য বেগে হাসিয়া গুল্পিত-যৌবনা দেহলতা লুপ্তিত করিতে লাগিল।

নবেন্দু নাকে-মুখে-চোখে এই প্রচুর পরিহাসের পিচ্কারি গাইয়া অত্যন্ত নাকাল হইল। একটু ক্ষুণ্ণ হইয়া কহিল—“তুমি মনে করিতেছ প্রতিবাদ করিতে আমি ভয় করি।”

লাবণ্য কহিল—“তা কেন! আমি ভাবিতেছিলাম তোমার অনেক আশা-ভরসার সেই ঘোড়দৌড়ের মাঠখানি বাঁচাইবার চেষ্টা এখনো ছাড় নাই, যতক্ষণ শ্বাস ততক্ষণ আশ।”

নবেন্দু কহিল, “আমি বুঝি সেই জন্ত লিখিতে চাহি না।” অত্যন্ত রাগিয়া দোয়াত কলম লইয়া বসিল। কিন্তু লেখার মধ্যে রাগের রক্তিমাবৃত্তি প্রকাশ পাইল না, কাজেই লাবণ্য ও নীলরতনকে সংশোধনের ভার লইতে হইল। যেন লুচিভাজার পালা পড়িল—নবেন্দু যেটা জলে ও বিয়ে ঠাণ্ডা ঠাণ্ডা নরম নরম করিয়া এবং চাপিয়া যথাসাধ্য চেপটী করিয়া বেলিয়া দেয় তাহার ছুই সহকারী তৎক্ষণাৎ সেটাকে ভাজিয়া কড়া ও গরম করিয়া ফুলাইয়া ফুলাইয়া তোলে। লেখা হইল যে, আত্মীয় যখন শত্রু হয় তখন বহিঃশত্রু অপেক্ষা ভয়ঙ্কর হইয়া উঠে। পাঠান অথবা রাশিয়ান ভারতগবর্মেণ্টের তেমন শত্রু নহে যেমন শত্রু গর্বোদ্ধত অ্যাংলোইণ্ডিয়ান সম্প্রদায়। গবর্মেণ্টের সহিত প্রজাসাধারণের নিরাপদ সৌহার্দ্য বন্ধনের তাহারাই দুর্ভেদ্য অন্তরায়। কনগ্রেস রাজা ও প্রজার মাঝখানে স্থায়ী সন্তাব সাধনের যে প্রশস্ত রাজপথ খুলিয়াছে, অ্যাংলো-ইণ্ডিয়ান কাগজগুলো ঠিক তাহার মধ্যস্থল জুড়িয়া একেবারে কণ্টকিত হইয়া রহিয়াছে। ইত্যাদি।

নবেন্দুর ভিতরে ভিতরে ভয়-ভয় করিতে লাগিল অথচ লেখাটা বড় সরেস চইয়াছে মনে করিয়া রহিয়া রহিয়া একটু আনন্দও হইতে লাগিল। এমন সুন্দর রচনা তাহার সাধ্যাতিত ছিল।

ইহার পর কিছুদিন ধরিয়া নানা কাগজে বিবাদ-বিসম্বাদ বাদ-প্রতিবাদে নবেন্দুর চাঁদা এবং কনগ্রেসে যোগ দেওয়ার কথা লইয়া দশদিকে ঢাক বাজিতে লাগিল।

নবেন্দু এক্ষণে মরিয়া হইয়া কথায় বার্তায় শ্রালীসমাজে অত্যন্ত নির্ভীক দেশহিতৈষী হইয়া উঠিল। লাবণ্য মনে মনে হাসিয়া কহিল, “এখনো তোমার অগ্নি-পরীক্ষা বাকি আছে।”

একদিন প্রাতঃকালে নবেন্দু স্নানের পূর্বে বন্ধঃস্থল তৈলাক্ত করিয়া পৃষ্ঠদেশের দুর্গম অংশগুলিতে তৈল সঞ্চার করিবার কৌশল অবলম্বন করিতেছেন এমন সময় বেহারা এক কার্ড হাতে করিয়া তাঁহাকে দিল, তাহাতে স্বয়ং ম্যাজিষ্ট্রেটের নাম আঁকা। লাবণ্য সহানুভূতুলী চক্ষে আড়াল হইতে কোতুক দেখিতেছিল।

তৈললাঙ্ঘিত কলেবরে তো ম্যাজিষ্ট্রেটের সহিত সাক্ষাৎ করা যায় না—নবেন্দু ভাজিবার পূর্বে মসলামাথা কৈ মংস্তের মত বুথা ব্যতিব্যস্ত হইতে লাগিলেন। তাড়াতাড়ি চকিতের মধ্যে স্নান করিয়া কোনো-মতে কাপড় পরিয়া উদ্ধ্বাসে বাহিরের ঘরে গিয়া উপস্থিত হইলেন। বেহারা বলিল, “সাহেব অনেকক্ষণ বসিয়া বসিয়া চলিয়া গিয়াছেন।” এই আগাগোড়া মিথ্যাচরণ-পাপের কতটা অংশ বেহারার, কতটা অংশ বা লাবণ্যের তাহা নৈতিক গণিত-শাস্ত্রের একটা হুম্ব সমস্ত।

টিকটিকির কাটা লেজ যেমন সম্পূর্ণ অন্ধভাবে ধড়ফড় করে নবেন্দুর ক্ষুদ্র হৃদয় ভিতরে ভিতবে তেমনি আছাড় খাইতে লাগিল। সমস্ত দিন খাইতে শুইতে আর সোয়াস্তি রহিল না।

লাবণ্য আভ্যন্তরিক হাশ্বেব সমস্ত আভাস মুখ হইতে সম্পূর্ণ দূর করিয়া দিয়া উদ্বিগ্নভাবে থাকিয়া থাকিয়া জিজ্ঞাসা করিতে লাগিল, “আজ তোমার কি হইয়াছে বল দেখি! অসুখ করে নাই তো?”

নবেন্দু কায়ক্লেশে হাসিয়া কোনোমতে একটা দেশকালপাত্রোচিত উত্তর বাহির করিল—কহিল—“তোমার এলেকার মধ্যে আবার অসুখ কিসের? তুমি আমার ধ্বস্তুরিণী!”

কিন্তু মুহূর্তমধ্যেই হাসি মিলাইয়া গেল—এবং সে ভাবিতে লাগিল,—একে আমি কন্‌গ্রেসে চাঁদা দিলাম, কাগজে কড়া চিঠি লিখিলাম—তাহার উপরে ম্যাজিষ্ট্রেট নিজে আমার সহিত সাক্ষাৎ করিতে আসিলেন, আমি তাঁহাকে বসাইয়া রাখিলাম—না জানি কি মনে করিতেছেন!

হা তাত, হা পূর্ণেন্দুশেখর! আমি যাহা নই ভাগ্যের বিপাকে গোলেমালে তাহাই প্রতিপন্ন হইলাম।

পরদিন সাজগোজ করিয়া দাড়র চেন বুলাইয়া মস্ত একটা পাগড়ি পরিয়া

নবেন্দু বাহির হইল। লাবণ্য জিজ্ঞাসা করিল, “যাও কোথায়?” নবেন্দু কহিল, “একটা বিশেষ কাজ আছে—”

লাবণ্য কিছু বলিল না।

সাহেবের দরজার কাছে কার্ড বাহির করিবামাত্র আরদালি কহিল, “এখন দেখা হইবে না।”

নবেন্দু পকেট হইতে দুইটা টাকা বাহির করিল। আরদালি সংক্ষিপ্ত সেলাম করিয়া কহিল, “আমরা পাঁচ জন আছি।” নবেন্দু তৎক্ষণাৎ দশ টাকার এক নোট বাহির করিয়া দিলেন।

সাহেবের নিকট তলব পড়িল। সাহেব তখন চট জুতা ও মনিং গৌন পরিয়া লেখাপড়ার কাজে নিযুক্ত ছিলেন। নবেন্দু একটা সেলাম করিলেন—ম্যাজিষ্ট্রেট তাঁহাকে অঙ্গুলি-সঙ্কেতে বসিবার অনুমতি করিয়া কাগজ হইতে মুখ না তুলিয়া কহিলেন, “কি বলিবার আছে বাবু?”

নবেন্দু ঘড়ির চেন নাড়িতে নাড়িতে বিনীত কম্পিতস্বরে বলিল—“কাল আপনি অল্পগ্রহ করিয়া আমার সহিত সাক্ষাৎ করিতে গিয়াছিলেন কিন্তু—”

সাহেব ভ্রুকুঞ্চিত করিয়া একটা চোখ কাগজ হইতে তুলিয়া বলিলেন—“সাক্ষাৎ করিতে গিয়াছিলাম! Babu, what nonsense are you talking !”

নবেন্দু, “Beg your pardon. ভুল হইয়াছে, গোল হইয়াছে”—করিতে করিতে ঘর্ণাপ্রসূত কলেবরে কোনো মতে বাহির হইয়া আসিলেন। এবং সে রাতে বিছানায় শুইয়া কোনো দূরত্বপ্রাপ্ত মস্তিষ্ক ভ্রাতৃ একটা বাক্য থাকিয়া থাকিয়া তাঁহার কানে আসিয়া প্রবেশ করিতে লাগিল—Babu you are a howling idiot !

পথে আসিতে আসিতে তাঁহার মনে ধারণা হইল যে, ম্যাজিষ্ট্রেট যে তাঁহার সহিত দেখা করিতে আসিয়াছিল সে কথাটা কেবল রাগ করিয়া সে অস্বীকার করিল! মনে মনে কহিলেন, ধরণী দ্বিধা হও! কিন্তু ধরণী তাঁহার অনুরোধ রক্ষা না করাতে নির্ধিমে বাড়ি আসিয়া পৌঁছিলেন।

লাবণ্যকে আসিয়া কহিলেন, “দেশে পাঠাইবার জন্য গোলাপ জল কিনিতে গিয়াছিলাম।”

বলিতে না বলিতে কালেক্টরের চাপরাস-পরা জনহুয়েক পেয়াদা আসিয়া উপস্থিত। সেলাম করিয়া হাত্মমুখে নীরবে দাঁড়াইয়া রহিল।

লাবণ্য হাসিয়া কহিল, “তুমি কন্‌গ্রেসে চাঁদা দিয়াছ বলিয়া তোমাকে গ্রেফতার করিতে আসে নাই তো?”

পেয়াদারা ছয়জনে বারো পাটি দস্তাগ্রভাগ উন্মুক্ত করিয়া কহিল—“বক্শিস্ বাবু সাহেব!”

নীলরতন পাশের ঘর হইতে বাহির হইয়া বিরক্ত স্বরে কহিলেন—“কিসের বক্শিস্!”

পেয়াদারা বিকশিতদস্তে কহিল, “ম্যাজিস্ট্রেট সাহেবের সহিত দেখা করিতে গিয়াছিলেন তাহার বক্শিস্!”

লাবণ্য হাসিয়া কহিল, “ম্যাজিস্ট্রেট সাহেব আজকাল গোলাপজল বিক্রি ধরিয়াছেন নাকি? এমন অত্যন্ত ঠাণ্ডা ব্যবসায় তো তাঁহার পূর্বে ছিল না।”

হতভাগ্য নবেন্দু গোলাপজলের সহিত ম্যাজিস্ট্রেট দর্শনের সামঞ্জস্য সাধন করিতে গিয়া কি যে আবোল-তাবোল বলিল তাহা কেহ বুঝিতে পারিল না।

নীলরতন কহিল—“বক্শিসের কোনো কাজ হয় নাই। বক্শিস্ নাহি মিলেগা!”

নবেন্দু সঙ্কুচিতভাবে পকেট হইতে একটা নোট বাহির করিয়া কহিল—“উহারা গরীব মানুষ, কিছু দিতে দোষ কি?”

নীলরতন নবেন্দুর হাত হইতে নোট টানিয়া লইয়া কহিল, “উহাদের অপেক্ষা গরীব মানুষ জগতে আছে, আমি তাহাদিগকে দিব।”

কষ্ট মহেশ্বরের ভূতপ্রেতগণকেও কিঞ্চিৎ ঠাণ্ডা করিবার স্বযোগ না পাইয়া নবেন্দু অত্যন্ত ফাঁপরে পড়িয়া গেল। পেয়াদাগণ যখন বজ্রদৃষ্টি নিরূপ করিয়া গমনোচ্ছত হইল, তখন নবেন্দু একান্ত করুণভাবে তাহাদের দিকে চাহিলেন—নীরবে নিবেদন করিলেন, বাবাসকল, আমার কোনো দোষ নহে তোমরা তো জান!

কলিকাতায় কন্‌গ্রেসের অধিবেশন। তরুণলক্ষে নীলরতন সঙ্গীক রাজধানীতে উপস্থিত হইলেন। নবেন্দুও তাঁহাদের সঙ্গে ফিরিল।

কলিকাতায় পদার্পণ করিবামাত্র কন্‌গ্রেসের দলবল নবেন্দুকে চতুর্দিকে

ঘিরিয়া একটা প্রকাণ্ড তাণ্ডব সুর করিয়া দিল। সম্মান সমাদর স্তুতিবাদের সীমা রহিল না। সকলেই বলিল, “আপনাদের মত নায়কগণ দেশের কাজে যোগ না দিলে দেশের উপায় নাই।” কথাটার যথার্থ্য নবেন্দু অস্বীকার করিতে পারিলেন না,—এবং গোলমালে হঠাৎ কখন দেশের একজন অধিনায়ক হইয়া উঠিলেন। কনগ্রেস সভায় যখন পদার্পণ করিলেন তখন সকলে মিলিয়া উঠিয়া ঠাড়াইয়া বিজাতীয় বিলাতী তারস্বরে “হিপ্ হিপ্ হুরে” শব্দে তাঁহাকে উৎকট অভিবাদন করিল। আমাদের মাতৃভূমির কর্ণমূল লজ্জায় রক্তিম হইয়া উঠিল।

যথাকালে মহারাণীর জন্মদিন আসিল—নবেন্দুর রায়বাহাদুর খেতাব নিকট-সমাগত মরীচিকার মত অন্তর্ধান করিল।

সেইদিন সায়াহ্নে লাবণালেখা সমারোহে নবেন্দুকে নিমন্ত্রণ পূর্বক তাঁহাকে নববস্ত্রে ভূষিত করিয়া স্বহস্তে তাঁহার ললাটে রক্তচন্দনের তিলক এবং প্রত্যেক শ্রমী তাঁহার কণ্ঠে একগাছি করিয়া স্বরচিত পুষ্পমালা পরাইয়া দিল। অরুণাশ্রবসনা অরুণলেখা সেদিন হাশ্বে লজ্জায় এবং অলঙ্কারে আড়াল হইতে বাক্যম্ভ করে লাগিল। তাহার স্বেদাক্ত লজ্জাশীতল হস্তে একটা গড়ে’ মালা দিয়া ভগিনীরা তাহাকে টানাটানি করিল কিন্তু সে কোনো মতে বশ মানিল না এবং সেই প্রধান মালাখানি নবেন্দুর কণ্ঠ কামনা করিয়া জনহীন নিশীথের জন্ত গোপনে অপেক্ষা করিতে লাগিল। শ্রমীরা নবেন্দুকে কহিল, “আজ আমরা তোমাকে রাজা করিয়া দিলাম। ভারতবর্ষে এমন সম্মান তুমি ছাড়া আর কাহারো সম্ভব হইবে না।”

নবেন্দু ইহাতে সম্পূর্ণ সান্বিত পাইল কিনা তাহা তাহার অন্তঃকরণ আর অন্তর্যামীই জানেন—কিন্তু আমাদের এ-সম্বন্ধে সম্পূর্ণ সন্দেহ রহিয়া গিয়াছে। আমাদের দৃঢ় বিশ্বাস মরিবার পূর্বে সে রায়বাহাদুর হইবেই—এবং তাহার মৃত্যু উপলক্ষে Englishman Pioneer সম্বরে শোক করিতে ছাড়িবে না। অতএব ইতিমধ্যে Three Cheers for Babu পূর্ণেন্দুশেখর! হিপ্ হিপ্ হুরে! হিপ্ হিপ্ হুরে! হিপ্ হিপ্ হুরে!

(১৩০৫—আশ্বিন)

মণি-হারা

সেই জীর্ণপ্রায় বাঁধাঘাটের ধারে আমার বোট লাগানো ছিল। তখন তূর্য্য অস্ত গিয়াছে।

বোটের ছাদের উপরে মাঝি নমাজ পড়িতেছে। পশ্চিমের জ্বলন্ত আকাশ-পটে তাহার নীরব উপাসনা ক্ষণে ক্ষণে ছবির মত আঁকা পড়িতেছিল স্থির রেথাহীন নদীর জলের উপর ভাষাতীত অসংখ্য বর্ণচ্ছটা দেখিতে দেখিতে ফিকা হইতে গাঢ় লেথায়, সোনার রং হইতে ইম্পাতের রঙে, এক আভা হইতে আর এক আভায় মিলাইয়া আসিতেছিল।

জানালা-ভাঙা, বারান্দা-ঝুলিয়া-পড়া, জরাগ্রস্ত বৃহৎ অট্টালিকার সম্মুখে অশ্বখমূলবিদারিত ঘাটের উপরে ঝিল্লিমুখর সন্ধ্যাবেলায় একলা বসিয়া আমার শুষ্ক চক্ষুর কোণ ভিজিবে-ভিজিবে করিতেছে এমন সময়ে মাথা হইতে পা পর্য্যন্ত হঠাৎ চমকিয়া উঠিয়া গুলিলাম, “মহাশয়ের কোথা হইতে আগমন?”

দেখিলাম ভদ্রলোকটি স্বপ্নাহারশীর্ণ, ভাগ্যলক্ষ্মী কর্তৃক নিতান্ত অনাদৃত। বাংলাদেশের অধিকাংশ বিদেশী চাকরের যেমন একরকম বহুকাল জীর্ণসংস্কার-বিহীন চেহারা, ইহারও সেইরূপ। ধূতির উপরে একখানি মলিন তৈলাক্ত আসামী মটকার বোতাম-খোলা চাপ্কান,—কর্ণক্ষেত্র হইতে যেন অল্পক্ষণ হইল ফিরিতেছেন। এবং যে-সময় কিঞ্চিৎ জলপান খাওয়া উচিত ছিল সে-সময় হতভাগ্য নদীতীরে কেবল সন্ধ্যার হাওয়া খাইতে আসিয়াছেন।

আগন্তুক সোপান-পার্শ্বে আসন গ্রহণ করিলেন। আমি কহিলাম, “আমি রাঁচি হইতে আসিতেছি।”

কি করা হয় ?

ব্যবসা করিয়া থাকি।

কি ব্যবসা ?

হরিতকী, রেসমের গুটি এবং কাঠের ব্যবসা।

কি নাম ?

ঈশৎ থামিয়া একটা নাম বলিলাম। কিন্তু সে আমার নিজের নাম নহে।

ভদ্রলোকের কৌতূহল নিবৃত্ত হইল না। পুনরায় প্রশ্ন হইল, “এখানে কি করিতে আগমন ?”

আমি কহিলাম, “বায়ু পরিবর্তন।”

লোকটি কিছু আশ্চর্য্য হইল। কহিল, “মহাশয় আজ প্রায় ছয় বৎসর ধরিয়া এখানকার বায়ু এবং তাহার সঙ্গে সঙ্গে প্রতাহ গড়ে পনেরো গ্রেন্ করিয়া কুইনাইন খাইতেছি কিন্তু কিছু তো ফল পাই নাই।”

আমি কহিলাম, “এ-কথা মানিতেই হইবে রাঁচি হইতে এখানে বায়ুব যথেষ্ট পরিবর্তন দেখা যাইবে।”

তিনি কহিলেন, “আজ্ঞা হাঁ, যথেষ্ট। এখানে কোথায় বাসা করিবেন ?”

আমি ঘাটের উপরকার জীর্ণবাড়ি দেখাইয়া কহিলাম, “এই বাড়িতে।”

বোধ করি লোকটির মনে সন্দেহ হইল আমি এই পোড়ো বাড়িতে কোনো গুপ্তধনের সন্ধান পাইয়াছি। কিন্তু এ-সম্বন্ধে আর কোনো তর্ক তুলিলেন না—কেবল আজ পনেরো বৎসর পূর্বে এই অভিশাপগ্রস্ত বাড়িতে যে ঘটনাটি ঘটিয়াছিল তাহারই বিস্তারিত বর্ণনা করিলেন।

লোকটি এখানকার স্কুলমাষ্টার। তাঁহার ক্ষুধা ও রোগশীর্ণ মুখে মস্ত একটা টাকের নীচে এক জোড়া বড় বড় চক্ষু আপন কোটরের ভিতর হইতে অস্বাভাবিক উজ্জ্বলতায় জ্বলিতেছিল। তাঁহাকে দেখিয়া ইংরাজ কবি কোল-রিজের সৃষ্ট প্রাচীন নাবিকের কথা আমার মনে পড়িল।

! - মাঝি নমাজ পড়া সমাধা করিয়া রন্ধনকার্য্যে মন দিয়াছে। সন্ধ্যার শেষ ভাতাটুকু মিলাইয়া আসিয়া ঘাটের উপরকার জনশূন্য অন্ধকার বাড়ি আপন পূর্বাবস্থার প্রকাণ্ড প্রেতমূর্তির মত নিস্তব্ধ দাঁড়াইয়া রহিল।

স্কুলমাষ্টার কহিলেন—“আমি এই গ্রামে আসার প্রায় দশ বৎসর পূর্বে এই

বাড়িতে ফণিভূষণ সাহা বাস করিতেন। তিনি অপুত্রক পিতৃব্য হুর্গামোহন সাহার বৃহৎ বিষয় এবং ব্যবসায়ের উত্তরাধিকারী হইয়াছিলেন।

কিন্তু তাঁহাকে একালে ধরিয়াছিল। তিনি লেখাপড়া শিখিয়াছিলেন। তিনি জুতাসমেত সাহেবের আপিসে ঢুকিয়া সম্পূর্ণ খাঁটি ইংরাজি বলিতেন। তাহাতে আবার দাড়ি রাখিয়াছিলেন, সুতরাং সাহেব সওদাগরের নিকট তাঁহার উন্নতির সম্ভাবনামাত্র ছিল না। তাঁহাকে দেখিবামাত্র নব্যবঙ্গ বলিয়া ঠাহর হইত।

আবার ঘরের মধ্যেও এক উপসর্গ জুটিয়াছিল। তাঁহার জ্বীট ছিলেন সুন্দরী। একে কলেজে-পড়া তাহাতে সুন্দরী জ্বী, সুতরাং সেকালের চালচলন আর রহিল না। এমন কি, ব্যামো হইলে অ্যাসিষ্ট্যান্ট মার্জিনকে ডাকা হইত। অশন বসন ভূষণও এই পরিমাণে বাড়িয়া উঠিতে লাগিল।

মহাশয় নিশ্চয়ই বিবাহিত, অতএব একথা আপনাকে বলাই বাহুল্য যে, সাধারণত জ্বীজাতি কাঁচা আম, ঝাললঙ্কা এবং কড়া স্বামীই ভালবাসে। যে হুর্ভাগ্য পুরুষ নিজের জ্বীর ভালবাসা হইতে বঞ্চিত সে যে কুস্ত্রী অথবা নির্ধন তাহা নহে সে নিতান্ত নিরীহ।

যদি জিজ্ঞাসা করেন কেন এমন হইল, আমি এ-সম্বন্ধে অনেক কথা ভাবিয়া রাখিয়াছি। যাহাব যা প্রবৃত্তি এবং ক্ষমতা সেটার চর্চা না করিলে সে সুখী হয় না। শিঙে শাণ দিবার জন্ত হরিণ শব্দ গাছের গুঁড়ি খোঁজে, কলাগাছে তাহার শিং ঘষিবার সুখ হয় না। নরনারীর ভেদ হইয়া অবধি জ্বীলোক দ্রুত পুরুষকে নানা কৌশলে ভুলাইয়া বশ করিবার বিত্তা চর্চা করিয়া আসিতেছে। যে স্বামী বশ হইয়া বসিয়া থাকে তাহার জ্বী বেচারী একেবারেই বেকার, সে তাহার মাতামহীদের নিকট হইতে শত লক্ষ বৎসরের শাণ-দেওয়া যে উজ্জল বরুণাস্ত্র, অগ্নিবাণ ও নাগপাশবন্ধনগুলি পাইয়াছিল তাহা সমস্ত নিষ্ফল হইয়া যায়।

জ্বীলোক পুরুষকে ভুলাইয়া নিজের শক্তিতে ভালবাসা আদায় করিয়া লইতে চায়,—স্বামী যদি ভালোমানুষ হইয়া সে অবসরটুকু না দেয় তবে স্বামীর অদৃষ্ট মন্দ এবং জ্বীরও ততোধিক !

নবমভ্যতার শিক্ষামন্ত্রে পুরুষ আপন স্বভাব-সিদ্ধ বিধাতাদত্ত সুমহৎ বর্ধরতা

হারাইয়া আধুনিক দাম্পত্য-সম্বন্ধটাকে এমন শিথিল করিয়া ফেলিয়াছে। অভাগা ফণিভূষণ আধুনিক সভ্যতার কল হইতে অত্যন্ত ভালোমামুঘটি হইয়া বাহির হইয়া আসিয়াছিল,—ব্যবসায়েও সে সুবিধা করিতে পারিল ন, দাম্পত্যেও তাহার তেমন সুযোগ ঘটে নাই।

ফণিভূষণের স্ত্রী মণিমালিকা, বিনা চেষ্টায় আদর, বিনা অশ্রুবর্ষণে ঢাকাই সাড়ি এবং বিনা হুজ্জয় মানে বাজুবন্ধ লাভ করিত। এইরূপে তাহার নারীপ্রকৃতি এবং সেই সঙ্গে তাহার ভালবাসা নিচেষ্ট হইয়া গিয়াছিল। সে কেবল গ্রহণ করিত, কিছু দিত না! তাহার নিরীহ এবং নিরোধ স্বামীটি মনে করিত দানই বুঝি প্রতিদান পাইবার উপায়। একেবারে উন্টী বুঝিয়াছিল আর কি!

ইহার ফল হটল এই যে, স্বামীকে সে আপন ঢাকাইসাড়ি এবং বাজুবন্ধ জোগাইবার যত্নস্বরূপ জ্ঞান করিত;—যন্ত্রটিও এমন সুচারু যে, কোনোদিন তাহার চাকায় এক ফোঁটা তেল জোগাইবারও দরকার হয় নাই।

ফণিভূষণের জন্মস্থান ফুলবেড়ে, বাণিজ্যস্থান এখানে। কস্মীমুরোধে এইখানেই তাহাকে অধিকাংশ সময় থাকিতে হইত। ফুলবেড়ের বাড়িতে তাহার মা ছিল না, তবু পিসি, মাসি ও অগ্র পাঁচজন ছিল। কিন্তু ফণিভূষণ পিসি, মাসি ও অগ্র পাঁচজনের উপকারার্থেই বিশেষ করিয়া সুন্দরী স্ত্রী ঘরে আনে নাই। সুতরাং স্ত্রীকে পাঁচজনের কাছ থেকে আনিয়া এই কুঠিতে একলা নিজের কাছেই রাখিল। কিন্তু অগ্রাগ্র অধিকার হইতে স্ত্রী-অধিকারের প্রভেদ এই যে, স্ত্রীকে পাঁচজনের কাছ হইতে বিচ্ছিন্ন করিয়া একলা নিজের কাছে রাখিলেই যে সব সময় বেশি করিয়া পাওয়া যায় তাহা নহে।

স্ত্রীটি বেশি কথাবার্তা কহিত না, পাড়াপ্রতিবেশিনীদের সঙ্গেও তাহার মেলামেশা বেশি ছিল না; ব্রত উপলক্ষ করিয়া দুটো ব্রাহ্মণকে খাওয়ানো, বা বৈষ্ণবীকে দুটো পয়সা ভিক্ষা দেওয়া কখনো তাহার দ্বারা ঘটে নাই। তাহার হাতে কোনো জিনিষ নষ্ট হয় নাই; কেবল স্বামীর আদরগুলা ছাড়া, আর ঘাহা পাইয়াছে সমস্তই জমা করিয়া রাখিয়াছে। আশ্চর্য্যের বিষয় এই যে, সে নিজের অপরূপ যৌবনশ্রী হইতেও যেন লেশমাত্র অপব্যয় ঘটিতে দেয় নাই। লোকে বলে, তাহার চব্বিশ বৎসর বয়সের সময়ও তাহাকে চৌদ্দ

বৎসরের মত কাঁচা দেখিতে ছিল। যাহাদের হৃৎপিণ্ড বরফের পিণ্ড, যাহাদের বুকের মধ্যে ভালবাসার জ্বালাঘস্ণা স্থান পায় না, তাহারা বোধ করি সুদীর্ঘকাল তাজা থাকে, তাহারা ক্রপণের মত অন্তরে বাহিরে আপনাকে জমাইয়া রাখিতে পারে।

ঘনপল্লবিত অতি মতেজ লতার মত বিধাতা মণিমালিকাকে নিফলা করিয়া রাখিলেন, তাহাকে সন্তান হইতে বঞ্চিত করিলেন। অর্থাৎ তাহাকে এমন একটা কিছু দিলেন না যাহাকে সে আপন লোহার সিন্দূকের মণিমালিক্য অপেক্ষা বেশি করিয়া বুঝিতে পারে : যাহা বসন্তপ্রভাতের নব সূর্য্যের মত আপন কোমল উত্তাপে তাহার হৃদয়ের বরফপিণ্ডটা গলাইয়া সংসারের উপর একটা স্নেহ-নির্ব্বার বহাইয়া দেয়।

কিন্তু মণিমালিকা কাজকর্মে মজবুত ছিল। কখনই সে লোকজন বেশি রাখে নাই। যে কাজ তাহার দ্বারা সাধ্য সে কাজে কেহ বেতন লইয়া যাইবে ইহা সে সহিতে পারিত না। সে কাহারো জন্ত চিন্তা করিত না, কাহাকেও ভালবাসিত না, কেবল কাজ করিত এবং জমা করিত, এইজন্ত তাহার রোগ শোক তাপ কিছুই ছিল না ; অপরিমিত স্বাস্থ্য, অবিচলিত শাস্তি এবং সঞ্চীয়মান সম্পদের মধ্যে সে সবলে বিরাজ করিত।

অধিকাংশ স্বামীর পক্ষে ইহাই যথেষ্ট ; যথেষ্ট কেন, ইহা দুর্লভ। অঙ্গের মধ্যে কটিদেশ বলিয়া একটা ব্যাপার আছে তাহা কোমরে ব্যথা না হইলে মনে পড়ে না ;—গৃহের আশ্রয়স্বরূপ স্ত্রী যে একজন আছে ভালবাসার তাড়নায় তাহা পদে পদে এবং তাহা চবিষশঘণ্টা অন্তরব করার নাম ঘরকরনার কোমরে ব্যথা ! নিরতিশয় পাতিব্রতটা স্ত্রীর পক্ষে গৌরবের বিষয় কিন্তু পতির পক্ষে আরামের নহে, আমার তো এইরূপ মত।

মহাশয়, স্ত্রীর ভালবাসা ঠিক কতটা পাইলাম, ঠিক কতটুকু কম পড়িল অতি ক্ষুদ্র নিক্তি ধরিয়া তাহা অহরহ তোল করিতে বস। কি পুরুষ মানুষের কর্ম ! স্ত্রী আপনার কাজ করুক আমি আপনার কাজ করি—ঘরের মোটা হিসাবটা তো এই। অব্যক্তের মধ্যে কতটা ব্যক্ত, ভাবের মধ্যে কতটুকু অভাব, স্পষ্টের মধ্যেও কি পরিমাণ ইঙ্গিত, অণু পরমাণুর মধ্যে কতটা বিপুলতা,—ভালবাসাবাসির তত ক্ষুদ্র বোধশক্তি বিধাতাপুরুষ মানুষকে দেন

নাই—দিবার প্রয়োজন হয় নাই। পুরুষ মানুষের তিল পবিমাণ অনুরাগ বিরাগের লক্ষণ লইয়া মেয়েরা বটে ওজন করিতে বসে। কথার মধ্য হইতে আসল ভঙ্গীটুকু, এবং ভঙ্গীর মধ্য হইতে আসল কথাটুকু চিরিয়া চিরিয়া চুনিয়া চুনিয়া বাহির করিতে থাকে! কারণ, পুরুষের ভালবাসাই মেয়েদের বল, তাহাদের জীবন-ব্যবসায়ের মূলধন। ইহারই হাওয়ার গতিক লক্ষ্য করিয়া ঠিক সময়ে ঠিকমত পাণ ঘুরাইতে পারিলে তবেই তাহাদের তরলী তরিয়া যায়। এইজন্তই বিধাতা ভালবাসামানুষটিকে মেয়েদের হৃদয়ের মধ্যে ঝুলাইয়া দিয়াছেন, পুরুষদের দেন নাই।

কিন্তু বিধাতা যাহা দেন নাই সম্প্রতি পুরুষেরা সেটি সংগ্রহ করিয়া লইয়াছেন। কবির বিধাতার উপর টেকা দিয়া এই দুর্লভ যন্ত্রটি, এই দিগ্‌দর্শন যন্ত্রশলাকাটি নির্বিচারে সর্বসাধারণের হস্তে দিয়াছেন। বিধাতার দোষ দিই না, তিনি মেয়ে-পুরুষকে যথেষ্ট ভিন্ন করিয়াই সৃষ্টি করিয়াছেন, কিন্তু সভ্যতায় সে ভেদ আর থাকে না; এখন মেয়েও পুরুষ হইতেছে; পুরুষও মেয়ে হইতেছে; স্তবরাং ঘরের মধ্য হইতে শাস্তি ও শৃঙ্খলা বিদায় লইল। এখন শুভ বিবাহের পূর্বে, পুরুষকে বিবাহ করিতেছি, না, মেয়েকে বিবাহ করিতেছি, তাহা কোনোমতে নিশ্চয় করিতে না পারিয়া বরকথা উভয়েরই চিত্ত আশঙ্কায় ছরু ছরু করিতে থাকে।

আপনি বিরক্ত হইতেছেন! একলা পড়িয়া থাকি; স্ত্রীর নিকট হইতে নির্বাসিত; দূর হইতে সংসারের অনেক নিগূঢ় তত্ত্ব মনের মধ্যে উদয় হয়,— এগুলো ছাত্রদের কাছে বলিবার বিষয় নয়, কথাপ্রসঙ্গে আপনাকে বলিয়া লইলাম, চিন্তা করিয়া দেখিবেন।

মোট কথাটা এই যে, যদিচ রন্ধনে নুন কম হইত না এবং পানে চূণ বেশি হইত না তথাপি ফণিভূষণের হৃদয় কি-যেন-কি-নামক একটা দ্রুতসংস্পর্শ উৎপাত অনুভব করিত। স্ত্রীর কোনো দোষ ছিল না, কোনো ভ্রম ছিল না, তবু স্বামীর কোনো স্নেহ ছিল না। সে তাহার সহধর্মিণীর শূন্য-গহ্বর হৃদয় লক্ষ্য করিয়া কেবলি হীরামুক্তার গহনা ঢালিত কিন্তু সেগুলো পড়িত গিয়া লোহার সিন্দুকে,—হৃদয় শূন্যই থাকিত। খুড়া দুর্গামোহন ভালবাসা এত সূক্ষ্ম করিয়া ব্যুত না, এত কাতর হইয়া চাহিত না, এত প্রচুর পরিমাণে দিত না, অথচ

খুড়ির নিকট হইতে তাহা অজ্ঞপ্ত পরিমাণে লাভ করিত। ব্যবসায়ী হইতে গেলে নব্যবাবু হইলে চলে না এবং স্বামী হইতে গেলে পুরুষ হওয়া দরকার, এ কথায় সন্দেহ মাত্র করিবেন না।”

ঠিক এই সময় শৃগালগুলা নিকটবর্তী কোপের মধ্য হইতে অত্যন্ত উচ্চৈঃস্বরে চীৎকার করিয়া উঠিল। মাঠার মহাশয়ের গল্পশ্রোতে মিনিট কয়েকের জ্ঞান বাধা পড়িল। ঠিক মনে হইল সেই অন্ধকার সভাবূমিতে কোতুকশ্রিয় শৃগালসম্প্রদায় ইন্সুল-মাঠারের ব্যাখ্যাত দাম্পত্যনীতি শুনিয়াই হোক বা নবসভাতাহুর্লল ফণিভূষণের আচরণেই হোক রহিয়া রহিয়া অটুহাস্ত করিয়া উঠিতে লাগিল। তাহাদের ভাবোচ্ছাস নিবৃত্ত হইয়া জলস্থল দ্বিগুণতর নিস্তব্ধ হইলে পর মাঠার সন্ধ্যার অন্ধকারে তাহার বৃহৎ উজ্জ্বল চক্ষু পাকাইয়া গল্প বলিতে লাগিলেন।

“কণিভূষণের জটিল এবং বহুবিস্তৃত ব্যবসায় হঠাৎ একটা কাঁড়া উপস্থিত হইল। ব্যাপারটা কি তাহা আমার মত অব্যবসায়ীর পক্ষে বোঝা এবং বোঝানো শক্ত। মোক্ষা কথা, সহসা কি কারণে বাজারে তাহার ক্রেডিট রাখা কঠিন হইয়া পড়িয়াছিল। যদি কেবলমাত্র পাঁচটা দিনের জ্ঞানও সে কোথাও হইতে লাখদেড়েক টাকা বাহির করিতে পারে, বাজারে একবার বিদ্রোহের মত টাকাটার চেহারা দেখাইয়া যায় তাহা হইলেই মুহূর্তের মধ্যে সঙ্কট উত্তীর্ণ হইয়া তাহার ব্যবসা পালভরে ছুটিয়া চলিতে পারে।”

টাকাটার স্বেযোগ হইতেছিল না। স্থানীয় পরিচিত মহাজনদের নিকট হইতে ধার করিতে প্রবৃত্ত হইয়াছে এরূপ জনরব উঠিলে তাহার ব্যবসায়ের দ্বিগুণ অনিষ্ট হইবে আশঙ্কায় তাহাকে অপরিচিত স্থানে ঋণের চেষ্টা দেখিতে হইতেছিল। সেখানে উপযুক্ত বন্ধক না রাখিলে চলে না।

গহনা বন্ধক রাখিলে লেখাপড়া এবং বিলম্বের কারণ থাকে না, চটপট এবং সহজেই কাজ হইয়া যায়।

কণিভূষণ একবার স্ত্রীর কাছে গেল। নিজের স্ত্রীর কাছে স্বামী যেমন সহজভাবে যাইতে পারে কণিভূষণের তেমন করিয়া যাইবার ক্ষমতা ছিল না। সে চর্ভাগ্যক্রমে নিজের স্ত্রীকে ভালবাসিত যেমন ভালবাসা কাব্যের নায়ক কাব্যের নায়িকাকে বাসে; যে ভালবাসায় সম্বর্ণপণে পদক্ষেপ করিতে হয় এবং

সকল কথা মুখ ফুটিয়া বাহির হইতে পারে না,—যে ভালবাসার প্রবল আকর্ষণ স্বর্ঘ্য এবং পৃথিবীর আকর্ষণের ত্রায় মাঝখানে একটা অতি দূর ব্যবধান রাখিয়া দেয়।

তথাপি তেমন তেমন দায়ে পড়িলে কাবোর নায়ককেও প্রেয়সীর নিকট ছড়ি, বন্ধক এবং ছাওনোটের প্রসঙ্গ তুলিতে হয় ; কিন্তু সুর বাধিয়া যায়, বাকস্বলন হয়, এমন সকল পরিষ্কার কাজের কথার মধ্যেও ভাবের জড়িমা ও বেদনার বেপথু আসিয়া উপস্থিত হয়। হতভাগ্য ফণিভূষণ স্পষ্ট করিয়া বলিতে পারিল না, ওগো, আমার দরকার হইয়াছে তোমার গহনাগুলো দাও !

কথাটা বলিল অথচ অত্যন্ত দুর্বলভাবে বলিল। মণিমালিকা যখন কঠিন মুখ করিয়া হাঁ না কিছুই উত্তর করিল না তখন সে একটা অত্যন্ত নিষ্ঠুর আঘাত পাইল কিন্তু আঘাত করিল না। কারণ, পুরুষোচিত বর্বরতা লেশমাত্র তাহার ছিল না। যেখানে জোর করিয়া কাড়িয়া লওয়া উচিত ছিল, সেখানে সে আপনার আন্তরিক ক্ষোভ পর্য্যন্ত চাপিয়া গেল। যেখানে ভালবাসার একমাত্র অধিকার, সর্বনাশ হইয়া গেলেও সেখানে বলকে প্রবেশ করিতে দিবে না এই তাহার মনের ভাব। এ-সম্বন্ধে তাহাকে যদি ভৎসনা করা যাইত তবে সম্ভবত সে এইরূপ হৃদয় তর্ক করিত যে, বাজারে যদি অন্তায় কারণেও আমার ক্রেডিট না থাকে তবে তাই বলিয়া বাজার লুটিয়া লইবার অধিকার নাই, স্ত্রী যদি স্বেচ্ছাপূর্বক বিশ্বাস করিয়া আমাকে গহনা না দেব তবে তাহা আমি কাড়িয়া গইতে পারি না। বাজারে ক্রেডিট, ঘরে তেমনি ভালবাসা, বাহুবল কেবলমাত্র রণক্ষেত্রে ! পদে পদে এইরূপ অত্যন্ত হৃদয় হৃদয় তর্কহীন কাটিবার জন্তই কি বিধাতা পুরুষ মানুষকে এইরূপ উদার, এরূপ প্রবল, এরূপ বৃহদাকার করিয়া নির্মাণ করিয়াছিলেন ? তাহার কি বসিয়া বসিয়া অত্যন্ত সূক্ষ্মর চিত্তবৃত্তিকে নিরতিশয় তনিমার সহিত অনুভব করিবার অবকাশ আছে, না ইহা তাহাকে শোভা পায় ?

বাহা হোক আপন উন্নত হৃদয়বাস্তুর গর্বে স্ত্রীর গহনা স্পর্শ না করিয়া . ফণিভূষণ অন্য উপায়ে অর্থ সংগ্রহের জন্ত কলিকাতায় চলিয়া গেল।

সংসারে সাধারণত স্ত্রীকে স্বামী যতটা চেনে স্বামীকে স্ত্রী তাহার চেয়ে অনেক বেশি চেনে ; কিন্তু স্বামীর প্রকৃতি যদি অত্যন্ত হৃদয় হয় তবে স্ত্রীর

অনুবীক্ষণে তাহার সমস্তটা ধরা পড়ে না। আমাদের ফণিভূষণের স্ত্রী ঠিক বুঝিত না। স্ত্রীলোকের অশিক্ষিতপটুত্ব যে সকল বস্তুকালাগত প্রাচীন সংস্কারের দ্বারা গঠিত, অত্যন্ত নব্য পুরুষেরা তাহার বাহিরে গিয়া পড়ে। ইহারা এক রকমের! ইহারা মেয়েমানুষের মতই রহস্যময় হইয়া উঠিতেছে সাধারণ পুরুষমানুষের যে ক'টা বড় বড় কোটা আছে, অর্থাৎ কেহ-বা বর্বর, কেহ-বা নির্বোধ, কেহ-বা অন্ধ, তাহার মধ্যে কোনোটাতেই ইহাদিগকে ঠিকমত স্থাপন করা যায় না।

সুতরাং মণিমালিকা পরামর্শের জন্ত তাহার মন্ত্রীকে ডাকিল। গ্রামসম্পর্কে অথবা দূরসম্পর্কে মণিমালিকার এক ভাই ফণিভূষণের কুঠিতে গোমস্তার অধীনে কাজ করিত। তাহার এমন স্বভাব ছিল না যে কাজের দ্বারা উন্নতি লাভ করে, কোনো একটা উপলক্ষ করিয়া আত্মীয়তার জোরে বেতন এবং বেতনেরও বেশি কিছু কিছু সংগ্রহ করিত।

মণিমালিকা তাকে ডাকিয়া সকল কথা বলিল; জিজ্ঞাসা করিল, “এখন পরামর্শ কি?”

সে অত্যন্ত বুদ্ধিমানের মত মাথা নাড়িল,—অর্থাৎ গতিক ভালো নহে। বুদ্ধিমানেরা কখনই গতিক ভালো দেখে না। সে কহিল, “বাবু কখনই টাকা সংগ্রহ করিতে পারিবেন না, শেষকালে তোমার এ গহনাটাতে টান পড়িবেই।”

মণিমালিকা মানুষকে যে রূপ জানিত তাহাতে বুঝিল এইরূপ হওয়াই সম্ভব এবং ইহাই সঙ্গত। তাহার দুশ্চিন্তা স্তূতী হইয়া উঠিল। সংসারে তাহার সম্ভান নাই; স্বামী আছে বটে কিন্তু স্বামীর অস্তিত্ব সে অন্তরের মধ্যে অনুভব করে না,—অতএব যাহা তাহার একমাত্র বত্বের ধন, যাহা তাহার ছেলের মত ক্রমে ক্রমে বৎসরে বৎসরে বাড়াইয়া উঠিতেছে, যাহা রূপকমাত্র নহে, যাহা প্রকৃতই সোনা, যাহা মার্গিক, যাহা বক্ষের, যাহা কণ্ঠের, যাহা মাথার, —সেই অনেক দিনের অনেক সাধের সামগ্রী এক মুহূর্তেই ব্যবসায়ের অতলস্পর্শ গহবরের মধ্যে নিক্ষিপ্ত হইবে ইহা কল্পনা করিয়া তাহার সর্বশরীর হিম হইয়া আসিল। সে কহিল, “কি করা যায়?”

মধুসূদন কহিল, “গহনাগুলো লইয়া এইবেলা বাপের বাড়ি চল!” গহনার

কিছু অংশ, এমন কি, অধিকাংশই যে তাহার ভাগে আসিবে বুদ্ধিমান মধু মনে মনে তাহার উপায় ঠাহরাইল।

মণিমালিকা এ-প্রস্তাবে তৎক্ষণাৎ সম্মত হইল।

আষাঢ় শেষের সন্ধ্যাবেলায় এই বাটের ধারে একখানি নৌকা আসিয়া লাগিল। ঘনমেঘাচ্ছন্ন প্রত্যুষে নিবিড় অন্ধকারে নিদ্রাহীন ভেকের কলরবের মধ্যে একখানি মোটা চাদরে পা হইতে মাথা পর্য্যন্ত আবৃত করিয়া মণিমালিকা নৌকায় উঠিল। মধুসূদন নৌকার মধ্য হইতে জাগিয়া উঠিয়া কহিল, “গহনার বাক্সটা আমার কাছে দাও!” মণি কহিল, “সে পরে হইবে, এখন নৌকা খুলিয়া দাও।”

নৌকা খুলিয়া দিল, খরস্রোতে ছুছ করিয়া ভাসিয়া গেল।

মণিমালিকা সমস্ত রাত ধরিয়া একটি একটি করিয়া তাহার সমস্ত গহনা সর্কাস্ত্র ভরিয়া পরিয়াছে,—মাথা হইতে পা পর্য্যন্ত আবৃত স্থান ছিল না। বাক্সে করিয়া গহনা লইলে সে বাক্স হাতছাড়া হইয়া যাইতে পারে এ আশঙ্কা তাহার ছিল। কিন্তু গায়ে পরিয়া গেলে তাহাকে না বধ করিয়া সে গহনা কেহ লইতে পারিবে না।

সঙ্গে কোনো প্রকাব বাক্স না দেখিয়া মধুসূদন কিছু বুঝিতে পারিল না—মোটাচাদরের নীচে যে মণিমালিকার দেহ-প্রাণের সঙ্গে সঙ্গে দেহ-প্রাণের অধিক গহনাগুলি আচ্ছন্ন ছিল তাহা সে অনুমান করিতে পারে নাই। মণিমালিকা ফণিভূষণকে বুঝিত না বটে কিন্তু মধুসূদনকে চিনিতে তাহার বাকি ছিল না।

মধুসূদন গোমস্তার কাছে একখানা চিঠি রাখিয়া গেল যে, সে কজ্জীকে পিত্রালয়ে পৌছাইয়া দিতে রওনা হইল। গোমস্তা ফণিভূষণের বাপের আমলের; সে অত্যন্ত বিরক্ত হইয়া হৃদয় ইকারকে দীর্ঘ ঈকার এবং দস্ত্য স কে তালব্য শ করিয়া মনিবকে এক পত্র লিখিল,—ভালো বাংলা লিখিল না কিন্তু জীকে অযথা প্রশ্রয় দেওয়া যে পুরুষোচিত নহে এ কথাটা ঠিকমতই প্রকাশ করিল।

ফণিভূষণ মণিমালিকার মনের কথাটা ঠিক বুঝিল। তাহার মনে এই আঘাতটা প্রবল হইল যে, আমি গুরুতর ক্ষতি সম্ভাবনাসম্বন্ধেও জব্বার অলঙ্কার

পরিত্যাগ করিয়া প্রাণপণ চেষ্টায় অর্থ সংগ্রহে প্রবৃত্ত হইয়াছি—তবু আমাকে সন্দেহ ! আমাকে আজিও চিনিলা না ।

নিজের প্রতি যে নিদারুণ অত্যায়ে ক্রুদ্ধ হওয়া উচিত ছিল, ফণিভূষণ তাহাতে ক্রুদ্ধ হইল মাত্র ! পুরুষমানুষ বিধাতার ত্রায়দণ্ড, তাহার মধ্যে তিনি বজ্রাঘ্নি নিহিত করিয়া রাখিয়াছেন, নিজের প্রতি অথবা অপরের প্রতি অত্যায়ে সংঘর্ষে সে যদি দপ্ করিয়া জ্বলিয়া উঠিতে না পারে, তবে ধিক্ তাহাকে ! পুরুষমানুষ দাবান্নির মত রাগিয়া উঠিলে সামান্য কারণে, আর জ্বীলোক শ্রাবণ-মেঘের মত অশ্রুপাত করিতে থাকিবে বিনা উপলক্ষে, বিধাতা এইরূপ বন্দোবস্ত করিয়াছিলেন—কিন্তু সে আর টেকে না ।

ফণিভূষণ অপরাধিনী জ্বীকে লক্ষ্য করিয়া মনে মনে কহিল, এই যদি তোমার হয় তবে এইরূপই হোক, আমার কর্তব্য আমি করিয়া যাইব ।—আরো শতাব্দী পাঁচ ছয় পরে যখন কেবল অধ্যাত্মশক্তিতে জগৎ চলিবে তখন যাহার জন্মগ্রহণ করা উচিত ছিল সেট ভাবিষ্যগের ফণিভূষণ উনবিংশ শতাব্দীতে অবতীর্ণ হইয়া সেই আদিযুগের জ্বীলোককে বিবাহ করিয়া বসিয়াছে, শাস্ত্রে যাহার বুদ্ধিকে প্রলয়ঙ্করী বলিয়া থাকে । ফণিভূষণ জ্বীকে এক অক্ষর পত্র লিখিল না এবং মনে মনে প্রতিজ্ঞা করিল এসম্বন্ধে জ্বীর কাছে কখনো সে কোনো কথার উল্লেখ করিবে না । কি ভীষণ দণ্ডবিধি ।

দিনদশেক পরে কোনোমতে যথোপযুক্ত টাকা সংগ্রহ করিয়া বিপদভ্রমীর্ণ ফণিভূষণ বাড়ি আসিয়া উপস্থিত হইল । সে জানিত বাপের বাড়িতে গহনাপত্র রাখিয়া এতদিনে মণিমালিকা ঘরে ফিরিয়া আসিয়াছে । সেদিনকার দীন প্রার্থিভাব ত্যাগ করিয়া কৃতকার্য কৃতীপুরুষ জ্বীর কাছে দেখা দিলে মণি যে কিরূপ লজ্জিত এবং অনাবগুক প্রয়াসের জন্ত কিঞ্চিৎ অন্ততপ্ত হইবে ইহাই কল্পনা করিতে করিতে ফণিভূষণ অন্তঃপুরে শব্দনাগারের দ্বারের কাছে আসিয়া উপনীত হইল ।

দেখিল, দ্বার রুদ্ধ । তালা ভাঙিয়া ঘবে ঢুকিয়া দেখিল, ঘর শূন্য । কোণে লোহার সিন্দুক খোলা পড়িয়া আছে, তাহাতে গহনাপত্রের চিহ্ন মাত্র নাই । স্বামীর বৃকের মধ্যে ধক্ করিয়া একটা ঘা লাগিল !—মনে হইল সংসার উদ্বেগ-হীন এবং ভালবাসা ও বাণিজ্যব্যবসা সমস্তই ব্যর্থ । আমরা এই সংসার-

পিঞ্জরের প্রত্যেক শলাকার উপরে প্রাণপাত করিতে বসিয়াছি, কিন্তু তাহার ভিতরে পাখী নাই, রাখিলেও সে থাকে না—তবে অহরহ হৃদয়খনির রক্ত-মাণিক ও অশ্রুজলের মুক্তামালা দিয়া কি সাজাইতে বসিয়াছি! এই চির-জীবনের সর্বস্বজড়ানো শূন্য সংসার-খাঁচাটা ফণিভূষণ মনে মনে পদাঘাত করিয়া অতিদূরে ফেলিয়া দিল।

ফণিভূষণ জ্বরী সন্ধ্যাকে কোনোরূপ চেষ্টা করিতে চাহিল না। মনে করিল, যদি ইচ্ছা হয় তো ফিরিয়া আসিবে। বুদ্ধ ব্রাহ্মণ গোমস্তা আসিয়া কহিল, “চুপ করিয়া থাকিলে কি হইবে—কত্ৰীবধূর খবর লওয়া চাই তো!” এই বলিয়া মণিমালিকার পিত্রালয়ে লোক পাঠাইয়া দিল। সেখান হইতে খবর আসিল মণি অথবা মধু এ-পর্যন্ত সেখানে পৌঁছে নাই।

তখন চারিদিকে খোঁজ পড়িয়া গেল। নদীর তীরে তীরে প্রশ্ন করিতে করিতে লোক ছুটিল। মধুর তল্লাস করিতে পুলিশে খবর দেওয়া হইল,—কোন নৌকা, নৌকার মাঝি কে, কোন পথে তাহারা কোথায় চলিয়া গেল তাহার কোনো সন্ধান মিলিল না।

সর্বপ্রকার আশা ছাড়িয়া দিয়া একদিন ফণিভূষণ সন্ধ্যাকালে তাহার পরিত্যক্ত শয়ন-গৃহের মধ্যে প্রবেশ করিল। সেদিন জন্মাষ্টমী, সকাল হইতে অবিশ্রান্ত বৃষ্টি পড়িতেছে! উৎসব উপলক্ষে গ্রামের প্রান্তরে একটা মেলা বসে, সেখানে আটচালার মধ্যে বারোয়ারী যাত্রা আরম্ভ হইয়াছে। মুঘলধারায় বৃষ্টিপাত-শব্দে যাত্রার গানের সুর মৃদুতর হইয়া কানে আসিয়া প্রবেশ করিতেছে। ঐ যে বাতায়নের উপরে শিথিলকজ্জা দরজাটি ঝুলিয়া পড়িয়াছে ঐখানে ফণিভূষণ অন্ধকারে একলা বসিয়াছিল,—বাদলার হাওয়া, বৃষ্টির ছাট এবং যাত্রার গান ঘরের মধ্যে প্রবেশ করিতেছিল, কোনো খেয়ালই ছিল না। ঘরের দেওয়ালে আর্ট-ষ্টুডিও-রচিত লক্ষ্মী সরস্বতীর একজোড়া ছবি টাঙানো; আলনার উপরে একটি গামছা ও তোয়ালে, একটি চুড়িপেড়ে ও একটি ডুরে শাড়ি, সজ্জ ব্যবহারযোগ্যভাবে পাকানো ঝুলানো রহিয়াছে; ঘরের কোণে টিপাইয়ের উপরে পিতলের ডিবায় মণিমালিকার স্বহস্তরচিত গুটিকতক পান শুক হইয়া পড়িয়া আছে। কাচের আলমারির মধ্যে তাহার আবাল্যসঞ্চিত চীনের পুতুল, এসেন্সের শিশি, রঙিন কাচের ডিক্যান্টার, সৌখীন তাস, সন্দের

বড় বড় কড়ি, এমন কি শূণ্য সাবানের বাঁকগুলি পর্য্যন্ত অতি পরিপাটি করিয়া সাজানো ; যে অতি ক্ষুদ্র গোলকবিশিষ্ট ছোট সখের কেরোসিন ল্যাম্প সে নিজে প্রতিদিন প্রস্তুত করিয়া স্বহস্তে জালাইয়া কুলুঙ্গির উপরে রাখিয়া দিত তাহা যথাস্থানে নির্বাপিত এবং স্নান হইয়া দাঁড়াইয়া আছে, কেবল সেই ক্ষুদ্র ল্যাম্পটি এই শয়নকক্ষের মণিমালিকার শেষ মুহূর্তের নিরুত্তর সাক্ষী ; সমস্ত শূণ্য করিয়া যে চলিয়া যায়, সে-ও এত চিহ্ন এত ইতিহাস, সমস্ত জড় সামগ্রীর উপর আপন সজীব হৃদয়ের এত স্নেহ-স্বাক্ষর রাখিয়া যায় ! এস মণিমালিকা এস, তোমার দীপটি তুমি জালাও, তোমার ঘরটি তুমি আলো কর, আয়নার সম্মুখে দাঁড়াইয়া তোমাব যত্নকুক্ষিত সাড়িটি তুমি পর, তোমার জিনিষগুলি তোমার জন্ত অপেক্ষা কবিতোছে । তোমার কাছ হইতে কেহ কিছু প্রত্যাশা করে না, কেবল তুমি উপস্থিত হইয়া মাত্র তোমার অক্ষয় যৌবন তোমার অস্নান সৌন্দর্য্য লইয়া চারিদিকের এই সকল বিপুল বিক্ষিপ্ত অনাথ জড় সামগ্রীরাসিকে একটি প্রাণের ঐক্যে সম্বীভূত করিয়া রাখ ; এই সকল মুক প্রাণহীন পদার্থের অব্যক্ত ক্রন্দন গৃহকে শ্মশান করিয়া তুলিয়াছে !

গভীর রাতে কখন একসময়ে রুটির ধারা এবং যাত্রাব গান থামিয়া গেছে । ফণিভূষণ জানালার কাছে বেমন বসিয়াছিল তেমন বসিয়া আছে । বাতায়নের বাহিরে এমন একটা জগদ্ব্যাপী নীরন্ধু অন্ধকার যে, তাহার মনে হইতেছিল যেন সম্মুখে যমালয়েব একটা অলভেদী সিংহদ্বাব,—যেন এহখানে দাঁড়াইয়া কাঁদিয়া ডাকিলে চিরকালের লুপ্ত জিনিষ অচিরকালের মত একবার দেখা দিতেও পারে । এই মসীকৃষ্ণ মৃত্যুর পটে এই অতি কঠিন নিকষপাষণের উপর সেই হারানো সোনার একটি বেথা পড়িতেও পারে !

এমন সময় একটা ঠক্ঠক্ শব্দের সঙ্গে সঙ্গে গহনার ঝম্‌ঝম্ শব্দ শোনা গেল । ঠিক মনে হইল শব্দটা নদীর ঘাটের উপর হইতে উঠিয়া আসিতেছে । তখন নদীব জল এবং রাত্রির অন্ধকার এক হইয়া মিশিয়া গিয়াছিল । পুলাকত ফণিভূষণ জুই উৎস্রক চক্ষু দিয়া অন্ধকার ঠেলিয়া ঠেলিয়া ফুঁড়িয়া ফুঁড়িয়া দেখিতে চেষ্টা করিতে লাগিল,—স্বীত হৃদয় এবং ব্যগ্রদৃষ্টি ব্যথিত হইয়া উঠিল, কিছুই দেখা গেল না । দেখিবার চেষ্টা বতাই একান্ত বাড়িয়া উঠিল অন্ধকার ততই যেন ঘনীভূত, জগৎ ততই যেন ছায়াবৎ হইয়া আসিল । প্রকৃতি

নিশীথরাত্রে আপন মৃত্যু-নিকেতনের গবাক্ষদ্বারে অকস্মাৎ অতিথিসমাগম দেখিয়া
দ্রুত ভস্বে আরো একটা বেশি করিয়া পর্দা ফেলিয়া দিল।

শব্দটা ক্রমে ঘাটের সর্বোচ্চ সোপানতল ছাড়িয়া বাড়ির দিকে অগ্রসর
হইতে লাগিল। বাড়ির সম্মুখে আসিয়া থামিল। দেউড়ি বন্ধ করিয়া দরওয়ান
যাত্রা শুনিতে গিয়াছিল। তখন সেই রুদ্ধদ্বারের উপর ঠক্ঠক্ বম্‌বম্ করিয়া
বা পড়িতে লাগিল। যেন অলঙ্কারের সঙ্গে সঙ্গে একটা শব্দ জিনিষ দ্বারের
উপর আসিয়া পড়িতেছে। ফণিভূষণ আর থাকিতে পারিল না। নির্ঝাণদীপ
কক্ষগুলি পার হইয়া অন্ধকার সিঁড়ি দিয়া নামিয়া রুদ্ধদ্বারের নিকট আসিয়া
উপস্থিত হইল। দ্বার বাহির হইতে তালাবন্ধ ছিল। ফণিভূষণ দুই ঠাতে
সেই দ্বার নাড়া দিতেই সেই সংঘাতে এবং তাহার শব্দে চমকিয়া জাগিয়া
উঠিল। দেখিতে পাইল সে নিদ্রিত অবস্থায় উপর হইতে নীচে নামিয়া
আসিয়াছিল। তাহার সর্বশরীর ঘর্ম্মাক্ত, হাত পা বরফের মত ঠাণ্ডা এবং
হৃৎপিণ্ড নির্ঝাণেবলুপ্ত প্রদীপের মত স্ফুরিত হইতেছে। স্বপ্ন ভাঙিয়া দেখিল
বাহিরে আর কোনো শব্দ নাই, কেবল শ্রাবণের ধারা তখনও ঝরঝর্ শব্দে
পড়িতেছিল এবং তাহারি সহিত মিশ্রিত হইয়া শুনা যাইতেছিল যাত্রার ছেলেরা
ভোরের সুরে তান ধরিয়াছে।

ষদিচ ব্যাপারটা সমস্তই স্বপ্ন কিন্তু এত অধিক নিকটবর্তী এবং সত্যবৎ যে
ফণিভূষণের মনে হইল যেন অতি অল্পের অন্তর্ভুক্ত সে তাহার অসম্ভব আকাঙ্ক্ষার
আশ্চর্য্য সফলতা হইতে বঞ্চিত হইল। সেই জলপতন শব্দের সহিত
দূরগত ভৈরবীর তান তাহাকে বলিতে লাগিল—এই জাগরণই স্বপ্ন, এই
জগতই মিথ্যা।

তাহার পরদিনেও যাত্রা ছিল এবং দরওয়ানেরও ছুটি ছিল। ফণিভূষণ
ছকুম দিল আজ সমস্ত রাত্রি যেন দেউড়ির দরজা খোলা থাকে। দরওয়ান
কহিল, “মেলা উপলক্ষে নানা দেশ হইতে নানা প্রকারের লোক আসিয়াছে
—দরোজা খোলা রাখিতে সাহস হয় না।” ফণিভূষণ সে-কথা মানিল না।
দরওয়ান কহিল, “তবে আমি সমস্ত রাত্রি হাজির থাকিয়া পাহারা দিব।”
ফণিভূষণ কহিল, “সে হইবে না, তোমাকে যাত্রা শুনিতে যাইতেই হইবে।”
দরওয়ান আশ্চর্য্য হইয়া গেল।

পরদিন সন্ধ্যাবেলায় দীপ নিভাইয়া দিয়া ফণিভূষণ তাহার শয়নকক্ষের সেই বাতায়নে আসিয়া বসিল। আকাশে অবুষ্টিসংরস্ত মেঘ এবং চতুর্দিকে কোনো একটি অনির্দিষ্ট আসন্ন প্রতীক্ষার নিতরুণতা। ভেকের অশ্রাস্ত কলরব এবং যাত্রার গানের চাঁৎকার-ধ্বনি সেই স্তব্ধতা ভাঙিতে পারে নাই, কেবল তাহার মধ্যে একটা অসঙ্গত অদ্ভুতরস বিস্তার করিতেছিল।

অনেক রাত্রে এক সময়ে ভেক এবং ঝিল্লি এবং যাত্রার দলের ছেলেরা চুপ্ করিয়া গেল এবং রাত্রে অন্ধকারের উপরে আরো একটা কিসের অন্ধকার আসিয়া পড়িল। বুঝা গেল এইবার সময় আসিয়াছে।

পূর্বদিনের মত নদীর ঘাটে একটা ঠক্ঠক্ এবং ঝম্‌ঝম্‌শব্দ উঠিল। কিন্তু ফণিভূষণ সে-দিকে চোখ ফিরাইল না, তাহার ভয় হইল পাছে অধীর ইচ্ছা এবং অশাস্ত চেষ্টায় তাহার সকল ইচ্ছা সকল চেষ্টা ব্যর্থ হইয়া যায়। পাছে আগ্রহেব বেগ তাহার ইন্দ্রিয়শক্তিকে অভিভূত করিয়া ফেলে। সে আপনার সকল চেষ্টা নিজের মনকে দমন করিবার জন্ত প্রয়োগ করিল—কাঠের মূর্তির মত শব্দ হইয়া স্থির হইয়া বসিয়া রহিল।

শিঞ্জিত শব্দ আজ ঘাট হইতে ক্রমে ক্রমে অগ্রসর হইয়া মুক্ত দ্বারের মধ্যে প্রবেশ করিল। শুনা গেল অন্তরমহলের গোলসিঁড়ি দিয়া ঘুরিতে ঘুরিতে শব্দ উপরে উঠিতেছে। ফণিভূষণ আপনাকে আর দমন করিতে পারে না তাহার বক্ষ তুফানের ডিঙির মত আছাড় খাইতে লাগিল এবং নিশ্বাস রোধ হইবার উপক্রম হইল। গোলসিঁড়ি শেষ করিয়া সেই শব্দ বারান্দা দিয়া ক্রমে ঘরের নিকটবর্তী হইতে লাগিল। অবশেষে ঠিক সেই শয়নকক্ষের দ্বারের কাছে আসিয়া থট্‌থট্‌ এবং ঝম্‌ঝম্‌ থামিয়া গেল। কেবল চোকাঠটি পার হইলেই হয়।

ফণিভূষণ আর থাকিতে পারিল না। তাহার রক্ত আবেগ এক মুহূর্তে প্রবলবেগে উচ্ছ্বসিত হইয়া উঠিল—সে গিছাঘেগে চোঁকি হইতে উঠিয়া কাঁদিয়া চাঁৎকার করিয়া উঠিল,—“মণি!” অমনি দচকিত হইয়া জাগিয়া দেখিল তাহারই সেই ব্যাকুল কণ্ঠের চাঁৎকারে ঘরের শারিঙলা পর্যন্ত ধ্বনিত স্পন্দিত হইতেছে। বাহিরে সেই ভেকের কলরব এবং যাত্রার ছেলেদের ক্রিষ্ট কণ্ঠের গান।

ফণিভূষণ নিজের লগাটে সবলে আঘাত করিল।

পরদিন মেলা ভাঙিয়া গেছে। দোকানী এবং যাত্রার দল চলিয়া গেল। ফণিভূষণ শুকুম দিল সেদিন সন্ধ্যার পর তাহার বাড়িতে সে নিজে ছাড়া আর কেহই থাকিবে না। চাকরেরা স্থির করিল বাবু তান্ত্রিকমতে একটা কি সাধনে নিযুক্ত আছেন। ফণিভূষণ সমস্ত দিন উপবাস করিয়া রহিল।

জনশূন্য বাড়িতে সন্ধ্যাবেলায় ফণিভূষণ বাতায়নতলে আসিয়া বসিল। সেদিন আকাশের স্থানে স্থানে মেঘ ছিল না, এবং ধৌত নির্মল বাতাসের মধ্য দিয়া নক্ষত্রগুলিকে অতুজ্জ্বল দেখাইতেছিল। কৃষ্ণপক্ষ দশমীর চাঁদ উঠিতে অনেক বিলম্ব আছে। মেলা উত্তীর্ণ হইয়া বাওয়াতে পরিপূর্ণ নদীতে নৌকা মাত্রই ছিল না এবং উৎসবজাগরকান্ত গ্রাম ছইরাও জাগরণের পর আজ গভীর নিদ্রায় নিমগ্ন।

ফণিভূষণ একথানা চৌকিতে বসিয়া চৌকর পিঠের উপর মাথা উর্দ্ধমুখ করিয়া তারা দেখিতেছিল,—ভাবিতেছিল একদিন যখন তাহার বয়স ছিল উনিশ, যখন কলিকাতার কলেজে পড়িত, যখন সন্ধ্যাকালে গোলাদিঘর তৃণশরনে চিং হইয়া হাতের উপরে মাথা রাখিয়া ঐ অনন্তকালের তারাগুলির দিকে চাহিয়া থাকিত এবং মনে পড়িত তাহার সেই নদীকূলবর্তী খণ্ডরবাড়ির একটি বিরল-কক্ষে চৌদ্দবৎসরের বয়ঃসন্ধিগতা মণির সেই উজ্জ্বল কাঁচা মুখখানি, তখনকার সেই বিরহ কি স্মৃধুর, তখনকার সেই তারাগুলির আলোকস্পন্দন হৃদয়ের যৌবনস্পন্দনের সঙ্গে সঙ্গে কি বিচিত্র ‘বসন্তরাগেণ যতিতাল্যভাং’ বাজিয়া বাজিয়া উঠিত! আজ সেই একই তাবা আগুন দিয়া আকাশে মোহমুগ্ধেরের শ্লোক কয়টা লিখিয়া রাখিয়াছে, বলিতেছে, ‘সংসারোহমযতীব বিচিত্রঃ!’

দেখিতে দেখিতে তারাগুলি সমস্ত লুপ্ত হইয়া গেল। আকাশ হইতে একথানা অন্ধকার নামিয়া এবং পৃথিবী হইতে একথানা অন্ধকার উঠিয়া চোখের উপরকার এবং নাচেকার পল্লবের মত একত্র আসিয়া মিলিত হইল। আজ ফণিভূষণের চিত্ত শান্ত ছিল। সে নিশ্চয় জানিত আজ তাহার অভীষ্ট সিদ্ধ হইবে, সাধকের নিকট মৃত্যু আপন রহস্য উদ্ঘাটন করিয়া দিবে।

পূর্বরাত্রির মত সেই শব্দ নদীর জলের মধ্য হইতে ঘাটের সোপানের উপর উঠিল; ফণিভূষণ ছই চক্ষু নিম্নীলিত করিয়া স্থির দৃঢ়চিত্তে ধ্যানাসনে

বসিল। শব্দ দ্বারীশূন্য দেউড়ির মধ্যে প্রবেশ করিল,—শব্দ জনশূন্য অন্তঃপুরের গোলসিঁড়ির মধ্য দিয়া ঘুরিয়া ঘুরিয়া উঠিতে লাগিল, শব্দ দীর্ঘ বারান্দা পার হইল,—এবং শয়নকক্ষের দ্বারের কাছে আসিয়া ক্ষণকালের জন্ত থামিল।

ফণিভূষণের হৃদয় ব্যাকুল এবং সৰ্ব্বাঙ্গ কণ্টকিত হইয়া উঠিল, কিন্তু আজ সে চক্ষু খুলিল না। শব্দ চৌকাঠ পার হইয়া অন্ধকার ঘরের মধ্যে প্রবেশ করিল। আল্‌নায়, যেখানে সাড়ি কোঁচানো আছে, কুলুঙ্গিতে, যেখানে কেরোসিনের দীপ দাঁড়াইয়া, টিপাইয়ের ধারে, যেখানে পানের বাটায় পান শুষ্ক, এবং সেই বিচিত্র সামগ্রীপূর্ণ আলমারীর কাছে প্রত্যেক জায়গায় এক একবার করিয়া দাঁড়াইয়া অবশেষে শব্দটা ফণিভূষণের অত্যন্ত কাছে আসিয়া থামিল।

তখন ফণিভূষণ চোখ মেলিল, এবং দেখিল ঘরে নবোদিত দশমীর চন্দ্রালোক আসিয়া প্রবেশ করিয়াছে, এবং তাহার চোকির ঠিক সম্মুখে একটি কঙ্কাল দাঁড়াইয়া। সেই কঙ্কালের আট আঙুলে আংটি, করতলে রতনচক্র, প্রকোষ্ঠে বালা, বাহুতে বাজুবন্ধ, গলায় কণ্ঠি, মাথায় সিঁথি, তাহার আপাদমস্তকে অস্থিতে অস্থিতে এক একটি আভরণ সোনায়ে হীরায় ঝকঝক করিতেছে! অলঙ্কারগুলি ঢিলা ঢলঢল করিতেছে কিন্তু অঙ্গ হইতে থসিয়া পড়িতেছে না। সৰ্ব্বাপেক্ষা ভয়ঙ্কর, তাহার অস্থিময় মুখে তাহার দুই চক্ষু ছিল শব্দীব;—সেই কালো, তারা, সেই ঘন দীর্ঘ পক্ষ, সেই সজল উজ্জলতা, সেই অবিচলিত দৃঢ় শাস্ত্র দৃষ্টি। আজ আঠারো বৎসর পূর্বে একদিন আলোকিত সভাগৃহে নহবতের সাহানা-আলাপের মধ্যে ফণিভূষণ যে ছুটি আয়ত সুন্দর কালো কালো ঢলঢল চোখ শুভদৃষ্টিতে প্রথম দেখিয়াছিল সেই ছুটি চক্ষুই আজ শ্রাবণের অন্ধরাত্রে কৃষ্ণপক্ষ দশমীর চন্দ্রকিরণে দেখিল—দেখিয়া তাহার সৰ্ব্বশরীরের রক্ত হিম হইয়া আসিল। প্রাণপণে দুই চক্ষু বৃজিতে চেষ্টা করিল, কিছুতেই পারিল না; তাহার চক্ষু মৃত মানুষের চক্ষুর মত নিগিমেয চাহিয়া রহিল।

তখন সেই কঙ্কাল স্তম্ভিত ফণিভূষণের মুখের দিকে তাহার দৃষ্টি স্থির রাখিয়া দক্ষিণ হস্ত তুলিয়া নীরবে অঙ্গুলি-সঙ্কেতে ডাকিল। তাহার চার আঙুলের অস্থিতে হীরার আংটি ঝকঝক করিয়া উঠিল।

ফণিভূষণ মুচের মত উঠিয়া দাঁড়াইল। কঙ্কাল দ্বারের অভিমুখে চলিল;

হাড়েতে হাড়েতে গহনায় গহনায় কঠিন শব্দ হইতে লাগিল। ফণিভূষণ পাশবদ্ধ পুতুলীর মত তাহার পশ্চাৎ পশ্চাৎ চলিল। বারান্দা পার হইল, নিবিড় অন্ধকার গোলসিঁড়ি ঘুরিয়া ঘুরিয়া খট্ খট্ ঠক্ ঠক্ ঝম্ ঝম্ করিতে করিতে নীচে উত্তীর্ণ হইল। নীচেকার বারান্দা পার হইয়া জনশূন্য দীপহীন দেউড়িতে প্রবেশ করিল; অবশেষে দেউড়ি পার হইয়া ইটের খোয়া দেওয়া বাগানের রাস্তার বাহির হইয়া পড়িল। খোয়াগুলি অস্থিপাতে কড় কড় করিতে লাগিল। সেখানে ক্ষীণ জ্যোৎস্না ঘন ডালপালার মধ্যে আটক পাইয়া কোথাও নিষ্কৃতির পথ পাইতেছিল না; সেই বর্ষার নিবিড়গন্ধ অন্ধকার ছায়াপথে জোনাকির ঝাঁকের মধ্য দিয়া উভয়ে নদীর ঘাটে আসিয়া উপস্থিত হইল।

ঘাটের যে ধাপ বাহিয়া শব্দ উপরে উঠিয়াছিল সেই ধাপ দিয়া অলঙ্কৃত কঙ্কাল তাহার আন্দোলনহীন ঋজুগতিতে কঠিন শব্দ করিয়া এক-পা এক-পা নামিতে লাগিল। পরিপূর্ণ বর্ষানদীর প্রবলশ্রোত জলের উপর জ্যোৎস্নার একটি দীর্ঘরেখা ঝিক্ ঝিক্ করিতেছে।

কঙ্কাল নদীতে নামিল, অনুবর্তী ফণিভূষণও জলে পা দিল। জলম্পর্শ করিবামাত্র ফণিভূষণের তন্ত্রা ছুটিয়া গেল। সম্মুখে আর তাহার পথপ্রদর্শক নাই—কেবল নদীর পরপারে গাছ গুল্ম শুক হইয়া দাঁড়াইয়া এবং তাহাদের মাথার উপরে খণ্ড চাঁদ শান্ত অবাচ্ছাভায়ে চাহিয়া আছে। আপাদমস্তক বারম্বার শিহরিয়া শিহরিয়া স্থলিতপদে ফণিভূষণ স্রোতের মধ্যে পড়িয়া গেল। যদিও সঁতার জানিত কিন্তু স্নায়ু তাহার বশ মানিল না,—স্রোতের মধ্য হইতে কেবল মুহূর্তমাত্র জাগরণের প্রান্তে আসিয়া পরক্ষণে অতলম্পর্শ স্রুতির মধ্যে নিমগ্ন হইয়া গেল।”

গল্প শেষ করিয়া ইস্কুলমাষ্টার খানিকক্ষণ থামিলেন। হঠাৎ থামিবামাত্র বোকা গেল তিনি ছাড়া ইতিমধ্যে জগতের আর সকলই নীরব নিস্তব্ধ হইয়া গেছে। অনেকক্ষণ আমি একটি কথাও বলিলাম না এবং অন্ধকারে তিনি আমার মুখের ভাবও দেখিতে পাইলেন না।

আমাকে জিজ্ঞাসা করিলেন, “আপনি কি এ গল্প বিশ্বাস করিলেন না?”

আমি জিজ্ঞাসা করিলাম, “আপনি কি ইহা বিশ্বাস করেন?”

তিনি কহিলেন—“না। কেন করি না, তাহার কয়েকটি যুক্তি দিতেছি।

প্রথমত প্রকৃতি ঠাকুরাণী উপগ্রাস লেখিকা নহেন, তাঁহার হাতে বিস্তর কাজ আছে—”

আমি কহিলাম, “দ্বিতীয়ত, আমারই নাম শ্রীযুক্ত ফণিভূষণ সাহা।”

ইঙ্গুলমাষ্টার কিছুমাত্র লাজ্জিত না হইয়া কহিলেন, “আমি তাহা হইলে ঠিকই অনুমান করিয়াছিলাম। আপনার স্ত্রীর নাম কি ছিল?”

আমি কহিলাম, “নৃত্যকালী।”

(১৩০৫—অগ্রহায়ণ)

দৃষ্টি-দান

কুনিয়াছি আজকাল অনেক বাঙালীর মেয়েকে নিজের চেষ্টায় স্বামী সংগ্রহ করিতে হয়। আমিও তাই করিয়াছি কিন্তু দেবতার সহায়তায়। আমি ছেলেবেলা হইতে অনেক ব্রত এবং অনেক শিবপূজা করিয়াছিলাম।

আমার আট বৎসর বয়স উত্তীর্ণ না হইতেই বিবাহ হইয়া গিয়াছিল। কিন্তু পূর্বজন্মের পাপবশত আমি আমার এমন স্বামী পাইয়াও সম্পূর্ণ পাইলাম না। মা ত্রিনয়নী আমার দুই চক্ষু লইলেন! জীবনের শেষ মুহূর্ত্ত পর্য্যন্ত স্বামীকে দেখিয়া লইবার সুখ দিলেন না।

বাল্যকাল হইতেই আমার অগ্নিপরীক্ষার আরম্ভ হয়। চৌদ্দ বৎসর পার না হইতেই আমি একটি মৃত শিশু জন্ম দিলাম, নিজেও মরিবার কাছাকাছি গিয়াছিলাম; কিন্তু যাহাকে হৃৎখণ্ডভোগ করিতে হইবে সে মরিলে চলিবে কেন? যে দীপ জলিবার জন্ত হইয়াছে তাহার তেল অল্প হয় না; রাত্রিভোর জলিয়া তবে তাহার নির্বাণ।

বাঁচিলাম বটে কিন্তু শরীরের দুর্ব্বলতায়, মনের খেদে, অথবা যে কারণেই হোক আমার চোখের পীড়া হইল।

আমার স্বামী তখন ডাক্তারী পড়িতেছিলেন। নূতন বিদ্যালয়িকার উৎসাহ-বশত চিকিৎসা করিবার সুযোগ পাইলে তিনি খুসি হইয়া উঠিতেন। তিনি নিজেই আমার চিকিৎসা আরম্ভ করিলেন।

দাদা সে বছর বি, এল, দিবেন বলিয়া কলেজে পড়িতেছিলেন। তিনি

একদিন আসিয়া আমার স্বামীকে কহিলেন, “করিতেছ কি? কুমুর চোখ দুটো যে নষ্ট করিতে বসিয়াছ! একজন ভালো ডাক্তার দেখাও।”

আমার স্বামী কহিলেন, “ভালো ডাক্তার আসিয়া আর নূতন চিকিৎসা কি করিবে? ওষুধপত্র তো সব জানাই আছে।”

দাদা কিছু রাগিয়া কহিলেন, “তবে তো তোমার সঙ্গে তোমাদের কলেজের বড় শাহেবের কোনো প্রভেদ নাই।”

স্বামী বলিলেন, “আইন পড়িতেছ ডাক্তারীর তুমি কি বোঝ? তুমি যখন বিবাহ করিবে, তখন তোমার স্ত্রীর সম্পত্তি লইয়া যদি কখনো মকদ্দমা বাধে তুমি কি আমার পরামর্শমত চলিবে?”

আমি মনে মনে ভাবিতেছিলাম, রাজায় রাজায় যুদ্ধ হইলে উলুখড়েরই বিপদ সবচেয়ে বেশি। স্বামীর সঙ্গে বিবাদ বাধিল দাদার,—কিন্তু দুই পক্ষ হইতে বাজিতেছে আমাকেই। আবার ভাবিলাম, দাদারা যখন আমাকে দানই করিয়াছেন তখন আমার সম্বন্ধে কর্তব্য লইয়া এ-সমস্ত ভাগাভাগি কেন? আমার সুখ-দুঃখ আমার রোগ ও আরোগ্য সে তো সমস্তই আমার স্বামীর।

সে-দিন আমার এই এক সামান্য চোখের চিকিৎসা লইয়া দাদার সঙ্গে আমার স্বামীর ঘেন একটু মতান্তর হইয়া গেল। সহজেই আমার চোখ দিয়া জল পড়িতেছিল, আমার জলের ধারা আরও বাড়িয়া উঠিল তাহার প্রকৃত কারণ আমার স্বামী কিম্বা দাদা কেহই তখন বুঝিলেন না।

আমার স্বামী কলেজে গেলে বিকাল বেলায় হঠাৎ দাদা এক ডাক্তার লইয়া আসিয়া উপস্থিত। ডাক্তার পরীক্ষা করিয়া কহিল, “সাবধানে না থাকিলে পীড়া গুরুতর হইবার সম্ভাবনা আছে।” এই বলিয়া কি সমস্ত ওষুধ লিখিয়া দিল, দাদা তখন তাহা আনাহিতে পাঠাইলেন।

ডাক্তার চলিয়া গেলে আমি দাদাকে বলিলাম, “দাদা, আপনার পায়ে পড়ি, আমার যে চিকিৎসা চলিতেছে তাহাতে কোনোরূপ ব্যাঘাত ঘটাইবেন না।”

আমি শিশুকাল হইতে দাদাকে খুব ভয় করিতাম, তাঁহাকে যে মুখ ফুটিয়া এমন করিয়া কিছু বলিতে পারিব ইহা আমার পক্ষে এক আশ্চর্য ঘটনা। কিন্তু আমি বেশ বুঝিয়াছিলাম, আমার স্বামীকে লুকাইয়া দাদা আমার যে চিকিৎসার ব্যবস্থা করিতেছেন তাহাতে আমার অশুভ বই শুভ নাই।

দাদাও আমার প্রগল্ভতায় বোধ করি কিছু আশ্চর্য্য হইলেন। কিছুক্ষণ চুপ্ করিয়া ভাবিয়া অবশেষে বলিলেন, “আচ্ছা আমি আর ডাক্তার আনিব না কিন্তু যে ওষুধটা আসিবে তাহা বিধিমতে সেবন করিয়া দেখিস্।”—ওষুধ আসিলে পর আমাকে তাহা ব্যবহারের নিয়ম বুঝাইয়া দিয়া দাদা চলিয়া গেলেন। স্বামী কলেজ হইতে আসিবার পূর্বেই আমি সে কোটা, শিশি, তুলি এবং বিধিবিধান সমস্তই সময়ে আমাদের প্রাঙ্গণের পাতকুয়াব মধ্যে ফেলিয়া দিলাম।

দাদার সঙ্গে কিছু আড়ি করিয়াই আমার স্বামী যেন আবেগ দ্বিগুণ চেষ্টায় আমার চোখের চিকিৎসায় প্রবৃত্ত হইলেন। এবেলা ওবেলা ওষুধ বদল হইতে লাগিল। চোখে ঠুলি পরিলাম, চশমা পরিলাম, চোখে ফোঁটা ফোঁটা করিয়া ওষুধ ঢালিলাম, গুঁড়া লাগাইলাম, দুর্গন্ধ মাছের তেল খাইয়া ভিতরকার পাকষলস্বাদ যখন বাহির হইবার উত্তম কবিত তাহাও দমন করিয়া রহিলাম। স্বামী জিজ্ঞাসা করিতেন, “কেমন বোধ হইতেছে।” আমি বলিতাম, “অনেকটা ভালো।” আমি মনে করিতেও চেষ্টা করিতাম যে ভালোই হইতেছে। যখন বেশি জল পড়িতে থাকিত তখন ভাবিতাম জল কাটিয়া যাওয়াই ভালো লক্ষণ; যখন জল পড়া বন্ধ হইত তখন ভাবিতাম এই তো আরোগ্যের পথে দাড়াইয়াছি।

কিন্তু কিছুকাল পরে যন্ত্রণা অসহ্য হইয়া উঠিল। চোখে ঝাপসা দেখিতে লাগিলাম এবং মাথার বেদনায় আমাকে স্থির থাকিতে দিল না। দেখিলাম আমার স্বামীও যেন কিছু অপ্রতিভ হইয়াছেন। এত দিন পরে কি ছুতা করিয়া যে ডাক্তার ডাকিবেন ভাবিয়া পাইতেছেন না।

আমি তাঁহাকে বলিলাম, “দাদার মন রক্ষার জন্ত একবার একজন ডাক্তার ডাকিতে দোষ কি? এই লইয়া তিনি অনর্থক রাগ করিতেছেন ইহাতে আমার মনে কষ্ট হয়। চিকিৎসা তো তুমিই করিবে, ডাক্তার একজন উপসর্গ থাকা ভালো।”

স্বামী কহিলেন, “ঠিক বলিয়াছ।” এই বলিয়া সেই দিনই এক ইংরাজ ডাক্তার লইয়া হাজির করিলেন। কি কথা হইল জান না, কিন্তু মনে হইল যেন সাহেব আমার স্বামীকে কিছু ভৎসনা করিলেন, তিনি নতশিরে নিরুত্তরে দাড়াইয়া রহিলেন।

ডাক্তার চলিয়া গেলে, আমি আমার স্বামীর হাত ধরিয়া বলিলাম, “কোথা

হইতে একটা ঘোঁয়ার গোরা গর্দভ ধরিয়া আনিয়াছ,—একজন দেশা ডাক্তার আনিলেই হইত। আমার চোখের রোগ ও কি তোমার চেয়ে ভালো বুঝিবে?”

স্বামী কিছু কুণ্ঠিত হইয়া বলিলেন, “চোখে অস্ত্র করা আবশ্যক হইয়াছে।”

আমি একটু রাগের ভাণ করিয়া কহিলাম, “অস্ত্র করিতে হইবে সে তো তুমি জানিতে কিন্তু প্রথম হইতেই সে-কথা আমার কাছে গোপন করিয়া গেছ! তুমি কি মনে কর আমি ভয় করি?”

স্বামীর লজ্জা দূর হইল—তিনি বলিলেন, “চোখে অস্ত্র করিতে হইবে শুনিলে ভয় না করে পুরুষের মধ্যে এমন বীর কয়জন আছে?”

আমি ঠাট্টা করিয়া বলিলাম—“পুরুষের বীরত্ব কেবল জ্বীর কাছে!”

স্বামী তৎক্ষণাৎ ম্লান গন্তীর হইয়া কহিলেন—“সে-কথা ঠিক। পুরুষের কেবল অহঙ্কার সার।”

আমি তাঁহার গাঙ্গীয়া উড়াইয়া দিয়া কহিলাম, “অহঙ্কারেও বুঝি তোমরা মেয়েদের সঙ্গে পার? তাহাতেও আমাদের জিত!”

ইতিমধ্যে দাদা আসিলে আমি দাদাকে বিবলে ডাকিয়া বলিলাম—“দাদা, আপনার সেই ডাক্তারের ব্যবস্থা মত চলিয়া এতদিন আমার চোখ বেশ ভালোই হইতেছিল—একদিন ভ্রমক্রমে থাইবার ওষুধটা চক্ষে লেপন করিয়া তাহার পর হইতে চোখ যায়-যায় হইয়া উঠিয়াছে। আমার স্বামী বলিতেছেন, চোখে অস্ত্র করিতে হইবে।”

দাদা বলিলেন, “আমি ভাবিতেছিলাম, তোর স্বামীর চিকিৎসাই চলিতেছে তাই আরও আমি রাগ করিয়া এত দিন আসি নাই।”

আমি বলিলাম—“না, আমি গোপনে সেই ডাক্তারের ব্যবস্থামতই চলিতেছিলাম,—স্বামীকে জানাই নাই পাছে তিনি রাগ করেন।”

দ্বীজন্ম গ্রহণ করিয়া এত মিথ্যাও বাগতে হয়! দাদার মনেও কষ্ট দিতে পারি না, স্বামীর যশও ক্ষুণ্ণ করা চলে না। মা হইয়া কোলের শিশুকেও ভুলাইতে হয়, স্ত্রী হইয়া শিশুর বাপকেও ভুলাইতে হয়, মেয়েদের এত ছলনার প্রয়োজন!

ছলনার ফল হইল এই যে, অন্ধ হইবার পূর্বে আমার দাদা এবং স্বামীর মিলন দেখিতে পাইলাম। দাদা ভাবিলেন গোপন চিকিৎসা করিতে গিয়া এই

দুর্ঘটনা ঘটিল, স্বামী ভাবিলেন গোড়ান্ন আমার দাদার পরামর্শ শুনিলেই ভালো হইত। এই ভাবিয়া দুই অনুতপ্ত হৃদয় ভিতরে ভিতরে ক্ষমাপ্রার্থী হইয়া পরস্পরের অত্যন্ত নিকটবর্তী হইল। স্বামী দাদার পরামর্শ লইতে লাগিলেন, দাদাও বিনীতভাবে সকল বিষয়ে আমার স্বামীর মতের প্রতিই নির্ভর প্রকাশ করিলেন।

অবশেষে উভয়ের পরামর্শক্রমে একদিন একজন ইংরাজ ডাক্তার আসিয়া আমার বাম চোখে অস্ত্রাঘাত করিল। দুর্বল চক্ষু সে আঘাত কাটাইয়া উঠিতে পারিল না, তাহার ক্ষীণ দীপ্তিটুকু হঠাৎ নিবিয়া গেল। তাহার পরে বাকি চোখটাও দিনে দিনে অল্পে অল্পে অন্ধকারে আবৃত হইয়া গেল। বাল্যকালে শুভদৃষ্টির দিনে যে চন্দনচচ্চিত তরুণ মূর্তি আমার সম্মুখে প্রথম প্রকাশিত হইয়াছিল তাহার উপরে চিরকালের মত প। পড়িয়া গেল।

একদিন স্বামী আমার শয্যাপার্শ্বে আসিয়া কহিলেন, “তোমার কাছে আর মিথ্যা বড়াই করিব না, তোমার চোখ দুটি আমিই নষ্ট করিয়াছি।”

দেখিলাম, তাঁহার কণ্ঠস্বরে অশ্রুজল ভরিয়া আসিয়াছে। আমি দুইহাতে তাঁহার দক্ষিণহস্ত চাপিয়া কহিলাম, “বৈশ করিয়াছ, তোমার জিনিষ তুমি লইয়াছ। ভাবিয়া দেখ দেখি যদি কোনো ডাক্তারের চিকিৎসায় আমার চোখ নষ্ট হইত তাহাতে আমার কি সাহসনা থাকিত! ভবিতব্যতা যখন খণ্ডে না তখন চোখ তো আমার কেহই বাচাইতে পারিত না—সে চোখ তোমার হাতে গিয়াছে এই আমার অন্ধতার একমাত্র সূত্র! যখন পূজায় ফুল কম পাড়িয়াছিল তখন রামচন্দ্র তাঁহার দুই চক্ষু উৎপাটন করিয়া দেবতাকে দিতে গিয়াছিলেন। আমার দেবতাকে আমার দৃষ্টি দিলাম,—তোমার চোখে যখন যাহা ভালো লাগিবে আমাকে মুখে বলিও, সে আমি তোমার চোখের দেখার প্রসাদ বলিয়া গ্রহণ করিব।” আমি এত কথা বলিতে পারি নাই, মুখে এমন করিয়া বলাও যায় না; এ-সব কথা আমি অনেক দিন ধরিয়া ভাবিয়াছি। মাঝে মাঝে যখন অবসাদ আসিত, নিষ্ঠাব তেজ হ্রাস হইয়া পড়িত, নিজেকে বঞ্চিত, দুঃখিত, হৃৎগাদগ্ন বলিয়া মনে হইত,—তখন আমি নিজের মনকে দিয়া এই সব কথা বলাইয়া লইতাম,—এই শাস্তি এই ভক্তিকে অবলম্বন করিয়া নিজের দুঃখের চেয়েও নিজেকে উচ্চ করিয়া তুলিতে চেষ্টা

করিতাম। সে-দিন কতকটা কথায় কতকটা নীরবে বোধ করি আমার মনের ভাবটা তাঁহাকে একরকম কবিতা বুঝাইতে পারিয়াছিলাম। তিনি कहিলেন—
“কুম্ভ, মৃত্যু করিয়া তোমার বা নষ্ট করিয়াছি সে আর ফিরাইয়া দিতে পারিব না, কিন্তু আমার যতদূর সাধ্য তোমার চোখের অভাব মোচন করিয়া তোমার সঙ্গে সঙ্গে থাকিব।”

আমি कहিলাম, “সে কোনো কাজের কথা নয়। তুমি যে তোমার ঘরকন্নাকে একটি অন্ধের হাঁসপাতাল করিয়া রাখিবে সে আমি কিছুতেই দিব না। তোমাকে আর একটি বিবাহ করিতেই হইবে।”

কি জন্ত যে বিবাহ করা নিতান্ত আবশ্যক তাহা সবিস্তারে বলিবার পূর্বে আমার একটুখানি কণ্ঠরোধ হইবার উপক্রম হইল। একটু কাশিয়া একটু সামলাইয়া লইয়া বলিতে বাইতেছি এমন সময়ে আমার স্বামী উচ্ছ্বসিত আবেগে বলিয়া উঠিলেন—“আমি মৃত, আমি অন্ধকারী, কিন্তু তাই বলিয়া আমি পাষণ্ড নই। নিজের হাতে তোমাকে অন্ধ করিয়াছি, অবশেষে সেই দোষে তোমাকে পরিত্যাগ করিয়া যদি অস্ত্র স্ত্রী গ্রহণ কবি তবে আমাদের ইষ্টদেব গোপীনাথের শপথ করিয়া বলিতেছি, আমি যেন ব্রহ্মহত্যা পিতৃহত্যার পাতকী হই।”

এত বড় শপথটা করিতে দিতাম না, বাধা দিতাম—কিন্তু অশ্রু তখন বুক বাহিয়া কণ্ঠ চাপিয়া ছুঁ ছুঁ ছাপিয়া ঝবিয়া পড়িবার জো কবিত্তেছিল, তাহাকে সম্বরণ করিয়া কথা বলিতে পারিতেছিলাম না। তিনি যাহা বলিলেন তাহা শুনিয়া বিপুল আনন্দের উদ্বেগে বালিশের মধ্যে মুখ চাপিয়া কাঁদিয়া উঠিলাম। আমি অন্ধ, তবু তিনি আমাকে ছাড়িবেন না। ভ্রূখোর ভ্রূখের মত আমাকে হৃদয়ে করিয়া রাখিবেন। এত দোভাঙ্গা আমি চাই না, কিন্তু মন তো স্বার্থপর।

অবশেষে অশ্রুর প্রথম পশলাটা সবেগে বর্ষণ হইয়া গেলে তাঁহার মুখ আমার বুকের কাছে টানিয়া লইয়া বলিলাম, “এমন ভয়ঙ্কর শপথ কেন কবিলে? আমি কি তোমাকে নিজের সুখের জন্ত বিবাহ করিতে বলিয়াছিলাম? সতীনকে দিয়া আমি আমার স্বার্থ সাধন কবিতাম। চোখের অভাবে তোমার যে কাজ নিজে করিতাম না সে আমি তাহাকে দিয়া করাইতাম!”

স্বামী कहিলেন—“কাজ তো দাসীতেও করে। আমি কি কাজের সুবিধার

জ্ঞাত একটা দাসী বিবাহ করিয়া আমার এই দেবীর সঙ্গে একাসনে বসাইতে পারি?”—বলিয়া আমার মুখ তুলিয়া ধরিয়া আমার ললাটে একটি চুম্বন করিলেন,—সেই চুম্বনের দ্বারা আমার যেন তৃতীয় নেত্র উন্মীলিত হইল, সেইক্ষণে আমার দেবীত্বে অভ্যেসক হইয়া গেল। আমি মনে মনে কহিলাম, সেই ভালো। যখন অন্ধ হইয়াছি তখন আমি এই বহিঃসংসারের আর গৃহিণী হইতে পারি না,—এখন আমি সংসারের উপরে উঠিয়া দেবী হইয়া স্বামীর মঙ্গল করিব। আর মিথ্যা নয়, ছলনা নয়, গৃহিণী রমণীর যত কিছু ক্ষুদ্রতা এবং কপটতা আছে সমস্ত দূর করিয়া দিলাম।

সে-দিন সমস্তদিন নিজের সঙ্গে একটা বিরোধ চলিতে লাগিল। গুরুতর শপথে বাধ্য হইয়া স্বামী যে কোন মতেই দ্বিতীয়বার বিবাহ করিতে পারিবেন না, এই আনন্দ মনের মধ্যে যেন একেবারে দংশন করিয়া রহিল, কিছুতেই তাহাকে ছাড়াইতে পারিলাম না। অথচ আমার মধ্যে যে নূতন দেবীর আবির্ভাব হইয়াছে তিনি কহিছেন, হয়ত এমন দিন আসিতে পারে যখন এই শপথ পালন অপেক্ষা বিবাহ করিলে তোমার স্বামীর মঙ্গল হইবে। কিন্তু আমার মধ্যে যে পুরাতন নারী ছিল সে কহিল, তা হোক, কিন্তু তিনি যখন শপথ করিয়াছেন তখন তো আব বিবাহ করিতে পারিবেন না—দেবী কহিলেন, তা হোক, কিন্তু তোমার খুসি হইবার কোনো কারণ নাই। মানবী কহিল, সকল বুঝি, কিন্তু যখন তিনি শপথ করিয়াছেন তখন, ইত্যাদি।—বার বার সেই এক কথা! দেবী তখন কেবল নিরন্তরে জ্রুকৃষ্টি করিলেন এবং একটা ভয়ঙ্কর আশঙ্কার অঙ্ককারে আমার সমস্ত অন্তঃকরণ আচ্ছন্ন হইয়া গেল।

আমার অন্ততপ্ত স্বামী চাকর দাসীকে নিষেধ করিয়া নিজে আমার সকল কাজ করিয়া দিতে উদ্বৃত্ত হইলেন। স্বামীর উপর তুচ্ছ বিষয়েও এইরূপ নিকরপায় নির্ভর প্রথমটা ভালোই লাগিত। কারণ, এমনি করিয়া সর্বদাই তাঁহাকে কাছে পাইতাম। চোখে তাঁহাকে দেখিলাম না বলিয়া তাঁহাকে সর্বদা কাছে পাইবার আকাঙ্ক্ষা অত্যন্ত বাড়িয়া উঠিল। স্বামিমুখের যে অংশ আমার চোখের ভাগে পড়িয়াছিল সেইটে এখন অস্ত্র ইন্দ্রিয়ের বাটিয়া লইয়া নিজেদের ভাগ বাড়াইয়া লইবার চেষ্টা করিল। এখন আমার স্বামী অধিকক্ষণ বাহিরের কাজে থাকিলে মনে হইত আমি যেন শূন্যে রহিয়াছি, আমি যেন

কোথাও কিছু ধরিতে পারিতেছি না, আমার যেন সব হারাইল। পূর্বে স্বামী যখন কলেজে যাইতেন তখন বিলম্ব হইলে পথের দিকে জানালা একটুখানি ফাঁক করিয়া পথ চাহিয়া থাকিতাম। যে-জগতে তিনি বেড়াইতেন সে-জগৎটাকে আমি চোখের দ্বারা নিজের সঙ্গে বাঁধিয়া রাখিয়াছিলাম। আজ আমার দৃষ্টিহীন সমস্ত শরীর তাঁহাকে অন্বেষণ করিতে চেষ্টা করে। তাঁহার পৃথিবীর সহিত আমাব পৃথিবীর যে প্রধান সাক্ষ্য ছিল সেটা আজ ভাঙিয়া গেছে। এখন, তাঁহার এবং আমার মাঝখানে একটা দূরত্ব অন্ধতা ;—এখন আমাকে কেবল নিরুপায় বাগ্রভাবে বসিয়া থাকিতে হয়—কখন তিনি তাঁহার পার হইতে আমার পারে আসিয়া উপস্থিত হইবেন। সেইজন্য এখন যখন ক্ষণকালের জন্যও তিনি আমাকে ছাড়িয়া চলিয়া যান, তখন আমার সমস্ত অন্ধ দেহ উত্তত হইয়া তাঁহাকে ধবিতে যায়, হাহাকার করিয়া তাঁহাকে ডাকে।

কিন্তু এত আকাঙ্ক্ষা এত নির্ভর তো ভালো নয়। একে তো স্বামীর উপরে জীব ভাবই যথেষ্ট, তাহার উপরে আবার অন্ধতার প্রকাণ্ড ভার চাপাইতে পারি না। আমার এই বিশ্বজোড়া অন্ধকার এ আমিই বহন করিব। আমি একাগ্রমনে প্রতিজ্ঞা করিলাম, আমার এই অনন্ত অন্ধতা দ্বারা স্বামীকে আমি আমার সঙ্গে বাঁধিয়া রাখিব না।

অল্পকালের মধ্যেই কেবল শব্দ গন্ধ স্পর্শের দ্বারা আমি আমার সমস্ত অভ্যস্ত কর্ম সম্পন্ন করিতে শিখিলাম। এমন কি, আমার অনেক গৃহকর্ম পূর্বের চেয়ে অনেক বেশি নৈপুণ্যের সহিত নির্বাহ করিতে পারিলাম। এখন মনে হইতে লাগিল দৃষ্টি আমাদের কাজের যতটা সাহায্য করে তাহার চেয়ে ঢের বেশি বিক্ষিপ্ত করিয়া দেয়, যতটুকু দেখিলে কাজ ভালো হয় চোখ তাহার চেয়ে ঢের বেশি দেখে। এবং চোখ যখন পাহারার কাজ করে কান তখন অলস হইয়া যায়, —যতটা তাহার শোনা উচিত তাহা চোখে সে কম শোনে। এখন চঞ্চল চোখের অবর্তমানে আমার অল্প সমস্ত ইন্দ্রিয় তাহাদের কর্তব্য শাস্ত এবং সম্পূর্ণভাবে কবিতে লাগিল।

এখন আমার স্বামীকে আর আমার কোনো কাজ করিতে দিলাম না—এবং তাঁহার সমস্ত কাজ আবার পূর্বের মত আমিই করিতে লাগিলাম।

স্বামী আমাকে কহিলেন, “আমার প্রায়শ্চিত্ত হইতে আমাকে বঞ্চিত করিতেছ।”

আমি কহিলাম, “তোমার প্রায়শ্চিত্ত কিসের আমি জানি না, কিন্তু আমার পাপের ভার আমি বাড়াইব কেন?”

যাহাই বলুন আমি যখন তাঁহাকে মুক্তি দিলাম তখন তিনি নিশ্বাস ফেলিয়া বাঁচিলেন। অন্ধ দ্বীর সেবাকে চিরজীবনের ব্রত করা পুরুষের কৰ্ম্ম নহে।

আমার স্বামী ডাক্তারী পাশ করিয়া আমাকে সঙ্গে লইয়া মফঃস্বলে গেলেন।

পাড়াগাঁয়ে আসিয়া যেন মাতৃকোড়ে আসিলাম মনে হইল। আমার আট বৎসর বয়সের সময় আমি গ্রাম ছাড়িয়া সহরে আসিয়াছিলাম। ইতিমধ্যে দশবৎসরে জন্মভূমি আমার মনের মধ্যে ছায়ার মত অস্পষ্ট হইয়া আসিয়াছিল। যতদিন চক্ষু ছিল কলিকাতা সহর আমার চারিদিকে আমার সমস্ত স্মৃতিকে আড়াল করিয়া দাঁড়াইয়াছিল। চোখ যাইতেই বুঝিলাম কলিকাতা কেবল চোখ ভুলাইয়া রাখিবার সহব,—ইহাতে মন ভরিয়া রাখে না। দৃষ্টি হারাইবা—মাত্র আমার সেই বালাকালের পল্লিগ্রাম দিবাবসানে নক্ষত্রলোকের মত আমার মনের মধ্যে উজ্জ্বল হইয়া উঠিল।

অগ্রহায়ণের শেষাংশেই আমরা হাসিমপুরে গেলাম। নূতন দেশ, চারিদিক দেখিতে কি রকম তাহা বুঝিলাম না—কিন্তু বালা কালের সেই গন্ধে এবং অনুভবে আমাকে সর্ব্বাঙ্গে বেঁধেন করিয়া ধরিল। সেই শিশিরে-ভেজা নূতন চমা ক্ষেত হইতে প্রভাতের হাওয়া, সেই সোনা-ঢালা অড়'র এবং সরিসা ক্ষেতের আকাশভরা কোমল স্তম্ভিষ্ট গন্ধ, সেই রাখালের গান, এমন কি, ভাঙা রাত্তা দিয়া গরুর গাড়ি চলার শব্দ পর্য্যন্ত আমাকে পুলকিত করিয়া তুলিল। আমার সেই জীবনারম্ভের অতীত স্মৃতি তাহার অনির্ব্বচনীয় ধ্বনি ও গন্ধ লইয়া প্রত্যক্ষ বর্তমানের মত আমাকে ঘিবিয়া বসিল, অন্ধ চক্ষু তাহার কোনো প্রতিবাদ করিতে পারিল না। সেই বালাকালের মধ্যে ফিরিয়া গেলাম—কেবল মাকে পাইলাম না। মনে মনে দেখিতে পাইলাম দিদিমা তাঁহার বিরল কেশগুচ্ছ মুক্ত করিয়া রৌদ্রে পিঠ দিয়া প্রাক্ষণে বড়ি দিতেছেন, কিন্তু তাঁহার মৃদুকম্পিত প্রাচীন দুর্ব্বল কণ্ঠে আমাদের গ্রাম্য সাধু ভজন দাসের দেহতত্ত্ব

গান শুজনস্বরে শুনিতে পাইলাম না ; সেই নবায়ের উৎসব শাতের শিশিরস্নাত আকাশের মধ্যে সজীব হইয়া জাগিয়া উঠিল, কিন্তু টেকিসালে নূতন ধান কুটিবার জনতার মধ্যে আমার ছোটো ছোটো পল্লী-সঙ্গিনীদের সমাগম কোথায় গেল ! সন্ধ্যাবেলা অদূরে কোথা হইতে হাওয়াধ্বনি শুনিতে পাই,—তখন মনে পড়ে, মা সন্ধ্যাদীপ হাতে করিয়া গোয়ালে আলো দেখাইতে যাইতেছেন ; সেই সঙ্গে ভিজা জাব্বার ও খড় জালানো ধোঁয়ার গন্ধ যেন হৃদয়ের মধ্যে প্রবেশ করে, এবং শুনিতে পাই পুকুরের পাড়ে বিদ্যালঙ্কারদের ঠাকুরবাড়ি হইতে কাসর-বণ্টার শব্দ আসিতেছে। কে যেন আমার শিশুকালের আটটি বৎসরের মধ্য হইতে তাহার সমস্ত বস্তু-গ্রন্থ ছাঁকিয়া লইয়া কেবল তাহার বস্তুকু গন্ধটুকু আমার চারিদিকে রাশীকৃত করিয়াছে।

এই সঙ্গে আমার ছেলেবেলাকার ব্রত এবং ভোরবেলায় ফুল তুলিয়া শিবপূজার কথা মনে পড়িল। একথা স্বীকার করিতেই হইবে, কলিকাতার আলাপ আলোচনা আনাগোনার গোপমালে বুদ্ধির একটু বিকার ঘটেই। ধর্ম কন্ম ভক্তি শ্রদ্ধার মধ্যে নিম্নল সুরলতাটুকু থাকে না। সেদিনের কথা আমার মনে পড়ে, যেদিন অন্ধ হওয়ার পরে কলিকাতায় আমার পল্লিবাসিনী এক সখী আসিয়া আমাকে বলিয়াছিল—“তোমার রাগ হয় না কুমু ? আমি হইলে এমন স্বামীর মুখ দেখিতাম না।” আমি বলিলাম, “ভাই, মুখ দেখা তো বন্ধই বটে সেজন্তে এ পোড়া চোখের উপর রাগ হয়, কিন্তু স্বামীর উপর রাগ করিতে যাইব কেন ?” যথাসময়ে ডাক্তার ডাকেন নাই বলিয়া লাভণ্য আমার স্বামীর উপর অত্যন্ত রাগিয়াছিল এবং আমাকে রাগাইবার চেষ্টা করিয়াছিল। আমি তাহাকে বুঝাইলাম, সংসারে থাকিলে ইচ্ছায় অনিচ্ছায় জানে অজ্ঞানে ভুলে ভ্রান্তিতে হুং সুখ নানা রকম ঘটয়া থাকে, কিন্তু মনের মধ্যে যদি ভক্তি স্থির রাখিতে পারি তবে হুংখের মধ্যেও একটা শান্তি থাকে, —নহিলে কেবল রাগারাগি রেঘারেঘি বকাবকি করিয়াই জীবন কাটিয়া যায়। অন্ধ হইয়াছি এইতো যথেষ্ট হুংখ, তাহার পরে স্বামীর প্রতি বিদ্বেষ করিয়া হুংখের বোঝা বাড়াইব কেন ? আমার মত বালিকার মুখে সেকেলে কথা শুনিয়া লাভণ্য রাগ করিয়া অবজ্ঞাভরে মাথা নাড়িয়া চলিয়া গেল। কিন্তু যাই বলি, কথার মধ্যে বিষ আছে, কথা একবারে ব্যর্থ হয় না। লাভণ্যর মুখ হইতে

রাগের কথা আমার মনের মধ্যে ছোটো একটা স্ফুলিঙ্গ ফেলিয়া দিয়াছিল, আমি সেটা পা দিয়া মাড়াইয়া নিবাইয়া দিয়াছিলাম, কিন্তু তবু ছোটো একটা দাগ থাকিয়াছিল। তাই বলিতেছিলাম কলিকাতায় অনেক তর্ক অনেক কথা, সেখানে দেখিতে দেখিতে বুদ্ধি অকালে পাকিয়া কঠিন হইয়া উঠে।

পাড়াগাঁয়ে আসিয়া আমার সেই শিবপূজার শীতল শিউলিফুলের গন্ধে হৃদয়ের সমস্ত আশা ও বিশ্বাস আমার সেই শিশুকালের মতই নবীন ও উজ্জল হইয়া উঠিল। দেবতায় আমার হৃদয় এবং আমার সংসার পরিপূর্ণ হইয়া গেল। আমি নতশিরে লুটাইয়া পড়িলাম। বলিলাম—“হে দেব, আমার চক্ষু গেছে বেশ হইয়াছে, তুমি তো আমার আছ।”

হায়, ভুল বলিয়াছিলাম! তুমি আমার আছ, এ কথাও স্পর্ধার কথা। আমি তোমার আছি, কেবল এইটুকু বলিবারই অধিকার আছে। অগা, একদিন কণ্ঠ চাপিয়া আমার দেবতা এই কথাটা আমাকে বলাইয়া লইবে। কিছুই না থাকিতে পারে, কিন্তু আমাকে থাকিতেই হইবে। কাহারো উপর কোন জোর নাই কেবল নিজের উপরই আছে!

কিছুকাল বেশ সুখে কাটিল। ডাক্তারীতে আমার স্বামীরও প্রতিপত্তি বাড়িতে লাগিল। হাতে কিছু টাকাও জমিল।

কিন্তু টাকা জিনিষটা ভালো নয়। উহাতে মন চাপা পড়িয়া যায়। মন যখন রাজত্ব করে তখন সে আপনার সুখ আপনি সৃষ্টি করিতে পারে, কিন্তু ধন যখন সুখ সঞ্চয়ের ভার নেয় তখন মনের আর কাজ থাকে না। তখন, আগে যেখানে মনের সুখ ছিল, জিনিষপত্র আসবাব আয়োজন সেই জায়গাটুকু জুড়িয়া বসে। তখন, সুখের পরিবর্তে কেবল সামগ্রী পাওয়া যায়।

কোনো বিশেষ কথা বা বিশেষ ঘটনার উল্লেখ করিতে পারি না কিন্তু অন্ধের অনুভবশক্তি বেশি বলিয়া, কিম্বা কি কারণে জানি না, অবস্থার সচ্ছলতার সঙ্গে সঙ্গে আমার স্বামীর পরিবর্তন আমি বেশ বুঝিতে পারিতাম। যৌবনারম্ভে তাম্র অত্যাশ্রয় ধর্ম অধর্ম সম্বন্ধে আমার স্বামীর যে একটি বেদনা-বোধ ছিল সেটা যেন প্রতিদিন অসাড় হইয়া আসিতেছিল। মনে আছে তিনি একদিন বলিতেন—ডাক্তারী যে কেবল জীবিকার জন্ত শিখিতেছি তাহা নহে, ইহাতে অনেক গরীবের উপকার করিতে পারিব। যে-সব ডাক্তার দরিদ্র যুগ্মবৃন্দের দ্বারে

আসিয়া আগাম ভিজিট না লইয়া নাড়ি দেখিতে চায় না তাহাদের কথা বলিতে গিয়া ঘুণায় তাঁহার বাক্যরোধ হইত। আমি বুঝিতে পারি এখন আর সেদিন নাই। একমাত্র ছেলের প্রাণরক্ষার জন্ত দরিদ্র নারী তাঁহার পা জড়াইয়া ধরিয়াছে, তিনি তাহা উপেক্ষা করিয়াছেন ; শেষে আমি মাথার দিবা দিয়া তাঁহাকে চিকিৎসায় পাঠায়াছি, কিন্তু মনের সঙ্গে কাজ করেন নাই। যখন আমাদের টাকা অল্প ছিল তখন অন্ডায় উপার্জনকে আমার স্বামী কি চক্ষে দেখিতেন তাহা আমি জানি। কিন্তু ব্যাঙ্কে এখন অনেক টাকা জমিয়াছে, এখন একজন ধনিলোকের আমলা আসিয়া তাঁহার সঙ্গে গোপনে দুই দিন ধরিয়া অনেক কথা বলিয়া গেল, কি বলিল আমি কিছুই জানি না,—কিন্তু তাহার পরে যখন তিনি আমার কাছে আসিলেন, অত্যন্ত প্রফুল্লতার সঙ্গে অল্প নানা বিষয়ে নানা কথা বলিলেন, তখন আমার অন্তঃকরণের স্পর্শশক্তি-দ্বারা বুঝিলাম তিনি আজ কলঙ্ক মাথিয়া আসিয়াছেন।

অন্ধ হইবার পূর্বে আমি বাহাকে শেষবার দেখিয়াছিলাম আমার সে স্বামী কোথায়? যিনি আমার দৃষ্টিহীন দুই চক্ষুর মাঝখানে একটি চুঘন করিয়া আমাকে একদিন দেবীপদে অভিষিক্ত করিয়াছিলেন, আমি তাঁহার কি করিতে পারিলাম? একদিন একটা রিপূর ঝড় আসিয়া বাহাদের অকস্মাৎ পতন হয় তাহারা আর একটা হৃদয়বেগে আবার উপরে উঠিতে পারে, কিন্তু এই যে দিনে দিনে পলে পলে মজ্জার ভিতর হইতে কঠিন হইয়া যাওয়া, বাহিরে বাড়িয়া উঠিতে উঠিতে অন্তরকে তিলে তিলে চাপিয়া ফেলা ইহার প্রতিকার ভাবিতে গেলে কোনো রাস্তা খুঁজিয়া পাই না।

স্বামীর সঙ্গে আমার চোখে-দেখার যে বিচ্ছেদ ঘটয়াছে সে কিছুই নয় ;—কিন্তু প্রাণের ভিতরটা যে হাঁপাইয়া উঠে যখন মনে করি আমি যেখানে তিনি সেখানে নাই ;—আমি অন্ধ, সংসারের আলোক-বর্জিত অন্তর প্রদেশে আমার সেই প্রথম বয়সের নবীন প্রেম, অক্ষুণ্ণ ভক্তি, অথগু বিশ্বাস লইয়া বসিয়া আছি, আমার দেবমন্দিরে জীবনের আগন্তু আমি বালিকার করপুটে যে শৈশবালিকার অর্ঘ্যদান করিয়াছিলাম তাহার শিশির এখনো শুকায় নাই, —আর আমার স্বামী এই ছায়ামীতল চিরনবীনতার দেশ ছাড়িয়া টাকা উপার্জনের পশ্চাতে সংসার-মরুভূমিমধ্যে কোথায় অদৃশ্য হইয়া চলিয়া

যাইতেছেন! আমি যাহা বিশ্বাস করি, যাহাকে ধর্ম বলি, যাহাকে সকল সুখ সম্পত্তির অধিক বলিয়া জানি, তিনি অতি দূর হইতে তাহার প্রতি হাসিয়া কটাক্ষপাত করেন। কিন্তু একদিন এ বিচ্ছেদ ছিল না, প্রথম বয়সে আমরা এক পথেই যাত্রা আরম্ভ করিয়াছিলাম,—তাহার পরে কখন যে পথেব ভেদ হইতে আরম্ভ হইতেছিল তাহা তিনিও জানিতে পারেন নাই, আমিও জানিতে পারি নাই, অবশেষে আজ আমি তাঁহাকে ডাকিয়া সাড়া পাই না।

এক এক সময় ভাবি, হয় তো অন্ধ বলিয়া সামাগ্র্য কথাকে আমি বেশি করিয়া দেখি। চক্ষু থাকিলে আমি হয় তো সংসারকে ঠিক সংসারের মতো করিয়া চিনিতে পারিতাম।

আমার স্বামীও আমাকে একদিন তাহাই বুঝাইয়া বলিলেন। সে-দিন সকালে একটি বৃদ্ধ মুসলমান তাহার পৌত্রীকে ওলাউঠার চিকিৎসার জন্ত তাঁহাকে ডাকিতে আসিয়াছিল। আমি শুনিতে পাইলাম, সে কহিল, “বাবা আমি গরীব, কিন্তু আল্লা তোমার ভালো করিবেন!”—আমাব স্বামী কহিলেন, “আল্লা বাহা করিবেন কেবল তাহাতেই আমার চলিবে না, তুমি কি করিবে সেটা আগে শুনি!” শুনিবামাত্র ভাবিলাম, ঈশ্বর আমাকে অন্ধ করিয়াছেন, কিন্তু বধির করেন নাই কেন? বৃদ্ধ গভীর দীর্ঘনিশ্বাসের সহিত ‘হে আল্লা,’ বলিয়া বিদায় হইয়া গেল। আমি তখন ঝিকে দিয়া তাহাকে অন্তঃপুরের খিড়কিদ্বারে ডাকাইয়া আনিলাম,—কহিলাম, “বাবা, তোমার নাত্নির জন্ত এই ডাক্তারের খরচা কিছু দিলাম, তুমি আমার স্বামীর মঙ্গল প্রার্থনা করিয়া পাড়া হইতে হরিশ ভাজারকে ডাকিয়া লইয়া যাও।”

কিন্তু সমস্ত দিন আমার মুখে অন্ন রুচিল না। স্বামী অপরাহ্নে নিদ্রা হইতে জাগিয়া জিজ্ঞাসা করিলেন, “তোমাকে বিমর্ষ দেখিতেছি কেন?” পূর্বকালের অভ্যস্ত উত্তর একটা মুখে আসিতেছিল—না কিছুই হয় নাই—কিন্তু ছশনার কাল গিয়াছে—আমি স্পষ্ট করিয়া বলিলাম, “কতদিন তোমাকে বলিব মনে করি, কিন্তু বলিতে গিয়া ভাবিয়া পাই না, ঠিক কি বলিবার আছে। আমার অন্তরের কথাটা আমি বুঝাইয়া বলিতে পারিব কি না জানি না, কিন্তু নিশ্চয় তুমি নিজের মনের মধ্যে বুঝিতে পার, আমরা দু’জনে যেমনভাবে এক হইয়া জীবন আরম্ভ করিয়াছিলাম, আজ তাহা পৃথক হইয়া গেছে।”—স্বামী হাসিয়া

কহিলেন, “পরিবর্তনই তো সংসারের ধর্ম।” আমি কহিলাম, “টাকা কড়ি রূপ যৌবন সকলেরই পরিবর্তন হয়, কিন্তু নিত্য জিনিষ কি কিছুই নাই?”—তখন তিনি একটু গভীর হইয়া কহিলেন—“দেখ অল্প জ্বীলোকেরা সত্যাকার অভাব লইয়া দুঃখ করে,—কাহারো স্বামী উপার্জন করে না, কাহারো স্বামী ভালবাসে না—তুমি আকাশ হইতে দুঃখ টানিয়া আন!” আমি তখনই বুঝিলাম, অন্ধতা আমার চোখে এক অঞ্জন মাখাইয়া আমাকে এই পরিবর্তমান সংসারের বাহিরে লইয়া গেছে, আমি অল্প জ্বীলোকের মতো নহি; আমাকে আমার স্বামী বুঝিবেন না।

ইতিমধ্যে আমার এক পিস্মাশুভ্রী দেশ হইতে তাঁহার ভ্রাতৃপুত্রের সংবাদ লইতে আসিলেন। আমরা উভয়ে তাঁহাকে প্রণাম করিয়া উঠিতেই তিনি প্রথম কথাতেই বলিলেন, “বলি বোমা, তুমি তো কপালক্রমে ছটি চক্ষু খোয়াইয়া বসিয়াছ, এখন আমাদের অবিনাশ অন্ধ জ্বীকে লইয়া ঘরকন্না চালাইবে কি করিয়া? উহার আর একটা বিয়ে থাওয়া দিয়া দাও!” স্বামী যদি ঠাট্টা করিয়া বলিতেন, তা বেশ তো পিসিমা, তোমরা দেখিয়া শুনিয়া একটা ঘটকালি করিয়া দাও না,—তাহা হইলে সমস্ত পরিষ্কার হইয়া যাইত। কিন্তু তিনি কুণ্ঠিত হইয়া কহিলেন, “আঃ পিসিমা কি বলিতেছ!”—পিসিমা উত্তর করিলেন, “কেন, অজ্ঞান কি বলিতেছি? আচ্ছা বোমা, তুমিই বল তো বাছা।” আমি হাসিয়া কহিলাম, “পিসিমা, ভালো লোকের কাছে পরামর্শ চাহিতেছ! যাহার গাঁঠ কাটিতে হইবে তাহার কি কেহ সম্মতি নেয়?” পিসিমা উত্তর করিলেন, “হাঁ সে কথা ঠিক বটে! তা, তোতে আমাতে গোপনে পরামর্শ করিব—কি বলিস্ অবিনাশ? তাও বলি বোমা, কুলীনের মেয়ের সতীন যত বেশি হয়, তাহার স্বামি-গোরব ততই বাড়ে। আমাদের ছেলে ডাক্তারী না করিয়া যদি বিবাহ করিত, তবে উহার রোজগারের ভাবনা কি ছিল! রোগী ডাক্তারের হাতে পড়িলেই মরে—মরিলে তো আর ভিজিট দেয় না—কিন্তু বিধাতার শাপে কুলীনেব জ্বর মরণ নাই এবং সে যত দিন বাঁচে, তত দিনই স্বামীর লাভ।”

দুই দিন বাদে আমার স্বামী আমার সম্মুখে পিসিমাকে জিজ্ঞাসা করিলেন—
“পিসিমা, আত্মীয়ের মত করিয়া বোয়েব সাহায্য করিতে পারে—এমন একটি

ভদ্র ঘরের স্ত্রীলোক দেখিয়া দিতে পার ? উনি চোখে দেখিতে পান না, সর্বদা ঠুর একটি সঙ্গিনী কেহ থাকিলে আমি নিশ্চিত থাকিতে পারি।” যখন নূতন অঙ্ক হইয়াছিলাম, তখন এ-কথা বলিলে খাটিত কিন্তু এখন চোখের অভাবে আমার কিসা ঘরকন্নার বিশেষ কি অশ্রুবিধা হয় জানি না ; কিন্তু প্রতিবাদ মাত্র না করিয়া চুপ্ করিয়া রহিলাম। পিসিমা কহিলেন—“অভাব কি ? আমারি তো ভাসুরের এক মেয়ে আছে যেমন সুন্দরী তেমনি লক্ষ্মী ! মেয়েটার বয়স হইল, কেবল উপযুক্ত বরের প্রত্যাশায় অপেক্ষা করিয়া আছে ; তোমার মতন কুলীন পাইলে এখন বিবাহ দিয়া দেয়।” স্বামী চকিত হইয়া কহিলেন, “বিবাহের কথা কে বলিতেছে ?” পিসিমা কহিলেন—“ওমা বিবাহ না করিলে ভদ্র ঘরের মেয়ে কি তোমার ঘরে অমনি আসিয়া পড়িয়া থাকিবে ?” কথাটা সঙ্গত বটে, এবং স্বামী তাহার কোন সঙ্কল্প দিতে পারিলেন না।

আমার রুদ্ধ চক্ষুর অনন্ত অন্ধকারের মধ্যে আমি একলা দাঁড়াইয়া উর্দ্ধমুখে দাকিতে লাগিলাম, ভগবান, আমার স্বামীকে রক্ষা কর।

তাহার দিন কয়েক পরে একদিন সকাল বেলায় আমার পূজা আঙ্গিক সারিয়া বাহিরে আসিতেই পিসিমা কহিলেন, “বোমা, যে ভাসুরঝির কথা বলিয়াছিলাম সেই আমাদের হেমাজিনী আজ দেশ হইতে আসিয়াছে। হিমু ইনি তোমার দাদ, ইহাকে প্রণাম কর।”

এমন সময় আমার স্বামী হঠাৎ আসিয়া যেন অপরিচিত স্ত্রীলোকটিকে দেখিয়া ফিরিয়া বাইতে উত্তত হইলেন। পিসিমা কহিলেন, “কোথায় বাস অবিনাশ ?” স্বামী জিজ্ঞাসা করিলেন, “ইনি কে ?” পিসিমা কহিলেন, “এই মেয়েটিই আমার সেই ভাসুর-ঝি হেমাজিনী। ইহাকে কখন আনা হইল, কে আনিল, কি বৃত্তান্ত, লইয়া আমার স্বামী বারম্বার অনেক অনাবণ্ডক বিনয় প্রকাশ করিতে লাগিলেন।

আমি মনে মনে কহিলাম বাহা ঘটতেছে তাহা তো সবই বুঝিতেছি—কিন্তু ইহার উপরে আবার ছলনা আবশ্য হইল ? লুকাচুরি, ঢাকাঢাকি, মিথ্যা কথা ! অধর্ম করিতে যদি হয় তো কর, সে নিজের অশাস্ত প্রবৃত্তির জন্ত—কিন্তু আমার জন্ত কেন হীনতা করা ! আমাকে ভুলাইবার জন্ত কেন মিথ্যাচরণ ?

হেমাজিনীর হাত ধরিয়া আমি তাহাকে আমার শয়নগৃহে লইয়া গেলাম।

তাহার মুখে গায়ে হাত বুলাইয়া তাহাকে দেখিলাম,—মুখটি স্নন্দর হইবে, বয়সও চৌদ্দ পনেরর কম হইবে না।

বালিকা হঠাৎ উচ্চকণ্ঠে হাসিয়া উঠিল, কহিল, “ওকি করিতেছ? আমার ভূত ঝাড়াইয়া দবে না কি?”

সেই উন্মুক্ত সরল হাস্যশ্রবণিতে আমাদের মাঝখানের একটা অন্ধকার ঘেষ যেন এক মুহূর্ত্তে কাটিয়া গেল। আমি দক্ষিণ বাহুতে তাহার কণ্ঠ বেষ্টন করিয়া কহিলাম, “আমি তোমাকে দেখিতেছি ভাই!” বলিয়া তাহার কোমল মুখখানিতে আর একবার হাত বুলাইলাম।

“দেখিতেছ?” বলিয়া সে আবার হাসিতে লাগিল। কহিল—“আমি কি তোমার বাগানের সিম না বেগুন যে হাত বুলাইয়া দেখিতেছ কতবড়টা হইয়াছি?”

তখন আমার হঠাৎ মনে হইল, আমি যে অন্ধ তাহা হেমাঙ্গিনী জানে না। কহিলাম “বোন, আমি যে অন্ধ!” শুনিয়া সে কিছুক্ষণ আশ্চর্য্য হইয়া গম্ভীর হইয়া রহিল। বেশ বুঝিতে পারিলাম, তাহার কুতূহলী তরুণ আয়ত নেত্র দিয়া সে আমার দৃষ্টিহীন চক্ষু এবং মুখের ভাব মনোবোগের সহিত দেখিল—তাহার পরে কহিল,—“ও, তাই বুঝি কাকিকে এখানে আনাহয়?”

আমি কহিলাম—“না, আমি ডাকি নাই। তোমার কাকি আপনি আসিয়াছেন—”

বালিকা আবার হাসিয়া উঠিয়া কহিল, “দয়া করিয়া? তাহা হইলে দয়াময়ী শীঘ্র নড়িতেছেন না! কিন্তু বাবা আমাকে এখানে কেন পাঠাইলেন?”

এমন সময়ে পিসিমা ঘবে প্রবেশ করিলেন। এতক্ষণ আমার স্বামীর সঙ্গে তাহার কথাবার্তা চলিতেছিল। ঘবে আসিতেই হেমাঙ্গিনী কহিল, “কাকি, আমরা বাড়ি ফিরিব কবে বল।”

পিসিমা কহিলেন, “ওমা! এইমাত্র আসিয়াই অমনি যাই-যাই! অমন চঞ্চল মেয়েও তো দেখি নাই।”

হেমাঙ্গিনী কহিল, “কাকি, তোমার তো এখান হইতে শীঘ্র নড়িবার গতিক দেখি না। তা, তোমার এ হ’ল আত্মীয়ের ঘর, তুমি যতদিন খুসি থাক, আমি কিন্তু চলিয়া যাইব, তা তোমাকে বলিয়া রাখিতেছি।—” এই বলিয়া আমার

হাত ধরিয়া কহিল, “কি বল ভাই! তোমরা তো আমাব ঠিক আপন নও!” —আমি তাহার এই সরল প্রশ্নের কোনো উত্তর না দিয়া তাকাকে আমার বুকের কাছে টানিয়া লইলাম। দেখিলাম পিসিমা যতই প্রবলা হউন এই কত্যাটিকে তাঁহার সামুলাইবার সাধ্য নাট। পিসিমা প্রকাশে রাগ না দেখাইয়া হেমাঙ্গিনীকে একটু আদর করিবার চেষ্টা করিলেন, সে তাহা যেন গা হইতে ঝাড়িয়া ফেলিয়া দিল। পিসিমা সমস্ত ব্যাপারটাকে আঁতুরে মেয়ের একটা পরিহাসের মতো উড়াইয়া দিয়া হাসিয়া চলিয়া যাইতে উদ্বৃত্ত হইলেন। আবাব কি ভাবিয়া ফিরিয়া আসিয়া হেমাঙ্গিনীকে কহিলেন, “হিমু, চল তোর স্নানের বেলা হইল।” সে আমার কাছে আসিয়া কহিল, “আমরা দুই জনে ঘাটে যাইব, কি বল ভাই?” পিসিমা অনিচ্ছাসত্ত্বেও ক্ষান্ত দিলেন; তিনি জানিতেন টানাটানি করিতে গেলে হেমাঙ্গিনীরই জয় হইবে এবং তাঁহাদেব মধ্যকার বিরোধ অশোভনরূপে আমার সম্মুখে প্রকাশ হইবে।

খিড়কির ঘাটে যাইতে যাইতে হেমাঙ্গিনী আমাকে জিজ্ঞাসা করিল, “তোমার ছেলেপুলে নাই কেন?”—আমি ঈষৎ হাসিয়া কহিলাম, “কেন তাহা কি করিয়া জানিব—ঈশ্বর দেন নাই!” হেমাঙ্গিনী কহিল—“অবশ্য তোমার ভিতরে কিছু পাপ ছিল।” আমি কহিলাম, “তাহাও অন্তর্যামী জানেন।” বালিকা প্রমাণ স্বরূপে কহিল, “দেখনা কাকির ভিতরে এত কুটিলতা যে উহার গর্ভে সন্তান জন্মিতে পায় না।”—পাপ পুণ্য, সুখ দুঃখ, দণ্ড পুরস্কারের তত্ত্ব নিজেও বুঝি না, বালিকাকেও বুঝাইলাম না—কেবল একটা নিশ্বাস ফেলিয়া মনে মনে তাঁহাকে কহিলাম—তুমিই জ্ঞান! হেমাঙ্গিনী তৎক্ষণাৎ আমাকে জড়াইয়া ধরিয়া হাসিয়া উঠিয়া কহিল,—“ওম, আমার কথা শুনিয়াও তোমার নিশ্বাস পড়ে! আমার কথা বুঝি কেহ গ্রাহ করে!”

দেখিলাম, স্বামীর ডাক্তারী ব্যবসায়ে ব্যাঘাত হইতে লাগিল। দূরে ডাক পড়িলে তো যানই না—কাছে কোথাও গেলে চটপট সারিয়া চলিয়া আসেন। পূর্বে যখন কশ্মীর অবসরে যাবে থাকিতেন, মধ্যাহ্নে আহার এবং নিদ্রার সময় কেবল বাড়ির ভিতরে আসিতেন। এখন পিসিমাও যখন-তখন ডাকিয়া পাঠান তিনিও অনাবশ্যক পিসিমার খবর লইতে আসেন। পিসিমা যখন ডাক ছাড়িয়া বলেন, “হিমু, আমার পানের বাটাটা নিয়ে আয় তো”—আমি বুঝিতে পারি

পিসিমার ঘরে আমার স্বামী আসিয়াছেন। প্রথম প্রথম দিন দুই তিন হেমাজিনী পানের বাটা, তেলের বাটি, সিঁদুরের কোটা প্রভৃতি যথাদিষ্ট লইয়া যাইত। কিন্তু তাহার পরে ডাক পড়িলে সে আর কিছুতেই নড়িত না, ঝি'র হাত দিয়া আদিষ্ট দ্রব্য পাঠাইয়া দিত। পিসি ডাকিতেন হেমাজিনী, হিমু, হিমি—বালিকা যেন আমার প্রতি একটা করণার আবেগে আমাকে জড়াইয়া থাকিত,—একটা আশঙ্কা এবং বিষাদে তাহাকে আচ্ছন্ন করিত। ইহার পর হইতে আমার স্বামীর কথা সে আমার কাছে ভ্রমেও উল্লেখ করিত না।

ইতিমধ্যে আমার দাদা আমাকে দেখিতে আসিলেন। আমি জানিতাম দাদার দৃষ্টি তীক্ষ্ণ। ব্যাপারটা কিরূপ চলিতেছে তাহা তাঁহার নিকট গোপন করা প্রায় অসম্ভব হইবে। আমার দাদা বড় কঠিন বিচারক। তিনি লেশমাত্র অত্যয়কে ক্ষমা করিতে জানেন না। আমার স্বামী যে তাঁহারই চক্ষের সম্মুখে অপরাধীরূপে দাঁড়াইবেন, ইহাই আমি সব চেয়ে ভয় করিতাম। অতিরিক্ত প্রফুল্লতা দ্বারা সমস্ত আচ্ছন্ন করিয়া রাখিলাম। আমি বেশি কথ বলিয়া বেশি ব্যস্তসমস্ত হইয়া অত্যন্ত ধূমধাম করিয়া চারিদিকে যেন একটা ধূল্য উড়াইয়া রাখিবাব চেষ্টা করিলাম। কিন্তু সেটা আমার পক্ষে এমন অস্বাভাবিক যে, তাহাতেই আরো বেশি ধবা পড়িবার কারণ হইল। কিন্তু দাদা বেশি দিন থাকিতে পারিলেন না—আমার স্বামী এমনি অস্থিরতা প্রকাশ করিতে লাগিলেন যে, তাহা প্রকাশ্য রূঢ়তার আকার ধারণ করিল। দাদা চলিয়া গেলেন। বিদায় লইবার পূর্বে পবিপূর্ণ স্নেহের সহিত আমার মাথার উপর অনেকক্ষণ কম্পিত হস্ত রাখিলেন—মনে মনে একগ্রাচিতে কি আশীর্বাদ করিলেন, তাহা বুঝিতে পারিলাম; তাঁহাব অশ্রু আমার অশ্রুসিক্ত কপোলের উপর আসিয়া পড়িল।

মনে আছে সেদিন চৈত্রমাসের সন্ধ্যাবেলায় হাটের বারে লোকজন বাড়ি ফিরিয়া যাইতেছে। দূর হইতে রূষ্টি লইয়া একটা ঝড় আসিতেছে, তাহারই মাটি-ভেজা গন্ধ এবং বাতাসের আর্দ্রভাব আকাশে ব্যাপ্ত হইয়াছে,—সঙ্গচ্যুত সাথীগণ অন্ধকার মাঠের মধ্যে পরস্পরকে ব্যাকুল উদ্ধকণ্ঠে ডাকিতেছে। অন্ধের শয়নগৃহে যতক্ষণ আমি একলা থাকি, ততক্ষণ প্রদীপ জ্বালানো হয় না—পাছে শিখা লাগিয়া কাপড় ধরিয়া উঠে বা কোন দুর্ঘটনা হয়। আমি সেই

নির্জন অন্ধকার কক্ষের মধ্যে মাটিতে বসিয়া দুইহাত জুড়িয়া আমার অনন্ত অন্ধজগতের জগদীশ্বরকে ডাকিতেছিলাম—বলিতেছিলাম,—“প্রভু, তোমার দয়া যখন অনুভব হয় না, তোমার অভিপ্রায় যখন বুঝি না, তখন এই অনাথ ভগ্ন হৃদয়ের হালটাকে প্রাণপণে দুই হাতে বক্ষে চাপিয়া ধরি, বুক দিয়া রক্ত বাহির হইয়া যায় তবু তুফান সামলাইতে পারি না, আমার আর কত পরীক্ষা করিবে, আমার কতটুকুইবা বল!”—এই বলিতে বলিতে অশ্রু উজ্জ্বলিত হইয়া উঠিল—খাটের উপর মাথা রাখিয়া কাদিতে লাগিলাম। সমস্ত দিন ঘরের কাজ করিতে হয়, হেমাঙ্গিনী ছায়ার মত কাছে কাছে থাকে—বুকের ভিতরে যে অশ্রু ভরিয়া উঠে সে আর ফেলিবার অবসর পাই না, অনেকদিন পরে আজ চোখের জল বাহির হইল—এমন সময় দেখিলাম, খাট একটু নড়িল, মানুষ চলার উস্খুস্ শব্দ হইল—এবং মুহূর্ত্ত পরে হেমাঙ্গিনী আসিয়া আমার গলা জড়াইয়া ধরিয়া নিঃশব্দে অঞ্চল দিয়া আমার চোখ মুছাইয়া দিতে লাগিল। সে যে সন্ধ্যার আরম্ভে কি ভাবিয়া কখন আসিয়া খাটেই শুইয়াছিল, আমি জানিতে পারি নাই। সে একটি প্রশ্নও করিল না, আমিও তাহাকে কোনো কথাই বলিলাম না। সে ধীবে ধীরে তাহার শীতল হস্ত আমার ললাটে বুলাইয়া দিতে লাগিল। ইতিমধ্যে কখন মেঘগঞ্জন এবং মূলধাবা বর্ষণের সঙ্গে সঙ্গে একটা ঝড় হইয়া গেল বুঝিতেই পারিলাম না—বহুকাল পরে একটি স্মৃষ্ক শান্তি আসিয়া আমার জরদাহদগ্ধ হৃদয়কে জুড়াইয়া দিল।

পর দিন হেমাঙ্গিনী কহিল, “কাকি, তুমি যদি বাড়ি না যাও, আমি আমার কৈবর্ত দাদার সঙ্গে চলিলাম, তাহা বলিয়া রাখিতেছি।”—পিসিয়া কহিলেন, “তাহাতে কাজ কি, আমিও কাল যাইতেছি এক সঙ্গেই যাওয়া হইবে। এই দেখ হিমু, আমার অবিনাশ তোর ভেত্রে কেমন একটি মুক্তাদেওয়া আংটি কিনিয়া দিয়াছে!”—বলিয়া সগর্বে পিসিয়া আংটিটি হেমাঙ্গিনীর হাতে দিলেন। হেমাঙ্গিনী কহিল, “এই দেখ কাকি, আমি কেমন স্নন্দর লক্ষ্য করিতে পারি।”—বলিয়া জান্না হইতে তাক্ কবিয়া আংটিটি খিড়কির পুকুরের মাঝখানে ফেলিয়া দিল। পিসিয়া রাগে ছুখে বিন্ময়ে কণ্টকিত হইয়া উঠিলেন।

আমাকে বারম্বার করিয়া হাতে ধরিয়া বলিয়া দিলেন—“বোমা উহার এই ছেলেমানুসির কথা অবিনাশকে খবরদার বলিয়ে না—ছেলে আমার তাহা

হইলে মনে হুঃখ পাইবে। মাথা খাও বোমা!—” আমি কহিলাম, “আর বলিতে হইবে না পিসিমা, আমি কোনো কথাই বলিব না।”

পরদিনে যাত্রার পূর্বে হেমাঙ্গিনী আমাকে জড়াইয়া ধরিয়া কহিল—“দিদি, আমাকে মনে রাখিস!” আমি দুইহাত বাদ্যহার তাহার মুখে বুলাইয়া কহিলাম—“অন্ধ কিছু ভোলে না বোন—আমার তো জগৎ নাই, আমি কেবল মন লইয়াই আছি!”—বলিয়া তাহার মাথাটা লইয়া একবার আঘাত করিয়া চুষন করিলাম। বরষা করিয়া তাহার কেশরাশির মধ্যে আমার অশ্রু ঝরিয়া পড়িল।

হেমাঙ্গিনী বিদায় হইলে আমার পৃথিবীটা শুষ্ক হইয়া গেল,—সে আমার প্রাণের মধ্যে যে সৌগন্ধ, সৌন্দর্য, সঙ্গীত, যে উজ্জ্বল আলো এবং যে কোমল তরুণতা আনিয়াছিল, তাহা চলিয়া গেলে একবার আমার সমস্ত সংসারে, আমার চারিদিকে, দুই হাত বাড়াইয়া দেখিলাম, কোথায় আমার কি আছে!—আমার স্বামী আসিয়া বিশেষ প্রকৃষ্ণতা দেখাইয়া কহিলেন—“ইহারা গেলেন এখন বাঁচা গেল, একটু কাজ কর্ম করিবার অবসর পাওয়া যাইবে।”—ধিক্, ধিক্ আমাকে! আমার জন্ত কেন এত চাতুরী? আমি কি সত্যকে ডরাই? আমি কি আঘাতকে কখনো ভয় করিয়াছি? আমার স্বামী কি জানেন না, যখন আমি দুই চক্ষু দিয়াছিলাম, তখন আমি শাস্ত্রমতে আমার চিরান্বকার গ্রহণ করিয়াছি?

এতদিন আমার এবং আমার স্বামীর মধ্যে কেবল অন্ধতার অন্তরাল ছিল, আজ হইতে আর-একটা ব্যবধান সৃজন হইল। আমার স্বামী ভুলিয়াও কখনো হেমাঙ্গিনীর নাম আমার কাছে উচ্চারণ করিতেন না,—যেন তাঁহার সম্পর্কীয় সংসার হইতে হেমাঙ্গিনী একেবারে লুপ্ত হইয়া গেছে, যেন সেখানে সে কোনোকালে লেশমাত্র রেখাপাত করে নাই। অথচ পত্রদ্বারা তিনি যে সর্বদাই তাহার খবর পাইতেছেন, তাহা আমি অনায়াসে অনুভব করিতে পারিতাম; যেমন পুকুরের মধ্যে বন্যার জল যেদিন একটু প্রবেশ করে সেই দিনই পদ্মের ডাঁটায় টান পড়ে—তেমনি তাঁহার ভিতরে একটুও যেদিন ক্ষীতির সঞ্চার হয়, সেদিন আমার হৃদয়ের মূলের মধ্য হইতে আমি আপনি অনুভব করিতে পারি। কবে তিনি খবর পাইতেন এবং কবে পাইতেন না, তাহা

আমার কাছে কিছু অগোচর ছিল না। কিন্তু আমিও তাঁহাকে তাহার কথা শুধাইতে পারিতাম না। আমাব অন্ধকার হৃদয়ে সেই যে উন্নত উদ্দাম উজ্জল সুন্দর তারাটি ক্ষণকালেব জন্ত উদয় হইয়াছিল, তাহাব একটু খবর পাইবাব এবং তাহার কথা আলোচনা করিবার জন্ত আমার প্রাণ তৃপ্ত হইয়া থাকিত, কিন্তু আমার স্বামীর কাছে সুহৃদের জন্ত তাহার নাম করিবার অধিকার ছিল না। আমাদের দুজনার মাঝখানে বাক্যে এবং বেদনার পরিপূর্ণ এই একটা নীরবতা অটলভাবে বিরাজ করিত।

বৈশাখ মাসের মাঝামাঝি এক দিন বি আসিয়া আমাকে জিজ্ঞাসা করিল, “মা ঠাকুরণ, ঘাটে যে অনেক আয়োজনে নৌকা প্রস্তুত হইতেছে, বাবা মশায় কোথায় যাইতেছেন?”—আমি জানিতাম একটা কি উদ্ভোগ হইতেছে; আবার অদৃষ্টাংশে প্রথম কিছুদিন বড়ের পূর্বককার নিস্তব্ধতা এবং তাহার পরে প্রলয়ের ছিন্ন বিচ্ছিন্ন মেঘ আসিয়া জমিতেছিল, সংহারকারী শব্দ নীরব অজুলিব ইঞ্জিতে তাহার সমস্ত প্রলয়শক্তিকে আমার মাথার উপরে জড় করিতেছেন—তাহা আমি বুঝিতে পারিতেছিলাম। ঝিকে বলিলাম, “কই, আমি তো এথেনো কোনো খবর পাই নাই।” বি আর কোনো প্রশ্ন জিজ্ঞাসা করিতে সাহস না করিয়া নিশ্বাস ফেলিয়া চলিয়া গেল।

অনেক রাত্রে আমার স্বামী আসিয়া কহিলেন, দুবে এক জায়গায় আমার ডাক পড়িয়াছে, কাল ভোবেই আমাকে রওনা হইতে হইবে। বোধ কবি ফিরিতে দিন দুই তিন বিলম্ব হইতে পারে।”

আমি শয্যা হইতে উঠিয়া দাঁড়াইয়া কহিলাম, “কেন আমাকে মিথ্যা বলিতেছ?”

আমার স্বামী কম্পিতকণ্ঠে কহিলেন, “মিথ্যা কি বলিলাম!”

আমি কহিলাম, “তুমি বিবাহ করিতে যাইতেছ!”

তিনি চুপ্ করিয়া রহিলেন। আমিও স্থির হইয়া দাঁড়াইয়া রহিলাম। অনেকক্ষণ ঘরে কোনো শব্দ রহিল না। শেষে আমি বলিলাম—“একটা উত্তর দাও!—বল, হাঁ, আমি বিবাহ করিতে যাইতেছি।”

তিনি প্রতিধ্বনির ছায়া উত্তর দিলেন—“হাঁ আমি বিবাহ করিতে যাইতেছি।”

আমি কহিলাম, “না, তুমি যাইতে পাইবে না, তোমাকে আমি এই মহা বিপদ মহাপাপ হইতে রক্ষা করিব! এ যদি না পারি তবে আমি তোমার কিসের স্ত্রী; কি জন্ত আমি শিবপূজা করিয়াছিলাম!”

আবার অনেকক্ষণ গৃহ নিঃশব্দ হইয়া রহিল। আমি মাটিতে পড়িয়া স্বামীর পা জড়াইয়া ধরিয়া কহিলাম—“আমি তোমার কি অপরাধ করিয়াছি, কিসে আমার ক্রটি হইয়াছে—অন্ত স্ত্রীতে তোমার কিসের প্রয়োজন? মাথা খাও সত্য করিয়া বল।”

তখন আমার স্বামী ধীরে ধীরে কহিলেন—“সত্যই বলিতেছি, আমি তোমাকে ভয় করি। তোমার অন্ধতা তোমাকে এক অনন্ত আবরণে আবৃত করিয়া রাখিয়াছে, সেখানে আমার প্রবেশ করিবার যো নাই। তুমি আমার দেবতার গায় ভদ্রানক, তোমাকে লইয়া প্রতিদিন গৃহকার্য্য করিতে পারি না। যাহাকে বকিব বকিব, রাগ করিব, মোহাগ করিব, গহনা গড়াইয়া দিব, এমন একটি সামগ্র্য রমণী আমি চাই।”

“আমার বুকের ভিতর চিরিয়া দেখ! আমি সামগ্র্য রমণী—আমি মনের মধ্যে সেই নব বিবাহের বালিকা বই কিছুই নই,—আমি বিশ্বাস করিতে চাই, নির্ভয় করিতে চাই, পূজা করিতে চাই,—তুমি নিজেকে অপমান করিয়া, আমাকে হ্রস্ব হ্রস্ব দিয়া তোমার চেয়ে আমাকে বড় করিয়া তুলিয়া না, আমাকে সর্ববিষয়ে তোমার পায়ের নীচে রাখিয়া দাও।”

আমি কি কি কথা বলিয়াছিলাম সে কি আমার মনে আছে? ক্ষুদ্র সমুদ্র কি নিজের গজ্জন নিজে শুনিতে পায়? কেবল মনে পড়ে বলিয়াছিলাম, “যদি আমি সত্যী হই, তবে ভগবান সাক্ষী বহিলেন, তুমি কোনোমতেই তোমার ধর্ম্মশপথ লঙ্ঘন করিতে পারিবে না। সে মহাপাপের পূর্বে হয় আমি বিধবা হইব, নয় হেমাস্ত্রিনী বাঁচিবে না।” এই বলিয়া আমি মুচ্ছিত হইয়া পড়িয়া গেলাম।

যখন আমার মুচ্ছা ভঙ্গ হইয়া গেল, তখনো রাত্রিশেষের পাখী ডাকিতে আরম্ভ করে নাই এবং আমার স্বামী চলিয়া গেছেন।

আমি ঠাকুর ঘরে দ্বার রুদ্ধ করিয়া পূজায় বসিলাম। সমস্ত দিন আমি ঘরের বাহির হইলাম না। সন্ধ্যার সময়ে কালবৈশাখী ঝড়ে দালান কাঁপিতে লাগিল। আমি বলিলাম না যে, হে ঠাকুর, আমার স্বামী এখন নদীতে আছেন

তঁাহাকে রক্ষা কর। আমি কেবল একান্ত মনে বলিতে লাগিলাম, “ঠাকুর আমার অন্তরে যাহা হইবার তা হোক কিন্তু আমার স্বামীকে মহাপাতক হইতে নিবৃত্ত কর।”—সমস্ত রাত্রি কাটিয়া গেল। তাহার পরদিনও আসন পরিত্যাগ করি নাই। এই অনিদ্রায় অনাহারে কে আমাকে বল দিয়াছিল জানি না—আমি পাষণ-মূর্তির সম্মুখে পাষণমূর্তির মতোই বসিয়া ছিলাম।

সন্ধ্যার সময় বাহিব হইতে দ্বার ঠেলাঠেলি আরম্ভ হইল। দ্বার ভাঙ্গিয়া যখন ঘরে লোক প্রবেশ করিল, তখন আমি মূর্ছিত হইয়া পড়িয়া আছি।

মূর্ছাভঙ্গে শুনিলাম—“দিদি।” দেখিলাম হেমাঙ্গিনীর কোলে শুইয়া আছি। মাথা নাড়িতেই তাহার নূতন চেলি খসখস করিয়া উঠিল।—হা ঠাকুর, আমার প্রার্থনা শুনিলে না। আমার স্বামীর পতন হইল।

হেমাঙ্গিনী মাথা নীচু করিয়া ধীবে ধীরে কহিল, “দিদি, তোমার আশীর্বাদ লইতে আসিয়াছি।”

প্রথম একমূহূর্ত কাঠের মত হইয়া পরক্ষণেই উঠিয়া বসিলাম—কহিলাম, “কেন আশীর্বাদ করিব না বোন? তোমার কি অপরাধ?”

হেমাঙ্গিনী তাহার স্মৃতি উচ্চকণ্ঠে হাসিয়া উঠিল, কহিল, “অপরাধ! তুমি বিবাহ করিলে অপরাধ হয় না, আর আমি করিলেই অপরাধ?”

হেমাঙ্গিনীকে জড়াইয়া ধরিয়া আমিও হাসিলাম। মনে মনে কহিলাম, জগতে আমার প্রার্থনাই কি চূড়ান্ত? তাহার ইচ্ছাই কি শেষ নহে? যে আঘাত পড়িয়াছে সে আমার মাথার উপবেই পড়ুক—কিন্তু হৃদয়ের মধ্যে যেখানে আমার ধর্ম, আমার বিশ্বাস আছে সেখানে পড়িতে দিব না। আমি যেমন ছিলাম তেমনি থাকিব।—হেমাঙ্গিনী আমার পায়ের কাছে পড়িয়া আমার পায়ের ধলা লইল। আমি কহিলাম, “তুমি চিবসৌভাগ্যবতী, চিরহুগিনী হও।”

হেমাঙ্গিনী কহিল, “কেবল আশীর্বাদ নয়, তোমার সতীত্ব হস্তে আমাকে এবং তোমার ভগ্নীপতিকে বরণ করিয়া লইতে হইবে। তুমি তঁাহাকে লজ্জা করিলে চলিবে না। যদি অমুমতি কর তঁাহাকে অন্তঃপুরে লইয়া আসি।”

আমি কহিলাম—“আন।”

কিছুক্ষণ পরে আমার ঘরে নূতন পদশব্দ প্রবেশ করিল। সন্মুখ প্রাঙ্গণে শুনিলাম—“ভালো আছি কুমু?”

আমি ত্রস্ত বিছানা ছাড়িয়া উঠিয়া পায়ের কাছে প্রণাম করিয়া কহিলাম—
“দাদা !”

হেমাস্থিনী কহিল—“দাদা কিসের ? কান মলিয়া দাও, ও তোমার ছোট ভগ্নীপতি ।”

তখন সমস্ত বুঝিলাম। আমি জানিতাম, দাদার প্রতিজ্ঞা ছিল বিবাহ করিবেন না,—মা নাই, তাঁহাকে অনুন্নয় করিয়া বিবাহ করাইবার কেহ ছিল না। এবার আমিই তাঁহার বিবাহ দিলাম। দুই চক্ষু বাহিয়া হুহু করিয়া জল ঝরিয়া পড়িতে লাগিল—কিছুতেই থামাইতে পারি না। দাদা ধীরে ধীরে আমার চুলের মধ্যে হাত বুলাইয়া দিতে লাগিলেন, হেমাস্থিনী আমাকে জড়াইয়া ধরিয়া কেবল হাসিতে লাগিল।

বাত্রে ঘুম হইতেছিল না, আমি উৎকণ্ঠিতচিত্তে স্বামীর প্রত্যাগমন প্রত্যাশা করিতেছিলাম। লজ্জা এবং নৈরাশ্র্য তিনি কিরূপভাবে সম্বরণ করিবেন তাহা আমি স্থির করিতে পারিতেছিলাম না।

অনেক রাত্রে অতি ধীরে দ্বার খুলিল। আমি চমকিয়া উঠিয়া বাসিলাম। আমার স্বামীর পদশব্দ। বক্ষের মধ্যে জ্বলিও আছাড় খাইতে লাগিল।

তিনি বিছানার মধ্যে আসিয়া আমার হাত ধরিয়া কহিলেন, “তোমার দাদা আমাকে রক্ষা করিয়াছেন। আমি ক্ষণকালের মোহে পড়িয়া মরিতে যাইতেছিলাম। নেদিন আমি যখন নৌকায় উঠিয়াছিলাম, আমার বৃকের মধ্যে যে কি পাথর চাপিয়াছিল, তাহা অন্তর্যামী জানেন ;—যখন নদীর মধ্যে ঝড়ে পড়িয়াছিলাম তখন প্রাণের ভয়ও হইতেছিল, সেই সঙ্গে ভাবিতেছিলাম যদি ডুবিয়া যাই তাহা হইলে আমার উদ্ধার হয়। মথুরগঞ্জে পৌছিয়া শুনিলাম—তাহার পূর্বদিনেই তোমার দাদার সঙ্গে হেমাস্থিনাব বিবাহ হইয়া গেছে। কি লজ্জায় এবং কি আনন্দে নৌকায় ফিরিয়াছিলাম তাহা বলিতে পারি না। এই কয়দিনে আমি নিশ্চয় করিয়া বুঝিয়াছি তোমাকে ছাড়িয়া আমার কোনো স্মৃতি নাই। তুমি আমার দেবী।”

আমি হাসিয়া কহিলাম, “না, আমার দেবী হইয়া কাজ নাই—আমি তোমার ঘরের গৃহিণী—আমি সামান্য নারী মাত্র।”

স্বামী কহিলেন, “আমারও একটা অশ্লুরোধ তোমাকে রাখিতে হইবে। আমাকে আর দেবতা বলিয়া কখনো অপ্রতিভ করিয়ো না।”

পরদিন হুলুয়ব ও শঙ্করনিতে পাড়া মাতিয়া উঠিল। হেমাঙ্গিনী আমার স্বামীকে আহারে উপবেশনে, প্রভাতে রাত্রে নানা প্রকার পরিহাস করিতে লাগিল—নির্যাতনের আর সীমা রহিল না—কিন্তু তিনি কোথায় গিয়াছিলেন,—কি ঘটয়াছিল কেহ তাহার লেশমাত্র উল্লেখ করিল না।

(১৩০৫—পৌষ)

উদ্ধার

গৌরী প্রাচীন ধনীবংশের পরমাদরে পালিতা সুন্দরী কন্যা। স্বামী পরেশ হীনাবস্থা হইতে সম্প্রতি নিজের উপার্জনে কিঞ্চিৎ অবস্থার উন্নতি করিয়াছে। যতদিন তাহার দৈন্ত ছিল, ততদিন কন্যার কষ্ট হইবে ভয়ে স্বপ্নের শাওড়ী স্ত্রীকে তাঁহার বাড়িতে পাঠান নাই। গৌরী বেশ একটু বয়ঃস্থা হইয়াই পতিগৃহে আসিয়াছিল।

বোধ করি এই সকল কারণেই পরেশ সুন্দরী যুবতী স্ত্রীকে সম্পূর্ণ নিজের অয়ত্তগম্য বলিয়া বোধ করিতেন না এবং বোধ করি সন্দিক্ত স্বভাব তাঁহার একটা ব্যাধির মধ্যে।

পরেশ পশ্চিমের একটি ক্ষুদ্র সহরে ওকালতী করিতেন—ঘরে আত্মীয় স্বজন বড় কেহ ছিল না—একাকিনী স্ত্রীর জন্ত তাঁহার চিত্ত উদ্বিগ্ন হইয়া থাকিত। মাঝে মাঝে এক এক দিন হঠাৎ অসময়ে তিনি আদালত হইতে বাড়িতে আসিয়া উপস্থিত হইতেন। প্রথম প্রথম স্বামীর এইরূপ আকস্মিক অভ্যুদয়ের কারণ গৌরী ঠিক বুঝিতে পারিত না।

মাঝে মাঝে অকারণ পরেশ এক একটা করিয়া চাকর ছাড়াইয়া দিতে লাগিলেন ; কোনো চাকর তাঁহার আর দীর্ঘকাল পছন্দ হয় না। বিশেষত অসুবিধার আশঙ্কা করিয়া যে চাকরকে গৌরী রাখিবার জন্ত অধিক আগ্রহ প্রকাশ করিত, তাহাকে, পরেশ এক মুহূর্ত্ত স্থান দিতেন না। তেজস্বিনী গৌরী ইহাতে যতই আঘাত বোধ করিত স্বামী ততই অস্থির হইয়া এক এক সময়ে অদ্ভুত ব্যবহার করিতে থাকিতেন।

অবশেষে আত্মসম্বরণ করিতে না পারিয়া যখন দাসীকে গোপনে ডাকিয়া পরেশ নানা প্রকার সন্ধিগ্ন জিজ্ঞাসাবাদ আরম্ভ করিলেন তখন সে সকল কথা গোঁরীর কর্ণগোচর হইতে লাগিল। অভিমানিনী স্বল্পভাবিণী নারী অপমানে আহত সিংহিনীর ন্যায় অন্তরে অন্তরে উদ্দীপ্ত হইতে লাগিলেন এবং এই উন্মত্ত সন্দেহ দম্পতীর মাঝখানে প্রলয়যজ্ঞের মত পড়িয়া উভয়কে একবারে বিচ্ছিন্ন করিয়া দিল।

গোঁরীর কাছে তাঁহার তীব্র সন্দেহ প্রকাশ পাইয়া যখন একবার লজ্জা ভাঙিয়া গেল, তখন পরেশ স্পষ্টতই প্রতিদিন পদে পদে আশঙ্কা বন্ধ করিয়া স্ত্রীর সহিত কলহ করিতে আরম্ভ করিল এবং গোঁরী যতই নিরন্তর অবজ্ঞা এবং কষাঘাতের ন্যায় তীক্ষ্ণকটাক্ষ দ্বারা তাঁহাকে আপদমস্তক যেন ক্ষত বিক্ষত করিতে লাগিল, ততই তাহার সংশয়মত্ততা আরো যেন বাড়িবার দিকে চলিল।

এইরূপ স্বামীমুখ হইতে প্রতিহত হইয়া পুত্রহীনা তরুণী ধর্ম্মে মন দিল। হরিসভার নবীন প্রচারক ব্রহ্মচারী পরমানন্দ স্বামীকে ডাকিয়া মন্ত্র লইল এবং তাঁহার নিকট ভাগবতের ব্যাখ্যা শুনিতে আরম্ভ করিল। নারীদলের সমস্ত বার্থ স্নেহ কেবল ভক্তি-আকাংখে পুঞ্জীভূত হইয়া গুরুদেবের পদতলে সমর্পিত হইল।

পরমানন্দের সাধুচরিত্র সন্মুখে দেশ বিদেশে কাহারো মনে সংশয়মাত্র ছিল না। সকলে তাঁহাকে পূজা করিত। পরেশ ইঁহার সন্মুখে মুখ ফুটিয়া সংশয় প্রকাশ করিতে পারিতেন না বলিয়াই তাহা গুপ্ত ক্ষতের মত ক্রমশ তাঁহার মর্ম্মের নিকট পর্য্যন্ত খনন করিয়া চলিয়াছিল।

একদিন সামান্য কারণে বিষ উদ্দীপ্ত হইয়া পড়িল। স্ত্রীর কাছে পরমানন্দকে উল্লেখ করিয়া চরিত্র ভণ্ড বলিয়া গালি দিলেন এবং কহিলেন, “তোমার শালগ্রাম স্পর্শ করিয়া শপথপূর্ব্বক বল দেখি, সেই বকধান্নকে তুমি মনে মনে ভালবাস না?”

দলিত ফণিনীর ন্যায় মুহূর্ত্তের মধ্যেই উদগ্র হইয়া মিথ্যা স্পর্দ্ধাধারা স্বামীকে বিদ্ধ করিয়া গোঁরী রুদ্ধকণ্ঠে কহিল,—“ভালবাসি, তুমি কি করিতে চাও কর।”—পরেশ তৎক্ষণাৎ ঘরে তালা চাবি লাগাইয়া তাঁহাকে রুদ্ধ করিয়া আদালতে চলিয়া গেল।

অসহ্য রোষে গৌরী কোনো মতে দ্বার উন্মোচন করাইয়া তৎক্ষণাৎ বাড়ি হইতে বাহির হইয়া গেল।

পরমানন্দ নিভৃত ঘরে জনহীন মধ্যাহ্নে শাস্ত্র পাঠ করিতেছিলেন। হঠাৎ অমেঘবাহিনী বিদ্যুৎস্রোতের মত গৌরী ব্রহ্মচারীর শাস্ত্রাধ্যয়নের মাঝখানে আসিয়া ভাঙিয়া পড়িল।

গুরু কহিলেন—“একি !”

শিষ্য কহিল, “গুরুদেব, অপমানিত সংসার হইতে আমাকে উদ্ধার করিয়া লইয়া চল, তোমার সেবাব্রতে আমি জীবন উৎসর্গ করিব।”

পরমানন্দ কঠোর ভৎসনা করিয়া গৌরীকে গৃহে ফিরিয়া পাঠাইলেন। কিন্তু, হায় গুরুদেব, সেদিনকার সেই অকস্মাৎ ছিন্ন-বিচ্ছিন্ন অধ্যয়নতন্ত্র আর কি তেমন করিয়া জোড়া লাগিতে পারিল !

পরেশ গৃহে আসিয়া মুক্তদ্বার দেখিয়া জ্ঞীকে জিজ্ঞাসা করিলেন, “এখানে কে আসিয়াছিল ?”

জ্ঞী কহিল, “কেহ আসে নাই, আমি গুরুদেবের গৃহে গিয়াছিলাম।”

পরেশ মুহূর্তকাল পাংশুঃ এবং পরক্ষণেই রক্তবর্ণ হইয়া কহিলেন, “কেন গিয়াছিলে ?”

গৌরী কহিল, “আমার খুসি !”

সেদিন হইতে পাহারা বসাইয়া জ্ঞীকে ঘরে রুদ্ধ করিয়া পরেশ এমনি উপদ্রব আরম্ভ করিলেন যে, সহরময় কুৎসা রটিয়া গেল !

এই সকল কুৎসিত অপমান ও অত্যাচারের সংবাদে পরমানন্দের হরিচিন্তা দূর হইয়া গেল। এই নগর অবিলম্বে পরিত্যাগ করা তিনি কর্তব্য বোধ করিলেন, অথচ উৎপীড়িতকে ফেলিয়া কোনো মতেই দূরে ঘাইতে পারিলেন না। সন্ন্যাসীর এই কয়দিনকার দিনরাত্রের ইতিহাস কেবল অন্তর্যামীই জানেন।

অবশেষে অবরোধের মধ্যে থাকিয়া গৌরী একদিন পত্র পাইল,—“বৎসে, আলোচনা করিয়া দেখিলাম, ইতিপূর্বে অনেক সাধবী সাধকরমণী কৃষ্ণপ্রেমে সংসার ত্যাগ করিয়াছেন। যদি সংসারের অত্যাচারে হরিপাদপদ্ম হইতে তোমার চিত্ত বিক্লিপ্ত হইয়া থাকে, তবে জানাইলে ভগবানের সহায়তায় তাঁহার

সেবিকাকে উদ্ধার করিয়া প্রভুর অভয় পদারবিন্দে উৎসর্গ করিতে প্রয়াসী হইব। ২৬শে ফাল্গুন বুধবারে অপরাহ্ন ২ ঘটিকার সময় ইচ্ছা করিলে তোমাদের পুষ্করিণী-তীরে আমার সহিত সাক্ষাৎ হইতে পারিবে।”

গৌরী পত্রখানি কেশে বাঁধিয়া খোঁপার মধ্যে ঢাকিয়া রাখিল। ২৬শে ফাল্গুন মধ্যাহ্নে স্নানের পূর্বে চুল খুলিবার সময় দেখিল, চিঠিখানি নাই। হঠাৎ সন্দেহ হইল, হয়তো চিঠিখানি কখন বিছানায় স্থলিত হইয়া পড়িয়াছে এবং তাহা তাঁহার স্বামীর হস্তগত হইয়াছে। স্বামী সে পত্রপাঠে দীর্ঘায় দগ্ধ হইতেছে মনে করিয়া গৌরী মনে মনে একপ্রকার জ্বালাময় আনন্দ অনুভব করিল—কিন্তু তাহার শিরোভূষণ পত্রখানি পাষণ্ডহস্ত-স্পর্শে লাক্ষিত হইতেছে, এ কল্পনাও তাহার সহ্য হইল না। দ্রুতপদে স্বামীগৃহে গেল।

দেখিল, স্বামী ভূতলে পড়িয়া গৌ গৌ করিতেছে, মুখ দিয়া ফেনা পড়িতেছে, চক্ষুতারকা কপালে উঠিয়াছে। দক্ষিণবন্ধমুষ্টি হইতে পত্রখানি ছাড়াইয়া লইয়া তাড়াতাড়ি ডাক্তার ডাকিয়া পাঠাইল।

ডাক্তার আসিয়া কহিল, ‘আপোপ্লেক্সি’,—তখন রোগীর মৃত্যু হইয়াছে।

সেইদিন মফঃস্বলে পরেশের একটি জরুরি মকদ্দমা ছিল। সন্ন্যাসীর এতদূর পতন হইয়াছিল যে, তিনি সেই সংবাদ লইয়া গৌরীর সহিত সাক্ষাতের জন্ত প্রস্তুত হইয়াছিলেন।

সত্ত্ববিধবা গৌরী যেমন বাতায়ন হইতে গুরুদেবকে চোরের মতো পুষ্করিণীর তটে দেখিল, তৎক্ষণাৎ বজ্রচকিতের ছায় দৃষ্টি অবনত করিল। গুরু যে কোথা হইতে কোথায় নামিয়াছেন, তাহা যেন বিছাদালোকে সহসা এই মুহূর্তে তাহার হৃদয়ে উদ্ভাসিত হইয়া উঠিল।

গুরু ডাকিলেন, “গৌরী!”

গৌরী কহিল, “আসিতেছি, গুরুদেব।”

মৃত্যুসংবাদ পাইয়া পরেশের বন্ধগণ যখন সংকারের জন্ত উপস্থিত হইল, দেখিল গৌরীর মৃতদেহ স্বামীর পার্শ্বে শয়ান। সে বিষ খাইয়া মরিয়াছে। আধুনিক কালে এই আশ্চর্য্য সহমরণের দৃষ্টান্তে সতীমাছাণ্ড্যে সকলে স্তম্ভিত হইয়া গেল।

(১৩০৭—প্রাবণ)

দুৰ্ব্বুদ্ধি

ভিটা ছাড়িতে হইল। কেমন করিয়া, তাহা খোলসা করিয়া বলিব না—
আভাস দিব মাত্র।

আমি পাড়ার্গেষ্টে নেটিভ ডাক্তার, পুলিশের থানার সম্মুখে আমার বাড়ি
যমরাজের সহিত আমার যে পরিমাণ আনুগত্য ছিল দারোগা বাবুদের সহিত
তাহা অপেক্ষা কম ছিল না—সুতরাং নর এবং নারায়ণের দ্বারা মানুষের যত
বিবিধ রকমের পীড়া ঘটতে পারে তাহা আমার স্মরণোচর ছিল। যেমন মণির
দ্বারা বলয়ের এবং বলয়ের দ্বারা মণির শোভা বৃদ্ধি হয় তেমনি আমার
মধ্যস্থতায় দারোগার এবং দারোগার মধ্যস্থতায় আমার উত্তরোত্তর আর্থিক
শ্রীবৃদ্ধি ঘটিতেছিল।

এই সকল ঘনিষ্ঠ কারণে হাল নিয়মের কৃতবিদ্য দাবোগা ললিত চক্রবর্তীর
সঙ্গে আমার একটু বিশেষ বন্ধুত্ব ছিল। তাঁহার একটি অরক্ষণীয় আত্মীয়
কন্ডার সহিত বিবাহের জন্ত মাঝে মাঝে অনুরোধ করিয়া আমাকেও প্রায় তিনি
অরক্ষণীয় করিয়া তুলিয়াছিলেন। কিন্তু শশী আমার একমাত্র কন্যা, মাতৃহীনা,
তাহাকে বিমাতার হাতে সমর্পণ করিতে পারিলাম না। বর্ষে বর্ষে নূতন
পঞ্জিকার মতো কতো শুভ লগ্নই ব্যর্থ হইল। আমার চোখের সম্মুখে কতো
যোগ্য এবং অযোগ্য পাত্র চতুর্দোলায় চড়িল, আমি কেবল বরষাতীর দলে বাহির
বাড়ীতে মিষ্টান্ন খাইয়া নিশ্বাস ফেলিয়া বাড়ি ফিরিয়া আসিলাম।

শশীর বয়স বারো হইয়া প্রায় তেরোয় পড়ে। কিছু সুবিধামত টাকার যোগাড় করিতে পারিলেই মেয়েটিকে একটি বিশিষ্ট বড় ঘরে বিবাহ দিতে পারিব এমন আশা পাইয়াছি। সেই কর্মটি শেষ করিতে পারিলে অবিলম্বে আর একটি শুভ কর্মের আয়োজনে মনোনিবেশ করিতে পারিব।

সেই অত্যাশঙ্কক টাকাটার কথা ধ্যান করিতেছিলাম, এমন সময় তুলসী পাড়ার হরিনাথ মজুমদার আসিয়া আমার পায়ে ধরিয়া কাদিয়া পড়িল। কথাটা এই, তাহার বিধবা কন্যা রাত্রি হঠাৎ মারা গিয়াছে; শত্রুপক্ষ গর্ভপাতের অপবাদ দিয়া দারোগার কাছে বেনামা পত্র লিখিয়াছে। এক্ষণে পুলিশ তাহার মৃতদেহ লইয়া টানাটানি করিতে উদ্যত।

সম্মত কন্যাপোষকের উপর এতবড় অপমানের আঘাত তাহার পক্ষে অসহ্য হইয়াছে। আমি ডাক্তারও বটে, দারোগার বন্ধুও বটে, কোনো মতে উদ্ধার করিতে হইবে।

লক্ষ্মী যখন ইচ্ছা করেন তখন এমনি করিয়াই কখনো সদর কখনো থিড়কি দরজা দিয়া অনাহুত আসিয়া উপস্থিত হন। আমি ঘাড় নাড়িয়া বলিলাম, “বাপারটা বড় গুরুতর।” দুটো একটা কল্লিত উদাহরণ প্রয়োগ করিলাম—কম্পমান বৃদ্ধ হরিনাথ শিশুর মত কাদিতে লাগিল।

বিস্তারিত বলা বাহুল্য—কন্যার অন্ত্যেষ্টি সংস্কারের সুযোগ করিতে হরিনাথ ফতুর হইয়া গেল।

আমার কন্যা শশী করুণ স্বরে আসিয়া জিজ্ঞাসা করিল—“বাবা, ঐ বুড়ো তোমার পায়ে ধরিয়া কেন অমন করিয়া কাদিতে ছিল?” আমি তাহাকে ধমক দিয়া বলিলাম—“যা, যা, তোর এত খবরের দরকার কি?”

এইবার সংপাতে কন্যাদানের পথ সুপ্রশস্ত হইল। বিবাহের দিন স্থির হইয়া গেল। একমাত্র কন্যার বিবাহ, ভোজের আয়োজন প্রচুর করিলাম। বাড়িতে গৃহিণী নাই, প্রতিবেশীরা দয়া করিয়া আমাকে সাহায্য করিতে আসিল। সর্বস্বাস্থ্য কৃতজ্ঞ হরিনাথ দিনরাত্রি থাটিতে লাগিল।

গায়ে-হলুদের দিনে রাত তিনটার সময় হঠাৎ শশীকে ওলাউঠায় ধরিল। রোগ উত্তরোত্তর কঠিন হইয়া উঠিতে লাগিল। অনেক চেষ্টার পর নিষ্ফল ঔষধের শিশিগুলো ভূতলে কেলিয়া ছুটিয়া গিয়া হরিনাথের পা জড়াইয়া ধরিলাম।

কহিলাম,—“মাশ কর দাদা, এই পাষাণকে মাশ কর। আমার একমাত্র কন্যা, আমার আর কেহ নাই।”

হরিনাথ শশব্যস্ত হইয়া কহিল,—“ডাক্তার বাবু, করেন কি করেন কি ! আপনার কাছে আমি চিরঞ্জী—আমার পায়ে হাত দিবেন না !”

আমি কহিলাম, “নিরপরাধে আমি তোমার সর্বনাশ করিয়াছি, সেই পাপে আমার কন্যা মরিতেছে।”

এই বলিয়া সর্বলোকের সম্মুখে আমি চীৎকার করিয়া বলিলাম, “ওগো আমি এই বৃদ্ধের সর্বনাশ করিয়াছি, আমি তাহার দণ্ড লইতেছি, ভগবান আমার শনিকে রক্ষা করুন।”

বলিয়া হরিনাথের চটিজুতা খুলিয়া নিজের মাথায় মারিতে লাগিলাম ; বৃদ্ধ ব্যস্ত-সমস্ত হইয়া আমার হাত হইতে জুতা কাড়িয়া লইল।

পরদিন দশটা বেলায় গায়ে হলুদের হরিদ্রা চিহ্ন লইয়া শশী ইহসংসার হইতে চিরবিদায় গ্রহণ করিল।

তাহার পর দিনেই দারোগো বাবু কহিলেন—“ওহে, আর কেন, এইবার বিবাহ করিয়া ফেল ! দেখা শুনার তো একজন লোক চাই ?”

মাহুষের মর্যাস্তিক দুঃখশোকের প্রতি এরূপ নির্ভর অশ্রদ্ধা সয়তানকেও শোভা পায় না। কিন্তু নানা ঘটনায় দারোগার কাছে এমন মহুশ্যের পরিচয় দিয়াছিলাম যে, কোনো কথা বলিবার মুখ ছিল না। দারোগার বন্ধুত্ব সেই দিন যেন আমাকে চাবুক মারিয়া অপমান করিল !

হৃদয় যতই ব্যথিত থাকে কৰ্ম্মচক্র চলিতেই থাকে ! আগেকার মতই ক্ষুধার আহার, পরিধানের বস্ত্র, এমন কি, চুলার কাঠ এবং জুতার ফিতা পর্য্যন্ত পরিপূর্ণ উত্তম নিয়মিত সংগ্রহ করিয়া ফিরিতে হয়।

কাজের অবকাশে যখন একলা ঘরে আসিয়া বসিয়া থাকি তখন মাঝে মাঝে কানে সেই কৰুণকণ্ঠের প্রশ্ন বাজিতে থাকে, “বাবা, ঐ বুড়ো তোমার পায়ে ধরিয়া কেন অমন করিয়া কাদিতেছিল ?”—দরিদ্র হরিনাথের জীর্ণ ঘর নিজের ব্যয়ে ছাইয়া দিলাম, আমার দুগ্ধবতী গাভীটি তাহাকে দান করিলাম, তাহার বন্দকি জোত জমা মহাজনের হাত হইতে উদ্ধার করিয়া দিলাম।

কিছুদিন সতৃণোকের দুঃসহ বেদনায় নির্জ্ঞন সন্ধ্যায় এবং অনিদ্র রাত্রে

কেবলি মনে হইত, আমার কোমলহৃদয়া মেয়েটি সংসারলীলা শেষ করিয়াও তাহার বাপের নির্ভূর দুর্দর্শে পরলোকে কোনো মতেই শাস্তি পাইতেছে না, সে যেন ব্যথিত হইয়া কেবলি আমাকে প্রশ্ন করিয়া ফিরিতেছে, বাবা, কেন এমন করিলে ?

কিছুদিন এমনি হইয়াছিল গরীবের চিকিৎসা করিয়া টাকা র জন্ম তাগিদ করিতে পারিতাম না। কোনো ছোট মেয়ের ব্যামো হইলে মনে হইত আমার শরীই যেন পল্লীর সমস্ত রুগা বালিকার মধ্যে রোগ ভোগ করিতেছে।

তখন পূরা বর্ষায় পল্লী ভাসিয়া গেছে। ধানের ক্ষেত এবং গৃহের অঙ্গন পার্শ্ব দিয়া নৌকার করিয়া ফিরিতে হয়। ভোর রাত্রি হইতে বৃষ্টি শুরু হইয়াছে, এখনো বিরাম নাই।

জমিদারের কাছারি বাড়ি হইতে আমার ডাক পড়িয়াছে। বাবুদের পাল্লির মাঝি সামান্য বিলম্বটুকু সহ করিতে না পারিয়া উদ্ধত হইয়া উঠিবার উপক্রম করিতেছে।

ইতিপূর্বে একরূপ ছুর্যোগে যখন আমাকে বাহির হইতে হইত তখন একটি লোক ছিল যে আমার পুরাতন ছাতাটি খুলিয়া দেখিত তাহাতে কোথাও ছিদ্র আছে কি না, এবং একটি ব্যাগকণ্ঠ বাদলার হাওয়া ও বৃষ্টির ছাঁট হইতে সযত্নে আত্মরক্ষা করিবার জন্ত আমাকে বারম্বার সতর্ক করিয়া দিত। আজ শূন্য নীরব গৃহ হইতে নিজের ছাতা নিজে সন্ধান করিয়া লইয়া বাহির হইবার সময় তাহার সেই স্নেহময়মুখখানি স্মরণ করিয়া একটুখানি বিলম্ব হইতেছিল। তাহার রুদ্ধ শয়ন ঘরটার দিকে তাকাইয়া ভাবিতেছিলাম, যে লোক পরের দুঃখকে কিছুই মনে করে না, তাহার স্বথের জন্ত ভগবান ঘরের মধ্যে এতো স্নেহের আয়োজন কেন রাখিবেন ? এই ভাবিতে ভাবিতে সেই শূন্য ঘরটার দরজার কাছে আসিয়া বুকের মধ্যে হু হু করিতে লাগিল। বাহিরে বড়লোকের ভৃত্যের তর্জ্জন-স্বর শুনিয়া তাড়াতাড়ি শোক সঞ্চরণ করিয়া বাহির হইয়া পড়িলাম।

নৌকার উঠিবার সময় দেখি থানার ঘাটে ডোঙা বাঁধা—একজন চাষা কোপীন পরিয়া বৃষ্টিতে ভিজিতেছে। আমি জিজ্ঞাসা করিলাম, “কিরে ?” উত্তরে শুনিলাম, গত রাত্রে তাহার কণ্ঠাকে সাপে কাটিয়াছে, থানায় রিপোর্ট করিবার জন্ত হতভাগ্য তাহাকে দূরগ্রাম হইতে বহিয়া আনিয়াছে। দেখিলাম,

সে তাহার নিজের একমাত্র গাত্রবস্ত্র খুলিয়া মৃতদেহ ঢাকিয়া রাখিয়াছে। জমিদারী কাছারীর অসহিষ্ণু মাঝি নোকা ছাড়িয়া দিল।

বেলা একটার সময় বাড়ি ফিরিয়া আসিয়া দেখি তখনো সেই লোকটা বৃকের কাছে হাত পা গুটাইয়া বসিয়া বসিয়া ভিজিতেছে, দারোগা বাবুর দর্শন মেলে নাই। আমি তাহাকে আমার রক্তিত অন্নের এক অংশ পাঠাইয়া দিলাম। সে তাহা ছুঁইল না।

তাড়াতাড়ি আহাৰ সারিয়া কাছারির রোগীর তাগিদে পুনর্ব্বার বাহির হইলাম। সন্ধ্যার সময় বাড়ী ফিরিয়া দেখি তখনো লোকটা একেবারে অভিভূতের মতো বসিয়া আছে। কথা জিজ্ঞাসা করিলে উত্তর দিতে পারে না, মুখের দিকে তাকাইয়া থাকে। এখন তাহার কাছে, এই নদী, ঐ গ্রাম, ঐ থানা, এই মেঘাচ্ছন্ন আর্দ্র পঙ্কিল পৃথিবীটা স্বপ্নের মত। বারম্বার প্রশ্নের দ্বারা জানিলাম, একবার একজন কন্ঠেবল আসিয়া জিজ্ঞাসা করিয়াছিল টাকাকে কিছু আছে কি না। সে উত্তর করিয়াছিল, সে নিতান্তই গরীব, তাহার কিছু নাই। কন্ঠেবল বলিয়া গেছে, থাক্ বেটা তবে এখন বসিয়া থাক্।

এমন দৃশ্য পূর্বেও অনেকবার দেখিয়াছি—কখনো কিছুই মনে হয় নাই। আজ কোনো মতেই সহ্য করিতে পারিলাম না। আমার শরীর করুণা-গদগদ অব্যক্ত কণ্ঠ সমস্ত বাদ্‌লার আকাশ জুড়িয়া বাজিয়া উঠিল। ঐ কণ্ঠাহারা বাক্যহীন চাষার অপরিমেয় দুঃখে আমার বৃকের পাজরগুলো যেন ঠেলিয়া উঠিতে লাগিল।

দারোগাবাবু বেতের মোড়ায় বসিয়া আরামে গুড়গুড়ি টানিতেছিলেন, তাঁহার কণ্ঠাদায়গ্রস্ত আত্মীয় মেসোটি আমার প্রতি লক্ষ্য করিয়াই সম্প্রতি দেশ হইতে আসিয়াছেন; তিনি মাত্রের উপর বসিয়া গল্প করিতেছিলেন। আমি একদমে ঝড়ের বেগে সেখানে উপস্থিত হইলাম। চীৎকার করিয়া বলিলাম, “আপনারা মানুষ না পিশাচ?” বলিয়া আমার সমস্ত দিনের উপার্জনের টাকা ছনাৎ করিয়া তাহার সম্মুখে ফেলিয়া দিয়া কহিলাম—“টাকা চান্ তো এই নিন্, যখন মরিবেন সঙ্গে লইয়া বাইবেন, এখন এই লোকটাকে ছুটি দিন, ও কণ্ঠার সংকার করিয়া আসুক!”

বহু উৎপীড়িতের অশ্রু সেচনে দারোগার সহিত ডাক্তারের যে প্রণয় বাড়িয়া উঠিয়াছিল, তাহা এই ঝড়ে ভূমিসাৎ হইয়া গেল।

অনতিকাল পরে দারোগার পায়ে ধনিয়েছি, তাঁহার মহদাশয়তার উল্লেখ করিয়া অনেক ক্ষতি এবং নিজের বুদ্ধিবংশ লইয়া অনেক আত্মধিকার প্রয়োগ করিয়াছি, কিন্তু শেবটা ভিটা ছাড়িতে হইল।

(১৩০৭—ভাদ্র)

ফেল্

ল্যাজা এবং মুড়া, রাছ এবং কেতু, পরস্পরের সঙ্গে আড়াআড়ি করিলে যেমন দেখিতে হইত এও ঠিক সেই রকম। প্রাচীন হালদার বংশ ছই থণ্ডে পৃথক হইয়া প্রকাণ্ড বসত বাড়ির মাঝখানে এক ভিত্তি তুলিয়া পরস্পর পিঠাপিঠি করিয়া বসিয়া আছে, কেহ কাহারো মুখদর্শন করে না।

নবগোপালের ছেলে নলিন এবং ননীগোপালের ছেলে নন্দ একবংশজাত, একবয়সী, এক ইন্সুলে যায় এবং পারিবারিক বিধেয ও রেযারেযিতেও উভয়ের মধ্যে সম্পূর্ণ ঐক্য।

নলিনের বাপ নবগোপাল অত্যন্ত কড়া লোক। ছেলেকে হাঁপ ছাড়িতে দিতেন না, পড়াশুনা ছাড়া আর কথা ছিল না। খেলা, খাণ্ড ও সাজসজ্জা সম্বন্ধে ছেলের সর্বপ্রকার সখ তিনি খাতাপত্র ও ইন্সুলবইয়ের নীচে চাপিয়া রাখিয়াছিলেন।

নন্দের বাপ ননীগোপালের শাসনপ্রণালী অত্যন্ত শিথিল ছিল। মা তাহাকে অত্যন্ত ফিট্কাট্ করিয়া সাজাইয়া ইন্সুলে পাঠাইতেন, আনা তিনেক জলপানীও সঙ্গে দিতেন ; নন্দ ভাজা মসলা ও কুল্পির বরফ, লাঠিম ও মার্কলগুলিকা ইচ্ছামত ভোগবিতরণের দ্বারা যশস্বী হইয়া উঠিয়াছিল।

মনে মনে পরাভব অনুভব করিয়া নলিন কেবলি ভাবিত নন্দের বাবা যদি আমার বাবা হইত এবং আমার বাবা যদি নন্দের পিতৃস্থান অধিকার করিত তাহা হইলে নন্দকে মজা দেখাইয়া দিতাম।

কিন্তু সেরূপ সুযোগ ঘটবার পূর্বে ইতিমধ্যে নন্দ বৎসরে বৎসরে প্রাইজ পাইতে লাগিল; নলিন রিক্তহস্তে বাড়ি আসিয়া ইন্সুলের কর্তৃপক্ষদের নামে পক্ষপাতের অপবাদ দিতে লাগিল। বাপ তাহাকে অগ্র স্কুলে দিলেন, বাড়িতে অগ্র মাষ্টার রাখিলেন, ঘুমের সময় হইতে একঘণ্টা কাটিয়া পড়ার সময়ে যোগ করিলেন, কিন্তু ফলের তারতম্য হইল না। নন্দ পাশ করিতে করিতে বি, এ, উত্তীর্ণ হইয়া গেল, নলিন ফেল করিতে করিতে এণ্ট্রান্স ক্লাসে জাতিকদের ইচ্ছার মত আটকা পড়িয়া রহিল।

এমন সময় তাহার পিতা তাহার প্রতি দয়া করিলেন। তিনি মরিলেন। তিন বৎসর মেয়াদ খাটিয়া এণ্ট্রান্স ক্লাস হইতে তাহার মুক্তি হইল এবং স্বাধীন নলিন আংটি বোতাম বড়ির চেনে আছোপাস্ত ঝকমক করিয়া নন্দকে নিরতিশয় নিম্ভ্রত করিয়া দিবার চেষ্টা করিতে লাগিল। এণ্ট্রান্স ফেলের ঘুড়ি চোষুড়ি, বি, এ, পাসের একঘোড়ার গাড়িকে অনায়াসে ছাড়াইয়া যাইতে লাগিল, বিশ্ববিদ্যালয়ের ডিগ্রী, ওয়েলার বোড়ার সহিত সমান চালে চলিতে পারিল না।

এদিকে নলিন এবং নন্দের বিবাহের জন্ত পাত্রীর সন্ধান চলিতেছে। নলিনের প্রতিজ্ঞা, সে এমন কন্যা বিবাহ করিবে যাহার উপমা মেলা ভার, তাহার জুড়ি এবং তাহার স্ত্রীর কাছে নন্দকে হার মানিতেই হইবে।

সব চেয়ে ভালোর জন্ত যাহার আকাঙ্ক্ষা, অনেক ভালো তাহাকে পরিত্যাগ করিতে হয়। কাছাকাছি কোনো মেয়েকেই নলিন পছন্দ করিয়া খতম করিতে সাহস করিল না, পাছে আরো ভালো তাহাকে ফাঁকি দিয়া আর কাহারো ভাগ্যে জোটে।

অবশেষে খবর পাওয়া গেল রাওলপিণ্ডিতে এক প্রবাসী বাঙ্গালীর এক পরমাসুন্দরী মেয়ে আছে। কাছেব সুন্দরীর চেয়ে দূরের সুন্দরীকে বেশী শোভনীয় বলিয়া মনে হয়। নলিন মাতিয়া উঠিল, খরচপত্র দিয়া কন্যাকে কলিকাতায় আনানো হইল। কন্যাটি সুন্দরী বটে; নলিন কহিল, “দিনি যাই করুন ফস করিয়া রাওলপিণ্ডি ছাড়াইয়া যাইবেন এমন সাধ্য কাহারও নাই। অন্ততঃ একথা কেহ বলিতে পারিবেন না যে, এ মেয়ে তো আমরা পূর্বেই দেখিয়াছিলাম পছন্দ হয় নাই বলিয়া সম্বন্ধ করি নাই!”

কথাবার্তা তো প্রায় একপ্রকার স্থির, পাণপত্রের আয়োজন হইতেছে—এমন সময় একদিন প্রাতে দেখা গেল ননীগোপালের বাড়ি হইতে বিচিত্র খালার উপর বিবিধ উপঢৌকন লইয়া দাসী চাকরের দল সার বাধিয়া চলিয়াছে।

নলিন কহিল, “দেখে এস তো হে, ব্যাপারখানা কি?”

খবর আসিল, নন্দর ভাবী বধুর জন্ত পাণপত্র যাইতেছে।

নলিন তৎক্ষণাৎ গুড়গুড়ি টানা বন্ধ করিয়া সচকিত হইয়া উঠিয়া বসিল, বলিল, “খবর নিতে হচ্ছে তো।”

তৎক্ষণাৎ গাড়ী ভাড়া করিয়া ছড়্ ছড়্ শব্দে দূত ছুটিল। বিপিন হাজরা ফিরিয়া আসিয়া কহিল, “কলকাতার মেয়ে কিস্তি খাসা মেয়ে।”

নলিনের বুক দমিয়া গেল—কহিল, “বল কি হে!”

হাজরা কেবলমাত্র কহিল—“খাসা মেয়ে।”

নলিন বলিল, “এ তো দেখতে হচ্ছে!”

পারিষদ বলিল—“সে আবার শক্তটা কি”—বলিয়া তর্জনী ও অনুলে একটা কাল্পনিক টাকা বাজাইয়া দিল।

স্বযোগ করিয়া নলিন মেয়ে দেখিল। যতই মনে হইল এ মেয়ে নন্দর জন্ত একেবারে স্থির হইয়া গেছে ততোই বোধ হইতে লাগিল মেয়েটি রাঙলপিগুজার চেয়ে ভালো দেখিতে। দ্বিধাপীড়িত হইয়া নলিন পারিষদকে জিজ্ঞাসা করিল, “কেমন ঠেক্চে হে?”

হাজরা কহিল, “আজ্ঞে আমাদের চোখে তো ভালই ঠেক্চে।”

নলিন কহিল, “সে ভালো কি এ ভালো?”

হাজরা বলিল, “এ-ই ভালো।”

তখন নলিনের বোধ হইল, ইহার চোখের পল্লব তাহার চেয়ে আরো একটু যেন ঘন; তাহাব রংটা ইহার চেয়ে একটু যেন বেশি ক্যাকাসে, ইহার গোরবর্ণে একটু যেন হলদে আভার সোনা মিশাইয়াছে। ইহাকে তো হাত ছাড়া করা যায় না।

নলিন বিমর্ষভাবে চিৎ হইয়া গুড়গুড়ি টানিতে টানিতে কহিল—“ওহে হাজরা কি করা যায় বল তো?”

হাজ্ৰা বলিল, “মহারাজ, শক্তটা কি”—বলিয়া পুনশ্চ অঙ্গুষ্ঠ তর্জনীতে কাল্পনিক টাকা বাজাইয়া দিল।

টাকাটা যখন সত্যই সশব্দে বাজিয়া উঠিল তখন যথোচিত ফল হইতে বিলম্ব হইল না। কন্ঠ্য পিতা একটা অকারণ ছুতা করিয়া বরের পিতার সহিত তুমুল ঝগড়া বাধাইলেন। বরের পিতা বলিলেন “তোমার কন্ঠ্যর সহিত আমার পুত্রের যদি বিবাহ দিই তবে,—” ইত্যাদি, ইত্যাদি।

কন্ঠ্যর পিতা আরও একগুণ অধিক করিয়া বলিলেন, “তোমার পুত্রের সহিত আমার কন্ঠ্যর যদি বিবাহ দিই তবে—” ইত্যাদি ইত্যাদি।

অতঃপর আর বিলম্ব মাত্র না করিয়া নলিন নন্দকে ফাঁকি দিয়া শুভলগ্নে শুভবিবাহ সম্বন্ধ সম্পন্ন করিয়া ফেলিল। এবং হাসিতে হাসিতে হাজ্ৰাকে বলিল, “বি, এ পাস করা তো একেই বলে! কি বল হে হাজ্ৰা! এবারে আমাদের ওবাড়ির বড় বাবু ফেল্।”

অনতিকাল পরেই নবগোপালের বাড়িতে একদিন ঢাক ঢোল সানাই বাজিয়া উঠিল। নন্দর গায়ে হলুদ।

নলিন কহিল, “ওহে হাজ্ৰা, খবর লও তো পাত্রীটি কে।”

হাজ্ৰা আসিয়া খবর দিল, পাত্রীটি সেই রাওলপিণ্ডির মেয়ে।

রাওলপিণ্ডির মেয়ে! হাঃ হাঃ হাঃ। নলিন অত্যন্ত হাসিতে লাগিল। ওবাড়ির বড় বাবু আর কন্ঠ্য পাইলেন না, আমাদেরই পরিত্যক্ত পাত্রীটিকে বিবাহ করিতেছেন। হাজ্ৰাও বিস্তর হাসিল।

কিন্তু উত্তরোত্তর নলিনের হাসির আর জোর রহিল না! তাহার হাসির মধ্যে কীট প্রবেশ করিল। একটি ক্ষুদ্র সংশয় তীক্ষ্ণ স্বরে কানে কানে বলিতে লাগিল, “আহা, হাতছাড়া হইয়া গেল! শেষকালে নন্দর কপালে জুটিল!” ক্ষুদ্র সংশয় ক্রমশই রক্তক্ষীত জোঁকের মত বড় হইয়া উঠিল—তাহার কণ্ঠস্বরও মোটা হইল। সে বলিল, “এখন আর কোনো মতেই ইহাকে পাওয়া যাইবে না, কিন্তু আসলে ইহাকেই দেখিতে ভালো! ভারি ঠকিয়াছি!”

অন্তঃপুরে নলিন যখন খাইতে গেল তখন তাহার জ্বীর ছোট খাটো সমস্ত খুঁৎ মস্ত হইয়া তাহাকে উপহাস করিতে লাগিল।

মনে হইতে লাগিল, জ্বীটা তাহাকে ভয়ানক ঠকাইয়াছে।

রাঙলপিণ্ডিতে যখন সন্ধ্যা হইতেছিল তখন নলিন সেই কন্ডার যে কোটো পাইয়াছিল, সেইখানি বাহির করিয়া দেখিতে লাগিল। বাহবা অপরূপ রূপমাধুরী! এমন লক্ষ্মীকে হাতে পাইয়া ঠেলিয়াছি—আমি এত বড় গাধা!

বিবাহ-সন্ধ্যায় আলো জ্বালাইয়া বাজনা বাজাইয়া জুড়িতে চড়িয়া বর বাহির হইল। নলিন শুইয়া পড়িয়া গুড়গুড়ি হইতে যৎসামান্য সাস্থনা আকর্ষণের নিফল চেষ্টা করিতেছে এমন সময় হাজরা প্রসন্নবদনে হাসিতে হাসিতে আসিয়া নন্দকে লক্ষ্য করিয়া পরিহাস জমাইবার উপক্রম করিল!

নলিন হাঁকিল, “দরোয়ান!”

হাজরা তটস্থ হইয়া দরোরানকে ডাকিয়া দিল!

বাবু হাজরাকে দেখাইয়া দিয়া কহিল, “অব্হি ইক্কো কান পাকড়কে বাহার নিকাল দো!”

(১৩০৭—আখিন)



সদর ও অন্তর

বিপিনকিশোর ধনীগৃহে জন্মিয়াছিলেন, সেইজন্ত ধন যে পরিমাণে ব্যয় করিতে জানিতেন, তাহার অর্দ্ধেক পরিমাণেও উপার্জন করিতে শেখেন নাই। সুতরাং যে গৃহে জন্ম, সে গৃহে দীর্ঘকাল বাস করা ঘটিল না।

সুন্দর সুকুমারমূর্তি তরুণ যুবক, গান বাজনায়ে সিদ্ধহস্ত, কাজকর্মের নিরতিশয় অপটু ; সংসারের পক্ষে সম্পূর্ণ অনাবশ্যক ; জীবনযাত্রার পক্ষে জগন্নাথদেবের রথের মত অচল ; যেক্রপ বিপুল আয়োজনে চলিতে পারেন, সেক্রপ আয়োজন সম্ভ্রতি বিপিনকিশোরের আয়ত্তাতীত।

সৌভাগ্যক্রমে রাজা চিত্তরঞ্জন, ষ্টেট অফ অয়ার্ড্‌স্ হইতে বিষয় প্রাপ্ত হইয়া সখের থিয়েটার ফাঁদিবার চেষ্টা করিতেছেন এবং বিপিনকিশোরের সুন্দর চেহারা ও গান গাহিবার ও গান তৈয়ারি করিবার ক্ষমতায় মুগ্ধ হইয়া, তাহাকে সাদরে নিজের অনুচরশ্রেণীতে ভুক্ত করিয়া লইয়াছেন।

রাজা বি, এ, পাস। তাঁহার কোনো প্রকার উচ্ছৃঙ্খলতা ছিল না। বড়মাহুঘের ছেলে হইয়াও নিয়মিত সময়ে, এমন কি নির্দিষ্ট স্থানেই শয়ন ভোজন করিতেন। বিপিনকিশোরকে হঠাৎ তাঁহার নেশার মতো লাগিয়া গেল। তাঁহার গান শুনিতে ও তাঁহার রচিত গীতিনাট্য আলোচনা করিতে কবিতা ভাত ঠাণ্ডা হইয়া থাকে, রাত বাড়িয়া যায়। দেওয়ানজি বলিতে লাগিলেন, তাঁহার সংযতস্বভাব মনিবের চরিত্রদোষের মধ্যে কেবল ঐ বিপিনকিশোরের প্রতি অতিশয় আসক্তি।

রাণী বসন্তকুমারী স্বামীকে তর্জ্জন করিয়া বলিলেন, “কোথাকার এক লম্বীছাড়া বানর আনিয়া শরীর মাটি করিবার উপক্রম করিয়াছে, ওটাকে দূর করিতে পারিলেই আমার হাড়ে বাতাস লাগে।”

রাজা যুবতী জ্ঞীর জঁর্যায় মনে মনে একটু খুসি হইতেন—হাসিতেন, ভাবিতেন, মেয়েরা যাহাকে ভালবাসে, কেবল তাহাকেই জানে। জগতে যে আদরের পাত্র অনেক গুণী আছে, জ্ঞীলোকের শাস্ত্রে সে কথা লেখে না। যে লোক তাহার কানে বিবাহের মন্ত্র পড়িয়াছে, সকল গুণ তাহার এবং সকল আদর তাহারই জন্ত! স্বামীর আধবর্টা খাবার সময় অতীত হইয়া গেলে অসহ্য হয়, আর, স্বামীর আশ্রিতকে দূর করিয়া দিলে তাহার এক মুষ্টি অন্ন জুটেবে না—এ সম্বন্ধে সে সম্পূর্ণ উদাসীন। জ্ঞীলোকের এই বিবেচনাইীন পক্ষপাত দুষ্টীয় হইতে পারে, কিন্তু চিত্তরঞ্জনের নিকট তাহা নিতান্ত অপ্রীতিকর বোধ হইল না। এজন্ত তিনি বখন-তখন বেশি মাত্রায় বিপিনের গুণগান করিয়া স্বীকে ক্ষ্যাপাইতেন ও বিশেষ আমোদ বোধ করিতেন।

এই রাজকীয় খেলা বেচারি বিপিনের পক্ষে সুবিধাজনক হয় নাই। অন্তঃপুরের বিমুখতায় তাঁহার আহালাদিত ব্যবস্থায় পদে পদে কণ্টক পড়িতে লাগিল। ধনিগৃহের ভৃত্য আশ্রিত ভদ্রলোকের প্রতি স্বভাবতই প্রতিকূল—তাহারা রাণীর আক্রোশে সাহস পাইয়া ভিতরে ভিতরে বিপিনকে অনেক প্রকার উপেক্ষা দেখাইত।

রাণী একদিন পুটেকে ভৎসনা করিয়া কহিলেন, “তোকে যে কোনো কাজেই পাওয়া যায়না, সমস্ত দিন করিস্ কি?”

সে কহিল “রাজার আদেশে বিপিন বাবুর সেবাতেই তাহার দিন কাটিয়া যায়।”

রাণী কহিলেন, “ইস্, বিপিন বাবু যে ভারি নবাব দেখিতেছি।”

পর দিন হইতে পুটে বিপিনের উচ্ছিষ্ট ফেলিয়া রাখিত, অনেক সময় তাঁহার অন্ন ঢাকিয়া রাখিত না। অনভ্যস্ত হস্তে বিপিন নিজের অঙ্গের খালি নিজে মাজিতে লাগিল এবং মাঝে মাঝে উপবাস দিল; কিন্তু ইহা লইয়া রাজার নিকট নালিস ফরিয়াদ করা তাহার স্বভাববিরুদ্ধ। কোনো চাকরের সহিত কলহ করিয়া সে আত্মবিস্ময় করে নাই। এইরূপে বিপিনের

ভাগ্যে সদর হইতে আদর বাড়িতে লাগিল, অন্তর হইতে অবজার সীমা রহিল না।

এদিকে সুভদ্রাহরণ গীতিনাট্য রিহার্সালশেষে প্রস্তুত। রাজবাটির অঙ্গনে তাহার অভিনয় হইল। রাজা স্বয়ং সাজিলেন কৃষ্ণ, বিপিন সাজিলেন অর্জুন। আহা, অর্জুনের যেমন কণ্ঠ, তেমনি রূপ! দর্শকগণ ধস্তা ধস্ত করিতে লাগিল।

রাত্রে রাজা আসিয়া বসন্তকুমারীকে জিজ্ঞাসা করিলেন—“কেমন অভিনয় দেখিলে?”

রাণী কহিলেন, “বিপিন তো বেশ অর্জুন সাজিয়াছিল! বড় ঘরের ছেলের মতো তাহার চেহারা বটে এবং গলার সুরটিও তো দিবা!”

রাজা বলিলেন, “আর আমার চেহারা বুঝি কিছুই নয়—গলাটাও বুঝি মন্দ!”

রাণী বলিলেন, “তোমার কথা আলাদা!” বলিয়া পুনরায় বিপিনের অভিনয়ের কথা পাড়িলেন।

রাজা ইহা অপেক্ষা অনেক উচ্ছ্বসিত ভাষায় রাণীর নিকট বিপিনের গুণগান করিয়াছেন—কিন্তু অজ্ঞ রাণীর মুখের এইটুকুমাত্র প্রশংসা শুনিয়া তাঁহার মনে হইল, বিপিনটার ক্ষমতা যে পরিমাণে, অবিবেচক লোকে তদপেক্ষা তাহাকে ঢের বেশি বাড়াইয়া থাকে! উহার চেহারা ই বাকি, আর গলাই বা কি এমন! কিম্বৎকাল পূর্বে তিনিও এই অবিবেচক-শ্রেণীর মধ্যে ছিলেন, হঠাৎ কি কারণে তাঁহার বিবেচনাশক্তি বাড়িয়া উঠিল!

পরদিন হইতে বিপিনের আহালাদিকর সুব্যবস্থা হইল। বসন্তকুমারী রাজাকে কহিলেন, “বিপিনকে কাছারি ঘরে আমলাদের সহিত বাসা দেওয়া অগ্রা্য হইয়াছে, হাজার হোক, এক সময়ে উহার অবস্থা ভালো ছিল।”

রাজা কেবল সংক্ষেপে উড়াইয়া দিয়া কহিলেন—“হাঁ!”

রাণী অমুরোধ করিলেন, খোকার অন্তপ্রাশন উপলক্ষে আর একদিন থিয়েটার দেওয়া হোক। রাজা কথাটা কানেই তুলিলেন না।

একদিন ভালো কাপড় কোঁচান হয় নাই বলিয়া রাজা পুঁটে চাকরকে ভৎসনা করাতে সে কহিল, “কি করিব, রাণীমার আদেশে বিপিনবাবুর বাসন মাজিতে ও সেবা করিতেই সময় কাটিয়া যায়।”

রাজা রাগিয়া উঠিয়া বলিলেন, “ইস্! বিপিনবাবু তো ভারি নবাব হইয়াছেন, নিজের বাসন বুঝি নিজে মাজিতে পারেন না।”

বিপিন পুনর্নূষিক হইয়া পড়িল।

রাণী রাজাকে ধরিয়া পড়িলেন, সন্ধ্যাবেলায় তাঁহাদের সঙ্গীতালোচনার সময় পাশের ঘরে থাকিয়া পর্দার আড়ালে তিনি গান শুনিবেন, বিপিনের গান তাঁহার ভালো লাগে। রাজা অনতিকাল পরেই পূর্ববৎ অত্যন্ত নিয়মিত সময়ে শয়ন ভোজন আরম্ভ করিলেন। গান-বাজনা আর চলে না।

রাজা মধ্যাহ্নে জমিদারী কাজ দেখিতেন। একদিন সকাল সকাল অস্তঃপুরে গিয়া দেখিলেন, রাণী কি একটা পড়িতেছেন। রাজা জিজ্ঞাসা করিলেন, “ও কি পড়িতেছ?”

রাণী প্রথমটা একটু অপ্রতিভ হইয়া কহিলেন—“বিপিনবাবুর একটা গানের খাতা আনাইয়া দুটো একটা গানের কথা মুখস্থ করিয়া লইতেছি; হঠাৎ তোমার সখ মিটিয়া গেল আর তো গান শুনিবার জো নাই!” বহুপূর্বে সখটাকে সমূলে বিনাশ করিবার জন্য রাণী যে বহুবিধ চেষ্টা করিয়াছিলেন সেকথা কেহ তাঁহাকে স্মরণ করাইয়া দিল না।

পরদিন বিপিনকে রাজা বিদায় করিয়া দিলেন—কাল হইতে কি করিয়া কোথায় তাঁহার অন্নমুষ্টি জুটিবে সে সম্বন্ধে কোনো বিবেচনা করিলেন না।

দুঃখ কেবল তাহাই নহে, ইতিমধ্যে বিপিন রাজার সহিত অকুজ্রিম অমুরাগে আবদ্ধ হইয়া পড়িয়াছিলেন; বেতনের চেয়ে রাজার প্রণয়টা তাঁহার কাছে অনেক বেশি দামী হইয়া উঠিয়াছিল। কিন্তু কি অপরাধে যে হঠাৎ রাজার হৃদয়তা হারাইলেন, অনেক ভাবিয়াও বিপিন তাহা ঠিক করিতে পারিলেন না। এবং দীর্ঘনিশ্বাস ফেলিয়া তাঁহার পুরাতন তন্তুরাটিতে গেলাপ পরাইয়া বন্ধুহীন রুহৎ সংসারে বাহির হইয়া পড়িলেন—যাইবার সময় রাজভৃত্য পুঁটেকে তাঁহার শেষ সম্বল দুইটি টাকা পুরস্কার দিয়া গেলেন।

(*)

নফ্টনীড়

প্রথম পরিচ্ছেদ

ভূপতির কাজ করিবার কোনো দরকার ছিল না। তাঁহার টাকা যথেষ্ট ছিল, এবং দেশটাও গরম। কিন্তু গ্রহবশতঃ তিনি কাজের লোক হইয়া জন্মগ্রহণ করিয়াছিলেন! এই জন্ত তাঁহাকে একটা ইংরাজি খবরের কাগজ বাহির করিতে হইল। ইহার পরে সময়ের দীর্ঘতার জন্ত তাঁহাকে আর বিলাপ করিতে হয় নাই।

ছেলেবেলা হইতেই তাঁহার ইংরাজি লিখিবার এবং বক্তৃতা দিবার সখ ছিল। কোনো প্রকার প্রয়োজন না থাকিলেও ইংরাজি খবরের কাগজে তিনি চিঠি লিখিতেন, এবং বক্তব্য না থাকিলেও সভাস্থলে ছ'কথা না বলিয়া ছাড়িতেন না।

তাঁহার মত ধনী লোককে দলে পাইবার জন্ত রাষ্ট্রনৈতিক দলপতির অজ্ঞ প্রতিনিধিত্ব করিতে নিজের ইংরাজি রচনাশক্তি সম্বন্ধে তাঁহার ধারণা যথেষ্ট পরিপুষ্ট হইয়া উঠিয়াছিল।

অবশেষে তাঁহার উকীল শ্রীলক উমাপতি ওকালতি ব্যবসায় হতোম্ম হইয়া ভগিনীপতিকে কহিল,—“ভূপতি, তুমি একটা ইংরাজি খবরের কাগজ বাহির কর! তোমার যে রকম অসাধারণ”—ইত্যাদি।

ভূপতি উৎসাহিত হইয়া উঠিল। পরের কাগজে পত্র প্রকাশ করিয়া গৌরব

নাই,—নিজের কাগজে স্বাধীন কলমটাকে পূরাদমে ছুটাইতে পারিবে। শ্রালককে সহকারী করিয়া নিতান্ত অল্প বয়সেই ভূপতি সম্পাদকের গদীতে আরোহণ করিল।

অল্প বয়সে সম্পাদকী নেশা এবং রাজনৈতিক নেশা অত্যন্ত জোর করিয়া ধরে। ভূপতিকে মাতাইয়া তুলিবার লোকও ছিল অনেক।

এইরূপ সে যতদিন কাগজ লইয়া ঘোর হইয়াছিল, ততদিনে তাহার বালিকা বধু চারুলতা ধীরে ধীরে যৌবনে পদার্পণ করিল। খবরের কাগজের সম্পাদক এই মন্ত খবরটি ভালো করিয়া টের পাইল না। ভারত গবর্নমেন্টের সীমান্ত নীতি ক্রমশই ক্ষীণ হইয়া সংঘের বন্ধন বিদীর্ণ করিবার দিকে যাইতেছে ইহাই তাহার প্রধান লক্ষ্যের বিষয় ছিল।

ধনীগ্রহে চারুলতার কোনো কণ্ঠ ছিল না। ফলপরিণামহীন ফুলের মত পরিপূর্ণ অনাবশ্যকতার মধ্যে পরিস্ফুট হইয়া উঠাই তাহার চেষ্টাশূন্য দীর্ঘ দিন-রাত্রির একমাত্র কাজ ছিল। তাহার কোনো অভাব ছিল না।

এমন অবস্থার সুযোগ পাইলে বধু স্বামীকে লইয়া অত্যন্ত বাড়াবাড়ি করিয়া থাকে, দাম্পত্য লীলার সীমান্ত নীতি সংসারের সমস্ত সীমা লঙ্ঘন করিয়া সমস্ত হইতে অসময়ে এবং বিহিত হইতে অবিহিতে গিয়া উত্তীর্ণ হয়। চারুলতার সে সুযোগ ছিল না। কাগজের আবরণ ভেদ করিয়া স্বামীকে অধিকার করা তাহার পক্ষে দুরূহ হইয়াছিল।

যুবতী স্ত্রীর প্রতি মনোযোগ আকর্ষণ করিয়া কোনো আত্মীয়া তাহাকে ভৎসনা করিলে ভূপতি একবার সচেতন হইয়া কহিল—“তাই তো চারুর একজন কেউ সঙ্গিনী থাকা উচিত, ও বেচারার কিছুই করিবার নাই!”

শ্রালক উমাপতিকে কহিল—“তোমার স্ত্রীকে আমাদের এখানে আনিয়া রাখ না—সমবয়সী স্ত্রীলোক কেহ কাছে নাই, চারুর নিশ্চয়ই ভারি ফাঁকা ঠেকে।”

স্ত্রীসঙ্গের অভাবই চারুর পক্ষে অত্যন্ত শোকাবহ—সম্পাদক এইরূপ বুঝিল এবং শ্রালকজায়া মন্দাকিনীকে বাঁড়িতে আনিয়া সে নিশ্চিন্ত হইল।

যে সময়ে স্বামী স্ত্রী, প্রেমোন্মেষের প্রথম অরুণালোকে পরস্পরের কাছে অপরূপ মহিমায় চিরনূতন বলিয়া প্রতিভাত হয়, দাম্পত্যের সেই স্বর্ণপ্রভামণ্ডিত প্রভাষকাল অচেতন অবস্থায় কখন অতীত হইয়া গেল কেহ জানিতে পারিল না।

নূতনশ্বের স্বাদ না পাইয়াই উভয়ে উভয়ের কাছে পুরাতন পরিচিত অভ্যস্ত হইয়া গেল।

লেখাপড়ার দিকে চারুলতার একটা স্বাভাবিক ঝোঁক ছিল বলিয়া তাহার দিনগুলো অত্যন্ত বোঝা হইয়া উঠে নাই। সে নিজের চেষ্টায় নানাকোশলে পড়িবার বন্দোবস্ত করিয়া লইয়াছিল। ভূপতির পিস্তুত ভাই অমল খার্ড ইয়ারে পড়িতেছিল, চারুলতা তাহাকে ধরিয়া পড়া করিয়া লইত, এই কর্মটুকু আদায় করিয়া লইবার জন্য অমলের অনেক আবদার তাহাকে সহ্য করিতে হইত। তাহাকে প্রায়ই হোটেলে খাইবার খোরাকী এবং ইংরাজি সাহিত্যগ্রন্থ কিনিবার খরচা যোগাইতে হইত। অমল মাঝে মাঝে বন্ধুদের নিমন্ত্রণ করিয়া খাওয়াইত, সেই যজ্ঞ সমাধার ভার গুরুদক্ষিণার স্বরূপ চারুলতা নিজে গ্রহণ করিত। ভূপতি চারুলতার প্রতি কোনো দাবী করিত না, কিন্তু সামান্য একটু পড়াইয়া পিস্তুত ভাই অমলের দাবীর অন্ত ছিল না। তাহা লইয়া চারুলতা প্রায় মাঝে মাঝে ক্লান্তি কোপ এবং বিদ্বেষ প্রকাশ করিত; কিন্তু কোনো একটা লোকের কোনো কাজে আসা এবং স্নেহের উপদ্রব সহ্য করা তাহার পক্ষে অত্যাবশ্যক হইয়া উঠিয়াছিল।

অমল কহিল, “বৌঠান, আমাদের কালেজের রাজবাড়ির জামাই বাবু রাজ-অস্ত্রপুরের খাস হাতের বুননি কার্পেটের জুতো পরে’ আসে, আমার তো সহ্য হয় না,—এক জোড়া কার্পেটের জুতো চাই, নইলে কোন মতেই পদমর্যাদা রক্ষা ক’রতে পারচিনে!”

চারুল। হাঁ, তাই বই কি! আমি বসে’ বসে’ তোমার জুতো সেলাই ক’রে মরি! দাম দিচ্ছি বাজার হ’তে কিনে আনগে যাও!

অমল বলিল—সেটি হ’চ্ছে না!

চারুল জুতা সেলাই করিতে জানে না, এবং অমলের কাছে সে-কথা স্বীকার করিতেও চাহে না। অমল চায়—সংসারে সেই একমাত্র প্রার্থীর প্রার্থনা রক্ষা না করিয়া সে থাকিতে পারে না। অমল যে সময় কালেজে বাইত সেই সময়ে সে লুকাইয়া বহু যত্নে কার্পেটের সেলাই শিখিতে লাগিল। এবং অমল নিজে যখন তাহার জুতার দরবার সম্পূর্ণ ভুলিয়া বসিয়াছে এমন সময় একদিন সন্ধ্যাবেলায় চারুল তাহাকে নিমন্ত্রণ করিল।

গ্রীষ্মের সময় ছাদের উপর আসন করিয়া অমলের জ্বাহারের জায়গা করা হইয়াছে। বালি উড়িয়া পড়িবার ভয়ে পিতলের ঢাকনায় থালা ঢাকা রহিয়াছে। অমল কালেজের বেশ পরিত্যাগ করিয়া মুখ ধুইয়া ফিট্‌কাট্ হইয়া আসিয়া উপস্থিত হইল।

অমল আসনে বসিয়া ঢাকা খুলিল, দেখিল—থালার একজোড়া নূতন বাঁধানো পশমের জুতা সাজানো রহিয়াছে। চারুলতা উচ্চৈঃস্বরে হাসিয়া উঠিল।

জুতা পাইয়া অমলের আশা আরো বাড়িয়া উঠিল। এখন গলাবন্ধ চাই, রেশমের রুমালে ফুলকাটা পাড় সেলাই করিয়া দিতে হইবে, তাহার বাহিরের ঘরে বসিবার বড় কেদারায় তেলের দাগ নিবারণের জন্য একটা কাজ-করা আবরণ আবশ্যক।

প্রত্যেক বারেই চারুলতা আপত্তি প্রকাশ করিয়া কলহ করে এবং প্রত্যেক বারেই বহু যত্নে বহু স্নেহে সৌখীন অমলের সখ মিটাইয়া দেয়! অমল মাঝে মাঝে জিজ্ঞাসা করে, “বোঁঠান, কত দূর হইল।”

চারুলতা মিথ্যা করিয়া বলে, কিছুই হয় নি! কখনো বলে, সে আমার মনেই ছিল না।

কিন্তু অমল ছাড়িবার পাত্র নয়! প্রতিদিন স্মরণ করাইয়া দেয় এবং আবদার করে। নাছোড়বান্দা অমলের সেই সকল উপদ্রব উদ্বেক করাইয়া দিবার জন্যই চারু ওদাসীন্দ্ৰ প্রকাশ করিয়া বিরোধের সৃষ্টি করে এবং হঠাৎ একদিন তাহার প্রার্থনা পূরণ করিয়া দিয়া কোতুক দেখে।

ধনীর সংসারে চারুকে আর কাহারো জন্তে কিছু করিতে হয় না—কেবল অমল তাহাকে কাজ না করাইয়া ছাড়ে না। এই সকল ছোটখাটো সখের খাটুনিতেই তাহার হৃদয়বৃত্তির চর্চা এবং চরিতার্থতা হইত।

ভূপতির অন্তঃপুরে যে একখণ্ড জমি পড়িয়াছিল তাহাকে বাগান বলিলে অনেকটা অতুক্তি করা হয়। সেই বাগানের প্রধান বনস্পতি ছিল একটা বিলাতী আমড়া গাছ।

এই ভূখণ্ডের উন্নতিসাধনের জন্য চারু এবং অমলের মধ্যে একটা কমিটি বসিয়াছে। উভয়ে মিলিয়া কিছুদিন হইতে ছবি আঁকিয়া প্ল্যান করিয়া মহা উৎসাহে এই জমিটার উপরে একটা বাগানের কল্পনা ফলাও করিয়া তুলিয়াছে।

অমল বলিল, “বোঁঠান, আমাদের এই বাগানে সেকালের রাজকন্য়ার মতো তোমাকে নিজের হাতে গাছে জল দিতে হবে।”

চারু কহিল, “আর ঐ পশ্চিমের কোণটাতে একটা কুঁড়ে তৈরি ক’রে নিতে হবে, হরিণের বাচ্ছা থাকবে।”

অমল কহিল, “আর একটি ছোটখাটো ঝিলের মত ক’রতে হবে তা’তে হাস চ’রবে।”

চারু সে প্রস্তাবে উৎসাহিত হইয়া কহিল, “আর তা’তে নীলপদ্ম দেব’, আমার অনেক দিন থেকে নীলপদ্ম দেখবার সাধ আছে।”

অমল করিল, “সেই ঝিলের উপর একটি সাঁকে বেঁধে দেওয়া যাবে, আর বাটে একটি বেশ ছোট ডিঙি থাকবে।”

চারু কহিল, “ঘাট অবশ্য সাদা মার্বেলের হবে।”

অমল পোন্সল কাগজ লইয়া রুল কাটিয়া কম্পাস ধরিয়া মহা আড়ম্বরে বাগানের একটা ম্যাপ আঁকিল।

উভয়ে মিলিয়া দিনে দিনে কল্পনার সংশোধন পরিবর্তন করিতে করিতে বিশ পঁচিশখানা নূতন ম্যাপ আঁকা হইল।

ম্যাপ খাড়া হইলে কতো খরচ হইতে পারে তাহার একটা এষ্টিমেট তৈরি হইতে লাগিল। প্রথমে সঙ্কল্প ছিল—চারু নিজের বরাদ্দ মাসহারা হইতে ক্রমে ক্রমে বাগান তৈরি করিয়া তুলিবে, ভূপতি তো বাড়িতে কোথায় কি হইতেছে তাহা চাহিয়া দেখে না, বাগান তৈরি হইলে তাহাকে সেখানে নিমন্ত্রণ করিয়া আশ্চর্য্য করিয়া দিবে ; সে মনে করিবে, আলাদিনের প্রদীপের সাহায্যে জাপান দেশ হইতে একটা আন্ত বাগান তুলিয়া আনা হইয়াছে।

কিন্তু এষ্টিমেট যথেষ্ট কম করিয়া ধরিলেও চারুর সঙ্কতিতে কুলায় না। অমল তখন পুনরায় ম্যাপ পরিবর্তন করিতে বসিল। কহিল—“তা হ’লে বোঁঠান, ঐ ঝিলটা বাদ দেওয়া যাক্।”

চারু কহিল, “না না ঝিল বাদ দিলে কিছুতেই চ’লবে না, ওতে আমাদের নীলপদ্ম থাকবে।”

অমল কহিল, “তোমার হরিণের ঘরে টালির ছাদ না-ই দিলে। ওটা অম্মনি একটা সাদাসিধে খোড়ো চাল ক’রলেই হবে।”

চারু অত্যন্ত রাগ করিয়া কহিল—“তাহ’লে আমার ওঘরে দরকার নেই—ও থাক্ !”

মরিশস্ হইতে লবঙ্গ, কর্ণাট হইতে চন্দন এবং সিংহল হইতে দারচিনির চারা আনাইবার প্রস্তাব ছিল, অমল তাহার পরিবর্তে মাণিকতলা হইতে সাধারণ দিশি ও বিলাতী গাছের নাম করিতেই চারু মুখ ভার করিয়া বসিল, কহিল—“তাহ’লে আমার বাগানে কাজ নেই !”

এষ্টমেট্ কমাইবার এরূপ প্রথা নয় ! এষ্টমেটের সঙ্গে সঙ্গে কল্লনাকে খর্ব করা চারুর পক্ষে অসাধ্য এবং অমল মুখে যাহাই বলুক তাহারও সেটা রুচিকর নয় ।

অমল কহিল—“তবে বোঁঠান, তুমি দাদার কাছে বাগানের কথাটা পাড়—তিনি নিশ্চয় টাকা দেবেন ।”

চারু কহিল—“না, তাঁকে বল্লে মজা কি হ’ল ! আমরা ছ’জনে বাগান তৈরি ক’রে তুল্বে । তিনি তো সাহেববাড়ীতে ফরমাস দিয়ে ইডেন গার্ডেন্ বানিয়ে দিতে পারেন—তাহ’লে আমাদের প্ল্যানের কি হবে ?”

আমড়া গাছের ছায়ায় বসিয়া চারু এবং অমল অসাধ্য সঙ্কল্পের কল্লনাসুখ বিস্তার কবিতেছিল ! চারুর ভাজ মন্দা দোতলা হইতে ডাকিয়া কহিল, “এত বেলায় বাগানে তোরা কি ক’রচিস্ ?”

চারু কহিল, “পাকা আমরা খুঁজ্চি ।”

লুকা মন্দা কহিল, “পাস্ যদি আমার জন্তে আনিস্ ।”

চারু হাসিল, অমল হাসিল । তাহাদের সমস্ত সঙ্কল্পগুলির প্রধান সুখ এবং গৌরব এই ছিল যে, সেগুলি তাহাদের ছ’জনের মধ্যেই আবদ্ধ । মন্দার আর যা-কিছু গুণ থাক্—কল্লনা ছিল না, সে এ-সকল প্রস্তাবের রস গ্রহণ করিবে কি করিয়া ? সে এই ছই সভ্যের সকল প্রকার কমিটি হইতে একেবারে বর্জিত ।

অসাধ্য বাগানের এষ্টমেট্ও কমিল না, কল্লনাও কোনো অংশে হারমানিতে চাহিল না । সুতরাং আমড়াতলার কমিটি এই ভাবেই কিছুদিন চলিল । বাগানে যেখানে ঝিল হইবে, যেখানে হরিণের ঘর হইবে, যেখানে পাখরের বেদী হইবে, অমল সেখানে চিহ্ন কাটিয়া রাখিল ।

তাহাদের সঙ্কলিত বাগানে এই আমড়াগুলার চারিদিক কিভাবে বাধাইতে হইবে, অমল একটি ছোট কোদাল লইয়া তাহারই দাগ কাটিতেছিল—এমন সময় চাক্ গাছের ছায়ায় বসিয়া বলিল, “অমল, তুমি যদি লিখতে পারতে তাহ’লে বেশ হ’ত।”

অমল জিজ্ঞাসা করিল,—“কেন বেশ হত?”

চাক্। তাহ’লে আমাদের এই বাগানের বর্ণনা ক’রে তোমাকে দিয়ে একটা গল্প লেখাতুম্। এই ঝিল, এই হরিণের ঘর, এই আমড়াগুলার সমস্তই তা’তে থাকত,—আমরা দু’জনে ছাড়া কেউ বুঝতে পারত না, বেশ মজা হ’ত! অমল, তুমি একবার লেখবার চেষ্টা ক’রে দেখ না, নিশ্চয় তুমি পারিবে।

অমল কহিল,—“আচ্ছা, যদি লিখতে পারি তো আমাকে কি দেবে?”

চাক্ কহিল, “তুমি কি চাও?”

অমল কহিল, “আমার মশারির চালে আমি নিজে লতা এঁকে দেব’, সেইটে তোমাকে আগাগোড়া রেশম দিয়ে কাজ ক’রে দিতে হবে।”

চাক্ কহিল,—“তোমার সমস্ত বাড়াবাড়ি! মশারির চালে আবার কাজ!”

মশারি জিনিষটাকে একটা শ্রীহীন কারাগারের মত রাখার বিরুদ্ধে অমল অনেক কথা বলিল। সে কহিল, “সংসারের পনোরো আনা লোকের যে সৌন্দর্য্যবোধ নাই এবং কুশ্রীতা তাহাদের কাছে কিছুমাত্র পীড়াকর নহে ইহাই তাহার প্রমাণ।”

চাক্ সেকথা তৎক্ষণাৎ মনে মনে মানিয়া হইল এবং আমাদের এই ছুটি লোকের নিভৃত কমিটি যে সেই পনোরো আনার অন্তর্গত নহে ইহা মনে করিয়া সে খুসি হইল।

কহিল, “আচ্ছা বেশ, আমি মশারির চাল তৈরি ক’রে দেব’, তুমি লেখ।”

অমল রহস্যপূর্ণভাবে কহিল, “তুমি কি মনে কর আমি লিখতে পারিনে?”

চাক্ অত্যন্ত উত্তেজিত হইয়া কহিল—“তবে নিশ্চয় তুমি কিছু লিখেছ, আমাকে দেখাও!”

অমল। আজ থাক্ বৌঠান!

চাক্। না আজই দেখাতে হবে—মাথা খাও, তোমার লেখা নিয়ে এস’গে!

চারুকে তাহার লেখা শোনাইবার অতি ব্যগ্রতাতেই অমলকে এতদিন বাধা দিতেছিল। পাছে চারু না বোঝে, পাছে তাহার ভালো না লাগে এ সঙ্কোচ সে তাড়াইতে পারিতেছিল না।

আজ খাতা আনিয়া একটুখানি লাল হইয়া একটুখানি কাশিয়া পড়িতে আরম্ভ করিল। চারু গাছের গুঁড়িতে হেলানু দিয়া ঘাসের উপর পা ছড়াইয়া শুনিতে লাগিল।

প্রবন্ধের বিষয়টা ছিল, “আমার খাতা।” অমল লিখিয়াছিল—হে আমার শুভ্রখাতা, আমার কল্পনা এখনো তোমাকে স্পর্শ করে নাই। স্মৃতিকাগুহে ভাগ্যপুরুষ প্রবেশ করিবার পূর্বে শিশুর ললাটপট্টের তায় তুমি নিশ্চল, তুমি রহস্যময়। যে-দিন তোমার শেষ পৃষ্ঠার শেষ ছত্রে উপসংহার লিখিয়া দিব, সে-দিন আজ কোথায়! তোমার এই শুভ্র শিশুপত্রগুলি সেই চিরদিনের জ্ঞান মসীচিহ্নিত সমাপ্তির কথা আজ স্বপ্নেও কল্পনা করিতেছে না!—ইত্যাদি অনেকখানি লিখিয়াছিল।

চারু তরুচ্ছায়ায় বসিয়া শুকু হইয়া শুনিতে লাগিল। পড়া শেষ হইলে ক্ষণকাল চুপ্ করিয়া থাকিয়া কহিল—“তুমি আবার লিখিতে পার না!”

সে দিন সেই গাছের তলায় অমল সাহিত্যের মাদকরস প্রথম পান করিল;—সাথী ছিল নবীনা, রসনাও ছিল নবীন এবং অপরাহ্নের আলোক-দীর্ঘ ছায়াপাতে রহস্যময় হইয়া আসিয়াছিল।

চারু বলিল, “অমল, গোটাকতক আমড়া পেড়ে নিয়ে যেতে হবে, নইলে মন্দাকে কি হিসেব দেব’?”

মুঢ় মন্দাক তাহাদের পড়াশুনা এবং আলোচনার কথা বলিতে প্রবৃত্তিই হয় না, অতরাং আমড়া পাড়িয়া লইয়া যাইতে হইল।

দ্বিতীয় পরিচ্ছেদ

বাগানের সঙ্কল্প তাহাদের অত্যাশ্রিত অনেক সঙ্কল্পের স্থায়ী সামাহীন কল্পনাক্ষেত্রের মধ্যে কখন হারাইয়া গেল তাহা অমল এবং চারু লক্ষ্যও করিতে পারিল না।

এখন অমলের লেখাই তাহাদের আলোচনা ও পরামর্শের প্রধান বিষয় হইয়া উঠিল। অমল আসিয়া বলে—“বোঁঠান, একটা বেশ চমৎকার ভাব মাথায় এসেছে।”

চারু উৎসাহিত হইয়া উঠে, বলে,—“চল আমাদের দক্ষিণের বারান্দায়,—এখানে এখনি মন্ডা পান সাজুতে আসবে।”

চারু কাশ্মারী বারান্দায় একটি জীর্ণ বেতের কেদারায় আসিয়া বসে এবং অমল রেলিংয়ের নীচেকার উচ্চ অংশের উপর বসিয়া পা ছড়াইয়া দেয়।

অমলের লিখিবার বিষয়গুলি প্রায়ই স্মৃতিদৃষ্ট নহে—তাহা পরিষ্কার করিয়া বলা শক্ত। গোলমাল করিয়া সে যাহা বলিত তাহা স্পষ্ট বুঝা কাহারো সাধ্য নহে। অমল নিজেই বারবার বলিত, “বোঁঠান, তোমাকে ভালো বোঝাতে পার্চিনে!”

চারু বলিত, “না, আমি অনেকটা বুঝতে পেরেছি, তুমি এইটে লিখে ফেল—দেরি কোরো না।”

সে খানিকটা বুঝিয়া খানিকটা না বুঝিয়া অনেকটা কল্পনা করিয়া অনেকটা অমলের ব্যক্ত করিবার আবেগের দ্বারা উত্তেজিত হইয়া মনের মধ্যে কি একটা খাড়া করিয়া তুলিত, তাহাতেই সে সুখ পাইত এবং আগ্রহে অধীর হইয়া উঠিত।

চারু সেইদিন বিকালেই জিজ্ঞাসা করিত, “কতটা লিখলে?”

অমল বলিত, “এরি মধ্যে কি লেখা যায়?”

চারু পরদিন সকালে দ্বিবেক কলহের স্বরে জিজ্ঞাসা করিত—কই তুমি সেটা লিখলে না?

অমল বলিত—রোস, আর একটু ভাবি!

চারু রাগ করিয়া বলিত—তবে যাও !

বিকালে সেই রাগ ঘনীভূত হইয়া চারু যখন কথা বন্ধ করিবার জো করিত, তখন অমল লেখা কাগজের একটা অংশ রুমাল বাহির করিবার ছলে পকেট হইতে একটুখানি বাহির করিত।

মুহুর্তে চারুর মৌন ভাঙ্গিয়া গিয়া সে বলিয়া উঠিত—ঐ যে তুমি লিখেছ ! আমাকে ফাঁকি ! দেখাও !

অমল বলিত—এখনো শেষ হয়নি, আর একটু লিখে শোনাব !

চারু। না, এখনি শোনাতে হবে !

অমল এখনি শোনাইবার জুই ব্যস্ত—কিন্তু চারুকে কিছুক্ষণ কাড়াকাড়ি না করাইয়া সে শোনাইত না। তারপরে অমল কাগজখানি হাতে করিয়া বসিয়া প্রথমটা একটুখানি পাতা ঠিক করিয়া লইত, পেন্সিল লইয়া দুই এক জাম্বগাম্ব দুটো একটা সংশোধন করিতে থাকিত, ততক্ষণ চারুর চিত্ত পুলকিত কৌতুহলে জলভারনত মেঘের মত সেই কাগজ কয়খানির দিকে ঝুঁকিয়া রহিত।

অমল দুইচারি প্যারাগ্রাফ যখন যাহা লেখে তাহা যতটুকুই হোক চারুকে সন্ত সন্ত শোনাইতে হয়। বাকি অলিখিত অংশটুকু আলোচনা এবং কল্পনায় উভয়ের মধ্যে মণিত হইতে থাকে।

এতদিন দু'জনে আকাশ-কুমুদের চয়নে নিষ্কৃত ছিল, এখন কাব্যকুমুমের চাষ আরম্ভ হইয়া উভয়ে আর সমস্তই ভুলিয়া গেল।

একদিন অপরাহ্নে অমল কালেজ হইতে ফিরিলে তাহার পকেটটা কিছু অতিরিক্ত ভরা বলিয়া বোধ হইল। অমল যখন বাড়িতে প্রবেশ করিল, তখন চারু অন্তঃপুরের গবাক্ষ হইতে তাহার পকেটেব পূর্ণতার প্রতি লক্ষ্য করিয়াছিল।

অমল অতদিন কালেজ হইতে ফিরিয়া বাড়ির ভিতরে আসিতে দেরি করিত না, আজ সে তাহার ভরা পকেট লইয়া বাহিরের ঘরে প্রবেশ করিল, শীঘ্র আসিবার নাম করিল না।

চারু অন্তঃপুরের সীমান্তদেশে আসিয়া অনেকবার তালি দিল, কেহ শুনিল না। চারু কিছু রাগ করিয়া তাহার বারান্দায় মন্থ দত্তের এক বই হাতে করিয়া পড়িবার চেষ্টা করিতে লাগিল।

মন্থ দত্ত নূতন গ্রন্থকার। তাহার লেখার ধরণ অনেকটা অমলেরই মত,

এই জ্ঞান অমল তাহাকে কখন প্রশংসা করিত না ; মাঝে মাঝে চারুর কাছে তাহার লেখা বিকৃত উচ্চারণে পড়িয়া বিক্রম করিত—চারু অমলের নিকট হইতে সে বই কাড়িয়া লইয়া অবজ্ঞাভরে দূরে ফেলিয়া দিত ।

আজ যখন অমলের পদশব্দ শুনিতে পাইল তখন সেই মন্থ দত্তের “কলকর্ত্ত” নামক বই মুখের কাছে তুলিয়া ধরিয়া চারু অত্যন্ত একাগ্রভাবে পড়িতে আরম্ভ করিল ।

অমল বারান্দায় প্রবেশ করিল, চারু লক্ষ্যও করিল না । অমল কহিল—“কি বোঠান, কি পড়া হচ্ছে ?”

চারুকে নিরুত্তর দেখিয়া অমল চোকির পিছনে আসিয়া বইটা দেখিল । কহিল—“মন্থ দত্তর গল্পগুচ্ছ !”

চারু কহিল, “আঃ বিরক্ত করো না, আমাকে প’ড়তে দাও !” পিঠের কাছে দাঁড়াইয়া অমল ব্যঙ্গস্বরে পড়িতে লাগিল, আমি তৃণ, ক্ষুদ্র তৃণ ;—ভাই রক্তাশ্বর রাজবেশধারী অশোক, আমি তৃণমাত্র ! আমার ফুল নাই, আমার ছায়া নাই, আমার মস্তক আমি আকাশে তুলিতে পারি না, বসন্তের কোকিল আমাকে আশ্রয় করিয়া কুহু স্বরে জগৎ মাতায় না—তবু ভাই অশোক, তোমার ঐ পুষ্পিত উচ্চাশা হইতে তুমি আমাকে উপেক্ষা করিও না—তোমার পায়ে পড়িয়া আছি আমি তৃণ, তবু আমাকে তুচ্ছ করিও না !

অমল এইটুকু বই হইতে পড়িয়া তারপরে বিক্রম করিয়া বানাইয়া বলিতে লাগিল—“আমি কলার কাঁদি, কাঁচকলার কাঁদি, ভাই কুম্মাণ্ড, ভাই গৃহচাল-বিহারী কুম্মাণ্ড, আমি নিতান্তই কাঁচকলার কাঁদি !”

চারু কোতূহলের তাড়নায় রাগ রাখিতে পারিল না—হাসিয়া উঠিয়া বই ফেলিয়া দিয়া কহিল—“তুমি ভারি হিংস্রকে, নিজের লেখা ছাড়া কিছু পছন্দ হয় না !”

অমল কহিল—“তোমার ভারি উদারতা, তৃণটি পেলেও গিলে খেতে চাও !”

চারু । আচ্ছা মশায়, ঠাট্টা ক’রতে হবে না—পকেটে কি আছে বের করে’ ফেল !

অমল । কি আছে আন্ডাজ কর !

অনেকক্ষণ চারুকে বিরক্ত করিয়া অমল পকেট হইতে ‘সরোরুহ’ নামক বিখ্যাত মাসিক পত্র বাহির করিল ।

চারু দেখিল, কাগজে অমলের সেই “খাতা” নামক প্রবন্ধটি বাহির হইয়াছে।

চারু দেখিয়া চুপ্ করিয়া রহিল। অমল মনে করিয়াছিল তাহার বোঠান খুব খুসি হইবে। কিন্তু খুসির বিশেষ কোনো লক্ষণ না দেখিয়া বলিল—
“সরোরুহ পত্রে যে-সে লেখা বের হয় না।”

অমল এটা কিছু বেশী বলিল। যে-কোনো প্রকার চলনসই লেখা পাইলে সম্পাদক ছাড়েন না। কিন্তু অমল চারুকে বুঝাইয়া দিল, সম্পাদক বড়ই কড়া লোক, এক শো প্রবন্ধের মধ্যে একটা বাছিয়া লন।

শুনিয়া চারু খুসি হইবার চেষ্টা করিতে লাগিল কিন্তু খুসি হইতে পারিল না। কিসে যে সে মনের মধ্যে আঘাত পাইল তাহা বুঝিয়া দেখিবার চেষ্টা করিল—
কোনো সঙ্গত কারণ বাহির হইল না।

অমলের লেখা অমল এবং চারু দু’জনের সম্পত্তি। অমল লেখক এবং চারু পাঠক। তাহার গোপনতাই তাহার প্রধান রস। সেই লেখা সকলে পড়িবে এবং অনেকেই প্রশংসা করিবে ইহাতে চারুকে যে কেন এতটা পীড়া দিতেছিল তাহা সে ভালো করিয়া বুঝিল না।

কিন্তু লেখকের আকাঙ্ক্ষা একটিমাত্র পাঠকে অধিক দিন মেটে না। অমল তাহার লেখা ছাপাইতে আরম্ভ করিল। প্রশংসাও পাইল।

মাঝে মাঝে ভক্তের চিঠিও আসিতে লাগিল। অমল সেগুলি তাহার বোঠানকে দেখাইত। চারু তাহাতে খুসিও হইল কষ্টও পাইল। এখন অমলকে লেখার প্রবৃত্ত করাইবার জন্ত একমাত্র তাহারই উৎসাহ ও উত্তেজনার প্রয়োজন রহিল না। অমল মাঝে মাঝে কদাচিৎ নাম-স্বাক্ষর-বিহীন রমণীর চিঠিও পাইতে লাগিল। তাহা লইয়া চারু তাহাকে ঠাট্টা করিত কিন্তু শূন্য পাইত না। হঠাৎ তাহাদের কমিটির রুদ্ধদ্বার খুলিয়া বাংলা দেশের পাঠক-মণ্ডলী তাহাদের দু’জনকার মাঝখানে আসিয়া দাঁড়াইল।

ভূপতি একদিন অবসরকালে কহিল, “তাই তো চারু, আমাদের অমল যে এমন ভালো লিখিতে পারে তা’ তো আমি জানুতুম্ না।”

ভূপতির প্রশংসায় চারু খুসি হইল। অমল ভূপতির আশ্রিত, কিন্তু অল্প আশ্রিতদের সহিত তাহার অনেক প্রভেদ আছে একথা তাহার স্বামী বুঝিতে

পারিলে চারু যেন গৰ্জ অমুভব করে। তাহার ভাবটা এই যে, অমলকে কেন যে আমি এতটা স্নেহ আদর করি এত দিনে তোমরা তাহা বুঝিলে—আমি অনেকদিন আগেই অমলের মর্যাদা বুঝিয়াছিলাম, অমল কাহারো অবজ্ঞার পাত্র নহে।

চারু জিজ্ঞাসা করিল, “তুমি তা’র লেখা প’ড়েছ ?”

ভূপতি কহিল—“হঁ—না, ঠিক পড়িনি। সময় পাইনি। কিন্তু আমাদের নিশিকান্ত পড়ে’ খুব প্রশংসা ক’রছিল। সে বাংলা লেখা বেশ বোঝে।”

ভূপতির মনে অমলের প্রতি একটি সম্মানের ভাব জাগিয়া উঠে ইহা চারুর একান্ত ইচ্ছা।

তৃতীয় পরিচ্ছেদ

উমাপদ ভূপতিকে তাহার কাগজের সঙ্গে অল্প পাঁচ রকম উপহার দিবার কথা বুঝাইতেছিল। উপহারে যে কি করিয়া লোকসান কাটাইয়া লাভ হইতে পারে তাহা ভূপতি কিছুতেই বুঝিতে পারিতেছিল না।

চারু একবার ঘরের মধ্যে প্রবেশ করিয়াই উমাপদকে দেখিয়া চলিয়া গেল। আবার কিছুক্ষণ ঘুরিয়া ফিরিয়া ঘরে আসিয়া দেখিল, দুই জনে হিসাব লইয়া তর্কে প্রবৃত্ত।

উমাপদ চারুর অধৈর্য্য দেখিয়া কোনো ছুতা করিয়া বাহির হইয়া গেল। ভূপতি হিসাব লইয়া মাথা ঘুরাইতে লাগিল।

চারু ঘরে ঢুকিয়া বলিল, “এখনো বুঝি তোমার কাজ শেষ হ’ল না। দিনরাত ঐ একখানা কাগজ নিয়ে যে তোমার কি করে’ কাটে আমি তাই ভাবি!”

ভূপতি হিসাব সরাইয়া রাখিয়া একটুখানি হাসিল। মনে মনে ভাবিল, বাস্তবিক চারুর প্রতি আমি মনোযোগ দিবার সময়ই পাই না, বড় অন্তায়। ও বেচারার পক্ষে সময় কাটাইবার কিছুই নাই।

ভূপতি স্নেহপূর্ণস্বরে কহিল—“আজ যে তোমার পড়া নেই! মাষ্টারটি বুঝি পালিয়েছেন? তোমার পাঠশালার সব উল্টো নিয়ম—ছাত্রীটি পুঁথিপত্র নিয়ে

প্রস্তুত, মাষ্টার পলাতক ! আজকাল অমল তোমাকে আগেকার মত নিয়মিত পড়ায় ব'লে তো বোধ হয় না।”

চারু কহিল—“আমাকে পড়িয়ে অমলের সময় নষ্ট করা কি উচিত ? অমলকে তুমি বুঝি একজন সামান্য প্রাইভেট টিউটার পেয়েছ ?”

ভূপতি চারুর কটিদেশ ধরিয়া কাছে টানিয়া কহিল—“এটা কি সামান্য প্রাইভেট টিউটারি হ'ল ? তোমার মত বোঠানকে যদি পড়াতে পেতুম্ তা হ'লে——”

চারু। ইস্ ইস্ তুমি আর ব'লো না ! স্বামী হ'য়েই রক্ষে নেই তো আব কিছু !

ভূপতি ঈষৎ একটু আহত হইয়া কহিল, “আচ্ছা কাল থেকে আমি নিশ্চয় তোমাকে পড়াব। তোমার বইগুলো আন দেখি, কি তুমি পড় একবার দেখে নিই।”

চারু। ঢের হয়েছে, তোমার আর পড়াতে হবে না ! এখনকার মত তোমার খবরের কাগজের হিসাবটা একটু রাখবে ? এখন আর কোনো দিকে মন দিতে পারবে কিনা বল ?

ভূপতি কহিল—“নিশ্চয় পারব ! এখন তুমি আমার মনকে যেদিকে ফেরতে চাও সেই দিকেই ফিরবে !”

চারু। আচ্ছা বেশ, তাহ'লে অমলের এই লেখাটা একবার প'ড়ে দেখ কেমন চমৎকার হ'য়েছে। সম্পাদক অমলকে লিখেছে এই লেখা প'ড়ে নবগোপালবাবু তাকে বাঙ্গালার রাষ্ট্রিন্ নাম দিয়েছেন।

শুনিয়া ভূপতি কিছু সঙ্কুচিতভাবে কাগজখানা হাতে করিয়া লইল। খুলিয়া দেখিল, লেখাটির নাম “আষাঢ়ের চাঁদ।” গত দুই সপ্তাহ ধরিয়া ভূপতি ভারতগবর্মেণ্টের বজেট সমালোচনা লইয়া বড় বড় অঙ্কপাত করিতেছিল, সেই সকল অঙ্ক বহুপদ কীটের মত তাহার মস্তিষ্কের নানা বিবরের মধ্যে সঞ্চার করিয়া ফিরিতেছিল—এমন সময়ে হঠাৎ বাংলা ভাষায় “আষাঢ়ের চাঁদ” প্রবন্ধ আগাগোড়া পড়িবার জ্ঞাত তাহার মন প্রস্তুত ছিল না। প্রবন্ধটিও নিতান্ত ছোট নহে।

লেখাটা এইরূপে সুরু হইয়াছে—“আজ কেন আষাঢ়ের চাঁদ সারারাত

মেঘের মধ্যে এমন করিয়া লুকাইয়া বেড়াইতেছে! যেন স্বর্গলোক হইতে সে কি চুরি করিয়া আনিয়াছে, যেন তাহার কলঙ্ক ঢাকিবার স্থান নাই। কান্দন মাসে যখন আকাশের একটি কোণেও মুষ্টিপরিমাণ মেঘ ছিল না, তখন তো জগতের চক্ষের সম্মুখে সে নিলজ্জের মত উদ্ভুক্ত আকাশে আপনাকে প্রকাশ করিয়াছিল—আর আজ তাহার সেই ঢল ঢল হাসিখানি—শিশুর স্বপ্নের মত, প্রিয়তার স্মৃতির মত, স্নেহের শরীর অলকবিলম্বিত মুক্তার মালার মত——”

ভূপতি মাথা চুলকাইয়া কহিল—“বেশ লিখেছে! কিন্তু আমাকে কেন? —এ-সব কবিত্ব কি আমি বুঝি?”

চারু সঙ্কুচিত হইয়া ভূপতির হাত হইতে কাগজখানা কাড়িয়া কহিল—“তুমি তবে কি বোঝ?”

ভূপতি কহিল—“আমি সাংসারের লোক, আমি মানুষ বুঝি।

চারু কহিল—“মানুষের কথা বুঝি সাহিত্যের মধ্যে লেখে না?”

ভূপতি। ভুল লেখে। তা ছাড়া মানুষ যখন সশরীরে বর্তমান, তখন বানানো কথার মধ্যে তাকে খুঁজে বেড়াবার দরকার?

বলিয়া চারুলতার চিবুক ধরিয়া কহিল—“এই যেমন আমি তোমাকে বুঝি, —কিন্তু সেজন্য কি যেমনাদবধ কবিকঙ্কণ চণ্ডী আগাগোড়া পড়ার দরকার আছে?”

ভূপতি কাব্য বোঝে না বলিয়া অহঙ্কার করিত। তবু অমলের লেখা ভালো করিয়া না পড়িয়াও তাহার প্রতি মনে মনে ভূপতির একটা শ্রদ্ধা ছিল। ভূপতি ভাবিত, বলিবার কথা কিছুই নাই অথচ এত কথা অনর্গল বানাইয়া বলা সে তো আমি মাথা কুটিয়া মরিলেও পারিতাম না। অমলের পেটে যে এত ক্ষমতা ছিল তাহা কে জানিত?

ভূপতি নিজের রসজ্ঞতা অস্বীকার করিত। কিন্তু সাহিত্যের প্রতি তাহার ক্রপণতা ছিল না। দরিদ্র লেখক তাহাকে ধরিয়া গাড়িলে বই ছাপিবার খরচ ভূপতি দিত, কেবল বিশেষ করিয়া বলিয়া দিত আমাকে যেন উৎসর্গ করা না হয়। বাংলা ছোট বড় সমস্ত সাপ্তাহিক এবং মাসিক পত্র, খ্যাত অখ্যাত পাঠ্য অপাঠ্য সমস্ত বই সে কিনিত। বলিত, “একে পড়ি না, তারপরে যদি না কিনি,

আমি কহিলাম, “বিবিসাহেব, তোমার এ হাল কে করিল?”

বজ্রাওনকুমারী কপালে করাঘাত করিলেন। কহিলেন, “কে এ-সমস্ত করায় তা আমি কি জানি! এত বড় প্রস্তুতময় কঠিন হিমালয়কে কে সামান্য বাষ্পের মেঘে অন্তরাল করিয়াছে?”

আমি কোনোরূপ দার্শনিক তর্ক না তুলিয়া সমস্ত স্বীকার করিয়া লইলাম—কহিলাম, “তা বটে, অদৃষ্টের রহস্য কে জানে! আমরা ত কীট মাত্র!”

তর্ক তুলিতাম, বিবিসাহেবকে আমি এত সহজে নিভৃত দিতাম না কিন্তু আমার ভাষায় কুলাইত না। দারোয়ান্ এবং বেহারাদের সংসর্গে যেটুকু হিন্দি অভ্যস্ত হইয়াছে তাহাতে ক্যান্কাটা রোডের ধারে বসিয়া বজ্রাওনের অথবা অন্য কোনো স্থানের কোনো নবাব-পুত্রীর সহিত অদৃষ্টবাদ ও স্বাধীন ইচ্ছাবাদ সম্বন্ধে সুস্পষ্টভাবে আলোচনা করা আমার পক্ষে অসম্ভব হইত।

বিবিসাহেব কহিলেন, “আমার জীবনের আশ্চর্য্য কাহিনী অল্পই পরিসমাপ্ত হইয়াছে, যদি ফরমায়েস করেন তো বলি।”

আমি শশব্যস্ত হইয়া কহিলাম—“বিলক্ষণ! ফরমায়েস কিসের! যদি অনুগ্রহ করেন তো গুনিয়া শ্রবণ সার্থক হইবে!”

কেহ না মনে করেন, আমি ঠিক এই কথাগুলি এমনিভাবে হিন্দুস্থানী ভাষায় বলিয়াছিলাম—বলিবার ইচ্ছা ছিল কিন্তু সামর্থ্য ছিল না। বিবিসাহেব যখন কথা কহিতেছিলেন আমার মনে হইতেছিল যেন শিশিরস্নাত স্বর্ণলীর্ণ স্নিগ্ধগামল শতক্ষেত্রের উপর দিয়া প্রভাতের মন্মথধূর বায়ু হিল্লোলিত হইয়া যাইতেছে, তাহার পদে পদে এমন সহজ নব্রতা, এমন সৌন্দর্য্য, এমন বাক্যের অব্যবহিত প্রবাহ। আর আমি অতি সংক্ষেপে খণ্ড খণ্ড ভাবে বর্করের মত সোজা উত্তর দিতেছিলাম। ভাষায় সেরূপ সুসম্পূর্ণ অবিচ্ছিন্ন সহজ শিষ্টতা আমার কোনোকালে জানা ছিল না; বিবিসাহেবের সহিত কথা কহিবার সময় এই প্রথম নিজের আচরণের দীনতা পদে পদে অনুভব করিতে লাগিলাম।

তিনি কহিলেন, “আমার পিতৃকুলে দিল্লির সম্রাটবংশের রক্ত প্রবাহিত ছিল—সেই কুলগর্ভ রক্ষা করিতে গিয়া আমার উপযুক্ত পাত্রের সন্ধান পাওয়া হুঃসাধ্য হইয়াছিল। লক্ষ্মীস্বের নবাবের সহিত আমার সম্বন্ধের প্রস্তাব

আসিয়াছিল—পিতা ইতস্তত করিতেছিলেন এমন সময় দাঁতে টোটা কাটা লইয়া সিপাহি লোকের সহিত সরকার বাহাদুরের লড়াই বাধিল, কামানের ধোঁয়ায় হিন্দুস্থান অন্ধকার হইয়া গেল।”

জীকণ্ঠে, বিশেষত সম্ভ্রান্ত মহিলার মুখে হিন্দুস্থানী কখনো শুনি নাই—শুনিয়া স্পষ্ট বৃষ্টিতে পারিলাম, এ-ভাষা আমিদের ভাষা—এ যে-দিনের ভাষা সে-দিন আর নাই—আজ রেলোয়ে টেলিগ্রাফে, কাকের ভিড়ে, আভিজাত্যের বিলোপে সমস্তই যেন হ্রস্ব খর্ব্ব নিরলঙ্কার হইয়া গেছে। নবাবজাদীর ভাষামাত্র শুনিয়া সেই ইংরাজরচিত আধুনিক শৈল-নগরী দার্জিলিংয়ের ঘন কুঞ্ছটিকাজালের মধ্যে আমার মনশ্চক্ষের সম্মুখে মোগল-সম্রাটের মানসপুৰী মায়াবলে জাগিয়া উঠিতে লাগিল—শ্বেত-প্রস্তর-রচিত বড় বড় অভভেদী সোধশ্রেণী, পথে লম্বপুচ্ছ অশ্বপৃষ্ঠে মহলন্দের সাজ, হস্তিপৃষ্ঠে স্বর্ণ-ঝালর-খচিত হাওদা, পুরবাসিগণের মস্তকে বিচিত্রবর্ণের উষ্ণীয় শালের রেসমের সসলিনের প্রচুর-প্রসর জামা পায়জামা কোমরবন্ধে বক্র তরবারী, জরীর জুতাব অগ্রভাগে বক্র শীর্ষ,—সুদীর্ঘ অবসর, স্নলম্ব পরিচ্ছদ, স্রুপ্রচুর শিষ্টাচার।

নবাবপুত্রী কহিলেন, “আমাদের কেহ্না যমুনার তীরে। আমাদের ফৌজের অধিনায়ক ছিল একজন হিন্দু ব্রাহ্মণ। তাহার নাম ছিল কেশরলাল।”

রমণী এই কেশরলাল শব্দটির উপর তাহার নারী-কণ্ঠের সমস্ত সঙ্গীত যেন একেবারে এক মুহূর্ত্তে উপড় করিয়া ঢালিয়া দিল। আমি ছড়িটা ভূমিতে রাখিয়া নড়িয়া চড়িয়া খাড়া হইয়া বসিলাম।

“কেশরলাল পরম হিন্দু ছিল। আমি প্রতাহ প্রত্যাণে উঠিয়া অন্তঃপুরের গবাক্ষ হইতে দেখিতাম কেশরলাল আবক্ষ যমুনার জলে নিমগ্ন হইয়া প্রদক্ষিণ করিতে করিতে জোড়করে উর্দ্ধমুখে নবোদিত সূর্য্যের উদ্দেশে অঞ্জলি প্রদান করিত। পরে সিক্তবস্ত্রে ঘাটে বসিয়া একাগ্রমনে জপ সমাপন করিয়া পরিকার স্মৃকণ্ঠে ভৈরোঁরাগে ভজন গান করিতে করিতে গৃহে ফিরিয়া আসিত।

আমি মুসলমান-বালিকা ছিলাম কিন্তু কখনো স্বধর্ম্মের কথা শুনি নাই এবং স্বধর্ম্মসম্বন্ধ উপলক্ষনাবিধিও জানিতাম না ; তখনকার দিনে বিলাসে মগ্নপানে স্বেচ্ছাচারে আমাদের পুরুষের মধ্যে ধর্ম্মবন্ধন শিথিল হইয়া গিয়াছিল এবং অন্তঃপুরের প্রমোদভবনেও ধর্ম্ম সজীব ছিল না।

বিধাতা আমার মনে বোধ করি স্বাভাবিক ধর্মপিপাসা দিয়াছিলেন। অথবা আর কোনো নিগূঢ় কারণ ছিল কি বলিতে পারি না।—কিন্তু প্রত্যহ প্রশান্ত প্রভাতে নবোন্মেষিত অরুণালোকে নিস্তরঙ্গ নীল যমুনার স্বেত সোপানতটে কেশরলালের পূজার্তনাদুগ্ধে আমার সত্ত্ব স্পৃগোথিত অন্তঃকরণ একটি অব্যক্ত ভক্তিমাদুর্য্যে পরিপ্লুত হইয়া যাইত।

নিয়ত সংযত গুচ্ছাচারে ব্রাহ্মণ কেশরলালের গৌরবর্ণ তনুতরুণ দেহখানি ধুমলেশহীন জ্যোতিঃশিখার মত বোধ হইত; ব্রাহ্মণের পূণ্যমাহাত্ম্য অপরূপ প্রজ্ঞাভরে এই মুসলমান-উহিতার মুচ হৃদয়কে বিনম্র করিয়া দিত।

আমার একটি হিন্দু বাদি ছিল, সে প্রতিদিন নত হইয়া প্রণাম করিয়া কেশরলালের পদধূলি লইয়া আসিত—দেখিয়া আমার আনন্দও হইত ঈর্ষ্যাও জন্মিত। ক্রিয়াকর্ম পার্কে উপলক্ষে এই বন্দিনী মধ্যে মধ্যে ব্রাহ্মণ ভোজন করাইয়া দক্ষিণা দিত। আমি নিজে হইতে তাহাকে অর্থ সাহায্য করিয়া বলিতাম, তুই ‘কেশবলালকে নিমন্ত্রণ করিবি না?’ সে জিভ কাটিয়া বলিত ‘কেশরলাল ঠাকুর কাহারো অন্নগ্রহণ বা দান-প্রতিগ্রহ করেন না।’

এইরূপে প্রত্যক্ষে বা পরোক্ষে কেশরলালকে কোনোরূপ ভক্তিচিহ্ন দেখাইতে না পারিয়া আমার চিত্ত যেন লুক্ক ফুধাতুর হইয়া থাকিত।

আমাদের পূর্বপুরুষের কেহ একজন একটি ব্রাহ্মণ-কন্যাকে বলপূর্বক বিবাহ করিয়া আনিয়াছিলেন—আমি অন্তঃপুরের প্রান্তে বসিয়া তাঁহার গুণ্যরক্তপ্রবাহ আপন শিরার মধ্যে অনুভব করিতাম এবং সেই রক্তস্রুত্রে কেশরলালের সহিত একটি ঐক্য সম্বন্ধ কল্পনা করিয়া কিয়ৎ পরিমাণে তৃপ্তি বোধ হইত।

আমার হিন্দু দাসীর নিকট হিন্দুধর্মের সমস্ত আচার ব্যবহার, দেব-দেবীর সমস্ত আশ্চর্য্য কাহিনী, রামায়ণ মহাভারতের সমস্ত অপূর্ব ইতিহাস তন্ন তন্ন করিয়া শুনিতাম—শুনিয়া সেই অন্তঃপুরের প্রান্তে বসিয়া হিন্দু-জগতের এক অপূর্ণ দৃশ্য আমার মনের সম্মুখে উদ্ঘাটিত হইত। মূর্তি প্রতিমূর্তি, শঙ্খাঘণ্টা ধ্বনি, স্বর্ণচূড়াখচিত দেবালয়, ধূপধূনার ধূম, অশুকচন্দনমিশ্রিত পুষ্পরাশির স্তব্ধ, যোগী সন্ন্যাসীর অলৌকিক ক্ষমতা, ব্রাহ্মণের অমামুষিক মাহাত্ম্য, মামুষ-ছদ্ম-বেশধারী দেবতাদের বিচিত্র লীলা, সমস্ত জড়িত হইয়া আমার নিকটে এক অতি পুরাতন অতি বিস্তীর্ণ অতি সুদূর অপ্রাকৃত মায়ালোক স্রজন করিত—আমার

চিত্ত যেন নীড়হারা ক্ষুদ্র পক্ষীর ছায় প্রদোষকালের একটি প্রকাণ্ড প্রাচীন প্রাসাদের কক্ষে কক্ষে উড়িয়া বেড়াইত। হিন্দু-সংসার আমার বালিকা-হৃদয়ের নিকট একটি পরম রমণীয় রূপকথার রাজ্য ছিল।

এমন সময় কোম্পানি বাহাদুরের সহিত সিপাহী লোকের লড়াই বাধিল। আমাদের বদ্রাওনের ক্ষুদ্র কেল্লাটির মধ্যেও বিপ্লবের তরঙ্গ জাগিয়া উঠিল।

কেশরলাল বলিল, ‘এইবার গো-খাদক গোরালোককে আর্য্যাবর্ত্ত হইতে দূর করিয়া দিয়া আর-একবার হিন্দুস্থানে হিন্দু-মুসলমানে রাজপদ লইয়া দ্যুতক্রীড়া বসাইতে হইবে।’

আমার পিতা গোলামকাদের খাঁ সাবধানী লোক ছিলেন; তিনি ইংরাজ জাতিকে কোনো একটি বিশেষ কুটূষ সম্ভাষণে অভিহিত করিয়া বলিলেন, ‘উছারা অসাধ্য সাধন করিতে পারে, হিন্দুস্থানের লোক উহাদের সহিত পারিয়া উঠিবে না। আমি অনিশ্চিত প্রত্যাশে আমার এই ক্ষুদ্র কেল্লাটুকু খোয়াইতে পারিব না—আমি কোম্পানি বাহাদুরের সহিত লড়িব না।’

যখন হিন্দুস্থানের সমস্ত হিন্দু-মুসলমানের রক্ত উত্তপ্ত হইয়া উঠিয়াছে, তখন আমার পিতার এই বণিকের মত সাবধানতায় আমাদের সকলের মনেই ধিক্কার উপস্থিত হইল। আমার বেগম মাতৃগণ পর্য্যন্ত চঞ্চল হইয়া উঠিলেন।

এমন সময়ে ফৌজ লইয়া সশস্ত্র কেশরলাল আসিয়া আমার পিতাকে বলিলেন, ‘নবাব সাহেব, আপনি যদি আমাদের পক্ষে যোগ না দেন তবে যতদিন লড়াই চলে আপনাকে বন্দী রাখিয়া আপনার কেল্লার আধিপত্যভার আমি গ্রহণ করিব।’

পিতা বলিলেন, ‘সে-সমস্ত হাঙ্গামা কিছুই করিতে হইবে না, তোমাদের পক্ষে আমি রহিব।’

কেশরলাল কহিলেন, “ধনকোষ হইতে কিছু অর্থ বাহির করিতে হইবে।’

পিতা বিশেষ কিছু দিলেন না—কহিলেন, ‘যখন যেমন আবশ্যক হইবে আমি দিব।’

আমার সীমস্ত হইতে পদাঙ্গুলি পর্য্যন্ত অঙ্গ-প্রত্যঙ্গের যত কিছু ভূষণ ছিল সমস্ত কাপড়ে বাধিয়া আমার হিন্দু দাসী দিয়া গোপনে কেশরলালের নিকট

পাঠাইয়া দিলাম। তিনি গ্রহণ করিলেন। আনন্দে আমার ভূষণবিহীন প্রত্যেক অঙ্গ-প্রত্যঙ্গ পুকে রোমান্বিত হইয়া উঠিল।

কেশরলাল মরিচাপড়া বন্দুকের চোঙ এবং পুরাতন তরোয়ালগুলি মাজিয়া ঘষিয়া সাফ করিতে প্রস্তুত হইলেন—এমন সময় হঠাৎ একদিন অপরাহ্নে জিলার কমিশনার সাহেব লালকুর্তি গোরা লইয়া আকাশে ধূলা উড়াইয়া আমাদের কেজার মধ্যে আসিয়া প্রবেশ করিল।

আমার পিতা গোলাম কাদের খাঁ গোপনে তাঁহাকে বিদ্রোহ-সংবাদ দিয়াছিলেন।

বজ্রাওনের ফৌজের উপর কেশরলালের এমন একটি অলৌকিক আধিপত্য ছিল যে, তাঁহার কথায় উহার ভাঙা বন্দুক ও ভোঁতা তরবারী-হস্তে লড়াই করিয়া মরিতে প্রস্তুত হইল।

বিশ্বাসঘাতক পিতার গৃহ আমার নিকট নরকের মত বোধ হইল। ক্ষোভে দুঃখে লজ্জায় যুগায় বুক ফাটিয়া বাইতে লাগিল, তবু চোখ দিয়া এক ফোঁটা জল বাহির হইল না। আমার ভীরা ভ্রাতার পরিচ্ছদ পরিয়া ছদ্মবেশে অন্তঃপুর হইতে বাহির হইয়া গেলাম, কাহারো দেখিবার অবকাশ ছিল না।

তখন ধূলা এবং বারুদের ধোঁয়া, সৈনিকের চীৎকার এবং বন্দুকের শব্দ থামিয়া গিয়া মৃত্যুর ভীষণ শাস্তি জলস্থল-আকাশ আচ্ছন্ন করিয়াছে। যমুনার জল রক্তরাগে রঞ্জিত করিয়া সূর্য্য অন্ত গিয়াছে, সন্ধ্যাকাশে গুরুগুরু পরিপূর্ণপ্রায় চন্দ্রমা।

রণক্ষেত্র মৃত্যুর বিকট দৃশ্যে আকীর্ণ। অত্র সময় হইলে করুণায় আমার বক্ষ ব্যথিত হইয়া উঠিত—কিন্তু দেদিন স্বপ্নাবিষ্টের মত আমি ঘুরিয়া ঘুরিয়া বেড়াইতেছিলাম—খুঁজিতেছিলাম কোথায় আছে কেশরলাল,—সেই একমাত্র লক্ষ্য ছাড়া আর সমস্ত আমার নিকট অলৌক বোধ হইতেছিল।

খুঁজিতে খুঁজিতে রাত্রি দ্বিপ্রহরের উজ্জ্বল চন্দ্রালোকে দেখিতে পাইলাম, রণক্ষেত্রের অদূরে যমুনার তীরে আত্মকামনচ্ছায় কেশরলাল এবং তাঁহার ভক্তভৃত্য দেওকি-নন্দনের মৃতদেহ পড়িয়া আছে। বুঝিতে পারিলাম সাংঘাতিক আহত অবস্থায়, হয় প্রভু ভৃত্যকে অথবা ভৃত্য প্রভুকে রণক্ষেত্র হইতে এই নিরাপদ স্থানে বহন করিয়া আনিয়া শাস্তিতে মৃত্যুহস্তে আত্মসমর্পণ করিয়াছে।

প্রথমেই আমি আমার বহুদিনের বৃত্তিকৃত ভক্তিবৃত্তির চরিতার্থতা সাধন করিলাম। কেশরলালের পদতলে লুপ্তিত হইয়া পড়িয়া আমার আজ্ঞাবুলিষিত কেশজাল উন্মুক্ত করিয়া দিয়া বারম্বার তাঁহার পদধূলি মুছিয়া লইলাম—আমার উত্তপ্ত ললাটে তাঁহার হিমশীতল পাদপদ্ম তুলিয়া লইলাম, তাঁহার চরণ চুম্বন করিবামাত্র বহুদিবসের নিরুদ্ধ অশ্রুশাশি উদ্বেল হইয়া উঠিল।

এমন সময়ে কেশরলালের দেহ বিচলিত হইল—এবং সহসা তাঁহার মুখ হইতে বেদনার অক্ষুট আর্তস্বর শুনিয়া আমি তাঁহার চরণতল ছাড়িয়া চমকিয়া উঠিলাম—শুনিলাম, নিমীলিত নেত্রে গুঢ় কণ্ঠে একবার বলিলেন, ‘জল’।

আমি তৎক্ষণাৎ আমার গাত্রবস্ত্র যমুনার জলে ভিজাইয়া ছুটিয়া চলিয়া আসিলাম। বসন নিংড়াইয়া কেশরলালের আমীলিত গুষ্ঠাধরের মধ্যে জল দিতে লাগিলাম, এবং বাম চক্ষু নষ্ট করিয়া তাঁহার কপালে যে নিদারুণ আঘাত লাগিয়াছিল সেই আহত স্থানে আমার সিক্ত বসনপ্রান্ত ছিঁড়িয়া বাঁধিয়া দিলাম।

এমনি বারকতক যমুনার জল আনিয়া তাঁহার মুখে চক্ষে সিক্তন করার পর অল্পে অল্পে চেতনার সঞ্চার হইল। আমি জিজ্ঞাসা করিলাম, ‘আর জল দিব?’ কেশরলাল কহিলেন, ‘কে তুমি?’ আমি আর থাকিতে পারিলাম না—বলিলাম, ‘অধীনা আপনার ভক্ত সেবিকা। আমি নবাব গোলাম কাদের খাঁর কন্যা।’—মনে করিয়াছিলাম, কেশরলাল আসন্ন মৃত্যুকালে তাঁহার ভক্তের শেষ পরিচয় সঙ্গ করিয়া লইয়া যাইবেন, এ-সুখ হইতে আমাকে আর কেহ বঞ্চিত করিতে পারিবে না।

আমার পরিচয় পাইবামাত্র কেশরলাল সিংহের গ্রায় গর্জন করিয়া উঠিয়া বলিলেন, ‘বেইমানের কন্যা, বিধবী! মৃত্যুকালে যবনের জল দিয়া তুই আমার ধর্ম নষ্ট করিলি!’ এই বলিয়া প্রবল বলে আমার কপালদেশে দক্ষিণ করতলের আঘাত করিলেন—আমি মুচ্ছিতপ্রায় হইয়া চক্ষে অন্ধকার দেখিতে লাগিলাম।

তখন আমি ষোড়শী—প্রথম দিন অন্তঃপুর হইতে বাহিরে আসিয়াছি—তখনো বহিরাকাশের লুক্কৃত তপ্ত সূর্য্যকর আমার স্নুসুমার কপোলের রক্তম

লাবণ্যবিভা অপহরণ করিয়া লয় নাই—সেই বহিঃসংসারে পদক্ষেপ করিবামাত্র সংসারের নিকট হইতে—আমার সংসারের দেবতার নিকট হইতে এই প্রথম সন্তাষণ প্রাপ্ত হইলাম।”

আমি নির্দোষিত-সিগারেট এতক্ষণ মোহমুগ্ধ চিত্রোপিতের স্থায় বসিয়াছিলাম গল্প শুনিতেছিলাম, কি ভাষা শুনিতেছিলাম, কি সঙ্গীত শুনিতেছিলাম জানি না—আমার মুখে একটি কথা ছিল না। এতক্ষণ পরে আমি আর থাকিতে পারিলাম না—হঠাৎ বলিয়া উঠিলাম—“জানোয়ার।”

নবাবজাদী কহিলেন—“কে জানোয়ার ! জানোয়ার কি মৃত্যু-যজ্ঞগার সময় মুখের নিকট সমাহৃত জলবিন্দু পরিত্যাগ করে ?”

আমি অপ্ৰতিভ হইয়া কহিলাম—“তা বটে। সে দেবতা।”

নবাবজাদী কহিলেন—“কিসের দেবতা ! দেবতা কি ভক্তের একান্ত চিত্তের সেবা প্রত্যাখ্যান করিতে পারে !”

আমি বলিলাম—“তাও বটে !”—বলিয়া চুপ করিয়া গেলাম।

নবাব-পুত্রী কহিতে লাগিলেন—“প্রথমটা আমার বড় বিষম বাজিল। মনে হইল বিশ্বজগৎ হঠাৎ আমার মাথার উপর চুরমার হইয়া ভাঙিয়া পড়িয়া গেল। মুহূর্তের মধ্যে সংজ্ঞা লাভ করিয়া কঠোর কঠিন নিষ্ঠুর নির্বিকার পণ্ডিত ব্রাহ্মণের পদতলে দূর হইতে প্রণাম করিলাম—মনে মনে কহিলাম—হে ব্রাহ্মণ, তুমি হীনের সেবা, পরের অন্ন, ধনীর দান, যুবতীর যৌবন, রমণীর প্রেম কিছই গ্রহণ কর না ; তুমি স্বতন্ত্র, তুমি একাকী তুমি নির্লিপ্ত, তুমি স্বদূর, তোমার নিকট আত্ম-সমর্পণ করিবার অধিকারও আমার নাই !

নবাব-হুহিতাকে ভুলুষ্ঠিত মস্তকে প্রণাম করিতে দেখিয়া কেশরলাল কি মনে করিল বলিতে পারি না—কিন্তু তাহার মুখে বিষয় অথবা কোনো ভাবান্তর প্রকাশ পাইল না। শাস্তভাবে একবার আমার মুখের দিকে চাহিল ;—তাঁহার পরে ধীরে ধীরে উঠিল। আমি সচকিত হইয়া আশ্রয় দিবার জন্ত আমার হস্ত প্রসারণ করিলাম—সে নীরবে তাহা প্রত্যাখ্যান করিল—এবং বহু কষ্টে যমুনার ঘাটে গিয়া অবতীর্ণ হইল। সেখানে একটি খেয়া নৌকা বাধা ছিল। পার হইবার লোকও ছিল না, পার করিবার লোকও ছিল না। সেই নৌকার উপর উঠিয়া কেশরলাল বাধন খুলিয়া দিল—নৌকা দেখিতে দেখিতে মধ্য

স্রোতে গিয়া ক্রমশ অদৃশ হইয়া গেল—আমার ইচ্ছা হইতে লাগিল, সমস্ত হৃদয়ভার, সমস্ত বোঁবনভার, সমস্ত অনাদৃত ভাস্কর্যভার লইয়া সেই অদৃশ নৌকার অভিযুগে জোড়কর করিয়া সেই নিস্তরু নিশীথে সেই চন্দ্রালোক-পুলকিত নিস্তরঙ্গ যমুনার মধ্যে অকালবৃষ্টিচ্যুত পুষ্পমঞ্জরীর স্রাব এই ব্যর্থ জীবন বিসর্জন করি।

কিন্তু পারিলাম না। আকাশের চন্দ্র, যমুনাপারের ঘনকৃষ্ণ বনরেখা, কালিন্দীর নিবিড় নীল নিষ্কম্প জলরাশি, দূরে আশ্রবনের উর্দ্ধে আমাদের জ্যোৎস্নাচিকণ কেল্লার চূড়াগ্রভাগ সকলেই নিঃশব্দগম্ভীর ঐক্যতানে মৃত্যুর গান গাহিল ;—সেই নিশীথে গ্রহচন্দ্রতারাখচিত নিস্তরু তিন ভুবন আমাকে একবাক্যে মরিতে কহিল। কেবল বীচিভঙ্গবিহীন প্রশান্ত যমুনাবক্ষোবাহিত একখানি অদৃশ জীর্ণ নৌকা সেই জ্যোৎস্নারজনীর সৌম্য সুন্দর শাস্ত শীতল অনন্ত ভুবনমোহন মৃত্যুর প্রসারিত আলিঙ্গন-পাশ হইতে বিচ্ছিন্ন করিয়া আমাকে জীবনের পথে টানিয়া লইয়া চলিল। আমি মোহমগ্নাভিহতার স্রাব যমুনার তীরে তীরে কোথাও-বা কাশবন, কোথাও-বা মরুবালুকা, কোথাও-বা বজুর বিদীর্ণ তট, কোথাও-বা ঘনশুষ্কভূগম বনখণ্ডের ভিতর দিয়া চলিতে লাগিলাম।*

এইখানে বক্তা চুপ করিল। আমিও কোনো কথা কহিলাম না।

অনেকক্ষণ পরে নবাবহুহিতা কহিল—“ইহার পরে ঘটনাবলী বড় জটিল। সে কেমন করিয়া বিপ্লব করিয়া পরিষ্কার করিয়া বলিব জানি না। একটা গহন অরণ্যের মাঝখান দিয়া যাত্রা করিয়াছিলাম, ঠিক কোন্ পথ দিয়া কখন চলিয়াছিলাম সে কি আর খুঁজিয়া বাহির করিতে পারি!—কোথায় আরম্ভ করিব, কোথায় শেষ করিব, কোন্টা ত্যাগ করিব, কোন্টা রাখিব, সমস্ত কাহিনীকে কি উপায়ে এমন স্পষ্ট প্রত্যক্ষ করিয়া তুলিব যাহাতে কিছুই অসাধ্য অসম্ভব অপ্রকৃত বোধ না হয়।

কিন্তু জীবনের এই কয়টা দিনে বুঝিয়াছি যে, অসাধ্য অসম্ভব কিছুই নাই। নবাব-অন্তঃপুরের বালিকার পক্ষে বাহিরের সংসার একান্ত দুর্গম বলিয়া মনে হইতে পারে—কিন্তু তাহা কাল্পনিক ;—একবার বাহির হইয়া পড়িলেই একটা চলিবার পথ থাকেই। সে-পথ নবাবী পথ নহে, কিন্তু পথ—সে-পথে মানুষ

চিরকাল চলিয়া আসিয়াছে—তাহা বন্ধুর বিচিত্র সীমাহীন, তাহা শাখাপ্রশাখা-
বিভক্ত, তাহা স্নেহে হৃৎথে বাধা বিয়ে জটিল, কিন্তু তাহা পথ ।

এই সাধারণ মানবের পথে একাকিনী নবাব-হুহিতার সুদীর্ঘ ভ্রমণবৃত্তান্ত
সুখশ্রাব্য হইবে না—হইলেও সে-সব কথা বলিবার উৎসাহ আমার নাই ।
এককথায়, হৃৎথ কষ্ট বিপদ অবমাননা অনেক ভোগ করিতে হইয়াছে, তবু
জীবন অসহ্য হয় নাই । আতসবাজির মত যত দাহন ততই উদ্দাম গতি
লাভ করিয়াছি । যতক্ষণ বেগে চলিয়াছিলাম ততক্ষণ পুড়িতেছি বলিয়া
বোধ ছিল না—আজ হঠাৎ সেই পরম হৃৎথের সেই চরম স্নেহের আলোক-
শিখাটি নিবিয়া গিয়া এই পথপ্রান্তের ধুলির উপর জড় পদার্থের স্তায় পড়িয়া
গিয়াছি—আজ আমার যাত্রা শেষ হইয়া গেছে, এইখানেই আমার
কাহিনী সমাপ্ত ।”

এই বলিয়া নবাবপুত্রী থামিল । আমি মনে মনে বাড় নাড়িলাম ; এখানে
তো কোনো মতেই শেষ হয় না । কিছুক্ষণ চুপ করিয়া থাকিয়া ভাঙা হিন্দিতে
বলিলাম—“বেয়াদবি মাপ করিবেন, শেষ দিককার কথাটা আর একটু খোলসা
করিয়া বলিলে অধীনের মনের ব্যাকুলতা অনেকটা হ্রাস হয় ।”

নবাবপুত্রী হাসিলেন । বলিলাম আমার ভাঙা হিন্দিতে ফল হইয়াছে ।
যদি আমি থাম্ হিন্দিতে বাৎ চালাইতে পারিতাম তাহা হইলে আমার কাছে
তাঁহার লজ্জা ভাঙিত না কিন্তু আমি যে তাঁহার মাতৃভাষা অতি অল্পই জানি
সেইটেই আমাদের উভয়ের মধ্যে বৃহৎ ব্যবধান—সেইটেই একটা আক্র ।

তিনি পুনরায় আরম্ভ করিলেন—“কেশরলালের সংবাদ আমি প্রায়ই
পাইতাম কিন্তু কোনো মতেই তাঁহার সাক্ষাৎ লাভ করিতে পারি নাই ।
তিনি তাঁতিয়াটোপির দলে মিশিয়া সেই বিপ্লবচ্ছন্ন আকাশতলে অকস্মাৎ কখনো
পশ্চিমে, কখনো ঈশানে, কখনো নৈঋতে, বজ্রপাতের মত মুহূর্তের মধ্যে
ভাঙিয়া পড়িয়া, মুহূর্তের মধ্যে অদৃশ্য হইতেছিলেন ।

আমি তখন যোগিনী সাজিয়া কাশীর শিবানন্দ স্বামীকে পিতৃসম্বোধন করিয়া
তাঁহার নিকট সংস্কৃত শাস্ত্র অধ্যয়ন করিতেছিলাম । ভারতবর্ষের সমস্ত সংবাদ
তাঁহার পদতলে আসিয়া সমাগত হইত—আমি ভক্তিভরে শাস্ত্র শিক্ষা করিতাম
এবং মর্শাস্তিক উদ্বেগের সহিত যুদ্ধের সংবাদ সংগ্রহ করিতাম ।

ক্রমে ব্রিটিশরাজ হিন্দুধর্মের বিদ্রোহবলি পদতলে দলন করিয়া নিবাইয়া দিল। তখন সহসা কেশরলালের সংবাদ আর পাওয়া গেল না। ভীষণ প্রলয়ালোকের রক্তরশ্মিতে ভারতবর্ষের দূর-দূরান্তর হইতে যে-সকল বীরমূর্তি ক্ষণে ক্ষণে দেখা যাইতেছিল, হঠাৎ তাহারা অন্ধকারে পড়িয়া গেল।

তখন আমি আর থাকিতে পারিলাম না। গুরুর আশ্রয় ছাড়িয়া ভৈরবীবেশে আবার বাহির হইয়া পড়িলাম। পথে পথে তীর্থে তীর্থে মঠে মন্দিরে ভ্রমণ করিয়াছি—কোথাও কেশরলালের কোনো সন্ধান পাই নাই। দুই একজন যাহারা তাহার নাম জানিত, কহিল, ‘সে হয় যুদ্ধে নষ্ট রাজদণ্ডে মৃত্যু লাভ করিয়াছে।’ আমার অন্তরাআ কহিল—‘কখনো নহে, কেশরলালের মৃত্যু নাই। সেই ব্রাহ্মণ সেই হুঃসহ জলদগ্নি কখনো নির্বাণ পায় নাই, আমার আত্মহুতি গ্রহণ করিবার জন্য সে এখনো কোন দুর্গম নির্জন যজ্ঞবেদীতে উল্লসিত হইয়া জলিতেছে।’

হিন্দুশাস্ত্রে আছে জ্ঞানের দ্বারা তপস্যার দ্বারা শূদ্র ব্রাহ্মণ হইয়াছে—মুসলমান ব্রাহ্মণ হইতে পারে কি না সে-কথার কোনো উল্লেখ নাই—তাহার একমাত্র কারণ, তখন মুসলমান ছিল না। আমি জানিতাম কেশরলালের সহিত আমার মিলনের বহু বিলম্ব আছে,—কারণ, তৎপূর্বে আমাকে ব্রাহ্মণ হইতে হইবে। একে একে ত্রিশ বৎসর উত্তীর্ণ হইল। আমি অন্তরে বাহিরে আচারে ব্যবহারে কায়মনোবাক্যে ব্রাহ্মণ হইলাম, আমার সেই ব্রাহ্মণ পিতামহীর রক্ত নিষ্কলুষভেজে আমার সর্বঙ্গে প্রবাহিত হইল, আমি মনে মনে আমার সেই যৌবনারম্ভের প্রথম ব্রাহ্মণ, আমার যৌবনশেষের শেষ ব্রাহ্মণ, আমার ত্রিভুবনের এক ব্রাহ্মণের পদতলে সম্পূর্ণ নিঃসঙ্কোচে আপনাকে প্রতিষ্ঠিত করিয়া একটি অপরূপ দীপ্তিলাভ করিলাম।

যুদ্ধবিপ্লবের মধ্যে কেশরলালের বীরত্বের কথা আমি অনেক শুনিয়াছি—কিন্তু সে-কথা আমার হৃদয়ে মুদ্রিত হয় নাই। আমি সেই যে দেখিয়াছিলাম নিঃশব্দে জ্যোৎস্নানিশীথে নিস্তরু যমুনার মধ্যস্রোতে একখানি ক্ষুদ্র নৌকার মধ্যে একাকী কেশরলাল ভাসিয়া চলিয়াছে, সেই চিত্রই আমার মনে অঙ্কিত হইয়া আছে। আমি কেবল অহরহ দেখিতেছিলাম—ব্রাহ্মণ নির্জন স্রোত বাহিয়া নিশিদিন কোন্ অনির্দেশ মহা রহস্তাভিমুখে ধাবিত হইতেছে—তাহার কোনো

সঙ্গী নাই, সেবক নাই, কাহাকেও তাহার কোনো আবশ্যক নাই, সেই নির্মল আত্মনিমগ্ন পুরুষ আপনাতে আপনি সম্পূর্ণ ;—আকাশের গ্রহচন্দ্রতারা তাহাকে নিঃশেষে নিরীক্ষণ করিতেছে ।

এমন সময় সংবাদ পাইলাম কেশরলাল রাজদণ্ড হইতে পলায়ন করিয়া নেপালে আশ্রয় লইয়াছে । আমি নেপালে গেলাম । সেখানে দীর্ঘকাল বাস করিয়া সংবাদ পাইলাম—কেশরলাল বহুকাল হইল নেপাল ত্যাগ করিয়া কোথায় চলিয়া গিয়াছে কেহ জানে না ।

তাহার পর হইতে পাহাড়ে পাহাড়ে ভ্রমণ করিতেছি । এ হিন্দুর দেশ নহে—ভূটিয়া লেপ্‌চাংগন মেল্‌ছ—ইহাদের আহার ব্যবহারে আচার বিচার নাই—ইহাদের দেবতা ইহাদের পূজার্ত্তনাবিধি সকলি স্বতন্ত্র ;—বহুদিনের সাধনায় আমি যে বিগুহ শুচিতা লাভ করিয়াছি ভয় হইতে লাগিল পাছে তাহাতে রেখামাত্র চিহ্ন পড়ে । আমি বহু চেষ্টায় আপনাকে সর্বপ্রকার মলিন সংস্পর্শ হইতে রক্ষা করিয়া চলিতে লাগিলাম । আমি জানিতাম আমার তরী তীরে আসিয়া পৌছিয়াছে, আমার জীবনের চরমতীর্থ অনতিদূরে ।

তাহার পরে আর কি বলিব ! শেখ কথা অতি স্বল্প । প্রদীপ যখন নেবে তখন একটি ফুৎকারেই নিখিয়া যায়—সে-কথা আর সুদীর্ঘ করিয়া কি ব্যাখ্যা করিব !

আটত্রিশ বৎসর পরে এই দার্জিলিঙে আসিয়া আজ প্রাতঃকালে কেশর-লালের দেখা পাইয়াছি ।”

বক্তাকে এইখানে ক্ষান্ত হইতে দেখিয়া আমি ঔৎসুক্যের সহিত জিজ্ঞাসা করিলাম—“কি দেখিলেন ?”

নবাবপুত্রী কহিলেন, “দেখিলাম বৃদ্ধ কেশরলাল ভূটিয়া-পন্নীতে ভূটিয়া জ্বী এবং তাহার গর্ভজাত পৌত্র-পৌত্রী লইয়া ম্লান বস্ত্রে মলিন অঙ্গনে ভুট্টা হইতে শস্ত্র সংগ্রহ করিতেছে ।”

গল্প শেষ হইল । আমি ভাবিলাম একটা সামান্য কথার আবশ্যক । কহিলাম—“আটত্রিশ বৎসর একাদিক্রমে যাহাকে প্রাণভয়ে বিজাতীয়ের সংশ্রবে অহরহ থাকিতে হইয়াছে সে কেমন করিয়া আপন আচার রক্ষা করিবে ?”

নবাবকণ্ঠা কহিলেন—“আমি কি তাহা বুঝি না? কিন্তু এতদিন আমি কি মোহ লইয়া ফিরিতেছিলাম! যে ব্রহ্মণ্য আমার কিশোর হৃদয় হরণ করিয়া লইয়াছিল আমি কি জানিতাম তাহা অভ্যাস তাহা সংস্কার মাত্র? আমি জানিতাম তাহা ধর্ম, তাহা অনাদি অনন্ত। তাহাই যদি না হইবে তবে ষোলো বৎসর বয়সে প্রথম পিতৃগৃহ হইতে বাহির হইয়া সেই জ্যোৎস্বানিশীথে আমার বিকশিত পুষ্পিত ভক্তিবৈগকম্পিত দেহমনপ্রাণের প্রতিদানে ব্রাহ্মণের দক্ষিণ হস্ত হইতে যে দুঃসহ অপমান প্রাপ্ত হইয়াছিলাম, কেন তাহা গুরুহস্তের দীক্ষার জ্বালা নিঃশব্দে অবনত মস্তকে দ্বিগুণিত ভক্তিভরে শিরোধার্য্য করিয়া লইয়াছিলাম? হায় ব্রাহ্মণ, তুমি ত তোমার এক অভ্যাসের পরিবর্তে আর এক অভ্যাসলাভ করিয়াছ, আমি আমার এক যৌবন এক জীবনের পরিবর্তে আর এক জীবন যৌবন কোথায় ফিরিয়া পাইব?”

এই বলিয়া রমণী উঠিয়া দাঁড়াইয়া কহিল, “নমস্কার বাবুজি?”—

মুহূর্ত্তপরেই যেন সংশোধন করিয়া কহিল—“সেলাম বাবু সাহেব!” এই মুসলমান-অভিবাদনের দ্বারা সে যেন জীর্ণভিত্তি ধূলিশায়ী ভগ্ন ব্রহ্মণ্যের নিকট শেষ বিদায় গ্রহণ করিল। আমি কোনো কথা না বলিতেই সেই হিমাদ্রি-শিখরের ধূসর কুজাটিকা রাশির মধ্যে মেঘের মত মিলাইয়া গেল।

আমি ক্ষণকাল চক্ষু মুদ্রিত করিয়া সমস্ত ঘটনাবলী মানসপটে চিত্রিত দেখিতে লাগিলাম। মহলন্দের আসনে যমুনাতীরের গবাক্ষে সুখাসীনা বোড়শী নবাব-বালিকাকে দেখিলাম, তীর্থমন্দিরে সন্ধ্যারতিকালে তপস্বিনীর ভক্তিগদগদ একাগ্র মূর্ত্তি দেখিলাম—তাহার পরে এই দার্জিলিঙে ক্যালকাটা রোডের প্রান্তে প্রবীণার কুহেলিকাচ্ছন্ন ভগ্নহৃদয়ভারকাতর নৈরাশ্র মূর্ত্তিও দেখিলাম—একটি স্নানুমার রমণী-দেহে ব্রাহ্মণমুসলমানের রক্ততরঙ্গের বিপরীত সংঘর্ষ-জনিত বিচিত্র ব্যাকুল সঙ্গীতধ্বনি স্নন্দর স্তম্ভপূর্ণ উর্দু ভাষায় বিগলিত হইয়া আমার মস্তিষ্কের মধ্যে স্পন্দিত হইতে লাগিল।

চক্ষু খুলিয়া দেখিলাম, হঠাৎ মেঘ কাটিয়া গিয়া স্নিগ্ধ রৌদ্রে নির্মল আকাশ ঝলঝল করিতেছে—ঠেলা গাড়িতে ইংরাজ রমণী ও অশ্বপৃষ্ঠে ইংরাজ পুরুষগণ বায়ুসেবনে বাহির হইয়াছে—মধ্যে মধ্যে দুই একটি বাঙালীর গলাবন্ধবিজড়িত মুখমণ্ডল হইতে আমার প্রতি সকৌতুক কটাক্ষ বর্ষিত হইতেছে।

দ্রুত উঠিয়া পড়িলাম—এই স্বর্ণালোকিত অনাবৃত জগৎদৃশ্যের মধ্যে সেই মেঘাচ্ছন্ন কাহিনীকে আর সত্য বলিয়া মনে হইল না। আমার বিশ্বাস আমি পক্ষতের কুয়াশার সহিত আমার সিগারেটের ধূম ভূরিপরিমাণে মিশ্রিত করিয়া একটি কল্পনাখণ্ড রচনা করিয়াছিলাম—সেই মুসলমানব্রাহ্মণী, সেই বিপ্রবীর, সেই যমুনাতীরের কেলা কিছুই সত্য নহে।

(১৩০৫—বৈশাখ)

পুত্রযজ্ঞ

বৈষ্ণনাথ গ্রামের মধ্যে বিজ্ঞ ছিলেন সেইজন্ত তিনি ভবিষ্যতের দিকে দৃষ্টি রাখিয়া বর্তমানের সমস্ত কাজ করিতেন। যখন বিবাহ করিলেন তখন তিনি বর্তমান নববধূর অপেক্ষা ভাবী নবকুমারের মুখ স্পষ্টতরূপে দেখিতে পাইয়াছিলেন। শুভদৃষ্টির সময় এতটা দূরদৃষ্টি প্রায় দেখা যায় না। তিনি পাকা লোক ছিলেন সেইজন্ত প্রেমের চেয়ে পিণ্ডটাকেই অধিক বুঝিতেন এবং পুত্রার্থে ক্রিয়তে ভাষ্যা এই মর্মেই তিনি বিনোদিনীকে বিবাহ করিয়াছিলেন।

কিন্তু এ সংসারে বিজ্ঞ লোক ঠেকে। যৌবন প্রাপ্ত হইয়াও যখন বিনোদিনী তাহার সর্বপ্রধান কর্তব্যটি পালন করিল না তখন পুন্মায় নরকের দ্বার খোলা দেখিয়া বৈষ্ণনাথ বড় চিন্তিত হইলেন। মৃত্যুর পরে তাঁহার বিপুল ঐশ্বর্য্যই বা কে ভোগ করিবে এই ভাবনায় মৃত্যুর পূর্বে তিনি সেই ঐশ্বর্য্য ভোগ করিতে বিমুখ হইলেন। পূর্বেই বলিয়াছি বর্তমানের অপেক্ষা ভবিষ্যৎটাকেই তিনি সত্য বলিয়া জানিতেন।

কিন্তু যুবতী বিনোদিনীর নিকট হঠাৎ এতটা প্রাজ্ঞতা প্রত্যাশা করা যায় না। সে বেচারার হৃদয়লব্ধ বর্তমান তাহার নব বিকশিত যৌবন, বিনা প্রেমে বিফলে অতিবাহিত হইয়া যায় এইটেই তারপক্ষে সব চেয়ে শোচনীয় ছিল। পারলৌকিক পিণ্ডের কুখ্যাতা সে ইহলৌকিক চিন্তকুখ্যাতাহে একেবারেই ভুলিয়া

বসিয়াছিল—মন্মথ পবিত্র বিধান এবং বৈষ্ণবনাথের আধ্যাত্মিক ব্যাখ্যায় তাহার বুদ্ধিক্রিয় হৃদয়ের তিলমাত্র তৃপ্তি হইল না।

যে যাহাই বলুক এই বয়সটাতে ভালবাসা দেওয়া এবং ভালবাসা পাওয়াই রমণীর সকল সুখ এবং সকল কর্তব্যের চেয়ে স্বভাবতই বেশী মনে হয়।

কিন্তু বিনোদিনীর ভাগ্যে নবপ্রেমের বর্ষাবারিসিঞ্চনের বদলে, স্বামীর, পিসম্বাণ্ডির এবং অগ্রাণ্ড গুরু ও গুরুতর লোকের সমুচ্চ আকাশ হইতে তর্জ্জন গর্জনের শিলাবৃষ্টিব্যবসা হইল। সকলেই তাহাকে বন্ধা বলিয়া অপরাধী করিত। একটা ফুলের চারাকে আলোকে এবং বাতাস হইতে বৃদ্ধঘরে রাখিলে তাহার যেরূপ অবস্থা হয় বিনোদার বঞ্চিত যৌবনেরও সেইরূপ অবস্থা ঘটিয়াছিল।

সদা-সর্বদা এই সকল চাপাচুপি ও বকাবকির মধ্যে থাকিতে না পারিয়া যখন সে কুসুমের বাড়ি তাস খেলিতে যাইত সেই সময়টা তাহার বড় ভাল লাগিত। সেখানে পুংনরকের ভীষণ ছায়া সর্বদা বর্তমান না থাকাতে হাসি-ঠাট্টা গল্পের কোন বাধা ছিল না।

কুসুম যেদিন তাস খেলিবার সাত না পাইত সেদিন তাহার তরুণ দেবর নগেন্দ্রকে ধরিয়া আনিত। নগেন্দ্রও বিনোদার আপত্তি হাসিয়া উড়াইয়া দিত। এ সংসারে এক হইতে আর হয় এবং খেলা ক্রমে সঙ্কটে পরিণত হইতে পারে এ সব গুরুতর কথা অল্পবয়সে হঠাৎ বিশ্বাস হয় না।

এ সম্বন্ধে নগেন্দ্রেরও আপত্তির দৃঢ়তা কিছু মাত্র দেখা গেল না, এখন আর সে তাস খেলিবার জন্ত অধিক পীড়াপীড়ির অপেক্ষা করিতে পারে না।

এইরূপে বিনোদার সহিত নগেন্দ্রের প্রায়ই দেখা সাক্ষাৎ হইতে লাগিল।

নগেন্দ্র যখন তাস খেলিত বসিত তখন তাসের অপেক্ষা সজীবতর পদার্থের প্রতি তাহার নয়ন মন পড়িয়া থাকতে খেলায় প্রায়ই হারিতে লাগিল। পরাজয়ের প্রকৃত কারণ বুঝিতে কুসুম এবং বিনোদার কাহারও বাকি রহিল না। পূর্বেই বলিয়াছি, কর্মফলের গুরুত্ব বোঝা অল্প বয়সের কর্ম নহে। কুসুম মনে করিত এ একটা বেশ মজা হইতেছে, এবং মজাটা ক্রমে ষোল আনায় ক্রমে সম্পূর্ণ হইয়া উঠে ইহাতে তাহার একটা আগ্রহ ছিল। ভালবাসার নবাকুরে গোপনে জল সিঞ্চন তরুণীদের পক্ষে বড় কৌতুকের।

বিনোদারও মন্দ লাগিল না। হৃদয়জয়েব স্ত্রীত্ব ক্ষমতাটা একজন পুরুষ মানুষের উপর শাণিত করিবার ইচ্ছা অত্যন্ত হইতে পারে, কিন্তু নিতান্ত অস্বাভাবিক নহে।

এইরূপে তাসের হার-জিৎ ও ছকা-পাজার পুনঃ পুনঃ আবর্তনের মধ্যে কোন্ এক সময়ে দুইটি খেলোয়াড়ের মনে মনে মিল হইয়া গেল, অন্তর্যামী ব্যতীত আর একজন খেলোয়াড় তাহা দেখিল এবং আমোদ বোধ করিল।

একদিন হুপুর বেলায় বিনোদা কুসুম ও নগেন্দ্র তাস খেলিতেছিল। কিছুক্ষণ পরে কুসুম তাহার রুগ্ন শিশুর কান্না শুনিয়া উঠিয়া গেল। নগেন্দ্র বিনোদার সহিত গল্প করিতে লাগিলেন। কিন্তু কি গল্প করিতেছিলেন তাহা নিজেই বুঝিতে পারিতেছিলেন না;—রক্তশ্রোত তাঁহার হৃৎপিণ্ড উদ্বেলিত করিয়া তাহার সর্বশরীরের শিরার মধ্যে তরঙ্গিত হইতেছিল।

হঠাৎ এক সময় তাঁহার উদ্দাম যৌবন সমস্ত বাধ ভাঙ্গিয়া ফেলিল—হঠাৎ বিনোদার হাত ছুটি চাপিয়া ধরিয়া সবলে তাহাকে টানিয়া লইয়া চুষন করিলেন। বিনোদা নগেন্দ্র কর্তৃক এই অবমাননায় ক্রোধে ক্ষোভে লজ্জায় অধীর হইয়া নিজের হাত ছাড়াইবার জ্ঞাত টানাটানি করিতেছেন এমন সময় তাঁহাদের দৃষ্টিগোচর হইল, ঘরে তৃতীয় ব্যক্তির আগমন হইয়াছে। নগেন্দ্র নতমুখে ঘর হইতে বাহির হইবার পথ অব্বেষণ করিতে লাগিল।

পরিচারিকা গম্ভীরস্বরে কহিল, বোঠাকরুণ, তোমাকে পিসিমা ডাকছেন! বিনোদা ছলছল চক্ষে নগেন্দ্রের প্রতি বিদ্রোহকটাক্ষ বর্ষণ করিয়া দাসীর সঙ্গে চলিয়া গেল।

পরিচারিকা যেটুকু দেখিয়াছিল তাহাকে হৃষ্ম এবং যাহা না দেখিয়াছিল তাহাকেই স্ত্রীদীর্ঘতর করিয়া বৈষ্ণবনাথের অন্তঃপুরে একটা ঝড় তুলিয়া দিল। বিনোদার কি দশা হইল সে কথা বর্ণনার অপেক্ষা কল্পনা সহজ। সে যে কতদূর নিরপরাধী কাহাকেও বুঝাইতে চেষ্টা করিল না—নতমুখে সমস্ত সহিয়া গেল।

বৈষ্ণবনাথ আপন ভাবী পিণ্ডদাতার আবির্ভাব সম্ভাবনা অত্যন্ত সংশয়াক্ষর জ্ঞান করিয়া বিনোদাকে কহিল, কলঙ্কিনী, তুই আমার ঘর হইতে দূর হইয়া যা!

কি হইয়াছে তাহা বলা শক্ত। এমন কি হ'য়েছে! বিশেষ তো কিছুই হয় নাই! অমল নিজের নূতন লেখা প্রথমে তাহাকে না শুনাইয়া মন্দাকে শুনাইয়াছে, এ কথা লইয়া ভূপতির কাছে কি নালিশ করিবে! শুনিবে কি ভূপতি হাসিবে না? এই তুচ্ছ ব্যাপারের মধ্যে গুরুতর নালিশের বিষয় যে কোনো খানে লুকাইয়া আছে তাহা খুঁজিয়া বাহির করা চারুর পক্ষে অসাধ্য। অকারণে সে যে কেন এত অধিক কষ্ট পাইতেছে ইহাই সম্পূর্ণ বুঝিতে না পারিয়া তাহার কষ্টের বেদনা আরও বাড়িয়া উঠিয়াছে।

ভূপতি। বল না, চারু, তোমার কি হ'য়েছে! আমি কি তোমার উপর কোনো অত্যাচার ক'রেছি? তুমি তো জানই, কাজের ঝগড়াটা নিয়ে আমি কি রকম ব্যতিব্যস্ত হ'য়ে আছি, যদি তোমার মনে কোনো আবাত দিবে থাকি সে আমি ইচ্ছে ক'রে দিইনি।

ভূপতি এমন বিষয়ে প্রশ্ন করিতেছে যাহার একটিও জবাব দিবার নাই, সেই জন্ত চারু ভিতরে ভিতরে অধীর হইয়া উঠিল, মনে হইতে লাগিল ভূপতি এখন তাহাকে নিষ্কৃতি দিয়া ছাড়িয়া গেলে সে বাঁচে।

ভূপতি দ্বিতীয়বার কোনো উত্তর না পাইয়া পুনর্ব্বার স্নেহসিক্ত স্বরে কহিল, “আমি সর্বদা তোমার কাছে আসতে পারিনে চারু, সে জন্তে আমি অপরাধী, কিন্তু আর হবে না! এখন থেকে দিনরাত কাগজ নিয়ে থাকব না।—আমাকে তুমি যতটা চাও ততটাই পাবে।”

চারু অধীর হইয়া বলিল—“সে জন্তে নয়।”

ভূপতি কহিল—“তবে কি জন্তে?”—বলিয়া খাটের উপর বসিল।

চারু বিরক্তির স্বর গোপন করিতে না পারিয়া কহিল—“সে এখন থাক, রাগে বলব।”

ভূপতি মুহূর্ত্তকাল স্তব্ধ থাকিয়া কহিল, “আচ্ছা এখন থাক!” বলিয়া আস্তে আস্তে উঠিয়া বাহিরে চলিয়া গেল। তাহার নিজের একটা কি কথা বলিবার ছিল, সে আর বলা হইল না!

ভূপতি যে একটা ক্ষোভ পাইয়া গেল চারুর কাছে তাহা অগোচর রহিল না। মনে হইল ফিরিয়া ডাকি। কিন্তু ডাকিয়া কি কথা বলিবে? অহুতাপে তাহাকে বিদ্ধ করিল, কিন্তু কোনো প্রতিকার সে খুঁজিয়া পাইল না।

রাত্রি হইল। চাকু আজ সবিশেষ যত্ন করিয়া ভূপতির রাত্রেয় আহার সাজাইল এবং নিজে পাখা হাতে করিয়া বসিয়া রহিল।

এমন সময় স্তনিতে পাইল মন্দা উঠেঃস্বরে ডাকিতেছে—ব্রজ, ব্রজ!—ব্রজ চাকর সাড়া দিলে জিজ্ঞাসা করিল—অমল বাবুর খাওয়া হ'য়েছে কি?—ব্রজ উত্তর করিল, “হ'য়েছে!” মন্দা কহিল, “খাওয়া হ'য়ে গেছে অথচ পান নিয়ে গেলিনে যে!”—মন্দা ব্রজকে অত্যন্ত তিরস্কার করিতে লাগিল।

এমন সময়ে ভূপতি অন্তঃপুরে আসিয়া আহারে বসিল,—চাকু পাখা করিতে লাগিল।

চাকু আজ প্রতিজ্ঞা করিয়াছিল, ভূপতির সঙ্গে প্রফুল্ল স্নিগ্ধভাবে নানা কথা কহিবে! কথাবার্তা আগে হইতে ‘ভাবিয়া’ প্রস্তুত হইয়া বসিয়াছিল। কিন্তু মন্দার কঠোর তাহার বিস্তৃত আয়োজন সমস্ত ভাঙিয়া দিল, আহার কালে ভূপতিকে সে একটি কথাও বলিতে পারিল না! ভূপতিও অত্যন্ত বিমর্ষ অত্মমনস্ক হইয়াছিল। সে ভালো করিয়া খাইল না, চাকু একবার কেবল জিজ্ঞাসা করিল, “কিছু খাচ্চ না যে!”

ভূপতি প্রতিবাদ করিয়া কহিল, “কেন? কম খাইনি তো!”

শয়ন-ঘরে উভয়ে একত্র হইলে ভূপতি কহিল, “আজ রাত্রে তুমি কি ব'ল্বে বলেছিলে!”

চাকু কহিল, “দেখ কিছু দিন থেকে মন্দার ব্যবহার আমার ভালো বোধ হ'চ্ছে না! ওকে এখানে রাখতে আমার আর সাহস হয় না!”

ভূপতি। কেন, কি ক'রেছে।

চাকু। অমলের সঙ্গে ও এমনি ভাবে চলে, যে, সে দেখলে লজ্জা হয়! ভূপতি হাসিয়া উঠিয়া কহিল, “হাঁ: তুমি পাগল হ'য়েছ! অমল ছেলে মানুষ, সেদিনকার ছেলে—”

চাকু। তুমি তো ঘরের খবর কিছুই রাখ না, কেবল বাইরের খবর কুড়িয়ে বেড়াও! যাই হোক্ বেচারী দাদার জন্তে আমি ভাবি! তিনি কখন খেলেন না খেলেন মন্দা তা'র কোনো খোঁজও রাখে না, অথচ অমলের পান থেকে চুপ খ'সে গেলেই চাকরবাকরদের সঙ্গে বকাবকি ক'রে অনর্থ করে।

ভূপতি। তোমরা মেয়েরা কিন্তু ভারি সন্দিক্ত তা ব'ল্বে হয়! চাকু

রাগিয়া বলিল, “আচ্ছা, বেশ, আমরা সন্নিহিত কিন্তু বাড়িতে আমি এ সমস্ত বেহায়াপনা হ’তে দেব’ না তা ব’লে রাখ’চি।”

চারুর এই সমস্ত অমূলক আশঙ্কায় ভূপতি মনে মনে হাসিল, খুসিও হইল। গৃহ যাহাতে পবিত্র থাকে, দাম্পত্যধর্ম্মে আনুমানিক কাল্পনিক কলঙ্কও লেশমাত্র স্পর্শ না করে এজন্ত সাধবী জ্বীদের যে অতিরিক্ত সতর্কতা, যে সন্দেহাকুল দৃষ্টিক্রোশ, তাহার মধ্যে একটি মাধুর্য্য এবং মহত্ত্ব আছে।

ভূপতি শ্রদ্ধায় এবং স্নেহে চারুর ললাট চুমন করিয়া কহিল, “এ নিয়ে আর কোনো গোল ক’র্ব্বার দরকার হবে না। উমাপদ ময়মনসিংহে প্র্যাক্টিস্ ক’র্ব্বতে যাচ্ছে, মন্দাকেও সঙ্গে নিয়ে যাবে।”

অবশেষে নিজের হুশিচিন্তা এবং এই সকল অপ্রীতিকর আলোচনা দূর করিয়া দিবার জন্ত ভূপতি টেবিল হইতে একটা খাতা তুলিয়া লইয়া কহিল—“তোমার লেখা আমাকে শোনাও না চারু!”

চারু খাতা কাড়িয়া লইয়া কহিল—“এ তোমার ভালো লাগ’বে না, তুমি ঠাট্টা ক’র্ব্ববে!”

ভূপতি এই কথায় কিছু ব্যথা পাইল—কিন্তু তাহা গোপন করিয়া হাসিয়া কহিল—“আচ্ছা, আমি ঠাট্টা ক’র্ব্ব না, এমনি স্থির হ’য়ে শুন’ব যে তোমার ভ্রম হবে আমি ঘুমিয়ে প’ড়েছি।”

কিন্তু ভূপতি আমল পাইল না—দেখিতে দেখিতে খাতাপত্র নানা আবরণ আচ্ছাদনের মধ্যে অন্তর্হিত হইয়া গেল।

নবম পরিচ্ছেদ

সকল কথা ভূপতি চারুকে বলিতে পারে নাই। উমাপদ ভূপতির কাগজ-খানির কক্ষাধ্যক্ষ ছিল। চাঁদা আদায়, ছাপাখানা ও বাজারের দেনা শোধ, চাকরদের বেতন দেওয়া এ সমস্তই উমাপদের উপর ভার ছিল।

ইতিমধ্যে হঠাৎ একদিন কাগজওয়ালার নিকট হইতে উকিলের চিঠি পাইয়া ভূপতি আশ্চর্য্য হইয়া গেল। ভূপতির নিকট হইতে তাহাদের ২৭০০ টাকা পাওনা জানাইয়াছে। ভূপতি উমাপদকে ডাকিয়া কহিল, “এ কি ব্যাপার?”

এ টাকা তো আমি তোমাকে দিয়েছি। কাগজের দেনা চার পাঁচ শোর বেশি তো হবার কথা নয়।”

উমাপদ কহিল, “নিশ্চয় এরা ভুল ক’রেছে।”

কিন্তু আর চাপা রহিল না। কিছুকাল হইতে উমাপদ এইরূপ ফাঁকি দিয়া আসিতেছে। কেবল কাগজস্বন্ধে নহে, ভূপতির নামে উমাপদ বাজারে অনেক দেনা করিয়াছে। গ্রামে সে যে একটি পাকা বাড়ি নিৰ্মাণ করিতেছে তাহার মালমসলার কতক ভূপতির নামে লিখাইয়াছে, অধিকাংশই কাগজের টাকা হইতে শোধ করিয়াছে।

যখন নিতান্তই ধরা পড়িল—তখন সে রুদ্ধ স্বরে কহিল—আমি তো আর নিরুদ্দেশ হচ্চিনি! কাজ ক’রে আমি ক্রমে ক্রমে শোধ দেব’—তোমার সিকি পয়সার দেনা যদি বাকি থাকে তবে আমার নাম উমাপদ নয়।”

তাহার নামের ব্যত্যয়ে ভূপতির কোনো সাস্থনা ছিল না। অর্থের ক্ষতিতে ভূপতি তত ক্ষুব্ধ হয় নাই, কিন্তু অকস্মাৎ এই বিশ্বাসঘাতকতায় সে যেন ঘর হইতে শূন্যের মধ্যে পা ফেলিল।

সেইদিন সে অকালে অন্তঃপুরে গিয়াছিল। পৃথিবীতে একটা যে নিশ্চয় বিশ্বাসের স্থান আছে সেইটে ক্ষণকালের জ্ঞাত অল্পভব করিয়া আসিতে তাহার হৃদয় ব্যাকুল হইয়াছিল। চারু তখন নিজের দুঃখে সন্ধ্যাদীপ নিবাইয়া জানালার কাছে অন্ধকারে বসিয়াছিল।

উমাপদ পর দিনেই ময়মনসিংহে ঘাইতে প্রস্তুত। বাজারের পাণ্ডনাদাররা খবর পাইবার পূর্বেই সে সরিয়া পড়িতে চায়। ভূপতি ঘণাপূর্বক উমাপদের সহিত কথা কহিল না—ভূপতির সেই মৌনাবস্থা উমাপদ সৌভাগ্য বলিয়া জ্ঞান করিল।

অমল আসিয়া জিজ্ঞাসা করিল, “মন্দাবৌঠান, এ কি ব্যাপার? জিমিষপত্র গোছাবার ধুম যে?”

মন্দা। আর ভাই, যেতে তো হবেই! চিরকাল কি থাকবে?

অমল। যাচ্চ কোথায়?

মন্দা। দেশে।

অমল। কেন? এখানে অশুবিধাটা কি হ’ল?

মন্না। অসুবিধে আমার কি বল? তোমাদের পাঁচজনের সঙ্গে ছিলুম সুখেই ছিলুম! কিন্তু অতের অসুবিধে হ'তে লাগল যে!—বলিয়া চাকর ঘরের দিকে কটাক্ষ করিল।

অমল গভীর হইয়া চুপ্ করিয়া রহিল। মন্না কহিল—“ছি ছি, কি লজ্জা! বাবু কি মনে ক'রলেন।”

অমল এ-কথা লইয়া আর অধিক আলোচনা করিল না! এটুকু স্থির করিল, চাকর তাহাদের সম্বন্ধে দাদার কাছে এমন কথা বলিয়াছে যাহা বলিবার নহে।

অমল বাড়ি হইতে বাহির হইয়া রাস্তায় বেড়াইতে লাগিল। তাহার ইচ্ছা হইল এ-বাড়িতে আর ফিরিয়া না আসে। দাদা যদি বৌঠানের কথায় বিশ্বাস করিয়া তাহাকে অপরাধী মনে করিয়া থাকেন, তবে মন্না যে পথে গিয়াছে তাহাকেও সেই পথে যাইতে হয়। মন্নাকে বিদায় এক হিসাবে অমলের প্রতিও নির্বাসনের আদেশ—সেটা কেবল মুখ ফুটিয়া বলা হয় নাই মাত্র। ইহার পরে কর্তব্য খুব সুস্পষ্ট—আর একদণ্ডও এখানে থাকা নয়! কিন্তু দাদা যে তাহার সম্বন্ধে কোনো প্রকার অত্যাচার ধারণা মনে মনে পোষণ করিয়া রাখিবেন সে হইতেই পারে না। এত দিন তিনি অক্ষুণ্ণ বিশ্বাসে তাহাকে ঘরে স্থান দিয়া পালন করিয়া আসিতেছেন, সে বিশ্বাসে যে অমল কোনো অংশে আঘাত দেয় নাই সে-কথা দাদাকে না বুঝাইয়া সে কেমন করিয়া যাইবে?

ভূপতি তখন আত্মীয়ের কৃতজ্ঞতা, পাওনাদারের তাড়না, উচ্ছৃঙ্খল হিসাবপত্র এবং শূন্ত তহবিল লইয়া মাথায় হাত দিয়া ভাবিতেছিল। তাহার এই গুঢ় মনোহুঃখের কেহ দোষার ছিল না—চিন্তবেদনা এবং স্বর্ণের সঙ্গে একলা দাঁড়াইয়া যুদ্ধ করিবার জন্য ভূপতি প্রস্তুত হইতেছিল।

এমন সময় অমল ঝড়ের মত ঘরের মধ্যে প্রবেশ করিল। ভূপতি নিজের অগাধ চিন্তার মধ্য হইতে হঠাৎ চমকিয়া উঠিয়া চাহিল। কহিল, “থবর কি অমল?”—অকস্মাৎ মনে হইল অমল বুঝি আর একটা কি গুরুতর ছুঃসংবাদ লইয়া আসিল।

অমল কহিল—“দাদা, আমার উপরে তোমার কি কোনো রকম সন্দেহের কারণ হ'য়েছে?”

ভূপতি আশ্চর্য্য হইয়া কহিল—“তোমার উপর সন্দেহ!” মনে মনে ভাবিল, সংসার যেকল্প দেখিতেছি তাহাতে কোনোদিন অমলকেও সন্দেহ করিব আশ্চর্য্য নাই!

অমল। বোঁঠান কি আমার চরিত্র-সম্বন্ধে তোমার কাছে কোনো রকম দোষারোপ ক’রেচেন?

ভূপতি ভাবিল—ওঃ এই ব্যাপার! বাঁচা গেল! স্নেহের অভিমান! সে মনে করিয়াছিল, সর্ব্বনাশের উপর বৃষ্টি আর একটা কিছু সর্ব্বনাশ ঘটয়াছে, কিন্তু গুরুতর সঙ্কটের সময়েও এই সকল তুচ্ছ বিষয়ে কর্ণপাত করিতে হয়! সংসার এদিকে সাঁকোও নাড়াইবে অথচ সেই সাঁকোর উপর দিয়া তাহার শাকের আঁটিগুলো পার করিয়া দিবার জন্ত তাগিদ করিতেও ছাড়িবে না।

অন্ত সময় হইলে ভূপতি অমলকে পরিহাস করিত, কিন্তু আজ তাহার সে প্রকৃষ্টতা ছিল না। সে বলিল, “পাগল হ’য়েছ নাকি?”

অমল আবার জিজ্ঞাসা করিল—“বোঁঠান কিছু বলেন নি?”

ভূপতি। তোমাকে ভালবাসেন ব’লে যদি কিছু ব’লে থাকেন তা’তে রাগ ক’রবার কোনো কারণ নেই।

অমল। কাজ কর্মের চেষ্ঠায় এখন আমার অত্নত্ব যাওয়া উচিত।

ভূপতি ধমক দিয়া কহিল—“অমল, তুমি কি ছেলেমানুষী ক’র’ছ তা’র ঠিক নেই। এখন পড়াশুনো কর কাজকর্ম পরে হবে।”

অমল বিমর্ষ মুখে চলিয়া আসিল, ভূপতি তাহার কাগজের গ্রাহকদের মূল্যপ্রাপ্তির তালিকার সহিত তিন বৎসরের জমা খরচের হিসাব মিলাইতে বসিয়া গেল।

দশম পরিচ্ছেদ

অমল স্থির করিল বোঠানের সঙ্গে মোকাবিলা করিতে হইবে, এ-কথাটার শেষ না করিয়া ছাড়া হইবে না। বোঠানকে যে সকল শক্ত শক্ত কথা শুনাইবে মনে মনে তাহা আবৃত্তি করিতে লাগিল।

মনা চলিয়া গেলে চারু সংকল্প করিল অমলকে সে নিজে হইতে ডাকিয়া পাঠাইয়া তাহার রোষ শান্তি করিবে। কিন্তু একটা লেখার উপলক্ষ করিয়া ডাকিতে হইবে। অমলেরই একটা লেখার অনুরোধ করিয়া “অমাবস্তার আলো” নামে সে একটা প্রবন্ধ ফাঁদিয়াছে। চারু এটুকু বুঝিয়াছে যে তাহার স্বাধীন ছাঁদের লেখা অমল পছন্দ করে না।

পূর্ণিমা তাহার সমস্ত আলোক প্রকাশ করিয়া ফেলে বলিয়া চারু তাহার নূতন রচনায় পূর্ণিমাকে অত্যন্ত ভৎসনা করিয়া লজ্জা দিতেছে! লিখিতেছে—অমাবস্তার অতলস্পর্শ অন্ধকারের মধ্যে ঘোলকলা চাঁদের সমস্ত আলোক স্তরে স্তরে আবদ্ধ হইয়া আছে, তাহার এক রাশিও হারাইয়া যায় নাই—তাই পূর্ণিমার উজ্জলতা অপেক্ষা অমাবস্তার কালিমা পরিপূর্ণতর—ইত্যাদি। অমল নিজের সকল লেখাই সকলের কাছে প্রকাশ করে এবং চারু তাহা করে না—পূর্ণিমা-অমাবস্তার তুলনার মধ্যে কি সেই কথাটার আভাস আছে?

এদিকে এই পরিবারের তৃতীয় ব্যক্তি ভূপতি কোনো আসন্ন ঋণের তাগিদ হইতে মুক্তিলাভের জন্ত তাহার পরম বন্ধু মতিলালের কাছে গিয়াছিল।

মতিলালকে সঙ্কটের সময় ভূপতি কয়েক হাজার টাকা ধার দিয়াছিল—সেদিন অত্যন্ত বিব্রত হইয়া সেই টাকাটা চাহিতে গিয়াছিল। মতিলাল স্নানের পর গা খুলিয়া পাখার হাওয়া লাগাইতেছিল এবং একটা কাঠের বাস্কর উপর কাগজ মেলিয়া অতি ছোট অক্ষরে সহস্র হুর্গা নাম লিখিতেছিল। ভূপতিকে দেখিয়া অত্যন্ত হৃদয়তার স্বরে কহিল, “এস এস—আজকাল তো তোমার দেখাই পাবার জো নেই।”

মতিলাল টাকার কথা শুনিয়া আকাশ পাতাল চিন্তা করিয়া কহিল, “কোন টাকার কথা বল্চ ? এর মধ্যে তোমার কাছ থেকে কিছু নিয়েছি নাকি ?”

ভূপতি সাল তারিখ স্মরণ করাইয়া দিলে মতিলাল কহিল, “ও সেটা তো অনেকদিন হ’ল তামাদি হ’য়ে গেছে !

ভূপতির চক্ষে তাহার চতুর্দিকের চেহার। সমস্ত যেন বদল হইয়া গেল। সংসারের যে অংশ হইতে মুখস খসিয়া পড়িল সেদিকটা দেখিয়া আতঙ্কে ভূপতির শরীর কণ্টকিত হইয়া উঠিল ! হঠাৎ বন্না আসিয়া পড়িলে ভীত ব্যক্তি যেখানে সকলের চেয়ে উচ্চচূড়া দেখে সেইখানে যেমন ছুটিয়া যায়, সংশয়াক্রান্ত বহিঃসংসার হইতে ভূপতি তেমনি বেগে অন্তঃপুরে প্রবেশ করিল, মনে মনে কহিল, আর যাই হোক্ চারু তো আমাকে বঞ্চনা করিবে না।

চারু তখন খাটে বসিয়া কোলের উপর বালিশ এবং বালিশের উপর খাতা রাখিয়া খুঁকিয়া পড়িয়া একমনে লিখিতেছিল। ভূপতি যখন নিতান্ত তাহার পাশে আসিয়া দাঁড়াইল তখন তাহার চেতনা হইল, তাড়াতাড়ি তাহার খাতাটা পায়ের নীচে চাপিয়া বসিল।

মনে যখন বেদনা থাকে তখন অল্প আঘাতেই গুরুতর ব্যথা বোধ হয়। চারু এমন অনাবশ্যক সত্বরতার সহিত তাহার লেখা গোপন করিল দেখিয়া ভূপতির মনে বাজিল।

ভূপতি ধীরে ধীরে খাটের উপর চারুর পাশে বসিল। চারু তাহার রচনা-স্রোতে অনপেক্ষিত বাধা পাইয়া এবং ভূপতির কাছে হঠাৎ খাতা লুকাইবার ব্যস্ততায় অপ্রতিভ হইয়া কোনো কথাই জোগাইয়া উঠিতে পারিল না !

সেদিন ভূপতির নিজের কিছু দিবার বা কহিবার ছিল না। সে রিক্তহস্তে চারুর নিকটে প্রার্থী হইয়া আসিয়াছিল। চারুর কাছ হইতে আশঙ্কাজনক ভাববাসার একটা কোনো প্রশ্ন একটা কিছু আদর পাইলেই তাহার ক্ষতঃক্ষণায় ঔষধ পড়িত। কিন্তু “হাদে লক্ষ্মী হৈল লক্ষ্মীছাড়া”, এক মুহূর্তের প্রয়োজনে প্রীতিভাণ্ডারের চাবি চারু যেন কোনোখানে খুঁজিয়া পাইল না ! উভয়ের সুকঠিন মৌনে ঘরের নীরবতা অত্যন্ত নিবিড় হইয়া আসিল।

খানিকক্ষণ নিতান্ত চুপ্‌চাপ্‌ থাকিয়া ভূপতি নিশ্বাস ফেলিয়া খাট ছাড়িয়া উঠিল এবং ধীরে ধীরে বাহিরে চলিয়া আসিল।

সেই সময় অমল বিস্তর শক্ত শক্ত কথা মনের মধ্যে বোঝাই করিয়া লইয়া চারুর ঘরে দ্রুতপদে আসিতেছিল, পথের মধ্যে অমল ভূপতির অত্যন্ত শুষ্ক বিবর্ণ মুখ দেখিয়া উদ্বিগ্ন হইয়া থামিল, জিজ্ঞাসা করিল, “দাদা, তোমার অন্তঃকরণে ক’রেছে?”

অমলের স্নিগ্ধস্বর শুনিবামাত্র হঠাৎ ভূপতির সমস্ত হৃদয় তাহার অশ্রুপ্লাবিত লইয়া বুকের মধ্যে যেন ফুলিয়া উঠিল। কিছুক্ষণ কোনো কথা বাহির হইল না। সবলে আত্মসম্বরণ করিয়া ভূপতি আদ্র স্বরে কহিল, “কিছু হয়নি—অমল! এবারে কাগজে তোমার কোনো লেখা বেরচে কি?”

অমল শক্ত শক্ত কথা যাহা সঞ্চয় করিয়াছিল তাহা কোথায় গেল? তাড়াতাড়ি চারুর ঘরে আসিয়া জিজ্ঞাসা করিল, “বোঠান, দাদার কি হ’য়েছে বল দেখি?”

চারু কহিল, “কই তা’তো কিছু বুঝতে পারলুম না। অল্প কাগজে বোধ হয় ওঁর কাগজকে গাল দিয়া থাকবে!”

অমল মাথা নাড়িল।

না ডাকিতেই অমল আসিল এবং সহজভাবে কথাবার্তা আরম্ভ করিয়া দিল দেখিয়া চারু অত্যন্ত আরাম পাইল! একেবারেই লেখার কথা পাড়িল—কহিল, “আজ আমি “অমাবস্তার আলো” ব’লে একটা লেখা লিখ্ছিলুম আর একটু হ’লেই তিনি সেটা দেখে’ ফেলেছিলেন।”

চারু নিশ্চয় স্থির করিয়াছিল, তাহার নূতন লেখাটা দেখিবার জন্ত অমল গীড়াগীড়ি করিবে। সেই অভিপ্রায়ে খাতা খানা একটু নাড়াচাড়াও করিল। কিন্তু অমল একবার তীব্রদৃষ্টিতে কিছুক্ষণ চারুর মুখের দিকে চাহিল—কি বুঝিল কি ভাবিল জানি না। চকিত হইয়া উঠিয়া পড়িল। পৰ্ব্বতপথে চলিতে চলিতে হঠাৎ এক সময়ে মেঘের কুয়াশা কাটিবামাত্র পথিক গেন চমকিয়া দেখিল সে সহস্র হস্ত গভীর গহ্বরের মধ্যে পা বাড়াইতে যাইতেছিল! অমল কোনো কথা না বলিয়া একেবারে ঘর হইতে বাহির হইয়া গেল।

চারু অমলের এই অভূতপূর্ব ব্যবহারের কোনো তাৎপর্য্য বুঝিতে পারিল না।

একাদশ পরিচ্ছেদ

পর দিন ভূপতি আবার অসময়ে শয়ন-ঘরে আসিয়া চারুকে ডাকাইয়া আনাইল। কহিল—“চারু, অমলের বেশ একটি ভালো বিবাহের প্রস্তাব এসেছে।”

চারু অগ্রমনস্ক ছিল। কহিল—“ভালো কি এসেছে?”

ভূপতি। বিয়ের সম্বন্ধ।

চারু। কেন, আমাকে কি পছন্দ হ’ল না?

ভূপতি উচ্চৈঃস্বরে হাসিয়া উঠিল। কহিল—“তোমাকে পছন্দ হ’ল কি না সে-কথা এখনো অমলকে জিজ্ঞাসা করা হয় নি! যদিই বা হ’য়ে থাকে আমার তো একটা ছোটখাটো দাবী আছে, সে আমি ফস্ ক’রে ছাড়্‌চিনে!”

চারু। আঃ কি ব’ক্চ তার ঠিক নেই! তুমি যে ব’ল্লে তোমার বিয়ের সম্বন্ধ এসেছে।—চারুর মুখ লাল হইয়া উঠিল।

ভূপতি। তা’হলে কি ছুটে তোমাকে খবর দিতে আস্তুম্? বক্শিশ পাবার তো আশা ছিল না!

চারু। অমলের সম্বন্ধ এসেছে? বেশ তো। তা হ’লে আর দেরি কেন?

ভূপতি। বর্দ্ধমানের উকিল রঘুনাথ বাবু তাঁর মেয়ের সঙ্গে বিবাহ দিয়া অমলকে বিলেত পাঠাতে চান।

চারু বিস্মিত হইয়া জিজ্ঞাসা করিল—বিলেত?

ভূপতি। হাঁ বিলেত!

চারু। অমল বিলেত যাবে? বেশ মজা তো? বেশ হ’য়েছে, ভালোই হ’য়েছে। তা তুমি তাকে একবার ব’লে দেখ।

ভূপতি। আমি ব’লবার আগে তুমি তাকে একবার ডেকে বুঝিয়ে বল্লে ভালো হয় না?

চারু। আমি তো তিন হাজার বার ব’লেছি। সে আমার কথা রাখে না। আমি তাকে ব’লতে পারব না।

ভূপতি। তোমার কি মনে হয় সে ক’রবে না?

চারু। আরো তো অনেকবার চেষ্টা দেখা গেছে, কোনো মতে তো রাজি হয় নি।

ভূপতি। কিন্তু এবারকার এ প্রস্তাবটা তার পক্ষে ছাড়া উচিত হবে না। আমার অনেক দেনা হ'য়ে গেছে, অমলকে আমি তো আর সে রকম ক'রে আশ্রয় দিতে পারব না।

ভূপতি অমলকে ডাকিয়া পাঠাইল। অমল আসিলে তাহাকে বলিল, “বন্ধমানের উকিল রঘুনাথ বাবুর মেয়ের সঙ্গে তোমার বিয়ের প্রস্তাব এসেছে। তাঁর ইচ্ছে বিবাহ দিয়ে তোমাকে বিলেত পাঠিয়ে দেবেন। তোমার কি মত?”

অমল কহিল—“তোমার যদি অনুমতি থাকে আমার এতে কোনো অমত নেই।”

অমলের কথা শুনিয়া উভয়ে আশ্চর্য্য হইয়া গেল। সে যে বলিবামাত্রই রাজি হইবে এ কেহ মনে করে নাই।

চারু তীব্রস্বরে ঠাট্টা করিয়া কহিল—“দাদার অনুমতি থাক্লেই উনি মত দেবেন! কি আমার কথার বাধ্য ছোট ভাই। দাদার পরে ভক্তি এতদিন কোথায় ছিল ঠাকুরপো?”

অমল উত্তর না দিয়া একটুখানি হাসিবার চেষ্টা কবিল।

অমলের নিরুত্তরে চারু যেন তাহাকে চেতাইয়া তুলিবার জ্ঞান হৃদয়গতর স্বাজের সঙ্গে বলিল—“তার চেয়ে বল না কেন, নিজের ইচ্ছে গেছে! এতদিন ভাগ ক'রে থাক্‌বার কি দরকার ছিল যে বিয়ে ক'রতে চাও না? পেটে ক্ষিদে মুখে লাজ!”

ভূপতি উপহাস করিয়া কহিল—“অমল তোমার খাতিরেই এতদিন ক্ষিদে চেপে রেখেছিল—পাছে ভাজের কথা শুন তোমার হিংসে হয়!”

চারু এই কথায় লাল হইয়া উঠিয়া কোলাহল করিয়া বলিতে লাগিল—হিংসে! তা বই কি! কথ'খনো আমার হিংসে হয় না। ওরকম ক'রে বলা তোমার ভারি অজ্ঞান।”

ভূপতি। ঐ দেখ। নিজের জীকে ঠাট্টাও ক'রতে পারব না।

চারু। না, ওরকম ঠাট্টা আমার ভালো লাগে না!

ভূপতি। আচ্ছা গুরুতর অপরাধ ক'রেছি। মাপ কর! যা হোক বিশ্বের প্রত্যাব তাহ'লে স্থির ?

অমল কহিল—হাঁ!

চারু। মেয়েটি ভালো কি মন্দ তাও বুঝি একবার দেখতে যাবারও তর সইল না! তোমার যে এমন দশা হ'য়ে এসেছে তা তো একটু আভাসেও প্রকাশ কর নি।

ভূপতি। অমল, মেয়ে দেখতে চাও তো তার বন্দোবস্ত করি। খবর নিয়েছি মেয়েটি সুন্দরী।

অমল। না, দেখবার দরকার দেখিনে!

চারু। ওর কথা শোন কেন! সে কি হয়? ক'নে না দেখে বিয়ে হবে? ও না দেখতে চায় আমরা তো দেখে নেব!

অমল। না দাদা ঐ নিয়ে মিথ্যে দেরি ক'রবার দরকার দেখি নে।

চারু। কাজ নেই বাপু—দেরি হ'লে বুক ফেটে যাবে! তুমি টোপের মাথায় দিবে এখনি বেরিয়ে পড়! কি জানি, তোমার সাত রাজার ধন মাণিকটিকে যদি আর কেউ কেড়ে নিয়ে যায়!

অমলকে চারু কোন ঠাট্টাতেই কিছুমাত্র বিচলিত করিতে পারিল না।

চারু। বিলেত পালাবার জন্তে তোমার মনটা বুঝি দৌড়ছে? কেন, এখানে আমরা তোমাকে মারুছিলুম না ধরুছিলুম? হ্যাটকোট প'রে সাহেব না সাজলে এখনকার ছেলেদের মন ওঠে না! ঠাকুরপো, বিলেত থেকে ফিরে এসে আমাদের মত কালা আদমিদের চিন্তে পারবে তো?

অমল কহিল—“তাহ'লে আর বিলেত যাওয়া কি ক'রতে?”

ভূপতি হাসিয়া কহিল—“কালোরূপ ভোলবার জন্তেই তো সাত সমুদ্র পেরনো! তা ভয় কি চারু, আমরা রইলুম, কালোর ভক্তের অভাব হবে না।”

ভূপতি খুসি হইয়া তখনি বর্জ্যমানে চিঠি লিখিয়া পাঠাইল। বিবাহের দিন স্থির হইয়া গেল।

ছাদশ পরিচ্ছেদ

ইতিমধ্যে কাগজখানি তুলিয়া দিতে হইল। ভূপতি খরচ আর জোগাইয়া উঠিতে পারিল না। লোকসাধারণ নামক একটা বিপুল নির্মল পদার্থের যে সাধনায় ভূপতি দীর্ঘকাল দিন রাত্রি একান্ত মনে নিমুক্ত ছিল সেটা একমুহুর্তে বিসর্জন দিতে হইল। ভূপতির জীবনের সমস্ত চেষ্টা যে অভ্যস্ত পথে গত বারো বৎসর অবিরুদ্ধে চলিয়া আসিতেছে সেটা হঠাৎ একজায়গায় যেন জলের মাঝখানে আসিয়া পড়িল। ইহার জন্য ভূপতি কিছুমাত্র প্রস্তুত ছিল না। অকস্মাৎ বাধা-প্রাপ্ত তাহার এতদিনকার সমস্ত উদ্যমকে সে কোথায় ফিরাইয়া লইয়া যাইবে? তাহারা যেন উপবাসী অনাথা শিশুসন্তানদের মত ভূপতির মুখের দিকে চাহিল, ভূপতি তাহাদিগকে আপন অন্তঃপুরে করুণাময়ী শুক্রমা-পরায়ণা নারীর কাছে আনিয়া দাঁড় করাইল।

নারী তখন কি ভাবিতেছিল? সে মনে মনে বলিতেছিল—একি আশ্চর্য্য! অমলের বিবাহ হইবে সে তো খুব ভালোই! কিন্তু এককাল পরে আমাদের ছাড়িয়া পরের ঘরে বিবাহ করিয়া বিলাত চলিয়া যাইবে, ইহাতে তাহার মনে একবারো একটুখানির জ্ঞা দ্বিধাও জন্মিল না? এতদিন ধরিয়া তাহাকে যে আমরা এত যত্ন করিয়া রাখিলাম, আর যেমনি বিদায় লইবার একটুখানি ফাঁক পাইল অমনি কোমর বাধিয়া প্রস্তুত হইল, যেন এতদিন স্বেচ্ছায় অপেক্ষা করিতেছিল! অথচ মুখে কতই মিষ্ট, কতই ভালবাসা! মামুষকে চিনিবার জো নাই! কে জানিত যে লোক এত লিখিতে পারে তাহার হৃদয় কিছুমাত্র নাই!

নিজের হৃদয়-প্রাচুর্য্যের সহিত তুলনা করিয়া চারু অমলের শূন্য হৃদয়কে অত্যন্ত অবজ্ঞা করিতে অনেক চেষ্টা করিল, কিন্তু পারিল না। ভিতরে ভিতরে নিয়ত একটা বেদনার উদ্বেগ তপ্ত শূলের মত তাহার অভিমানকে ঠেলিয়া ঠেলিয়া তুলিতে লাগিল।

অমল আজ বাদে কাল চলিয়া যাইবে, তবু এ কম দিন তাহার দেখা নাই। আমাদের মধ্যে যে পরস্পর একটা মনান্তর হইয়াছে সেটা মিটাইয়া

লইবার আর অবসরও হইল না। চাকর প্রতিক্ষণে মনে করে অমল আপনি আসিবে—তাহাদের এতদিনকার খেলা-ধুলা এমন করিয়া ভাঙিবে না, কিন্তু অমল আর আসেই না! অবশেষে যখন যাত্রার দিন অত্যন্ত নিকটবর্তী হইয়া আসিল, তখন চাকর নিজেই অমলকে ডাকিয়া পাঠাইল।

অমল বলিল—“আর একটু পরে যাচ্ছি।” চাকর তাহাদের সেই বারান্দার চৌকিটাতে গিয়া বসিল। সকাল বেলা হইতে ঘন মেঘ করিয়া গুমুট হইয়া আছে—চাকর তাহার খোলা চুল এলো করিয়া মাথায় জড়াইয়া একটা হাতপাখা লইয়া ক্লান্ত দেহে অল্প অল্প বাতাস করিতে লাগিল।

অত্যন্ত দেরি হইল। ক্রমে তাহার হাতপাখা আর চলিল না। রাগ, ক্রোধ, অধৈর্য্য তাহার বুকের ভিতরে ফুটিয়া উঠিল। মনে মনে বলিল—“নাই আসিল অমল, তাতেই বা কি!”—কিন্তু তবু পদশব্দ মাঝেই তাহার মন দ্বারের দিকে ছুটিয়া যাইতে লাগিল!

দূর গির্জায় এগারোটা বাজিয়া গেল। স্নানান্তে এখনি ভূপতি খাইতে আসিবে! এখনো আধ ঘণ্টা সময় আছে, এখনো অমল যদি আসে! যেমন করিয়া হোক তাহাদের কয়দিনকার নীরব ঝগড়া আজ মিটাইয়া ফেলিতেই হইবে—অমলকে এমন ভাবে বিদায় দেওয়া যাইতে পারে না! এই সমবয়সী দেওর-ভাজের মধ্যে যে চিরন্তন মধুর সম্বন্ধটুকু আছে—অনেক ভাব আড়ি, অনেক স্নেহের দোরাণ্ডা, অনেক বিশ্রব্দ সুখালোচনায় বিজড়িত একটি চিরছায়াময় লতাবিতান—অমল সে কি আজ ধুলায় লুটাইয়া দিয়া বহু দিনের জন্ত বহুদূরে চলিয়া যাইবে? একটু পরিতাপ হইবে না? তাহার তলে কি শেষ জলও সিঞ্চন করিয়া যাইবে না,—তাহাদের অনেক দিনের দেওর-ভাজ সম্বন্ধের শেষ অশ্রুজল!

আধঘণ্টা প্রায় অতীত হয়। এলো খোঁপা খুলিয়া খানিকটা চুলের গুচ্ছ চাকর দ্রুতবেগে আঙুলে জড়াইতে এবং খুলিতে লাগিল। অশ্রু সম্বরণ করা আর যায় না! চাকর আসিয়া কহিল—“মাঠাকরুন, বাবুর জন্তে ডাব বের ক’রে দিতে হবে।”

চাকর আঁচল হইতে ভাঁড়ারের চাবি খুলিয়া ঝন্ করিয়া চাকরের পায়ের কাছে ফেলিয়া দিল—সে আশ্চর্য্য হইয়া চাবি লইয়া চলিয়া গেল।

চারুর বৃকের কাছ হইতে কি একটা ঠেলিয়া কঠের কাছে উঠিয়া আসিতে লাগিল।

যথাসময়ে ভূপাত সহাস্ত মুখে খাইতে আসিল। চারু পাখাহাতে আহাৰ-স্থানে উপস্থিত হইয়া দেখিল, অমল ভূপতির সঙ্গে আসিয়াছে। চারু তাহার মুখের দিকে চাহিল না।

অমল জিজ্ঞাসা করিল—“বৌঠান, আমাকে ডাক্চ ?”

চারু কহিল—“না, এখন আর দরকার নেই।”

অমল। তা হ'লে আমি যাই, আমার আবার অনেক গোছাবার আছে।

চারু তখন দীপ্তচক্ষে একবার অমলের মুখের দিকে চাহিল—কহিল, “যাও।”

অমল চারুর মুখের দিকে একবার চাহিয়া চলিয়া গেল।

আহারান্তে ভূপতি কিছুক্ষণ চারুর কাছে বসিয়া থাকে। আজ দেনাপাওনা হিসাবপত্রের হাঙ্গামে ভূপতি অত্যন্ত ব্যস্ত,—তাই আজ অন্তঃপুরে বেশিক্ষণ থাকিতে পারিবে না বলিয়া কিছু ক্ষুণ্ণ হইয়া কহিল,—“আজ আর আমি বেশিক্ষণ ব'সতে পার্চিনে—আজ অনেক ঝঞ্জাট।”

চারু বলিল, “তা যাও না।”

ভূপতি ভাবিল চারু অভিমান করিল। বলিল, “তাই ব'লে যে এখনি যেতে হবে তা নয়—একটু জিরিয়ে যেতে হবে।”—বলিয়া বসিল। দেখিল চারু বিমর্ষ হইয়া আছে। ভূপতি অমৃতপ্ত চিত্তে অনেকক্ষণ বসিয়া রহিল কিন্তু কোনোমতেই কথা জমাইতে পারিল না। অনেকক্ষণ কথোপকথনের বৃথা চেষ্টা করিয়া ভূপতি কহিল—“অমল তো কাল চ'লে যাচ্ছে, কিছুদিন তোমার বোধ হয় খুব একলা বোধ হবে।”

চারু তাহার কোনো উত্তর না দিয়া যেন কি একটা আনিতে চট্ করিয়া অস্ত্র ঘরে চলিয়া গেল। ভূপতি কিছুক্ষণ অপেক্ষা করিয়া বাহিরে প্রস্থান করিল।

চারু আজ অমলের মুখের দিকে চাহিয়া লক্ষ্য করিয়াছিল অমল এই কয়দিনেই অত্যন্ত রোগা হইয়া গেছে—তাহার মুখে তরুণতার সেই স্পৃষ্ট একেবারেই নাই। ইহাতে চারু সুখও পাইল বেদনাও বোধ করিল। আসন্ন বিচ্ছেদই যে অমলকে ক্লিষ্ট করিতেছে চারুর তাহাতে সন্দেহ রহিল না—কিন্তু

তবু অমলের এমন ব্যবহার কেন? কেন সে দূরে দূরে পালাইয়া বেড়াইতেছে? বিদায়কালকে কেন সে ইচ্ছাপূর্বক এমন বিরোধিতা করিয়া তুলিতেছে?

বিছানার শুইয়া ভাবিতে ভাবিতে সে হঠাৎ চমকিয়া উঠিয়া বসিল। হঠাৎ মন্দার কথা মনে পড়িল। যদি এমন হয়, অমল মন্দাকে ভালবাসে। মন্দা চলিয়া গেছে বলিয়াই যদি অমল এমন করিয়া—ছি! অমলের মন কি এমন হইবে? এত ক্ষুদ্র? এমন কলুষিত? বিবাহিত রমণীর প্রতি তাহার মন যাইবে? অসম্ভব! সন্দেহকে একান্ত চেষ্টায় দূর করিয়া দিতে চাহিল কিন্তু সন্দেহ তাহাকে সবলে দংশন করিয়া রহিল।

এমনি করিয়া বিদায়কাল আসিল—মেঘ পরিষ্কার হইল না! অমল আসিয়া কম্পিতকণ্ঠে কহিল—“বৌঠান, আমার যাবার সময় হ’য়েছে। তুমি এখন থেকে দাদাকে দেখো! তাঁর বড় স্কটের অবস্থা—তুমি ছাড়া তাঁর আর সাহাবার কোনো পথ নেই।”

অমল ভূপতির বিবর্ণ ম্লান ভাব দেখিয়া সন্ধান দ্বারা তাহার হৃগতির কথা জানিতে পারিয়াছিল। ভূপতি যে কিরূপ নিঃশব্দে আপন দুঃখ হৃদস্রাব সহিত একলা লড়াই করিতেছে, কাহারো কাছে সাহায্য বা সাহাবা পায় নাই, অথচ আপন আশ্রিত পালিত আত্মীয় স্বজনদিগকে এই প্রলয়-সঙ্কটে বিচলিত হইতে দেয় নাই ইহা সে চিন্তা করিয়া চুপ্ করিয়া রহিল। তারপরে সে চারুর কথা ভাবিল, নিজের কথা ভাবিল—কর্ণমূল লোহিত হইয়া উঠিল—সবেগে বলিল, “চুলোয় যাক্ আষাঢ়ের চাঁদ আর অমাবস্তার আলো! আমি ব্যারিষ্টার হ’য়ে এসে দাদাকে যদি সাহায্য কর্তে পারি তবেই আমি পুরুষ মানুষ।”

গত রাত্রি সমস্ত রাত জাগিয়া চারু ভাবিয়া রাখিয়াছিল অমলকে বিদায়-কালে কি কথা বলিবে,—সহাস্ত অভিমান এবং প্রকৃত ওদাসীত্বের দ্বারা মাজিয়া মাজিয়া সেই কথাগুলিকে সে মনে মনে উজ্জ্বল ও শাণিত করিয়া তুলিয়াছিল। কিন্তু বিদায় দিবসের সময় চারুর মুখে কোনো কথাই বাহির হইল না। সে কেবল বলিল—“চিঠি লিখবে তো অমল?”

অমল ভূমিতে মাথা রাখিয়া প্রণাম করিল—চারু ছুটিয়া শয়নঘরে গিয়া দ্বার বন্ধ করিয়া দিল।

ত্রয়োদশ পরিচ্ছেদ

ভূপতি বর্দ্ধমানে গিয়া অমলের বিবাহ অন্তে তাহাকে বিলাতে রওনা করিয়া ঘরে ফিরিয়া আসিল।

নানা দিক্ হইতে ঘা খাইয়া বিশ্বাসপরায়েণ ভূপতির মনে বহিঃসংসারের প্রতি একটা বৈরাগ্যের ভাব আসিয়াছিল। সভাসমিতি মেলা-মেশা কিছুই তাহার ভালো লাগিত না। মনে হইল এই সব লইয়া আমি কেবল নিজেকেই ফাঁকি দিলাম—জীবনের সুখের দিন বুঝা বহিয়া গেল এবং সারভাগ আবর্জনারূপে ফেলিলাম।

ভূপতি মনে মনে কহিল—যাক্, কাগজটা গেল, ভালোই হইল! মুক্তিলাভ করিলাম। সন্ধ্যাব সময় আঁধারের সূত্রপাত দেখিলেই পাখী যেমন করিয়া নৌড়ে ফিরিয়া আসে, ভূপতি সেইরূপ তাহার দীর্ঘদিনের সংকরণক্ষেত্র পরিত্যাগ করিয়া অন্তঃপুরে চাকুর কাছে চলিয়া আসিল। মনে মনে স্থির করিল, বাস, এখন আর কোথাও নয়—এই খানেই আমার স্থিতি। যে কাগজের জাহাজটা লইয়া সমস্ত দিন থেলা করিতাম, সেটা ডুবিল, এখন ঘরে চলি।

বোধ করি ভূপতির একটা সাধারণ সংস্কার ছিল স্ত্রীর উপর অধিকার কাহাকেও অর্জন করিতে হয় না, স্ত্রী প্রবর্তার মত নিজের আলো নিজেই জ্বালাইয়া রাখে,—হাওয়ায় নেবে না, তেলের অপেক্ষা রাখে না। বাহিরে যখন ভাঙ্গচুর আরম্ভ হইল তখন অন্তঃপুরে কোনো খিলানে ফাটল ধরিয়াছে কিনা তাহা একবার পরখ করিয়া দেখার কথাও ভূপতির মনে স্থান পায় নাই।

ভূপতি সন্ধ্যার সময় বর্দ্ধমান হইতে বাড়ি ফিরিয়া আসিল। তাড়াতাড়ি মুখ হাত ধুইয়া সকাল সকাল খাইল। অমলের বিবাহ ও বিলাত যাত্রার আত্মোপাস্ত বিবরণ শুনিবার জন্ত স্বভাবতই চাক্ একান্ত উৎসুক হইয়া আছে স্থির করিয়া ভূপতি আজ কিছুমাত্র বিলম্ব করিল না। ভূপতি শোবার ঘরে বিছানায় গিয়া শুইয়া শুড়ুশুড়ির দীর্ঘ নল টানিতে লাগিল। চাক্ এখনো অনুপস্থিত, বোধ করি গৃহকার্য্য করিতেছে। তামাক পুড়িয়া শ্রান্ত ভূপতির ঘুম আসিতে লাগিল। ক্ষণে ক্ষণে ঘুমের ঘোর ভাঙিয়া চম্কিয়া জাগিয়া

উঠিয়া সে ভাবিতে লাগিল এখনো চারু আসিতেছে না কেন? অবশেষে ভূপতি থাকিতে না পরিয়া চারুকে ডাকিয়া পাঠাইল। ভূপতি জিজ্ঞাসা করিল, “চারু, আজ যে এত দেরি ক’রুলে?”

চারু তাহার জবাবদিহী না করিয়া কহিল, “হাঁ, আজ দেরি হ’য়ে গেল।”

চারুর আগ্রহপূর্ণ প্রশ্নের জন্ত ভূপতি অপেক্ষা করিয়া রহিল; চারু কোনো প্রশ্ন করিল না। ইহাতে ভূপতি কিছু ক্ষুব্ধ হইল। তবে কি চারু অমলকে ভালোবাসে না? অমল যতদিন উপস্থিত ছিল ততদিন চারু তাহাকে লইয়া আমোদ আহ্লাদ করিল, আর যেই চলিয়া গেল অমনি তাহার সন্ধক্ষে উদাসীন! এইরূপ বিসদৃশ ব্যবহারে ভূপতির মনে খটকা লাগিল, সে ভাবিতে লাগিল— তবে কি চারুর হৃদয়ের গভীরতা নাই? কেবল সে আমোদ করিতেই জানে, ভালোবাসিতে পারে না? মেয়ে মানুষের পক্ষে এরূপ নিরাসক্তভাব তো ভালো নয়!

চারু ও অমলের সখিত্বে ভূপতি আনন্দ বোধ করিত। এই দুই জনের ছেলেমানুষী আড়ি ও ভাব, খেলা ও মজ্জা তাহার কাছে সুমিষ্ট কোতুকাবহ ছিল; অমলকে চারু সর্বদা যে যত্ন আদর করিত তাহাতে চারুর সুকোমল হৃদয়ালুতার পরিচয় পাইয়া ভূপতি মনে মনে খুসি হইত। আজ আশ্চর্য্য হইয়া ভাবিতে লাগিল, সে সমস্তই কি ভাসা-ভাসা, হৃদয়ের মধ্যে তাহার কোনো ভিত্তি ছিল না? ভূপতি ভাবিল, চারুর হৃদয় যদি না থাকে তবে কোথায় ভূপতি আশ্রয় পাইবে

অল্লে অল্লে পরীক্ষা করিবার জন্ত ভূপতি কথা পাড়িল, চাক তুমি ভালো ছিলে তো? তোমার শরীর খারাপ নেই?

চারু সংক্ষেপে উত্তর করিল, ভালোই আছি।

ভূপতি। অমলের তো বিয়ে চুকে গেল।

এই বলিয়া ভূপতি চুপ্ করিল। চারু তৎকালোচিত একটা কোনো সঙ্গত কথা বলিতে অনেক চেষ্টা করিল—কোনো কথাই বাহির হইল না—সে আড়ষ্ট হইয়া রহিল।

ভূপতি স্বভাবতই কখনো কিছু লক্ষ্য করিয়া দেখে না—কিন্তু অমলের বিদায়শোক তাহার নিজের মনে লাগিয়া আছে বলিয়াই চারুর উদাসীনতা তাহাকে

আঘাত করিল। তাহার ইচ্ছা ছিল সমবেদনায় ব্যথিত চারুর সঙ্গে অমলের কথা আলোচনা করিয়া সে হৃদয়ভার লাঘব করিবে।

ভূপতি। মেয়েটিকে দেখতে বেশ। চারু যুগ্ম ?

চারু কহিল—“না।”

ভূপতি। বেচারী অমল একলা চ’লে গেল। যখন তাকে গাড়িতে উঠিয়ে দিলুম, সে ছেলেমানুষের মত কাঁদতে লাগল—দেখে এই বুড়ো বয়সে আমি আর চোখের জল রাখতে পারলুম না। গাড়িতে দু’জন সাহেব ছিল, পুরুষমানুষের কান্না দেখে তাদের ভারি আমোদ বোধ হ’ল।

নির্ব্যাগদীপ শয়নঘরে বিছানার অন্ধকারের মধ্যে চারু প্রথমে পাশ ফিরিয়া শুইল, তাহার পর হঠাৎ তাড়াতাড়ি বিছানা ছাড়িয়া চলিয়া গেল। ভূপতি চকিত হইয়া জিজ্ঞাসা করিল, “চারু, অস্থখ ক’রেছে?”

কোনো উত্তর না পাইয়া সে-ও উঠিল। পাশের বারান্দা হইতে চাপা কান্নার শব্দ শুনিতে পাইয়া দ্রুতপদে গিয়া দেখিল—চারু মাটিতে পড়িয়া উপুড় হইয়া কান্না রোধ করিবার চেষ্টা করিতেছে।

এরূপ হ্রস্ব শোকোচ্ছ্বাস দেখিয়া ভূপতি আশ্চর্য্য হইয়া গেল। ভাবিল, চারুকে কি ভুল বুঝিয়াছিলাম! চারুর স্বভাব এতই চাপা যে, আমার কাছেও হৃদয়ের কোনো বেদনা প্রকাশ করিতে চাহে না। যাহাদের প্রকৃতি এইরূপ তাহাদের ভালোবাসা সুগভীর এবং তাহাদের বেদনাও অত্যন্ত বেশি। চারুর প্রেম সাধারণ স্ত্রীলোকদের ত্রায় বাহির হইতে তেমন পরিদৃশ্যমান নহে ভূপতি তাহা মনে মনে ঠাহর করিয়া দেখিল। ভূপতি চারুর ভালবাসার উচ্ছ্বাস কখনো দেখে নাই, আজ বিশেষ করিয়া বুঝিল তাহার কারণ অন্তরের দিকেই চারুর ভালোবাসার গোপন প্রসারতা। ভূপতি নিজেও বাহিরে প্রকাশ করিতে অপটু; চারুর প্রকৃতিতেও হৃদয়াবেগের সুগভীর অন্তঃশীলতার পরিচয় পাইয়া সে একটা তৃপ্তি অনুভব করিল।

ভূপতি তখন চারুর পাশে বসিয়া কোনো কথা না বলিয়া ধীরে ধীরে তাহার গায়ে হাত বুলাইয়া দিতে লাগিল। কি করিয়া সাস্থনা করিতে হয় ভূপতির তাহা জানা ছিল না—ইহা সে বুঝিল না। শোককে যখন কেহ অন্ধকারে কণ্ঠ চাপিয়া হত্যা করিতে চাহে তখন সাক্ষী বসিয়া থাকিলে ভালো লাগে না।

চতুর্দশ পরিচ্ছেদ

ভূপতি যখন তাহার খবরের কাগজ হইতে অবসর লইল তখন নিজের ভবিষ্যতের একটা ছবি নিজের মনের মধ্যে আঁকিয়া লইয়াছিল। প্রতিজ্ঞা করিয়াছিল কোনো প্রকার দুরাশা দৃশ্যেচ্যায় যাইবে না, চারুককে লইয়া পড়াশুনা, ভালোবাসা, এবং প্রতিদিনের ছোটখাটো গার্হস্থ্য কর্তব্য পালন করিয়া চলিবে। মনে করিয়াছিল, যে সকল ঘোরো সুখ সব চেয়ে সুলভ অথচ সুন্দর, সর্বদাই নাড়াচাড়ার যোগ্য অথচ পবিত্র নির্মল, সেই সহজলভ্য সুখগুলির দ্বারা তাহার জীবনের গৃহকোণটিতে সন্ধ্যা জ্বালাইয়া নিভৃত শান্তির অবতারণা করিবে। হাসি গল্প পরিহাস, পরস্পরের মনোরঞ্জনের জন্য প্রত্যাহ ছোটখাটো আয়োজন, ইহাতে অধিক চেষ্টা আবশ্যক হয় না অথচ সুখ অপরিপূর্ণ হইয়া উঠে।

কার্য্যকালে দেখিল সহজ সুখ সহজ নহে। যাহা মূল্য দিয়া কিনিতে হয় না তাহা যদি আপনি হাতের কাছে না পাওয়া যায় তবে আর কোনোমতেই কোথাও খুঁজিয়া পাইবার উপায় থাকে না।

ভূপতি কোনোমতেই চারুর সঙ্গে বেশ করিয়া জমাইয়া লইতে পারিল না। ইহাতে সে নিজেকেই দোষ দিল। ভাবিল বারো বৎসর কেবল খবরের কাগজ লিখিয়া, জীবন সঙ্গে কি করিয়া গল্প করিতে হয় সে বিজ্ঞা একেবারে খোয়াইয়াছি। সন্ধ্যাদীপ জ্বালিতেই ভূপতি আগ্রহের সহিত ঘরে যায়,—সে দুই একটা কথা বলে, চারু দুই একটা কথা বলে, তার পরে কি বলিবে, ভূপতি কোনোমতেই ভাবিয়া পায় না। নিজের এই অক্ষমতায় জীবন কাছে সে লজ্জা বোধ করিতে থাকে। জীবকে লইয়া গল্প করা সে এতই সহজ মনে করিয়াছিল অথচ মূর্খের নিকট ইহা এতই শক্ত! সভাস্থলে বক্তৃতা করা ইহার চেয়ে সহজ।

যে সন্ধ্যাবেলাকে ভূপতি হাত্রে কোতুকে প্রণয়ে আদরে রমণীয় করিয়া তুলিবে কল্পনা করিয়াছিল, সেই সন্ধ্যাবেলা কাটানো তাহাদেব পক্ষে সমস্তার স্বরূপ হইয়া উঠিল। কিছুক্ষণ চেষ্টাপূর্ণ মৌনের পর ভূপতি মনে করে উঠিয়া যাই—কিন্তু উঠিয়া গেলে চারু কি মনে করিবে এই ভাবিয়া উঠিতেও পারে না। বলে, “চারু তাস খেলবে?” চারু অল্প কোনো গতি না দেখিয়া বলে, “আচ্ছা!” বলিয়া

অনিচ্ছাক্রমে তাস পাড়িয়া আনে, নিতান্ত ভুল করিয়া অনায়াসেই হারিয়া যায়—
সে খেলায় কোনো সুখ থাকে না !

ভূপতি অনেক ভাবিয়া একদিন চারুকে জিজ্ঞাসা করিল—“চারু মন্দাকে
আনিয়ে নিলে হয় না ? তুমি নিতান্ত একলা পড়েচ ।”

চারু মন্দার নাম শুনিয়াই জলিয়া উঠিল । বলিল—“না, মন্দাকে আমার
দরকার নেই !”

ভূপতি হাসিল । মনে মনে খুসি হইল । সাধুসীরা যেখানে সতীধর্মের
কিছুমাত্র ব্যতিক্রম দেখে সেখানে ধৈর্য্য রাখিতে পারে না !

বিশেষের প্রথম ধাক্কা সামলাইয়া চারু ভাবিল মন্দা থাকিলে সে হয় তো
ভূপতিকে অনেকটা আমোদে রাখিতে পারিবে । ভূপতি তাহার নিকট হইতে
যে মনের সুখ চায় সে তাহা কোনোমতে দিতে পারিতেছে না ইহা চারু অনুভব
করিয়া পীড়া বোধ করিতেছিল । ভূপতি জগৎ সংসারের আর সমস্ত ছাড়িয়া
একমাত্র চারুর নিকট হইতেই তাহার জীবনের সমস্ত আনন্দ আকর্ষণ করিয়া
লইতে চেষ্টা করিতেছে, এই একাগ্র চেষ্টা দেখিয়া ও নিজের অন্তরের দৈন্ত
উপলব্ধি করিয়া চারু ভীত হইয়া পড়িয়াছিল । এমন করিয়া কতদিন কিরূপে
চলিবে ? ভূপতি আর কিছু অবলম্বন করে না কেন ? আর একটা খবরের
কাগজ চালায় না কেন ? ভূপতির চিস্তরঞ্জন করিবার অভ্যাস এ পর্য্যন্ত চারুকে
কখনো করিতে হয় নাই, ভূপতি তাহার কাছে কোনো সেবা দাবী করে নাই,
কোনো সুখ প্রার্থনা করে নাই, চারুকে সে সর্বতোভাবে নিজের প্রয়োজনীয়
করিয়া তোলে নাই ; আজ হঠাৎ তাহার জীবনের সমস্ত প্রয়োজন চারুর
নিকট চাহিয়া বসাতে সে কোথাও কিছু যেন খুঁজিয়া পাইতেছে না । ভূপতির
কি চাই, কি হইলে সে তৃপ্ত হয়, তাহা চারু ঠিকমত জানে না, এবং জানিলেও
তাহা চারুর পক্ষে সহজে আয়ত্তগম্য নহে ।

ভূপতি যদি অল্পে অল্পে অগ্রসর হইত তবে চারুর পক্ষে হয় তো এত
কঠিন হইত না—কিন্তু হঠাৎ একরাত্রে দেউলিয়া হইয়া রিক্ত ভিক্ষাপাত্র,
পাতিয়া বসাতে সে যেন বিব্রত হইয়াছে !

চারু কহিল—“আচ্ছা, মন্দাকে আনিয়ে নাও ; সে থাকিলে তোমার
দেখাশুনোর অনেক সুবিধে হ’তে পারবে ।”

ভূপতি হাসিয়া কহিল—“আমার দেখাশুনো! কিছু দরকার নেই।”

ভূপতি ক্ষুঃ হইয়া ভাবিল, আমি বড় নীরস লোক, চারুকে কিছুতেই আমি স্তম্ভী করিতে পারিতেছি না।

এই ভাবিয়া সে সাহিত্য লইয়া পড়িল। বন্ধুরা কখনো বাড়ি আসিলে বিম্মিত হইয়া দেখিত ভূপতি টেনিসন্, বাইরন্, বঙ্কিমের গল্প এই সমস্ত লইয়া আছে। ভূপতির এই অকাল কাব্যানুরাগ দেখিয়া বন্ধুবান্ধবেরা অত্যন্ত ঠাট্টা বিজ্ঞপ করিতে লাগিল। ভূপতি হাসিয়া কহিল, “ভাই, বাঁশের ফুলও ধরে, কিন্তু কখন ধরে তার ঠিক নেই।”

একদিন সন্ধ্যাবেলায় শোবার ঘরে বড় বাতি জ্বালাইয়া ভূপতি প্রথমে লজ্জায় একটু ইতস্তত করিল—পরে কহিল, “একটা কিছু প’ড়ে শোনাব?”

চারু কহিল, “শোনাও না।”

ভূপতি। কি শোনাব?

চারু। তোমার যা ইচ্ছে।

ভূপতি চারুর অধিক আগ্রহ না দেখিয়া একটু দমিল। তবু সাহস করিয়া কহিল—“টেনিসন্ থেকে একটা কিছু তর্জমা ক’রে, তোমাকে শোনাই!”

চারু কহিল, “শোনাও!”

সমস্তই মাটি হইল। সন্ধ্যোচে ও নিরুৎসাহে ভূপতির পড়া বাধিয়া যাইতে লাগিল, ঠিকমত বাংলা প্রতিশব্দ জোগাইল না। চারুর শৃঙ্গদৃষ্টি দেখিয় বোঝা গেল সে মন দিতেছে না। সেই দীপালোকিত ছোট ঘরটি, সেই সন্ধ্যাবেলাকার নিভৃত অবকাশটুকু তেমন করিয়া ভরিয়া উঠিল না!

ভূপতি আরো দুই একবার এই ভ্রম করিয়া অবশেষে জীবীর সহিত সাহিত্য-চর্চার চেষ্টা পরিত্যাগ করিল।

পঞ্চদশ পরিচ্ছেদ

যেমন গুরুতর আঘাতে ন্যায় অবশ হইয়া যায় এবং প্রথমটা বেদনা টের পাওয়া যায় না, সেইরূপ বিচ্ছেদের আরম্ভকালে অমলের অভাব চারু ভালো করিয়া যেন উপলব্ধি করিতে পারে নাই।

অবশেষে যতই দিন যাইতে লাগিল ততই অমলের অভাবে সাংসারিক শূন্যতার পরিমাপ ক্রমাগতই ঘেন বাড়িতে লাগিল। এই ভীষণ আবিষ্কারে চারু হতবুদ্ধি হইয়া গেছে। নিষ্কণ্ঠবন হইতে বাহির হইয়া সে হঠাৎ এ কোন্ মরুভূমির মধ্যে আসিয়া পড়িয়াছে—দিনের পর দিন যাইতেছে, মরুপ্রান্তর ক্রমাগতই বাড়িয়া চলিয়াছে। এ মরুভূমির কথা সে কিছুই জানিত না।

ঘুম থেকে উঠিয়াই হঠাৎ বুকের মধ্যে ধক্ করিয়া উঠে—মনে পড়ে অমল নাই। সকালে যখন সে বারান্দায় পান সাজিতে বসে, ক্ষণে ক্ষণে কেবলি মনে হয় অমল পশ্চাৎ হইতে আসিবে না। এক এক সময় অগ্ন্যম্নক হইয়া বেশি পান সাজিয়া ফেলে, সহসা মনে পড়ে বেশি পান খাইবার লোক নাই। যখনই ভাড়ার ঘরে পদার্পণ করে মনে উদয় হয় অমলের জন্তে জলখাবার দিতে হইবে না। মনের অধৈর্য্যে অন্তঃপুরের সীমান্তে আসিয়া তাহাকে স্মরণ করাইয়া দেয়, অমল কলেজ হইতে আসিবে না। কোনো একটা নূতন বই, নূতন লেখা, নূতন খবর, নূতন কৌতুক প্রত্যাশা করিবার নাই, কাহারো জন্ত কোনো শেলাই করিবার, কোনো লেখা লিখিবার, কোনো সৌখীন জিনিষ কিনিয়া রাখিবার নাই।

নিজের অসহ্য কষ্টে ও চাঞ্চল্যে চারু নিজে বিস্মিত। মনোবেদনার অবিশ্রাম পীড়নে তাহার ভয় হইল। নিজে কেবলি প্রশ্ন করিতে লাগিল—কেন? এত কষ্ট কেন হইতেছে? অমল আমার এতই কি যে, তাহার জন্ত এত দুঃখ ভোগ করিব! আমার কি হইল, এতদিন পরে আমার এ কি হইল! দাসী চাকর রাস্তার মুটে মজুরগুলাও নিশ্চিন্ত হইয়া ফিরিতেছে, আমার এমন হইল কেন? ভগবান্ হরি আমাকে এমন বিপদে কেন ফেলিলে?

কেবলি প্রশ্ন করে এবং আশ্চর্য্য হয়, কিন্তু দুঃখের কোনো উপশম হয় না।

অমলের স্মৃতিতে তাহার অন্তর বাহির এমনি পরিব্যাপ্ত যে, কোথাও সে পালাইবার স্থান পায় না।

ভূপতি কোথায় অমলের স্মৃতির আক্রমণ হইতে তাহাকে রক্ষা করিবে তাহা না করিয়া সেই বিচ্ছেদব্যথিত স্নেহশীল মূঢ় কেবলই অমলের কথাই মনে করাইয়া দেয়।

অবশেষে চারু একেবারে হাল ছাড়িয়া দিল—নিজের সঙ্গে যুদ্ধ করার ক্ষান্ত হইল—হার মানিয়া নিজের অবস্থাকে অবিরোধে গ্রহণ করিল। অমলের স্মৃতিকে যত্পূর্বক হৃদয়ের মধ্যে প্রতিষ্ঠিত করিয়া লইল।

ক্রমে এমনি হইয়া উঠিল, একাগ্রচিত্তে অমলের ধ্যান তাহার গোপন গর্বের বিষয় হইল—সেই স্মৃতিই যেন তাহার জীবনের শ্রেষ্ঠ গৌরব!

গৃহকার্যের অবকাশে একটা সময় সে নির্দিষ্ট করিয়া লইল। সেই সময় নির্জনে গৃহদ্বার রুদ্ধ করিয়া তন্ন তন্ন করিয়া অমলের সহিত তাহার নিজ-জীবনের প্রত্যেক ঘটনা চিন্তা করিত। উপড় হইয়া পড়িয়া বালিশের উপর মুখ রাখিয়া বারবার করিয়া বলিত—অমল, অমল, অমল! সমুদ্র পার হইয়া যেন শব্দ আসিত—বোঁঠান, কি বোঁঠান! চারু সিক্তচক্ষু মুদ্রিত করিয়া বলিত—অমল, তুমি রাগ করিয়া চলিয়া গেলে কেন? আমি তো কোনো দোষ করি নাই! তুমি যদি ভালো মুখে বিদায় লইয়া বাইতে, তাহা হইলে বোধ হয় আমি এত দুঃখ পাইতাম না। অমল সম্মুখে থাকিলে যেমন কথা হইত চারু ঠিক তেমনি করিয়া কথাগুলি উচ্চারণ করিয়া বলিত। অমল, তোমাকে আমি একদিনও ভুলি নাই! এক দিনও না, এক দণ্ডও না! আমার জীবনের শ্রেষ্ঠ পদার্থ সমস্ত তুমিই ফুটাইয়াছ, আমার জীবনের সার ভাগ দিয়া প্রতিদিন তোমার পূজা করিব!

এইরূপে চারু তাহার সমস্ত বরকন্না তাহার সমস্ত কর্তব্যের অন্তঃস্তবের তলদেশে স্তূড়ঙ্গ খনন করিয়া সেই নিরালোক নিস্তরু অন্ধকারের মধ্যে অশ্রমালাসজ্জিত একটি গোপন শোকের মন্দির নির্মাণ করিয়া রাখিল। সেখানে তাহার স্বামী বা পৃথিবীর আর কাহারও কোনো অধিকার রহিল না। সেই স্থানটুকু যেমন গোপনতম, তেমনি গভীরতম, তেমনি প্রিয়তম। তাহারই দ্বারে সে সংসারের সমস্ত ছদ্মবেশ পরিত্যাগ করিয়া নিজের অনাবৃত আত্মস্বরূপে

প্রবেশ করে এবং সেখান হইতে বাহির হইয়া মুখস্থানা আবার মুখে দিয়া পৃথিবীর হাঙ্গালাপ ও ক্রিয়াকর্মের রঙ্গভূমির মধ্যে আসিয়া উপস্থিত হয়।

ষোড়শ পরিচ্ছেদ

এইরূপে মনের সহিত দ্বন্দ্ববিবাদ ত্যাগ করিয়া চারু তাহার বৃহৎ বিষাদের মধ্যে একপ্রকার শান্তিলাভ করিল এবং একনিষ্ঠ হইয়া স্বামীকে ভক্তি ও বক্ত করিতে লাগিল। ভূপতি যখন নিদ্রিত থাকিত চারু তখন ধীরে ধীরে তাহার পায়ের কাছে মাথা রাখিয়া পায়ের ধূলা সীমন্তে তুলিয়া লইত। সেবাশ্রবায় গৃহকর্মে স্বামীর লেশমাত্র ইচ্ছা সে অসম্পূর্ণ রাখিত না। আশ্রিত প্রতিপালিত ব্যক্তিদের প্রতি কোনো প্রকার অঘরে ভূপতি দুঃখিত হইত জানিয়া চারু তাহাদের প্রতি আতিথ্যে তিলমাত্র ক্রটি ঘটতে দিত না। এইরূপে সমস্ত কাঙ্ক্ষা সারিয়া ভূপতির উচ্ছিষ্ট প্রসাদ খাইয়া চারুর দিন শেষ হইয়া যাইত।

এই সেবা ও যত্নে ভগ্নশ্রী ভূপতি যেন নবযৌবন ফিরিয়া পাইল। স্ত্রীর সহিত পূর্বে যেন তাহার নব বিবাহ হয় নাই, এতদিন পরে যেন হইল। সাজ সজ্জায় হাতে পরিহাসে বিকশিত হইয়া সংসারের সমস্ত দুর্ভাবনাকে ভূপতি মনের একপাশে ঠেলিয়া রাখিয়া দিল। রোগ আরামের পর যেমন ক্ষুধা বাড়িয়া উঠে, শরীরে ভোগশক্তির বিকাশকে সচেতন ভাবে অনুভব করা যায়, ভূপতির মনে এতকাল পরে সেইরূপ একটা অপূর্ণ এবং প্রবল ভাবাবেশের সঞ্চার হইল। বহুদিগকে, এমন কি, চারুকে লুকাইয়া ভূপতি কবিতা পড়িতে লাগিল। মনে মনে কহিল, কাগজখানা গিয়া এবং অনেক ছুঃখ পাইয়া এতদিন পরে আমি আমার স্ত্রীকে আবিষ্কার করিতে পারিয়াছি।

ভূপতি চারুকে বলিল, “চারু তুমি আজকাল লেখা একেবারেই ছেড়ে দিচ্ছে কেন?”

চারু বলিল, “ভারি তো আমার লেখা!”

ভূপতি। সত্যি কথা বল্‌চি, তোমার মত এমন বাংলা এখনকার লেখকদের মধ্যে আমি তো আর কারো দেখিনি! বিশ্ববন্ধুতে বা লিখেছিল আমারও ঠিক তাই মত।

চারু। আঃ থাম।

ভূপতি, “এই দেখনা” বলিয়া একখণ্ড সরোবর বাহির করিয়া চারু ও অমলের ভাষার তুলনা করিতে আরম্ভ করিল। চারু আরম্ভ মুখে ভূপতির হাত হইতে কাগজ কাড়িয়া লইয়া অঞ্চলের মধ্যে আচ্ছাদন করিয়া রাখিল।

ভূপতি মনে মনে ভাবিল লেখার সঙ্গী একজন না থাকিলে লেখা বাহির হয় না; রোস আমাকে লেখাটা অভ্যাস করিতে হইবে, তাহা হইলে ক্রমে চারুরও লেখার উৎসাহ সঞ্চার করিতে পারিব।

ভূপতি অত্যন্ত গোপনে খাতা লইয়া লেখা-অভ্যাস করিতে আরম্ভ করিল। অভিধান দেখিয়া পুনঃপুনঃ কাটিয়া, বারবার কাপি করিয়া ভূপতির বেকার অবস্থার দিনগুলি কাটিতে লাগিল। এত কষ্টে এত চেষ্টায় তাহাকে লিখিতে হইতেছে যে, সেই বহু হ্রঃখের রচনাগুলির প্রতি ক্রমে তাহার বিশ্বাস ও মমতা জন্মিল।

অবশেষে একদিন তাহার লেখা আর একজনকে দিয়া নকল করাইয়া ভূপতি জ্বীকে নিয়া দিল। কহিল, “আমার এক বন্ধু নতুন লিখিতে আরম্ভ কর্‌য়েছে। আমি তো কিছু বুঝিনে, তুমি একবার প’ড়ে দেখ দেখি তোমার কেমন লাগে।”

খাতাখানা চারুর হাতে দিয়া সাধ্বসে ভূপতি বাহিরে চলিয়া গেল। সরল ভূপতির এই ছলনাটুকু চারুর বুঝিতে বাকি রহিল না।

পড়িল; লেখার ছাঁদ এবং বিষয় দেখিয়া একটুখানি হাসিল। হায়! চারু তাহার স্বামীকে ভক্তি করিবার জন্ত এত আয়োজন করিতেছে, সে কেমন এমন ছেলোমাল্লুঘী করিয়া পূজার অর্ঘ্য ছড়াইয়া ফেলিতেছে। চারুর কাছে বাহবা আদার করিবার জন্ত তাহার এত কেন? সে যদি কিছুই না করিত, চারুর মনোযোগ আকর্ষণের জন্ত সর্বদাই তাহার যদি প্রয়াস না থাকিত তবে স্বামীর পূজা চারুর পক্ষে সহজসাধ্য হইত। চারুর একান্ত ইচ্ছা, ভূপতি কোনো অংশেই নিজেকে চারুর অপেক্ষা ছোট না করিয়া ফেলে।

চারু খাতাখানা মুড়িয়া বালিশে হেলান দিয়া দূরের দিকে চাহিয়া অনেকক্ষণ ধরিয়া ভাবিতে লাগিল। অমলও তাহাকে নূতন লেখা পড়িবার জন্ত আনিয়া দিত।

সন্ধ্যাবেলায় উৎসুক ভূপতি শয়নগৃহের সম্মুখবর্তী বারান্দায় ফুলের টব পর্যবেক্ষণে নিযুক্ত হইল, কোনো কথা জিজ্ঞাসা করিতে সাহস করিল না।

চারু আপনি বলিল, “এ কি তোমাব বন্ধুর প্রথম লেখা?”

ভূপতি কহিল—“হঁ।”

চারু—“এত চমৎকার হ’য়েছে—প্রথম লেখা ব’লে মনেই হয় না।”

ভূপতি অত্যন্ত খুসি হইয়া ভাবিতে লাগিল, বেনামী লেখাটার নিজের নামজারি করা যায় কি উপায়ে!

ভূপতির খাতা ভয়ঙ্কর দ্রুতগতিতে পূর্ণ হইয়া উঠিতে লাগিল। নাম প্রকাশ হইতেও বিলম্ব হইল না।

সপ্তদশ পরিচ্ছেদ

বিলাত হইতে চিঠি আসিবার দিন কবে এ খবর চারু সর্বদাই রাখিত। প্রথমে এডেন্ হইতে ভূপতির নামে একখানা চিঠি আসিল, তাহাতে অমল বোঠানকে প্রণাম নিবেদন করিয়াছে, সুয়েজ হইতেও ভূপতির চিঠি আসিল, বোঠান তাহার মধ্যেও প্রণাম পাইল। মান্টা হইতে যে চিঠি পাওয়া গেল তাহাতেও পুনশ্চ নিবেদনে বোঠানের প্রণাম আসিল।

চারু অমলের একখানা চিঠিও পাইল না। ভূপতির চিঠিগুলি চাহিয়া লইয়া উন্টিয়া পান্টিয়া বারবার করিয়া পড়িয়া দেখিল—প্রণাম জ্ঞাপন ছাড়া আর কোথাও তাহার সম্বন্ধে আভাসমাত্রও নাই।

চারু এই কয় দিন যে একটি শাস্ত বিষাদের চন্দ্রাতপচ্ছারার আশ্রয় লইয়াছিল অমলের এই উপেক্ষায় তাহা ছিন্ন হইয়া গেল। অন্তরের মধ্যে তাহার হৃৎপিণ্ডটা লইয়া আবার যেন ছেঁড়াছেড়ি আরম্ভ হইল। তাহার সংসারের কর্তব্য-স্থিতির মধ্যে আবার ভূমিকম্পের আন্দোলন জাগিয়া উঠিল।

এখন ভূপতি এক একদিন অর্ধরাত্রে উঠিয়া দেখে চারু বিছানায় নাই। খুঁজিয়া খুঁজিয়া দেখে চারু দক্ষিণের ঘরের জানালায় বসিয়া আছে। তাহাকে দেখিয়া চারু তাড়াতাড়ি উঠিয়া বলে, ঘরে আজ যে গরম, তাই একটু বাতাসে এসেছি।

ভূপতি উষ্ম হইয়া বিছানায় পাখা টানার বন্দোবস্ত করিয়া দিল, এবং চারুর স্বাস্থ্যভঙ্গ আশঙ্কা করিয়া সর্বদাই তাহার প্রতি দৃষ্টি রাখিল। চারু হাসিয়া বলিত, “আমি বেশ আছি, তুমি কেন মিছামিছি ব্যস্ত হও?”

এই হাসিটুকু ফুটাইয়া তুলিতে তাহার বক্ষের সমস্ত শক্তি প্রয়োগ করিতে হইত। অমল বিলাতে পৌছিল। চারু স্থির করিয়াছিল, পথে তাহাকে স্বতন্ত্র চিঠি লিখিবার যথেষ্ট সুযোগ হয়তো ছিল না, বিলাতে পৌছিয়া অমল লম্বা চিঠি লিখিবে। কিন্তু সে লম্বা চিঠি আসিল না।

প্রত্যেক মেল আসিবার দিনে চারু তাহার সমস্ত কাজকর্ম কথাবার্তার মধ্যে ভিতরে ভিতরে ছটফট করিতে থাকিত। পাছে ভূপতি বলে, তোমার নামে চিঠি নাই এই জ্ঞান সাহস করিয়া ভূপতিকে প্রশ্ন জিজ্ঞাসা করিতে পারিত না।

এমন অবস্থায় একদিন চিঠি আসিবার দিনে ভূপতি মন্দগমনে আসিয়া মুহূর্ত্তে কহিল, “একটা জিনিষ আছে দেখ্বে?”

চারু ব্যস্তসমস্ত চমকিত হইয়া কহিল, “কই, দেখাও!”

ভূপতি পরিহাসপূর্ব্বক দেখাইতে চাহিল না।

চারু অধীর হইয়া উঠিয়া ভূপতির চাদরের মধ্য হইতে বাহ্যিক পদার্থ কাড়িয়া লইবার চেষ্টা করিল। সে মনে মনে ভাবিল, সকাল হইতেই আমার মন বলিতেছে আজ আমার চিঠি আসিবেই—এ কখন বার্থ হইতে পারে না।

ভূপতির পরিহাসসম্পূর্ণ ক্রমেই বাড়িয়া উঠিল—সে চারুকে এড়াইয়া খাটের চারিদিকে ফিরিতে লাগিল।

তখন চারু একান্ত বিরক্তির সহিত খাটের উপর বসিয়া চোখ ছলছল করিয়া তুলিল।

চারুর একান্ত আগ্রহে ভূপতি অত্যন্ত খুসি হইয়া চারুর ভিতর হইতে নিজের রচনার খাতাখানা বাহির করিয়া তাড়াতাড়ি চারুর কোলে দিয়া কহিল—“রাগ ক’রো না ! এই নাও !”

অষ্টাদশ পরিচ্ছেদ

অমল যদিও ভূপতিকে জানাইয়াছিল যে, পড়াশুনার তাড়ায় সে দীর্ঘকাল পত্র লিখিতে সময় পাইবে না, তবু দুই এক মেল তাহার পত্র না আসাতে সমস্ত সংসার চারুর পক্ষে কণ্টকশযা হইয়া উঠিল ।

সন্ধ্যাবেলায় পাঁচ কথার মধ্যে চারু অত্যন্ত উদাসীনভাবে শাস্ত্রস্বরে তাহার স্বামীকে কহিল—“আচ্ছা দেখ, বিলেতে একটা টেলিগ্রাফ ক’রে জানুলে হয় না অমল কেমন আছে ?”

ভূপতি কহিল—“দুই হপ্তা আগে তার চিঠি পাওয়া গেছে সে এখন পড়ায় ব্যস্ত ।”

চারু । ওঃ, তবে কাজ নেই । আমি ভাবছিলাম, বিদেশে আছে, যদি ব্যামোগ্রামো হয়—বলাও যায় না ।

ভূপতি । নাঃ তেমন কোনো ব্যামো হ’লে খবর পাওয়া যেত । টেলিগ্রাফ করাও তো কম খরচা নয় ।

চারু । তাই না কি ! আমি ভেবেছিলাম বড় জোর একটাকা কি দু’টাকা লাগবে ।

ভূপতি । বল কি, প্রায় একশো টাকার ধাক্কা !

চারু । তা’হ’লে তো কথাই নেই !

দিন দুয়েক পরে চারু ভূপতিকে বলিল, “আমার বোন এখন চুঁচুড়ায় আছে, আজ একবার তার খবর নিয়ে আসতে পার ?”

ভূপতি । কেন ? কোনো অসুখ ক’রেছে নাকি ?

চারু । না, অসুখ না, জানই তো ভূমি গেলে তা’রা কত খুসি হয় !

ভূপতি চাকর অমুরোধে গাড়ি চড়িয়া হাবড়া ষ্টেশন অভিমুখে ছুটিল।
পথে একসার গরুর গাড়ি আসিয়া তাহার গাড়ি আটক করিল।

এমন সময় পরিচিত টেলিগ্রাফের হরকরা ভূপতিকে দেখিয়া তাহার হাতে
একখানা টেলিগ্রাফ লইয়া দিল। বিলাতের টেলিগ্রাম দেখিয়া ভূপতি ভারি
ভয় পাইল। ভাবিল, অমলের হয়তো অসুখ করিয়াছে। ভয়ে ভয়ে খুলিয়া
দেখিল টেলিগ্রামে লেখা আছে “আমি ভালো আছি।”

ইহার অর্থ কি? পরীক্ষা করিয়া দেখিল, ইহা স্ট্রী-পেড্ টেলিগ্রামের
উত্তর।

হাওড়া যাওয়া হইল না। গাড়ি ফিরাইয়া ভূপতি বাড়ি আসিয়া স্ত্রীর হাতে
টেলিগ্রাম দিল। ভূপতির হাতে টেলিগ্রাম দেখিয়া চাকর মুখ পাংশুবর্ণ
হইয়া গেল!

ভূপতি কহিল, “আমি এর মানে কিছুই বুঝিতে পার্চিনে।” অমুসন্ধানে
ভূপতি মানে বুঝিল। চাকর নিজের গহনা বন্ধক রাখিয়া টাকা ধার করিয়া
টেলিগ্রাফ পাঠাইয়াছিল।

ভূপতি ভাবিল, এত করিবার তো দরকার ছিল না! আমাকে একটু
অমুরোধ করিয়া ধরিলেই তো আমি টেলিগ্রাফ করিয়া দিতাম, চাকরকে দিয়া
গোপনে বাজারে গহনা বন্ধক দিতে পাঠানো—এ তো ভালো হয় নাই!

ধাকিয়া ধাকিয়া ভূপতির মনে কেবলি এই প্রশ্ন হইতে লাগিল, চাকর
কেন এত বাড়াবাড়ি করিল! একটা অস্পষ্ট সন্দেহ অলক্ষ্যভাবে তাহাকে
বিদ্ধ করিতে লাগিল। সে সন্দেহটাকে ভূপতি প্রত্যক্ষভাবে দেখিতে চাহিল
না, ভুলিয়া থাকিতে চেষ্টা করিল—কিন্তু বেদনা কোনো মতে ছাড়িল না।

উনবিংশ পরিচ্ছেদ

অমলের শরীর ভালো আছে, তবু সে চিঠি লেখে না! একেবারে এমন নিদারুণ ছাড়াছাড়ি হইল কি করিয়া? একবার মুখোমুখি এই প্রশ্নটার জবাব লইয়া আসিতে ইচ্ছা হয় কিন্তু মধ্যে সমুদ্র—পার হইবার কোনো পথ নাই! নিষ্ঠুর বিচ্ছেদ, নিরুপায় বিচ্ছেদ, সকল প্রশ্ন, সকল প্রতিকারের অতীত বিচ্ছেদ।

চারু আপনাকে আর খাড়া রাখিতে পারে না। কাজকর্ম পড়িয়া থাকে, সকল বিষয়েই ভুল হয়, চাকর বাকর চুরি করে; লোকে তাহার দীনভাব লক্ষ্য করিয়া নানা প্রকার কানাকানি করিতে থাকে, কিছুতেই তার চেতনা মাত্র নাই।

এমনি হইল, হঠাৎ চারু চমকিয়া উঠিত, কথা কহিতে কহিতে তাহাকে কাঁদিবার জন্ত উঠিয়া যাইতে হইত, অমলের নাম শুনিবামাত্র তাহার মুখ বিবর্ণ হইয়া যাইত।

অবশেষে ভূপতিও সমস্ত দেখিল, এবং যাহা মুহূর্তের জন্ত ভাবে নাই তাহাও ভাবিল—সংসার একেবারে তাহার কাছে বৃদ্ধ শুষ্ক জীর্ণ হইয়া গেল।

মাঝে যে কয় দিন আনন্দের উন্মেষে ভূপতি অন্ধ হইয়াছিল সেই কয় দিনের স্মৃতি তাহাকে লজ্জা দিতে লাগিল। যে অনভিজ্ঞ বানর জহর চেনেনা তাহাকে বুঁটা পাথর দিয়া কি এমনি করিয়াই ঠকাইতে হয়!

চারুর যে সকল কথায় আদরে ব্যবহারে ভূপতি ভুলিয়াছিল সে গুলো মনে আসিয়া তাহাকে “মূঢ়, মূঢ়, মূঢ়,” বলিয়া বেত মারিতে লাগিল।

অবশেষে তাহার বহু কষ্টের বহু যত্নের রচনাগুলির কথা যখন মনে উদয় হইল তখন ভূপতি ধরণীকে দ্বিধা হইতে বলিল। অন্ধুশ-তাড়িতের মত চারুর কাছে দ্রুতপদে গিয়া ভূপতি কহিল—“আমার সেই লেখাগুলো কোথায়?”

চারু কহিল, “আমার কাছেই আছে।”

ভূপতি কহিল—“সেগুলো দাও।”

চারু তখন ভূপতির জন্ত ডিমের কচুরি ভাজিতেছিল, কহিল—“তোমার কি এখনই চাই ?”

ভূপতি কহিল, “হাঁ এখনই চাই।”

চারু কড়া নামাইয়া রাখিয়া আলমারী হইতে খাতা ও কাগজগুলি বাহির করিয়া আনিল।

ভূপতি অধীরভাবে তাহার হাত হইতে সমস্ত টানিয়া লইয়া খাতাপত্র একেবারে উনানের মধ্যে ফেলিয়া দিল।

চারু ব্যস্ত হইয়া সেগুলো বাহির করিবার চেষ্টা করিয়া কহিল—“এ কি ক’রলে ?”

ভূপতি তাহার হাত চাপিয়া ধরিয়া গর্জন করিয়া বলিল—“থাক্ !”

চারু বিস্মিত হইয়া দাঁড়াইয়া রহিল। সমস্ত লেখা নিঃশেষে পুড়িয়া ভস্ম হইয়া গেল।

চারু বুঝিল। দীর্ঘনিশ্বাস ফেলিল। কচুরিভাজা অসমাপ্ত রাখিয়া ধীরে ধীরে অন্ত্র চলিয়া গেল।

চারুর সম্মুখে খাতা নষ্ট করিবার সঙ্কল্প ভূপতির ছিল না। কিন্তু ঠিক সামনেই আগুনটা জ্বলিতেছিল, দেখিয়া কেমন যেন তাহার খুন চাপিয়া উঠিল। ভূপতি আত্মসম্বরণ করিতে না পারিয়া প্রবলিত নিকোঁধের সমস্ত চেষ্টা বঞ্চনা-কারিণীর সম্মুখেই আগুনে ফেলিয়া দিল।

সমস্ত ছাই হইয়া গেলে ভূপতির আকস্মিক উদ্যমতা যখন শান্ত হইয়া আসিল, তখন চারু আপন অপরাধের বোঝা বহন করিয়া যেরূপ গভীর বিষাদে নীরব নতমুখে চলিয়া গেল তাহা ভূপতির মনে জাগিয়া উঠিল—সম্মুখে চাহিয়া দেখিল, ভূপতি বিশেষ করিয়া ভালোবাসে বলিয়াই চারু স্বহস্তে বস্ত্র করিয়া খাবার তৈরি করিতেছিল।

ভূপতি বারান্দার রেলিঙের উপর ভর দিয়া দাঁড়াইল। মনে মনে ভাবিতে লাগিল—তাহার জন্ত চারুর এই যে সকল অশ্রান্ত চেষ্টা, এই যে সমস্ত প্রাণপণ বঞ্চনা ইহা অপেক্ষা সফল ব্যাপার জগৎসংসারে আর কি আছে ? এই সমস্ত বঞ্চনা, এ তো ছলনাকারিণীর হয় ছলনামাত্র নহে ; এই ছলনাগুলির জন্ত ক্ষতবিক্ষতের ক্ষতবিক্ষণ চতুর্গুণ বাড়াইয়া অভাগিকাকে এতদিন প্রতিমুহূর্তে

হংপিও হইতে রক্ত নিষ্পেষণ করিয়া বাহির করিতে হইয়াছে। ভূপতি মনে মনে কহিল—“হায় অবলা, হায় দুঃখিনী! দরকার ছিল না, আমার এ-সব কিছুই দরকার ছিল না! এতকাল আমি তো ভালোবাসা না পাইয়াও পাই নাই বলিয়া জানিতেও পারি নাই—আমার তো কেবল প্রফ দেখিয়া কাগজ লিখিয়াই চলিয়া গিয়াছিল—আমার জন্ত এত করিবার কোনো দরকার ছিল না!”

তখন আপনার জীবনকে চারুর জীবন হইতে দূরে সরাইয়া লইয়া,—ডাক্তার যেমন সাংঘাতিক ব্যাধিগ্রস্ত রোগীকে দেখে—ভূপতি তেমনি করিয়া নিঃসম্পর্ক লোকের মত চারুকে দূর হইতে দেখিল। ঐ একটি ক্ষীণশক্তি নারীর হৃদয় কি প্রবল সংসারের দ্বারা চারিদিকে আক্রান্ত হইয়াছে। এমন লোক নাই যাহার কাছে সকল কথা ব্যক্ত করিতে পারে, এমন কথা নহে যাহা ব্যক্ত করা যায়, এমন স্থান নাই যেখানে সমস্ত হৃদয় উদ্ঘাটিত করিয়া দিয়া সে তাহাকার করিয়া উঠিতে পারে,—অথচ এই অপ্রকাণ্ড, অপরিহার্য্য অপ্রতিবিধেয়, প্রতাহপুঞ্জীভূত দুঃখভার বহন করিয়া নিতান্ত সহজ লোকের মত, তাহার অস্বচি প্রতাবেশিনী দের মত তাহাকে প্রতিদিনের গৃহকর্ম সম্পন্ন করিতে হইতেছে।

ভূপতি তাহার শয়নগৃহে গিয়া দেখিল—জানালার গরাদে ধরিয়া অশ্রুহীন অনিমেঘ দৃষ্টিতে চারু বাহিরের দিকে চাহিয়া আছে। ভূপতি আস্তে আস্তে তাহার কাছে আসিয়া দাঁড়াইল—কিছু বলিল না—তাহার মাথার উপরে হাত রাখিল।

বিংশ পরিচ্ছেদ

বন্ধুরা ভূপতিকে জিজ্ঞাসা করিল—ব্যাপারখানা কি? এত ব্যস্ত কেন?

ভূপতি কহিল—“খবরের কাগজ—”

বন্ধু। আবার খবরের কাগজ? ভিটেমাটি খবরের কাগজে বুড়ে গজার জলে ফেলতে হবে নাকি?

ভূপতি। না, আর নিজে কাগজ ক’রচিনে।

বন্ধু। তবে?

ভূপতি। মৈত্রে একটা কাগজ বের হবে, আমাকে তার সম্পাদক ক'রেছে।

বন্ধু। বাড়ির ছেড়ে একেবারে মৈত্রে যাবে? চারুকে সঙ্গে নিয়ে যাচ্চ

ভূপতি। না, মামারা এখানে এসে থাকবেন।

বন্ধু। সম্পাদকী নেশা তোমার আর কিছুতেই ছুটল না।

ভূপতি। মাহুঘের যাহোক একটা কিছু নেশা চাই।

বিদায়কালে চারু জিজ্ঞাসা করিল—কবে আসবে?

ভূপতি কহিল—“তোমার যদি একলা বোধ হয় আমাকে লিখো, আমি চ'লে আসব।”

বলিয়া বিদায় লইয়া ভূপতি যখন ঘরের কাছ পর্যন্ত আসিয়া পৌঁছিল তখন হঠাৎ চারু ছুটিয়া আসিয়া তাহার হাত চাপিয়া ধরিল, কহিল—“আমাকে সঙ্গে নিয়ে যাও! আমাকে এখানে ফেলে রেখে যেয়ো না!”

ভূপতি ধমকিয়া দাঁড়াইয়া চারুর মুখের দিকে চাহিয়া রহিল। মুষ্টি শিথিল হইয়া ভূপতির হাত হইতে চারুর হাত খুলিয়া আসিল। ভূপতি চারুর নিকট হইতে সরিয়া বারান্দায় আসিয়া দাঁড়াইল।

ভূপতি বুঝিল, অমলের বিচ্ছেদ-স্মৃতি যে বাড়িকে বেঁধন করিয়া জলিতেছে চারু দাবানলগ্ন হরিণীর মত সে বাড়ি পরিত্যাগ করিয়া পালাইতে চায়। কিন্তু আমার কথা সে একবার ভাবিয়া দেখিল না? আমি কোথায় পলাইব? যে জ্বী হৃদয়ের মধ্যে নিয়ত অন্তরে ধ্যান করিতেছে, বিদেশে গিয়াও তাহাকে ভুলিতে সমর্থ পাইব না? নির্জন বন্ধুহীন প্রবাসে প্রত্যহ তাহাকে সঙ্গদান করিতে হইবে? সমস্ত দিন পরিশ্রম করিয়া সন্ধ্যায় যখন ঘরে ফিরিব, তখন নিশ্চল শোকপরায়ণ নারীকে লইয়া সেই সন্ধ্যা কি ভয়ানক হইয়া উঠিবে! বাহার অন্তরের মধ্যে মৃতভার, তাহাকে বক্ষের কাছে ধরিয়া রাখা সে আমি কতদিন পারিব! আরো কত বৎসর প্রত্যহ আমাকে এমনি করিয়া বাঁচিতে হইবে! যে আশ্রয় চূর্ণ হইয়া ভাঙিয়া গেছে তাহার ভাঙা ইটকাঁঠুলা ফেলিয়া হাইতে পারিব না, কাঁধে করিয়া বহিয়া বেড়াইতে হইবে?

ভূপতি চারুকে আসিয়া কহিল—“না, সে আমি পারিব না।”

মুহূর্তের মধ্যে সমস্ত রক্ত নামিয়া গিয়া চারুর মুখ কাগজের মত শুষ্ক শাদা
হইয়া গেল, চারু মূঠা করিয়া খাট চাপিয়া ধরিল।

তৎক্ষণাৎ ভূপতি কহিল, “চল, চারু আমার সঙ্গেই চল।”

চারু বলিল, “না থাক্ !”

(১৩০৮—অগ্রহায়ণ)

দর্পহরণ

কি করিয়া গল্প লিখিতে হয়, তাহা সম্প্রতি শিখিয়াছি। বন্ধিমবাবু এবং সার্ ওয়াল্টার স্কট পড়িয়া আমার বিশেষ ফল হয় নাই। ফল কোথা হইতে কেমন করিয়া হইল, আমার এই প্রথম গল্পেই সেই কথাটা লিখিতে বসিলাম।

আমার পিতার মতামত অনেকরকম ছিল; কিন্তু বালাবিবাহের বিরুদ্ধে কোনো মত তিনি কেতাব বা স্বাধীনবুদ্ধি হইতে গড়িয়া তোলেন নাই। আমার বিবাহ যখন হয়, তখন সতেরো উত্তীর্ণ হইয়া আঠারোয় পা দিয়াছি; তখন আমি কলেজে থার্ডইয়ারে পড়ি—এবং তখন আমার চিত্তক্ষেত্রে যৌবনের প্রথম দক্ষিণবাতাস বহিতে আরম্ভ করিয়া কত অলক্ষ্য দিক্ হইতে কত অনির্বচনীয় গীতে এবং গন্ধে, কম্পনে এবং মর্মে আমার তরুণ জীবনকে উৎসুক করিয়া ফুলিতেছিল, তাহা এখনো মনে হইলে বুকের ভিতরে দীর্ঘনিশ্বাস ভরিয়া উঠে।

তখন আমার মা ছিলেন না—আমাদের শূণ্যসংসারের মধ্যে লক্ষ্মীস্থাপন করিবার জন্য আমার পড়াশুনা শেষ হইবার অপেক্ষা না করিয়াই বাবা বারো-বৎসরের বালিকা নিরীক্ষাকে আমাদের ঘরে আনিলেন।

নিরীক্ষা নামটি হঠাৎ পাঠকদের কাছে প্রচার করিতে সঙ্কোচবোধ করিতেছি। কারণ, তাঁহাদের অনেকেরই বয়স হইয়াছে—অনেকে ইন্ডুল-মাঠারী, মুন্সেফি এবং কেহ কেহ বা সম্পাদকীও করেন, তাঁহারা আমার স্বপ্ন-মহাশয়ের নামনির্ব্বাচনরুচির অতিমাত্র লালিত্য এবং নূতনত্বে হাসিবেন, এমন আশঙ্কা আছে। কিন্তু আমি তখন অর্ধাচীন ছিলাম, বিচারশক্তির কোনো

উপদ্রব ছিল না—তাই নামটি বিবাহের সম্বন্ধ হইবার সময়েই যেমনি তুলিলাম, অমনি—

“কানের ভিতর দিয়া মরমে পশিল গো,
আকুল করিল মোর প্রাণ !”

এখন বয়স হইয়াছে এবং ওকালতি ছাড়িয়া মুন্সেফিলাভের জন্ত ব্যগ্র হইয়া উঠিয়াছি, তবু হৃদয়ের মধ্যে ঐ নামটি পুরাতন বেহালার আওয়াজের মত আরো বেশি মোলায়েম হইয়া বাজিতেছে।

প্রথম বয়সের প্রথম প্রেম অনেকগুলি ছোটখাটো বাধার দ্বারা মধুর। লজ্জার বাধা, ঘরের লোকেব-বাধা, অনভিজ্ঞতার বাধা—এইগুলির অন্তরাল হইতে প্রথম পরিচয়ের যে আভাস দিতে থাকে, তাহা ভোরের আলোর মত রঙীন—তাহা মধ্যাহ্নের মত সুস্পষ্ট অনাবৃত এবং বর্ণচ্ছটাবিহীন নহে।

আমাদের সেই নবীন পরিচয়ের মাঝখানে বাবা বিদ্যাগিরির মত দাঁড়াইলেন। তিনি আমাদের হঠাৎ নির্বাসিত করিয়া দিয়া তাঁহার বউমাকে বাংলা লেখাপড়া শিখাইতে প্রবৃত্ত হইলেন। আমার এই গল্পের সূত্র হইল সেইখানে।

স্বপ্নরমণায় কেবল তাঁহার কন্ঠার নামকরণ করিয়াই নিশ্চেষ্ট ছিলেন না—তিনি তাকে শিক্ষাদানেরও প্রভূত আয়োজন করিয়াছিলেন। এমন কি, উপক্রমণিকা তাহার মুখস্থ শেষ হইয়াছিল। মেঘনাদবধকাব্য পড়িতে হেমবাবুর ঢীকা তাহার প্রয়োজন হইত না।

হঠাৎ গিয়া তাহার পরিচয় পাইয়াছিলাম। আমি সেখানে থাকিতে নানা উপায়ে বাবাকে লুকাইয়া নববিরহতাপে অত্যন্ত উত্তপ্ত হই একখানা চিঠি তাহাকে পাঠাইতে আরম্ভ করিয়াছিলাম। তাহাতে কোটেশন্-মার্ক না দিয়া আমাদের নব্যকবিদের কাব্য ছাঁকিয়া অনেক কবিতা ঢালিয়াছিলাম, ভাবিয়াছিলাম—প্রণয়িনীর কেবল প্রেম আকর্ষণ করাই যথেষ্ট নহে—শ্রদ্ধাও চাই। শ্রদ্ধা পাইতে হইলে বাংলাভাষায় যেরূপ রচনা প্রণালীর আশ্রয় লওয়া উচিত, সেটা আমার স্বভাবত আদিত না—সেইজন্ত—

“মণৌ বজ্রসমুৎকীর্ণে হৃদয়েবাস্তি মে গতিঃ”

অর্থাৎ অল্প জহরীরা যে-সকল মণি ছিদ্র করিয়া রাখিয়াছিলেন, আমার চিঠি

তাহা সূত্রের মত রাখিয়া পাঠাইত। কিন্তু, ইহার মধ্যে মণিগুলি অন্তর, কেবলমাত্র সূত্রটুকুই আমার, এ বিনয়টুকু স্পষ্ট করিয়া প্রচার করা আমি ঠিক সঙ্গত মনে করি নাই—কার্লদাসও করিতেন না,—যদি সত্যই তাঁহার মণিগুলি চোরাই-মাল হইত।

চিঠির উত্তর যখন পাইলাম, তাহার পর হইতে যথাস্থানে কোটেশন-মার্ক দিতে আর কার্পণ্য করি নাই। এটুকু বেশ বোঝা গেল, নববধূ বাংলাভাষাটি বেশ জানেন। তাঁহার চিঠিতে বানান ভুল ছিল কি না, তাহার উপযুক্ত বিচারক আমি নই—কিন্তু সাহিত্যবোধ ও ভাষাবোধ না থাকিলে এমন চিঠি লেখা যায় না, সেটুকু আনন্দাজে বুঝিতে পারি।

দ্বীপ বিজ্ঞা দেখিয়া সংস্কারমীৰ যতটুকু গৰ্ব ও আনন্দ হওয়া উচিত, তাহা আমার হয় নাই এমন কথা বলিলে আমাকে অজ্ঞান অপবাদ দেওয়া হইবে, কিন্তু তারি সঙ্গে একটু অভ্রভাবও ছিল। সে ভাবটুকু উচ্চরের না হইতে পারে, কিন্তু স্বাভাবিক মুক্তি এই যে, যে উপায়ে আমার বিজ্ঞার পরিচয় দিতে পারিতাম, সেটা বালিকার পক্ষে দুর্গম। সে যেটুকু ইংরাজি জানে, তাহাতে বার্ক-মেকলের ছাঁদের চিঠি তাহার উপরে চালাইতে হইলে মশা মারিতে কামান দাগা হইত—মশার কিছুই হইত না, কেবল ধোঁয়া এবং আওয়াজই সার হইত।

আমার যে তিনটি প্রাণের বন্ধু ছিল, তাহাদিগকে আমার দ্বীপ চিঠি না দেখাইয়া থাকিতে পারিলাম না। তাহারা আশ্চর্য্য হইয়া কহিল, “এমন দ্বীপ পাইয়াছ, ইহা তোমার ভাগ্য।” অর্থাৎ ভাষান্তরে বলিতে গেলে এমন দ্বীপ উপযুক্ত স্বামী আমি নই।

নির্ধারিত নিকট হইতে পত্রোত্তর পাইবার পূর্বেই যে ক’খানি চিঠি লিখিয়া ফেলিয়াছিলাম, তাহাতে হৃদয়োচ্ছ্বাস যথেষ্ট ছিল, কিন্তু বানান-ভুলও নিতান্ত অল্প ছিল না। সতর্ক হইয়া লেখা যে দরকার, তাহা তখন মনেও করি নাই। সতর্ক হইয়া লিখিলে বানান-ভুল হয় তো কিছু কম পড়িত, কিন্তু হৃদয়োচ্ছ্বাসটাও মারা যাইত।

এমন অবস্থায় চিঠির মধ্যস্থতা ছাড়িয়া মোকাবিলায় প্রেমালাপই নিরাপদ। সুতরাং বাবা আপিসে গেলেই আমাকে কলেজ পালাইতে হইত। ইহাতে

আমাদের উভয় পক্ষেরই পাঠচর্চায় যে ক্ষতি হইত, আলাপচর্চায় তাহা স্তম্ভস্থ পোষণ করিয়া লইতাম। বিশ্বজগতে যে, কিছুই একেবারে নষ্ট হয় না; এক আকারে বাহা ক্ষতি, অন্য আকারে তাহা লাভ—বিজ্ঞানের এই তথ্য প্রেমের পরীক্ষাশালায় বারংবার যাচাই করিয়া লইয়া একেবারে নিঃসংশয় হইয়াছি।

এমন সময়ে আমার জ্বরী জাঠুত বোনের বিবাহকাল উপস্থিত—আমরা তো যথানিয়মে আইবুড়ভাত দিয়া খালাস—কিন্তু আমার জ্বরী স্নেহের আবেগে এক কবিতা রচনা করিয়া লাল কাগজে লাল কালী দিয়া লিখিয়া তাহার ভগিনীকে না পাঠাইয়া থাকিতে পারিল না। সেই রচনাটি কেমন করিয়া বাবার হস্তগত হইল। বাবা তাঁহার বধুমাতার কবিতার রচনানৈপুণ্য, সজ্জা-সৌন্দর্য, প্রসাদগুণ, প্রোঞ্জলতা ইত্যাদি শাস্ত্রসম্মত নানা গুণের সমাবেশ দেখিয়া অভিভূত হইয়া গেলেন। তাঁহার বৃদ্ধ বন্ধুদিগকে দেখাইলেন, তাঁহারাও তামাক টানিতে টানিতে বলিলেন—“খাসা হইয়াছে!” নববধূর যে রচনাশক্তি আছে, ঐ-কথা কাহারো অগোচর রহিল না। হঠাৎ এইরূপ খ্যাতিবিকাশে রচয়িত্রীর কর্ণমূল এবং কপোলব্ধ অরুণবর্ণ হইয়া উঠিয়াছিল—অভ্যাসক্রমে তাহা বিলুপ্ত হইল। পূর্বেই বলিয়াছি, কোনো জিনিষ একেবারে বিলুপ্ত হয় না—কি জানি, লজ্জার আভাটুকু তাহার কোমল কপোল ছাড়িয়া আমার কঠিন হৃদয়ের প্রচ্ছন্নকোণে হয় তো আশ্রয় লইয়া থাকিবে।

কিন্তু তাই বলিয়া স্বামী কর্তব্যে শৈথিল্য করি নাই। অপক্ষপাত সমালোচনার দ্বারা জ্বরী রচনার দোষ সংশোধনে আমি কখনই আলস্ত করি নাই। বাবা তাহাকে নির্বিচারে যতই উৎসাহ দিয়াছেন, আমি ততই সতর্কতার সহিত ক্রটি নির্দেশ করিয়া তাহাকে যথোচিত সংযত করিয়াছি। আমি ইংরাজি বড়-বড় লেখকের লেখা দেখাইয়া তাহাকে অভিভূত করিতে ছাড়ি নাই। সে কোকিলের উপর একটা কি লিখিয়াছিল, আমি শেলির স্কাইলার্ক ও কীটসের নাইটিঙ্গেল্ড শুনাইয়া তাহাকে একপ্রকার নীরব করিয়া দিয়াছিলাম। তখন বিশ্বাস জোরে আমিও যেন শেলি ও কীটসের গোরবের কতকটা ভাগী হইয়া পড়িতাম। আমার জ্বরীও ইংরাজিসাহিত্য হইতে ভালো-ভালো জিনিষ তাহাকে তর্জমা করিয়া শুনাইবার জন্য আমাকে পীড়াপীড়ি করিত, আমি গর্ভের সহিত তাহার অহরোধ রক্ষা করিতাম। তখন

ইংরাজিসাহিত্যের মহিমায় উজ্জ্বল হইয়া উঠিয়া আমার জ্বর প্রতিভাকে কি দ্বন্দ্ব করি নাই? জ্বীলোকের কমনীয়তার পক্ষে এই একটু ছায়ার আচ্ছাদন দরকার, বাবা এবং বন্ধুবান্ধবেরা তাহা বুঝিতেন না—কাজেই আমাকে এই কঠোর কর্তব্যের ভার লইতে হইয়াছিল। নিশীথের চন্দ্র মধ্যাহ্নের সূর্যের মত হইয়া উঠিলে দুইদণ্ড বাহবা দেওয়া চলে—কিন্তু তাহার পরে ভাবিতে হয়, ওটাকে ঢাকা দেওয়া যায় কি উপায়ে।

আমার জ্বর লেখা বাবা এবং অত্যাশ্চর্য্য অনেকে কাগজে ছাপাইতে উত্তম হইয়াছিলেন। নির্ঝরিণী তাহাতে লজ্জাপ্রকাশ করিত—আমি তাহার সে লজ্জা রক্ষা করিয়াছি। কাগজে ছাপিতে দিই নাই, কিন্তু বন্ধুবান্ধবদের মধ্যে প্রচার বন্ধ করিতে পারা গেল না।

ইহার কুফল যে কতদূর হইতে পারে, কিছুকাল পরে তাহার পরিচয় পাইয়াছিলাম। তখন উকিল হইয়া আলিপুরে বাহির হই। একটা উইল্-কেস লইয়া বিরুদ্ধপক্ষের সঙ্গে খুব জোরের সহিত লড়িতেছিলাম। উইল্টি বাংলায় লেখা। স্বপক্ষের অমুকুলে তাহার অর্থ যে কিরূপ স্পষ্ট, তাহা বিধিমতে প্রমাণ করিতেছিলাম, এমন সময় বিরোধিপক্ষের উকিল উঠিয়া বলিলেন—“আমার বিদ্বান্ বন্ধু যদি তাঁমার বিজ্ঞবী জ্বর কাছে এই উইল্টি বুঝিয়া লইয়া আসিতেন, তবে এমন অদ্ভুত ব্যাখ্যা দ্বারা মাতৃভাষাকে ব্যাধিত করিয়া তুলিতেন না।”

চুলায় আগুন ধরাইবার বেলা ফুঁ দিতে দিতে নাকের জলে চোখের জলে হইতে হয়, কিন্তু গৃহদাহের আগুন নোবানোই দায়; লোকের ভালো কথা চাপা থাকে, আর অনিষ্টকর কথাগুলো মুখে মুখে জ্বলন্ত ব্যাপ্ত হইয়া যায়। এ গল্পটিও সর্বত্র প্রচারিত হইল। ভয় হইয়াছিল, পাছে আমার জ্বর কানে উঠে। সৌভাগ্যক্রমে ওঠে নাই—অন্তত এ-সমক্ষে তাহার কাছ হইতে কোনো আলোচনা কখনো শুনি নাই।

একদিন একটি অপরিচিত ভদ্রলোকের সহিত আমার পরিচয় হইতেই তিনি জিজ্ঞাসা করিলেন, “আপনিই কি শ্রীমতী নির্ঝরিণী দেবীর স্বামী?” আমি কহিলাম, “আমি তাঁহার স্বামী কি না, সে কথার জবাব দিতে চাহি না, তবে তিনিই আমার জ্বর বটেন।”—বাহিরের লোকের কাছে

জীর স্বামী বলিয়া খ্যাতিলাভ করা আমি গোরবের বিষয় বাগিয়া জ্ঞান করি না।

সেটা যে গোরবের বিষয় নহে, সে-কথা আমাকে আর-এক ব্যক্তি অনাবশ্যক স্পষ্টভাষায় স্বরণ করাইয়া দিয়াছিল। পূর্বেই পাঠকগণ সংবাদ পাইয়াছেন, আমার জীর জাঠতুত বোনের বিবাহ হইয়াছে। তাহাব স্বামীটা অত্যন্ত বর্বর দুষ্ট। জীর প্রতি তাহার অত্যাচার অসহ্য। আমি এই পাষাণের নির্দয়াচরণ লইয়া আত্মীয়সমাজে আলোচনা করিয়াছিলাম—সে-কথা অনেক বড় হইয়া তাহার কানে উঠিয়াছিল। সে তাহার পর হইতে আমার প্রতি লক্ষ্য করিয়া সকলের কাছে বলিয়া বেড়াইতেছে যে, নিজের নামে হইতে আরম্ভ করিয়া শত্রুর নামে পর্য্যন্ত উত্তম-মধ্যম-অধম অনেকরকম খ্যাতির বিবরণ শাস্ত্রে লিখিয়াছে, কিন্তু নিজের জীর খ্যাতিতে যশস্বী হওয়ার কল্পনা কবির মাথাতেও আসে নি।

এমন-সব কথা লোকের মুখে মুখে চলিতে আরম্ভ করিলে জীর মনে তো দস্ত জন্মিতেই পারে। বিশেষত বাবার একটা বড় অভ্যাস ছিল, নিকরিলীর সামনেই তিনি আমাদের পরস্পরের বাংলাভাষাজ্ঞান লইয়া কোতুক করিতেন। একদিন তিনি বলিলেন, “হরিশ যে বাংলা চিঠিগুলো লেখে, তাহার বানানটা তুমি দেখিয়া দাও না কেন বোমা—আমাকে এক চিঠি লিখিয়াছে, তাহাতে সে জগদিত্ত লিখিতে দীর্ঘ ঈ বসাইয়াছে।” শুনয়া বাবার বোমা নীরবে একটুখানি স্নিহাস্ত করিলেন। আমিও কথাটাকে ঠাট্টা বলিয়া হাসিলাম, কিন্তু এরকম ঠাট্টা ভালো নয়।

জীর দস্তের পরিচয় পাইতে আমার দেৱী হইল না। পাড়ার ছেলেদের এক ক্লাব আছে—সেখানে একদিন তাহারা এক বিখ্যাত বাংলালেখককে বক্তৃতা দিতে রাজি করিয়াছিল। অপর একটি বিখ্যাত লোককে সভাপতিও ঠিক করা হয়—তিনি বক্তৃতার পূর্ব্বরাত্রে অস্বাস্থ্য জানাইয়া ছুটি লইলেন। ছেলেরা উপায়ান্তর না দেখিয়া আমাকে আসিয়া ধরিল। আমার প্রতি ছেলেদের এই অহৈতুকী শ্রদ্ধা দেখিয়া আমি কিছু প্রফুল্ল হইয়া উঠিলাম—বলিলাম, “তা বেশ তো, বিষয়টা কি বল তো?” তাহারা কহিল, “প্রাচীন ও আধুনিক বঙ্গসাহিত্য।”—আমি কহিলাম—“বেশ হইবে, দুটোই আমি ঠিক সমান জানি।

পরদিন সভায় যাইবার পূর্বে জলখাবার এবং কাপড়চোপড়ের জগ্গ জীকে কিছু তাড়া দিতে লাগিলাম। নির্ঝরিনী কহিল—“কেন গো, এত ব্যস্ত কেন—আবার কি পাত্রী দেখিতে যাইতেছ?” আমি কহিলাম, “একবার দেখিয়াই নাকে-কানে খৎ দিয়াছি—আর নয়!” তবে এত সাজসজ্জার তাড়া যে!”

জীকে সগর্বে সমস্ত ব্যাপারটা বলিলাম। শুনিয়া সে কিছুমাত্র উল্লাস প্রকাশ না করিয়া ব্যাকুলভাবে আমার হাত চাপিয়া ধরিল। কহিল “তুমি পাগল হইয়াছ? না না, সে তুমি যাইতে পারিবে না!”

আমি কহিলাম, “রাজপুতনারী যুদ্ধসাজ পরাইয়া স্বামীকে রণক্ষেত্রে পাঠাইয়া দিত—আর বাঙালীর মেয়ে কি বক্তৃতাসভাতেও পাঠাইতে পারে না?”

নির্ঝরিনী কহিল—“ইংরাজি বক্তৃতা হইলে আমি ভয় করিতাম না, কিন্তু—থাক্ না, অনেক লোক আসিবে, তোমার অভ্যাস নাই—শেষকালে—”

শেষকালের কথাটা আমিও কি মাঝে মাঝে ভাবি নাই! রামমোহন রায়ের গানটা মনে পড়িতেছিল—

“মনে কর শেষের সে দিন ভয়ঙ্কর

অশ্রু বাক্য কবে কিন্তু তুমি রবে নিরন্তর!”

বক্তার বক্তৃতা-অশ্রু উঠিয়া দাঁড়াইবার সময় সভাপতি যদি হঠাৎ “দৃষ্টিহীন নাড়ীকণ্ঠ হিমকলেবর” অবস্থায় একেবারে নিরন্তর হইয়া পড়েন, তবে কি গতি হইবে! এই সকল কথা চিন্তা করিয়া পূর্বোক্ত পলাতক সভাপতিমহাশয়ের চেয়ে আমার স্বাস্থ্য যে কোনো অংশে ভালো ছিল, এমন কথা আমি বলিতে পারি না।

বুক ফুলাইয়া জীকে কহিলাম, “নির্ঝর, তুমি কি মনে কর—”

জী কহিল—“আমি কিছুই মনে করি না—কিন্তু আমার আজ ভারি মাথা ধরিয়া আসিয়াছে—বোধ হয় জ্বর আসিবে—তুমি আজ আমাকে ফেলিয়া যাইতে পারিবে না!”

আমি কহিলাম, “সে আলাদা কথা। তোমার মুখটা একটু লাল দেখাইতেছে বটে।”

সেই লালটা সভাস্থলে আমার ছরবস্থা কল্পনা করিয়া লজ্জায়, অথবা আসন্ন জ্বরের আবেশে, সে-কথা নিঃসংশয়ে পর্যালোচনা না করিয়াই আমি ক্লাবের সেক্রেটারিকে জ্বরী পীড়ার কথা জানাইয়া নিষ্কৃতিলাভ করিলাম।

বলা বাহুল্য, জ্বরী জরভাব অতি সম্ভব ছাড়িয়া গেল। আমার অন্তরাশ্মা কহিতে লাগিল, “আর-সব ভালো হইল, কিন্তু তোমার বাংলা বিভ্রা-সম্বন্ধে তোমার জ্বরী মনে এই যে সংস্কার, এটা ভালো নয়। তিনি নিজেকে মস্ত বিদ্বদী বলিয়া ঠাওরাইয়াছেন—কোনদিন বা মশারির মধ্যে নাইটুকুল খুলিয়া তিনি তোমাকে বাংলা পড়াইবাব চেষ্টা করিবেন।”

আমি কহিলাম, “ঠিক কথা—এই বেলা দর্প চূর্ণ না করিলে ক্রমে আর তাহার নাগাল পাওয়া যাইবে না।”

সেই রাত্রেই তাহার সঙ্গে একটু খিটিমিটি বাধাইলাম। অল্পশিক্ষা যে কিরূপ ভয়ঙ্কর জিনিষ, পোপের কাব্য হইতে তাহার উদাহরণ উদ্ধার করিয়া তাহাকে শুনাইলাম। ইহাও বুঝাইলাম, কোনোমতে বানান এবং ব্যাকরণ বাঁচাইয়া লিখিলেই যে লেখা লইল, তাহা নহে—আসল জিনিষটা হইতেছে আইডিয়া। কাশিয়া বলিলাম, “সেটা উপক্রমণিকায় পাওয়া যায় না—সেটার জন্ত মাথা চাই।” মাথা যে কোথায় আছে, সে-কথা তাহাকে স্পষ্ট করিয়া বলি নাই, কিন্তু তবু বোধ হয় কথাটা অস্পষ্ট ছিল না। আমি কহিলাম—“লিখিবার যোগ্য কোনো লেখা কোনো দেশে কোনো দিন কোনো জ্বীলোক লেখে নাই।”

শুনিয়া নিরুৎসাহের মেয়েলি তার্কিকতা চড়িয়া উঠিল। সে বলিল—“কেন মেয়েরা লিখিতে পারিবে না! মেয়েরা এতই কি হীন!”

আমি কহিলাম—“রাগ করিয়া কি করিবে! দৃষ্টান্ত দেখাও না!”

নিরুৎসাহী কহিল—“তোমার মত যদি আমার ইতিহাস পড়া থাকিত, তবে নিশ্চয়ই আমি তের দৃষ্টান্ত দেখাইতে পারিতাম।”

এ-কথাটা শুনিয়া আমার মন একটু নরম হইয়াছিল, কিন্তু তর্ক এইখানেই শেষ হয় নাই। ইহার শেষ যেখানে, সেটা পরে বর্ণনা করা যাইতেছে।

‘উদ্দীপনা’ বলিয়া মাসিকপত্রে ভালো গল্প লিখিবার জন্ত পঞ্চাশ টাকা পুরস্কার ঘোষণা করিয়াছিল। কথা এই স্থির হইল, আমরা দুই জনেই

সেই কাগজে দুটা গল্প লিখিয়া পাঠাইব, দেখি কাহার ভাগ্যে পুরস্কার জোটে !

রাত্রের ঘটনা তো এই ! পর দিন প্রভাতের আলোকে বুদ্ধি যখন নিশ্চল হইয়া আসিল, তখন দ্বিধা জন্মিতে লাগিল। কিন্তু প্রতিজ্ঞা করিলাম, এ অবসর ছাড়িয়া দেওয়া হইবে না—যেমন করিয়া হোক, জিতিতেই হইবে। হাতে তখনো দুইমাস সময় ছিল।

প্রকৃতিবাদ অভিধান কিনিলাম—বঙ্কিমের বইগুলোও সংগ্রহ করিলাম। কিন্তু বঙ্কিমের লেখা আমার চেয়ে আমার অন্তঃপুরে অধিক পরিচিত—তাই সে মহদাশ্রয় পরিত্যাগ করিতে হইল। ইংরাজী গল্পের বই দেদার পড়িতে লাগিলাম। অনেকগুলো গল্প ভাঙিয়া চুরিয়া একটা প্লট দাঁড় করাইলাম। প্লটটা খুবই চমৎকার হইয়াছিল, কিন্তু মুঞ্চিল এই হইল, বাংলাসমাজে সে-সকল ঘটনা কোনো অবস্থাতেই ঘটতে পারে না। অতি প্রাচীনকালের পাঞ্জাবের সীমান্ত-দেশে গল্পের ভিত্তি ফাঁদিলাম—সেখানে সম্ভব-অসম্ভবের সমস্ত বিচার একেবারে নিরাকৃত হওয়াতে কলমের মুখে কোনো বাধা রহিল না। উদ্দাম প্রণয়, অসম্ভব বীরত্ব, নিদারুণ পরিণাম সার্কাসের ঘোড়ার মত আমার গল্প ঘিরিয়া অদ্ভুত গতিতে ঘুরিতে লাগিল।

রাত্রে আমার ঘুম হইত না—দিনে আহারকালে ভাতের থালা ছাড়িয়া মাছের ঝোলের বাটিতে ডাল ঢালিয়া দিতাম। আমার অবস্থা দেখিয়া নির্ঝরিণী আমাকে অমুনয় করিয়া বলিল, “আমার মাথা খাণ্ড, তোমাকে আর গল্প লিখিতে হইবে না—আমি হার মানিতেছি।”

আমি উত্তেজিত হইয়া বলিলাম, “তুমি কি মনে করিতেছ, আমি দিনরাত্রি কেবল গল্প ভাবিয়াই মরিতেছি। কিছু না ! আমাকে মঞ্চেলের কথা ভাবিতে হয়—তোমার মত গল্প এবং কবিতা চিন্তা করিবার অবসর পড়িয়া থাকিলে আমার ভাবনা কি ছিল !”

যাহা হউক, ইংরাজি প্লট এবং সংস্কৃত অভিধানে মিলাইয়া একটা গল্প খাড়া করিলাম। মনের কোণে ধর্মবুদ্ধিতে একটু পীড়াবোধ করিতে লাগিলাম—ভাবিলাম, বেচারি নিরীহ ইংরাজিসাহিত্য পড়ে নাই, তাহার ভাব সংগ্রহ করিবার ক্ষেত্রে সঙ্কীর্ণ—আমার সঙ্গে তাহার এই লড়াই নিতান্ত অসমকক্ষের লড়াই।

উপসংহার

লেখা পাঠানো হইয়াছে। বৈশাখের সংখ্যায় পুরস্কারযোগ্য গল্পটি বাহির হইবে। যদিও আমার মনে কোনো আশঙ্কা ছিল না, তবু সময় যত নিকটবর্তী হইল, মনটা তত চঞ্চল হইয়া উঠিল।

বৈশাখমাসও আসিল। একদিন আদালত হইতে সকাল-সকাল ফিরিয়া আসিয়া খবর পাইলাম, বৈশাখের উদ্দীপনা আসিয়াছে, আমার জ্বী তাহা পাইয়াছে।

ধীরে ধীরে নিঃশব্দপদে অন্তঃপুরে গেলাম। শয়নঘরে উকি মারিয়া দেখিলাম, আমার জ্বী কড়ায় আঙুন করিয়া একটা বই পুড়াইতেছে। দেয়ালের আয়নার নিৰ্ঝরিণীর মুখের ঘে প্রতিবিম্ব দেখা যাইতেছে, তাহাতে স্পষ্ট বুঝা গেল, কিছু পূর্বে সে অশ্রুবর্ষণ করিয়া লইয়াছে।

মনে আনন্দ হইল, কিন্তু সেই সঙ্গে একটু দয়াও হইল। আহা, বেচারার গল্পটি উদ্দীপনায় বাহির হয় নাই। কিন্তু এই সামান্য ব্যাপারে এত দুঃখ! জ্বীলোকের অহঙ্কারে এত অল্লেই ঘা পড়ে!

আবার আমি নিঃশব্দপদে ফিরিয়া গেলাম। উদ্দীপনা-আফিস হইতে নগদ দাম দিয়া কাগজ কিনিয়া আনিলাম। আমার লেখা বাহির হইয়াছে কি না, দেখিবার জন্ত কাগজ খুলিলাম। স্মৃতিপত্রে দেখিলাম, পুরস্কারযোগ্য গল্পটির নাম “বিক্রমনারায়ণ” নহে, তাহার নাম “ননদিনী”—এবং তাহার রচয়িতার নাম—একি? এ যে নিৰ্ঝরিণী দেবী!

বাংলাদেশে আমার জ্বী ছাড়া আর কাহারো নাম নিৰ্ঝরিণী আছে কি? গল্পটি খুলিয়া পড়িলাম। দেখিলাম, নিৰ্ঝরের সেই হতভাগিনী জাঠুত বোনের বৃত্তান্তটিই ডালপালা দিয়া বর্ণিত। একেবারে ঘরের কথা—সাদা ভাষা—কিন্তু সমস্ত ছবির মত চোখে পড়ে এবং চক্ষু জ্বলে ভরিয়া যায়। এ নিৰ্ঝরিণী যে আমারই “নিৰ্ঝর”, তাহাতে সন্দেহ নাই।

তখন আমার শয়নঘরের সেই দাহদৃশ্য এবং ব্যথিত রমণীর সেই ম্লানমুখ অনেকক্ষণ চুপ করিয়া বসিয়া বসিয়া ভাবিতে লাগিলাম।

রাতে শুইতে আসিয়া জীকে বলিলাম, “নিব্বর, যে খাতায় তোমার লেখা গুলি আছে, সেটা কোথায় ?”

নিব্বরিণী কহিল, “কেন সে লইয়া তুমি কি করিবে ?”

আমি কহিলাম—“আমি ছাপিতে দিব !

নিব্বরিণী। আহা, আর ঠাট্টা করিতে হইবে না !

আমি। না ঠাট্টা করিতেছি না। সত্যই ছাপিতে দিব।

নিব্বরিণী। সে কোথায় গেছে, আমি জানি না।

আমি কিছু জেদের সঙ্গেই বলিলাম—“না নিব্বর, সে কিছুতেই হবে না। বল, সেটা কোথায় আছে ?”

নিব্বরিণী কহিল—“সত্যই সেটা নাই।”

আমি। কেন, কি হইল ?

নিব্বরিণী। সে আমি পুড়াইয়া ফেলিয়াছি।

আমি চমকিয়া উঠিয়া কহিলাম, “জ্যা ! সে কি ! কবে পুড়াইলে !”

নিব্বরিণী। আজই পুড়াইয়াছি। আমি কি জানি না যে, আমার লেখা ছাই লেখা ! জীলোকের রচনা বলিয়া লোকে মিথ্যা করিয়া প্রশংসা করে !

ইহার পর হইতে এ পর্যন্ত নিব্বরকে সাধ্যসাধনা করিয়াও একছত্র লিখাইতে পারি নাই। ইতি।

শ্রীহরিশচন্দ্র হালদার ।

উপরে যে গল্পটি লেখা হইয়াছে উহার পনেরো-আনাই গল্প। আমার স্বামী যে বাংলা কত অল্প জানেন, তাহা তাঁহার রচীত উপন্যাসটি পড়িলেই কাহারো বুঝিতে বাকি থাকিবে না। ছি ছি, নিজের জীকে লইয়া এমনি করিয়া কি গল্প বানাইতে হয় ? ইতি।

শ্রীনিব্বরিণী দেবী ।

জীলোকের চাতুরীসম্বন্ধে দেশী-বিদেশী শাস্ত্রে-অশাস্ত্রে অনেক কথা আছে— তাহাই স্বরণ করিয়া পাঠকেরা ঠকিবেন না। আমার রচনাটুকুর ভাষা ও বানান কে সংশোধন করিয়া দিয়াছেন, সে-কথা আমি বলিব না—না বলিলেও বিজ্ঞ পাঠক অনুমান করিতে পারিবেন আমার জী যে-কল্প-লাইন লিখিয়াছেন, তাহার বানান-ভুলগুলি দেখিলেই পাঠক বুঝিবেন, সেগুলি ইচ্ছাকৃত—তাঁহার স্বামী যে বাংলার পরমপণ্ডিত এবং গল্পটা যে আশাঢ়ে, ইহাই প্রমাণ করিবার এই অতি সহজ উপায় তিনি বাহির করিয়াছেন—এইজন্তাই কালিদাস লিখিয়াছেন—“জীগামশিক্ষিতপটুহ্ম।” তিনি জীচরিত্র বুঝিতেন। আমিও সম্প্রতি চোখফোটার পর হইতে বুঝিতে শুরু করিয়াছি। কালে হয় তো কালিদাস হইয়া উঠিতেও পারিব। কালিদাসের সঙ্গে আরো একটু সাদৃশ্য দেখিতেছি। শুনিয়াছি, কবির নববিবাহের পর তাঁহার বিহবী জীকে যে শ্লোক রচনা করিয়া শোনান, তাহাতে উষ্ট্রশব্দ হইতে রফলাটা লোপ করিয়াছিলেন—শব্দপ্রয়োগসম্বন্ধে এরূপ চর্যটনা বর্তমান লেখকের দ্বারাও অনেক ঘটিয়াছে—অতএব, সমস্ত গভীরভাবে পর্যালোচনা করিয়া আশা হইতেছে—কালিদাসের যেরূপ পরিণাম হইয়াছিল, আমার পক্ষেও তাহা অসম্ভব নহে। ইতি।

শ্রীহঃ—

এ গল্প যদি ছাপানো হয়, আমি বাপের বাড়ি যাইব।

শ্রীমতী নিঃ—

আমিও তৎক্ষণাৎ স্বপ্নরবাড়ি যাত্রা করিব।

শ্রীহঃ—

[১৩০২—*]

মাল্যদান

সকালবেলায় শীত-শীত ছিল। দুপুরবেলায় বাতাসটি অল্প-একটু তাতিয়া উঠিয়া দক্ষিণ দিক্ হইতে বহিতে আরম্ভ করিয়াছে।

যতীন যে বারান্দায় বসিয়া ছিল, সেখান হইতে বাগানের এককোণে একদিকে একটি কাঁঠাল ও আর একদিকে একটি শিরীষগাছের মাঝখানের কাঁক দিয়া বাহিরের মাঠ চোখে পড়ে। সেই শূণ্যমাঠ ফাল্গুনের রৌদ্রে ধুধু করিতেছিল। তাহারি একপ্রান্ত দিয়া কাঁচা পথ চলিয়া গেছে—সেই পথ বহিয়া বোঝাই-খালাস গোরুর গাড়ি মন্দগমনে গ্রামের দিকে কিরিয়া চলিয়াছে—গাড়েয়ান মাথায় গাম্‌ছা ফেলিয়া অত্যন্ত বেকার-ভাবে গান গাহিতেছে।

এমন সময় পশ্চাতে একটি সহাস্ত নারীকণ্ঠ বলিয়া উঠিল, “কি যতীন পূর্বজন্মের কারো কথা ভারিতেছ বুছি!”

যতীন কহিল, “কেন পটল, আমি এমনিই কি হতভাগা যে, ভাবিতে হইলেই পূর্বজন্ম লইয়া টান পাড়িতে হয়!”

আত্মীয়সমাজে ‘পটল’ নামে খ্যাত এই মেয়েটি বলিয়া উঠিল—“আর মিথ্যা বড়াই করিতে হইবে না। তোমার ইহজন্মের সব খবরই তো রাখি মশায়! ছিছি, এত বয়স হইল, তবু একটা সামান্য বৌও ঘরে আনিতে পারিলে না! আমাদের ঐ যে ধনা মালীটা, ওরও একটা বৌ আছে—তা’র সঙ্গে দুই-বেলা ঝগড়া করিয়া সে পাড়াশুদ্ধ লোককে জানাইয়া দেয় যে, বৌ আছে বটে। আর তুমি যে মাঠের দিকে তাকাইয়া ভাণ করিতেছ যেন কার চাঁদমুখ ধ্যান করিতে

বলিয়াছ—এ সমস্তচালাকি আমি কি বুঝি না—ও কেবল লোক দেখাইবার ভড়ং মাত্র। দেখে যতীন, চেনা বামুনের পৈতের দরকার হয় না—আমাদের ঐ ধনাটা তো কোনোদিন বিরহের ছুতা করিয়া মাঠের দিকে অমন তাকাইয়া থাকে না ; অতি-বড় বিচ্ছেদের দিনেও গাছের তলায় নিড়ানিহাতে উহাকে দিন কাটাইতে দেখিয়াছি—কিন্তু উহার চোখে তো অমন ঘোর-ঘোর ভাব দেখি নাই। আর তুমি মশায় সাতজন্য বোয়ের মুখ দেখিলে না—কেবল হাঁসপাতালে মড়া কাটিয়া ও পড়া মুখস্থ করিয়া বয়স পার করিয়া দিলে, তুমি অমনতর দুপুরবেলা আকাশের দিকে গদগদ হইয়া তাকাইয়া থাক কেন ? না, এ-সমস্ত বাজে চালাকি আমার ভালো লাগে না ! আমার গা জ্বালা করে !”

যতীন হাতজোড় করিয়া কহিল—“থাক্ থাক্, আর নয়। আমাকে আর, লজ্জা দিয়ো না ! তোমাদের ধনাই ধত্ত ! উহারই আদর্শে আমি চলিতে চেষ্টা করিব ! আর কথা নয়, কাল সকালে উঠিয়াই যে কাঠকুড়ানি মেয়ের মুখে দেখিব, তাহারই গলায় মালা দিব—ধিকার আমার আর সহ হইতেছে না !”

পটল। তবে এই কথা রহিল ?

যতীন। হাঁ, রহিল !

পটল। তবে এস !

যতীন। কোথায় যাইব ?

পটল। এসই না।

যতীন। না না, একটা কি ছুটিমি তোমার মাথায় আসিয়াছে। আমি এখন নড়িতেছি না !

পটল। আচ্ছা, তবে এইখানেই ব'স ! বলিয়া সে দ্রুতপদে প্রস্থান করিল।

পরিচয় দেওয়া যাক্। যতীন এবং পটলের বয়সের একদিনমাত্র তারতম্য। পটল যতীনের চেয়ে একদিনেরও বড় বলিয়া যতীন তাহার প্রতি কোনোপ্রকার সামাজিক সম্মান দেখাইতে নারাজ। উভয়ে খুড়তুত-জাঠতুত ভাইবোন বরাবর একত্রে খেলা করিয়া আসিয়াছে। ‘দিদি’ বলে না বলিয়া পটল যতীনের নামে বালাকালে বাপ-খুড়ার কাছে অনেক নাগিশ করিয়াছে, কিন্তু কোনো শাসনবিধির দ্বারা কোনো ফল পায় নাই—একটিমাত্র ছোট ভাইয়ের কাছেও তাহার পটল-নাম ঘুটিল না।

পটল দিব্য মোটাসোটা গোলগাল—প্রফুল্লতার রসে পরিপূর্ণ। তাহার কোতুকহস্ত দমন করিয়া রাখে, সমাজে এমন কোনো শক্তি ছিল না। শান্তির কাছে সে কোনোদিন গান্ধীর্ষ্য অবলম্বন করিতে পারে নাই। প্রথম-প্রথম তা লইয়া অনেক কথা উঠিয়াছিল। কিন্তু শেষকালে সকলকেই হার মানিয়া বলিতে হইল—ওর ঐ রকম! তা'র পরে এমন হইল যে, পটলের ছুনিবার প্রফুল্লতার আঘাতে গুরুজনদের গান্ধীর্ষ্য ধূলিসাৎ হইয়া গেল। পটল তাহার আশেপাশে কোনোখানে মনোভার, মুখভার, দৃষ্টিস্তা সহিতে পারিত না—অজস্র গল্প-হাসিঠাট্টায় তাহার চারিদিকের হাওয়া যেন বিদ্যুৎশক্তিতে বোঝাই হইয়া থাকিত।

পটলের স্বামী হরকুমারবাবু ডেপুটিম্যাজিস্ট্রেট—বেহার-অঞ্চল হইতে বদলি হইয়া কলিকাতার আব্কারি-বিভাগে স্থান পাইয়াছেন। প্লেগের ভয়ে বালিতে একটি বাগানবাড়ী ভাড়া লইয়া থাকেন, সেখান হইতে কলিকাতায় যাতায়াত করেন। আব্কারি-পরিদর্শনে প্রায়ই তাঁহাকে মফঃস্বলে ফিরিতে হইবে বলিয়া দেশ হইতে মা এবং অন্ত ছই-একজন আত্মীয়কে আনিবার উপক্রম করিতেছেন, এমন-সময় ডাক্তারিতে নূতন উত্তীর্ণ পসার-প্রতিপত্তিহীন যতীন বোনের নিমন্ত্রণে হুণ্ডাখানিকের জন্ত এখানে আসিয়াছে।

কলিকাতার গলি হইতে প্রথমাদন গাছ-পালার মধ্যে আসিয়া যতীন ছায়াময় নির্জন বারান্দায় ফাস্তুন-মধ্যাহ্নের রসালস্ত্রে আবিষ্ট হইয়া বসিয়াছিল, এমন সময়ে পূর্বকথিত সেই উপদ্রব আরম্ভ হইল। পটল চলিয়া গেলে আবার খানিকক্ষণের জন্ত সে নিশ্চিন্ত হইয়া একটুখানি নড়িয়া-চড়িয়া বেশ আরাম করিয়া বসিল,—কাঠকুড়ানি মেয়ের প্রসঙ্গে ছেলেবেলাকার রূপকথার অলিগলির মধ্যে তাহার মন ঘুরিয়া বেড়াইতে লাগিল।

এমন-সময় আবার পটলের হাসিমাখা কণ্ঠের কাকলীতে সে চমকিয়া উঠিল।

পটল আর একটি মেয়ের হাত ধরিয়া সবগে টানিয়া আনিয়া যতীনের সম্মুখে স্থাপন করিল—কহিল, “ও কুড়ানি!”

মেয়েটি কহিল—“কি দিদি।”

পটল। আমার এই ভাইটি কেমন দেখ্ দেখি।

মেয়েটি অসকোচে যতীনকে দেখিতে লাগিল। পটল কহিল—“কেমন, ভালো দেখিতে না ?”

মেয়েটি গভীরভাবে বিচার করিয়া ঘাড় নাড়িয়া কহিল—“হাঁ, ভালো !”

যতীন লাল হইয়া চোঁকি ছাড়িয়া উঠিয়া কহিল—“আঃ পটল, কি ছেলে-মামুষি করিতেছ !”

পটল। আমি ছেলেমামুষি করি, না, তুমি বুড়োমামুষি কর ! তোমার বুঝি বয়সের গাছপাথর নাই !

যতীন পলায়ন করিল। পটল তাহার পিছনে পিছনে ছুটিতে ছুটিতে কহিল—“ও যতীন, তোমার ভয় নাই, তোমার ভয় নাই। এখনি তোমার মালা দিতে হইবে না—ফাল্গুনচৈত্রে লগ্ন নাই—এখনো হাতে সময় আছে !”

পটল যাহাকে কুড়ানি বলিয়া ডাকে, সেই মেয়েটি অবাঞ্ছিত হইয়া রহিল। তাহার বয়স ষোলো হইবে, শরীর ছিপ্‌ছিপে—মুখশ্রী-সম্বন্ধে অধিক কিছু বলিবার নাই, কেবল মুখে এই একটি অসামান্যতা আছে যে, দেখিলে যেন বনের হরিণের ভাব মনে আসে। কঠিন ভাষায় তাহাকে নির্বুদ্ধি বলা যাইতেও পারে—কিন্তু তাহা বোকামি নহে—তাহা বুদ্ধিবৃত্তির অপরিষ্কারণ-মাত্র—তাহাতে কুড়ানি ব মুখের সৌন্দর্য্য নষ্ট না করিয়া বরঞ্চ একটি বিশিষ্টতা দিয়াছে !

সন্ধ্যাবেলায় হরকুমারবাবু কলিকাতা হইতে ফিরিয়া আসিয়া যতীনকে দেখিয়া কহিলেন—“এই যে যতীন আসিয়াছ, ভালোই হইয়াছে ! তোমাকে একটু ডাক্তারি করিতে হইবে। পশ্চিমে থাকিতে হৃদিকের সমস্যা আমার। একটি মেয়েকে লইয়া মামুষ করিতেছি—পটল তাহাকে কুড়ানি বলিয়া ডাকে। উহার বাপ-মা এবং ঐ মেয়েটি আমাদের বাংলার কাছেই একটি গাছতলায় পড়িয়াছিল। যখন খবর পাইয়া গেলাম, গিয়া দেখি উহার বাপ-মা মরিয়াছে, মেয়েটির প্রাণটুকু আছে মাত্র। পটল তাহাকে অনেক যত্নে বাঁচাইয়াছে। উহার জাতের কথা কেহ জানে না—তাহা লইয়া কেহ আপত্তি করিলেই পটল বলে, ‘ও তো স্বিজ—একবার মরিয়া এবার আমাদের ঘরে জন্মিয়াছে—উহার সাবেক জাত কোথায় ঘুচিয়া গেছে।’ প্রথমে মেয়েটি পটলকে মা বলিয়া ডাকিতে শুরু করিয়াছিল—পটল তাহাকে ধমক দিয়া বলিল—‘খবরদার

আমাকে মা বলিস্ নে—আমাকে দ্বিদি বলিস্ !’ পটল বলে, ‘অত-বড় মেয়ে মা বলিলে নিজেকে বুড়ি বলিয়া মনে হইবে যে !’ বোধ করি সেই ছুভিক্ষের উপবাসে বা আর কোনো কারণে উহার থাকিয়া-থাকিয়া শূলবেদনার মত হয়। ব্যাপারখানা কি, তোমাকে ভালো করিয়া পরীক্ষা করিয়া দেখিতে হইবে। ওরে তুলসি, কুড়ানিকে ডাকিয়া আনু তো।”

কুড়ানি চুল বাঁধিতে বাঁধিতে অসম্পূর্ণ বেণী পিঠের উপরে ঢলাইয়া হরকুমার বাবুর ঘরে আসিয়া উপস্থিত হইল। তাহার চরিত্রের মত চোখ ছুটি ছুজনের উপর রাখিয়া সে চাহিয়া রহিল।

যতীন ইতস্তত করিতেছে দেখিয়া হরকুমার তাহাকে কহিলেন, “বুথা সঙ্কোচ করিতেছ যতীন। উহাকে দেখিতে মস্ত ডাগর, কিন্তু কচি ডাবের মত উহার ভিতরে কেবল জল ছল্ছল্ করিতেছে—এখনো শাসের রেখামাত্র দেখা দেয় নাই। ও কিছুই বোঝে না—উহাকে তুমি নারী বলিয়া ভ্রম করিয়া না—ও বনের হরিণী।”

যতীন তাহার ডাক্তারিকর্তব্য সাধন করিতে লাগিল—কুড়ানি কিছুমাত্র কুষ্ঠা প্রকাশ করিল না। যতীন কহিল—“শরীরবস্ত্রের কোনো বিকার তো বোঝা গেল না।”

পটল ফস্ করিয়া ঘরে ঢুকিয়া বলিল, “হৃদয়বস্ত্রেরও কোনো বিকার ঘটে নাই। তা’র পরীক্ষা দেখিতে চাও ?”—

বলিয়া কুড়ানির কাছে গিয়া তাহার চিবুক স্পর্শ করিয়া কহিল—“ও কুড়ানি, আমার এই ভাইটিকে তোর পছন্দ হইয়াছে ?”

কুড়ানি মাথা হেলাইয়া কহিল—“হাঁ !”

পটল কহিল, “আমার ভাইকে তুই বিয়ে ক’রবি ?”

সে আবার মাথা হেলাইয়া কহিল,—“হাঁ।”

পটল এবং হরকুমারবাবু হাসিয়া উঠিলেন। কুড়ানি কৌতূকের মর্ম্ম না বুঝিয়া তাঁহাদের অশ্রু করণে মুখখানি হাসিতে ভরিয়া চাহিয়া রহিল।

যতীন লাল হইয়া উঠিয়া ব্যস্ত হইয়া কহিল—“আঃ, পটল, তুমি বাড়াবাড়ি করিতেছ—ভারি অগ্রায় ! হরকুমারবাবু, আপনি পটলকে বড় বেশি প্রণয় দিয়া থাকেন !”

হরকুমার কহিলেন—“নহিলে আমিও যে উহার কাছে প্রত্ন প্রত্যাশা করিতে পারি না। কিন্তু যতীন, কুড়ানিকে তুমি জান না বলিয়াই অত ব্যস্ত হইতেছ! তুমি লজ্জা করিয়া কুড়ানিকে মুক্ত লজ্জা করিতে শিখাইবে দেখিতেছি। উহাকে জ্ঞানবৃক্ষের ফল তুমি খাওয়াইয়ো না। সকলে উহাকে লইয়া কোতুক করিয়াছে—তুমি যদি মাঝের থেকে গান্ধীয়া দেখাও, তবে সেটা উহার পক্ষে একটা অসঙ্গত ব্যাপার হইবে?”

পটল। ঐ জন্তাই তো যতীনের সঙ্গে আমার কোনোকালেই বনিল না—ছেলেবেলা থেকে কেবলি ঝগড়া চলিতেছে—ও বড় গম্ভীর।

হরকুমার। ঝগড়া করাটা বৃথি এমনি করিয়া একেবারে অভ্যাস হইয়া গেছে—ভাই সরিয়া পড়িয়াছেন, এখন—

পটল। ফের মিথ্যা কথা! তোমার সঙ্গে ঝগড়া করিয়া স্থপ নাই—আমি চেষ্টাও করি না।

হরকুমার। আমি গোড়াতেই হার মানিয়া যাই।

পটল। বড় কষ্টই কর! গোড়ার হার না মানিয়া শেষে হার মানিলে কত খুসি হইতাম!

রাএ শোবার ঘরের জানুনা-দরজা খুলিয়া দিয়া যতীন অনেক কথা ভাবিল। যে মেয়ে আপনার বাপ-মাকে না খাইতে পাইয়া মরিতে দেখিয়াছে, তাহার জীবনের উপর কি ভীষণ ছায়া পড়িয়াছে! এই নিদারুণ ব্যাপারে সে কত বড় হইয়া উঠিয়াছে—তাহাকে লইয়া কি কোতুক করা যায়? বিধাতা দয়া করিয়া তাহার বুদ্ধিবৃত্তির উপরে একটা আবরণ ফেলিয়া দিয়াছেন—এই আবরণ যদি উঠিয়া যায়, তবে অদৃষ্টের রক্তলীলার কি ভীষণ চিহ্ন প্রকাশ হইয়া পড়ে! আজ মধ্যাহ্নে গাছের ফাঁক দিয়া যতীন যখন ফাস্তনের আকাশ দেখিতেছিল, দূর হইতে কাঁঠালমুকুলের গন্ধ মুহূর্তর হইয়া তাহার ভ্রাগকে আবিষ্ট করিয়া ধরিতেছিল—তখন তাহার মনটা মাধুর্যের কুহেলিকায় সমস্ত জগৎটাকে আচ্ছন্ন করিয়া দেখিয়াছিল ঐ বুদ্ধিহীন বালিকা তাহার হরিণের মত চোখ-হুটি লইয়া সেই সোনালি কুহেলিকা অপসারিত করিয়া দিয়াছে—ফাস্তনের এই কুজন-গুজন-মর্মরের পশ্চাতে যে সংসার ক্রধাতৃষ্ণাতুর হঃখকটিন দেহ লইয়া বিরাট মূর্তিতে দাঁড়াইয়া আছে, উদ্ঘাটিত ববনিকার শিল্প-মাধুর্যের অন্তরালে সে দেখা দিল!

পরদিন সন্ধ্যার সময় কুড়ানির সেই বেদনা ধরিল। পটল তাড়াতাড়ি যতীনকে ডাকিয়া পাঠাইল। যতীন আসিয়া দেখিল, কণ্ঠে কুড়ানির হাতে-পায়ে খিল ধরিতেছে—শরীর আড়ষ্ট। যতীন ঔষধ আনিতে পাঠাইয়া বোতল করিয়া গরম জল আনিতে ছকুম করিল। পটল কহিল, “ভারি মস্ত ডাক্তার হইয়াছ, পায়ে একটু গরম তেল মালিশ করিয়া দাও না! দেখিতেছ না, পায়ের তেলো হিম হইয়া গেছে।”

যতীন রোগিণীর পায়ের তলায় গরম তেল সবেগে ঘষিয়া দিতে লাগিল। চিকিৎসা-ব্যাপারে রাত্রি অনেক হইল। হরকুমার কলিকাতা হইতে ফিরিয়া আসিয়া বারবার কুড়ানির খবর লইতে লাগিলেন। যতীন বুঝিল, সন্ধ্যাবেলায় কৰ্ম হইতে ফিরিয়া আসিয়া পটল-অভাবে হরকুমারের অচল হইয়া উঠিয়াছে—ঘনঘন কুড়ানির খবর লইবার তাৎপর্য্য তা-ই। যতীন কহিল—“হরকুমার-বাবু ছটফট করিতেছেন, তুমি যাও পটল।”

পটল কহিল—“পরের দোহাই দিবে বৈ কি? ছটফট কে করিতেছে, তা বুঝিয়াছি! আমি গেলেই এখন তুমি বাঁচ? এদিকে কথায় কথায় লজ্জার মুখ-চোখ লাল হইয়া উঠে—তোমার পেটে যে এত ছিল, তা কে বুঝিবে!”

যতীন। আচ্ছা, দোহাই তোমার, তুমি এইখানেই থাক। রক্ষা কর—তোমার মুখ বন্ধ হইলে বাঁচি। আমি ভুল বুঝিয়াছিলাম—হরকুমারবাবু বোধ হয় শান্তিতে আছেন, এ-রকম স্বেযোগ তাঁর সর্বদা ঘটে না।

কুড়ানি আরাম পাইয়া বখন চোখ খুলিল, পটল কহিল—“তোব চোখ খোলাইবার জন্ত তোর বর যে আজ অনেকক্ষণ ধরিয়া তোকে পায়ে ধরিয়া সাধিয়াছে—আজ তাই বুঝি এত দেরি করিলি! ছি ছি, ওঁর পায়ের ধূলা নে!”

কুড়ানি কর্তব্যবোধে তৎক্ষণাৎ গভীরভাবে যতীনের পায়ের ধূলা লইল। যতীন দ্রুতপদে ঘর হইতে চলিয়া গেল।

তাহার পরদিন হইতে যতীনের উপরে রীতিমত উপদ্রব আরম্ভ হইল। যতীন থাইতে বসিয়াছে, এমন-সময় কুড়ানি আসিয়া অন্নানবদনে পাখা দিয়া তাহার মাছি তাড়াইতে প্রবৃত্ত হইল। যতীন বাস্ত হইয়া বসিয়া উঠিল, “থাক

থাক, কাজ নাই।” কুড়ানি এই নিষেধে বিন্মিত হইয়া মুখ ফিরাইয়া পশ্চাদ্ভর্তী ঘরের দিকে একবার চাহিয়া দেখিল—তাহার পরে আবার পুনশ্চ পাখা দোলাইতে লাগিল। যতীন অন্তরালবর্তিনীর উদ্দেশে বলিয়া উঠিল—“পটল, তুমি যদি এমন করিয়া আমাকে জ্বালাও, তবে আমি খাইব না—আমি এই উঠিলাম।”

বলিয়া, উঠিবার উপক্রম করিতেই কুড়ানি পাখা ফেলিয়া দিল। যতীন বালিকার বুদ্ধিহীন মুখে তীব্র বেদনার রেখা দেখিতে পাইল; তৎক্ষণাৎ অম্লতপ্ত হইয়া সে পুনর্বার বলিয়া পড়িল। কুড়ানি যে কিছু বোঝে না, সে যে লজ্জা পায় না, বেদনাবোধ করে না, এ-কথা যতীনও বিশ্বাস করিতে আরম্ভ করিয়াছিল। আজ চকিতের মধ্যে দেখিল, সকল নিয়মেরই ব্যতিক্রম কখন হঠাৎ ঘটে, আগে হইতে তাহা কেহই বলিতে পারে না! কুড়ানি পাখা ফেলিয়া দিয়া চলিয়া গেল।

পরদিন সকালে যতীন বারান্দায় বসিয়া আছে—গাছপালার মধ্যে কোকিল অত্যন্ত ডাকাডাকি আরম্ভ করিয়াছে—আমের বোলের গন্ধে বাতাস ভারাক্রান্ত—এমন-সময় সে দেখিল, কুড়ানি চায়ের পেয়ালা হাতে লইয়া যেন একটু ইতস্তত করিতেছে। তাহার হরিণের মতো চক্ষে একটা স্কন্ধ ভয় ছিল—সে চা লইয়া গেলে যতীন বিরক্ত হইবে কি না, ইহা যেন সে বুঝিয়া উঠিতে পারিতেছিল না। যতীন ব্যথিত হইয়া উঠিয়া অগ্রসর হইয়া তাহার হাত হইতে পেয়ালা লইল। এই মানবজন্মের হরিণশিশুটিকে তুচ্ছ কারণে কি বেদনা দেওয়া যায়? যতীন যেমনি পেয়ালা লইল, অমনি দোখল, বারান্দার অপর প্রান্তে পটল সহসা আবির্ভূত হইয়া নিঃশব্দহস্তে যতীনকে কিল দেখাইল, ভাবটা এই যে, কেমন ধরা পড়িয়াছ!

সেইদিন সন্ধ্যার সময় যতীন একখানি ডাক্তারি কাগজ পড়িতেছিল, এমন-সময় ফুলের গন্ধে চকিত হইয়া উঠিয়া দেখিল, কুড়ানি বকুলের মালা-হাতে ঘরের মধ্যে প্রবেশ করিল। যতীন মনে মনে কহিল, “বড়ই বাড়াবাড়ি হইতেছে—পটলের এই নিষ্ঠুর আমোদে আর প্রশ্রয় দেওয়া উচিত হয় না।” কুড়ানিকে বলিল, “ছিছি কুড়ানি, তোমাকে লইয়া তোমার দিদি আমোদ করিতেছেন, তুমি বুঝিতে পার না।”

কথা শেষ করিতে না করিতেই কুড়ানি দ্রুত-সঙ্কুচিত-ভাবে প্রস্থানের উপক্রম করিল। যতীন তখন তাড়াতাড়ি তাহাকে ডাকিয়া কহিল—“কুড়ানি দেখি তোমার মালা দেখি।” বলিয়া মালাটি তাহার হাত হইতে লইল। কুড়ানির মুখে একটি আনন্দের উজ্জলতা ফুটিয়া উঠিল অন্তরাল হইতে সেই মুহূর্তে একটি উচ্চহাসের উচ্ছ্বাসধ্বনি শুনা গেল।

পরদিন সকালে উপদ্রব করিবার জন্য পটল যতীনের ঘরে গিয়া দেখিল, ঘর শূন্য। একখানি কাগজে কেবল লেখা আছে—“পালাইলাম। শ্রীযতীন।”

“ও কুড়ানি, তোর বর যে পালাইল! তাহাকে রাখিতে পারিলি নে!” বলিয়া কুড়ানির বেগী ধরিয়া নাড়া দিয়া পটল ঘরকন্নার কাজে চলিয়া গেল।

কথাটা বুঝিতে কুড়ানির একটু সময় গেল। সে ছবির মত দাঁড়াইয়া স্থির-দৃষ্টিতে সম্মুখে চাহিয়া রহিল। তাহার পর ধীরে ধীরে যতীনের ঘরে আসিয়া দেখিল, তাহার ঘর খালি। তা’র পূর্বসঙ্কল্প উপহারের মালাটা টেবিলের উপর পড়িয়া আছে।

বসন্তের প্রাতঃকালটি শিথিলসুন্দর—রৌদ্রটি কম্পিত কৃষ্ণচূড়ার শাখার ভিতর দিয়া ছায়ার সহিত মিশিয়া বারান্দার উপর আসিয়া পড়িয়াছে। কাঠবিড়ালি ল্যাজ পিঠে তুলিয়া ছুটাছুটি করিতেছে এবং সকল পাখী মিলিয়া নানাস্বরে গান গাহিয়া তাহাদের বক্তব্য বিষয় কিছুতেই শেষ করিতে পারিতেছে না। পৃথিবীর এই কোণটুকুতে, এই খানিকটা ঘনপল্লব, ছায়া এবং রৌদ্ররচিত জগৎখণ্ডের মধ্যে প্রাণের আনন্দ ফুটিয়া উঠিতেছিল; তাহারই মাঝখানে ঐ বুদ্ধিহীন বালিকা তাহার জীবনের, তাহার চারিদিকের, সমস্ত কোনো অর্থ বুঝিয়া উঠিতে পারিতেছিল না। সমস্তই কঠিন প্রহেলিকা! কি হইল, কেন এমন হইল, তা’র পরে এই প্রভাত, এই গৃহ, এই বাহ্যিক সমস্তই এমন একেবারে শূন্য হইয়া গেল কেন? বাহার বুঝিবার সামর্থ্য অল্প, তাহাকে হঠাৎ একদিন নিজ হৃদয়ের এই অতল বেদনার রহস্যগর্ভে কোনো প্রদীপ হাতে না দিয়া কে নামাইয়া দিল? জগতের এই সহজ-উচ্ছ্বসিত প্রাণের রাজ্যে, এই গাছপালা মৃগপক্ষীর আশ্রয়স্থিত কলরব মধ্যে কে তাহাকে আবার টানিয়া তুলিতে পারিবে?

পটল ঘরকন্নার কাজ সারিয়া কুড়ানির সন্ধান লইতে আসিয়া দেখিল, সে যতীনের পরিত্যক্ত ঘরে তাহার খাটের খুরা ধরিয়া মাটিতে পড়িয়া আছে—শূন্য

শয্যাটাকে যেন পারে ধরিয়া সাধিতেছে। তাহার বৃকের ভিতরে যে একটি সুধার পাত্র লুকানো ছিল, সেইটে যেন শূন্যতার চরণে বৃথা আঁখাসে উপড় করিয়া ঢালিয়া দিতেছে—ভূমিতেলে পুঞ্জীভূত সেই স্বলিতকেশা লুপ্তিবদনা নারী, যেন নীরব একাগ্রতার ভাষায় বলিতেছে,—‘লও, লও, আমাকে লও!’ ওগো, আমাকে লও!’

পটল বিস্মিত হইয়া কহিল—“ও কি হইতেছে কুড়ানি!”

কুড়ানি উঠিল না,—সে যেমন পড়িয়াছিল, তেমনি পড়িয়া রহিল। পটল কাছে আসিয়া তাহাকে স্পর্শ করিতেই সে উচ্ছ্বসিত হইয়া কুলিয়া-কুলিয়া কাদিতে লাগিল।

পটল তখন চকিত হইয়া বলিয়া উঠিল, “ও পোড়ার মুখি, সর্বনাশ করিয়াছিস্! মরিয়াছিস্!”

হরকুমারকে পটল কুড়ানির অবস্থা জানাইয়া কহিল—“একি বিপদ ঘটিল! তুমি কি করিতেছিলে, তুমি আমাকে কেন বারণ করিলে না?”

হরকুমার কহিল—“তোমাকে বারণ করা যে আমার কোনোকালে অভ্যাস নাই। বারণ করিলেই কি ফল পাওয়া যাইত?”

পটল। তুমি কেমন স্বামী? আমি যদি ভুল করি, তুমি আমাকে জোর করিয়া থামাইতে পার না? আমাকে তুমি এ খেলা খেলিতে দিলে কেন?

এই বলিয়া সে ছুটিয়া গিয়া ভূপতিতা বালিকার গলা জড়াইয়া ধরিয়া কহিল—“লক্ষ্মী বোনু আমার, তোর কি বলিবার আছে, আমাকে খুলিয়া বল!”

হায়, কুড়ানির এমন কি ভাষা আছে যে, আপনার হৃদয়ের অব্যক্ত রহস্য সে কথা দিয়া বলিতে পারে! সে একটি অনির্কচনীয় বেদনার উপর তাহার সমস্ত বুক দিয়া চাপিয়া পড়িয়া আছে—সে-বেদনাটা কি, জগতে এমন আর কাহারো হয় কি না, তাহাকে লোকে কি বলিয়া থাকে, কুড়ানি তাহার কিছুই জানে না। সে কেবল কান্না দিয়া বলিতে পারে; মনের কথা জানাইবার তাহার আর কোনো উপায় নাই।

পটল কহিল, “কুড়ানি, তোর দিদি বড় দুঃস্থ—কিন্তু তা’র কথা যে তুই এমন করিয়া বিশ্বাস করবি, তা সে কখনো মনেও করে নি। তা’র কথা কেহ কখনো

বিশ্বাস করে না—তুই এমন ভুল কেন করিলি? কুড়ানি, একবার মুখ তুলিয়া তোর দিদির মুখের দিকে চা'—তা'কে মাশ কন্ন!"

কিন্তু কুড়ানির মন তখন বিষ্ময় হইয়া গিয়াছিল—সে কোনোমতেই পটলের মুখের দিকে চাহিতে পারিল না—সে আরো জোর করিয়া হাতের মধ্যে মাথা গুঁজিয়া রহিল। সে ভালো করিয়া সমস্ত কথা না বুঝিয়াও একপ্রকার মুঢ়ভাবে পটলের প্রতি রাগ করিয়াছিল। পটল তখন ধীরে ধীরে বাহুপাশ খুলিয়া লইয়া উঠিয়া গেল—এবং জানালার ধারে পাথরের মূর্তির মত স্তব্ধভাবে দাঁড়াইয়া ফাস্তনের রৌদ্রচিকণ সুপারীগাছের পল্লবশ্রেণীর দিকে চাহিয়া পটলের দুই চক্ষু দিয়া জল পড়িতে লাগিল।

পরদিন কুড়ানির আর দেখা পাওয়া গেল না। পটল তাহাকে আদর করিয়া ভালো ভালো গহনা এবং কাপড় দিয়া সাজাইত। নিজে সে এলোমেলো ছিল—নিজের সাজসম্বন্ধে তাহার কোনো যত্ন ছিল না, কিন্তু সাজগোজের সমস্ত সখ কুড়ানির উপর দিয়াই সে মিটাইয়া লইত। বহুকালসঞ্চিত সেই সমস্ত বসনভূষণ কুড়ানির ঘরের মেজের উপর পড়িয়া আছে। তাহার হাতের বালাচুড়ি, নানাগ্রের লবঙ্গফুলটি পর্যন্ত সে খুলিয়া ফেলিয়া গিয়াছে। তাহার পটলদিদির এতদিনের সমস্ত আদর সে যেন গা হইতে মুছিয়া ফেলিবার চেষ্টা করিয়াছে!

হরকুমারবাবু কুড়ানির সন্ধানে পুলিশে খবর দিলেন। সেবারে প্লেগ্‌দমনের বিভীষিকায় এত লোক এত দিকে পলায়ন করিতেছিল যে, সেই সকল পলাতকদের মধ্য হইতে একটি বিশেষ লোককে বাছিয়া লওয়া পুলিশের পক্ষে শক্ত হইল। হরকুমারবাবু দুইচারিবার ভুল লোকের সন্ধানে অনেক দুঃখ এবং লজ্জা পাইয়া কুড়ানির আশা পরিত্যাগ করিলেন। অজ্ঞাতের কোল হইতে তাঁহারা যাহাকে পাইয়াছিলেন, অজ্ঞাতের কোলের মধ্যেই সে আবার লুকাইয়া পড়িল।

যতীন বিশেষ চেষ্টা করিয়া সেবার প্লেগ হাঁসপাতালে ডাক্তারি-পদ গ্রহণ করিয়াছিল। একদিন ছপুরবেলায় বাসায় আহার সারিয়া হাঁসপাতালে আসিয়া সে শুনিল—হাঁসপাতালের স্ত্রী-বিভাগে একটি নূতন রোগিনী আসিয়াছে। পুলিশ তাহাকে পথ হইতে কুড়াইয়া আনিয়াছে।

যতীন তাহাকে দেখিতে গেল। মেয়েটির মুখের অধিকাংশ চাদরে ঢাকা ছিল। যতীন প্রথমেই তাহার হাত তুলিয়া লইয়া নাড়ি দেখিল। নাড়িতে অর অধিক নাই, কিন্তু দুর্বলতা অত্যন্ত। তখন পরীক্ষার জন্ত মুখের চাদর সরাইয়া দেখিল, সেই কুড়ানি।

ইতিমধ্যে পটলের কাছ হইতে যতীন কুড়ানির সমস্ত বিবরণ জানিয়াছিল। অব্যক্ত হৃদয়ভাবের দ্বারা ছায়াচ্ছন্ন তাহার সেই হরিণচক্ষু-চুটি কাজের অবকাশে যতীনের ধ্যানদৃষ্টির উপরে কেবলি অশ্রুহীন কাতরতা বিকীর্ণ করিয়াছে। আজ সেটো স্নেহগনিমীলিত চক্ষুর সুদীর্ঘ পল্লব কুড়ানির শীর্ণ কপোলের উপরে কাগিমার রেখা টানিয়াছে—দেখিবামাত্র যতীনের বুকের ভিতরটা হঠাৎ কে যেন চাপিয়া ধরিল। এই একটি মেয়েকে বিধাতা এত গড়ে ফুলের মত স্নেহময় করিয়া গড়িয়া ত্রুষ্কি হইতে মারীর মধ্যে ভাসাইয়া দিগেন কেন? আজ এই যে পেলব প্রাণটি ক্লিষ্ট হইয়া বিছানার উপরে পড়িয়া আছে, ইহার এই অল্প কয়দিনের আয়ুর মধ্যে এত বিপদের আবাত, এত বেদনার ভার সহিল কি করিয়া, ধরিল কোথায়? যতীনই বা ইহার জীবনের মাঝখানে তৃতীয় আর একটি সঙ্কটের মত কোথা হইতে আসিয়া জড়াইয়া পড়িল? বৃদ্ধ দীর্ঘনিশ্বাস যতীনের রুদ্ধধারে আঘাত করিতে লাগিল—কিন্তু সেই আঘাতের তাড়নায় তাহার হৃদয়ের তাহা একটা স্নেহের মীড়ও বাজিয়া উঠিল। যে ভালবাসা জগতে দুর্লভ, যতীন তাহা না চাহিতেই ফাস্কনের একটি সন্ধ্যাছে একটি পূর্ণ-বিকশিত মাধবীমঞ্জরীর মত অকস্মাৎ তা'র পায়ের কাছে আপনি আসিয়া খসিয়া পড়িয়াছে। যে ভালবাসা এমন করিয়া মৃত্যুর দ্বার পর্যন্ত আসিয়া মুচ্ছিত হইয়া পড়ে, পৃথিবীতে কোন্ লোক সেই দেবভোগ্য নৈবেদ্যলাভের অধিকারী?

যতীন কুড়ানির পাশে বসিয়া তাহাকে অল্প অল্প গরম দুধ খাওয়াইয়া দিতে লাগিল। থাইতে থাইতে অনেকক্ষণ পরে সে দীর্ঘনিশ্বাস ফেলিয়া চোখ মেলিল! যতীনের মুখের দিকে চাহিয়া তাহাকে সুদূর স্বপ্নের মত যেন মনে করিয়া লইতে চেষ্টা করিল। যতীন যখন তাহার কপালে হাত রাখিয়া একটুখানি নাড়া দিয়া কহিল—“কুড়ানি”—তখন তাহার অজ্ঞানের শেষ ঘোরটুকু হঠাৎ ভাঙিয়া গেল—যতীনকে সে চিনিলা এবং তখনি তাহার চোখের উপরে বাষ্পকামল আর একটি মোহের আবরণ পড়িল। প্রথম মেঘসমাগমে স্নগস্তীর আঘাতের

আকাশের মত কুড়ানির কালোচোখটির উপর একটি যেন সুদূরব্যাপী সজলসিঙ্কতা ঘনাইয়া আসিল।

যতীন সন্ধ্যা যত্নের স্বরে কহিল, “কুড়ানি, এই ছুটুকু শেষ করিয়া ফেল!”

কুড়ানি একটু উঠিয়া বসিয়া পেয়ালার উপর হইতে যতীনের মুখে স্থিরদৃষ্টিতে চাহিয়া সেই ছুটুকু ধীরে ধীরে খাইয়া ফেলিল।

হাস্পাতালের ডাক্তার একটিমাত্র রোগীর পাশে সমস্তক্ষণ বসিয়া থাকিলে কাজও চলে না, দেখিতেও ভালো হয় না। অতএব কর্তব্য সারিবার জন্ত যতীন যখন উঠিল, তখন ভয়ে ও নৈরাশ্রে কুড়ানির চোখ-জুটি ব্যাকুল হইয়া পড়িল। যতীন তাহার হাত ধরিয়া তাহাকে আশ্বাস দিয়া কহিল, “আমি আবার এখনি আসিব কুড়ানি, তোমার কোনো ভয় নাই!”

যতীন কর্তৃপক্ষদিগকে জানাইল যে, এই, নূতন আনীত রোগিণীর প্লেগ হয় নাই—সে না খাইয়া দুর্বল হইয়া পড়িয়াছে। এখানে অত্র প্লেগরোগীর সঙ্গে থাকিলে তাহার পক্ষে বিপদ ঘটতে পারে।

বিশেষ চেষ্টা করিয়া যতীন কুড়ানীকে অতএব লইয়া যাইবার অনুমতি লাভ করিল এবং নিজের বাসায় লইয়া গেল। পটলকে সমস্ত খবর দিয়া একখানি চিঠিও লিখিয়া দিল।

সেইদিন সন্ধ্যার সময় রোগী এবং চিকিৎসক ছাড়া ঘরে আর কেহ ছিল না। শিয়রের কাছে রঙীন কাগজের আবরণে ঘেরা একটি কেরোসিন ল্যাম্প ছায়াচ্ছন্ন মৃদু আলোক বিকীর্ণ করিতেছিল—ত্র্যাকেটের উপরে একটা ঘড়ি নিতরুণ-বরে টিক্‌টিক্‌-শব্দে দোলক দোলাইতেছিল।

যতীন কুড়ানির কপালে হাত দিয়া কহিল, “তুমি কেমন বোধ করিতেছ? কুড়ানি?”

কুড়ানি তাহার কোনো উত্তর না করিয়া যতীনের হাতটি আপনার কপালেই চাপিয়া রাখিয়া দিল।

যতীন আবার জিজ্ঞাসা করিল—“ভালো বোধ হইতেছে?”

কুড়ানি একটুখানি চোখ বুজিয়া কহিল—“হ্যাঁ!”

যতীন জিজ্ঞাসা করিল, “তোমার গলায় এটা কি কুড়ানি?”

কুড়ানি তাড়াতাড়ি কাপড়টা টানিয়া তাহা ঢাকিবার চেষ্টা করিল। যতীন

দেখিল, সে একগাছি শুকনো বকুলের মালা। তখন তাহার মনে পড়িল, সে মালাটা কি! ঘড়ির টিক্‌টিক্‌ শব্দের মধ্যে যতীন চূপ্‌ করিয়া বসিয়া ভাবিতে লাগিল। কুড়ানির এই প্রথম লুকাইবার চেষ্টা—নিজের হৃদয়ের ভাব গোপন করিবার এই তাহার প্রথম প্রয়াস। কুড়ানি যুগশিশু ছিল, সে কখন হৃদয়ভারাতুরা যুবতী নারী হইয়া উঠিল! কোন্‌ রোদ্দের আলোকে—কোন্‌ রোদ্দের উত্তাপে তাহার বুদ্ধির উপরকার সমস্ত কুয়াসা কাটিয়া গিয়া তাহার লজ্জা, তাহার শঙ্কা, তাহার বেদনা এমন হঠাৎ প্রকাশিত হইয়া পড়িল!

রাত্রি দুটা-আড়াইটার সময় যতীন চৌকিতে বসিয়াই ঘুমাইয়া পড়িয়াছে। হঠাৎ দ্বার-খোলার শব্দে চমকিয়া উঠিয়া দেখিল, পটল এবং হরকুমারবাবু এক বড় ব্যাগ হাতে ঘরের মধ্যে প্রবেশ করিলেন।

হরকুমার কহিলেন—“তোমার চিঠি পাইয়া কাল সকালে আসিব বলিয়া বিছানায় শুইলাম। অর্দ্ধেক রাত্রে পটল কহিল, ‘ওগো কাল সকালে গেলে কুড়ানিকে দেখিতে পাইব না—আমাকে এখনি যাইতে হইবে।’ পটলকে কিছুতেই বুঝাইয়া রাখা গেল না—তখনি একটা গাড়ি করিয়া বাহির হইয়া পড়িয়াছি।”

পটল হরকুমারকে কহিল, “চল, তুমি যতীনের বিছানায় শোবে চল।”

হরকুমার ঈষৎ আপত্তির আড়ম্বর করিয়া যতীনের ঘরে গিয়া শুইয়া পড়িলেন, তাহার নিজা যাইতেও দেরী হইল না।

পটল ফিরিয়া আসিয়া যতীনকে ঘরের এক কোণে ডাকিয়া জিজ্ঞাসা করিল, “আশা আছে?”

যতীন কুড়ানির কাছে আসিয়া তাহার নাড়ি দেখিয়া মাথা নাড়িয়া ইঙ্গিতে জানাইল যে আশা নাই।

পটল কুড়ানির কাছে আপনাকে প্রকাশ না করিয়া যতীনকে আড়ালে লইয়া কহিল—“যতীন, সত্য বল, তুমি কি কুড়ানিকে ভালবাস না?”

যতীন পটলকে কোনো উত্তর না দিয়া কুড়ানির বিছানার পাশে আসিয়া বসিল। তাহার হাত চাপিয়া ধরিয়া নাড়া দিয়া কহিল—“কুড়ানি, কুড়ানি!”

কুড়ানি চোখ মেলিয়া মুখে একটি শাস্ত্রমধুর হাসির আভাসমাত্র আনিয়া কহিল—“কি দাদাবাবু?”

যতীন কহিল—“কুড়ানি, তোমার এই মালাটি আমার গলায় পরাইয়া দাও!”

কুড়ানি অনিমেষ অবুঝ চোখে যতীনের মুখের দিকে তাকাইয়া রহিল।

যতীন কহিল—“তোমার মালা আমাকে দিবে না?”

যতীনের এই আদরের প্রশ্নটুকু পাইয়া কুড়ানির মনে পূর্বকৃত অনাদরের একটুখানি অভিমান জাগিয়া উঠিল। সে কহিল—“কি হবে দাদাবাবু!”

যতীন ছুইহাতে তাহার হাত লইয়া কহিল, “আমি তোমাকে ভালবাসি কুড়ানি!”

শুনিয়া ক্ষণকালের জন্তে কুড়ানি স্তব্ধ রহিল—তাহার পরে তাহার দুই চক্ষু দিয়া অজস্র জল পড়িতে লাগিল। যতীন বিছানার পাশে নামিয়া হাঁটু গাড়িয়া বসিল, কুড়ানির হাতের কাছে মাথা নত করিয়া রাখিল। কুড়ানি গলা হইতে মালা খুলিয়া যতীনের গলায় পরাইয়া দিল।

তখন পটল তাহার কাছে আসিয়া ডাকিল, “কুড়ানি!”

কুড়ানি তাহার শীর্ণ মুখ উজ্জ্বল করিয়া কহিল—“কি দিদি!”

পটল তাহার কাছে আসিয়া তাহার হাত ধরিয়া কহিল—“আমার উপর শোর আর কোনো রাগ নাই বোন্?”

কুড়ানি স্নিগ্ধকোমলদৃষ্টিতে কহিল—“না দিদি!”

পটল কহিল, “যতীন একবার তুমি ও-ঘরে যাও!”

যতীন পাশের ঘরে গেলে পটল ব্যাগ্ খুলিয়া কুড়ানির সমস্ত কাপড়-গহনা তাহার মধ্য হইতে বাহির করিল। রোগিণীকে অধিক নাড়াচাড়া না করিয়া একখানা বেনারসি শাড়ি সন্তুর্ণণে তাহার মলিন বস্ত্রের উপর জড়াইয়া দিল। পরে একে একে এক একগাছি চুড়ি তাহার হাতে দিয়া দুই হাতে দুই বালা পরাইয়া দিল। তার পরে ডাকিল—“যতীন!”

যতীন আসিতেই তাহাকে বিছানায় বসাইয়া পটল তাহার হাতে কুড়ানির একছড়া সোনার হার দিল। যতীন সেই হারছড়াটি লইয়া আস্তে আস্তে কুড়ানির মাথা তুলিয়া ধরিয়া তাহাকে পরাইয়া দিল।

ভোরের আলো যখন কুড়ানির মুখের উপরে আসিয়া পড়িল, তখন সে আলো সে আর দেখিল না! 'তাহার অন্নান মুখকান্তি দেখিয়া মনে হইল, মরে নাই—কিন্তু সে যেন একটি অতলম্পর্শ স্নেহস্বপ্নের মধ্যে নিমগ্ন হইয়া গেছে।

যখন মৃতদেহ লইয়া যাইবার সময় হইল, তখন পটল কুড়ানির বুকের উপরে পড়িয়া কাদিতে কাদিতে কহিল, "বোন, তোর ভাগ্য ভালো! জীবনের চেয়ে তোর মরণ সুখের।"

যতীন কুড়ানির সেই শাস্ত্রসিদ্ধ মৃত্যুচ্ছবির দিকে চাহিয়া ভাবিতে লাগিল—
বাহার ধন তিনিই নিলেন, আমাকেও বঞ্চিত করিলেন না।"

[১৩০২—]

Ames' Library
Oct 11 1917